



四庫全書存目叢書編纂委員會編

齊魯書社

# 四庫全書存目叢書

子部  
第二一三冊





魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB59/09

四庫全書存目叢書·子部二一三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經二路勝利大街)

廣東勝裝印務有限公司印製

887×1092毫米 16開本 47.625印張

1995年9月第1版 1995年9月第1次印刷

印數 5000

ISBN 7-5333-0478-0

Z·27 子部定價：78300 圓

# 子部第二一三冊目次

## 子部・類書類

詩雋類函一百五十卷(三)

〔明〕俞安期輯 梅鼎祚增定  
山東省圖書館藏明萬曆三十七年自刻本

.....一

詩雋類函一百五十卷(三)

〔明〕俞安期輯 梅鼎祚增定

山東省圖書館藏明萬曆三十七年自刻本

附《四庫全書總目·詩雋類函

一百五十卷》提要

詩雋類函卷一百一

東吳俞安期彙纂 宣城梅鼎祚增定

新都吳惟明訂校

人部四十三

待候 問訊 招致 逢遇 得音

○待候

南樓中望所遲客

宋謝靈運

杳杳日西頽漫漫長路迫登樓爲誰思臨江遲來客

與我別所期期在三五夕圓景早已滿佳人殊五臣作舊

未適卽事怨睽攜感物方悽感孟夏非長夜晦明如

歲隔瑤華不堪折蘭若已屢摘路阻莫贈問云何慰

人部

卷一百一

待候

離析搔首訪人行引領冀良覲

郭桐廬出谿口見候余旣未至郭仍進村維舟

久之郭生方至

梁任昉

朝發富春渚蓄意忍相思詠令行春返冠蓋溢川坻

望久方來萃悲歡不自持滄江路窮此湍險方自茲

疊嶂易成響重以夜猿悲客心幸自弭中道遇心期

親好自斯絕孤遊從此辭

迎柳吳興道中

梁吳均

團團日西靡客念已蹉跎長風倒危葉輕練網寒波

白雲光彩麗青松意氣多所言飽恩德念我北山蘿



灞橋待李將軍

唐長孫無忌

颯颯風葉下遙遙煙景曛霸陵無醉尉誰滯李將軍

見南山夕陽召監師不至

唐宋之問

夕陽黯黯暮山翠互明滅此中意無限要與開士說  
徒鬱仲舉思詎迴道林轍孤興欲待誰待此湖上月

使往天平軍馬約與陳子昂新鄉爲期及還而

不相遇

唐宋之問

入衛期之子吁嗟不少留情人去何處淇水日悠悠

恒碣青雲斷衡漳白露秋知君心許國不是愛封侯

先是新昌小園期京兆尹一訪兼郎官數子自

人部

卷一百一

待候

項沈痾年復一年茲願不果率然成章

唐蘇頌

獨好中林隱先期上月春閑花傍戶落喧鳥逼簷馴

寂寞東陂叟傳呼北里人在山琴易調開甕酒歸醇

佇望應三接彌留忽幾旬不疑丹火變空負綠條新

鬬蟻聞常日歌龍值此辰其如衆君子嘉會阻清塵

朝邑蔡主簿期不會二首

唐儲光義

下位日趨走久之賓會疎空遲偶詞賦所愧比園廬

朝念池上酌暮逢林下書方將固封守暫欲混畋漁

衰柳隱長路秋雲滿太虛遙遙望左右日入未迴車

二

日入清風至知君在西偏車輿旣成列賓僕復能賢

迢遞下墟坂逍遙看井田蒼山起暮雨極浦浮長煙

服義大如志交歡數盡年寧言十餘里不見空來還

待儲光義不至

唐王維

重門朝啓起坐聽車聲要欲聞清珮方將出戶迎

晚鐘鳴上苑疎雨過春城了自不相顧臨堂空復情

遊精思觀貽王先生

唐孟浩然

出谷未亭午至家日已曛迴瞻山下路但見牛羊羣

樵子暗相失草蟲寒不聞衡門猶未掩佇立待夫君

人部

卷一百一

待候

宿業師山房待丁公不至

唐孟浩然

夕陽度西嶺羣壑倏已暝松月生夜涼風泉滿清聽

樵人歸欲盡煙鳥棲初定之子期宿來孤琴候蘿逕

期王山人陳七不至

唐孟浩然

搖艇候明發花源弄晚春在山懷綺季臨漢憶荀陳

上巳期三月浮杯興十旬坐歌空有待行樂恨無鄰

日晚蘭亭客煙花曲水濱浴蠶逢姹女采艾值幽人

石壁堪題序沙場好解神羣公望不至虛擲此芳辰

號州南池候嚴中丞不至

唐孟浩然

池上日相待知君殊未回徒教柳葉長漫使梨花開

驅馬去不見雙魚空往來相思不解說孤負舟中杯

龍門西峰曉望劉十八不至 唐李頎

春臺臨永路歧足望行子片片雲觸峰離離鳥渡水  
叢林遠山上露景雜花裏不見携手人下山採綠正

久雨期王將軍不至 唐杜甫

天雨瀟瀟滯茅屋空山無以慰幽獨銳頭將軍來何  
遲令我心中苦不足數看黃霧亂玄雲時聽嚴風折  
喬木泉源冷泠雜猿狖泥潭漠漠饑鴻鵠歲暮窮秋  
耿未已人生會面難再得憶爾腰下鐵絲箭射殺林  
中雪色鹿前者坐皮因問毛知子歷險人馬勞異獸

人部 卷一百一 四 待候

如飛星宿落應弦不礙蒼山高安得突騎只五千岸  
然眉骨皆爾曹走平亂世相催促一豁明主正鬱陶  
憶昔范增碎玉斗未使吳兵著白袍昏昏闔闔閉氛  
襪十月荆南雷怒號

渝州候嚴六侍御不到先下 唐杜甫

聞道乘驄發沙邊待至今不知雲雨散虛費短長吟  
山帶烏蠻隔江連白帝深船過一柱觀留眼共登臨  
西閣三度期大昌嚴明府同宿不到

唐杜甫

問子能來宿今疑索故要匣琴夜夜手板自朝朝

金吼霜鐘徹花催蠟炬銷早鳥江檻底雙影漫飄飄

奉待嚴大夫 唐杜甫

殊方又喜故人來重鎮還須濟世才常怪偏裨終日  
待不知旌節隔年回欲辭巴徼啼鴛合遠下荆門去  
鷓鴣身老時危思會向一生懷抱向誰開

東谿待蘇戶曹不至 唐張萬頃

洛陽城東伊水西千花萬竹使人迷臺上柳枝臨岸  
低門前荷葉與橋齊日暮待君君不見長風吹雨過  
青谿

登勝果寺南樓雨中望嚴 唐錢起

人部 卷一百一 五 待候

微雨侵晚陽連山半藏碧林端陟香榭雲外遲來客  
孤村凝片煙去水生遠白但佳川原趣不覺城池夕  
更喜眼中人清光漸咫尺

寄酬李博士永寧主簿叔廳見待

唐韋應物

解鞍先幾日欵曲見新詩定向公堂醉遙憐獨去時  
葉落寒雨落鐘度遠山遲晨策已云整當同林下期  
同德閣期元侍御李博士不至投贈二首

唐韋應物

庭樹忽已暗故人那來祗應厭煩暑永日坐霜臺

二

官榮多所繫閑居亦憊期高閣猶相望青山欲暮時

山中期吉中孚

唐李端中

行人路不同花落到山中水墮兼葭露月明楊柳風  
年華驚已擲志業颯然空何必龍鍾後方期事遠公

山中期張芬不至

唐李端中

古堤春草碧雙燕向西飛悵望雲天暮佳人何處歸  
藥欄蟲網遍苔井水痕稀誰道嵇康嬾山中自掩扉

合源谿期張計不至

唐李益中

霜露肅時序緬然方獨尋暗谿遲仙侶寒澗聞松禽

人部

卷一百一

六

待候

寂歷茲夜永清明秋序深微波澹澄夕煙景含虛林  
素志久淪否幽懷方自吟

善福精舍秋夜遲諸君

唐元稹中

廣庭獨閑步夜色方湛然丹閣已排雲皓月更一作正

高懸繁露降秋節蒼林鬱芊芊仰觀天氣涼高詠古

人篇撫已亮無庸結交賴羣賢屬予翹思時方子中

夜眠相去隔城闕佳期屢徂遷如何日夕待見月三

四圓

臺上遲客

唐元稹中

高臺一悄望一作望遠樹間朝暉但見東西騎坐令心

官違始霽郊園綠暮春啼鳥稀徒然對芳物何能獨  
醉歸

皇甫主簿期遊山不及赴

唐賈島中

休官匹馬在新意入山中更住應難遂前期恨不同  
集蟬苔樹僻留客雨堂空深夜誰相訪惟當清淨翁

夜期嘯客不至

唐賈島中

逸人期宿石牀中遣我閑扉對晚空不知何處嘯秋  
月閑著一作開松門一夜風

月夜期友人不至

唐許渾晚

坐待故人宿月華清興秋管絃誰處醉池館此時愁

人部

卷一百一

七

待候

風過渚蒲動露含山桂幽孤吟不可一作覺曙昨夜共  
登樓

秋晚與沈十七舍人期遊樊川不至

唐杜牧晚

邀侶以官解泛然成獨遊川光初媚日山色正矜秋  
野竹疎篁密巖泉咽復流村連涵水晚步見垂鉤

和李中丞醉中期王徵君月夜同遊漣水舊居

唐項斯晚

醉後情俱遠難忘素湓間照花深處月當戶舊時山  
事想同清話歡期一破顏風流還愛竹此夜尚思閑



題興善寺隋松院與人期不至 唐崔塗 晚

青青伊澗松移植在蓮宮  
鮮色前朝雨秋聲半夜風  
長閑應未得暫賞亦難同  
不及禪棲者相看老此中

集宿姚殿中宅期僧無可不至 唐馬戴 晚

殿中日內一作殿相命開樽話舊時  
餘鐘催鳥絕積雪阻僧期  
林靜寒光一作聲遠天陰曙色遲  
今夕復何夕人□去難追

期徐道者不至 唐羅隱 晚

遼鶴虛空語真鴻未易親  
偶然來即是必擬見無因  
霜散窮冬冷杯盤旅舍貧  
只應薊子訓醉後懶分身

人部

卷一百一

八

侍候

賦得臨江遲來客 唐公乘億 晚

江上晚沈沈煙波一望深  
向來殊未至何處擬相尋  
柳結重重眼萍翻寸寸心  
暮山期共眺寒渚待同臨  
北去魚無信南飛鴈絕音  
思君不可見使我獨愁吟

會友不至 唐成文幹 晚

王孫還是負佳期  
玉馬追遊日漸西  
獨上郊原人不見  
鷓鴣飛過落花谿

○問訊

在京思故園見鄉人問 唐王績 初

旅泊多年歲老去不知迴  
忽起門前客道發故鄉來

歛眉俱握手破涕共銜杯  
殷勤訪朋舊屈曲問童孩

衰宗多弟姪若箇賞池臺  
舊園今在否新樹也應栽  
柳行疎密布茅齋寬窄裁  
經移何處竹別種幾株梅  
渠當無絕水石計總生苔  
院果誰先熟林花那後開  
羈心祇欲問爲報不須猜  
行當驅下澤去翦故園萊

荅王無功思故園見鄉人問 唐朱仲晦 初

我從銅州來見子上京  
客問我故鄉事慰子羈旅色  
子問我所知我對子應識  
朋遊總強健童稚各長成  
華宗盛文史連牆富池亭  
獨子園最古舊林間新垌  
柳行隨堤勢茅齋看地形  
竹從去年移梅是今年榮

人部

卷一百一

九

問訊

問舟子 唐孟浩然 盛

渠水經夏響石苔終歲青  
院果早晚熟林花先後明  
語罷相歎息浩然起深情  
歸哉且五斗餉子東臯耕

向夕問舟子前程沒幾多  
灣頭正堪泊淮裏足風波

濟江問舟子 唐孟浩然 盛

潮落江平未有風輕舸共濟與君同時時引領望天末  
何處青山是越中

元次山居武昌之樊昌新春大雪以詩問之 唐孟彥深 盛

江山十日雪雪深江霧濃  
起來望樊山但見羣玉峰

林鶯却不語野獸翻有蹤山中應大寒短褐何以安一作皓氣凝書帳清著釣魚竿懷君欲進謁谿滑渡舟難

漫問相里黃州

唐元結盛

東鄰有漁父西鄰有山僧各問其情性變之俱不能  
公爲二千石我爲山海客志業豈不同今已殊名跡  
相里不相類相友且相異何況天下人而欲同其意  
人意苟不同分寸不相容漫問軒裳客何如耕釣翁  
崔十四宅問候

唐錢起中

曉日早鶯啼江城旅思迷微官同寄傲移疾阻招攜

卷一百一

十 問訊

人部 遼水閭閻內青山雉堞西王孫莫久卧春草欲萋萋

赴楚州次自田途中阻淺問張南史

唐劉長卿中

楚城今近遠積霰寒塘暮水淺舟且遲淮潮至何處  
早秋京口旅泊章侍御寄書相問因以贈之

唐李嘉祐中

移家避寇逐行舟厭見南徐江水流吳越征徭非舊  
日秣陵凋弊不宜秋千家閉戶無砧杵七夕何人望  
斗牛祗有同時驄馬在偏題尺牘問窮愁

山中崔大夫有書相問

唐秦系中

客在煙霞裏間間逐狎鷗終年常艱足連口半蓬頭  
帶月乘魚艇迎寒綻鹿裘已於人事少多被挂冠留  
素業堆千卷清風至一丘蒼黃倒藜杖偃僂覩銀鉤  
跡愧巢由隱才非管樂儔從來自多病不是傲王侯  
荅廣宣供奉問蘭陵居

唐李益中

居北有朝路居南無佳人勞師問家第山色是南鄰  
河南王尹初到以詩代書先問之

唐白居易中

別來王閣老三歲似須更鬢上斑多少杯前興有無  
官從分繁慢清莫問榮枯許入朱門不監典一病夫

卷一百一

十一 問訊

人部 問諸親友

唐白居易中

七十人難到過三更較稀占花租野寺定酒典朝衣  
趣醉晝多出食歡夜未歸不知親故口道我是耶非

問秋光

唐白居易中

殷卿領北鎮崔尹開南幕外事信爲榮中懷未必樂  
何如不才者兀兀無所作不引牕下琴卽舉池上酌  
淡交唯對水老伴無如鶴自適頗從容旁觀成淩落  
身心轉恬泰煙景彌淡薄迴首語秋光東來應不錯  
○招致

太一石鱗產口渾舊盧招王學士

唐岑參

驟雨鳴淅瀝颼颼谷寒碧潭千餘天下見蛟龍蟠  
石門吞衆流絕岬呀層巒幽趣倏萬變奇觀非一端  
偶逐干祿徒十年皆小官抱板尋舊圃弊廬臨汛湍  
君子滿清朝小人思挂冠釀酒漉松子引泉通竹竿  
何必濯滄浪不能釣嚴灘此地可遺老勸君來考槃

春興思南山舊廬招柳建征

唐岑參

終歲不得意春風今復來自憐蓬鬢改羞見梨花開  
西掖誠可戀南山思早回園廬幸接近相與歸蒿萊

郡齋南池招楊麟

唐岑參

人部

卷一百一

十二

招致

郡僻人事少雲山遮眼前偶從池上醉便向舟中眠  
與子居最近同官情又偏閑時耐相訪正有牀頭錢

高官谷口招鄭鄩

唐岑參

谷口來相訪空齋不見君澗花然暮雨潭樹暖春雲  
門徑稀人迹簷峰下鹿羣衣裳與枕席山雷碧氛氲

鄂渚招王昌齡張賁

唐常建

川嶺曠野中沙上飛黃雲天晦無精光茫茫悲遠君  
楚山隔湘水湖畔落日曛春鴈又北飛音書固難聞  
謫居未爲歎讒枉何由分午日逐蛟龍宜爲弔冤文  
翻覆古共然名宦安足云貧士任枯槁捕魚清江濱

有時荷鉏犁曠野自耕耘不然春山隱谿澗花氣

山鹿自有場賢達亦顧羣二賢歸去來世上徒紛紛

訓崔十五見招

唐李白

爾有鳥跡書相招琴谿飲手跡尺素中如天落雲錦  
讀能向空笑疑君在我前長吟字不滅懷袖且三年  
至陵陽山登天柱石訓韓侍御見招隱黃山

唐李白

韓衆騎白鹿西往華山中玉女千餘人相隨在雲空  
見我傳秘訣精誠與天通何意到陵陽游目送飛鴻  
天子昔避狄與君亦乘驄雍兵五陵下長策馭胡戎

人部

卷一百一

十三

招致

時泰解繡衣脫身若飛蓬鸞鳳翻羽翼啄粟坐樊籠  
海鶴一笑之思歸向遼東黃山過石柱巖嶠上攢叢  
因巢翠玉樹忽見浮丘公又引王子喬吹笙舞松風  
朗詠紫霞篇請開藥珠宮步綱繞碧落倚樹招青童  
何日可攜手遺形入無窮

對雨書懷走邀許主簿

唐杜甫

東嶽雲峰起溶溶滿太虛震雷翻暴燕驟雨落河魚  
座對賢人酒門聽長者車相邀愧泥潭騎馬到階除  
王十七侍御掄許攜酒至草堂奉寄此詩便請  
邀高使君同到

唐杜甫



老夫卧穩朝慵起白屋寒多暖始開江鷁巧當幽徑  
浴鄰雞還過短牆來繡衣屢許攜家醞皂蓋能忘折  
野梅戲假霜威促山簡須成一醉習池回

招孟武昌

唐元結

溫叟作退谷銘指曰干進之客不得遊之作杯湖  
銘指曰爲人厭者勿泛杯湖孟士源嘗黜官無情  
干進在武昌不爲人厭可遊退谷可泛杯湖故作  
詩招之

風霜枯萬物退谷如春時窮冬涸江海杯湖澄清漪  
湖盡到谷口單船近堦堦湖中更何好坐見大江水

人部

卷二百一

十四招致

欽石爲水涯半山在湖裏谷口更何好絕壑流寒泉  
松桂陰茅舍白雲生坐邊武昌不干進武昌人不厭  
退谷正可遊杯湖任來泛湖上有水鳥見人不飛鳴  
谷口有山獸往往隨人行莫將車馬來令我鳥獸驚

招陶別駕家陽華作

唐元結

海內厭兵革騷騷十二年陽華洞中人似不知亂焉  
誰能家此地終老可自全草堂背巖洞幾峰軒戶前  
清泉匝庭堂出門仍灌田半崖盤石徑高亭臨極顛  
引望見何處逶迤隴北川杉松幾萬株蒼蒼滿前山  
巖高曉華陽飛溜何潺潺洞深迷遠近但覺多洄淵

晝遊興未盡日暮不欲眠探燭飲洞中醉昏漱寒泉  
始知天下心耽愛各有偏陶家世高逸公忍不獨然  
無或畢婚嫁竟爲俗務牽

期盧高柱書稱日暮無馬不赴以詩答

唐韋應物

佳期不可失終願枉衡門南陌人猶度西林日未昏  
庭前空倚杖花裏獨留鐙莫道無來駕知君有短轅  
酬楊侍御寺中見招

唐皇甫冉

貧居依柳市閒步在蓮宮高閣宜春雨長廊好嘯風  
誠如雙樹下豈比一丘中

人部

卷二百一

十五招致

招王質夫

唐白居易

濯足雲水客折腰簪笏身誼閑跡相背十里別經旬  
忽因乘逸興莫惜訪羣塵牕前故栽竹與君爲主人  
夜招周協律兼答所贈

唐白居易

滿眼雖多客開眉復向誰少年非我伴秋夜與君期  
落魄俱耽酒殷勤共愛詩相憐別有意彼此老無兒

江樓夕望招客

唐白居易

海天東望夕茫茫山勢川形闕復長燈火萬家城四  
畔星河一道水中央風吹古木晴天雨月照平沙夏  
夜霜能就江樓銷暑否比君茅舍校清涼

東樓招客夜飲

唐白居易

莫辭數數醉東樓除醉無因破得愁唯有綠樽紅燭  
下暫時不似在忠州

林下招胡長官

唐朱慶餘

語低清貌似休糧稱著朱衣入草堂銷暑近來無別  
物桂陰當午滿繩牀

送李秀才赴盧荅州招

唐釋皎然

山開江上色孤賞去應遲綠水延吳榜秋風入楚辭  
猿清獨宿夜木落遠行時見說東陽守登樓爲爾期

再招潤卿

唐陸龜蒙

人部

卷一百一

十六

招致

遙知道侶談玄次又是文交麗事時雖是寒輕雲重  
日也留花簾待徐攜

○逢遇

送別於建興苑相逢

梁庾肩吾

相逢小苑北停車問苑中梅新雜柳故粉白映輪紅  
去影背斜日香衣臨上風雲流階漸黑水開池半通

去馬船難駐啼鳥曲未終眷然從此別車西馬復東

喜遇冀侍御珪崔司議泰之二使

并序

唐陳子昂

余獨坐一隅孤憤五蠹雖身在江海而心馳魏闕

歲時仲夏幽卧未起忽聞二星入井四牡臨亭遂

使者之車乃故人之駕隱几一笑把臂入林既聞

朝廷之樂復此琴樽之事山林幽寂鐘鼎舊遊語

默譚詠今復一得况北堂夜永西軒月微巴山有

望別之嗟洛陽無寄載之客江關離會三千餘里

名位寵辱一百年中歡娛何如日月其邁不爲目

前之賞以增別後之思蟋蟀笑人夫子何歎

謝病南山下幽卧不知春使星入東井云是故交親

惠風吹寶瑟微月憶清真憑軒一留醉江海寄情人

江上暫別蕭四劉三旋欣遇

唐陳子昂

人部

卷一百一

十七

逢遇

昨夜滄江別言垂天漢遊寧期此相遇尚接武陵洲  
結綬還逢有銜杯且對劉波潭一瀟瀟臨望幾悠悠

山水丹青雜煙雲紫翠浮終愧神仙友來接野人舟

秋夜遇王處士

唐王績

北場耘藿罷東臯刈黍歸相逢秋月滿更值夜螢飛

遊苑郡逢孔君自衛來欣然相遇若舊

唐駱賓王

遊人自衛返背客隔淮來傾蓋金蘭合忘筌玉葉開  
繁花明月柳疎檠落風梅將期重交態時慰不然灰

夜泊越州逢北使

唐沈佺期

大地降雷雨放逐還國都重以風潮事年月戒回艫  
容顏荒外老心想域中愚想泊在茲夜炎雲逐斗樞  
颺颺縈海若霹靂耿天吳鼉桴羣島失鯨吞衆流輪  
偶逢金華使握手淚相濡饑共噬齊棗眠共席秦蒲  
既北思攸濟將南瘠所圖往來固無咎何忽憚前桴

江中遇黃領子劉隆

唐張說

危石江中起孤雲嶺上還相逢皆得意何處是鄉關

洛陽客舍逢祖詠留宴

唐蔡希寂

綿綿鐘漏洛陽城客舍貧居絕送迎逢君貰酒因成  
醉醉後焉知世上情

人部

卷一百一

永嘉浦逢張子容

唐孟浩然

逆旅相逢處江村日暮時衆山遙對酒孤嶼共題詩  
解宇鄰鰲室人煙接島夷鄉園萬餘里失路一相悲

裴明府席遇張房

唐孟浩然

河縣柳林邊河橋晚泊船文叨才子會官喜故人憐  
笑語同今夕輕肥異往年晨風理歸棹吳楚各依然

宋中遇劉書記有別

唐高適

何代無秀士高門生此才森然覩毛髮若見江山來  
幾載困常調一朝時運催白身謁明主待詔登雲臺  
相逢梁宋間與我醉蒿萊寒楚渺千里雪天書不開

末路終別離不能強悲哀男兒爭富貴勸爾莫遲迴

遇冲和先生

唐高適

冲和生何代或謂遊東溟三命謁金殿一言拜銀青  
自云多方術往往通神靈萬乘親問道六宮無敢聽  
昔云限霄漢今來覩儀形頭戴鵝鳥冠手搖白鶴翎  
終日飲醇酒不醉復不醒猶憶雞鳴山每誦西昇經  
拊背念離別依然出戶庭莫見今如此曾爲一客星

宋中遇陳二

唐高適

常參鮑叔義所期王佐才如何守苦節獨此無良媒  
離別十年外飄飄千里來安知罷官後惟見柴門開

人部

卷一百一

十九

齊調

窮巷隱東郭高堂詠南陔離根長花草井口生莓苔  
伊昔望霄漢今倦蒿萊男兒命未達且進手中杯

逢謝偃

唐高適

紅顏創爲別白髮始相逢唯餘昔時慮無復舊時容

春遇南使貽趙知音

唐岑參

端居春心醉襟背思樹萱美人在南州爲爾歌北門  
北風吹煙物戴勝鳴中園枯楊長新條芳草滋舊根  
網絲結寶琴塵埃被空樽適遇江海信聊與南客論

稠桑驛喜逢嚴河南中丞

唐岑參

馴馬映花枝人人夾路窺離心且莫問春草自應知



不謂青雲客猶思紫禁時別君能幾日行取展成

逢入京使

唐岑參

故園東望路漫漫雙袖龍鐘淚不乾馬上相逢無紙筆憑君傳語報平安

中峰居喜見苗發

唐祖詠

自得中峰住深林亦閉關經秋無客到入夜有僧還  
暗澗泉聲小荒園樹影閒高牕不可望星月滿空山

若耶谿逢孔九

唐綦毋潛

相逢此谿曲勝託在煙霞潭影竹間動巖陰簷外斜  
人言上皇代犬吠武陵家借問淹留日春風滿若耶

人部

卷一百一

二十

逢遇

金陵江上遇蓬池隱者

唐李白

心愛名山遊身隨名山遠羅浮麻姑臺此去或未返  
遇君逢池隱就我石上飯空言不成歡強笑惜日晚  
綠水向鴈關黃雲蔽龍山歎息兩客鳥徘徊吳越間  
共語一執手留連夜將久解我紫綺裘且換金陵酒  
酒來笑復歌興酣樂事多水影弄月色清光奈愁何  
明晨挂帆席離恨滿滄波

登敬亭北二小山余時客逢崔御史並登此

唐李白

送客謝亭北逢君縱酒還  
屈盤戲白馬大笑上青山

迴鞭指長安西日落秦關帝鄉三千里杏在碧雲間

寄韋南陵水余江上乘興訪之遇尋顏尚書笑

有此贈

唐李白

南船正東風北船來自緩江上相逢借問君語笑未  
了風吹斷聞君攜妓訪情人應爲尚書不顧身堂上  
三千珠履客甕中百斛金陵春恨我阻此樂淹留楚  
江濱月色醉遠客山花開欲然春風狂殺人一日劇  
三年乘興嫌太遲焚却子猷船夢見五柳枝已堪挂  
馬鞭何日到彭澤長歌陶令前

見京兆韋參軍量移東陽

唐李白

人部

卷一百一

二十

逢遇

潮水還歸海流人却到吳相逢問愁苦泪盡日南珠

東魯見狄博通

唐李白

去年別我向何處有人傳道遊江東謂言挂席渡滄  
海却來應是無長風

湖城東遇孟雲卿復歸劉顥宅宿宴飲散因爲

醉歌

唐杜甫

疾風吹塵暗河縣行子隔手不相見湖城城南一開  
眼駐馬偶識雲卿面向非劉顥爲地主嬾廻鞭轡成  
高宴劉侯歡我攜客來置酒張燈促華饌且將欸曲  
終今夕休語艱難尚酣戰照室紅爐促曙光縈牕素

月垂文練天開地裂長安陷寒盡春生洛陽殿豈知  
驅車復同軌可惜刻漏隨箭人生會合不可常庭  
樹雞鳴淚如綫

逢唐興劉主簿第

唐杜甫

分手開元末連年絕尺書江山且相見戎馬未安居  
劔外宮人冷關中驛騎疎輕舟下吳會主簿意何如

鄭駙馬池臺喜遇鄭廣文

唐杜甫

不謂生戎馬何知共酒杯燃臍耶塢收握節漢臣回

白髮千莖雪丹心一十灰別離經死地披寫忽登臺

重對秦蕭發俱過阮宅來留連春夜舞淚落強徘徊

人部

卷一百一

二十三

江南逢李龜年

唐杜甫

岐王宅裏尋常見崔九堂前幾度聞正是江南好風

景落花時節又逢君

湖上遇鄭田

唐劉長卿

故人青雲器何意常窘迫三十猶布衣憐君頭已白

誰言此相見暫得話疇昔舊業今已蕪還鄉返爲客

扁舟伊獨往斗酒君自適滄洲

一作海

不可涯孤帆去

無跡杯中忽復醉湖上生月

一作新

魄湛湛江色寒濛

濛水雲多風波易迢遞千里如咫尺迴首人已遙南

看楚天隔

洞庭驛逢郴州使還寄李湯

唐劉長卿

洞庭秋水闊南望過衡峰遠客瀟湘裏歸人何處逢  
孤雲飛不定落葉去無蹤莫使滄浪叟長歌笑爾容

開元觀遇張侍御

唐錢起

碧落忘歸處佳期不厭逢晚涼生玉井新暑避煙松  
欲一作醉流霞酌還醒度竹鐘更憐琪樹下歷歷見

遙峰

大梁亭會李四栖梧作

唐韋應物

梁王昔愛才千古化不泯至今蓬池上遠集八方

人部

卷一百一

二十三

賓車馬平明合城郭滿埃塵逢君一相許豈要平生

親入仕三十載如何獨未伸英聲久籍籍臺閣多故

人置酒發清彈相與

一作將

樂佳辰孤亭得長望白日

下廣津富貴良可取

一作求

竭來西入秦秋風旦夕起

安得客梁陳

廣陵遇孟九雲卿

唐韋應物

雄藩本帝都遊士多俊賢夾河樹鬱鬱華館千里連

新知雖滿堂中意頗未宣忽逢翰林友歡樂斗酒前

高文激頽波四海靡不傳西施且一笑衆女安得妍

明月滿淮海哀鴻近長天所念京國遠我來君欲還

長安遇馮著

唐韋應物中

客從東方來衣上灞陵雨問客何爲來一作來采山  
因買斧其花正開一作滿颺颺燕新乳昨別今已春  
鬢絲生幾縷

白沙亭逢吳叟歌

唐韋應物中

龍池宮裏上皇時羅衫寶帶香風吹滿朝豪士今已  
盡欲話舊遊人不知白沙亭上逢吳叟愛客脫衣且  
沽酒問之執戟亦先朝零落艱難却負樵親觀文物  
蒙山露見我昔年侍丹霄冬狩春祠無一事歡遊洽  
人部

卷一百一

二十四

逢調

宴多頒賜嘗陪夕月竹宮齋每返溫泉灞陵醉星歲  
再周十二辰爾來不語今爲君盛時忽去良可恨一  
生坎壈何足云

月夜會徐十一草堂

唐韋應物中

空齋無一事岍憤故人期暫輟觀書夜還題翫月詩  
遠鐘高枕後清露卷簾時暗覺新秋近殘河欲曙遲  
路逢崔元二侍御避馬見招以詩戲贈

唐韋應物中

一臺稱二妙歸路望行塵俱是攀龍客空爲避馬人  
見招翻踟躕相問良殷勤日日吟趨府彈冠豈有因

揚州偶會前洛陽盧耿主簿

應物頃武洛陽  
常有連騎之遊

唐韋應物中

楚塞故人稀相逢本不期猶存袖裏字忽怪鬢中絲  
客舍盈樽酒江行滿篋詩更能連騎出還似洛橋時  
淮上喜會梁川故人

唐韋應物中

江漢曾爲客相逢每醉還浮雲一別後流水十年間  
歡笑情如舊蕭疎鬢已斑何因北一作歸去淮上對  
一作秋山

早春會王達主人

唐李端中

今年華鬢色半在故人中欲寫無窮恨先期一醉同  
人部

卷一百一

二十五

逢調

綠叢猶覆雪紅萼已凋風莫負歸山契君看陌上蓬  
江上喜逢司空文明

唐李端中

秦人江上見握手淚沾巾落日見秋草暮年逢故人  
非夫長作客多病淡謀身臺閣舊親友誰曾見苦辛  
逢王泌自東京至

唐李端中

逢君自鄉至雪涕問田園幾處生喬木誰家在舊村  
山峰橫二室水邑映千門愁見遊從處如今花正繁

長安逢故人

唐郎士元中

數年音信斷不意在長安馬上相逢久人中欲認難  
一官今懶道雙鬢竟羞看莫問生涯事只應持釣竿

宣城逢張二南史

唐耿漳中

全家宛陵客文雅世難逢  
寄食年將老干時計未從  
秋來句曲水雨後敬亭峰  
西北長安遠登臨恨幾重

客夜與故人偶集

唐戴叔倫中

天秋月又滿城闕夜千重  
還作江南會翻疑夢裏逢  
風枝驚暗鵲露草覆寒蛩  
羈旅常堪醉相留畏曉鐘

關口逢徐邁

唐盧綸中

廢寺連荒壘那知見子真  
關城夜有雪冰渡曉無人  
酒裏唯多病山中願作鄰  
常聞兄弟樂誰肯信家貧

雪謗後逢李叔度

唐盧綸中

人部

卷二百一

二十六

逢邁

相逢空握手往事不堪思  
見少情難盡愁深語自遲  
草生分路處雨散出山時  
強得寬離恨唯當說後期

號州逢侯釗同尋南觀因贈別

時居停務

唐盧綸中

相見翻惆悵應憐責廢官  
過深慙祿在識淺賴刑寬  
獨失耕農業同思弟姪歡  
衰貧羞客過卑卑會君難  
放鶴登雲壁澆花遶石壇  
興還江海上跡在是非端  
林密風聲細山高雨色寒  
悠然此中別賓僕亦闌干

塞上逢故人

唐王建中

百戰一身在相逢白髮生  
何時得鄉信每日算歸程

走馬登寒壘驅羊入廢城  
羌笛三兩曲人醉海西營

嶺外逢故人

唐張籍中

過嶺萬餘里旅遊經此稀  
相逢去家遠共說幾時歸  
海上見花發瘴中唯鳥飛  
炎州望鄉伴自識北人衣

逢賈島

唐張籍中

僧房逢著款冬花出寺行  
吟日已斜十二街中春雪  
遍馬蹄今去入誰家

逢張十八員外籍

唐白居易中

旅思正茫茫相逢此道傍  
晚嵐林葉闇秋露草花香  
白髮江城中青衫水部郎  
客亭同宿處忽似夜歸鄉

人部

卷二百一

二十七

逢邁

江南迴逢趙驩因送任十一赴交城主簿

唐崔峒中

江上長相憶因高北望看  
不知攜老幼何處度艱難  
屈指同人盡傷心故里殘  
遙憐驅匹馬白首到微官

喜逢鄭三遊山

唐盧仝中

相逢之處花茸茸石壁攢  
峰千萬重他日期君何處  
好寒流石上一株松

雲朔逢山友

唐張蠙晚

會回却生疑居然似夢歸  
塞深行客少家遠識人稀  
戰馬分旗收驚禽戛箭飛  
將軍雖異禮難便一作使便脫

巴中逢故人

唐項斯 晚

勞思空積歲，偶會更無由。以分難相舍，將行且暫留。  
路岐何處極，江峽伴猿愁。到此分南北，離懷豈易收。

荊州夜與友親遇

唐項斯 晚

山海兩分岐，停舟偶似期。別來何限意，相見却無辭。  
坐永神凝夢，愁繁鬢欲絲。趨名易遲晚，此去莫經時。

途中逢進士許巢

唐方干 晚

聲望去已遠，門人無不知。義行相識處，貧過少年時。  
妨寐夜吟苦，愛閒身達遲。難求似君者，我去更逢誰。

人部

卷一百一

二八 逢遇

途中逢孫輅因徂季頻消息

唐方干 晚

灞上寒仍在，柔條亦自新。山河雖度臘，雨雪未知春。  
正憶同袍者，堪逢共國人。銜杯益無語，與爾轉相親。

逢友人

唐黃滔 晚

彼此若飄蓬，二年何所從。帝都秋未入，江館夜相逢。  
瘴嶺行衝夏，邊沙住隔冬。旅愁論未盡，古寺扣晨鐘。

與友人會

唐李昌符 晚

蟬吟槐葉落，的是愁端病。離家遠貧知，處事難。  
真交無所隱，深語有餘歡。未必聞歌吹，心得暫寬。

秋夕與友人同會

唐崔塗 晚

章句積微功，星霜二十空。僻應如我少，吟喜得君同。  
月上僧歸後，詩成客夢中。更聞栖鶴聲，清露滴青松。

龍上逢江南故人

唐崔塗 晚

三聲戍角邊城暮，萬里鄉心塞草春。莫學少年輕遠別，  
隴關西少向東人。

亂後逢友人

唐羅隱 晚

滄海去未得，倚舟聊問津。生靈寇盜盡，方鎮改更頻。  
夢裏舊行處，眼前新貴人。從來事如此，君莫獨沾巾。

重聞中逢蕭校書

唐韋莊 晚

相逢俱此地，此地是何鄉。側目不成語，撫心空自傷。

劍高無鳥度，樹暗有兵藏。底事征西將，年年戍洛陽。

得書

廣州段功曹到得楊五長史書，功曹却歸聊寄

此詩

唐杜甫 盛

衛青開幕府，楊僕將樓船。漢節梅花外，春城海水邊。  
銅梁書遠及，珠浦使將旋。貧病他鄉老，煩君萬里傳。

得廣州張判官叔卿書，使還以詩代意

唐杜甫 盛

鄉關胡騎遠，宇宙蜀城偏。忽得炎州信，遙從月峽傳。  
雲深驃騎幕，夜隔孝廉船。却寄雙愁眼，相思淚點懸。

得李滁州書以玉澗莊見託因書春思詩以答

唐獨孤及

春物行將老懷君意詎堪朱顏因酒強白髮對花慙

日日思瓊樹書話玉潭知同百口累曷日辨拙箋

喜辱韓十四郎中書兼封近詩示代書題贈

唐獨孤及

各牽千役間遊遨獨坐相思正鬱陶長跪讀書心慙

緩短章投我曲何高宦情緣木知非願王事敦人敢

告勞所歎在官成遠別徒言沅水纔容舸

新雨喜得王卿書問

唐錢起

人部

卷一百一

三十一

得書

苦雨暗秋徑寒花垂紫苔愁中緣罇盡夢裏故人來

果有相思字銀鈎新月開

賣藥人處得南陽朱山人書

唐皇甫冉

賣藥何爲者逃名市井居唯通遠山信因致逸人書

已報還丹効全將世事疎秋風景豁裏蕭散寄樵漁

岳陽逢司空文明得關中書

唐李端

共有鬢年故相逢萬里餘新春兩行淚舊國一封書

夏口帆初泊泠陽鴈正疎唯應執杯酒暫食漢江魚

秋館雨後得弟兄書即事呈李明府

唐戎昱

弟兄書忽到一夜喜兼愁空館復聞雨貧家怯到秋

坐中孤燭暗窗外數螢流試以他鄉事明朝問子游

夜中得循州趙司馬侍郎書因寄回使

唐盧綸

瘴海寄雙魚中宵達我居兩行燈下淚一紙嶺南書

地說炎蒸極人稱老病餘殷勤報賈傅莫共酒杯疎

奉和周二十二丈酬郴州侍郎衡江夜泊得韶

州書并附當州生黃茶一封率然成篇代意

之作

唐柳宗元

丘山仰德耀天路下征驂夢喜三刀近書嫌五載違

人部

卷一百一

三十一

得書

凝情江月落屬思嶺雲飛會入司徒府還邀周掾歸

得盧衡州書因以詩寄

唐柳宗元

臨蒸且莫歎炎方爲報秋來鴈幾行林邑東迴山似

戟牂河南下水如湯兼葭淅瀝含秋霧橘柚玲瓏透

夕陽非是白蘋洲畔客還將遠意問瀟湘

得行簡書聞欲下峽先以

唐白居易

朝來又得東川信欲取春初發梓州書報九江聞暫

喜路經三峽想還愁瀟湘瘴霧加餐飯豔潁驚波穩

泊舟欲弔兩行迎爾淚長江不肯向西流

得樂天書

唐元稹



達信入門先有淚  
妻驚女哭問何如  
尋常不省曾如此  
應是江州司馬書

別友人後得書因以詩贈  
唐劉禹錫中

前時送君去揮手青門橋  
路轉不相見猶聞馬蕭蕭  
今得出關書行程日已遙  
春還遲君至共結芳蘭若

得遠書  
唐李昌符晚

故人居謫宦今日一書來  
良久驚兼喜殷勤藏更開  
漳雲沈去鴈江雨促新梅  
滿紙殊鄉淚口冤不可哀

山中枉皇甫溫大夫見招書  
唐馬戴晚

十年木屐步苔痕  
石上松間水自喧  
三辟草堂仍被

人部  
卷一百一  
三十二  
得書

褐數行書札忽臨門  
卧多共息結康病才劣虛同郭  
隗尊亞相已能憐  
潦倒山花笑處莫啼猿

得宣州竇尚書書因投寄  
唐羅隱晚

曾逐旌旗過板橋  
世途多難竟蓬飄  
步兵校尉辭公府  
車騎將軍憶本朝  
醉裏舊遊還歷病  
中衰髮奈蕭蕭  
遺簪墜履應留念  
門客如今只下寮

詩集類函卷一百一

詩集類函卷一百二

東吳俞安期彙纂  
宣城梅鼎祚增定

新都吳惟明訂校

人部四十四  
宴集

○宴集

今日良宴會  
原作古詩  
漢無名氏

今日良宴會歡樂難具陳  
彈箏奮逸響新聲妙入神  
令德唱高言識曲聽其真  
齊心同所願含意俱未伸  
人生寄一世奄忽若塵埃  
何不策高足先據要路津  
無為守窮賤軀軀長苦辛

人部  
卷一百二  
宴集

宴集詩  
漢孔融

歸家酒債多門客  
繁一作行高談滿四座  
一日傾

千觴又云座上客  
長一作滿樽中酒不空

於醺作  
魏文帝

清夜延貴客明燭發高光  
豐膳漫星陳旨酒盈玉觴  
絃歌奏新曲游響拂丹梁  
餘一作音赴迅節慷慨時  
激揚獻酬紛交錯雅舞何  
鏘鏘羅纓從風飛長劍自  
低昂穆穆衆君子和合同  
樂康

宴會詩  
魏陳琳

凱風飄陰雲白日揚  
素暉良友招我遊  
高會宴中園

玄鶴浮清泉綺樹煥青藜

酒會詩七首

魏嵇康

淡淡流水淪胥而逝汎汎柏舟載浮載滯微嘯清風  
鼓戢容裔放擢投竿優游卒歲

婉彼鴛鴦戢翼而游俯喙綠藻託身洪流朝翔素瀨  
夕棲靈洲搖蕩清波與之沈浮

流詠蘭池和聲激朗操綬清商遊心大象傾味修身  
惠音遺響鍾期不存我志誰賞

欽絃散思游釣九淵重流千仞惑餌者懸荷與莊老  
棲遲永年寔惟龍化蕩志浩然

人部

卷一百二

二

集

肅肅岑風分生江湄却背華林俯沂丹坻一作含陽

吐英履霜不哀嗟我殊觀百卉具腓心之憂矣孰識  
玄機

倚荷蘭藹殖彼中原綠葉幽茂麗葩濃繁馥馥重芳  
順風而宣將御椒房吐董龍軒瞻彼秋草悵矣惟

樂哉苑中遊周覽無窮已百卉吐芳華崇基邈高時  
林木紛交錯玄池戲魴鯉輕九斃翔禽纖綸出鱣鮪

坐中發美證異氣同音軌臨川獻清酌微歌發皓齒  
素琴揮雅操清聲隨風起斯會豈不樂恨無東野子

酒中念幽人守故彌終始但當體七絃寄心在知己

擬今日良宴會

晉陸機

開夜命歡友置酒迎風館齊僮梁甫吟秦娥張女彈  
哀音繞棟宇遺響入雲漢四座咸同志羽觴不可算

高談一何綺蔚若朝霞爛人生無幾何爲樂常苦晏  
覺彼同晨鳥揚聲當及旦曷爲恒憂苦守此貧與賤

金谷集

晉潘岳

王生和鼎寶石子鎮海沂親友各言適中心悵有違  
何以叙離思攜手遊郊畿朝發晉京陽夕次金谷湄

迴谿縈曲阻峻阪路威夷綠池泛淡淡青柳何依依  
濫泉龍鱗瀾一作激激波連珠揮前庭樹沙棠後園植

人部

卷一百一

三

集

鳥裊靈囿繁石一作若榴茂林列芳梨飲至臨華沼遷  
坐登隆坻玄醴染朱顏但想杯行連揚桴撫靈鼓鼙

管清且悲春榮誰不慕一作耀歲寒良獨稀投分寄石  
友白首同所歸

宴會詩

晉傅玄

日之既逝情亦既渥賓委餘歡主容不足樂飲今夕  
溫其如玉

宴詩

晉傅玄

鸞鳥翔鳳凰望舒繼白日千秋邁嘉會來升君子室  
華樽享清酌珍饈自盈溢

賦得置酒高樓上

宋孔欣

置酒宴友生高會臨疎櫺芳俎列嘉餚山壘滿春青  
廣樂之堂宇絲竹橫兩楹邯鄲有名倡承間奏新聲  
八音何寥亮四座同歡情舉觴發湛露銜杯詠鹿鳴  
觴謠可相娛揚解意何榮顧歡來義士暢哉矯天誠  
朝日不夕盛川流常宵征生猶懸水溜死若波瀾停  
當年貴得意何能競虛名

金谷聚

晉謝朓

渠碗送佳人玉杯邀一作要上客車馬一東西別後思

今夕

人部

卷二百一

四

梁簡文帝

當置酒

梁簡文帝

置酒宴嘉賓曠迴臨飛觀絕嶺隔天餘長嶺橫江半  
日色花上綺風光水中亂三益既萎蕤四始方葱蒨  
賦得羽觴飛上苑 梁沈君攸

上路薄晚風塵合禁苑初春氣色華石徑斷絲蘭蔓  
草山流細沫擁浮花一作棧魚文熠燿含餘日鶴蓋低  
昂照落霞隔樹銀鞍喧寶馬分衢玉軸動香車車馬  
處處盡成陰班荆促席對芳林藤林屢動情仍暢翠  
樽引滿趣彌深山陽倒載非難得宜城醇醞促須斟  
半醉驪歌應可奏上客莫慮擲黃金

擬魏文帝曹丕遊宴

梁江淹

置酒坐飛閣逍遙臨華池神飈自遠至左右芙蓉披  
綠竹夾青水秋蘭被幽崖月出照園中冠珮相追隨  
客從南楚來爲我吹參差淵魚猶伏浦聽者未云罷  
高文一何綺小儒安足爲肅肅廣殿陰雀聲愁北林  
衆賓還城邑何用慰我一作音心

外兵夏夜集

梁江淹

丹林一葉舊碧草從此空煙光拂夜色華舟盪秋風  
斂意悵何已極望情思中瑤瀾寂以晏若采能幾終  
暮心亦誰寄江皋桂有叢

人部

卷二百一

五

梁吳均

王侍中夜集

梁吳均

抽蘭開石路翦竹製山扉文淪見綠水參差隱翠微  
西山採藥至東都謝病歸紡毛織野服縫芟作山衣  
欲知三青鳥簷上素雲飛

陪徐僕射晚宴

梁劉孝綽

夫君追宴喜十日遞來過築室華池上開軒臨菱荷  
方塘交密篠對霞接繁柯景移林改色風去水餘波  
洛城雖半掩愛客待驪歌

迎客曲

梁徐勉

絲管列舞席陳含聲未奏待嘉賓羅絲管舒舞席斂

袖黑曆上客

送客曲

梁徐勉

袖續紛聲委咽餘曲未終高駕別爵無算景已流空  
紆長袖客不留

至大雷聯句

梁何遜

高談會良夕滿酒對羈情  
密雲窮浦暗飛電達洲明若非今宴適詎使客愁  
輕遙舟似連鴈遠火若迴星江潭望如此街后共  
君傾

羣公高宴

北齊楊訓

人部

卷直一

六

羣集

中郎敷奏龍司隸坐朝歸開筵訂貴客饌玉對春暉  
塵起金吾騎香逐今君衣綠酒屋為掩鳴琴寶作微  
寸陰良可惜千金本易揮

巢王座韻得餘字詩

隋薛昉

平臺愛賓客縫掖齒簪裾藉并懷春暮開襟近夏初  
嫩枝猶露鳥細藻欲藏魚舞袖臨飛閣歌聲出綺疏  
莫慮歸備晚馳輪待興餘

城南閑謔

隋盧思道

城南氣初新才王邀故人輕盈雲映日流亂鳥啼春  
花飛北寺道絃散南漳演舞動淮南袖歌揚齊后塵

駢鑣歇夜馬接軫恨歸輪公孫飲彌月平原讌浹旬  
卽是消聲地何須遠避秦

設缸面酒款蕭翼探得來字

太宗酷好二王書

永欣寺僧辯才所百計求之不得房玄齡薦  
御史蕭翼多權謀必能稱旨太宗命之翼乃  
易冠微服作北人南遊辯才一見語意投合  
延入園棋撫琴握麈談文情甚相得便留夜  
飲設缸面新茗江東云缸面舊河北甕頭新  
醒也辯才之後採韻賦詩辯才得來字翼得  
招字妍媸畧同彼此諷詠自謂相知之晚曉  
乃去既而以術取其書以歸太宗大悅翼爲  
員外郎賜以金縷

初醞一缸開新知萬里來披雲同落莫步月共徘徊  
夜久孤琴思風長旅鴈哀非君有秘術誰照不然灰

人部

卷直一

七

羣集

荅僧辯才

唐蕭翼初

邂逅欵良宵殷勤荷勝招彌天俄若舊初地豈成遙  
酒蟻傾還泛心猿躁似調誰憐失羣翼長苦業風飄

山亭夜宴

唐王勃初

桂宇幽襟積山亭涼夜永森沈野徑寒肅穆巖扉靜  
竹晦南阿色荷翻北潭影清興殊未歸林端照初景  
三月曲水宴得煙字

唐王勃初

彭澤官初去河陽賦始傳田園歸舊國詩酒間長筵  
列室窺丹洞分樓瞰紫煙縈廻且津渡出沒控郊鄆  
鳳琴調上客龍轡儼羣僊松石偏宜古藤蘿不記年

重簷交密樹複磴擁危泉抗石睇南嶺乘沙渺北川  
傳巖來築處磻谿人釣前日斜真趣達幽思夢涼蟬

林泉獨飲

唐王勃初

丘壑經塗賞花柳遇時春相逢今不醉物色自輕人

三月曲水宴得樽字

唐盧照鄰初

風煙彭澤里山水仲長園由來棄銅墨本自重琴樽

高情邈不嗣雅道今復存有美光時彥養德坐山樊

門開芳杜逕室距桃花源公子黃金勒倦人紫氣軒

長懷去城市高詠狎蘭蓀連沙飛白鷺孤嶼嘯玄猿

樹影巖前落雲花江上翻興闌車馬散林塘夕鳥喧

人部

卷二五

八

宴集

宴梓州南亭得池字

唐盧照鄰初

二條開勝迹大隱叶冲規亭閣分危岫樓臺遶曲池

長薄秋煙起飛梁古蔓垂水鳥翻荷葉山蟲交桂枝

遊人惜將晚公子愛忘疲願得迴三舍尊尊長若斯

春夜韋明府宅宴

唐駱賓王初

酌桂陶芳夜披薛嘯幽人雅琴馴魯雉清歌落范塵

宿雲低迴葢殘月上虛輪幸此承恩洽聊當故鄉春

秋日遇荆州府崔兵曹使讌并序

唐陳子昂初

若夫尊卑位隔榮賤途分使卿士大夫倚軒裳而

傲物山棲木食負林壑而驕人未有能屈富貴于

沈冥雜辟蘿于簪笏天人坐契相從雲霧之遊風

雨不疲高縱琴樽之賞崔兵曹紫庭公胃青雲貴

人以鐘鼎不足致奇才煙霞可以交名士自華昭

國懷鳳紵而高舉白桂追遊邀兔耳而下顧大矣

哉生平未識一見而交道遂存此日披懷千載之

風期坐合支道林之雅論妙理沈微崔子玉之雄

才斯文未喪屬乎金龍掌氣石鴈驚秋天次寥而

煙日無光野寂寞而山川變色芸其黃矣悲白露

於蒼葭木葉落兮慘紅霜於綠野爾其高典洽芳

人部

卷二五

九

宴集

酒闌頌義和而不留顧華堂而欲晚長歌何託思

傳稽古之文爰命小人率記當時之事人探一字

六韻成篇

輶軒鳳凰使林藪鷄雞冠江湖一相許雲霧坐交歡

興盡崔亭伯言忘釋道安秋光稍欲暮歲物已將闌

古樹蒼煙斷虛庭白露寒瑤琴山水曲今日為君彈

集畢氏林亭

唐陳子昂初

金門有遺世鼎寶恣和邦默語誰相識琴樽寄北牕

子牟戀魏闕漁父愛滄江良時信同此歲晚迹難雙

晦日宴高氏林亭同用華字并序○是題諸詩及  
晦日者存晦日篇

唐陳子昂 初

有勃海之宗英是平陽之貴戚發輝風臺而嘯侶  
幽贊雞川而留宴冠纓濟濟多延戚里之賓鸞鳳  
鏘鏘自有文雅之客

尋春遊上路追宴入山家主第簪纓滿皇州景望華

玉池初吐溜珠樹始開花歡娛方未極林閣散餘霞

晦日宴高氏林亭同用華字 唐劉友賢 初

春來日漸賒琴酒逐年華欲向文通徑先遊武丁家

池碧新流滿巖紅落照斜興闌情未盡步步惜風花

晦日宴高氏林亭同用華字 唐崔知賢 初

人部 卷一百一

上月河陽地芳辰景望華縣巒變時鳥照曜起春霞

柳搖風處色梅散日前花淹留洛城晚吹石崇家

晦日宴高氏林亭同用華字 唐韓仲宣 初

欲知行有樂芳樽對物華地接安仁縣園是李倫家

柳處雲疑葉梅間雪似花日落歸途遠留興伴煙霞

晦日宴高氏林亭同用華字 唐長孫正隱 初

晦晚屬煙霞遊重歲華歌鐘雖戚里林數是山家

細雨猶聞日深池不漲沙淹留迷處所巖岫幾重花

晦日宴高氏林亭同用華字 唐方嗣初 初

上序春輝麗中園物候華高才盛文雅逸興滿煙霞

參差金谷樹皎鏡碧塘沙蕭散林亭晚倒載欲還家

晦日宴高氏林亭同用華字 唐高球 初

溫洛年光早皇州景望華連鑣尋上路乘興入山家

輕苔網危石春水架平沙賞極林塘暮處處起煙霞

晦日宴高氏林亭同用華字 唐周彥昭 初

勝地臨雞浦高會偶龍沙御柳驚春色仙筇掩月華

門邀千里馭杯泛九光霞日落山亭晚雷送七香車

晦日宴高氏林亭同用華字 唐高紹 初

嘯侶入山家臨春翫物華葛絲調綠水桂醕酌丹霞

岬柳開新葉庭梅落早花興洽林亭晚方還倒載車

人部 卷一百一

晦日宴高氏林亭同用華字 唐徐皓 初

綺筵乘暇景瓊醕對年華門多金埒騎路引壁入車

蘋早猶藏葉梅殘正落花藹藹林亭晚餘興泛流霞

晦日宴高氏林亭同用華字 唐王勣 初

上序披林館中京視物華竹牕低露葉梅徑起風花

景落春臺霧池侵舊渚沙綺筵歌吹晚暮雨泛香車

晦日重宴同用池字 唐高嶠 初

駕言尋鳳侶乘歡俯鴈池班荆逢舊識樹桂喜深知

紫蘭方出徑黃鶯未嚙枝別有陶春日青天雲霧披

晦日重宴同用池字 唐高正臣 初



芳辰重遊衍乘景共追隨班荆陪舊識傾蓋得新知  
水葉分蓮沼風花落柳枝自符河朔趣寧羨高陽池  
冬日宴于庶子宅各賦一字得歸

唐許敬宗

倦遊嗟落拓短翮慕追飛周轡忽同醉牙絃乃共揮  
油雲澹寒色落景霽霜霏累日方投分茲夕諒無歸

冬日宴于氏宅賦得趣字

唐令狐德棻

高門聊命賞羣英於此遇放曠山水情留連文酒趣  
夕煙起林蘭霜枝頽庭樹落景雖已傾歸軒幸能駐  
冬日宴于氏宅賦得節字

唐杜正倫

人部

卷一百一

十一

唐杜正倫

李門余妄進徐榻君恒設清論暢玄言雅琴飛白雪  
寒雲暖落景朔風淒暮節方欣投轄情且駐當歸別  
冬日宴于氏宅賦得杯字

唐于志寧

陋巷朱旂擁衡門緹騎來俱裁七步詠同傾三雅杯  
色動迎春柳花發犯寒梅賓筵半未醉驪歌不用催

宴龍泓

唐武三思

登臨開勝地眺矚盡良遊岳嶠縈紆上澄潭屈曲流  
泛蘭清興洽折桂野文邁別後相思處崎嶇碧澗幽  
秋夜宴臨津鄭明府宅

唐杜審言

行止皆無地招尋獨有君酒中堪累月身外即浮雲

露白宵鐘徹風清曉漏聞坐攜餘興往還似未離羣  
春日鄭協律山亭陪宴餞

唐宋之問

潘園枕郊郭愛客坐相求尊酒東城外驂騑南陌頭  
池平分洛水林缺見嵩丘暗竹侵山徑垂楊拂妓樓  
彩雲歌處斷遲日舞前留此地何年別蘭房空自幽

幽州夜飲

唐張說

涼風吹夜雨蕭瑟動寒林正有高堂宴能忘連暮心  
軍中宜舞劒塞上重笳音不作邊城將誰知恩遇深

故刑部李尚書荆谷山集會

唐張九齡

嘗聞繼老聃身退道彌耽結宇倚青壁疏泉噴碧潭

人部

卷一百一

十三

唐張九齡

苔石隨人古煙花寄酒酣山光紛向夕歸興杜城南  
和李右相賞會昌林亭

唐孫逖

賢相初陪蹕靈山本降神作京雄近縣開閣寵平津  
地勝林亭好時清宴賞頻百泉榮草木萬井布郊畛  
德與春和盛功將造化鄰還嗤渭濱更歲晚獨垂綸

夏日尋藍田唐丞登高宴集

唐儲光義

東望春明門駕言聊出遊南行小徑盡綠竹臨清流  
君出罷六安居此愴忘憂園林與城市間井隨人幽  
披顏關衡園置酒登崇丘山河臨咫尺宇宙窮十眸  
是時春載陽佳氣滿皇州宮殿碧雲蒼鷺初命儔

良辰方在茲志士安得休成名苟有地何必東陵侯

秦中歲晏馬舍人宅宴集

唐儲光義

冬暮久無樂西行至長安故人處東第清夜多新歡  
廣庭竹陰靜華池月色寒知音盡詞客方見交情難

回張侍御燕北樓

唐儲光義

今之太守古諸侯出入雙旌垂七旒朝覽千戈時聽  
訟莫延賓客復登樓西山漠漠岷嶺色北渚泥沈江  
漢流良宵清淨方高會繡服光輝聯皂蓋魚龍恍惚  
堦墀下雲霧蒼冥牕戶外水靈慷慨行泣珠遊女飄  
飄思解佩蒼蒼低月半遙城落落疏星滿太清不忍

人部

卷一百一

十四

宴集

開襟悲楚奏願言吹笛退胡兵軒后青丘埋契猶周  
王白羽掃欃槍期君武節朝龍闕余亦翔翔歸玉京

與盧象集朱家

唐王維

主人能愛客終日有逢迎貫得新豐酒復聞秦女箏  
柳條疎客舍槐葉下秋城語笑且爲樂吾將達此生

濟州過趙叟家宴

唐王維

雖與人境接閉門成隱居道言非叟事儒行魯人餘  
深巷斜暉靜閑門高柳疎荷鋤修藥圃散帙曝農書  
上客搖芳翰中廚饋野蔬夫君第高飲景晏出林閭  
宴包二融宅

唐孟浩然

閑居枕清洛左右接大野門庭無雜賓車轍多長者

是時方盛夏風物自蕭洒五日休沐歸相攜竹林下

開襟成歡趣對酌不能罷煙曉棲鳥還子亦歸白社

襄陽公宅飲

唐孟浩然

窈窕夕陽佳丰茸春色好欲覓淹留處無過狹斜道  
綺席卷龍鬚香杯浮瑪瑙北林積脩樹南池生別島  
手撥金翠花心迷玉芝草談笑光六藝發論明三倒  
座非陳子驚門還魏公掃榮辱應無問歡娛當共保

集衛明府席

唐孟浩然

言避一時暑池亭五月開喜逢金馬客同飲玉人杯

舞鶴乘軒起游魚擁劍來座中殊未已簫管莫相催

宴張記室宅

唐孟浩然

甲第金張館門庭車騎過家封漢陽郡文會楚材多  
曲島浮觴酌前山入詠歌妓堂花映發書閣柳逶迤  
玉指調箏柱金泥飾舞羅寧知書劍者年歲獨蹉跎

韓大使東齋會諸學士

唐孟浩然

郡守虛陳榻林間召楚材山川祈雨畢品物喜晴開  
抗禮尊縫掖臨池揖渡杯徒攀朱仲李誰薦和羹梅  
翰墨緣情製高深以意裁滄洲趣不遠何必問蓬萊  
宴韋司戶山亭院

唐高適

人幽想靈山意悵悵遠水習靜務爲適所居還復爾  
汲流漲華池開酌宴君子苔徑試窺踐石屏可攀倚  
入門見中峰攜手如萬里橫琴了無事垂釣應有以  
高館何沈沈颯然涼風起

崔司錄宅宴大理李卿

唐高適盛

多雨殊未已秋雲更沈沈洛陽故人初解印山東小  
吏來相尋上卿才大名不朽早朝至草莽求友謫達  
常推海內賢殷勤但酌樽中酒飲醉欲言歸刻谿門  
前駟馬光照衣路傍觀者徒叩叩我公不以爲是非  
同羣公十月朔宴李太守宅

唐高適盛

人部

卷一百一

十六

良牧徵高賞塞帷問考槃歲時當正月甲子入初寒  
已聽甘棠頌欣陪旨酒歡仍憐門下客不作布衣看

陪竇侍御靈雲南亭宴

并序

唐高適盛

涼州近胡高下其池亭蓋以耀蕃落也幕府董帥  
雄勇徑踐戎庭自陽關而西猶枕席矣軍中無事  
君子飲食宴樂宜哉白簡在邊清秋多興况水具  
舟楫山兼亭臺始臨泛而寫煩俄登陟以寄傲絲  
桐徐秦林木更爽暢備道以遞歡指蘭茝而可掇  
胡天一望雲物蒼然由蕭蕭而牧馬聲斷風娟娟  
而邊歌幾處又足悲矣員外李公曰七日者何牛

女之夕也夫賢者何得謹其時請賦南亭詩列之  
於後

人幽宜眺聽目極喜亭臺風景知愁在關山憶夢迴  
祗言殊語默何意忝遊陪迎唱波瀾動宜搜物象開  
新秋歸遠樹殘雨擁輕雷簷外長天盡尊前獨鳥來  
常吟塞下曲多謝幕中才河漢徒相望嘉期安在哉  
梁州館中與諸判官夜集

唐岑參盛

彎彎月出挂城頭城頭月出照梁州梁州七里十萬  
家胡人半解彈琵琶琵琶一曲腸堪斷風蕭蕭今夜  
漫漫河西幕中多故人故人別來三五春花門樓前

人部

卷一百一

十七

見秋草豈能貧賤相看老一生大笑能幾回斗酒相  
逢須醉倒

酒泉太守席上醉後作

唐岑參盛

琵琶長笛曲相和羌兒胡雛齊唱歌渾炙犁牛烹野  
駝交河美酒歸臣羅三更醉後軍中寢無奈秦山歸  
夢何

奉陪封大夫宴得征字時封公兼鴻臚卿

唐岑參盛

西邊虜盡平何處更專征幕下人無事軍中政已成  
坐參殊俗語樂雜異方聲醉裏東樓月偏能照列卿

行軍雪後夜宴王卿家

唐岑參

子夜雪華餘卿家月影初酒香薰枕席爐氣暖軒除  
晚歲宦情薄行軍歡宴疎相逢剩取醉身外盡空虛  
春日醴泉杜明府承恩五品宴席上賦詩

唐岑參

見鳥舊稱仙鴻私降自天青袍移草色朱綬奪花然  
邑裏雷仍震臺中星欲懸吾兄此棲棘因得賀初筵  
李倉曹宅夜飲

唐王昌齡

霜天留飲故情歡銀燭金爐夜不寒欲問吳江別來  
意青山明月夢中看

人部

卷一百一

十八

宴集

宴春源

唐王昌齡

源向春城春幾重江明深翠引諸峰與君醉失松谿  
路山館寥寥傳曉鐘

龍標野宴

唐王昌齡

沅谿夏晚足涼風春酒相攜就竹叢莫道絃歌愁遠  
謫青山明月不曾空

宴城東莊

唐崔旼

一年又過一年春百歲曾無百歲人能向花中幾回  
醉十千沽酒莫辭貧

奉和宴城東莊

唐崔旼

一月主人笑幾回相逢相值且銜杯眼前春色如流  
水今日殘花昨日開

宴桃花亭子

唐李白

曲巷幽人宅高門大士家池開照膽鏡林吐破顏花  
綠水藏春日青軒秘晚霞若聞絃妙金谷不能誇

上巳日徐司錄林園宴集

唐杜甫

鬢毛垂領白花葉亞枝紅歌倒衰年廢招尋令節同  
薄衣臨積水吹面受和風有喜留攀桂無勞問轉蓬  
春夜峽州田侍御長史津亭留宴

唐杜甫

人部

卷一百二

十九

宴集

北斗三更席西江萬里船杖藜登水榭揮翰宿春天  
白髮須多酒明星惜此筵始知雲雨峽忽盡下牢邊

崔附馬山亭宴集

唐杜甫

蕭史幽棲地林間踏鳳毛汎流何處入亂石閉門高  
客醉揮金斝詩成得錦袍清秋多宴會終日困香醪

宴戎州楊使君東樓

唐杜甫

勝絕驚身老情忘發興奇座從歌妓密樂任主人爲  
重碧沽春酒輕紅擘荔枝樓高欲愁思橫笛未休吹

季秋蘇五弟纓江樓夜宴崔十三評事韋少府

姪二首

唐杜甫

峽險江驚急樓高月過明一時今夕會萬里故鄉情  
星落黃姑渚秋辭白帝城老人因酒病堅坐看君傾

二

對月那無酒登樓況有江聽歌驚白髮笑舞拓秋牕  
樽蟻添相續沙鷗並一雙盡憐君醉倒更覺片心降

夜宴左氏莊

唐杜甫

風林纖月落衣露淨琴張暗水流花逕春星帶草堂  
檢書燒燭短看劍引杯長詩罷聞吳詠扁舟意不忘

與鄆縣源大少府宴溪叢

唐杜甫

應為西陂好金錢幣一餐飭抄雪子白瓜嚼水精寒

人部

卷二百一

二十

無計迴船下空愁避酒難主人情爛熳持杯翠琅玕

王十五前閣會

唐杜甫

楚岫收新雨春臺引細風情人來石上解綸出江中  
鄰舍煩書札肩輿強老翁病身虛後味何幸飲兒童

書堂飲既夜復邀李尚書下馬月下賦絕句

唐杜甫

湖上林風相與清殘樽下馬復同傾久拚野鶴如雙  
鬢遮莫鄰雞下五更

雲陽驛陪崔使君邵道士夜宴

唐張子容

一尉東南遠誰知此夜歡諸侯傾見益仙客整黃冠

樂翰燈花滿飛觴雲氣寒欣承國士遇更借美人看

夜宴得人字

唐張謂

北斗回新歲東園值早春竹風能醒酒花月解留人  
邑宰陶元亮山家鄭子真平生頗同道相見日相親

夏宴張兵曹東堂

唐李頎

重林華屋堪避暑况乃烹鮮會佳客主人三十朝大  
夫滿座森然見矛戟北牕卧簾連心花竹裏蟬鳴西

日斜羽扇搖風却珠汗玉盆貯水割甘瓜雲峰峨峨  
自水雪坐對芳樽不知熱醉來但挂葛巾眠莫道明

朝有離別

人部

卷二百二

二十一

劉侍御月夜讌會

唐元結

河漢望不見幾星猶粲然中夜興欲酣改坐臨清川  
未醉恐天旦更歌促繁絃歡娛不可逢請君莫言旋

奉陪鄭中丞自宣州解印與諸姪宴餘干後谿

唐劉長卿

心遠親魚鳥功成厭鼓鼙林中阮生集一作阮家醉

池上謝公題戶牖垂藤合藩籬插棹齊句一本無此二  
齊若合應陰綠樹低一作夕陽山向背春一作草水

東西度雨諸峰出看幾幾路迷一作高何勞問秦

漢更入武陵谿後四句一本作舊架懸藤老疎籬



秋夜與梁錕文宴

唐錢起

車到間林下杯香蕙草時好風能自至明月不須期  
秋水翻荷影晴霜脆柳絲微官是底物許可廢言詩

春夜宴任六昆宅

唐錢起

際晚綠煙起入門芳樹深不才叨下客喜宴齒諸簪  
夜月仍攜妓清風更在林彩毫揮露色銀燭動花陰  
自接通家好應知待士心向隅逢故識茲夕願披襟

陪郭常侍令公東亭宴集

唐錢起

盛業山河列重名劍履榮珥貂爲相子開閣引時英  
美景池臺色佳期宴賞情詞人載筆至仙妓出花迎

人部

卷一百一

三

暗竹朱輪轉迴塘玉珮鳴舞衫招戲蝶歌扇隔啼鶯  
飲德心皆醉披雲興轉清不愁歡樂盡慶積在和羹

陪南省諸公宴殿中李監宅

唐錢起

將門高勝霍相子寵過韋官貴攀龍後心傾待士時  
壺觴開雅宴鸞鷟眷相隨舞退燕姬曲歌徵謝朓詩  
晚鐘過竹靜醉客出花遲莫惜留餘興良辰不可追

和劉明府宴縣前山亭

唐錢起

城隅勞心處雪後歲芳開山映千花出泉經萬井來  
翔鸞欲下舞上客且留杯

春宴張舍人宅

唐郎士元

懶尋芳草徑來接待臣庭山色知殘雨牆陰覺暮天  
鶯啼漢宮柳花隔杜陵煙地與東城接春光醉目前

樂燕行

唐韋應物

良辰且樂燕樂往不再來趙瑟正高張音響清塵埃  
一彈和妙謳吹去繞瑤臺艷雪凌空散舞羅起徘徊  
輝輝發衆顏灼灼歎令才當喧既無寂中飲亦停杯  
華燈何遽升馳景忽西頽高節亦云立安能滯不起

西郊燕集

唐韋應物

濟濟衆君子高宴及時光羣山雪退曉綠野布熙陽  
列坐遵曲岵披襟襲蘭芳野庖薦嘉魚激澗泛羽觴

人部

卷一百一

三

衆鳥鳴茂林綠草延高岡盛時易但謝浩然坐飄颻  
眷言同心友茲遊安可忘

訓元偉過洛陽夜燕

唐韋應物

三載寄關東所歡皆遠違思懷方耿耿忽得觀容輝  
親燕在良夜歡攜闥中閑問我猶杜門不能奮高飛  
明燈照四隅炎炭正可依清觴雖云酌所媿之珍肥

晨裝復當行寥落星已稀何以慰心曲佇子西還歸

春宵燕萬年吉少府中

唐韋應物

始見斗柄迴復茲霜月霽河漢上縱橫春城夜迢遞  
賓筵接時彦樂燕慶芳歲稍愛清觴滿仰歎高文麗



欲去返郊扉端為一歡滯

與友生野飲效陶體

唐韋應物中

攜酒花林下前有千載墳於時不共酌奈此泉下人  
始自翫芳物行當念徂春聊舒達世蹤坐望還山雲  
且遂一歡笑焉知賤與貧

西郊遊宴寄贈邑僚李巽

唐韋應物中

升陽暖春物置酒臨芳席高宴闕英僚眾賓寡鬱懣  
是時尚多壘板築與頽壁羈旅念越疆領徒方祗役  
如何嘉會日當子憂勤夕西郊薈已茂春風重如積  
何當返徂雨維英紛可惜

人部

卷一百一

三十四

集

郡齋雨中與諸文士燕集

唐韋應物中

兵衛森畫戟燕寢凝清香海上風雨至逍遙池閣涼  
煩痾近一作消散嘉賓復滿堂自慙居處崇未覩斯

民康理會是非遣性達形迹忘鮮肥屬時禁蔬果幸  
見管俯飲一杯酒仰聆金玉章神歡體自輕意欲凌

風雲

一作翔吳中盛文史羣彥今汪洋方知大藩地

豈曰財賦疆

與韓庫部會王祠曹宅作

唐韋應物中

閑一作門陰堤柳秋渠含夕清微風送荷氣坐客散  
塵纓守默共無悵抱冲俱寡營良時頗高會琴酌共

開情

燕李錄事

唐韋應物中

與君十五侍皇闈曉拂爐煙上赤墀花開漢苑經過  
處雪下驪山沐浴時近臣零落今猶在一作在仙駕飄  
飄不可期此日相逢一作逢君思一作非舊日一杯成喜亦  
又一作成悲

夜宴號縣張明府宅逢宇文評事

唐李端中

號田畱古宅入夜足秋風月影來牕裏燈光落水中  
徵詩逢謝客飲酒得陶公更愛疎籬繁霜濕菊叢

人部

卷一百二

三十五

集

冬夜集張尹後閣

唐李端中

乘龜兼戴豸白面映朱衣安石還須起淵明不得歸  
膺門常吏在登席舊寮稀遠客長先醉那知亞相威

晚春青門林亭燕集

唐耿湋中

都門連騎出東野柳如絲秦苑看山處王孫逐草時  
歡遊難再得衰老是前期林靜鶯啼遠春深日過遲  
落花今夕思秉燭古人詩對酒當為樂雙杯未可辭

春日晉祠同聲會集得疎字

唐李益

風壤瞻唐本山祠闕晉餘水亭開帝幕嚴樹引簪裾  
地綠苔猶少林黃柳尚疎菱荷生皎鏡金碧照澄虛

翰苑聲何舊，賓筵醉止初。中州有遼馬，好爲繫邊書。

華亭夜宴更待御宅

唐韓翃

世故他年別，心期此夜同。千峰孤燭外，片雨一更中。酒客逢山簡，詩人得謝公。自憐驅匹馬，拂曙向關東。

令狐員外宅宴寄中丞

唐韓翃

寒色疑羅幕，同人清夜期。玉杯留醉處，銀燭送歸時。獨坐隔千里，空吟對雪詩。

閨春宴花谿嚴侍御莊

唐戎昱

一團青翠色，云是子陵家。山帶新晴雨，谿留閨月花。瓶開中鹿酒，地坼笋抽芽。承顏面朝朝，朝賦白華。

人部

卷一百一

三

冬日宴郭監林亭

唐盧綸

玉勒聚如雲，森森鸞鶴羣。梧花罽接沃，漱石泉分華。味慙初識新，聲喜盡聞此。山招老賤敢，不謝夫君。

訓李益端公夜宴見贈

唐盧綸

戚戚一西東，十年今始同。可憐歌酒夜，相對兩衰翁。

田侍中宴席

唐王建

香薰羅幕暖成煙，火照中庭燭滿筵。整頓舞衣呈玉腕，動搖詞扇露金鈿。娥側座一作華調雙管彩鳳。

斜飛入五絃，雖是沂公門下客，爭將肉眼看雲天。一作

仙

讌客詞

唐張籍

上客不用顧金羈，主人有酒君莫違。請君看取園中花，池上漸多枝上稀。山頭樹影不見石，谿水無風應更碧。人人齊醉起舞時，誰覺翻衣與倒幘。明朝花盡人已去，此地獨來空繞樹。

飲散夜歸贈諸客

唐白居易

鞍馬夜紛紛，香街起暗塵。迴鞭招飲妓，分火送歸人。夜燕福建盧侍御宅因送之

唐劉禹錫

暫駐旌旗洛水隄，綺筵紅燭醉蘭闥。美人美酒長相逐，莫怕猿聲發建谿。

人部

卷一百二

三

奉同郎中韋使君郡齋雨中宴集之什

唐顧況

好鳥依嘉樹，飛雨灑高城。況與數君子，列座分兩楹。一作公

文雅一何麗

一作林堂舍餘清，我公未歸朝。

遊子不待晴，白雪帝鄉遠。滄江楓葉鳴，拜手欲無言。

雲涕如一作酒傾寸心已摧折，別離方骨驚安得凌。

風翰肅肅賓天京

唐朱慶餘

劉補闕西亭晚宴

唐朱慶餘

蟲聲已盡菊花乾，共立松陰向晚寒。對酒看山俱惜去，不知斜月下欄干。

夜集

唐孟郊中

好鳥無雜棲華堂有佳攜琴樽互傾奏歌賦相和諧  
但嘉魚水合莫令雲雨乖一為鵲雞彈再鼓壯士懷  
初景待誰曉新春逐一作君來願言良友會高駕不  
知迴

奉和顏使君修韻海畢州中重宴得雙字

唐釋皎然

世學高南郡身封盛魯邦九流宗韻海七字揖文江  
惜賞雲歸堞留歡月在牕不知名教樂千載與誰雙

湘東夜宴曲

唐溫庭筠晚

人部

卷一百一

三十一

唐集

湘東夜宴金貂人楚女含情嬌翠黛玉管將吹插銅  
帶錦囊斜拂雙麒麟重城漏斷孤帆去惟恐瓊籤報  
天曙萬戶沈沈碧樹圓雲飛雨散知何處欲上香車  
俱脉脉清歌響斷銀屏隔堤外紅塵蠟炬歸樓前澹  
月連江白

夜宴曲

唐溫庭筠晚

長釵墜髮雙蜻蜓碧盡山斜開畫屏虬鬚公子五侯  
客一飲千鍾如建瓴鸞鳴妖唱圓無節眉斂湘煙袖  
迴雪清夜恩情四座同莫令溝水東西別亭亭蠟淚  
香珠殘暗露曉風羅幕寒飄飄帶儼相次二十四

龍畫竿裂管繁絃共繁曲芳樽細浪傾春醪高樓  
客散杏花多脉脉新蟾如睜目

河清與趙氏昆季識集

唐李商隱晚

勝槩殊江右佳名逼渭川虹收青嶂雨鳥沒夕陽天  
客鬢行如此滄波坐眇然此中直得地漂蕩釣魚船

華州周大夫宴席

西鈴

唐李商隱晚

郡齋何用酒如泉飲德先時已醉眠若共門人推禮  
分戴崇爭得友彭宣

同州冬日陪吳常侍閑宴

唐馬戴晚

中天白雲散集客郡齋時陶性聊飛爵看山忽罷棋

人部

卷一百一

三十一

唐集

雪花凝始散木葉脫無遺靜理良多暇招邀愜所思  
陪少師李相國崔賔客宴居守秋僕射

唐許渾晚

池色似瀟湘一作三湘仙舟日正長燕飛驚蛟蜃魚戲動  
鴛鴦雲聚一作定歌初轉風迴舞欲翔暖醅松葉嫩寒

粥杏花香羅綺留春色笙歌送晚光何須明月夜一作

紅燭在華堂

陪河南李中丞宴隱谿

璋

唐曹松晚

竹林啼鳥不知秋羅列飛橋水亂流飄散柳絲回玉  
勒約開蓮葉上蘭舟酒邊舊侶真何遜歌裏新聲是

莫愁若值主人嫌  
晝短應陪秉燭夜深遊

春宴河亭

唐劉兼

柳擺輕絲拂嫩黃  
檻前流水滿池塘  
一筵金翠臨芳  
岫四面煙花出粉牆  
舞袖逐風翻繡浪  
歌塵隨燕下雕梁  
蠻箋象管休凝思  
且放春心入醉鄉

詩傳類函卷一百二

人部

卷一百二

三十

字彙

詩傳類函卷一百三

東吳俞安期彙纂

宣城梅鼎祚增定

新都吳士睿訂校

人部四十五

遊覽 登眺

○遊覽

遊覽二首

魏陳琳

高會時不娛  
羈客難為心  
殷懷從中發  
悲感激清音  
投觴罷歡坐  
逍遙步長林  
肅肅山谷風  
默然一作天  
路陰惆悵忘  
旋返歎歔涕  
沾襟一作中  
節運時氣舒  
秋風涼且清  
閒居心不娛  
駕言從友生

人部

卷一百三

遊覽

翱翔戲長流  
逍遙登高城  
東望看疇野  
迴顧覽園庭  
嘉木凋綠葉  
芳草殲紅榮  
騁哉日月逝  
年命將西傾  
建功不及時  
鐘鼎何所銘  
收念還房寢  
慷慨詠墳經  
庶幾及君在  
立德垂功名

遊覽原作

魏劉楨

職事相一作填委文墨  
紛消散馳翰  
未暇食日晏  
不知晏沈迷  
簿領書回回  
自昏亂釋此  
出西城登高  
且遊觀方塘  
含白水中  
有鳥與鴈  
安得肅肅羽  
從爾浮波瀾

遊覽

晉張據

嬌足金雲閣相伴步九華徒倚憑高山仰攀桂樹柯  
延首觀神州迴晴吟曲阿芳林挺脩幹一歲再三花  
何以濟不朽噓吸漱朝霞重巖吐神瀝傾觴挹涌波  
恢恢大道間人事足爲多

遊南亭

宋謝靈運

時竟夕澄霽雲歸日西馳密林含餘清遠峰隱半規  
久痼昏墊苦旅館眺郊岐澤蘭漸被徑芙蓉始發池  
未厭青春好已觀朱明移戚戚感物歎星星白髮垂  
藥餌情所止衰疾忽在斯逝將候秋水息景偃舊崖  
我志誰與亮賞心惟良知

人部

卷一百一

遊覽

過白岸亭詩

宋謝靈運

拂衣遵沙垣緩步入蓬屋近澗澗密石遠山映疎木  
空翠難強名漁釣易爲曲援蘿聆青崖春心自相屬  
交交止栩黃吻吻食萍鹿傷彼人百哀嘉爾承筐藥  
榮悴迭去來窮通成休戚未若長疎散萬事恒抱朴

於南山往北山經湖中瞻眺

宋謝靈運

朝旦發陽崖景落憩陰峰含舟眺迴渚停策倚茂松  
側逕既窈窕環洲亦玲瓏倪視喬木杪仰聆大壑淙  
石橫水分流林密蹊絕蹤解作竟何感升長皆丰容  
初篁包綠籜新蒲含紫茸海鷗戲春岵天雞弄和風

撫化心無厭覽物眷彌重不惜去人遠但恨莫與同  
孤遊非情歎實廢理誰通

遊山

齊謝朓

託養因支離乘閒遂疲蹇語默良未尋得喪云誰辨  
幸蒞山水都復值清冬緬凌厓必千仞尋路將萬轉  
堅聳既峻嶒迴流復宛澗杳杳雲竇深淵淵石溜淺  
傍眺鬱鬱鬱還望森森森梗荒隩被歲茂崩壁帶苔蘚  
颺吹叫層岵鷗鳥戲沙衍觸賞聊自觀即趣咸已展  
經日惜所遇前路欣方踐無言蕙草歇留坦芳可蹇  
尚子時未歸邴生思自免永志昔所欽勝迹今能選

人部

卷一百一

三

遊覽

寄言賞心客得性良爲善

遊東田

齊謝朓

戚戚苦無悰攜手共行樂尋雲陟累榭隨山望蘭閣  
逶樹曖阡阡生煙紛漠漠魚戲新荷動鳥散餘花落  
不對芳春酒還望青山郭

興江水曹至千濱戲

齊謝朓

山中上芳月故人清樽賞遠山翠百重迴流映千丈  
花枝聚如雪蕪絲散猶網一作垂藤別後能相思何  
差異封壤

和何議曹外遊二首

齊謝朓

春心澹容與挾弋步中林朝光映紅萼微風吹好音  
江垂得清賞山際果幽尋未嘗遠離別知此愜歸心  
流沂終靡已嗟行方至今

江臯倦遊客薄暮懷歸者揚舲浮大川惆悵至日下  
蘿靡青莎被潺湲石溜瀉寄語持竿簑舒憂願自假  
歸途豈難涉翻同江上夏

往敬亭路中聯句

齊謝朓

山中芳杜綠江南蓮葉紫芳年不共遊淹留空若是

君綠水豐蓮漪青山多繡綺新條日向抽落花紛已  
委何從弱夢既青翠輕沙方靈靡鷺鷥沒而游麝麝

人部

卷五十三

四

遊覽

騰復倚

齊舉

春岸望沈沈清流見瀾瀾幸藉人外遊

盤桓未能徙

陳

驚柁把瓊芳隨山訪靈詭榮楮每蟬

岫林堂多砮礮

君

還塗臨渚聯句

齊謝朓

綠水瀕清波青山繡芳質落景晚陰殘花綺餘日

何從

白沙澹無際青山眇如一傷此物運移惆悵望

還律

白水田外明孤嶺松上出即趣佳可淹淹聞

非下秩

和

侍遊新亭應令

梁簡文帝

神襟愍行邁岐路愴徘徊遙瞻十里陌傍望九城臺

鳳管流虛谷龍騎藉春芳曉光浮野映朝煙承日更  
沙文浪中積春陰江上來柳葉帶風轉桃花含雨開  
聖情蘊珠綺札命表英才顧憐砥礪質何以儷瓊環

擬謝僕射混遊覽

梁江淹

信矣勞物化憂襟未能整薄言遵郊衢總轡出臺省

淒淒節序高寥寥心悟永時菊耀嚴阿雲霞冠秋嶺

眷然惜良辰徘徊踐落景卷舒雖萬緒動復歸有靜

曾是迫桑榆歲暮從所秉丹壑不可攀忘懷寄匠郢

擬謝光祿莊郊遊

梁江淹

肅舫出郊際徒樂逗江陰翠山方藹藹青浦正沈沈

人部

卷五十三

五

遊覽

涼葉照沙嶼秋榮冒水萍風散松架險雲鬱石道深

靜然一作

鏡縣野四睇亂層岑氣清知鴈引露華識

援音雲葉信解轍煙駕可辭金始整丹泉術終覲紫

芳心行光自容裔無使弱思侵

暮遊山水應令賦得磧字

梁庾肩吾

餘春屬清夜西園恣遊歷入徑轉金輿開橋通畫鷁

細藤初上榦新流漸涵積雲峰沒城柳電影開巖壁

登吳昇平亭

一作遊若耶

陳釋洪偃

肅肅物候晚肅肅天望清旅人聊策杖登高蕩客情

川原多舊迹墟里或新名宿煙浮始旦朝日照初晴



獨遊之徒侶徐步寡逢迎信美非吾託賞心何易并

遊鍾山之開善定林息心宴坐引筆賦詩

陳釋洪偃

杖策步前嶺褰裳出外扉輕蘿轉蒙密幽逕復紆威  
樹高枝影細山盡鳥聲稀石苔時滑疑蟲網乍粘衣  
澗旁紫芝曄巖上白雲霏松子排煙去堂生寂不歸  
窮谷無還往攀桂獨依依

遊山

北周庾信

聊登玄圃殿更上增城山不知高幾里低頭看世間  
唱歌雲欲聚彈琴鶴欲舞澗底百重花山根一片雨

人部

卷一百三

六

遊覽

婉婉藤倒垂亭亭松直豎

和宇文京兆遊田

北周庾信

小苑禁門開長楊獵客來懸知畫眉罷走馬向章臺  
澗寒泉反縮山晴雲倒回態飢自舐掌鷹驚獨銜枚  
美酒餘杭醉一作芙蓉即奉杯

和宇文內史春日遊山

北周庾信

遊客值春輝金鞍上翠微風逆花迎面山深雲濕衣  
鴈持一足倚猿將兩臂飛成樓侵嶺路山村落獵圍  
道士封君達仙人丁令威煮丹於此地居然未肯歸

河曲遊

魏文帝與吳質書曰時儼而遊北魏河曲

隋盧思道

鄴下盛風流河曲有名遊應徐託後乘車馬踐芳洲

丰茸雞樹密遙裔鶴煙稠日上疑高蓋雲起類重樓

金羈自沃若蘭棹成夷猶懸匏動清吹采菱轉艷謳

還珂響金埒歸袂拂銅溝唯畏三春晚勿言千載憂

春晚從李長史遊開道林

唐駱賓王

幽尋極幽壑春望陟春臺雲光棲斷樹靈影入仙杯  
古藤依路上野徑約山隈落葉翻風去流鶯滿樹來  
興闌荀御動歸路起浮埃

出石門

唐駱賓王

層巖遂接天絕嶺上栖煙松低輕蓋偃藤細羽絲懸

人部

卷一百三

七

遊覽

石明如挂鏡苔分似列錢暫策爲龍杖何處得神仙  
遊禹穴廻出若耶

唐宋之間

禹穴今朝到耶谿此路通著書聞太史鍊藥有仙翁  
鶴往籠猶挂龍飛劍已空石帆搖海上天鏡落湖中  
水底零露白山邊墜葉紅歸舟何處晚日暮使樵風

遊陸渾南山自歇馬嶺到楓香林以詩代書答

李舍人適

唐宋之間

晨登歇馬嶺遙望伏牛山孤出羣峰首罷熊元氣間  
太和亦崔嵬石扇橫閃倏細岑互攢倚浮嶽競奔蹙  
白雲遙入懷青雲近可掬徒尋靈異迹周顧愜心目

晨拂鳥路行暮投入煙宿間關踏雲雨繚繞緣水木  
西見商山芝南到楚鄉竹楚竹幽且深半雜楓香林  
浩歌青潭曲寄爾桃源心

遊石門墨山二山相連有禪堂觀天下絕境

唐張說初

菌輪江上山近在華容縣常涉巴丘首天晴遙可見  
佳遊屢前諾芳月愆幽眷及此符守移歡言臨道便  
既攜賞心客復有送行掾竹徑入陰宵松崖上空藉  
草共林一色雲與峰萬變探窺石門斷綠越沙澗轉  
兩山勢爭雄峰巘相顧盼藥妙靈仙寶境華嚴壑選  
人部 卷二百三 八 遊覽

清都西淵絕金地東敞宴池果接園畦風煙通臺殿  
高尋去石頂曠覽天宇遍千山紛滿目百川豁對面  
騎來雲飛迎人去鳥聲戀長揖桃源士舉世同企羨  
巴丘春作 唐張說初

日出洞庭水春山挂斷霞江渚相映發升木共紛華  
湘戍南浮關荆關北望賒湖陰窺魍魎丘勢辨巴蛇  
鳥戶巢爲館漁人艇作家自憐心問影三歲客長沙  
遊洞庭湖相 唐張說初

平湖曉望分仙嶠氣氤氳鼓枻乘清渚尋峰弄白雲  
江寒天一色日靜水重紋樹坐參差蕭沙行入鷺羣

緣源斑條密冒徑綠蘿紛洞穴傳虛應楓林覺自薰  
雙童有靈藥願取獻明君

晦日任橋池亭

唐儲光義盛

溫泉作天邑直北開新洲未有菰蒲生即聞鳬鴈游  
六亭在南岍數島居中流晦日望清波相與期汎遊  
西道苦轉轂北堤疲行舟清泠水木陰纔可適我憂  
自大散以往深林密竹磴道盤曲四五十里至

黃牛嶺見黃花川

唐王維盛

危徑幾萬轉數里將三休迴環見徒侶隱映隔林丘  
颯颯松上雨潺潺石中流靜言深谿裏長嘯高山頭  
人部 卷二百三 九 遊覽

望見南山陽白露霽悠悠青皇麗已淨綠樹鬱如浮  
曾是厭蒙密曠然消人憂

冬日遊覽

唐王維盛

步出城東門試騁千里目青山橫蒼林赤日圓平陸  
渭北走邯鄲關東出函谷秦地萬方會來朝九州牧  
雞鳴咸陽中冠蓋相追逐丞相過列侯羣公餞光祿  
相如方老病獨歸茂陵宿

入彭蠡經松門觀石鏡緬懷謝康樂題詩書遊  
覽之志 唐李白盛

謝公之彭蠡因此遊松門余方窺石鏡兼得窮江源

將欲繼風雅豈徒清心魂前賞逾所見後來道空存  
况屬臨汎美而無洲渚喧漾水向東去漳流直南奔  
荆山漳水出焉而東南流注於沮空濛五川夕回合千里昏青桂隱  
逢月綠楓鳴愁援水碧或可采金精秘莫論吾將學  
仙去冀與琴高言

荅長安崔少府叔封遊終南翠微寺太宗皇帝

金沙泉見寄

唐李白

河伯見海若傲然誇秋水小物昧遠圖寧知通方士  
多君紫霄意獨往蒼山裏地古寒雲深崑崙長風起  
初登翠微嶺復憇金沙泉踐苔朝霜滑弄波夕月圓

人部

卷百三

十

遊覽

飲彼日下流結蘿宿谿煙鼎湖夢淥水龍駕空茫然  
早行子午間却登山路遠拂琴聽霜後滅燭乃星飯  
人煙無明異鳥道絕往返攀崖倒青天視白日晚  
既過石門隱還唱石潭歌步雪寒紫芳濯纓想清波  
此人不可見此地君自過爲余謝風泉其如幽意何

遊敬亭寄崔侍御

唐李白

我家敬亭下輒繼謝公作相去數百年風期宛如昨  
登高素秋月下望青山郭俯視鴻鷺羣飲啄自鳴躍  
夫子雖蹭蹬瑤臺雪中鶴獨立窺浮雲其心在寥廓  
時一顧我笑一飯葵與藿世路如秋風相逢盡蕭索

腰間玉具劍意許無遺諾壯士不可輕相期在雲閣

送友人尋越中山水

唐李白

聞道稽山去偏宜謝客才千巖泉麗落萬壑樹繁迴  
東海橫秦望西陵繞越臺湖清霜鏡曉濤白雪山來  
八月枚乘筆三吳張翰杯此中多逸興早晚向天台

湘中紀行十首

唐劉長卿

湘妃廟

荒祠古木暗寂寂此江濱未作湘南雨知爲何處雲  
苔痕斷珠履草色帶羅裙莫唱迎仙曲空山不可聞

斑竹巖

人部

卷百三

十一

遊覽

蒼梧在何處斑竹自成林點點流殘淚枝枝寄此心  
寒山響易滿秋水影偏深欲覓樵人路蒙龍不可尋

洞山陽

舊日仙成處荒林客到稀白雲將犬去芳草任人歸  
空谷無行徑深山少落暉桃源幾家住誰爲掃荆扉

雲母谿

雲母映谿水谿流知幾春深藏武陵客時過洞庭人  
白髮慚皎鏡清光媚潯淪寥寥古松下歲晚挂頭巾

赤沙湖

茫茫葭菼外一望一沾衣秋水連天闊澤陽何處歸

沙鷗積暮雪川日動寒暉楚客來相問孤舟泊釣磯

秋雲頰

山色無定姿如煙復如黛孤峰夕陽後翠頰秋天外雲起遙蔽虧江迴頰向背不知今遠近到處猶相對

花石潭

江楓日搖落轉愛寒潭靜水色淡如空山光復相映人間流更慢魚戲波難定楚客往來多偏知白鷗性

石圍峰

前山帶秋色獨往秋江晚疊嶂入雲多孤峰去人遠黃緣不可道蒼翠空在眼渡口問漁家桃源路深淺

人部

卷百三

十二 遊覽

浮石瀨

秋月照瀟湘月明聞盪槳石橫晚瀨急水落寒沙廣衆頰援嘯重空江人語響清暉朝復暮如待扁舟賞

橫龍渡

空傳古岍下曾見蛟龍去秋水晚沈沈獨疑在何處亂聲沙上石倒影雲中樹獨見一扁舟樵人往來渡

遊襄陽泉石晚歸

唐錢起中

遊目隨山勝迴繞愛浦長往來幽不淺昏旦興難忘木末看歸翼蓮西失夕陽人聲指間井野趣惜林塘稍近屯楊路菱舟擁岍香

遊輞川至南山寄谷口王六 唐錢起中

山色不厭遠我行隨處深蹟幽青蘿逕思絕孤霞岑獨鶴引過浦鳴猿呼入林寒裳百泉裏一步一清心王子在何處隔雲雞犬音折麻定延佇乘月期招尋

送包何東遊

唐錢起中

水國嘗獨往送君還念茲湖山遠近色昏旦煙霞時予好謝公跡常吟孤嶼詩果乘扁舟去若與白鷗期野趣及春好客遊欣此辭入雲投館僻采碧過帆遲江上日迴首琴中勞別思春鴻刷歸翼一寄杜蘅枝登西南岡卜居遇雨尋竹浪至澧壩縈帶數里

人部

卷百三

十三 遊覽

清流茂樹雲物可賞

唐韋應物中

登高創危構林表見川流微雨風已至蕭條川氣秋下尋密竹盡忽曠沙際遊紆曲水分野綿延稼盈疇寒花明廢墟稚牧笑榛丘雲水成一作陰澹竹樹更清幽適自戀佳賞一作幽賞復茲永日留

龍門遊眺

唐韋應物中

鑿山導伊流中斷若天闕都門遙相望佳氣生朝夕素懷出塵意適有攜手客清舍繞一作層阿千龕鄰一作峭壁緣雲路猶緬迴澗鐘已寂花樹發煙華淙流散石脉長嘯招遠風臨潭漱金碧日落望都城人

間何役役一作徘徊悵還

洛都遊寓

唐韋應物

東風日已和元化亮無私草木同時植生條有高卑  
罷官守園廬豈不懷渴饑窮通非所干跼促當何爲  
佳辰幸可遊親友亦相追朝從華林宴暮返東城期  
掇英出蘭皋詠月步川坻軒冕誠可慕所憂在繫維

遊石角過小嶺至長烏村

唐柳宗元

志適不期貴道存豈偷生久忘上封事復笑昇天行  
竄逐宦湘浦搖心劇懸旌始驚陷世議終欲逃天刑  
歲月殺憂慄慵疎寡將迎追遊疑所愛且復舒吾情

人部

卷一百三

十四

遊寓

石角悠悠步長烏遂遐征磴迴茂樹斷景晏寒川明  
曠望少行人時聞田鶴鳴風篁冒水遠霜稻侵山平  
稍與人事間益知身世輕爲農信可樂居寵真虛榮  
喬木餘故國願言果丹誠四支返田畝釋志東臯耕

早春閑遊

唐張籍

年長身多病獨宜作冷官從來閑坐慣漸覺出門難  
樹影新猶薄池光晚尚寒遙聞有花發騎馬暫行看

姑熟十首

此紀遊之作也

唐李赤

愛此谿水閒乘流興無極漾舟怕鷗鷺垂竿待魚食

波翻曉霞影岝嶺春山色何處浣紗人紅顏未相識

丹陽湖

湖與元氣連風波浩難止天外賈客歸雲間片帆起  
龜遊蓮葉上鳥宿蘆花裏少女棹輕舟歌聲逐流水

謝公宅

青山日將暝寂寂謝公宅竹裏無人聲池中虛月白  
荒庭衰草徧廢井蒼苔積唯有清風閒時時起泉石

凌歊臺

曠望登古臺臺高極人目疊嶂列遠空雜花間平陸  
閒雲入牕牖野翠生松竹欲覽碑上文苔侵豈堪讀

人部

卷一百三

十五

遊覽

桓公井

桓公名已古廢井曾未竭石甃冷蒼苔寒泉湛孤月  
秋來桐暫落春至桃還發路遠人罕窺誰能見清澈

慈姥竹

野竹攢石生含煙映江島翠色落波深虛聲帶寒早  
龍吟曾未聽鳳曲吹應好不學蒲柳眉貞心常自保

望天山

願望臨碧空怨情感離別江草不知愁巖花但爭發  
雲山萬重隔音信千里絕春去秋復來相思幾時歇

牛渚磯

絕壁臨巨川連峰勢相向亂石流狀間迴波自成浪  
但驚木秀莫測精靈狀更聽猿夜啼憂心醉江上

靈墟山

丁令辭世人拂衣向仙路伏鍊九丹成方隨五雲去  
松蘿蔽幽洞桃杏深隱處不知曾化鶴遼海歸幾度

天門山

迴出江上山雙峰自相對岸映松色寒石分浪花碎  
參差遠天際縹緲晴霞外落日舟去遙回首沈青霞

遊石龍渦四壁千仞散泉如雪

唐孟郊中

石龍不見形石雨如散星山下晴皎皎山中陰冷冷

人部

卷一百三

十六

遊覽

水飛林木杪珠綴葍苔屏蓄異物皆別當辰景欲暝  
泉芳春氣碧松月寒色青險力此獨壯猛獸亦不停  
日暮且迴去浮心恨未寧

與王員外涯遊枋口柳谿

唐孟郊中

萬株古柳根罕此磷磷谿野榜多屈曲仙潭無端倪  
春桃散紅煙寒竹含晚淒曉聽忽以異芳樹安能齊  
潛寶韻靈瑟翠崖鳴玉珪主人稷卨翁德茂芝不畦  
鑿出幽隱端氣象皆昇躋

越中山水

唐孟郊中

自一作覺耳目勝我來山水州蓬瀛若髮鬢田野如

泛浮碧嶂幾千逵清泉一作萬餘流莫窮合沓步乳  
盡孤別遊越水淨難污越天陰易收氣鮮無隱物目  
視遠更周舉俗媚蔥蒨連冬嶺芳柔菱湖有餘翠著  
圃無荒疇賞與忽已遠探奇誠淹留永言終南色去  
矣銷人憂

送無懷道士遊富春山水

一作送別吳逸士歸山

唐孟郊中

造化一作絕高處富春獨多觀山濃翠滴灑一作水

折珠摧殘谿鏡不隱髮樹衣長遇一作寒風徒虛空

飛月吹叫嘯酸信此神仙路一作豈爲時俗安煮金

人部

卷一百三

十七

遊覽

陰陽火一作芙蓉囚怪星宿壇花發我一作未識玉生  
忽藂攢蓬萊浮蕩漾非道相從難

西郊遊曠

唐元稹中

東風散餘沍陂水淡已綠煙芳何處尋香藹春山曲  
新禽哢暄節晴光汎嘉木一與諸君遊華觴欣見屬

遊坊口懸泉偶題石上

唐白居易中

濟源山水好老尹知之久常日聽人言今秋入吾手  
孔山刀劍立沁水龍蛇走危磴已懸泉澄灣轉坊口  
虛明見深底淨綠無纖垢僊棹浪悠揚塵纓風抖擻  
嚴寒松柏短石古莓苔厚錦座嬰高低翠屏張左右



雖無安石妓不乏文舉酒談笑逐身來管絃隨事有時逢杖錫客或值垂綸叟相與澹忘歸自辰將及酉公門欲返駕谿路猶迴首早晚重來遊心期龍官後秋日與張賓客舒著作同遊龍門醉中狂歌凡

二百三十八字

唐白居易

秋天高高秋光清秋風嫋嫋秋蟲鳴高峰餘霞錦綺卷伊水細浪鱗甲生洛陽閑客知無數少出遊山多在城南嶺老人自追逐蓬丘逸士相逢迎南出鼎門十八里莊店邐迤橋道平不寒不熱好時節鞍馬穩快衣衫輕並轡踟躕下西岍扣舷容與遠中汀開懷

人部

卷一百三

十八

唐

曠達無所繫觸目勝絕不可名荷蓑欲黃荇猶綠魚樂自躍鷗不驚翠藻蔓長孔雀尾彩船櫓急寒鴈聲家醞一壺白玉液野花數把黃金英朝遊回看西日暮夜話坐及東方明暫停杯觴輒吟詠我也狂言君試聽丈夫一生有二志兼濟獨善難得并不能救療生民病卽須洗濯塵土纓况吾頭白眼已暗終日戚促何所成不如展眉開口笑龍門醉卧香山行

出遊

唐釋皎然

少時不見山便覺無奇趣狂發從亂歌情來任閒步此心誰共證笑看風吹樹

春遊

唐李商隱

橋峻斑駁疾川長白鳥高煙輕唯潤柳風濫欲吹桃徒倚三層閣摩挲七寶刀庾郎年最少青草妬春袍

樂遊

一作登游原

唐李商隱

向晚意不適驅車登古原夕陽無限好只是近黃昏

春遊望仙谷

唐儲嗣宗

清無車馬塵深洞百花春雞犬疑沾藥耕桑似避秦登山採樵路臨水浣紗人若得心無事移家便卜鄰

○登眺

始安郡還都與張湘州登巴陵城樓作

人部

卷一百三

十九

唐

宋顏延之

江漢分楚望衡巫莫南服三湘淪洞庭七澤謁荆牧經塗延舊軌登闔訪川陸水國周地險河山信重複却倚雲夢林前瞻京<sup>一作荆</sup>臺囿清霧霽岳陽曾暉薄瀾澳悽矣自遠風傷哉千里目萬古陳往還百代勞起伏存沒竟何人炯介在明淑請從上世人歸來藝桑竹

登池上樓

宋謝靈運

潛虬媚幽姿飛鴻響遠音薄霄愧雲浮棲川作淵沈進德智所拙退耕力不任徇祿返窮海臥病對空林

衾枕昧節候，褰開暫窺臨。傾耳聆波瀾，舉目眺嶺嶽。  
初景革緒風，新陽改故陰。池塘生春草，園柳變鳴禽。  
祁祁傷幽歌，萋萋感楚吟。索居易永久，離羣難處心。  
持操豈獨古，無悶徵在今。

泛湖歸出樓中望月

宋謝惠連

日落泛澄瀛，星羅遊輕橈。憩榭面曲汜，臨流對廻潮。  
輟策共駢筵，並坐相招要。哀鴻鳴沙渚，悲援響山椒。  
亭亭映江月，颺颺出谷颺。斐斐氣羃岫，泫泫露盈條。  
近矚祛幽蘊，遠視盪諠囂。晤言不知罷，從夕至清朝。

自礪山東望震澤

宋鮑照

人部

卷一百三

二十

登眺

瀾漫潭洞波，合沓峯嶂雲。漲島遠不測，岡澗近難分。  
幽篁愁暮見，思鳥傷夕聞。以此藉沈疴，栖迹別人羣。  
結言非盡書，有念豈敷文。

日落望江贈荀丞

宋鮑照

旅人乏愉樂，薄暮增思深。日落嶺雲歸，延頸望江陰。  
亂流漾大壑，長霧匝高林。林際無窮極，雲邊不可尋。  
惟見獨飛鳥，千里一揚音。推其感物情，則知遊子心。  
君居帝京內，高會日揮金。豈念慕羣客，咨嗟戀景沈。

月下登樓聯句

宋鮑照

髮髯羅月光，繽紛篁霧陰。樂來亂憂念，酒至歇憂心。

照露入覺牖，高螢蜚測苑。深清氣澄永，夜流吹不可。  
臨秀延密峰，集浮碧。踈瀾道瀛海，漱玉延幽性。攀桂  
藉知音，苗原辰意事淪晦。良歡戒勿侵，昭景有遺駟。  
孤賈無留金，苗中書苗秋。

晚登三山還望京邑

齊謝朓

灞望望長安，河陽視京縣。白日麗飛甍，參差皆可見。  
餘霞散成綺，澄江靜如練。喧喧一鳥覆春洲，維英滿  
芳甸。去矣方滯淫，懷哉罷歡宴。佳期悵何許，淚下如  
流霰。有情知望鄉，誰能鬢不變。

落日悵望

齊謝朓

人部

卷一百三

二十

登眺

昧旦多紛喧，日晏未遑舍。落日餘清陰，高枕東牕下。  
寒槐漸如束，秋菊行當把。借問此何時，涼風懷朔馬。  
已傷慕歸客，復思離居者。情嗜幸非多，案牘偏為寡。  
既乏瑯琊政，方憩洛陽社。

將發石頭上烽火樓

齊謝朓

徘徊戀京邑，躑躅躑躅曾阿陵。高遲關近眺，迴風雲多  
荆吳阻山岫，江海含瀾波。歸飛無羽翼，其如離別何。  
登北顧樓，梁武帝大同十年三月幸京口城登北固樓更名北顧

梁武帝

歌駕止行警，迴輿暫遊識。清道巡丘壑，緩步肆登陟。

鴈行上差池羊腸轉相逼歷覽窮天步曉曠盡地域  
南城連地險北顧臨水側深潭下無底高岍長不測  
舊嶼石若構新洲花如織

奉和登北顧樓

梁簡文帝

春陵佳麗地濟水鳳凰宮况此徐方域川岳邁周豐  
皇情愛歷覽遊陟擬崆峒聊驅式道候無勞襲野童  
霧崖開早日晴天歇晚虹去帆入雲裏遙星出海中

登烽火樓

梁簡文帝

聳樓排樹山却堞帶江清陟峰試遠望鬱鬱盡郊京  
萬邑王畿曠三條綺陌平巨原橫地險孤嶼派流生

人部

卷一百三

二十三

登眺

悠悠歸棹入渺渺去帆驚水煙浮岍起遙禽逐霧征

登江州百花亭懷荆楚

梁元帝

極目纔千里何由望楚津落花灑行路垂楊拂砌塵  
柳絮飄晴雪荷珠漾水銀試酌新春酒遙勸陽臺人

奉和登百花亭懷荆楚

梁朱超道

亭高登望極春心遠近同莫恨荆臺隱雲行不礙空  
柳色浮新翠蘭心帶淺紅若因鵬舉便重上龍門中

登玄暢樓

梁沈約

危峰帶北阜高頂山南岑中有凌風榭迴望川之陰  
岍險每增減湍平互淺深水流本三派臺高乃四臨

上有離羣客客有慕歸心落暉映長浦煥景燭中津  
雲生嶺乍黑日下谿半陰信美非吾土何事不抽簪

登陽雲樓

梁劉孝綽

吾登陽臺上非夢高唐客回首望長安千里懷三益  
顧帷慙入楚降一作私等申白西沮水潦收昭丘霜  
露積龍門不可見空慕凌寒柏

登高臺

梁王僧孺

試出金華殿聊登銅雀臺九路平如掌一作砥千門洞  
已開軒車映日過簫管逐風來若非邯鄲美便是洛陽才

陽才

人部

卷一百三

二十三

登眺

落日登高

梁王僧孺

憑高且一望目極不能捨東北指青門西南見白社  
軫軫河梁上紛紛渭橋下爭利亦爭名驅車復驅馬  
寧訪蓬蒿人誰憐寂寞者

擬殷東陽仲文興囑

梁江淹

晨遊任所萃悠悠蘊真趣雲天亦遯虎時與賞心遇  
青松挺秀萼惠色出喬一作芳樹極眺清波深絢映石  
壁素瑩情無餘滓拂衣釋塵務求仁既自我玄風豈  
外慕直置忘所宰蕭散得遺慮

侍始安王石頭

梁江淹

緒官承盛世逢恩侍英王結劍從深景撫袖逐曾光  
暮情鬱無已流望在川陽平原忽超遠參差見南湘  
何如塞北陰雲鴻盡來翔擊鏡照愁色徒坐引憂方  
山中如未夕無使桂葉傷

東亭極望

梁蕭子範

晚流稍東急暝景促西暉水鳥銜魚上蓮舟拂芰歸  
郊原共超遠林野雜依非從君採蘿葛寧復想輕肥

落日郡西齋望海山

梁蕭子雲

漁舟暮出浦漢女採蓮歸夕雲向山合一作浦水鳥望  
田飛蠟鳴早秋至蕙草無芳非故隱天山北夢想日

人部

卷一百三

二十四

登眺

依依

北寺寅上人房望遠岫翫池

梁王筠

安期遂長往交甫稱高讓遠跡入滄溟輕舉馳昆閬  
良由心獨善兼且情由放豈若尋幽棲自目窮清曠  
激水周堂下屯雲塞檐向開牖聽奔濤開牕延疊嶂  
前階復虛汭瀾迤成洲漲雨點散圓文風生起斜浪  
游鱗互瀉濤羣飛皆唳吼蓮葉蔓田田菱花動搖漾  
浮光曜庭廡流芳襲帷帳匡坐足忘懷詎思江海上

早出巡行矚望山海

梁王筠

王生臨廣隰潘子望洪河同軫懷歸思俱興年逝歌

曰余異二子承睫淚滂沱剖符瀛海外結綬層山阿  
因心留惻憫怨已息煩苛繕築循時噪興動藉民和  
高門惟壯麗脩雉亦駢羅層樓亦攀陟復道亦經過  
昧旦清音上風氣入織羅雲起垂天翼水動連山波  
奔濤延瀾汗積翠遠差我鄉關屢迴曲還顧杳蹉跎  
曾微肅肅羽望路空如何

日夕望江山贈魚司馬

梁何遜

淦城帶淦水淦水縈如帶日夕望高城耿耿青雲外  
城中多宴賞絲竹常繁會梵聲已流悅弦聲復淒切  
歌黛慘如愁舞腰凝欲絕仲秋黃葉下長風正騷屑

人部

卷一百三

三十五

登眺

早鴈出雲歸故燕辭檐別畫悲在異縣夜夢還洛汭

洛汭何悠悠起望西南樓一作登西樓的的帆向浦團團

月映一作隱洲誰能一羽化輕舉遂飛浮

秋日登廣州城南樓

陳江總

秋城韻晚笛危榭引清一作凄風遠氣疑埋劍驚禽似

避弓海樹一邊出山雲四面通野火初煙細新月半

輪空塞外離羣客顏鬢早如蓬徒懷建鄴水復想洛

陽宮不及孤飛鴈獨在上林中

奉和登百花亭懷荆楚

陳陰鏗

江陵一柱觀潯陽千里潮風煙望似接川路恨成遙

落花輕未下飛絲斷易飄藤長還依格荷生不避霜  
陽臺可憶處唯有暮將朝

登武昌岬望

陳陰鏗

遊人試歷覽舊跡已丘墟巴水縈非字楚山斷類書  
荒城高仞落古柳細條疎煙蕪遂若此當不爲能居

和洗掾登城南坂望京邑

隋袁朗

二華連陌塞九隴統金方奧區稱富貴重險擅雄強  
龍飛灞水上鳳集岐山陽神臯多瑞跡列代有興王  
我后膺靈命爰求宅茲土宸居法太微建國資天府  
玄風隔黎庶德澤浸區宇醒醉各相扶謳歌從聖主

人部

卷百三

二七

登龍

南登少陵岸還望帝城中帝城何鬱鬱佳氣迺蔥蔥  
金鳳凌綺觀璇題敞蘭宮複道東西合交衢南北通  
萬國朝前殿羣公議宣室鳴珮含早風華蟬曜朝日  
柏梁宴初罷千鍾歡未畢端拱肅嚴廊思賢聽琴瑟  
逶迤萬雉列隱軫千閭布飛甍夾御溝曲臺臨上路  
處處歌鐘鳴喧闐車馬度日落長楸間舍情兩相顧  
是月夕之季陰寒晝不開驚風四面集飛雪千里迴  
狐白登廊廟牛衣出草萊詎知韓長孺無復重燃灰  
和張丞奉詔於江都望京口 隋孫萬壽

回首觀濤處極望滄海涓流波去無限喬木不勝悲

蓬萊雖已變池塘尚所思歸飛路窮此悵望情難持  
吾生乃民季疇日佐藩維尚想西園夕猶懷北固時  
城邑纔辨處風煙忽何之歧予未能已顧歎空遲遲

登北邙還望京洛

唐鄭世翼

步登北邙阪踟躕聊寫望宛洛盛皇居規模窮大壯  
三河分設險兩嶠資巨防飛觀紫煙中層臺碧雲上  
青槐夾馳道迢迢脩且曠左右多第宅參差居將相  
清晨謁帝返車馬相追訪胥徒各異流文物紛殊狀  
曁塵暗天起簫管從風颺伊余忠一作孤且直生平獨  
淪喪山幽有桂叢何爲坐惆悵

人部

卷百三

二七

登龍

度荆門望楚

唐陳子昂

遙遙去巫峽望望下章臺巴國山川盡荆門煙霧開  
城分蒼野外樹斷白雲隈今日狂歌客誰知入楚來

北眺春陵

唐駱賓王

總轡疲宵邁驅馬倦晨興旣出封泥谷還過避雨陵  
山行明照上谿宿密雲蒸登高徒欲賦詞碑獨撫膺

冀北春望

唐崔湜

迴首覽燕趙春生兩河間曠然萬里餘際海不見山  
雨歇青林潤煙空綠野閒問鄉何處所目送白雲還

江樓夕望

唐崔湜



試陟江樓望悠悠去國情楚山霞外斷漢水月中平  
公子留遺邑夫人在舊城蒼蒼煙霧裏何處是咸京

早春魚亭山

唐薛稷初

春氣動百草紛榮時斷續白雲自高妙徘徊空山曲  
陽林花已紅寒澗苔未綠伊余息人事蕭寂無營欲  
客行雖云遠翫之聊自足

奉和聖製登驪山囑眺應制

唐張說初

洞府寒山曲天遊日盱迴披雲看石鏡拂殿上金臺  
竹徑龍驂下松庭鶴轡來雙童還獻藥五色耀仙材

登荊州城望江

唐張九齡初

人部

卷一百三

二八

登眺

滔滔大江水天地相終始經閱幾世人復歎誰家子  
東望何悠悠西來晝夜流歲月既如此爲心那不愁

秋晚登樓望南江入始興路

唐張九齡初

潦收沙衍出霜降天宇晶伏檻一長眺津途多遠情  
思來江山水外望盡煙雲生滔滔不自辨役役且何成  
我來颯衰鬢孰云飄華纓樞馬苦踈踈籠禽念遐征  
歲陰向晚晚日夕坐屏營物生貴得性身累猶近名  
內顧覺今是追歎何時平

登樓望西山

唐張九齡初

城樓枕南浦日夕顧西山宛宛鸞鶴處高高煙霧間

仙井今猶在洪崖久不還金編莫我授羽駕亦誰攀  
簷際千峰遠雲中一鳥閑縱觀窮水國遊思遍人寰  
勿復塵埃事歸來且閉關

登樂遊原春望書懷

唐張九齡初

城隅有樂遊表裏見皇州策馬旣長遠雲山亦悠悠  
萬壑清光滿千門喜氣浮花間直城路草際曲江流  
憑眺茲爲美離居方獨愁已驚玄髮換空度綠莢柔  
奮翼籠中鳥歸心海上鷗旣傷日月逝且欲桑榆收  
豹變焉能及鸞鳴非可求願言從所好初服返林丘  
同薛司直秋霽曲江俯見南山作

人部

卷一百三

二九

登眺

唐高適盛

南山鬱初霽曲江湛不流若臨瑤池間想望崑崙丘  
迴首見繁色眇然波上秋深沈俯崢嶸清淺延阻脩  
連潭萬木影插岸千巖幽杳藹信難測奇淪無暗投  
片雲對漁父獨鳥隨虛舟我心寄青霞世事慙白鷗  
得意在乘興忘懷非外求良辰自多暇欣與數子遊  
登百丈峰二首  
唐高適盛  
朝登百丈峰遙望燕支道漢壘青冥間胡天白如掃  
憶昔霍將軍連年此征討匈奴終不滅寒山徒草草  
唯見鴻鴈飛令人傷懷抱



晉武輕後事惠皇終已昏豺狼塞瀛洛胡羯爭乾坤  
四海如鼎沸五原徒自尊而今白庭路猶對青陽門  
朝市不足問君臣隨草根

秋登蘭山寄張五

唐孟浩然

北山白雲裏隱者自怡悅相望試登高心隨飛鴈滅  
愁因薄暮起興是清秋發時見歸村人平沙渡頭歇  
天邊樹若齊江畔舟如月何當載酒來共醉重陽節  
自潘陵尖還少室居止秋夕憑眺

唐岑參

草堂近少室夜靜聞風松月出潘陵尖照見十六峰  
人部

卷百三

三十一

九月山葉赤谿雲澹秋容火點伊陽村煙深嵩角鐘  
尚子不可見蔣生難再逢勝概只自知佳趣爲誰濃  
昨詣山僧期上到天壇東向下望雷雨雲間見回龍  
夕與人羣疎轉愛丘壑中心澹水木會與幽魚鳥通  
稀微了自釋出處乃不同況本無宦情誓將依道風  
潭石宗望秦嶺微雨作貽人

唐岑參

昨夜雲際宿旦從西峰回不見林中僧微雨潭上來  
諸峰皆青翠秦嶺獨不開石鼓有時鳴秦王安在哉  
東南雲開處突兀獼猴臺崖口懸瀑流半空白皚皚  
噴壁四時雨傍村終日雷北瞻長安道日夕多塵埃

若訪張仲蔚衡門滿蒿萊

早秋與諸子號州西亭觀眺

唐岑參

亭高出鳥外客到與雲齊樹點千家小天圍萬嶺低  
殘虹挂陝北急雨過關西酒榼緣青壁瓜田傍綠谿  
微官何足道愛客且相攜唯有鄉園處依依望不迷

望秦川

唐李頎

秦川朝望迴日出正東峰遠近山河淨逶迤城闕重  
秋聲萬戶竹寒色五陵松客有歸歎歎悽其霜露濃  
大庭庫

唐李白

朝登大庭庫雲物何蒼然莫辨陳鄭火空甕鄒魯煙  
人部

卷百三

三十一

我來尋梓慎觀化入寥天古木朔氣多松風如五絃  
帝圖終冥沒歎息滿山川

與賈舍人於龍興寺翦落梧桐枝望滬湖

唐李白

翦落青梧枝滬湖坐可窺雨洗秋山淨林光澹碧滋  
水閒明鏡轉雲繞畫屏移千古風流事名賢共此時

望九華贈青陽韋仲堪

唐李白

昔在九江上遙觀九華峰天河挂綠水秀出九芙蓉  
我欲一揮手誰人可相從君爲東道主于此卧雲松

懷西寒望

唐杜甫

水色含羣動朝光切太虛年侵頻悵望興遠一蕭疎  
後挂時相學鷗行烟自如瞿塘春欲至定卜漢西居

登高

唐杜甫

風急天高猿嘯哀渚清沙白鳥飛迴無邊落木蕭蕭  
下不盡長江滾滾來萬里悲秋常作客百年多病獨  
登臺艱難苦恨繁霜鬢潦倒新亭濁酒杯

奉和嚴中丞西城晚眺

唐杜甫

海上蛟龍會樓頭燕雀馴地平江動蜀天閣樹浮秦  
帝念深分閫軍須達算緒花羅封蛟蜃瑞錦送麒麟  
辭第輪高義觀圖憶古人征南多興緒事業關相親

卷一百三

三十三

步出武陵東亭臨江寓望

唐劉禹錫

鷹至感風候霜餘變林麓孤颿帶日來寒江轉沙曲  
戍搖旗影動津晚櫓聲促月上彩霞收漁歌遠相作  
近續

松磁洞望峽中

唐劉禹錫

渡頭輕雨灑寒梅雲際溶溶雪水來夢渚草長迷楚  
望夷陵土黑有秦灰巴人淚應援聲落蜀客船從鳥  
道回十二碧峰何處所永安宮外是荒臺

新開望山處

唐王建

新開望山處今朝減病眠應移千里道猶自數峰偏

故欲遮春巷還來遶暮天老夫行步弱免到寺門前

晚望

唐戴叔倫

山氣碧氤氳深林帶夕曛人歸孤嶂晚犬吠隔谿雲  
杉竹何年種煙塵此地分桃源寧異此猶恐世間聞

登高望洛城作

唐元稹

高臺造雲端遐瞰周四垠雄都定鼎地勢據萬國尊  
河嶽出雲雨土圭酌乾坤舟通一作南越貢城背北  
印原帝宅夾清洛丹霞捧朝暾蔥蘢瑤臺榭窳窳雙  
闕門十載構屯難兵戈若一作雲屯膏腴滿榛蕪比  
屋空毀垣聖主乃東眷俾賢拯元元熙熙居守化汎  
人部

卷一百三

三十三

汎太府恩至損當一作方

受益苦寒必生溫平明四城

開稍見市井喧坐感理亂迹永懷經濟言吾生自不  
達空鳥何翩翩天高水流遠日晏城郭昏徘徊訖旦  
夕聊用寫憂煩

湖亭晚望殘水

唐白居易

湖上秋沈寥湖邊晚蕭瑟登亭望湖水水縮河底出  
清渟得早霜明滅浮殘日流注隨地勢窪坳無定質  
泓澄白龍臥宛轉青蛇曲破鏡折劒頭光芒又非一  
久爲山水客見盡幽奇物及來湖亭望此狀難談悉  
乃知天地間勝事殊未畢

和皇甫郎中秋晚同登天宮閣言懷之韻

唐白居易中

碧天忽已高白日猶未短玲瓏曉樓閣清脆秋絃管  
張翰一杯酣嵇康終日懶塵中足憂累雲外多疎散  
病木斧斤遺冥鴻羈絆斷逍遙二三子永願爲閑伴

東樓南望

唐白居易中

不厭東南望江樓對海門風濤生有信天水合無痕  
鷗帶雲帆動鷗和雪浪翻魚鹽聚爲市煙火起成村  
曉上天津橋閑望偶逢盧郎中張員外攜酒同

傾

唐白居易中

人部

卷一百三

三十四

上陽宮裏曉鐘後天津橋頭殘月前空濶境疑非下  
界飄飄身似在寥天星河隱映初生日樓閣忽龍半  
出煙此處相逢傾一盞始知地上有神仙

洛橋晚望

唐孟郊中

天津橋下水初結洛陽陌上人行絕榆柳蕭疎樓閣  
閒月明直見嵩山雪

望中有懷

唐朱長文中

龍向洞中銜雨出鳥從花裏帶香飛白雲斷處見明  
月黃葉落時聞擣衣

春眺揚州西岡

唐□□□□

蕪城西眺極蒼流漠漠春煙間曙樓瓜步早潮春建  
業蒜山晴雪照揚州

隴上獨望

唐馬戴晚

斜日挂邊樹蕭蕭獨望閒陰雲滅漢墮飛火照胡山  
隴首行人絕河源夕鳥還誰爲立動者可惜寶刀閒  
落日悵望

唐馬戴晚

孤雲與歸鳥千里片時間念我一何滯歸家久未還  
微陽下喬木遠色隱秋山臨水不敢照恐驚平昔顏  
晚眺有懷

唐馬戴晚

點點抱離念曠懷成怨歌高臺試延望落照在寒波

人部

卷一百三

三五

此地芳草歇舊山喬木多悠然暮天際但見鳥相過  
南陂遠望

唐儲嗣宗晚

閑門橫古塘紅樹已驚霜獨立望秋草野人耕夕陽  
孤煙起蝸舍飛鷺下漁梁唯有田家事依依似故鄉

南昌晚眺

唐韋莊晚

南昌城郭枕江煙章水悠悠浪拍天芳草綠遮仙尉  
宅落霞紅襯賈人船霏霏閣上千山雨嘒嘒雲中萬  
樹蟬怪得地多章句客更家樓在斗牛邊

京兆府試目極千里

唐劉得仁晚

獻賦多年客低眉恨且于此心常極矣縱目忽超然

送驥登長路看鴻入遠天古墟煙霧窮野草綿綿  
樹與金城接山疑桂水連何當霽日無物翳平川

人部

卷一百三

三六

登眺

詩集類函卷一百四

東吳俞安期彙纂宣城梅鼎祚增定

新都吳翔鳳訂校

人部四十六

寓目 臨泛 閑適

○寓目

言返江陽寓目灞浹贈易州陸司馬

隋王胄

遊人賣藥罷徐步返江干行吟灞陵岸迴首望長安  
晨華照城闕參差復鬱盤千門含日麗萬雉映霞丹  
雲開承露掌吹動相風竿遊童輕薄少鮮服鷄鵲冠

人部

卷一百四

一

花開傳粉晏塵起副車韓屢投雙飛劍曾操兩色丸  
桂玉要遊女彈珠落矯翰信美非吾樂何事久盤桓  
欲動南登詠還謠北上難眷言思舊友徂遠路漫漫  
燕陲望楚服天際與雲端棹發吳濤上荆歌易水寒  
十年阻風月萬里別金蘭心期竟何許懷抱日摧殘  
容華冉冉謝衣帶朝朝寬盛憲寧延壽劉琨自少歡  
宿昔均取捨同波豈異瀾贈言不盡意擲筆起長蕪

登驪山高頂寓目

唐中宗

四郊秦漢國八水帝王都閭閻雄里閭城闕壯規模  
貫渭稱天邑含岐實奧區金門披玉節因此識皇作

黃圖

奉和聖製登驪山高頂寓目應制

唐李嶠初

步輦陟山巔山高入紫煙忠臣還捧日聖后欲捫天  
廻識平林樹低看華嶽蓮帝鄉應不遠空見白雲懸

奉和聖製登驪山高頂寓目應制

唐劉憲初

驪阜鎮皇都鑾遊眺八區原隰旌門裏風雲屐坐隅  
直城如斗柄宮樹似星榆從臣詞賦未盪得上天衢

奉和聖製登驪山高頂寓目應制

人部

卷一百四

唐武平一初

鑾輿上碧天翠帟拖晴煙絕學紆仙逕層崑敞御筵  
雲披丹鳳闕日下黑龍川更覩南薰奏流聲入管絃

奉和聖製登驪山高頂寓目應制

唐趙彥昭初

皇情遍九垓御輦駐昭回路若隨天轉人疑近日來  
河看大禹鑿山見巨靈開願扈登封駕常持薦壽杯

奉和聖製登驪山高頂寓目應制

唐李乂初

崖巘萬尋懸居高敞御筵行戈疑駐日步輦若升天

城闕霧中近關河雲外連謬陪登岱駕欣奉濟汾篇  
奉和聖製登驪山高頂寓目應制

唐蘇頌初

仙蹕御層臺高高積翠分崑聲中谷應天語半空聞  
豐樹連黃葉田關入紫雲聖圖恢寓縣歌賦少橫汾

奉和聖製登驪山高頂寓目應制

唐崔湜初

名山何壯哉玄覽一徘徊御路穿林轉旌門倚石開  
煙雲肘後發河塞掌中來不學蓬壺遠經年猶未迴

奉和聖製登驪山高頂寓目應制

人部

卷一百四

唐張說初

寒山上半空臨眺盡寰中是日巡遊處晴光遠近同  
川明分渭水樹暗辨新豐崑餐清音暮天歌起大風

奉和太常韋主簿五郎溫湯寓目

唐王維盛

漢主離宮接露臺秦川一半夕陽開青山盡是朱旗  
繞碧澗翻從玉殿來新豐樹裏行人度小苑城邊獵

騎廻聞道甘泉能獻賦懸知獨有子雲才

寓目

唐李商隱晚

園桂懸心碧池蓮飲眼紅此生直道客幾別即衰翁

小幌風煙入高樓霧雨通新知他日好錦瑟傍朱櫳

○臨泛

越人歌

劉向說苑曰鄂君子皙泛舟於新波之中乘青翰之舟張翠蓋會鍾鼓之音畢榜人擁之舉纖被而覆之按鄂君楚王母弟也

今夕何夕今塞洲中流今日何日今得與王子同舟

蒙羞被好今不訾詬耻心幾煩而不絕今得知王子

山有木兮木有枝心說君兮君不知

淋池歌

拾遺記曰昭帝始元元年穿淋池廣千步東引太液之水池中植分菱荷十莖四葉狀如軒蓋花葉離菱芬馥之氣徹十餘里宮人貴之每遊宴出入必皆含嚼或翫以爲衣或折以蔽日以爲戲弄帝時命水嬉以文梓爲船木蘭爲柁刻飛鸞翔鶴飾於船首

人部

卷一百四

四

隨風輕漾畢景忘歸乃至通夜使宮人歌曰

漢昭帝

秋素景兮泛洪波揮纖手兮折菱荷涼風淒淒揚棹

歌雲光開曙月低河萬歲爲樂豈云多

江上泛歌

晉夏侯湛

悠悠兮遠征倏倏兮暨南荆南荆兮臨長江臨長江

今討不庭江水兮浩浩長流兮萬里洪浪兮雲轉陽

侯今奔起驚翼兮垂天鯨魚兮岳峙巖巖紛兮被皐

陸脩竹鬱兮翳崖趾望江之南兮邀目桂林桂林蒼

鬱兮鷗雞揚音凌波兮願濟舟楫不具兮江水深沈

嗟迴盼於北夏何歸軫之難尋

侍汎舟

宋謝靈運

汎鷁兮游蘭池渚相委兮石參差日隱雲兮月照林

風遼冷兮水漣漪

汎南湖至石帆

宋謝惠連

軌息陸塗初柁鼓川路始漣漪繁波漾參差層峰峙

蕭疎野趣生逶迤白雲起登陟苦跋涉聯盼樂心耳

卽翫翫有竭在興興無已

汎舟橫大江

原詩三首詳見武帝行軍篇

梁簡文帝

滄波白日暉遊子出王畿旁望重山轉前觀達帆稀

廣水浮雲吹江風引夜衣旅鴈同洲宿寒鳬夾浦飛

人部

卷一百四

五

行客誰多病一作當念早旋歸

賦得桂楫汎河中

梁沈君攸

黃河曲注通千里濁水分流引八川仙查逐源終未

極蘇亭一作漢帝遺跡上難遷眇眇雲根侵遶樹蒼蒼水

氣合遙天波影雜霞無定色湍文觸听不成圓赤馬

青龍一作驪交出浦飛雲蓋海遠凌煙蓮舟渡沙轉不

礙桂楫距浪弱難前風急金鳥翅自轉汀長錦纜影

微懸榜人欲歌先扣柁津吏猶醉疆持船河堤極望

今如此行杯落葉詎虛傳

奉和汎舟漢水往萬山應教

梁庾肩吾



桂棹棠棠船飄揚橫大川映巖流水底激浪起雲邊  
迴岸高花發春塘細柳懸陪歌承賡賞接體侍恩筵  
誰云李與郭獨得似神仙

晚景遊泛懷友

梁蕭鈞

龍關依御溝鳳輦轉芳洲雲峰初辨夏麥氣早迎秋  
山翠餘煙積川平晚照收浪隨文鷁轉渡逐彩鴛浮  
風花轉未落岩泉咽不流一辭金谷苑空想一作竹思

賦得泛舟橫大江

陳張正見

大江脩且闊揚舲度迴磯波中盡鷁涌帆上錦花飛

卷一百四

六

舟移歷浦月權舉濕春衣王孫定若遠詎待送將歸

與錢玄智汎舟

陳張正見

高門事休沐朝野恣逢迎還乘一作尋金谷水俱望洛

陽城舟移津女渡揖動渭橋橫風高鴈已落雨霽水  
還清葉盡桐門淨花秋菊岼明欲奏江南曲聊習棹  
歌行

後湖泛舟

陳張正見

上苑奢行樂滄池聊薄遊汎荷分蘭權沈槎觸桂舟  
殘虹收度雨缺岸上新流欲知有高趣長楊送麥秋  
別章諒賦得江湖汎別舟 陳張正見

千里萍陽岼三翼木蘭船鷁汎青島後雞鳴白鷺前  
涵花沒淺纜帶葉動深船不言朝夕水獨自限神仙  
奉和濬池初成清晨臨泛 北周庾信

千金高堰合百頃浚源開翻逢積翠一作草浪更識昆

明灰猿嘯風還急雞鳴潮卽來時看青雀舫遙逐桂

舟一作迴

泛龍舟唐書樂志曰泛龍舟隋煬帝

舳艫千里泛歸舟言旋舊鎮下揚州借問揚州在何

處淮南江北海西頭六轡聊停御百丈暫罷開山歌

棹謳詎似江東掌間地獨自稱言鑑裏遊

人部

卷一百四

七

望鄉夕汎

唐駱賓王初

歸懷到不安促榜犯風瀾落宿含樓近浮月帶江寒  
喜逐行前至憂從望裏寬今夜南枝鵲應無繞樹難

汎舟侍宴應制

唐張易之初

平明出御溝解纜坐迴洲綠水澄明月紅羅結綺樓  
絃歌爭浦入冠蓋逐川流白魚臣作伴相對舞王舟

臨汎東湖時任洪州

唐張九齡初

郡庭日休暇湖曲邀勝踐樂職在中和靈心挹上善  
乘流坐清曠舉目眺悠緬林與西山重雲因北風卷  
晶明盡不逮陰影鏡無辨晚秀復芬敷秋光更遙衍

萬族紛可佳一遊豈能展歲徂風靈嚴日恐蘭若斯  
佳晨不可得良會何其鮮罷興還江城閉關聊自遣

汎洞庭

唐張說初

平湖一望上連天秋景千尋下洞泉忽驚水面光華  
滿疑是乘舟到日邊

進船汎洛水

唐孫逖初

禁園紆睿覽仙棹叶時游洛北風花樹江南彩畫舟  
芳生蘭蕙草春入鳳凰樓興盡離宮暮煙光起夕流

汎茅山東谿

唐儲光義盛

清晨登仙峰峰逵行未極江海霽初景草木含秋色  
人部 卷一百四 八 臨汎

而我任天和此時聊動息望鄉白雲裏發棹清谿側  
松柏生深山無心自貞直

汎永嘉江日暮廻舟

唐張子容盛

無雲天欲暮轉鷁大江清歸路煙中遠廻舟月上行  
傍潭窺竹暗出嶼見沙明更值微風起乘流絲管聲

自樂城赴永嘉枉路汎白湖寄松陽李少府

唐張子容盛

西行礙淺石北轉入谿橋樹色煙輕重湖光風動搖  
百花亂飛雪萬嶺疊青霄後挂臨潭條鷗迎出浦橈  
惟應賞心客茲路不言遙

汎前陂

唐王維盛

秋空自明迴况復遠人間暢以沙際鶴兼之雲外山  
澄波淡將夕清月皓方閑此夜任孤棹夷猶殊未還

漢中漾舟

唐孟浩然盛

漾舟逗何處神女漢臯曲雪罷冰復開春潭千丈綠  
輕舟恣往來探翫無厭足波影搖妓釵沙光逐人目

傾杯魚鳥醉聯句鶯花續良會難再逢日入須秉燭

耶谿汎舟

唐孟浩然盛

落景餘清輝輕橈弄谿渚澄明愛水物臨汎何容與  
白首垂釣翁新妝浣紗女和看似相識脉脉不得語

人部

卷一百四

九 臨汎

武陵汎舟

唐孟浩然盛

武陵川路狹前棹入花林莫測幽源裏仙家信幾深  
水迴青嶂合雲渡綠谿陰坐聽閒猿嘯彌清塵外心

與黃侍御汎北津

唐孟浩然盛

津無蛟龍患日夕常安流本欲避驄馬何知同鷁舟  
豈伊今日幸曾是昔年遊莫奏琴中鶴且隨波上鷗

堤緣九里郭山面百層樓自顧躬耕者才非管樂儔

聞君薦草澤從此汎滄洲

北澗浮舟

唐孟浩然盛

北澗流恒滿浮舟觸處通沿洄自有趣何必五湖中

同敬八盧五汎河間清河

唐高適 盛

清川在城下沿汎多所宜同濟愜數公翫物欣良時  
飄飄波上興燕婉舟中詞昔涉乃平原今來忽連漪  
東流達滄海西流延滹池雲樹共晦明井邑相逶迤  
稍隨歸月帆若與沙鷗期漁父更留我前潭水未滋

與鄆縣羣官汎溪陂

唐岑參 盛

萬頃浸天色千尋窮地根舟移城入樹岸闊水浮村  
閒鷺驚簫管潛蚪傍酒樽暝來呼小吏列火儼歸軒  
與鄆縣源少府汎溪陂

唐岑參 盛

載酒入天色水涼難醉人清搖縣郭動碧洗雲山新

人部

卷一百四

臨汎

吹笛驚白鷺垂竿跳紫鱗憐君公事後陂上日娛賓

陪羣公龍岡寺汎舟

唐岑參 盛

漢水天一色寺樓波底看鐘鳴長空夕月出孤舟寒  
映酒見山火隔簾聞夜灘紫鱗掣芳餌紅燭燃金盤  
良友興正愜勝遊情未闌此中堪倒載須盡主人歡

與永樂諸公汎黃河作

唐閻防 盛

煙深載酒入但覺暮川虛映水見山火鳴榔聞夜漁  
愛茲山水趣忽與世人疎無暇燃官燭中流有望舒

春汎若耶

唐綦毋潛 盛

幽意無斷絕此去隨所偶晚風吹行舟花落入谿口

際夜轉西壑隔山望南斗潭煙飛溶溶林月低向後  
生事且瀾漫願為持竿叟

同宋少府東谿汎舟

唐李頎 盛

登岸還入舟水禽驚笑語晚葉低衆色濕雲帶殘暑  
落日乘醉歸谿流復幾許

餞袁廣于小洞庭

源明時以國子司業召須尉  
袁廣饒于小洞庭復歌云

唐蘇源明 盛

浮漲湖兮莽條逢川后禮兮扈予橈橫增沃兮蓬仙  
延川后福兮易予船目澄凝兮明空波星磊落兮耿  
秋河夜既涼兮酒且多樂方作兮奈別何

人部

卷一百四

十一 臨汎

宴小洞庭

天寶十二載源明牛東平宴僕陽崔  
李重魯郡李蘭濟南田琦濟陽李陵  
於同原亭爲小洞庭五  
太守熱集載其歌云

唐蘇源明 盛

小洞庭兮寓方舟風嫋嫋兮離平流寓方舟兮小洞  
庭雲微微兮連絕陁層瀾壯兮緬以沒重岳轉兮起  
以忽馮夷逝兮護輕橈蛟龍行兮落增潮泊中潮兮  
澹而閑並曲淑兮悵而還適予手兮非予期將解袂  
兮繁予思尚君子兮壽厥身承明主兮憂斯人

板橋浦汎月獨酌懷謝朓

唐李白 盛

天上何所有迢迢白玉繩斜低建章闕耿耿對金陵  
漢水舊如練霜江夜清澄長川瀉落月洲渚曉寒凝

獨酌板橋浦古人誰可徵玄暉難再得灑酒淚填膺

夜汎洞庭湖

唐李白盛

日晚湘水綠孤舟無端倪明湖漲秋月獨汎已陵西

東魯門汎舟二首

唐李白盛

日落沙明天倒開波搖石動水縈迴輕舟汎月尋谿轉疑是山陰雪後來

水作青龍盤石堤桃花夾岼魯門西若教月下乘舟去何啻風流到剡谿

放船

唐杜甫盛

收帆下急水卷幔逐回灘江市戎戎暗山雲淅淅寒

人部

卷一百四

十三

臨汎

荒林無徑入獨鳥怪人看已泊城樓底何曾夜色闌

汎江

唐杜甫盛

方舟不用楫極目總無波長日容杯酒深江淨綺羅亂離還奏樂飄泊且聽歌故國流清渭如今花正多

晚秋陪嚴鄭公摩訶池汎舟

唐杜甫盛

湍駛風醒酒船行霧起隄高城秋自落雜樹晚相迷坐觸鴛鴦起巢傾翡翠低莫須驚白鷺爲伴宿清谿

城西陂汎舟

唐杜甫盛

青娥皓齒在樓船橫笛短簫悲遠天春風自信牙櫓動遲日徐看錦纜牽魚吹細浪搖歌扇燕蹴飛花落

舞筵不有小舟能盪槩百壺那送酒如泉

同字文晁尚書之甥崔或司業之甥尚書之子

重汎鄭監前湖

唐杜甫盛

郊扉俗遠長幽寂野水春來更接連錦席淹留還出浦葛巾欹側未回船尊當霞綺輕初散棹拂荷珠碎却圓不但習池歸酩酊君看鄭谷去賓緣

水西館汎舟送王員外

唐獨孤及盛

單醪敢獻酢曲沼荷經過汎覽親魚鳥賓緣涉菱荷劇談增惠愛美景借清和明日汀洲草依依奈別何

雨晴後陪王員外汎後湖

得谿

唐獨孤及盛

人部

卷一百四

十三

臨汎

遠山媚平楚宿雨漲清谿沿泝任舟楫歡言無町畦

酒酣相視笑心與白鷗齊

陪王明府汎舟

唐劉長卿中

花縣彈琴暇樵風載酒時山含秋色近鳥度夕陽遲出沒鳥成浪蒙龍竹亞枝雲峰逐人意來去解相隨

三月李明府後庭汎舟

唐劉長卿中

江南風景復如何聞道新亭更欲過處處紉蘭春浦綠萋萋藉草遠山多壺觴須就陶彭澤時俗猶傳晉永和更待持橈徐轉去微風落日水增波

江陵晦日陪諸官汎舟

唐錢起中

節物堪爲樂江湖有主人舟行深更好山趣久彌新  
樽酒平生意煙花異國春城南無夜月長袖莫留賓

南塘汎舟會元六昆季

唐韋應物

端居倦時燠輕舟汎迴塘微風飄襟散橫吹繞林長

雲澹水容夕雨微荷氣涼一寫情勤一作川上意寧用訴

計一作華觴

泛舟入後谿

唐羊士諤

雨餘芳草淨沙塵水綠灘平一帶春唯有啼鶻似留

客桃花深處更無人

奉陪侍中上巳日泛渭河

唐盧綸

人部

卷一百四

十四

臨汎

青舸錦帆開浮天接上台晚鶯和玉笛春浪動金壘

舟檝方浮海鯨鯢自曝腮應憐似萍者空逐榜人回

南谿始汎

唐韓愈

榜舟南山下上上不得返幽事隨去多孰能量近遠

陰沈過連樹藏昂抵橫坂石巖肆磨礪波惡厭牽挽

或倚偏岬漁竟就平洲飯點點暮雨飄梢梢新月偃

餘年慄無幾休日愴已晚自是病使然非由取高蹇

三月五日陪裴大夫泛長沙東湖

唐崔護

上巳餘風景芳辰集遠垌綵舟浮泛蕩綉轂下娉婷

樓樹迴葱蒨笙歌入杳冥湖光迷翡翠草色醉蜻蜓  
鳥弄桐花日魚翻穀雨萍從今畱勝會誰看畫蘭亭

昆明池汎舟

唐賈島

一枝青竹榜汎汎綠萍裏不見釣魚人漸入秋塘水

月夜汎舟

唐釋法振

西塞長雲盡南湖片月斜漾舟人不見卧入武陵花

春池閒汎

唐白居易

綠塘新水平紅艦小舟輕解纜隨風去開襟信意行

淺憐清演漾深愛綠澄泓白撲柳飛絮紅浮桃落英

古文科斗出新葉剪刀生花助銀杯裏松添玉軫聲

人部

卷一百四

十五

臨汎

魚跳何事樂鷗起復誰驚莫唱滄浪曲無塵可濯纓

李畱守相公見過池上汎舟舉酒話及翰林舊

事因成四韻以獻之

唐白居易

引棹尋池岬移樽就菊叢何言濟川後相訪釣船中

白首故情在青雲往事同同時六學士五相一漁翁

汎五雲谿

唐許渾

此谿何處路遙問白鬢翁佛廟千巖裏人家一島中

魚傾荷葉露蟬噪柳林風急瀨鳴車軸微波漾釣筒

石苔繁障綠山果拂舟紅更就前谿宿村橋與剡通

和侯秀才同友生汎舟谿中相招之作

唐韋莊晚

嵇阮相將棹酒船晚風侵浪水侵舷輕如控鯉初離  
呖遠似乘槎欲上天雨外鳥歸吳苑樹鏡中人入洞  
庭煙憑君不用迴舟疾今夜西江月正圓

○閑適

南山下舊居閑放

唐張九齡初

祇役已云久乘閑返服初塊然屏塵事幽獨坐林間  
清曠前山遠紛喧此地疎喬木凌青霽脩篁媚綠渠  
耳和繡翼鳥目暢錦鱗魚寂寞心還閉飄飄體自虛  
興來命旨酒臨罷閱仙書

人部

卷一百四

十六

閑居

唐儲光義盛

薄遊何所愧所愧在閑居親故不來往中園時讀書  
步欄滴餘雪春塘抽新蒲梧桐漸覆井時鳥自相呼  
悠然念故鄉乃在天一隅安得如浮雲來往方須臾

輞川閑居

唐王維盛

一從歸白社不復到青門時倚簷前樹遠看原上村  
青菰臨水映白鳥向山翻寂寞於陵子桔槔方灌園

輞川閑居贈裴秀才迪

唐王維盛

寒山轉蒼翠秋水日潺湲倚杖柴門外臨風聽暮蟬  
渡頭餘落日墟里上孤煙復值接輿醉狂歌五柳前

澗南卽事

唐孟浩然盛

弊廬在郭外素產惟田園左右林野曠不聞城市喧  
釣竿垂北澗樵唱入南軒書取幽棲事將尋靜者言

獨遊

唐王昌齡盛

林卧情每閑獨遊景常晏時從灞陵下隨釣往南澗  
手攜雙鯉魚目送千里鴈悟彼非有適知此罹憂患  
放之清泠泉因得省踈慢永懷青岑客迴首白雲殘  
一作澗超然無遺事豈煩名與宦

閑居

唐常建盛

青苔常滿路流水復入林遠與朝市隔日聞雞犬聲

人部

卷一百四

十七

林卧

唐岑參盛

寥寥丘中想渺渺湖上心嘯傲轉無欲不知成陸沈  
偶得魚鳥趣復茲水木涼遠峰帶雨色落日搖川光  
日中西山藥袖裏淮南方唯愛隱几時獨遊無何鄉

獨坐敬亭山

唐李白盛

衆鳥高飛盡孤雲獨去閑相看兩不厭只有敬亭山

自遣

唐李白盛

對酒不覺瞑落花盈我衣醉起步谿月鳥還人亦稀

遣意

唐杜甫盛

轉枝黃鳥近汎渚白鷗輕一徑野花落孤村春水生



衰年催釀黍細雨更移橙漸喜游絕幽居不用名

屏跡

唐杜甫

用拙存吾道幽居近物情桑麻深雨露燕雀半生成  
村鼓時時急漁舟箇箇輕杖藜從白首心迹喜雙清

山燕月夜作

唐蕭穎士

獻書嗟棄置疲拙歸田園且事計然策將符公冶言  
桑榆清暮景雞犬應遙村蠶罷里閭晏麥秋田野喧  
澗聲連枕席峰勢入堦軒未泰東山妓先傾北海樽  
隴瓜香早熟庭果落初繁更愜野人意農談朝竟昏

閑居寄包何

唐錢起

人部

卷一百四

十一

閑居

去名卽棲遁何必歸滄浪種藥幽不淺杜門喧自忘  
林眠多曉夢鷗散驚初陽片雪幽雲至迴風鄰果香  
佳期碧天末惆悵紫蘭芳

山園棲隱

唐錢起

守靜信推分灌園樂在茲且忘堯舜力寧顧尚書期  
晚景採蘭暇空林散帙時

山中春仲寄汝上王恒穎川沈冲

唐錢起

隱者守恬泊春山日深淨誰知蟠木材得性無人境  
座隅泉出洞竹上雲起嶺饑飲入山廚飲虹過藥井

前谿堪放逸仲月好風景遊目來遠思摘芳寄汝穎

閑居贈友

唐韋應物

補吏多下遷罷歸聊自度園廬既蕪沒煙景空澹泊  
閑居養痾瘵守素甘葵藿顏鬢日衰耗冠帶亦寥落  
青苔已生路綠筠始分籜夕氣下遙陰微風動疎薄  
草玄良見詎杜門無請託非君好事者誰來

寂寞

幽居

唐韋應物

貴賤雖異等出門皆有營獨無外物牽遂此幽居情  
微雨夜來過不知春草生青山忽已曙鳥雀繞舍鳴

人部

卷一百四

十九

閑居

時與道人偶或隨樵者行自當安寒劣一作誰謂薄  
世榮

閑居作

唐皇甫冉

多病辭官罷閑居作賦成圖書唯藥錄飲食止藜羹  
已輟金門步方從石路行遠山期道士高柳覓先生  
性懶尤因疾家貧自少營

獨坐

唐戴叔倫

白髮懷園囿丹心戀薊門官閒勝道院宅遠類荒村  
二月霜花薄羣山雨氣昏東窗春事及好向野人論

山中

唐盧綸

饑食松花渴飲泉偶從山後到山前陽坡草軟厚如  
織因一作與鹿麋相伴眠

山中

唐顧況中

野人愛向山中宿况在葛洪丹井西庭前有箇長松  
樹夜半子規來上啼

晚秋閑居

唐張籍中

獨坐高秋晚蕭條是遠思家貧長客身老轉憐兒  
萬種盡閑事一生能幾時從來疎懶性應祇有僧知

閑遊二首

唐韓愈中

雨後來更好繞池徧青青柳花開度竹菱葉故穿萍

人部

卷一百四

二十

閑遊

獨坐殊未厭孤斟詎能醒持竿至日暮幽詠欲誰聽

二

茲遊苦不數再到遂經旬萍葢汙池淨藤籠老樹新  
林鳥鳴訝客舫竹長遮鄰子雲祇自守奚事九衢塵

傍水閑行

唐裴度中

閑餘何事覺身輕暫脫朝衣傍水行鷗鳥亦知人意  
靜固來相近不相驚

山中寄韋鉉

唐于鵠中

嬾成身病日因醉卧多時送客出谿少讀書終卷遲  
幽牕聞墜葉晴景見游絲早晚來收藥門前有紫芝

閑居寄薛據

唐于良史中

隱几讀黃老閑齋耳目清僻居人事少多病道心生  
雨洗山林濕鷗鳴池館清晚來因廢卷行藥至西城

遣書

唐元稹中

密竹有清陰曠懷無塵滓况乃秋日光玲瓏曉牕裏  
旬休聊自適今辰日高起櫛沐坐前軒風輕鏡如水  
開卷恣詠謠望雲閑徙倚新菊媚鮮妍短萍憐霍靡  
掃除田地靜摘掇園蔬美幽翫愜詩流空堂稱居士  
客來傷寂寞我念遺煩鄙心跡兩相忘誰能驗行止

閑居

唐白居易中

人部

卷一百四

二十一

閑遊

深閉竹間扉靜掃松下地獨笑晚風前何人知此意  
看山盡日坐枕帙移時睡誰能從我遊使君心無事

逍遙詠

唐白居易中

亦莫戀此身亦莫厭此身此身何足戀萬劫煩惱根  
此身何足厭一聚空塵無戀亦無厭始是逍遙人

春日閑居二首

唐白居易中

陶云愛吾廬吾亦愛吾屋屋中有琴書聊以慰幽獨  
是時三月半花落庭無綠舍上長鳩鳴牕間春睡足  
豈徒暢肢體兼欲遺耳目便可傲松喬何假杯中綠

二

廣池春水平羣魚恣游泳新林綠陰成衆鳥欣相鳴  
時我亦瀟灑適無累與病魚鳥人則殊同歸於遂性  
我今對鱗羽取樂成謠詠

閑居自題

唐白居易中

門前有流水牆上多高樹竹逕遙荷池縈迴百餘步  
波閑戲魚鱗風靜下鷗鷺寂無城市喧渺有江湖趣  
吾廬在其上偃卧朝復暮洛下安一居山中亦慵去

東歸

唐白居易中

翩翩平肩舁中有醉老夫食宿無定程僕馬多緩驅  
藉草坐鬼我攀花行踟躕風將景共暖體與心同舒

人部

卷一百四

三

閑適

始悟有營者居家如在途

晝寢

唐白居易中

坐整白單衣起穿黃草履朝餐盥漱畢徐下堦前步  
暑風微變候晝刻漸加數院靜地陰陰鳥鳴新葉樹  
獨行還獨卧夏景殊未暮不作午時眠日長安可度

詠閑

唐白居易中

但有閑銷日都無事繫懷朝眠因客起午飯伴僧齋  
樹合陰交戶池分水夾階就中今夜好風月似江淮

閑遊

唐白居易中

外事因慵發中懷與靜期尋泉上山遠看筍出林遲

白石磨樵斧青竿理釣絲澄清深淺好最愛夕陽時

閑卧

唐白居易中

薄食當齋戒散班同隱淪佛客爲弟子天許作閑人  
唯置牀臨水都無物近身清風散髮卧兼不要紗巾

閑出

唐白居易中

身外無羈束心中少是非被花留便住逢酒醉方歸  
人事行時少官曹入日稀春寒遊正好穩馬薄綿衣

晚起

唐白居易中

爛熳朝眠後頻伸晚起時暖爐生火早寒鏡裏頭蓬  
融雪煎香茗調酥點乳麋榮公三樂外仍弄小男兒

人部

卷一百四

三

閑適

閑遊卽事

唐白居易中

郊野遊行熟村園次第過驀山尋汜澗踏水渡伊河  
寒食青青草春風瑟瑟波逢人共杯酒隨馬有笙歌  
勝事經非少芳辰過亦多還須自知分不老擬如何

閑居自題戲招宿客

唐白居易中

水畔竹林邊閑居二十年健常攜酒出病卽掩門眠  
報曙牕何早知秋簾最先微風深樹裏斜日小牕前  
渠口添新石籬根寫亂泉欲招同宿客誰解愛潺湲

山中宿

唐白居易中

獨到山中宿靜向月中行何處水邊碓夜春雲母聲

閑居

唐白居易中

心靜無妨喧處寂機忘兼覺夢中閑是非愛惡銷停  
盡唯寄空身在世間

春日閑居

唐秦系中

長謠朝復暝幽獨幾人知老鶴兼雛弄叢筍帶笋移  
白雲將袖拂青鏡出簷窺邀取漁家叟花間把酒卮

山中寄吳礪十韻

唐方干晚

莫問終休否林中事已成盤餐憐火種歲計付刀耕  
掬水皆花氣聽松似雨聲書空翹足卧避險側身行  
果傍閑軒落蒲連濕岸生石谿魚不大月樹鵲多驚

人部

卷一百四

二十四閑適

砌下通樵路牕間見縣城雲山任重疊難隔故交情

山中

唐方干晚

散拙亦自遂粗將猿鳥同飛泉高瀉月獨樹遠含風  
果落盤盂上雲生篋笥中

山中效陶

唐曹鄴晚

落第非有罪茲山聊歸止山猿隔雲住共飲山中水  
讀書時有興坐石忘却起西山忽然暮往往遺巾履  
經時一出門兼俟僮僕喜常被山翁笑求名豈如此  
齒髮老未衰何如且求已

山中寄姚合員外

唐馬戴晚

朝與城闕別暮同麋鹿歸鳥鳴松觀靜人過石橋稀  
木葉搖山翠泉痕入澗扉敢招仙客暫此拂朝衣

山中

唐曹松晚

此地似商嶺雲霞空往還衰條難定鳥缺月易依山  
野色耕不盡谿容釣自閑分因多卧退百計少相關

秋日閑居

唐釋修睦

是事不相關誰人似此閑卷簾當白晝移榻對青山  
野鶴眠松上秋苔長雨間嶽僧頻有信昨日得書還

人部

卷一百四

二十五閑適

詩集類函卷一百五

東吳俞安期彙纂 宣城梅鼎祚增定

新都吳翔鳳訂校

人部四十七

別離總載 祖餞

○別離總載

別詩 原作 古詩

漢無名氏

行行重行行與君生別離相去萬餘里各在天一涯

道路阻且長會面安可知一作胡馬依北風越鳥巢

南枝相去日已遠衣帶日已緩浮雲蔽白日遊子不

顧返思君令人老歲月忽已晚棄捐勿復道努力加

人部

卷一百五

別離總載

餐飯

離歌 一作 雜歌

漢無名氏

晨行梓道中梓葉相切磨與君別交中繡如新繡維

一作 裂之有餘絲吐之無還期

別詩 原作 古詩

漢無名氏

悲與親友別氣結不能言贈子以自愛道遠會見難

人生無幾時顛沛在其間念子棄我去新心有所歡

結志青雲上何時復來還

見挽船士兄弟辭別詩

魏文帝

舍我故鄉客將適萬里道妻子衣袂落淚沾懷抱

別詩二首

魏應瑒

朝雲浮四海日暮歸故山行役懷舊土悲思不能言

悠悠涉千里未知何時旋

浩浩長河水九折東北流晨夜赴滄海海流亦何抽

遠適萬里道歸來未有由臨河累一作竟太息五內懷

傷憂

別詩

晉卞裕

余弟適東適眷戀將乖情離別信吾事懷心相纏要

別歌晉書曰錢鳳為王敦鑒曹參軍知敦有不

歸不聽遂告

晉熊甫

人部

卷一百五

別離總載

徂風颭起葢山陵氛霧蔽日玉石焚往事既去可長

歎念別惆悵復會難

代收淚就長路

宋南平王鑠

聲響高陵曲揮袂廣川瀆黃塵昏白日悲風一作荒塞起

浮雲蕭條萬里別契闊三秋分時往從朝露年來驚

夕氛徘徊去芳節依遲從遠軍

夜集歎乖

宋謝惠連

詩人詠踟躕首歌離別誠哉莫日歡展矣今夕切

吾生赴進令質明即行轍在貧故宜言贈子保溫惠

暑用書諸紳久要亮有誓

別詩原作陳章行

宋謝惠連

軒帆邇遙路薄送瞰遐江舟車理殊緬密友將遠從  
九里樂同潤二華念分峰集歡豈今發離歎自古鍾  
促生靡緩期迅景無遲蹤緇髮迫多素憔悴謝華華  
婉婉寡留畧窈窕閉淹龍如何阻行止憤愠結心胃  
既微達者度歡戚誰能封願子保淑慎良訊代微容

別詩原作代東門行

宋鮑照

傷禽惡弦驚倦客惡離聲離聲斷客情賓御皆涕零  
涕零心斷絕將去復還訣一息不相知何況異鄉別  
遙遙征駕遠杳杳白日晚居人掩閨臥行子夜中飯

人部

卷一百五

三

別離集載

野風吹草集作秋木行子心腸斷食梅常苦酸衣葛常  
苦寒絲竹徒滿座憂人不解顏長歌欲自慰彌起長  
恨端

別詩

齊張融

白雲山上盡清風松下歎欲識離人悲孤臺見明月

送遠曲

齊謝朓

北梁辭歡宴南浦送佳人方衢控龍馬平路騁朱輪  
瓊筵妙舞絕桂席羽觴陳白雲丘陵遠山川時未因  
一爲清吹激潺湲傷別中

生別離

梁簡文帝

別離四弦聲相思雙笛引一去十三年復無好音信

傷離新體作新一作難

梁簡文帝

傷離復傷離別後情鬱紆悽悽隱去棹悵悵還途  
感感意不申轉顧獨霑襟前驅經御宿後騎歷河漣  
胡香翼還憶清笳送後塵落日斜飛蓋餘暉承畫輪  
柳影長橫路槐枝深隱人桂宮夕掩銅龍扉甲館宵  
垂雲母幃朧朧月色上的的夜螢飛草香襲余袂露  
灑沾人衣帶堞凌城雲亂聚排枝度葉鳥爭歸盤中  
浮一作蟻絲不能酌琴間玉徽調別鶴別鶴千里別離  
聲絃調軫急心自驚試起登南樓還向華池遊前時  
人部

卷一百五

四

別離集載

春別應令四首

梁元帝

昆明夜月光如練上林朝花色如霞朝花夜月動春  
心誰忍相思不相見  
門前楊柳亂如絲直置佳人不持適言新作裂紈  
詩誰悟今成織素辭  
日暮徙倚渭橋西正見流月與雲齊若使月光無近



遠應照離人今暝一作啼

試看機上交龍錦還瞻庭裏合歡枝映日通風影珠  
幔飄花拂葉度金池不聞離人當重合唯悲合罷會  
成離

別詩二首

梁元帝

別罷花枝不共攀別後書信不相關欲覓行人寄消  
息衣一作依常潮水暝應還

三月桃花合面脂五月新油好煎澤莫復臨時不寄  
人謾道江中無估客

別詩原作東  
西門行

梁劉孝威

人部

卷一百五

五

別離

廣津寒欲歇聯檣密纜收天高匝近岫江闊少方舟  
餞淚留神眷離歎切私儔佇變齊兒俗當傳楚獻囚  
徒然頒並命祗慙思如抽

別詩原作相逢  
狹路間

梁劉孺

送君追遐路路狹暖朝霧三危上蔽日九折杳連雲  
枝交憶不見聽靜吹纔聞豈伊歎道遠亦迺泣塗分  
况茲別親愛情念切離羣

別詩二首

梁范雲

洛陽城東西長作經時別昔去雪如花今來花似雪

二

孤煙起新豐候鴈出雲中草低金城霧木下玉門風  
別君河初滿思君月屢空折桂衡山北摘蘭沅水東  
蘭摘心焉寄桂折意誰通

與胡興安夜別

梁何遜

居人行轉賦客子暫維舟念此一筵笑分爲兩地愁  
露濕寒塘草月映清淮流方抱新離恨獨守故園秋  
與沈助教同宿湓口夜別

梁何遜

我爲潯陽客戒旦乃西遊君隨春水駛雞鳴亦動舟  
共泛湓之浦旅泊次城樓華燭已消半更人數唱籌  
行人從此別去不淹留

人部

卷一百五

六

別離

見征人分別

梁何遜

淒淒日暮時親賓俱竚立征人拔劍起兒女牽衣泣  
候騎出蕭關追兵赴馬邑且當橫行去誰論裹屍入  
車中見新林分別甚盛

梁何遜

金谷賓遊盛青門冠蓋多隔林望行幃下坂聽鳴珂  
於時春未歇麥氣始清和還入平原逕窮巷可張羅  
擬古離別

梁江淹

遠與君別者乃至鴈門關黃雲蔽千里遊子何時還  
送君如昨日簷前露已團不惜蕙草晚所悲道里寒  
君在天一涯妾身長別離願一見顏色不異瓊樹枝

色絲及水萍所寄終不移

擬休上人怨別

梁江淹

西北秋風至楚客心悠哉日暮碧雲合佳人殊未來  
露彩方汎艷月華始徘徊寶書為君掩瑤瑟詎能開  
相思巫山渚悵望陽雲臺膏鑪絕沈燎綺席生浮埃  
桂水日千里因之平生懷

賦得攜手上河梁應詔

陳江總

早秋天氣涼分手關山長雲愁數處黑木落幾枝黃  
鳥歸猶識路流去不知鄉秦川心斷絕何悟是河梁

賦得隴頭送征客

陳周弘正

人部

卷一百五

七

別離

應令

北周庾信

望別非新館開舟即舊灣浦喧征棹發亭空送客還  
路塵猶向水征帆獨背關

古別離

唐王適

昔歲驚楊柳高樓悲獨守今年芳樹枝孤棲怨別離  
珠簾晝不卷羅幔曉長垂苦調琴先覺愁容鏡獨知  
頻年鴈去無消息罷却鴛紋何用織夜還羅帳空有  
情春著裙腰自無力青軒桃李落紛紛紫庭蘭蕙日  
氛氲已能憔悴今如此更復含情一待君

古離別

唐常理

君御狐白裘妾居細綺幃粟鈿金夾膝花錯玉搔頭  
離別生庭草征行斷戍樓蟪蛄清曙苗落紅秋  
小膽空房怯長眉滿鏡愁為傳兒女意不用遠封侯

古別離

唐沈佺期

白水東悠悠中有西行舟舟行有返棹水去無還流  
奈何生別者戚戚懷遠遊遠遊誰當惜所悲會難收  
自君聞芳躋青陽四五遭皓月掩蘭室光風虛蕙樓  
相思無明晦長歎累冬秋離居分遲暮高駕何淹留

離會曲

唐張說

人部

卷一百五

八

別離

何處送客洛橋頭洛水汎汎中行舟可憐河樹葉歲  
寒關關河鳥聲相思街鼓喧喧日云夕去棹歸軒兩  
相迫何人送客故人情故人今夜何處客

離別離

唐士人妻

樂府雜錄曰離別難武后朝有一士人陷冤獄籍  
其家妻配入掖庭善吹鳳栗乃撰此曲以寄情焉  
初名大郎神蓋取良人第行也既畏人知遂三易  
其名曰悲切子終號怨回鵲云  
此別離重陳花飛復戀人來時悔覆雪去日柳含春  
物候催行客歸途淑氣新剡川今已遠魂夢暗相親

觀別者

唐王維

青青楊柳陌陌上別離人愛子遊燕趙高堂有老親  
不行無可養行去百憂新切切委兄弟依依向四鄰  
都門帳飲畢從此謝親賓揮淚逐前侶含悽動征輪  
車徒望不見時見起行塵余亦辭家久看之淚滿巾

古別離

唐王維

下階欲離別相對映蘭叢含辭未及吐淚落蘭叢中  
高堂靜秋日羅衣飄暮風誰能待明月迴首見牀空

今別離

唐崔國輔

送別未能旋相望連水口船行欲映洲幾度急搖手  
人部 卷一百五 九 別離

失題兼亡上四句

唐李頎

紫極殿前朝伏奏龍華會裏日相望別離歲歲如流水  
誰辨他鄉與故鄉

久別離

唐李白

別來幾春未還家玉牕五見櫻桃花況有錦字書開  
緘使人嗟至此腸斷彼心絕雲鬢綠鬢罷攬結愁如  
迴飈亂白雪去年寄書報陽臺今年寄書重相催東  
風今東風爲我吹行雲使西來待來竟不來落花寂  
寂委青苔

遠別離

唐李白

遠別離古有皇英之二女乃在洞庭之南瀟湘之浦

海水直下萬里深誰人不言此離苦日慘慘兮雲冥  
冥惺惺啼煙令鬼嘯雨我縱言之將何補皇寧竊恐  
不照予之忠誠雲憑憑兮欲吼怒堯舜當之亦禪禹  
君失臣今龍爲魚權歸臣今鼠變虎或言堯幽囚舜  
野死九疑連綿皆相似重瞳孤墳竟何是帝子泣兮  
綠雲閒隨風波今去無還慟哭兮遠望見蒼梧之深  
山蒼梧山崩湘水絕竹上之淚乃可滅

古別離

唐孟雲卿

朝日上高臺離人怨秋草但見萬里天不見萬里道  
人部 卷一百五 十 別離

君行本遙遠苦樂良難保宿昔夢同衾憂心常顛倒  
含酸欲誰訴展轉傷懷抱結髮年已遲征行去何早  
寒暄有時謝憔悴難再好人皆弄年壽死者何曾老  
少壯無見期水深風浩浩

生別離

唐孟雲卿

結髮生別離相思復相保何如日已久五變庭中草  
渺渺天海途悠悠吳江島但恐不出門出門無遠道  
遠道行既難家貧衣服單嚴風吹積雪晨起鼻何酸  
人生各有戀一作志豈不懷所安分明天上日生死誓

同觀

古別離二首

唐趙徵明

離別無遠近事歡情亦悲不聞車輪聲後會將何時  
去日忘寄書來日垂前期縱知明當還一夕千萬思

二

違別未幾日一日如三秋猶疑望可見日上高樓  
唯見分手處白蘋滿芳洲寸心寧死別不忍生離愁

暗別離

唐劉氏瑤

桐花結子桐葉焦單飛越鳥啼清宵翠軒暖雲輕遙  
遙燕脂淚迸紅線條瑤草欺芳心耿耿玉珮無聲盡  
屏冷朱絃暗斷不見人風動花枝月中影青鸞脉脉

人部

卷一百五

十一

別離總載

西飛去海濶天高不知處

古別離二首

唐李端

水國葉黃時洞庭霜落夜行舟聞商估宿在楓林下  
此地送君還茫茫似夢間後期知幾日前路轉多山  
巫峽通湘浦迢迢隔雲雨天晴見海嶠月落聞津鼓  
人老自多愁水深難急流清宵歌一曲白首對汀洲

二

與君桂陽別令君岳陽待後事忽差池前期日空在  
木落鴈嗷嗷洞庭波浪高遠山行似蓋極浦樹如毫  
朝發能幾里暮來風又起如何兩處愁同在孤舟裏

新別離

唐戴叔倫

手把杏花枝未曾經別離黃昏掩閨後寂寞自心知  
遠別離二首

唐令狐楚

楊柳黃金穗梧桐碧玉枝春來消息斷早晚是歸時

二

玳織鴛鴦履金裝翡翠簪畏人相問著不擬到城南

遠別離

唐張籍

蓮葉團團杏花拆長江鯉魚鬚鬚亦念君少年棄親  
戚千里萬里獨為客誰言遠別心不易天星墜地能  
為石幾時斷得城南陌勿使居人有行役

人部

卷一百五

十二

別離總載

別離曲

唐張籍

行人結束出門去馬蹄幾時踏門路憶昔君初納采  
時不言身屬邊場戍早知今日當別離成君家計良  
為誰男兒生身自有役那得誤我少年時不如逐君  
征戰死誰能獨老空園裏

各東西

唐張籍

遊人別一東復一西出門相背兩不返惟信車輪與  
馬蹄道路悠悠不知處山高海闊誰辛苦遠遊不定  
難寄書日日空尋別時語浮雲上天雨墮地暫時會  
合終離異我今與子非一身安得死生不相棄

春別曲

唐張籍中

長江春水綠堪染蓮葉出水大如錢江頭橘樹君自種那長繫木蘭船

古離別

唐孟郊中

山川古今路縱橫無斷絕來往天地間人皆有離別行衣未束帶中腸已先結不用看鏡中自知生白髮欲陳去留意聲向言前咽荒郊煙莽蒼曠野風淒切處處得相隨人那不如月

離怨二首

唐孟郊中

人部 卷一百五 十三 別離 意人莫至悲至悲空自哀寄人莫將衣裏衣未必歸

朝為雙帶花暮為四散飛花落却遶樹遊子不顧期

二

貧女鏡不明寒花日少容暗蛩有虛織短線無長縫浪水不可照狂夫不可從浪水多散影狂夫多異蹤

古離別

唐顧況中

西江上風動麻姑嫁時浪西山為水水為塵不是人間離別人

古別離

唐權德輿中

出門事何常暫別亦難期盡此一夕歡華樽會前輝雞鳴東方曙鳳駕臨通逵欲出懶移步欲留難致詞

兩情不得已念此留何為天明去已遠寂寞居人歸

入門復上堂怳怳生驚疑經履同遊處猶言常相隨覽物或臨鏡翻怪來何遲乃知前日歡本為今日悲翻思別後心寧及未見時報君未別人別後當自知

嶺上逢久別者又別

唐權德輿中

十年曾一別征旆此相逢馬首向何處夕陽千萬峰

古離別

唐姚係中

涼風已嫋嫋露重木蘭枝獨上高樓望行人遠不知輕寒入洞戶明月滿秋池燕去鴻方至年年是別離

古別離

唐施肩吾中

人部 卷一百五 十四 別離 古人謾歌西飛燕十年不見狂夫面所嗟不及牛女

星一年一度得相見

潛別離

唐白居易中

不得哭潛別離不得語暗相思兩心之外無人知深籠夜鎖獨棲鳥利劍春斷連理枝河水雖濁有清日

鳥頭雖黑有白時唯有潛離與暗別彼此甘心無嫌

曉別

唐白居易中

曉鼓聲已半離筵坐難久請君斷腸歌送我和淚酒月落欲明前馬嘶初別後浩浩暗塵中何由見迴首

三年別

唐白居易中

悠悠一別已三年相望相思明月天  
腸斷青天望明月別來三十六回圓

古別離

唐于漬晚

入室少情意出門多路岐黃鶴有歸日  
蕩子無還時人誰無分命妾身何太奇  
君爲東南風妾作西北枝青樓鄰里婦  
終年畫長眉自倚對良匹笑妾空羅幃  
郎本東家兒妾本西家女對門中道間  
終謂無離阻豈知中道間遣作空閨主  
自是愛封侯非關備胡虜

古別離

唐邵謁晚

十五爲君婚二十君入門自從入戶後  
見君長出門

卷一百五

十五

別離

朝看相送人暮看相送人若遣折楊柳  
此地樹無根願爲陌上土得作馬蹄塵  
願爲曲木枝得作雙車輪安得太行山  
移來君馬前

古別離

唐聶夷中晚

欲別牽郎衣問郎遊何處不恨歸日  
遲莫

向臨叩去

欲別

唐項斯晚

花時人欲別每日醉櫻桃買酒金錢盡  
彈筆玉指勞歸期無歲月客路有風濤  
錦段裁衣贈麒麟落翳刀

離夜二首

唐馬戴晚

東征遼水迴北近單于臺戎衣挂寶劍  
玉筋銜金杯紅燭暗將滅翠蛾終不開

凝夜照離色恐聞啼晚鴉前年營鴈寒  
明月戍龍沙曾與五陵子休裝孤劍花

板橋曉別

唐李商隱晚

迴望高城落曉河長亭牕戶壓微波  
水仙欲上鯉魚去一夜芙蓉紅淚多

夜別筵

唐

夜長酒闌燈花長燈花落地復落牀  
似我別淚三四行滴君滿坐之衣裳  
與君別後淚痕在年年著衣心

人部

卷一百五

十六

別離

莫改

古別離

唐韋莊晚

晴煙漠漠柳毵毵不那離情酒半酣  
更把馬鞭雲外指斷腸春色在江南

別離曲

唐陸龜蒙晚

丈夫非無淚不灑離別間仗劍對鐔  
酒耻爲遊子顏蜺蛇一螫手壯士疾  
解腕所思在功名離別何足歎

齊梁怨別

唐陸龜蒙晚

寥寥缺月看將落簷外霜華染羅幃  
不知蘭棹到何山應倚相思樹邊泊



○祖餞

祖道應令

晉王濬

侯誰在矣東宮詵詵曰保曰傅弘道維新前疑協衡  
顧問翼輪豈伊張仲專美前津渙平唐德欽在四鄰  
齊軌上葉永垂清塵

洛水祖王公應詔

晉何劭

穆穆聖王體此慈仁友于之至通于明神遊宴綢繆  
情戀所親薄云餞之于洛之濱嵩巖巖洪流湯湯  
春風動衿歸鴈和鳴我后饗客鼓瑟吹笙舉爵惟別  
聞樂傷情嘉宴既終白日西歸羣司告旋鸞輿整綬

人部

卷一百五

十七 祖餞

我皇重離頓轡驂駢臨川永歎酸涕沾頤崇恩感物  
左右同悲

祖道征西應詔詩

晉張華

赫赫大晉奄有萬方陶以仁化曜以天光貳跡陝西  
實在我王內飪玉鉉外惟鷹揚四牡揚鑣玄輅振綏  
庶寮羣后餞飲洛涓感離歎悽慕德遲遲

祖道趙王應詔詩

晉張華

崇選穆穆利建明明於顯穆親時惟我王惠安自然  
金質玉相光宅舊趙作鎮冀方休龍曲錫儲物煥彰  
發軔上京出自天邑百寮餞行縉紳具集軒冕我我

冠蓋習習戀德惟懷永歎弗及

祖道畢雍孫劉邊仲潘正叔

晉陸機

皇儲延髦俊多士出幽遐適值一作時來運與子遊  
承華執笏崇賢內振纓層城阿畢劉贊文武潘生蒞  
邦家感別懷遠人願言歎以嗟

太尉王公以九錫命大將軍讓公將還京邑祖

餞贈此詩六章

晉陸雲

列文辟公時惟哲王闡縱絕期平顯幽光內實慎微  
緝熙有臧出紂方慝間督不揚高山峻極天造茫茫

二

人部

卷一百五

十八 祖餞

天子念功大典光備肅肅王命宰臣蒞事穆矣淵讓  
遺功遂志思我遠猷微音孰嗣

三

后命既靈王人反旆興言出祖飲餞于邁旄旆泱泱  
輶軒謁謁和風弭塵清暉映蓋

四

思樂中陵言觀其川公王戾止有車轡驂伊誰云饗  
我有嘉賓羽觴舉酌酢爾征人

五

悠悠征人四牡駢駢發軔北京振策紫微昔乃云來

春林方輝歲亦暮止之子言歸道途興戀伏載稱微

六

聖澤既渥嘉會情愔庭旅鐘鼓堂有瑟琴飛轡清輝  
扶桑移陰視景祗慕揮袂沾襟變彼同栖悲爾異林  
我有旨酒以歌以吟

大安二年夏四月大將軍出祖王羊二公於城

南堂皇被命作此詩六章 晉陸雲

時文惟晉天祚有祥聖宰作弼受言既臧有赫斯庸  
勳格昊蒼景物台暉棟隆玉堂

惟常思庸大興光迪聖敬遠躋神道玄邈思媚三靈

人部

卷一百五

十九

祖道

誕膺天篤嘉命既辱王人言告

翼翼王人言告惟慕公與駕言乃眷斯顧華旂飛藻  
鳴鸞振路駢駢駢牡虛天載步

我有高夏如雲斯蒼彫軒戾止薄言嘉會問誰在宴

惟俊惟父豐俎殷薦獻酌交泰

攸攸昊天南正興言朱明有晔萬葉翠繁昌雲垂天

凱風熙顏王臣在此貽宴于權

懸象西頽虞淵納景嘉樂未晡嚴駕已整行矣征人  
身垂路永飛驂顧懷華蟬引領遺思北京結縵臺有

侍皇太子祖道楚淮南二王

晉王讚

於明聖晉仰統天緒易以明險簡以識一作阻研彼

羣慮俾侯授土郁郁二王祗承皇命睹離鑒親觀禮

知盛皇儲降會延于公姓瞻彼行役並憩同林分塗

殊軌靡不迴心

征虜亭祖王少傳

晉孔法生

昔人鑒始辱解紱揚歸舲真感屬神慮高典襲天情

征虜亭餞王少傳

晉范廣杲

桂冠東門閭歸褐西唐足結轍塵高衢祖供懸長麓  
韓卿辭輦路疎傳知始辱素德燭光塵玄軌芳前覺

之馮翊祖道詩

晉孫楚

人部

卷一百五

二十

祖道

舉翮撫三秦抗我千里目念當隔山河執觴懷慘毒

祖道詩

晉孫楚

仰天惟龍御地以驥利有攸往不期而至

幸中興堂餞江夏王詩

宋孝武帝

送行悵川逝離酌偶歲陰陰雲掩歡緒江山起別心

為皇太子侍宴餞衡陽南平二王應詔詩

宋顏延之

大儀在御皇聖居貞旁緝民紀仰緯天經物資感變  
神以瑞形川無遁寶山不闕靈亦既戒裝皇心載達

夕帳亭臯晨儀禁苑神行景驚發自靈闕對宴感分

瞻秋悼晚

和沈右率諸君餞謝文學

齊謝朓

春夜別清樽江潭復為客歎息東流水如何故鄉所  
重樹日芬盈芳洲轉如積望望荆臺下歸夢相思夕

餞謝文學離夜

齊謝朓

玉繩隱尚樹斜漢眇層臺離堂華燭盡別幌清琴哀  
翻潮尚知恨客思眇難裁山川不可盡況乃故人杯

餞謝文學離夜

齊王融

所知共歌笑誰忍別笑歌離軒思黃鳥分渚愛青莎  
翻情結遠旆灑淚與行波春江夜明月還望情如何

人部

卷一百五

三十一

祖陵

餞謝文學離夜

齊劉繪

汀洲千里芳朝雲萬里色悠然在天隅之子去安極  
春潭無與窺秋臺誰共陟不見一佳人徒望西飛翼

餞謝文學離夜

齊虞炎

差池驚始飛羣羣草初輝離人悵東顧遊子愴西歸  
清潮已駕渚潒露復沾衣一垂當春聚方掩故園扉

餞謝文學離夜

齊江孝嗣

石泉行可照蘭杜向含風離歌上春日芳思徒以空  
情遽曉云發心在夕何終幽琴一罷調清醕誰復同

餞謝文學離夜

齊王侍常

月沒高樓曉雲起扶桑時燭筵緩無色行住閑相悲  
當軒已凝念况乃清江湄懷人忽千里誰緩髮徂絲

餞庾仲容

梁書曰仲容先為太子舍人後除安  
成王中記室當出隨府皇太子以舊

恩特降餞宴賜

梁昭明太子

孫生陟陽道吳子朝歌縣未若樊林華一作置酒臨  
高殿

春日宴晉熙王

梁昭明太子

百六鍾期數三七厄時中國難悲如燬親離歎數窮  
藩哲遊沮夢揚化撫邊戎幸茲同宴酌引滿愛樽空

餞別

梁簡文帝

人部

卷一百五

三十二

祖陵

行樂出南皮讌餞臨華池釋解篋開節花暗鳥迷枝  
牕陰隨影度水色帶風移徒命銜杯酒終成悞別離

餞廬陵內史王脩應令

梁簡文帝

餞行臨上節開筵命羽觴迴池瀉飛棟濃雲垂畫堂  
疎槐未合影仄日暫流光園梅斂新藻一作階惠結

初芳

餞謝文學離夜

梁范雲

陽臺霧初解夢渚水裁淥遠山隱且見平沙斷還續  
分絃饒苦音別唱多悽曲爾拂後車塵我事東臯粟

餞謝文學離夜

梁蕭琛

執手無還顧別渚有西東荆吳眇何際煙波千里通  
春筍一作方解籜弱柳向低風相思將安寄悵望南  
飛鴻

餞謝文學離夜

梁沈約

漢池水如帶巫山雲似蓋  
滄汨背吳潮潺湲橫楚瀨  
一望沮漳水寧思江海會  
以我徑寸心從君千里外

侍宴樂遊苑餞呂僧珍應詔

梁沈約

丹浦非樂戰負重切君臨  
我皇秉至德忘已用堯心  
愍茲區宇內魚鳥失飛沈  
推轂二嶠迫揚旆九河陰

超乘三屬選士皆百金戎車出細柳  
餞送遵上林

人部

卷一百五

三

細腰

命帥誅後服授律緩前禽  
留輟方解帶曉武稍披襟  
伐罪芒山曲弔民伊水潯  
將陪告成禮待此未抽簪

侍宴樂遊苑餞徐州刺史

梁沈約

沃若動龍驂參差凝鳳管  
金塘草未合玉池泉將滿

侍宴餞張孝總應令

梁庾肩吾

層臺臨迴漲耿耿晴煙上  
欲送分符人翻似河堤望  
寒雲暗積水秋雨蒙重嶂  
別念動神襟華文切離况

慙無寡和曲空陪郢中唱

餞張孝總應令

梁庾肩吾

江上早寒生蕭條饒管清  
別筵開帳殿離升卷幔城

前山黃葉起對岼白沙驚臨渦同極望竊愧才輕

侍宴餞湘東王應令

梁庾肩吾

陳王從遊士高宴入承華  
並載同連璧雕文類簡沙  
落後時動樹墜雪暫搖花  
念此離筵促方愁別路賒

侍宴餞湘州刺史張續

梁庾肩吾

洞庭資善政層城送遠離  
九歌揚妙曲八桂動芳枝  
雨足飛春殿雲峰入夏池  
郢路方遼遼湘山轉蔽虧  
何當好風日極望長沙垂

侍宴餞東陽太守蕭子雲

梁庾肩吾

東都資良守北宮敦獻酬  
新枝漸接樹故東欲含流

人部

卷一百五

三

細腰

早花少餘雪春寒極晚秋  
徒嗟白岼遠空想赤松遊

侍宴餞東陽太守蕭子雲

梁張纘

仲月發初陽輕寒帶春序  
淥池解餘凍丹霞霽新雨  
良守謁承明徂舟戒蘭渚  
皇儲惜將邁金樽留宴醕

侍宴餞陸倕應令

梁蕭子顯

儲皇餞離送廣命傳羽觴  
侍遊追曲水開宴等清漳  
新泉已激浪初并始含芳  
雨罷能葉增綠日斜樹影長

侍宴餞新安太守蕭綏應令

梁劉孺

芝殿延藻景蕭室寫油雲  
玄覽多該洽聖思究前聞  
微密探精義優游妙典墳  
飲餞參多士言贈賦新文

侍宴離亭應令

梁劉孝綽

輟轅東北望江漢西南永羽旗映日移鏡吹臨風警  
令王愍追送纚舟宴俄頃掩袂眺征雲銜杯惜餘景  
首燕徒有心局步何由騁

侍宴餞庾於陵應詔

梁劉孝綽

皇心眷將遠帳餞靈芝側是日青春獻林塘多秀色  
芳卉疑綸組嘉樹似雕飾遊絲綴鸞領光風送綺翼  
下輦朝既盈留宴景將昇高辨競談端奇文爭筆力  
伊臣獨無伎何用奉吹息

侍宴餞張惠紹應詔

梁劉孝綽

人部 卷一百五

三五

祖綽

滄池誠自廣蓬山一何峻麗景花上鮮油雲葉裏潤  
風度餘芳滿鳥集新條振餞言班俊造光私獎聃宏  
徒然謬反隅何以窺重仞

餞張惠紹應令

梁劉孝綽

鮮雲積上月凍雨晦初陽迴風飄淑氣落景煥新光  
竹萌始防露桂挺已含芳瑤階變杜若玉沼發攢蔕  
聖襟惜岐路曲宴關蘭堂

侍宴樂遊苑餞張徐州應詔

梁丘遲

詰旦聞闔開馳道聞鳳吹輕蕤承玉輦細草藉龍蹄  
風遲山尚響雨息雲猶積巢空初鳥飛蒼亂新魚戲

寔爲北門重匪親孰爲寄參差別念舉肅穆恩波被  
小臣信多幸投生豈酬義

幸玄武湖餞吳興太守任惠 陳後主

寒雲輕重色秋水去來波待我戎衣定然送大風歌

餞別自解

陳樂昌公主

今日何遷次新官對舊官笑啼俱不敢方信作人難

餞中書侍郎來濟

唐太宗 初

暖暖去塵登瀛岸飛飛傾蓋指河梁雲路衣結千重  
葉雪岫花開幾樹妝深悲黃鶴孤舟遠獨歎青山別  
路長聊將分袂沾巾淚還用持添離席觴

人部

卷一百五

三六

祖綽

奉和聖製餞中書侍郎來濟應詔

唐許敬宗 初

萬乘騰鑣警岐路百壺供帳餞離宮御溝分水聲難  
絕廣宴當歌曲易終典言共傷千里道俯跡聊示五  
情同良哉既深留帝念沃化方有贊天聰

奉和禁苑餞別應令

唐褚亮 初

大蕃初錫瑞出牧邇皇京暫以綠車重言陳朱傳榮  
舒桃臨遠騎垂柳映軍營惠化宣千里威風動百城  
禁籞方嘉節神襟餞送情金笳催別景玉管切離聲  
野花開更落山鳥啼還驚微臣夙多幸薄宦奉儲明

釣臺慙作賦伊水濫聞笙懷德長知久酬恩識命輕

錢韋兵曹

唐王勃

征驂臨野吹別袂慘江垂川霽浮煙歛山明落照移  
鷹風凋晚葉蟬露泣秋枝亭臯分遠望延想間雲涯

錢駱四得鐘字二首

唐駱賓王

平生何以樂斗酒夜相逢曲中驚別緒醉裏失愁容  
星朗一作懸秋漢風香入曙鐘明日臨溝水青山幾  
萬重

二一作別宋之問

甲第驅車入良宵秉燭遊人追竹林會酒獻菊花秋  
人部

卷一百五

三七

祖

霜吹飄無已星河漫不流重嗟歡賞地翻召別離憂  
秋日錢陸道士陳文林并序唐駱賓王

陸道士將遊西輔通莊指浮氣之關陳文林言返  
東吳脩途走落星之浦于是維舟錦水藉蘭若以  
開筵綆騎金隄泛榴花於祖道于時赤煙沈節青  
女司晨霜鴈銜蘆舉賓行而候氣寒蟬噪柳帶涼  
序以含情加以山接太行聳羊腸而飛蓋河通少  
海疏馬頰以開闢登高切送歸之情臨水感近川  
之歎既而嗟別路之難駐惜離樽之易傾雖漆園  
筌蹄已忘言於道術而維揚風雨尚抒情於詠歌

各賦一言同爲四韻庶幾別後有暢離憂云爾

青牛遊華嶽赤馬走吳宮玉柱離鴻怨金壘浮蟻空  
日霽嶠陵雨塵起洛陽風唯當玄度月千里與君同  
在兗州錢宋五之問

唐駱賓王

淮沂泗水地梁甫汶陽東別路青驪遠離樽綠蟻空  
柳寒凋密翠棠晚落疎紅別後相思曲悽斷入琴風  
春晦錢陶七於江南同用風字

唐陳子昂

蜀江分袂巴山望別南津坐恨歎仙帆之方遙北  
渚長懷見離亭之欲晚白雲去矣

人部

卷一百五

三八

俱

黃鶴何之楊柳青而三春暮我之懷矣能無贈乎  
同賦一言俱題四韻

黃鶴煙雲去青江琴酒同離帆方楚越渭水復西東  
芙蓉生夏浦楊柳送春風明月相思處應對菊花叢  
錢湖州薛司馬

唐宋之問

別駕促嚴程離筵多故情交深季作友義重伯爲兄  
鎮靜移吳俗風流在漢京會看陳仲舉從此拜公卿

錢遠

唐沈佺期

任子徇遐祿結友開舊襟撰酌駸行歎指途勤遠心  
秋品澄回壑霽色肅明林曖然清軒幕浩思非所任



錢陳學士還江南用徵字

唐張九齡

初

荷篠旋江澳，銜杯餞霸陵。別前林鳥息，歸處海煙凝。  
風土鄉情接，雲山客念憑。聖朝嚴穴選，應待鶴書徵。  
餞張七琚任宗城即環之季也同產八人俱以

才名知

唐儲光義

盛

他日曾遊魏，家家餘趾存。可憐宮殿所，但見桑榆繁。  
此去拜新職，爲榮近故園。高陽八才子，況復在君門。  
同盧明府餞王郎中除義王府司馬就張園作

唐孟浩然

盛

上國山河裂，賢王邸第開。故人分職去，潘令寵行來。

卷一百五

三十九

祖饒

冠蓋趨梁苑，江湘失楚材。豫愁軒騎動，賓客散池臺。

武陵田太守席送司馬盧谿

唐王昌齡

盛

諸侯分楚郡，飲餞五谿春。山水清暉遠，俱憐一逐臣。

九日使君席餞衛中丞赴水

唐岑參

盛

節使橫行西出師，鳴弓擐甲羽林兒。臺上霜風凌草  
木，軍中殺氣傍旌旗。預知漢將宣威日，正是胡塵欲  
滅時。爲報使君多泛菊，更將絃管醉東籬。

秋日魯郡堯祠亭上宴別杜補闕范侍御

唐李白

盛

我覺秋興逸，誰云秋興悲。山將落日去，水與晴空宜。

魯酒白玉壺，送行駐金羈。欵鞍憩古木，解帶挂橫枝。  
歌鼓川上亭，曲度神飈吹。雲歸碧海夕，鴈沒青天時。  
相失各萬里，茫然空爾思。

湘江宴餞裴二端公赴道州

唐杜甫

盛

白日照舟師，朱旗散廣川。羣公饒南陌，肅肅秩初筵。  
鄙人奉末眷，佩服自早年。義均骨肉地，懷抱罄所宣。  
盛名富事業，無取愧高賢。不以喪亂嬰，保愛金石堅。  
計拙百寮下，氣蘇君子前。會合若不久，哀樂本相纏。  
交遊颯向盡，宿昔浩茫然。促觴激百慮，掩抑淚潺湲。  
熱雲集曛黑，關月未生天。白團爲我破，華燭蟠長煙。  
人部 卷一百五 三十一 祖饒

鷓鴣催明星，解袂從此旋。上請減兵甲，下請安井田。  
永念病渴老，附書達山巔。

江亭王閬州筵餞蕭遂州

唐杜甫

盛

離亭非舊國，春色是他鄉。老畏歌聲斷，愁隨舞曲長。  
二天開寵餞，五馬爛生光。川路風煙接，俱宜下鳳凰。  
陪章留後惠義寺餞嘉州崔都督赴州

唐杜甫

盛

中軍待上客，令肅事有恒。前驅入寶地，祖帳飄金繩。  
南陌旣留歡，茲山亦深登。清聞樹杪磬，遠謁雲端僧。  
迴策匪新岸，所攀仍舊藤。耳激洞門飈，目存寒谷冰。

出塵閑軌躡畢景遺炎蒸永願坐長夏將衰棲大乘  
羈旅惜宴會艱難懷友朋勞生共幾何離恨兼相仍  
冬夜饒州使堂餞相公五叔赴歙州

唐李嘉祐中

丞相過邦牧清絃送羽觴高情同客醉子夜爲人長  
斜漢初過斗寒雲正護霜新安江自綠明主待惟良

餞別王十一南遊

唐劉長卿中

望君煙水濶揮手淚沾巾飛鳥沒何處青山空向人  
長江一帆遠落日五湖春誰見汀洲上相思愁白蘋

宴別幼遐與君貺兄弟

唐韋應物中

人部 卷一百五

三十一 祖餞

乖闕一作意方云弭安知忽來翔累日重歡宴一  
旦復離傷置酒慰茲夕秉燭坐華堂契濶未及展晨  
星出東方征人慘已辭車馬儼成一作來裝我懷自無  
歡原野滿春光一作芳羣水含時澤野雉鳴朝陽平生  
有壯志不覺淚沾裳況自守空宇日夕但彷徨

祖席得秋字

唐韓愈中

淮南悲木落而我亦傷秋況與故人別那堪羈宦愁  
榮華今異路風雨苦同憂貧以宜春遠江山多勝遊

潯陽宴別

唐白居易中

鞍馬軍城外笙歌祖帳間乘潮發湓口帶雪別廬山

暮景牽行色春寒散醉顏共嗟炎瘴地盡室得生還

江上燕別

唐許渾中

雲物如故鄉山川異岐路年來未歸客馬上春欲暮  
一樽花下酒殘日水西樹不待管絃終搖鞭背花去

雪上宴別

唐許渾中

山斷水茫茫洛人一作濱西路長笙歌留遠棹風雨寄  
華堂紅壁耿秋燭翠簾一作簷凝曉香誰堪從此去雲  
樹滿陵陽

南海府罷南康阻淺行侶稍稍登陸主人燕餞

至頻暮宿東谿

唐許渾中

人部 卷一百五

三十一 祖餞

晴灘水落漲虛沙灘去秦吳萬里賒一作馬上折殘  
江北柳舟中開盡嶺南花離歌不斷如留客歸夢初  
驚似到一作別家山鳥一聲人未起半牀春月在天涯  
餞席重送從叔余之梓州 唐李商隱中  
莫歎萬里山君還我未還武關猶悵望何況百牢關

詩集類函卷一百五

詩集類函卷一百六

東吳俞安期彙纂

宣城梅鼎祚增定

新都吳翔鳳訂校

人部四十八

送別一

○送別一

與蘇武詩三首

詩品曰李陵詩其源出於楚辭文多悽愴怨者之流陵名家子

有殊才生命不諧聲韻身喪矣陵不遭辛苦其文亦何能至此

漢李陵

良時不再至離別在須臾屏營衢路側執手野踟躕  
仰視浮雲馳奄忽互相踰風波一失所各在天一隅

人部

卷一百六

送別

長當從此別且復立斯須欲因晨風發送子以賤軀

二

攜手上河梁遊子暮何之徘徊路側悵悵一作悵悵

能辭行人難久留各言長相思安知非日月弦望自

有時努力崇明德皓首以爲期

三

嘉會難再遇三載爲千秋臨河濯長纓念子一作悵

悠悠遠望悲風至對酒不能酬行人懷往路何以慰

我愁獨有盈觴酒與子結綢繆

別歌

漢書曰昭帝即位數年匈奴與漢和親漢使求蘇武等單于許武還李陵置酒賀武

曰異武之人一別長絕因起漢李陵

經萬里今度沙漠爲君將今奮匈奴路窮絕今矢刃  
摧士衆滅今名已隳老母已死雖欲報恩將安歸

別詩四首

漢蘇武

骨肉緣枝葉結交亦相因四海皆兄弟誰爲行路人  
況我連枝樹與子同一身昔爲鴛鴦鳥今爲參與辰  
昔者常相近邈若胡與秦惟念當乖離思情日以新  
鹿鳴思野草可以喻嘉賓我有一尊酒欲以贈遠人  
願子留斟酌叙此平生親

結髮爲夫妻恩愛兩不疑歡娛在今夕燕婉及良時

人部

卷一百六

送別

征夫懷往路起視夜何其參辰皆已沒去去從此辭  
行役在戰場相見未有期握手一長歎淚爲生別滋  
努力愛春華莫忘歡樂時生當復來歸死當長相思

王堂新詠作留別妻

黃鵠一遠別千里顧徘徊胡馬失其羣思心常依依

何況雙飛龍羽翼臨當乖幸有絃歌曲可以喻中懷

請爲遊子吟冷冷一何悲絲竹厲清聲慷慨有餘哀

長歌正激烈中心愴以摧欲展清商曲念子不得歸

俛仰內傷心淚下不可揮願爲雙黃鵠送子俱飛

燭燭晨明月馥馥我

補註曰蘭芳芬馨良一作夜發

隨風聞我堂征夫懷遠路遊子戀故鄉寒冬十二月  
晨起踐嚴霜俯觀江漢流仰視浮雲翔良友遠別離  
各在天一方山海隔中州相去悠且長嘉會難再遇  
歡樂殊未央願君一作崇令德隨時愛景光

擬蘇李詩十首

李陵錄別詩八首

無名氏

有鳥西南飛熠熠似蒼鷹朝發天北隅暮聞日南陵  
欲寄一言去一作託之賤綵繒因風附輕翼以遺心  
蘊蒸鳥辭路悠長羽翼不能勝意欲從鳥逝駕馬不  
可乘

人部

卷一百六

三

送別

燦燦三星列拳拳月初生寒涼應節至蟋蟀夜悲鳴  
晨風動喬不枝葉日夜零遊子暮思歸塞耳不能聽  
遠望正蕭條百里無人聲豺狼鳴後園虎豹步前庭  
達處天一隅苦困獨零丁親人隨風散歷歷如流星  
三萍離不結思心獨屏營願得萱草枝以解饑渴  
寂寂君子坐奕奕合衆芳溫聲何穆穆因風動馨香  
清言振東序良時著西庠乃命絲竹音列席無高唱  
悲意何慷慨清歌正激揚長哀發華屋四坐莫不傷  
晨風鳴北林熠燿一作東南飛願言所相思日暮不  
垂帷明月照高樓想見餘光輝玄鳥夜過庭髮髯能

復飛寒裳路踟躕彷徨不能歸浮雲日千里安知我  
心悲思得瓊樹枝以解長渴饑

陟彼南山隅送子淇水陽爾行西南遊我獨東北翔  
俟馬顧悲鳴五步一徬徨雙鳬相背飛相遠日已長  
遠望雲中路想見來珪璋萬里遙相思何益心獨傷  
隨時愛景曜願言莫相忘

鍾子歌南音仲尼歎歸與戎馬悲邊鳴遊子戀故廬  
陽鳥歸飛雲蛟龍樂潛居人生一世間貴與願同俱  
身無四凶罪何爲天一隅與其苦筋力必欲榮薄軀  
不如及清時策名於天衢

人部

卷一百六

四

送別

紅塵蔽天地白日何冥冥微陰盛殺氣淒風從此興  
招搖西北指天漢東南傾嗟爾穿廬子獨行如復水  
短褐中無緒帶斷續以繩寫水置瓶中焉辨淄與澠  
巢父不洗耳後世有何稱升菴詩話云見修文殿御覽

鳳凰鳴高岡有翼不好飛安知鳳凰德貴其來見稀

蘇武荅詩二首

童童孤生柳寄根河水泥連翩遊客子于冬服涼衣  
去家千里餘一身常渴饑寒夜立清庭仰瞻天漢湄  
寒風吹我骨嚴霜切我肌憂心常慘戚晨風爲我悲  
瑤光游何速行願支荷一作遲仰視雲間星忽若割

長帷低頭還自憐  
盛年行已衰  
依依戀明世  
愴愴難久懷

雙鳬俱北飛  
一鳬獨南翔  
子當留斯館  
我當歸故鄉  
一別如秦胡  
會見何詎央  
愴恨切中懷  
不覺淚沾裳  
願子長努力  
言笑莫相忘

古文苑題別李陵

離友詩二首并序

魏陳思王

鄉人有夏侯威者  
少有成人之風  
余尚其爲人與之昵  
好王師振旅送余於魏  
邦心有眷然爲之隕涕  
乃作離友之詩其辭曰

王旅遊兮背故鄉  
彼君子兮篤人綱  
勝余行兮歸朔

人部

卷一百六

五

送別

方馳原隰兮尋舊疆  
車一作我車載奔兮馬繁驤  
涉浮濟

今泛輕航迄魏都  
兮息蘭房展宴好兮惟樂康

涼風肅兮白露滋  
木感氣兮條葉辭  
臨淥水兮登重

基折秋華兮采靈芝  
尋永歸兮贈所思  
感離隔兮會

無期伊鬱悵兮情不怡

本集止載前一首今考藝文附入○初學記載二句云日

匿景今天微陰經迴路兮造北林當別有一首也

送應氏詩二首

魏陳思王

步登北邙阪遙望洛陽山  
洛陽何寂寞宮殿盡燒焚  
垣墻皆傾摧荆棘上參天  
不見舊耆老但覩新少年  
則足無行徑荒疇不復田  
遊子久不歸不識陌與阡

中野何蕭條千里無人煙  
念我平常居一作平生氣結不能言

清時難屢得嘉會不可常  
天地無終極人命若朝霜  
願得展嬋婉我友之朔方  
親昵並集送置酒此河陽  
中饋豈獨薄賓飲不盡觴  
愛至望苦深豈不媿中腸  
山川阻且遠別促會日長  
願爲比翼鳥施翮起高翔

北芒送別王世胄詩

晉潘岳

朱鑣旣揚四轡旣整  
駕言餞行告離芒  
嶺情有遷延日無餘影  
迴轅南翔心焉北騁

送大將軍掾盧晏

晉潘尼

人部

卷一百六

六

送別

贈物雖陋薄誠意在忘言  
瓊琚尚友好桃李貴往還  
蕭艾苟見納貽我以芳蘭

送盧景宣詩

晉潘尼

楊朱焉所哭岐路重別離  
屈原何傷悲生離情獨哀  
知命雖無憂倉卒意低迴  
歎氣從中發灑淚隨襟頽  
九重不常鍵閭闔有時開  
愧無紵衣獻貽言取諸懷

送二王在領軍府集詩

晉謝琨

苦哉遠征人將乖萃余室  
明牕通朝暉絲竹盛蕭瑟  
樂酒輟今辰離端起來日

送東陽太守詩

晉殷仲文

皆人深誠歎臨水送將離如何祖良遊心事尋在斯  
虛亭無留賓東川緬逶迤

於王撫軍座送客

晉陶淵明

秋日淒且厲百卉具已腓爰以履霜節登高饒將歸  
寒氣冒山澤游雲倏無依洲渚思綿邈風來互垂違  
瞻夕欲良讌離言事云悲晨鳥暮來還懸車歛餘暉  
逝止判殊路旋駕悵遲遲目送回舟遠情隨萬化遺

送許從詩

晉李充

來若迅風歡逝如歸雲征離合理之常聚散安足驚

與廬陵王紹別

宋孝武帝

人部

卷一百六

七

送別

連歲矜離心今茲幸良集信宿窮晨暮開顏披所載  
未盡歡娛懷已傷岐路及舳艫引江介飛旌背邇邑  
悄擾徒旅戒團樂流景入遲遲分手念法法登路泣

送盛侍郎餞候亭

宋鮑照

霜霜襲冠帶驅駕越城闌北臨出塞道南望入鄉津  
高塘宿寒霧平野起秋塵君爲坐堂子我乃負轡人  
欣悲豈等忘甘苦誠異身結涕園中草憔悴悲此春

送別王宣城

宋鮑照

發郢流楚思涉淇興衛情既逢青春獻復值白蘋生  
廣望周千里江郊滿微明舉爵自惆悵歌管爲誰清

賴陰騰前藻淮陽流昔聲樹道慕高華屬路佇深馨

送從弟道秀別

宋鮑照

參差生密念躑躅行思悲悲思戀光景密念盈一作滿  
歲時歲時多阻折光景之安怡以此苦風情日夜驚  
懸旗登山臨朝日揚袂別所思浸淫旦潮廣瀾漫宿  
雲滋天陰懼先發路遠常早辭篇詩後相憶杯酒今  
無持遊子苦行役冀會非遠期

與伍侍郎別

宋鮑照

民生如野鹿初愛不知命飲斃具攢聚翹陸歛驚迸  
傷我慕類心感爾食苹性漫漫鄙鄙途渺渺淮海逕

人部

卷一百六

八

送別

子無金石質吾有大馬病憂樂安可言離會孰能定  
欽哉慎所宜砥德乃爲盛貧遊不可忘久交念敦敬

與荀中書別

宋鮑照

勞舟厭長浪疲旆倦行風連翩感孤志契闊傷賤躬  
親交篤離愛眷戀置酒終敷文勉征念發藻慰愁容  
思君吟涉有撫已謠渡江慙無黃鶴翅安得久相從  
願遂宿知意不使舊山空

和傅大農與僚故別

宋鮑照

絕節無緩響傷鴈有哀音非同年歲意誰共一作別  
離心伊昔謬通塗一作別冠疑預人林浮江望南嶽登



潮窺海陰孰謂游居淺慕美久相深萋萋春草秀嚶嚶喜候禽辰物盡明茂尊盛獨幽沈之子安所適我方栖舊岑隆歡豈更接明愛邈難尋

吳興黃浦亭庾中郎別

宋鮑照

風起洲渚寒雲上日無輝連山眇煙霧長波迴難依旅鴈方南過浮客未西歸已經江海別復與親眷違奔景易有窮離袖安可揮歡觴爲悲酌歌服成泣衣溫念終不渝藻志遠存追役人多牽滯顧路慙奮飛昧心附達翰炯言藏佩章

人部

卷一百六

九 送別

王撫軍庾西陽集別時爲豫章太守庾被徵還

東集曰謝還豫章庾被徵還都王撫軍送至滌口南樓作

宋謝瞻

祗召旋北京守官返南服方舟析舊知對筵曠明牧舉觴矜飲饒指途念出宿來晨無定端別畧有成速頽陽照通津夕陰曖平陸榜人理行艫輶軒命歸僕分手東城闥發櫂西江隩離會雖相雜逝川豈往復誰謂情可書盡言非尺牘

蕭諮議西上夜集

齊王融

徘徊將所愛惜別在河梁衿袖三春隔江山千里長寸心無遠近邊地有風霜勉哉勸歲暮敬矣事容光

山中殊未憚杜若空自芳

臨谿送別

齊謝朓

悵望南浦時徙倚北梁步葉上涼風初日隱輕霞暮荒城迴易陰秋谿廣難渡沫泣豈徒然君子行多露

別王丞僧孺

齊謝朓

首夏實清和餘春滿郊甸花樹雜爲錦月池皎如練如何當此時別離言與宴留雜已鬱紆行舟亦遙衍非君不見思所悲思不見

送別

梁簡文帝

行行異沂海一作依依別路岐水苔隨纜聚岍柳拂

人部

卷一百六

十一 送別

舟垂石菌生懸葉江槎流臥枝燭盡悲宵去酒滿惜將離

送別友人

梁沈約

君東我亦西銜悲涕如霰浮雲一南北何由展言宴方作異鄉人贈子同心扇遙裔發海鴻連翻出簷燕春秋更去來參差不相見

別范安成

梁沈約

生平少年日分手易前期及爾同衰暮非復別離時勿言一樽酒明日難重持夢中不識路何以慰相思

送柳吳興竹亭集

梁吳均

平原不可望波瀾千里直夕魚汀下戲暮雨簷中息  
白雲時去來青峰復負側躑躅牛羊下晦昧崦嵫色  
王孫猶未歸且聽西光匿

同柳吳興何山湖州名集送劉餘杭

梁吳均

王孫重離別置酒峰之巖逶迤川上草參差澗裏微  
輕雲紉遠岫細雨沐山一作單衣簷端水禽息牕上野  
螢飛君隨綠波遠我逐清風歸

同柳吳興烏亭集送柳舍人

梁吳均

河陽一帳望南浦送將歸雲山離曉暖花霧共依霏

人部 卷一百六

十一 送別

流連百舌啼下上陽禽飛桂舟無淹柁玉軫有離微  
願君嗣蘭杜時采東皇薇

別王謙

梁吳均

嚴光不逐世流轉任飛蓬欲還天台嶺不狎甘泉宮  
離歌玉絃絕別酒金卮空憶遺故人念僕在東山東

別夏侯故章

梁吳均

白馬黃金鶴青驪紫絲鞍新知關山別故人河梁送  
置此一面書爲余達雲夢

送別

梁范雲

東風柳線長送郎上河梁未盡樽前酒妾淚已千行

不愁書難寄但恐鬢將霜望懷白首約江上早歸航

送沈記室夜別

梁范雲

桂水澄夜氛楚山清曉雲秋風兩鄉怨秋月千里分  
寒枝寧共採霜猿行獨聞捫蘿正意我折桂方思君

送韋司馬別

梁何遜

送別隔曲渚征人幕前侶離言雖欲繁離思終無緒  
悵悵分手畢蕭蕭行帆舉舉帆越中流望別上高樓  
予起南枝怨子結北風愁邈邈山蔽日洶洶浪隱舟  
隱舟邈已遠徘徊落日晚歸衢並駕奔別館空筵卷  
想子斂眉去知予銜淚返銜淚心依依薄暮行人稀

人部

卷一百六

十二

送別

暖暖入塘港蓬門已掩扉簾中看月影竹裏見螢飛  
螢飛飛不息獨愁空轉側北牕倒長簾南鄰夜聞織  
棄置勿復陳重陳長歎息

與崔錄事別兼叙攜手

梁何遜

去夏予回首言乃重行行今春遊派瀝訪子猶武城  
暫別年愈半同歸月未盈復道中寒食彌留曠不平  
道術旣爲務誰能苦未并及爾沈痾愈值茲秋序明  
石磧沿江靜沙流繞清川平看鳥遠水淺見魚驚  
逝將窮履歷方欲恣逢迎何言聚易散鄉棹爾孤征  
我本倦遊客心念似懸旌聞離常屑涕是別盡妻情

清一作况此忘懷地相愛猶弟兄脉脉留南浦悠悠送  
上京欲鑷星星髮因君示友生

與蘇九德別

梁何遜

宿昔夢顏色咫尺思言偃疑作何况杳來期各在天  
一面踟躕暫舉酒倏忽不相見春草似青袍秋月如  
團扇三五出重雲當知我憶君夢夢若被逕懷抱不  
相聞

送褚都曹聯句

梁何遜

君隨結客去我乃倦遊歸本願同栖息今成相背飛

送司馬入五城聯句

梁何遜

人部

卷一百六

十三送別

隨風飄岍葉行雨暗江流居人會應返空欲送行舟

相送

梁何遜

客心已百念孤遊重千里江暗雨欲來浪白風初起

相送聯句三首

梁何遜

寸陰常可惜別至倍傷神子瞻天際水予望路中塵

春遜憫憫岐路側去去平生親一朝事千里流涕向三

二

昔共入門笑今成送別悲君還舊聚處爲我一頓眉

乘王江於今還促膝自此客江湄願子俱停駕看我獨

解維遜

三

高軒雖駐軫餘日久無輝以我辭鄉淚沾君送別衣

賦詠聯句

梁何遜

獎履常決踵眉高起半額曼倩爾何爲獨歎長安索

拍江工商既慚巧農士聊相易蠓腹有餘資鴻眉方可

能劇華逸翮任奮飛窘步事羈勒還鳥余能繁流言

爾無惑華憂懷乃千載永歡常數刻直是悲別離非

人部

卷一百六

十四送別

關念通塞遜日照汀沙素山影波浪黑爾限大江南

余歸茂陵北肅

臨別聯句

梁何遜

臨別情多緒送歸涕如霰君望長安城予悲獨不見

爾來同去國予歸方異縣懷別心獨憂手淚方濺

濺肅

新林送劉之遴

梁庾肩吾

旆轉黃山路舟纒白馬津送輪時合幘分驂各背塵

常山喜臨岱隴頭悲望秦欲持漢中策還以贈征人

送殷何兩記室

梁王僧孺

掩袖出南浦驅車送上征飄飄曉雲駛漾漾日潮平  
不肖余何惜無貲爾勿輕儻有還書便一言訪死生

別蕭諮議

梁宗夫

別酒正參差垂情將陸離悵焉臨桂苑憫默瞻華池  
輕雲流惠采時雨亂清漪眇眇追蘭逕悠悠結芳枝  
眷言終何託心寄方在斯

別蕭諮議

梁任昉

離燭有窮輝別念無終緒岐言未及申離目已先舉  
揆景巫衡阿臨風長林浦浮雲難嗣音徘徊悵誰與  
儻有關外驛聊訪狎鷗渚

人部

卷百六

十五 送別

別蕭諮議

梁王延

霏雲承永夜皓燭驚離軒執酒愴誰與舉袖默無言  
忍茲君爲別如此歲方暄年深北岫時鳥思南國園  
江上愁別日階下樹芳蓀

別蕭諮議前夜以醉垂例今晝由醒敬應教

梁蕭琛

落日總行轡薄別在江干遊客無淹期晨川有急瀾  
分手信云易相識誠獨難之子兩特達伊余日盤桓  
俟我式微歲共賞階前蘭

送友人上湘

梁虞羲

濡足送征人寒裳臨水路共盈一樽酒對之愁日暮  
漢廣雖容舸風悲未可渡佳期難再得但願論心故  
沅水日生波芳洲行墜露共知丘壑改同無金石固

別席中兵

梁朱超道

數年共棲息一旦各聯翩莫論行近遠終是隔山川  
長波漫不極高岫鬱相連急風亂還鳥輕寒靜暮蟬  
扁舟已入浪孤帆漸逼天停車對空渚悵悵集作望轉  
依然

別劉孝先

梁朱超道

疲痾積未瘳伏枕倦長愁復念夜分首江上值徂秋  
人部

卷百六

十六 送別

陰凝變遠色落葉泛寒流繁霜積曉曉輕水繞夜舟  
曳裾出兔苑引領望龍樓勿念荆臺側無爲戚情遊  
廣陵岨送北使

陳陰鏗

行人引去節送客艤歸艫卽是觀濤處仍爲郊贈衢  
汀洲浪已息邗江路不紆亭嘶背櫂馬檣轉向風鳥  
海上春雲雜天際晚帆孤離舟對零雨別渚望飛鳧  
定知能下淚非但一楊朱

奉送始興王

陳陰鏗

良守別承明枉道暫逢迎去帆守錦紵歸騎指蘭城  
紛紜連山暗潺湲派水清桂晚花方白蓮秋葉始輕

背飛傷客念臨歧，憫聖情分風不得，遂何由送上征。

新亭送別應令

陳徐陵

鳳吹臨伊水，時駕出河梁。野燎村田黑，江秋岬荻黃。隔城聞上鼓，迴舟隱去檣。神襟憂遠別，流睇極清漳。

秋日別庾正員

陳徐陵

征途愁轉旆，連騎慘停鑣。朔氣凌疎木，江風送上潮。青雀離帆遠，朱鳶別路遙。唯有當秋月，夜夜上河橋。

別毛永嘉

陳徐陵

願子厲風規，歸來振羽儀。嗟余今老病，此別空長離。白馬君來哭黃臬，我詎知徒勞脫寶劍。空挂龍頭枝。

人部

卷一百六

十七

送別

別南海賓化侯

陳江總

石關通越井，蒲澗通靈洲。此地何遼遠，羣英逐遠遊。高才表彥伯，令譽許文休。悠焉值君子，復此映芳猷。嶠函多險澁，星瑄壯環周。分岐泣世道，念別傷邊秋。斷山時結霧，平海若無流。驚鷺一羣起，哀猿數處愁。是日送歸客，爲情自可求。終謝能鳴鴈，還同不繫舟。其如江海泣，惆悵徒離憂。

別表昌州二首

陳江總

河梁望隴頭，分手路悠悠。徂年若驚電，別日欲成秋。黃鶴飛飛遠，青山去去愁。不言雲雨散，更似東西流。

二

客子歎途窮，此別異西東。關山嗟墜葉，岐路憫征蓬。別鶴聲聲遠，愁雲處處同。

別永新侯

陳江總

送君張掖郡，分悲函谷關。欲知腸斷絕，浮雲去不還。征虜亭送新安王應令

陳張正見

鳳吹臨南浦，神駕饒東平。亭迴漳水乘，旆轉洛濱筵。地凍斑輪響，風嚴羽蓋輕。燒田雲色暗，古樹雪花明。岐路一迴首，流襟動眷情。

送庾羽騎抱

北齊鄭公超

人部

卷一百六

十八

送別

舊宅青山遠，歸路白雲深。遲暮難爲別，搖落更傷心。空城落日影，迴地浮雲陰。送君自有淚，不假聽猿吟。送周尚書弘正二首

北周庾信

交河望合浦，玄兔想朱鳶。共此無期別，知應復幾年。

二

離期定已促，別淚轉無從。惟愁郭門外，應足數株松。

別張洗馬樞

北周庾信

別席慘無言，離悲兩相顧。君登蘇武橋，我見楊朱路。關山負雪行，河水乘冰渡。願子著朱鳶，知余在玄菟。

別周尚書弘正

北周庾信

扶風石橋北面谷故關前此中一分手相逢知幾年  
黃鶴一反顧徘徊應愴然自知悲不已徒勞減瑟絃

重別周尚書又一首即王褒別北周庾信

陽關萬里道不見一人歸唯有河邊鴈秋來南向飛

送別裴儀同北周王褒

河橋望行旅長亭送故人沙飛似軍幕蓬卷若車輪

邊衣苦霜雪愁一作貌損風塵行路皆兄弟千里念

相親

別王都官北周王褒

連翩悵流客悽愴惜離羣東西御溝水南北會稽雲

人部卷二百六十九送別

河橋兩堤絕橫岐數路分山川遙不見懷袖遠相聞

入關故人別北周王褒

百年餘古樹千里闇黃塵關山行就近相看成達人

送晉熙公別隋尹式

太行君失路扶搖我退飛無復紅顏在空持一作白

首歸色移三代服塵化兩京衣道窮方識命事去乃

知非西候追孫楚南津送陸機雲薄鱗逾細山高翠

轉微氣隨流水咽淚逐斷絃揮但令寸心密隨意尺

書稀別宋常侍隋尹式

遊人杜陵北送客漢川東無論去與住俱是一飄蓬  
秋髮含霜白衰顏倚酒紅別有相思處啼鳥雜夜風

別周記室隋王胄

五里徘徊鶴三聲斷絕依何言俱失路相對泣離樽

別意悽無已當歌寂不喧貧交欲有贈掩涕竟無言

送金竟陵入蜀隋崔信明

金門去蜀道玉壘望長安豈言千里遠方尋九折難

西上君飛蓋東歸我挂冠猿聲出峽斷月彩落江寒

從今與君別花月幾新殘

送別秦王學士江溢南史江總長子溢仕陳歷中書黃門侍郎入隋為秦

人部卷二百六十九送別

百年風月意一旦死生分客心還送客悲我復悲君

送別隋劉夢予

去留雖有異失路與君同何如拔心草還逐斷根蓬

送別隋陳子良

落葉聚還散征禽去不歸以我窮途泣沾君出塞衣

送別隋釋智才

鏡中辭舊識灞岸別新知年來未應老祗為數經離

別蔡參軍隋庾抱

人世多飄忽溝水易西東今日歡娛盡何年風月同



悲生萬里外恨起一杯中性靈如未失南北有征鴻

送蔡君知入蜀二首

知一作却

隋孔德紹

金陵已去國銅梁忽背飛失路遠相送他鄉何日歸

二

靈關九折險蜀道二星遙乘槎若石便命泛廣陵潮

別徐永元秀才

隋孔紹安

金湯既失險玉石乃同焚墜葉還相覆落羽更爲羣  
豈謂三秋節重傷千里分促離絃易轉幽咽水難聞  
欲識相思處山川間白雲

晚別樂記室產

唐褚亮

人部

卷一百六

二十三

送別

窮途屬歲晚臨水忽分悲抱影同爲客傷情共此時  
風嚴征鴈遠雪暗轉蓬遲他鄉有岐路遊子欲何之

送客

唐陳子昂

故人洞庭去楊柳春風生相送河洲晚蒼茫別思盈  
白蘋已堪把綠芷復含榮江南多桂樹歸客贈生平

春夜別友人

唐陳子昂

銀燭吐青煙金樽對綺筵離堂思琴瑟別路繞山川  
明月影高樹長河沒曉天悠悠洛陽道此會在何年

別魏四懔

唐陳子昂

轉蓬方不定落羽自驚弦山水一爲別歡娛復幾年

離亭暗風雨征路入雲煙還因北山返歸守東陂田

送東萊王學士

唐陳子昂

寶劍千金買平生未許人懷君萬里別持贈結交親  
孤松宜晚歲衆木愛芳春已矣將何道無令白髮新

夏日暉上人房別李參軍

并序唐陳子昂

考察天人旁羅變動東西南北賢聖不能定其居  
寒暑晦明陰陽不能革其數莫不雲離雨散奔馳  
於宇宙之間宋遠燕遙泣別於關山之際自古來  
矣李參軍白雲英冑紫氣仙人愛江海而高尋嶺  
風塵而未息來從許下月旦出於龍泉言入蜀中

人部

卷一百六

二十三

送別

星文見於牛斗野亭相遇逆旅承歡謝鯤之山水  
暫開樂廣之雲天自樂思道林而不見悵若有亡  
詰祇樹而從遊然舊欵高僧展袂大士臨筵披  
路之天書坐琉璃之寶地簾帷後闢拂鸚鵡之  
香林欄檻前開照芙蓉之綠水討論儒墨探覽真  
玄覺周孔之猶迷知老莊之未悟遂欲高攀寶坐  
伏奏金仙開不二之法門觀大千之世界歡娛恍  
晚離別行催紅霞生而白日歸青氣凝而碧山暮  
驪歌斷引抗手將辭江漢浩浩而長流天地居然  
而不動嗟乎色爲何色悲樂忽而因生誰去誰來

離會紛而妄作俗之迷也不亦煩乎各述所懷不  
拘章韻

四十九變化一十三死生翕忽玄黃裏驅馳風雨情  
是非紛妄作寵辱坐相驚至人獨幽鑒窈窕隨昏明  
咫尺山河道軒牕日月庭別離焉足問悲樂固能并  
我輩何爲爾惻惶猶未平金臺可攀陟寶界絕將迎  
戶牖觀天地階基上宵冥自超三界樂安知萬里征  
中國要荒內人寰宇宙縈弦望如朝夕寧嗟蜀道行

杜少府之任蜀州

唐王勃初

城闕輔三秦風煙望五津與君離別意同是宦遊人  
人部

卷一百六

送別

海內存知己天涯若比鄰無爲在岐路兒女共沾巾

別人四首

唐王勃初

久客逢餘閨他鄉別故人自然堪下淚誰忍望征塵

二

江上風煙積山幽雲霧多送君南浦外還望將如何

三

桂輶雖不駐蘭筵幸未開林塘風月賞應待故人來

四

霜華淨天末霧色籠江際客子常畏人胡爲久留滯

臨江二首

唐王勃初

汎汎東流水飛飛北上塵歸驂將別棹似是倦遊人

二

去驂嘶別路歸棹隱寒洲江臯木葉下應想故城秋

秋江送別二首

唐王勃初

早是他鄉值早秋江亭明月帶江流已覺近川傷別  
念復看津樹隱離舟

歸舟歸騎儼成行江南江北互相望誰謂波瀾裁一  
水已覺山川是兩鄉

送鄭州周司空

唐楊炯初

莫謂臨青冢京城枕濁河居人泣珠淚賓御促驅歌

望極關山遠秋深煙霧多唯餘三五夕明月暫經過

送梓州周司功

唐楊炯初

御溝一相送征馬屢盤桓言笑方無日離憂獨未寬  
舉杯聊勸酒破涕暫爲歡別後風清夜思君蜀路難

夜送趙縱

唐楊炯初

趙氏連城壁山來天下傳送君還舊府明月滿前川

送梓州高參軍還京

唐盧照鄰初

京洛風塵遠衰斜煙霧深北遊君似智南飛我異禽  
別路琴聲斷秋山猿鳥吟一垂青巖酌空竹白雲心

西使兼送孟學士南遊

唐盧照鄰初

地道巴陵北天山弱水東相看萬餘里共倚一征蓬  
零雨悲王粲清樽別孔融徘徊聞夜鶴悵望待秋鴻  
骨肉胡塵外風煙關塞中唯餘劒鋒在耿耿氣成虹

送郭少府探得憂字

唐駱賓王

開筵枕德水輟棹艤仙舟貝闕桃花浪龍門竹箭流  
當歌悵別曲對酒泣離憂還望青門外空見白雲浮

秋夜送閻五還潤州

有序

唐駱賓王

問五官言返維桑脩途指金陵之地李六郎交深  
投漆開筵浮白玉之樽于時璧彩澄虛漏輕光於  
雲葉珪陰散迴搖碎影於風梧雖桂醕蘭缸暫淹

人部

卷一百六

三十五

送別

留於一夕而青山黃鶴將惆悵於九秋請勒四言

俱伸五際

通莊抵舊里溝水泣新知斷雲飄易滯連露積難披  
素風翻迴蝶驚月繞疎枝無力勵短翰輕舉送長離

送宋五之問得涼字

唐駱賓王

願言遊泗水支離去二漳道術君所篤筌蹄余自忘  
雪威侵竹冷秋爽帶池涼欲驗離襟切岐路在他鄉

秋日送別

唐駱賓王

寂寥心事晚搖落歲時秋共此傷華髮相看惜去留  
當歌應破涕哀命返窮愁別後能相憶東陵有故侯

送吳七遊蜀

唐駱賓王

日觀分齊壤星橋抵蜀門桃花嘶別路竹葉瀉離樽  
夏盡蘭猶茂秋深柳尚繁霧銷山望迴風高野聽喧  
勞歌徒欲奏贈別竟無言惟有當秋月空照野人園

鄭安陽入蜀

唐駱賓王

彭山折坂外井絡少城隈地是三巴俗人非百里才  
長途君悵望別路我徘徊心賞風煙隔客華歲月催  
遙遙分鳳野去去轉龍媒遺錦非前邑鳴琴即舊臺  
劍門千仞起石路五丁開海客乘楂渡仙童馭竹迴  
竟將離鶴遠思逐斷猿哀唯有雙鳬鳥飛去復飛來

人部

卷一百六

三十六

送別

西行別東臺詳正學士

唐駱賓王

意氣坐相親關河別故人客似秦川上歌從易水濱  
塞荒行辨玉臺遠尚名輪洩井懷邊將尋源重漢臣  
上苑梅花早御溝楊柳新只應持此曲別作邊城春

送崔主簿赴滄州

唐李嶠

紫陌追隨日青門相見時宦遊從此去離別幾年期  
芳桂中鐔酒幽蘭下調悲他鄉有明月千里照相思

送光祿劉主簿之洛

唐李嶠

函谷雙嶠石伊川三峽東仙舟宵將隔方掌暫云同  
朋席餘歡盡文房舊侶空他鄉千里月岐路九秋風

背檻嘶斑馬分洲叫斷鴻別後青山外相望白雲中

別侍御嚴凝

唐沈佺期

七澤雲夢林三湘洞庭水自古傳剽俗有時逋惡子  
今君出使車行邁方靡靡靜言交枳棘慎勿傷蘭芷

送韋商州弼

唐沈佺期

會府應文昌商山鎮國陽聞君監郡史暫罷尚書郎  
王事嗟相失情人貴不忘累年同畫省四海接文場  
點翰芳春色傳杯明月光故交從此去遙憶紫芝香

送永昌蕭贊府

唐宋之問

柳變曲江頭送君函谷遊弄琴寬別意酌酒醉春愁

卷一百六

送別

人部  
惡本亦何極贈言微所求莫令金谷水不入故園流

送杜審言

唐宋之問

卧病人事絕聞君萬里行河橋不相送江樹遠含情  
別路追孫楚維舟弔屈平可惜龍泉劍流落在豐城

送楊六望赴金水

唐宋之問

借問梁山道嶽岑幾萬重遙州刀作路絕壁劍為峰  
惜別路窮此留歡意不從憂來生白髮時晚愛青松  
勿以西南遠夷歌寢盛谷台階有高位寧復久臨叩

送王判官

唐徐安貞

明月開三峽花源出五谿城池青壁裏煙火綠林西

不畏王程促唯愁仙路迷巴東下歸棹莫待夜猿啼

送呂向補闕往西嶽勒碑

唐徐安貞

聖作西山頌君其出使年勒碑懸日月驅傳接雲煙  
寒盡函關路春歸洛水邊別離能幾許朝暮玉墀前

春初送呂補闕往西嶽勒碑

唐孫逖

刻石記天文朝推谷子雲篋中緘聖札巖下揖神君  
語別梅初豔爲期草欲薰往來春不盡離思莫氛氲

臨川送別

唐盧僊

秋郊日半隱野樹煙初映風水正蕭條那堪動離詠

武陽送別

唐沈宇

人部  
卷一百六

送別

菊黃蘆白鴈初飛羌笛胡琴淚滿衣送君腸斷秋江  
水一去東流何日歸

廣陵送別宋員外佐越鄭舍人還京

唐韋述

朱紱臨秦望皇華赴洛橋文章南渡越書奏北歸朝  
樹入江雲盡城銜海月遙秋風將客思川上晚蕭蕭

送使廣州

唐張九齡

家在湘源住君今海嶠行經過正中道相送倍爲情  
心逐書郵去形隨世網嬰因聲謝遠別緣義不緣名

送宛句趙少府

唐張九齡

送宛句趙少府

解巾行作吏樽酒謝離居脩竹含清景華池澹碧虛  
地將幽興愜人與舊遊疎林下紛相送多逢長者車

奉和聖製送李尚書入蜀

唐張九齡

眷言感忠義何有間山川徇節今如此離情空復然

皇心在勤恤德澤委昭宣周月成功已明年或勞旋

通化門外送別

唐張九齡

屢別容華改長愁意緒微義將私愛隔情與故人歸

薄宦無時賞勞生有事機離覓今夕夢先繞舊林飛

送友人使夷陵

唐崔翹

援鳴三峽裏行客舊雲裳復道從茲去思君不暫忘

人部

卷二百六

二十九

送別

開襟春葉短分手夏條長獨有幽庭桂年年空自芳

送蘇尚書赴益州

唐宋璟

我望風煙接君行霰雪飛園亭君有送楊柳最依依

送蘇尚書赴益縣

唐鄭維忠

雖憂將歲盡歸望逐春來庭花如有意留艷待君開

送王光庭

唐張說

同居洛陽陌經日懶相求及爾江湖去言別悵悠悠

楚雲眇羈翼海月倦行舟愛而不可見徒嗟芳歲流

送宋休遠之蜀任

唐張說

求友殊損益行道異窮申綴我平生氣吐贈薄遊人

結恩事明主忍愛遠辭親色麗成都俗膏腴蜀水濱  
如何從宦子堅白共緇磷日月千齡旦河山萬族春  
懷鉛書瑞府橫草事邊塵不及安人吏能令王化淳

同賀八送充公赴荊州

唐張說

疇昔同聲友鸞飛出鳳池風雲一蕩薄日月屢參差

此別黃葉下前期安可知唯憐楚南樹不爲歲寒移

南中別王陵成崇

唐張說

握手與君別岐路贈一言曹卿禮公子楚媼饋王孫

倏爾生六翮翻飛戾九門常懷客鳥意曾答主人恩

端州別高六載

唐張說

人部

卷二百六

三十

送別

異壤同羈竄途中喜共過愁來時舉酒勞罷或長歌

南海風潮壯西江瘴癘多於焉復分手此別傷如何

石門別楊六卿望

唐張說

燕人同竄越萬里自相哀影響無期會江山此地來

暮年傷汎梗累日慰寒灰潮水東南落浮雲西北迴

俱看石門遠倚棹兩悲哉

岳州宴別王潭州熊二首

唐張說

絲管清且哀一曲傾一杯氣將然諾重心向友朋開

古木無生意寒雲若死灰贈君芳杜草爲植建章臺

二

縉雲連省閣溝水遠西東然諾心猶在容華歲不同  
孤城臨楚塞遠樹入秦宮誰念三千里江潭一老翁

景龍觀送裴士曹

唐蘇頌初

昔日嘗聞公相一作主地今時變作列仙家池傍坐客

穿叢篠樹下遊人掃落花雨雪長疑向函谷山泉直  
似到流沙君還洛邑分明記此處同來閱歲華

陳倉別隴州司戶李維深

唐蘇頌初

揚麾北林徑跂石南澗湄中作壺觴餞回添道路悲  
數花臨磴日百草覆田時有美同人意無爲行子辭  
酣歌拔劍起母是答恩私

人部 卷一百六

三十一 送別

竹亭送姪儼

唐楊衡初

落葉寒擁壁清霜夜霑石正是憶山時復送歸山客  
殷勤一樽酒曉月當牕白

送友人尉蜀中

唐徐晶初

故友漢中尉請爲西蜀吟人家多種橘風土愛彈琴  
水向昆明闊山連大夏深理閑無別事時寄一登臨

詩雋類函卷一百六

詩雋類函卷一百七

東吳俞安期彙纂

宣城梅鼎祚增定

新都吳翔鳳訂校

人部四十九 送別二

○送別

送國子張主簿

唐包融盛

湖听解纜初鶯啼別離處遙見舟中人時時一迴顧  
坐悲芳歲晚花落晴軒樹春夢隨我心搖揚逐君去  
奉別長史庾公太守徐公應 唐儲光義盛

烈風起江漢白浪忽如山方伯驟勤王杞人亦憂天

人部 卷一百七

送別二

豐鎬頃靈晦雲龍召我賢車騎北艱苦艤艘西泝沿  
水靈靜湍瀨猛獸趨後先龍樓開新陽萬里出雲間  
宇宙既焜耀崇德濟巨川受命在神宗振兵猶軒轅  
煌煌踰涿鹿穆穆更坤元明王朝泰階遠邇望嘉言  
遊子澹何思江湖將永年

洛橋送別

唐儲光義盛

河橋送客舟河水正安流遠見征橈動遙憐故國遊  
海禽逢早鴈江月值新秋一聽南津曲分明散別愁

洛陽東門送別

唐儲光義盛

東城別故人臘月進芳辰不惜孤舟去其如兩地春



京口送別王四詠  
唐儲光義

江上楓林秋江中秋水流清晨惜分袂秋口尚同舟  
落潮洗魚浦傾河枕驛樓明年菊花熟洛東汎觴遊  
送韋大夫東京留守  
唐王維

人外遺世慮空端結遐心曾是巢許淺始知堯舜深  
蒼生詎有物黃屋如喬林上德撫神運冲和穆宸襟  
雲雷康屯難江海遂飛沈天工寄人英龍象瞻君臨  
名器苟不假保釐固其任素質貫方領清景照華簪  
慷慨念王室從容獻官箴雲旗蔽三川畫角發龍吟  
人部 卷一百七 送別

晨揚天漢聲夕卷大河陰窮久業已寧逆虜遺之擒  
然後解金鈕拂衣東山岑給事黃門省秋光正沈沈  
功名與身退老病隨年侵君子從相訪重玄其可尋  
送權二  
唐王維

高人不可友清論復何深一見如舊識一言知道心  
明時當薄宦解薛去中林芳草空隱處白雲餘故岑  
韓侯久攜手河嶽共幽尋悵別千餘里臨堂鳴素琴  
送從弟蕃遊淮南  
唐王維

讀書復騎射帶劍遊淮陰淮陰少年輩千里逐相尋  
尚義難自隱明時寧陸沈島夷九州外泉館三山深

席帆聊問罪并服盡成擒歸來見天子拜爵賜黃金  
忽思鱸魚膾復有滄洲心天寒蒹葭渚日落雲夢林  
江城下楓葉淮上聞秋砧送歸青門外車馬去駸駸  
惆悵新豐樹空餘天際禽

別蔡母潛

唐王維

端笏明光宮歷稔朝雲陛詔刊延閣書高議平津邸  
適意偶輕人虛心削繁禮盛得江左風彌工建安體  
高張多絕絃截河有清濟嚴冬爽羣木伊洛方清泚  
渭水水下流渾關雪中啓荷篠幾時還塵纓待君洗  
別弟綰後登青龍寺望藍山  
唐王維

人部

卷一百七

三

陌上新別離蒼茫四郊晦登高不見君故山復雲外  
遠樹蔽行人長天隱秋寒心悲官遊子何處飛征蓋  
齊州送祖三  
唐王維

相逢方一笑相送還成泣祖帳已傷離荒城復愁入  
天寒遶山淨日暮長河急解纜君已遙望君猶佇立  
送別  
唐王維

下馬飲君酒問君何所之君言不得意歸臥南山陲  
但去莫復問白雲無盡時

送李睢陽

唐王維

將置酒思悲翁使君去出城東麥漸漸雉子斑槐陰

陰到潼關騎連連車遲遲心中悲宋又遠周間之南  
淮夷東齊兒碎碎纖練與素絲遊人賈客信難持五  
穀前熟方可爲下車閉閣君當思天子當殿儼衣裳  
太官尚食陳利觴彤庭散綬垂鳴璫黃紙詔書出東  
廂輕紉疊綺爛生光宗室子弟君最賢分憂當爲百  
辟先布衣一言相爲死何況聖主恩如天鸞聲噦噦  
魯侯旗明年上計朝京師須憶今日斗酒別慎勿富  
貴忘我爲

送岐州源長史歸

同在崔常侍幕中時常侍已歿

唐王維盛

人部

卷一百七

四

送別

握手一相送心悲安可論秋風正蕭索客散孟嘗門  
故驛通槐里長亭下槿原征西舊旌節從此向河源  
送丘爲往唐州

唐王維盛

宛洛有風塵君行多苦辛四愁連漢水百口寄隨人  
槐色陰清書楊花惹暮春朝端肯相送天子繡衣臣  
送崔九興宗遊蜀

唐王維盛

送君從此去轉覺故人稀徒御猶迴首田園方掩扉  
出門當旅食中路授寒衣江漢風流地遊人何處歸

送李員外賢郎

唐王維盛

少年何處去負米上銅梁借問阿戎父知爲童子郎

魚牋請詩賦幢布作衣裳薏苡扶衰病歸來幸可將  
送賀遂員外外甥

唐王維盛

南國有歸舟荆門泝上流蒼茫蒹葭外雲水與昭丘  
橋帶城烏去江連暮雨愁猿聲不可聽莫待楚山秋

送邢桂州

唐王維盛

鏡吹喧京口風波下洞庭緒圻將赤岨擊汰復揚舲  
日落江湖白潮來天地青明珠歸合浦應逐使臣星

送爾郎中

唐王維盛

東郊春草色驅馬去悠悠况復鄉山外猿啼湘水流  
島夷傳路坂江館候鳴騶并服爲諸吏珠官拜本州

人部

卷一百七

五

送別

孤鶯吟遠墅野杏發山郵早晚方歸秦南中纔忌秋  
送別

唐王維盛

山中相送罷日暮掩柴扉春草年年綠王孫歸不歸  
別崔九

唐王維盛

城隅一分手幾日還相見山中有桂花莫待花如霰  
送別

唐王維盛

送君南浦淚如絲君向東州使我悲爲報故人顙顙  
盡如今不似洛陽時

送元二使安西

唐王維盛

渭城朝雨瀟瀟輕塵客舍青青柳色春勸君更盡一杯

酒西出陽關無故人

送孫秀才

唐王綰

帝城風日好況復建平家玉枕雙紋簾金盤五色瓜  
山中無管酒松下飯胡麻莫厭田家苦歸期遠復賒

別崔九

唐裴迪

歸山深淺去須盡丘壑美莫學武陵人暫遊桃源裏  
和盧明府送鄭十三還京兼寄之什

唐孟浩然

昔時風景登臨地今日衣冠送別筵醉坐自傾彭澤  
酒思歸長望白雲天洞庭一葉驚秋早落空嗟滯

人部

卷二百七

六

送別

江島寄語朝廷當世人何時重見長安道

送吳悅遊韶陽

唐孟浩然

五色憐鳳雛南飛適鷓鴣楚人不相識何處求椅梧  
去去日千里茫茫天一隅安能與片鷗決起但搶榆

送友東歸

唐孟浩然

士有不得志棲棲吳楚間廣陵相遇罷彭蠡泛舟還  
檣出江中樹波連海上山風帆明日遠何處更追攀

送蕭員外之荊州

唐孟浩然

峴山江岸曲郢水郭門前自古登臨處非今獨黯然  
亭樓明落照井邑秀通川澗竹生幽興林風入管絃

再飛鵬激水一舉鶴冲天佇立三荆使看君駟馬還

送朱大入秦

唐孟浩然

遊人五陵去寶劍直千金分手脫相贈平生一片心

秦中送李九赴越

唐高適

攜手望千里於今將十年如何每離別心事復迢迢  
適越雖有以出關終耿耿愁霖不可向長路或難前  
吳會獨行客山陰秋夜船謝家徵故事禹穴訪遺編  
鏡水君所憶尊羹舊便歸來莫忘此兼示濟江篇

送蕭十八

唐高適

常苦古人遠今見斯人古淡泊遺聲華周旋必鄉曾  
人部

卷二百七

七

送別

故交在梁宋遊方出庭戶匹馬鳴朔風一身濟河許  
辛勤採蘭詠欵曲翰林主歲月催別離庭闈遠風土  
寥寥寒煙靜莽莽夕雲苦明發不在茲青天渺難覩

宋中別周梁李三子

唐高適

曾是不得意適來兼別離如何一樽酒翻作滿堂悲  
周子負高價梁生多逸詞周旋梁宋間感激建安時  
白雪正如此青雲無自疑李侯懷英雄飢餓乃天資  
方寸且無間衣冠當在斯俱爲千里遊勿念兩鄉辭  
且見壯心在莫嗟攜手遲涼風吹北原落日滿西陂  
露下草初白天長雲屢滋我心不可得君今定何之

京洛多知己誰能憶左思

送蔡山人

唐高適 盛

東山布衣明古今自言獨未逢知音識者閱見一生事到處豁然千里心看書學劍長辛苦近日方思謁明主斗酒相留醉復醒悲歌數年淚如雨丈夫遭遇不可知買臣主父皆如斯我今蹭蹬無所以看爾崩騰何若爲

別韋參軍

唐高適 盛

二十解書劍西遊長安城舉頭望君門屈指取公卿國風冲融邁三五朝廷歡樂彌寰宇白璧皆言賜近人部

卷一百七

八

送別

臣布衣不得干明主歸來洛陽無負郭東過梁宋非吾土兔苑爲農歲不登鴈池垂釣心長苦世人向我同衆人唯君於我最相親且喜百年有交態未嘗一日辭家貧彈棋擊筑白日晚縱酒高歌楊柳春歡娛未盡分散去使我惆悵驚心神丈夫不作兒女別臨岐涕淚沾衣巾

宋中別司功叔各賦一物

得商丘唐高適 盛

商丘試一望隱隱帶秋天地與星辰在城將大路遷干戈悲昔事墟落對窮年卽此傷離緒淒淒賦酒筵淇上送韋司倉往滑臺

唐高適 盛

飲酒莫辭醉醉多適不愁孰知非遠別終念對窮秋滑臺門外見淇水眼前流君去應回首風波滿渡頭

別張少府

唐高適 盛

歸客留不住朝雲縱復橫馬頭向春草斗柄臨高城嗟我久離別羨君看弟兄歸心更難道回首一傷情

別劉校書

唐高適 盛

昔日京華去知君才望新應猶作賦好莫歎在官貧且復傷遠別不然愁此身青楓幾萬里江上一歸人

廣陵別鄭處士

唐高適 盛

落日知分手春風莫斷腸興來無不愜才在亦何傷

人部

卷一百七

九

送別

谿水堪垂釣江田耐插秧人生只爲此亦足傲羲皇

河西送李十七

唐高適 盛

邊城多遠別此去莫徒然問禮知才子登科及少年出門看落日驅馬向秋天高價人爭重行當早著鞭

送韓九

唐高適 盛

惆悵別離日徘徊岐路前歸人望獨樹匹馬隨秋蟬常與天下士許君兄弟賢良時正可用行矣莫徒然

夜別韋處士

唐高適 盛

高館張燈酒復清夜鐘殘月鴈歸聲只言啼鳥堪求侶無那春風欲送行黃河曲裏沙爲冢白馬津邊柳

向城莫怨他鄉暫離別知君到處有逢迎

送前衛縣李案少府

唐高適 盛

黃鳥翩翩楊柳垂春風送客使人悲怨別自驚千里  
外論交却憶十年時雲開汶水孤帆遠路繞梁山匹  
馬遲此地從來可乘輿留君不住益凄其

別董大

唐高適 盛

千里黃雲白日曛北風吹鴈雪紛紛莫愁前路無知  
已天下誰人不識君

送陸擢

唐常建 盛

聖代多才俊陸生何考槃南山高松樹不台空摧殘  
人部 卷二百七 十一 送別

九月湖上別北風秋雨寒殷勤歎孤鳳早食金琅玕  
與獨孤漸道別長句兼呈嚴八侍御

唐岑參 盛

輪臺客舍春草滿頽陽歸客腸堪斷窮荒絕漠鳥不  
飛萬磧千山夢猶懶憐君白面一書生讀書千卷未  
成名五侯貴門脚不到數畝山田身自耕興來浪跡  
無遠近及至辭家憶鄉信無事垂鞭信馬頭西南幾  
欲窮天盡奉使三年獨未歸邊頭詞客舊來稀借問  
君來得幾日到家不覺換春衣高齋清晝卷羅幕紗  
幙接離幃不著中酒朝眠日色高彈棊夜半燈花落

冰片高堆金錯盤滿堂凜凜五月寒桂林蒲萄新吐  
蔓武城刺蜜未可餐軍中置酒夜過鼓錦筵紅燭月  
未午花門將軍善胡歌葉河蕃王能漢語知爾園林  
壓渭濱夫人堂上泣羅裙魚龍川北盤谿雨鳥鼠山  
西洮水雲臺中嚴公於我厚別後新詩滿人口自憐  
棄置天西頭因君爲問相思否

梁園歌送河南王說判官

唐岑參 盛

君不見梁孝王脩竹園頽墻隱赫勢仍存嬌娥慢臉  
成草蔓羅帷珠簾空竹根大梁一旦人代改秋月春  
風不相待池中幾度鴈新來洲上千年鶴應在梁園

人部 卷二百七 十一 送別

二月梨花飛却似梁王雪下時當時置酒延枚叟肯  
料平臺孤兔走萬事翻覆如浮雲昔人空在今人口  
單父古來稱宓生祗今爲政有吾兄輜軒若過梁園  
道應傍琴臺聞政聲

送郭又雜言

唐岑參 盛

地上青草出經冬始得歸博陵無近信猶未換春衣  
憐汝不忍別送汝上酒樓初行莫早發且宿灞橋頭  
功名須及早歲一莫虛擲早年已工詩近日兼注易  
何時過東洛早晚渡盟津朝歌城邊柳鞦韆地邯鄲道  
上花撲人去年四月初我正在河朔曾上君家縣北

樓樓上分明見恒嶽中山明府待君來須計行程及早回到家速覓長安使待汝書封我自開

豐頭送蔣侯

唐岑參 盛

君住豐水北我家豐水西兩村辨喬木五里聞鳴雞飲酒谿雨過彈碁山月低徒開蔣生徑爾去誰相攜

南樓送衛憑

唐岑參 盛

近縣多過客似君誠亦稀南樓取涼好便送故人歸鳥向望中滅雨侵晴處飛應須乘月去且爲解征衣

送王七錄事赴虢州

唐岑參 盛

早歲卽相知嗟君最後時青雲仍未達白髮欲成絲

人部 卷一百七 十二 送別 小店關門樹長河華岳祠弘農人吏待莫使馬行遲

送崔主簿赴夏陽

唐岑參 盛

常愛夏陽縣往年曾再過縣中饒白鳥郭外是黃河地近行程少家貧酒債多知君新稱意好得奈春何

送揚州王司馬

唐岑參 盛

君家舊淮水上到揚州海樹青官舍江雲黑郡樓東南隨去鳥人吏待行舟爲報吾兄道如今已白頭

送永壽王贊府還歸縣

唐岑參 盛

當官接閑暇暫得歸林泉百里路不宿兩鄉山復連夜深露濕簾月出風驚蟬且盡主人酒爲君從醉眠

送崔員外入秦因訪故園

唐岑參 盛

欲謁明光殿先趨建禮門僊郎去得意亞相正承恩竹裏色山道花間漢水源憑將兩行淚爲訪邵平園

使君席夜送嚴河南赴長水

唐岑參 盛

嬌歌急管維青絲銀燭金杯映翠眉使君地主能相送河尹天明坐莫辭春城月出人皆醉野戍花深馬去遲寄聲報爾山翁道今日河陽勝昔時

送李翥遊江外

唐岑參 盛

相識應十載見君只一官家貧祿尚薄霜降衣仍單惆悵秋草死蕭條芳歲闌且尋滄洲路遙指吳雲端

人部 卷一百七 十三 送別 匹馬關塞遠孤舟江海寬夜眠楚煙濕曉飯湖山寒

砧淨紅鱸落袖香朱橘圓帆前見禹廟枕底聞嚴灘便獲賞心趣豈歌行路難青門須醉別少爲解征鞍

虢州後亭送李判官使赴緡

唐岑參 盛

西原驛路挂城頭客散紅亭雨未收君去試看汾上水白雲猶似漢時秋

原頭送范侍御

唐岑參 盛

百尺原頭酒色殷路傍驄馬汗斑斑別君祗有相思夢遮莫千山與萬山

送祖詠

唐盧象昇 盛



田家宜伏臘歲晏子言歸石路雪初下荒村雞共飛  
東原多煙火北澗隱寒輝滿酌野人酒倦聞鄰女機  
胡為困樵采幾日罷朝衣

送綦母潛

唐盧象昇

夫君不得意本自滄海來高足未云騁虛舟空復迴  
淮南楓葉落灞岸桃花開出處暫為耳浮沈安擊哉  
如何天覆物還遺世遺才欲識秦將漢管聞王與裴  
離筵對寒食別酒乘春雷會有辟書至荷衣莫謾裁

山中別龐十一

唐王昌齡

幽娟松篠徑月出寒蟬鳴散髮卧其下誰知孤隱情  
人部 卷百七 十四 送別

吟詩白雲合釣處玄潭清瓊樹方杳靄鳳兮保其貞

送李十五

唐王昌齡

怨別秦楚深江中秋雲起天長香無隔月影在寒水  
重別李評事

唐王昌齡

莫道秋江離別難舟船明日是長安吳姬緩舞留君  
醉隨意青楓白露寒

送賈七

唐王昌齡

清江月色傍林秋波上熒熒望一舟鄂渚輕帆須早  
發江邊明月為君留

送程六

唐王昌齡

冬夜傷離在五谿青魚雪落鱸橙蘢武岡前路看斜  
月片片舟中雲向西

送柴侍御

唐王昌齡

沅水通波接武岡送君不覺有離傷青山一道同雲  
雨明月何曾是兩鄉

送萬大歸長沙

唐王昌齡

桂陽秋水長沙縣楚竹離聲為君變青山隱隱孤舟  
微白鶴雙飛忽相見

送薛大赴安陸

唐王昌齡

津頭雲雨暗湘山遷客離憂楚地顏遙送扁舟安陸  
人部 卷百七 十五 送別

郡天邊何處穆陵關

送裴圖南

唐王昌齡

黃河渡頭歸問津離家幾日茱萸新漫道關中飛破  
鏡猶看陌上別行人

送李五

唐王昌齡

玉盃金壘傾送君江西日入起黃雲扁舟乘月暫來  
去誰道滄浪吳楚分

別李浦之京

唐王昌齡

故園今在灞陵西江畔逢君醉不迷小弟鄉莊尚漁  
獵一封書寄數行啼

芙蓉樓送辛漸二首

唐王昌齡

寒雨連江夜入吳，平明送客楚江孤。  
洛陽親友如相問，一片冰心在玉壺。

丹陽城南秋海陰，丹陽城北楚雲深。  
高樓送客不能醉，寂寂寒江明月心。

臨別送張譔入蜀

唐李頎

經山復歷水，百恨將千慮。  
劒閣望涼州，是君斷腸處。  
孤雲傷客心，落日感君深。  
夢裏兼段渚，天邊隔桂林。  
蜀江流不測，蜀路險難尋。  
木有相思號，猿多愁苦音。  
莫向愚山隱，愚山地非近。  
故鄉可歸來，眼見芳菲盡。

人部

卷一百七

十七

送別

出門便爲客，惘然悲徒御。  
四方維一身，茫茫欲何去。

送劉四

唐李頎

愛君少岐嶷，高視白雲鄉。  
九歲能屬文，詣帝遊明光。  
奉詔赤墀下，拜爲童子郎。  
爾來屢遷易，三度尉洛陽。  
洛陽十二門，宮寺鬱相望。  
青槐羅四面，綠水貫中央。  
聽訟破秋毫，應物利千將。  
辭滿如脫屣，立言無不臧。  
歲暮風雪暗，秦中川路長。  
行人飲臘酒，立馬帶晨霜。  
生事豈須問，故園寒草荒。  
從今署右職，莫笑在藍桑。

送劉十一

唐李頎

三十不官亦不娶，時人焉識道高下。  
房中惟有老氏。

經櫪上空餘少游馬，往來嵩華與函秦。  
放歌一曲前山春，西林獨鶴引閑步。  
南澗飛泉清角中，前年上書不得意。  
歸卧東牕兀然醉，諸兄相繼掌青史。  
第五之名齊，驃騎章蔡摘果告我行。  
落日夏雲縱復橫，聞道謝安掩口笑。  
知君不免爲蒼生。

送陳章甫

唐李頎

四月南風大麥黃，棗花未落桐陰長。  
青山朝別暮還見，嘶馬出門思舊鄉。  
陳侯立身何坦蕩，虬鬚虎眉仍大顙。  
腸中貯書一萬卷，不肯低頭在草莽。  
東門酤酒飲我曹，心輕萬事如鴻毛。  
醉卧不知白日暮，有時空望孤雲高。  
長河浪頭連天黑，津吏停舟渡不得。  
鄭國遊人未及家，洛陽行子空歎息。  
聞道故林相識多，罷官昨日今如何。

人部

卷一百七

十七

送別

望孤雲高長河，浪頭連天黑津吏。  
停舟渡不得，鄭國遊人未及家。  
洛陽行子空歎息，聞道故林相識多。  
罷官昨日今如何。

別梁鎰

唐李頎

梁生倜儻心不羈，途窮氣蓋長安兒。  
回頭轉盼似鵬鷖，有志飛鳴人豈知。  
雖云四十無祿位，曾與大軍掌書記。  
抗辭請刃誅部曲，作色論兵犯二帥。  
一言不合龍顏侯，擊劍拂衣從此棄。  
朝飲酒黃公，壚脫帽露頂爭叫呼。  
庭中犢鼻昔嘗挂，懷裏琅玕今在無。  
時人見子多落魄，笑其笑狂歌非遠圖。  
忽然遣躍紫騮馬，還見子多落魄其笑狂歌非遠圖。  
忽然遣躍紫騮馬還。

是昂藏一丈夫洛陽城頭曉霜白層氷峨峨滿川澤  
但聞行路吟新詩不歎舉家無擔石莫言貧賤長可  
欺覆簣成山當有時莫言富貴長可託木槿朝看暮  
還落不見古時塞上翁倚伏由來任天作去去滄波  
勿復陳五湖三江愁殺人

送人尉閩中

唐李頎 盛

可歎芳菲日分爲萬里情關門折垂柳御苑聽殘鶯  
戍通閩邑江航過楚城客心君莫問春早是王程

送喬琳

唐李頎 盛

草綠小平津花開伊水濱今不得意孤負帝鄉春  
人部 卷一百七 十八 送別

口不言金帛心常任屈伸阮公能飲酒陶令肯羞貧  
陽羨風流地滄江遊寓人菱歌五湖遠桂樹八公鄰  
青鳥迴孤棹白雲隨一身汀洲芳杜色勸爾暫垂綸  
送王員外赴長沙 唐賈至 盛

攜手登臨處巴陵天一隅春生雲夢澤水溢洞庭湖  
共歎虞翻往同悲阮籍途長沙舊里滌今古不應殊

送夏侯參軍赴廣州

唐賈至 盛

聞道衡陽外由來鴈北飛送君從此去書信定應稀

送李侍郎赴常州

唐賈至 盛

雪晴雲散北風寒楚水吳山道路難今日送君須盡

醉明朝相憶路漫漫

江南送李卿

唐賈至 盛

雙鶴南飛度楚山楚南相見憶秦關願值回風吹羽  
翼早隨陽鴈及春還

送薛據之宋州

唐崔曙 盛

無媒嗟失路有道亦乘流客處不堪別異鄉應共愁  
我生早孤賤淪落居此州風土至今憶山河皆昔遊  
一從文章士兩京春復秋君去問相識幾人今白頭

送別

唐王之渙 盛

楊柳東風樹青青夾御河近來攀折苦應爲別離多  
人部 卷一百七 十九 送別

渭水西別李崧

唐崔國輔 盛

隴右一作長亭嶠山陰古塞秋不知嗚咽水何事向  
西流

江西送友人之羅浮

唐李白 盛

桂水分五嶺衡山見九疑鄉關渺安西流浪將何之  
素色愁明湖秋渚晦寒姿疇昔紫芳意已過黃髮期  
君王縱疎散雲壑借巢夷爾去之羅浮我還憩峨眉  
中閣道萬里霞月遙相思如尋楚狂子瓊樹有芳枝

送王屋山人魏萬還王屋

唐李白 盛

王屋山人魏萬云自嵩宋沿吳相訪數千里不遇

乘興遊台越經永嘉觀謝公石門後於廣陵相見  
美其愛文好古浪跡方外因述其行而贈是詩

仙人東方生浩蕩弄雲海沛然乘天遊獨往失所在  
魏侯繼大名本家聊攝城卷舒入元化跡與古賢并  
十三弄文史揮筆如振綺辯折田巴生心齊魯連子  
西涉清洛源頗驚人世喧採秀卧王屋因窺洞天門  
揭來遊嵩峰羽客何雙雙朝攜月光子暮宿玉女牕  
鬼谷上窈窕龍潭下奔潒東浮汴河水訪我三千里  
逸興滿吳雲飄飄颺淝江汜揮手杭越間樟亭望潮還  
濤捲海門石雲橫天際山白馬走素車雷奔駭心顏  
人部 卷二百七 送別 四十

遙聞會稽美一弄耶谿水萬壑與千巖崢嶸鏡湖裏  
秀色不可名清輝滿江城人遊月邊去舟在空中行  
此中久延佇入剡尋王許笑讀曹娥碑沈吟黃絹語  
天台連四明日入向國清五峰轉月色百里行松聲  
靈谿恣沿越華頂殊超忽石梁橫青天側足履半月  
眷然思永嘉不憚海路賒往席歷海嶠迴瞻赤城霞  
赤城漸微沒孤嶼前曉兀水續萬古流亭空千霜月  
縉雲川谷難石門最可觀瀑布挂北斗莫窮此水端  
噴壁灑素雪空濛生晝寒却尋惡谿去寧懼惡谿惡  
咆哮七十難水石相噴薄路創李北海巖開謝康樂

松風和猿聲搜索連洞壑徑出梅花橋雙谿納歸潮  
落帆金華岼赤松若可招沈約八詠樓城西孤岩巖  
岩巖四荒外曠望羣川會雲捲天地開波連淞西大  
亂流新安口北指嚴光瀨釣臺碧雲中逸與蒼嶺對  
稍稍來吳都徘徊上姑蘇煙綿橫九疑潏蕩見五湖  
目極心更遠悲歌但長吁迴棹楚江濱揮策揚子津  
身著日本裘昂藏出風塵五月造我語知非僂僂人  
相逢樂無限水石日在眼徒干五諸侯不致千金產  
吾友揚子雲絃歌播清芬雖為江寧宰好與山公羣  
乘興但一行且知我愛君君來幾何時仙臺應有期  
人部 卷二百七 送別 三十一

東臆綠玉樹定長三五枝至今天壇人當笑爾歸遲  
我苦惜遠別茫然使心悲黃河若不斷白首長相思  
南陽送客 唐李白 盛

斗酒勿為薄寸心貴不忘坐惜故人去偏令遊子傷  
離顏怨芳草春思結垂楊揮手再三別臨歧恐斷腸  
南陵五松山別荀七 唐李白 盛

軒昂頗水荀何慚許郡賓相逢太史奏應是聚賢人  
玉隱且在石蘭枯還見春俄成萬里別立德貴清真  
送侯十一 唐李白 盛

朱亥已擊晉侯嬴尚隱身時無魏公子豈貴抱關人

余亦不火食遊梁同在陳空餘甚盧劔贈爾託交親  
送蕭三十一之魯中兼問稚子伯禽

唐李白盛

六月南風吹白沙吳牛喘月氣成霞水國鬱蒸不可  
處時炎道遠無行車夫子如何涉江路雲帆嫋嫋金  
陵去高堂倚門望伯魚魯中正是趨庭處我家寄在  
沙丘傍三年不歸空斷腸君行既識伯禽子應駕小  
車騎白羊

魯郡堯祠送竇明府薄華還西京時久病初起作

唐李白盛

人部

卷二百七

二十三送別

朝策犁眉騮舉鞭力不堪強扶愁疾向何處角中微  
服堯祠南長楊掃地不見日石門噴作金沙潭笑誇  
故人指絕境山光水色青於藍廟中往往來擊鼓堯  
本無心爾何苦門前長跪雙石人有女如花日歌舞  
銀鞍繡轂往復回簾林蹶石鳴風雷遠煙空翠時明  
滅白鷗歷亂長飛雪紅泥亭子赤欄干碧流環轉青  
錦湍深沈百丈洞海底那知不有蛟龍蟠君不見綠  
珠潭水流東海綠珠紅粉沈光彩綠珠樓下花滿園  
今日曾無一枝在昨夜秋聲聞闔來洞庭水落騷人  
哀遂將三五少年輩登高送遠形神開生前一笑輕

九鼎魏武何悲銅雀臺我歌白雲倚牕牖爾聞其聲  
但揮手長風吹月渡海來遙勸仙人一杯酒酒中樂  
酣宵向分舉觴酬堯堯可聞何不令臯陶擁篲橫八  
極直上青天揮浮雲高陽小飲真瑣瑣山公酩酊何  
如我竹林七子去道賒蘭亭雄筆安足誇堯祠笑殺  
五湖水至今憔悴空荷花爾向西秦我東越暫向瀛  
洲訪金闕藍田太白若可期爲余灑掃石上月

單父東樓秋夜送族弟沈之秦唐李白盛

爾從咸陽來問我何勞苦沐猴而冠不足言身騎土  
牛滯東魯沈弟欲行疑弟留孤飛一鴈秦雲秋坐來

人部

卷二百七

二十三送別

黃葉落四五北斗已挂城西樓絲桐感人絃亦絕滿  
堂送客皆惜別捲簾見月清興來疑是山陰夜中雪  
明日斗酒別惆悵清路塵遙望長安日不見長安人  
長安宮闕九天上此地曾經爲近臣一朝復一朝白  
髮心不改屈平顛顛滯江潭亭伯流離放逐海折翮  
翻飛隨轉蓬聞絃虛墜下霜空聖朝久棄青雲士他  
日誰憐張長公

送別

唐李白盛

潯陽五谿水沿洄直入巫山裏勝境由來人共傳君  
到南中自稱美送君別有八月初颯颯蘆花復益愁

雲帆望遠不相見日暮長江空自流

送張舍人之江東

唐李白 盛

張翰江東去正值秋風時天清一鴈遠海闊孤帆遲  
白雲行欲暮滄波杳難期吳州如見月千里幸相思

送殷淑

唐李白 盛

白鷺洲前月天明送客迴青龍山後日早出海雲來  
流水無情去征帆逐吹開相看不忍別更進手中杯

送友人

唐李白 盛

青山橫北郭白水遶東城此地一爲別孤蓬萬里征  
浮雲遊子意落日故人情揮手自茲去蕭蕭班馬鳴

人部

卷一百七

二十四

送別

杭州送裴大澤時赴廬州

唐李白 盛

西江天柱遠東越海門深去割辭親戀行憂報國心  
好風吹落日流水引長吟五月披裘者應知不取金

送別

唐李白 盛

斗酒渭城邊鑪頭醉不眠梨花千樹雪楊葉萬條煙  
惜別傾壺醕臨分贈馬鞭看君頰上去新月到應圓

金陵送張十一再遊東吳

唐李白 盛

張翰黃花句風流五百年誰人今繼作夫子世稱賢  
再動遊吳棹還浮入海船春光白門柳霞色赤城天  
去國難爲別思歸各未旋空餘賈生淚相顧更悽然

送紀秀才遊越

唐李白 盛

海水不滿眼觀濤難稱心卽知蓬萊石却是巨鰲簪  
送爾遊華頂令余發舄吟仙人居射的道士住山陰  
禹穴尋谿入雲門隔嶺深綠蘿秋夜月相憶在鳴琴

黃鶴樓送孟浩然之廣陵

唐李白 盛

故人西辭黃鶴樓煙花三月下揚州孤帆遠影碧空  
盡唯見長江天際流

送遠

唐杜甫 盛

帶甲滿天地胡爲君遠行親朋盡一哭鞍馬去孤城  
草木歲月晚關河霜雪清別離已昨日因見古人情

人部

卷一百七

二十五

送別

送翰林張司馬南海勒碑

唐杜甫 盛

冠冕通南極文章落上台詔從三殿去碑到百蠻開  
野館濃花發春帆細雨來不知滄海上天遣幾時迴

奉送韋中丞之晉赴湖南

唐杜甫 盛

龍渥徵黃漸權宜借寇頻湖南安背水峽內憶行春  
王室仍多故蒼生倚大臣還將徐孺榻處處待高人

東津送韋諷攝閬州錄事

唐杜甫 盛

聞說江山好憐君吏隱兼龍行舟遠泛惜別酒頻添  
推薦非承乏操持必去嫌他時如按縣不得慢陶潛

潭州送韋員外牧韶州

唐杜甫 盛



炎海韶州牧風流漢署郎分符先令望同舍有輝光  
白首多年疾秋天昨夜涼洞庭無過鴈書疏莫相忘

送田四弟將軍將夔州柏中丞命起居江陵節

度陽城郡王衛公墓

唐杜甫盛

離筵罷多酒起地發寒塘回首中丞座馳牋異姓王  
燕辭楓樹日鴈度麥城霜空醉山翁酒遙憐似葛強  
送張二十參軍赴蜀州因呈楊五侍御

唐杜甫盛

好去張公子通家別恨添兩行秦樹直萬點蜀山尖  
御史新驄馬參軍舊紫髯皇華吾善處於汝定無嫌  
人部

卷一百七

二十六

送別

公安送韋二少尹匡贊

唐杜甫盛

逍遙公後世多賢送爾維舟惜別筵念我能書數字  
至將詩不必萬人傳時危兵甲黃塵裏日短江湖白  
髮前古往今來皆涕淚斷腸分手各風煙

奉送蜀州柏二別駕將中丞命赴江陵起居衛

尚書太夫人因示從弟行軍司馬位

唐杜甫盛

中丞問俗盡能煩愛弟傳書彩鷁新遷轉五州防禦  
使起居八座太夫人楚宮臘送荆門水白帝雲偷碧  
海春與報惠連詩不惜知吾斑鬢總如銀

冬晚送長卿漸舍人歸州

唐杜甫盛

參卿休坐輦蕩子不歸鄉南客瀟湘外西戎鄆杜傍  
衰年傾蓋晚費日繫舟長會面思來札銷魂逐去檣  
雲晴鷗更舞風急鴈無行匣裏雌雄劍吹毛任選將  
與嚴二歸奉禮別

唐杜甫盛

別君誰暖眼將老病纏身出涕同斜日臨看共去塵  
商歌還入夜巴俗自爲鄉尚愧微軀在遙聞盛禮新  
山東羣盜散闕下受降頻諸將歸應盡題書報旅人

送孟校書往南海

并序

唐元結盛

平昌孟雲卿與元次山同州里以辭學相友幾二  
人部

卷一百七

二十七

送別

十年次山今罷守春陵雲卿始典校芸閣於戲材  
業次山不如雲卿辭賦次山不如雲卿通和次山  
不如雲卿在次山又詔然求進者也誰言時命吾  
欲聽之次山今且未老雲卿少次山六七歲雲卿  
名聲滿天下知已在朝廷及次山之年雲卿何事  
不可至忽隨長風乘興蹈海勿愛羅浮往而不歸  
南海慕有樂安任鴻與次山最舊請任公爲次山  
一白府主趣資裝雲卿使北歸慎勿令徘徊海上  
諸公第作歌送之

吾聞近南海乃是魑魅鄉忽見孟夫子歡然遊此方

忽喜海風來海帆又欲張漂漂隨所去不念歸路長  
君有失母兒愛之似阿陽始解隨人行不欲離君傍  
相勸早旋歸此言慎勿忘

送耿湋拾遺聯句

唐顏真卿盛

堯舜逢明主嚴徐得侍臣分行接三事高興柏梁新

楚國千山道秦城萬里人鏡中看齒髮河上有

煙塵耿湋望闕飛青翰朝天憶紫宸喜來歡宴洽愁

去詠歌頻真卿顧盼情非一睽攜處亦頻吳興賢太

守臨水最殷勤耿湋

送裴侍御還上都

唐張謂盛

人部 卷二百七 二六 送別

楚地勞行役秦城罷鼓聲舟移洞庭岓路出武陵谿

江月隨人影山花趁一作馬蹄離竟將別夢先已一作

到關西

別韋郎中

唐張謂盛

星軺計日赴岷峨雲樹連天阻笑歌南入洞庭隨鴈

去西過巫峽聽猿多嘒嶢洲上飛黃蝶瀟瀟堆邊起

白波不醉郎中桑落酒教人無奈別離何

送別荆南張判官

唐獨孤及盛

輜車駟馬往從誰夢渚蘭臺日更遲欲識桃花最深

處前程問取武陵兒

送汪倫

唐劉復盛

春江日未曛楚客酣送君翩翩孤黃鶴萬里滄洲雲

四方各有志豈得常顧羣山連巴相遠水與荆吳分

清光日脩阻尺素安可論相思寄夢寐瑤草空氛氲

張徐州席送岑秀才

唐□□□□

振振芝蘭步升自君子堂泠泠松桂吟生自楚客腸

翳鳥無定棲驚蓬在他鄉去茲門館開即彼道路長

雨餘山川淨麥熟草木涼楚淚滴章句京塵染衣裳

贈君無餘他久要不可忘

人部 卷二百七 二九 送別

詩集類函卷一百八

東吳俞安期彙纂 宣城梅鼎祚增定

新都吳翔鳳訂校

人部五十

送別 送不及附

○送別

送不及附

送元八遊汝南

唐劉長卿

元生實奇邁幸此論時昔刀筆素推高鋒鏖久無敵  
縱橫濟時意跌宕過人蹟破產供酒錢盈門皆食客  
田園須失計資用深相迫生事誠可憂嚴裝遠何適  
世情薄恩義俗態輕窮厄四海金雖多其如向人惜  
人部 卷一百八 送別

迢遞朗陵道悵望都門夕向別伊水南行看楚雲隔  
繁蟬動高柳匹馬嘶平澤潢潦今正深陂湖未澄碧  
人生不得已自可甘形役勿復樽前酒離居剩悵戚  
送史判官奏事之靈武兼寄巴西

唐劉長卿

中州日紛梗天地何時泰獨有西歸心遙懸夕陽外  
故人奉章奏此去論利害陽鴈南渡江征驂去相背  
因君欲寄遠何處問親愛空使滄洲人相思減衣帶  
江樓送太康郭主簿赴嶺南 唐劉長卿  
對酒憐君安可論當官愛士如平原料錢用盡却爲

謗食客空多誰報恩萬里孤舟向南越蒼梧雲中暮  
帆滅樹色應無江北秋天涯尚見淮陽月驛路南隨  
桂水流猿聲不絕 州青山落日那堪望誰見思  
君江上樓

送郭六侍從之武陵郡

唐劉長卿

常愛武陵郡羨君將遠尋空憐世界迫孤負桃源心  
洛陽遙想桃源隔野水閑流春自碧花下常迷楚客  
船洞中時見秦人宅落日相看斗酒前送君南望但  
依然河梁馬首隨春草江路猿聲愁暮天又人別乘  
佐分憂才子趨庭兼勝遊澧浦荆門行可見知君詩  
人部 卷一百八 送別

興滿滄洲

新安送陸澧歸江陰

唐劉長卿

新安路人來去早潮復晚潮明日知何處潮水無情  
亦解歸自憐長在新安住

送蔣侍御入秦

唐劉長卿

朝見及芳菲恩榮出紫微曉光臨仗奏春色共西歸  
楚客移家老秦人訪舊稀因君鄉里去爲掃故園扉  
送張司直越嶺南謁張尚書 唐劉長卿  
番出萬里路遠客片帆過盛府依橫海荒祠拜伏波  
人經秋瘴變鳥墜火雲多誠憚炎洲裏無如一顧何

送盧判官南湖

唐劉長卿中

漾舟仍載酒愧爾意相寬草色南湖綠松聲小署寒  
水禽前後起一作出花嶼往來看已作滄洲調無心戀

一官

送薛承矩秩滿北遊

唐劉長卿中

匹馬何處北遊殊未還寒雲帶飛雪日暮鴈關  
一路傍汾水數州看晉山知君喜初服祗愛此身閑

送顧長往新安

唐劉長卿中

由來山水客復道向新安半是乘潮便全非行路難  
晨裝林月在野飯浦沙寒嚴子千年後何人釣舊灘

人部

卷一百八

三

送別

送友人南遊

唐劉長卿中

不愁尋水遠自愛逐連山雖在春風裏猶從芳草間  
去程何用計勝事且相關旅逸同羣鳥悠悠往復還

送崔處士先適越

唐劉長卿中

山陰好雲物此去又春風越鳥聞花裏曹娥想鏡中  
小江潮易滿萬井水皆通徒羨扁舟客微官事不同

送崔載華張起之闕中

唐劉長卿中

不識闕中路遙知別後心猿聲入嶺切鳥道問人深  
旅食過夷落方言會越首西征聞幕府早晚用陳琳

送李員外使還蘇州兼呈前袁州李使君賦得

長字袁州郵員外之從兄

唐劉長卿中

別離共成怨一作誠衰老更難忘夜月留同舍秋風  
在遠鄉朱絃徐向燭白髮強臨觴歸獻西陵作誰知  
此路長

蛇浦橋下重送嚴維

唐劉長卿中

秋風颯颯鳴條風月相和寂寥岳葉一離一別青山  
暮暮朝朝寒江漸出高岍古木猶依斷橋明日行人  
已遠空餘淚滴迴潮

青谿口送人歸岳州

唐劉長卿中

洞庭何處鴈南飛江蒸蒼蒼客去稀帆帶夕陽千里  
人部

卷一百八

四

送別

沒天連秋水一人歸黃花裏露開沙岸白鳥銜魚上  
釣磯岐路相逢無可贈老年空有淚沾衣

送陸禮倉曹西上

唐劉長卿中

長安此去欲何依先達誰當薦陸機日下鳳翔雙闕  
迴雪中人去二陵稀舟從故里難移棹家住寒塘獨  
掩扉臨水自傷流落久贈君空有淚沾衣

送耿拾遺歸上都

唐劉長卿中

若爲天畔獨歸秦對水看山欲暮春窮海別離無限  
路隔河征戰幾歸人長安萬里傳雙淚建德千峰寄  
一身想到郵亭愁駐馬不堪西望見風塵

送皇甫曾赴上都

唐劉長卿中

東遊久與故人違，西去荒涼舊路微。  
秋草不生三徑處，行人獨向五陵歸。  
離心日遠如流水，迴首川長共落暉。  
楚客豈勞傷此別，滄江欲暮自沾衣。

毘陵送鄒結先赴河南充判官

唐劉長卿中

王事相逢少，雲山奈別何。  
芳年臨水怨，瓜步上潮過。  
客路方經楚，鄉心共渡河。  
彫殘春草在，離亂故城多。  
罷戰逢時泰，輕徭佇俗和。  
東西此分手，惆悵恨煙波。

無錫東郭送友人遊越

唐劉長卿中

客路風霜曉，郊原春興餘。  
平蕪不可望，遊子去何如。

人部

卷一百八

五

送別

煙水乘湖闊，雲山逼越初。  
舊都懷作賦，古穴覓藏書。  
碑缺曹娥宅，林荒逸少居。  
江湖無限意，非獨爲樵漁。

送荀八過山陰舊縣兼寄剡中諸官

唐劉長卿中

訪舊山陰縣，扁舟到海涯。  
故林嗟滿歲，春草憶佳期。  
晚景千峰亂，晴江一鳥遲。  
桂香留客處，楓暗泊舟時。  
舊石曹娥篆，空山夏禹祠。  
剡谿多隱吏，君去道相思。

送姚八之句容舊任便歸

唐劉長卿中

故人還水國，春色動離憂。  
碧草千萬里，滄江朝暮流。  
桃花迷舊路，萍葉蕩歸舟。  
遠戍看京口，空城問石頭。

折芳佳麗地，望月西南樓。  
候鳥共孤嶼，煙波連數州。  
誰家過楚老，何處戀江鷗。  
尺素能相報，湖山若箇憂。

送張十八歸桐廬

唐劉長卿中

歸人乘野艇，帶月過江村。  
正落寒潮水，相隨夜到門。

送張起崔載華之閩中

唐劉長卿中

朝無寒士達，家在舊山貧。  
相送天涯裏，憐君更遠人。

送李判官之潤州行營

唐劉長卿中

萬里辭家事，鼓鼙金陵驛。  
路楚雲西，江春不肯歸。  
客草色青青，送馬蹄。

奉送賀六郎中賊退後之州

唐劉長卿中

人部

卷一百八

六

送別

江上初收戰馬塵，鶯聲柳色待行春。  
雙旌誰道來何暮，萬井如今有幾人。

送楊著作歸東海

唐錢起中

楊柳出關色，東行千里期。  
酒酣暫輕別，路遠始相思。  
欲識離心盡，斜陽到海時。

送李判官赴桂州幕

唐錢起中

欲知儒道貴，縫掖見諸侯。  
且感千金諾，寧辭萬里遊。  
鴈峰侵瘴遠，桂水出雲流。  
坐惜離居晚，相思綠蕙秋。

送沈少府還江寧

唐錢起中

遠宦碧雲外，此行佳興牽。  
湖山入閭井，鷗鳥傍神仙。

斜日背鄉樹春潮迎客船江樓新興發應與政聲傳  
鑾駕避狄歲別韓雲卿 唐錢起中

白髮壯心死愁看國步移關山慘無色親愛忽驚離  
影絕龍分劍聲哀鳥戀枝茫茫雲海外相憶不相知

江寧春夜裴使君送蕭員外 唐錢起中

花院日扶疎江雲自卷舒主人熊軾任歸客雉門車  
曙月稀星裏春煙紫禁餘行看石頭戍記得是雨徐

送蘇脩往饒 唐李嘉祐中

愛爾無羈束雲山恣意過一身隨遠岫孤棹任輕波  
世事關心少漁家寄宿多蘆花泊舟處江月奈人何

人部 卷一百八 七 送別

送裴員外往江西 唐李嘉祐中

分務江南遠留歡幕下榮楓林綠楚寒水驛到湓城  
岸草知春晚沙禽好夜驚風帆幾度泊處處暮潮聲

送友人入湘 唐李嘉祐中

聞說湘川路年年古木多猿啼巫峽雨月照洞庭波  
窮海人還去孤城鴈共過青山不可極來往自蹉跎

送郭正字 唐耿湋中

濟江篇已出書府俸猶貧積雪商山道全家楚塞人  
大堤逢落日廣漢望通津却別漁潭下驚鷗那可親

送太僕寺李丞赴都到桃林 唐耿湋中

遠過桃林塞休牛自昔聞曲河隨暮草重草接閒雲  
造父爲周御詹嘉守晉軍應多懷古思落葉又紛紛

送洛陽韓丕東遊 唐韋應物中

仙鳥何飄飄綠衣翠爲襟顧我差池羽咬咬懷好音  
徘徊洛陽中遊戲清川潯神交不可結歡愛自中心

駕言忽徂征雲路邈且深朝遊尚同啄夕息當異林  
出餞宿東郊列筵屬城陰舉酒欲爲樂憂懷方沈沈

送長源歸南徐寄子西子烈有道 唐韋應物中

東洛何蕭條相思邈遐路策駕復誰遊入門無與晤  
人部 卷一百八 八

別離何從生乃在親愛中反念行路子拂衣自西東  
日晏不留宴嚴車出崇墉行遊一作非所樂端憂道

未通一作端處 春野百卉發清川思無窮芳時坐離  
散世事誰可同歸當掩重關默默想音容

送李儋 唐韋應物中

季弟仕譙都元兄坐蘭堂言訪始欣欣念離當耿耿

送蘇評事 唐韋應物中

季弟仕譙都元兄坐蘭堂言訪始欣欣念離當耿耿



嵯峨夏雲起遙遙山川永登高望去塵紛思終難整

送元錫楊凌

唐韋應物中

荒林翳山郭積水成秋晦端居意自違况別親與愛  
歡筵慊未足離燈悄已對還當掩郡閣佇君方此會

奉送從兄望晉陵

唐韋應物中

東郊暮草歇千里夏雲生立馬愁將夕看山獨送行  
依微吳苑樹迢遞晉陵城慰此斷行別邑人多頌聲

送宣城路錄事

唐韋應物中

江上宣城郡孤舟遠到時雲林謝家宅山水敬亭祠

人部

卷一百八

九

送別

綱紀多閑日遊觀得賦詩都門且盡醉此別數年期

送王校書

唐韋應物中

同宿高齋換時節共看移石復栽杉送君江浦已惆悵  
更上西樓望遠帆

送柳八員外赴江西

唐皇甫冉中

岐路窮無極長江九派分行人隨旅鴈楚樹入湘雲  
久在征南役何殊薊北勲離心不可問歲暮雪紛紛

送王緒之剡中

唐皇甫冉中

不見開山去何時到剡中已聞成竹木更道長兒童  
籬落雲常聚村墟水自通朝朝憶玄度非是對清風

送李錄事赴饒州

唐皇甫冉中

北人南去雪紛紛鴈叫沙汀不可聞積水長天隨遠  
道荒城極浦足寒雲山從建業千峰遠江至潯陽九  
派分借問督郵纔弱冠府中年少不如君

河南鄭少尹城南亭送鄭判官還河東

唐皇甫冉中

使臣遠一作懷餞席亞尹有前谿客是仙舟裏途從御

苑西泉聲喧暗竹草色引長堤故絳青山在新田綠  
樹齊天秋聞別鵠關曉待鳴雞應歎沈冥者年年津  
路迷

人部

卷一百八

十一

送別

嚴維宅送包佶一作七

唐皇甫冉中

江湖同避地分首自依依盡室今為客驚秋空念歸  
歲儲無別墅寒服羨鄰機草色村橋晚蟬聲江樹稀  
夜深宜共醉時難忍相違何事隨陽鴈汀洲忽背飛

送陸遂潛夫并序

唐皇甫冉中

頃者江淮征鎮屢有掄材之舉子不列焉有司之  
過予方耕山釣湖避人如逃寇徒欲羅高鴻捕深  
魚窮年竭日其可得也今齒髮向暮執勞無力衆  
雛嗷嗷開口待哺如有知者子其行乎無為自苦  
一絕賦長道

高山迥欲登遠水深難渡杳杳復漫漫行人別家去

送薛判官之越

唐皇甫冉中

時難自多務職小亦求賢道路無辭遠雲山併在前  
樟亭待潮處已是越人煙

送陸豐郭郎

唐皇甫冉中

纔見吳洲百草春已聞燕鴈一聲新秋風何處催年  
急偏逐山行水宿人

送權暉

唐皇甫冉中

淮海風濤起江關憂思長同悲鵲繞樹獨作鴈隨陽  
山晚雲和雪汀寒月照霜由來濯纓處漁父愛滄浪

人部

卷百八

十一

送韓司直路出延陵

唐郎士元中

遊吳還適越來往任風波復送王孫去其如春草何  
岍明殘雪在潮滿夕陽多季子留遺廟停舟試一過

送張南史

唐郎士元中

雨餘深巷靜獨酌送殘春車馬雖嫌僻鶯花不棄貧  
蟲聲粘戶網鼠跡印牀塵借問山陽會如今有幾人

盤屋縣鄭磯宅送錢大

唐郎士元中

暮蟬不可聽落葉豈堪聞共是悲秋客那知此路分  
荒城背流水遠隔入寒雲陶令門前菊餘花可贈君

送魏司直

唐郎士元中

曙雪蒼蒼兼曙雲朔風燕鴈不堪聞貧交此別無他  
贈唯有青山遠送君

送嚴使君遊山

唐司空曙中

家楚依三戶辭州選一錢酒杯同寄世客棹任銷年  
赤燒兼山遠青蕪與浪連青春明月夜知上鄂君船

送柳震歸蜀

唐司空曙中

白日雙流靜西看蜀國春桐花能乳鳥竹節競祠神  
寒步徒相望先鞭不可親知從江僕射登榻更何人

送曹同椅

唐司空曙中

青山三十餘眾藝盡無如中散詩傳盡將軍扇續書

人部

卷百八

十二

楚田晴下鴈江日暖多魚惆悵空相送歡遊自此疎

送鄭錫

唐司空曙中

漢陽雲樹清無極蜀國風煙思不堪莫怪別君偏有  
淚十年曾事晉征南

送友人還洛

唐李端中

去國渡關河蟬鳴古樹多平原正超忽行子復蹉跎  
去事不可想舊遊難再過何當高岳下相見在煙蘿

送古之奇赴安西幕

唐李端中

曠昔十年兄相逢五校營今宵舉杯酒隴月見軍城  
候火經陰絕邊人接曉行殷勤送書記疆虜幾時平

送友人關

唐李端中

聞君帝城去西望一沾巾落日見秋草暮年逢故人  
非干長作客有命懶謀身近更嬰衰疾空思老漢濱

東門送客

唐李端中

綠楊新草路白髮故鄉人既壯還應老遊梁復滯秦  
逢花莫漫折能有幾多春

贈送朱放

唐嚴維中

昔年居漢水日醉習家池道勝迹常在名高身不知  
欲依天目住新自始寧移生事仍無長惟將白接羅

送李端

唐嚴維中一作盧綸

人部

卷二百八

十三

送別

故園衰草遍離別正堪悲路出寒雲外人歸暮雪時  
少孤爲客早多難識君遲掩泣空相憶風塵何所期

送李秘書往儋州

唐嚴維中

魑魅曾爲伍蓬萊近拜郎臣心瞻北闕家事在南荒  
莎草山城小毛洲海驛長玄成知必大寧是泛滄浪

送人入金華

一作贈別  
東陽客

唐嚴維中

明月雙谿水清

一作春

風入詠樓少年爲客處今日送

君遊

丹陽送韋參軍

唐嚴維中

丹陽郭裏送行舟一別心知兩地秋日晚江南望江

北寒鴉飛盡水悠悠

別汜水縣尉

唐韓翃中

未央宮殿金開鑰詔引賢良捲珠箔花門賜食近丹  
墀煙裏揮毫對青閣萬年枝影轉斜光三道先成君  
激昂谷永直言身不顧郊詵高地轉名香綠槐陰陰  
出關道上有蟬聲下秋草奴子平頭駿馬肥少年白  
暫登王畿五侯客舍偏留宿一縣人家爭看歸南向  
千峰北臨水佳期賞地應窮此賦詩或送鄭行人舉  
酒常陪魏公子自憐寂寞會君稀猶著前時博士衣  
我欲低眉問知己若將無用廢東歸

人部

卷二百八

十四

送別

送修縣劉主簿楚

唐韓翃中

起家得事平原侯晚出都門辭舊遊草色連綿幾千  
里青驪蹀躞路傍子花深近縣宿河陽竹映春舟渡  
淇水鄴下淹留佳賞新羣公舊日心相親金盤曉餽  
朱衣鮒玉簪宵迎翠羽人王程書使前期促他日應  
知舉鞭速寒水浮瓜五月時把君香袖長河曲

送崔秀才赴上元兼省叔父

唐韓翃中

練湖東望接雲陽女市西遊入建康行樂遠誇紅布  
旆風流近睹紫香囊詩家行輩如君少極目苦心懷  
謝朓煙開日上版橋南吳岫青青出林表

送萬巨

唐韓翃中

漢相見王陵揚州事張禹風帆木蘭棹水國蓮花府  
百丈清江十月天寒城鼓角曉鐘前金鑪促膝諸曹  
吏玉管繁聲美少年有時過向長干地遠對湖光近  
山翠好逢南苑看人歸也向西池留客醉疎柳垂煙  
橘帶霜朝遊石渚暮橫塘紅牋色奪風流座白紵詞  
傾翰墨場夫子前年入朝後高名籍籍時賢口共隣  
詩興轉清新繼遠家聲在此身屈指待為青瑣客回  
頭莫羨白亭人

送秘書謝監赴江西使幕

唐韓翃中

人部

卷八

十五

送別

謝監憶山程辭家萬里行寒衣傍楚色孤枕宿潮聲  
小寇不足問新詩應漸清府公相待日引旆出江城

送故人歸蜀

唐韓翃中

一騎西南遠翩翩入劍門客衣筒布潤山舍荔枝繁  
古廟祠金馬春江釣白鼉自應成旅逸愛客有王孫

送張丞歸使幕

唐韓翃中

獨受主恩歸當朝似者稀玉壺分御酒金殿賜春衣  
拂席流鸞醉鳴鞭驂馬肥滿臺鞞白筆捧手戀清輝

送張渚赴越州

唐韓翃中

白面誰家郎青驪照地光桃花開綬色蘇合借衣香

暮雪連峰近春江海市長風流似張緒別後見垂楊

送丹陽劉太真

唐韓翃中

長干道上落花朝美爾當年賞事饒下筵已憐鶯矣  
美開籠不奈鳴鳩嬌春衣晚入青楊巷細馬初過皂  
莢橋相訪不辭千里遠西風好借木蘭桡

送客之路府

唐韓翃中

官柳青青匹馬嘶回風暮雨入銅鞮佳期別在春山  
裏應是人參五葉齊

送客之鄂州

唐韓翃中

江口千家帶楚雲江花亂點雪紛紛春風落日誰相  
人部

卷八

十六

送別

見青翰舟中有鄂君

送張郎中還蜀歌

唐盧綸中

秦家御史漢家郎親專雙印征殊方功成走馬朝天  
子伏檻論邊若流水曉離仙署趨紫微夜接高儒讀  
青史瀘南五將望君還願以天書示百蠻曲棧重江  
初過雨前旌後騎不同山迎車拜舞多耆老舊卒新  
營徧青草寒口雲生火候遲煙中鶴唳軍行早黃花  
川下水交橫遠映孤霞蜀國晴叩竹筍長椒瘴起荔  
枝花發杜鵑鳴迴首岷峨半天黑傳觴接膝何由得  
空令豪士仰威名無復貧交恃顏色垂楊不動雨紛

紛錦帳胡瓶爭送君須臾醉起簫笳發空見紅旌入白雲

送寧國夏侯丞

唐盧綸中

楚國青無上秋雲似白波五湖長路少九派亂山多  
謝守通詩宴陶公許醉過無錢餞離祖年鬢兩蹉跎

送從舅成都縣丞廣歸蜀

唐盧綸中

褒谷通岷嶺青冥此路深晚程椒瘴熱野飯荔枝陰  
古郡三刁夜春橋萬里心唯應對楊柳暫醉卓家琴

送姊弟裴均尉諸暨

此子先君元相舊判官

唐盧綸中

人部

卷一百八

十七 送別

相悲得成長同是外家恩舊業廢三畝弱年承一門  
城開山日早吏散渚禽喧東閣謬容止予心君莫言

送朝長史赴荆南舊幕

唐盧綸中

元瑜思舊幕幾夜夢旌旆暑退蒹葭雨秋生鼓角天  
月明三峽路浪裏九江船

送萬巨六言

唐盧綸中

把酒留君聽琴難堪歲暮離心霜葉無風自落秋雲  
不雨空陰人愁荒村路細馬怯寒谿水深望盡青山  
獨立更知何處相尋

別友人

唐戴叔倫中

擾擾倦行役相逢陳蔡間如何百年內不見一人閒  
對酒惜餘景問程愁亂山秋風萬里道又出穆陵關

江上別張歙

唐戴叔倫中

年年五湖上厭見五湖春長醉非關酒多愁不爲貧  
山川迷道路伊洛困風塵今日扁舟別俱爲滄海人

送崔融

唐戴叔倫中

王者應無敵天兵動遠征建牙連朔漠飛騎入胡城  
夜月邊塵影秋風隴水聲陳琳能草檄含笑出長平

送王司直

唐戴叔倫中

西塞雲山遠東風道路長人心勝潮水相送過潯陽

人部

卷一百八

十八 送別

送呂少府

唐戴叔倫中

共醉流芳獨歸去故園高士日相親深山古路無楊  
柳折取桐花寄遠人

送別

唐楊凝中

樽酒郵亭暮雲帆驛使歸野鴻寒不起川雨凍難飛  
吳會家移遍轅轅夢去稀姓楊皆是淚非是彈沾衣

韶州送竇司直出嶺

唐

江曲山如畫貪程亦駐舟果隨巖欹落槎帶水禽流  
客散他鄉夜人歸故國秋樽前挂帆去風雨下西樓

喜見外弟又言別

唐李益中

十年離亂後長大一相逢問姓驚初見稱名憶舊容  
別來滄海事語罷暮天鐘明日巴陵道秋山又幾重

送賈校書東歸寄振上人 唐李益

北風吹鴈數聲悲况指前林是別時秋草不堪頻送  
達白雲何處更相期山隨匹馬行看暮路入寒城獨  
去遲爲問東州故人道江淹已擬惠休詩

城西竹園送裴佶王達 唐李益

歲稔凌風竹寂寞離人觴愴懷非外至沈鬱自中腸  
遠行從此始別袂重淒霜

遠遊聯句 唐韓愈

人部 卷一百八 十九 送別

別腸車輪轉一日一萬周離思春水泮瀾漫不可收  
愈馳光忽以迫飛轡誰能留愈取之詎灼灼此去  
信悠悠楚客宿江上夜魂棲浪頭曉日生遠岨水芳  
綴孤舟村飲泊好木野蔬拾新柔獨含悽悽別中結  
鬱鬱愁人憶舊行樂鳥吟新得儔靈瑟時宵宵露  
猿夜啾啾憤濤氣尚盛恨竹淚空幽長懷絕無已多  
感良自尤卽路涉歲歸期眇涼秋兩歡日牢落孤  
悲坐綢繆愈觀怪忽蕩漾叩奇獨冥搜海鯨吞明月  
浪島沒大漚我有一寸鈎欲釣千丈流良知忽然達  
壯志鬱無抽魁魅暫出沒蛟螭互蟠踞昌言拜舜

禹舉颶凌斗牛懷精魄腎屈乘桴追聖丘飄然天外  
步豈肯區中囚愈楚些待誰弔賈辭緘恨投翳明弗

送李員外院長分司東都 唐韓愈

去年秋露下羈旅逐東征今歲春光動驅馳別上京  
飲中相顧色送後獨歸情兩地無千里因風數寄聲

送桂州嚴大夫 唐韓愈

蒼蒼森八桂茲地在湘南江作青羅帶山如碧玉簪  
戶多輪翠羽家自種黃柑遠勝登仙去飛鸞不假驂

送湖南李正字歸 唐韓愈

人部 卷一百八 二十 送別

長沙入楚深洞庭值秋晚人隨鴻鴈少江共兼葭遠  
歷歷余所經悠悠子當返孤遊懷耿介旅宿夢婉婉  
風土稍殊音魚蝦日異飯親交俱在此誰與同息偃



與韓愈李翱張籍別

唐孟郊

朱絃奏離別華燈少光輝物色豈知異人心故將違  
客情殊未已歲華忽然微秋桐故葉下寒露新鴈飛  
遠遊起重恨送人念先歸夜集類饑鳥晨光失相依  
馬跡遶川水鴈書還闌闌常恐親朋阻獨行知慮非  
壽安西渡奉別鄭公

唐孟郊

洛河向西道石波橫磷磷清風送君子市廛無還塵  
春別亦蕭索况茲冰霜晨零落景易入樽抑抱難申  
綿綿無窮事各各馳遶身歲去絃吐箭夢來鶴抽綸  
送遠吟

唐孟郊

人部

卷一百八

二十一

河水昏復晨河邊相送頻離杯有淚飲別柳無枝春  
一笑忽然歛萬愁俄已新東波與西日不惜遠行人

送柳淳

唐孟郊

青山臨黃河下有長安道世上名利人相逢不知老

送遠曲

唐張籍

戲馬臺南山簇簇山邊飲酒歌別曲行人醉後起登  
車席上回尊勸童僕青天漫漫覆長路遠遊無家安  
得任願君到處自題名他日知君從此去

送越客

唐張籍

見語孤帆去東南別會稽春雲剡谿口殘月鏡湖西

水鶴沙邊立山廳竹裏啼謝家曾住處煙雨入應迷

送南客

唐張籍

行路雨脩脩青山盡海頭天涯人去遠嶺北水空流  
夜市連銅柱巢居屬家州來時舊相識誰向日南遊

送遠客

唐張籍

南原相送處秋水草還生同作憶鄉客如今分路行  
因誰寄歸信漸遠問前程明日重陽節無人上古城

送蠻客

唐張籍

借問炎州客天南幾日行江連惡谿路山遶夜郎城  
柳葉瘴雲濕桂叢蠻鳥聲知君却回日記得海花名

人部

卷一百八

三十一

送從弟徹東歸

唐張籍

嶺山領印知公奏才稱同時盡不如奉使賀成登冊  
禮陪班看出奉恩書去迴在路秋塵裏受詔辭歸曉  
漏初早晚得爲朝署拜閑坊買宅作鄰居

送蜀客

唐張籍

蜀客南行祭碧雞木綿花發錦江西山橋日晚行人  
少時見猩猩樹上啼

送陸侍御歸淮南使府

唐劉禹錫

江左重詩篇陸生名久傳鳳城來已熟羊酪不嫌羶  
歸路芙蓉府離堂玳瑁筵秦山呈臘雪隋柳布新年

曾忝揚州薦因君達短箋

州段丞相鎮揚州嘗屬表薦

送人

唐王建中

白日向西沒黃河復東流人生足著地寧免四方遊  
蜀客多積貨邊人易封侯男兒戀家鄉歡樂為仇讎  
叮嚀相勸勉苦口幸無尤

送人遊塞

唐王建中

初晴天墮絲晚色上春枝城下路分處邊頭人去時  
停車數行日勸酒問回期亦是茫茫客還從此別離

送流人

唐王建中

見說長沙去無親亦共愁陰雲鬼門夜寒雨瘴江秋

人部

卷一百八

三十三

送別

送吳郎中赴忠州

唐王建中

西臺復南省清白上天知家每因窮散官多為直移  
搖鞭過驛近買藥出城遲朝野憑人別親情伴酒悲  
故園愁去後白髮想迴時何處忠州界山頭早望旗

別李三

唐元稹中

階莫附瑤砌叢蘭偶芳藿高位良有依幽姿亦相託  
鮑叔知我貧烹葵不為薄半面契始終千金比然諾  
人生繁時命安得無苦樂日暮分手歸楊花滿城郭  
遣行三首

唐元稹中

已憐朋友別復懷兒女情相見亦相舊同病又同聲  
白髮年年剩秋蓬處處驚不堪身漸老頻送異鄉行

二

暮欲歌吹樂暗衝泥水情稻花秋雨氣江石夜灘聲  
犬吠穿籬出鷗眠起水驚愁君明日夜獨自入山行

三

見說巴風俗都無漢性情後聲蘆管調羌笛竹雞聲  
迎候人應少平安火莫驚每逢危棧處須作貫魚行

送致用

唐元稹中

淚霑雙袖血成文不為悲身為別君望鶴眼穿期海

人部

卷一百八

三十四

送別

外待烏頭白老江濱遙看逆浪愁翻雪漸失征帆錯  
認雲欲識九迴腸斷處潯陽流水九條分

送崔侍御之嶺南二十韻

并序唐元稹中

古朋友別皆贈以言况南方物候飲食與北土異  
其甚者夷民喜聚蠱秘方云以金銀變黑為驗攻  
之重雄黃海物多肥腥啖之好嘔泄驗方云備之  
在鹹食嶺外饒野菌視之蟲蠹者無毒羅浮生異  
果察其鳥啄者可餐大抵珠璣璚瑁之所聚貴潔  
廉湮鬱暑濕之所蒸避溢慾其餘道途所慎離愴  
之懷盡之二百言矣叙不復云

漢法戎施幕秦官郡置監蕭何歸舊印自江陵鮑永授新銜幣聘雖盈篋泥章未破緘蛛懸絲繞繞鵲報語詰諭再彌神羊角重開憲簡自崔君前任任鑿纓馳赴赴綏珮繡繡縵縵離心覺刃劉聯遊虧片玉洞照失明鑒遙想車登嶺那無淚滿衫茅蒸連蜚氣衣漬度梅賦象關緣谿竹猿鳴帶雨杉颶風狂浩浩韶石峻嶒嶒宿浦宜深泊祈龍在至誠瘴江乘早度毒草莫親艾試蠱看銀黑排腥貴食鹹菌須蟲已蠹果重鳥先鵠冰瑩懷貪水霜清顧痛巖珠璣當盡擲意以詎能譏荆俗欺王粲吾生問季咸遠書多人部

卷百八

三五

送別

不達勤為枉擢

和樂天送客遊嶺南二十韻 唐元稹中

我自離鄉久君那度嶺頻一杯魂慘澹萬里路艱辛江館連沙市龍船泊水濱騎田回北顧銅柱指南鄰大壑浮三島周天過五均波心湧樓閣規外布星辰交廣間南極高北極低圓規度外星佛佛穿筒格程程置屐郭璞云鷺交廣山谷間有之南人臂輒笑則唇蔽齒南人嘗以美酒置於其所針排於數程程見之驟相謂曰吾既就擒矣然而漸飲吳都賦曰程程啼而後擒不能去相與泣而後擒衛靈笑而被格益為此貢兼蛟女絹俗重語兒巾

南方去京華絕遠冠冕不到唯海路稍船主腰藏寶更共中商肆多勝云此有詔見仲子與寶多自懷藏以避強巧黃家皆南人裝之區落起塵歌鐘排象背吹燧上魚身夷民大陳設則巨象背上吹焚其上魚不知覺電白雷山接旗紅賊艦新島夷徐市種廟覲趙佗神鳶跼方知瘴蛇蘇不待春曙潮雲斬斬夜海火燐燐益陰火潛然之謂也冠冕中華客梯航異域臣果然皮勝錦吉了舌如人風默秋茅葉煙埋曉月輪定應玄髮變焉用翠毛珍勾漏沙須買貪泉貨莫親能傳稚子術何患隱之貧

卷百八

二十六

送別

送王協律遊杭越十韻 唐元稹中

去去莫悽悽餘杭接會稽松門天竺寺花洞若耶谿浣渚逢新豔蘭亭識舊題山經秦帝望壘辨越王棲江樹春常早城樓月易低鏡澄湖面帶雲疊海潮齊章甫官人戴尊絲姹女提長干迎客開小市隔煙迷紙亂紅藍壓甌凝碧玉泥荆南無底物來日為僂攜別楊穎士盧克柔殷堯藩 唐白居易中

送幼史

唐白居易中

淮右寇未散江西歲再徂故里干戈地行人風雪途  
此時與爾別江畔立踟躕

北樓送客歸上都

唐白居易中

憑高送遠一悽悽却下朱欄即解頤京路人歸天直  
北江樓客散日平西長津欲度回船尾殘酒重傾簇  
馬蹄不獨別君須強飲窮愁自要醉如泥

送客之湖南

唐白居易中

年年漸見南方物事事堪傷北客情山鬼趨跳唯一  
足峽猿哀怨過三聲帆開青草湖中去衣濕黃梅雨  
裏行別後雙魚難定寄近來潮不到湓城

人部

卷一百八

二十七 送別

龍門送別皇甫澤州赴任羣山人南遊

唐白居易中

隼旟歸洛知何日鶴駕還嵩莫過春惆悵香山雲水  
冷明朝便是獨遊人

送雍陶入蜀

唐賈島中

江山事若諳那肯滯雲南草色分危磴杉陰近古潭  
日斜褒谷鳥夏淺雋州蠶吾自疑雙鬢相逢更不堪

送皇甫侍御

唐賈島中

曉鐘催早朝自是赴嘉招身泊湘江濶田收楚澤遙  
鴈驚起衰草猿渴下寒條來使黔南日時應問寂寥

送朱可久歸越中

唐賈島中

石頭城下泊北固懸鐘初江鷺潮衝起船牕月過虛  
吳山侵越衆隋柳入唐疎日欲躬調膳辟來何府書

送鄭山人遊江湖

唐賈島中

南游衡嶽上東往天台裏足躡華峰頂日觀滄海水  
潤州送友人

唐崔峒中

見君還此地灑淚向江邊國士勞相問家書無處傳  
荒城胡一作馬跡塞木戍人煙一路堪愁思孤舟何  
渺然

送薛良史往越州謁從叔

唐崔峒中

人部

卷一百八

二十八 送別

辭家年一作日已久與子分偏一作仍深易得相思一作思鄉

淚難爲欲別心孤雲隨浦口幾日到山陰遙想蘭亭  
下清風滿竹林

送張宗原

唐姚合中

東門送客道春色如死灰一客失意行十客顏色低  
住者既無家去者又弗歸愁窮一戍疾百藥不可治

誰開蹇躓門日日同遊棲野田不生草四向生路歧  
鴻鴈春北去秋風復南飛勉君向前路無失相見期

送李廓侍郎夏州

唐姚合中

酬恩不顧名走馬覺身輕迢遞河邊路蒼茫塞上城

沙寒無宿鴈，虜近少開兵。飲罷揮鞭去，傍人意氣生。

送陳標

唐朱慶餘

滿酌歡僮僕，相隨即馬蹄。春風慎行李，莫上白銅鞮。

長安送人

唐周賀

上國多離別，年年渭水濱。空將未歸意，說向欲行人。  
鴈度池塘月，山連井邑春。臨分惜攜手，日暮一沾巾。

送王錄事赴任蘇州

唐□□□

古堤迎拜路，萬里一帆前。潮作澆田雨，雲成煮海煙。  
吏閑唯重法，俗富不憂邊。西掖今宵詠，還應寄阿連。

南中客舍對雨送故人歸北

唐長孫佐輔

人部

卷一百八

三十九

送別

後聲啾啾鴈，聲苦卷簾相對愁。不語幾年客，吳君在  
楚。况送君歸，我猶阻家書。作得不忍封，北風吹斷堦  
前雨。

別友人

唐長孫佐輔

愁多不忍醒，時別想極還。尋靜處行，誰遣同余又分  
手。不如行路本無情。

送闔二十六赴剡縣

唐李季蘭

流水閭門外，孤舟日復西。離情遍芳草，無處不萋萋。  
妾夢經吳苑，君行到剡谿。歸來重相訪，莫學阮郎迷。

重送

唐杜牧

手撚金僊姑，腰懸玉轆轤。爬頭峰北正好去，係取

可汗鉗作奴。六宮雖念相如賦，其那防邊重武夫。

送前綏氏韋明府南遊

唐許渾

酒闌橫劍歌日暮，望關河道直去。官早家貧爲客多。

山昏面谷雨，木落洞庭波。莫盡遠遊興，故園荒薜蘿。

京口津亭送張崔二侍御

唐許渾

愛樹滿西津，津亭墮淚頻。素車應度洛，珠履更歸秦。

水接三湘暮，山通五嶺春。傷離與懷舊，明日白頭人。

送友人歸荆楚

唐許渾

調瑟勸離酒，苦諳荆楚門。竹斑悲帝女，草綠怨王孫。

人部

卷一百八

三十

送別

潮落九疑迴，雨連三峽昏。同來不同去，迢遞更傷魂。

別表兄軍倅

唐許渾

予祇命南海，至廬陵逢表兄軍倅，奉使淮海別後

却寄是詩

盧橘花香拂釣磯，佳人猶舞越羅衣。三洲水淺魚來

少，五嶺山高鴈到稀。客路晚依紅樹宿，鄉關朝望白

雲歸。交親不念征南吏，昨夜風帆去似飛。

送宋處士

唐許渾

賣藥修琴歸去遲，山風吹落桂花時。世間甲子須臾

過，一作逢著仙人莫看棋。

別靈武令狐校書

唐馬戴晚

北風吹別思，落日度關河。樹隱流沙短，山平近塞多。  
鴈池戎馬飲，鵲帳戍人過。莫慮行軍苦，華夷道正和。

送從叔赴南海幕

唐馬戴晚

洞庭秋色起，哀狖更難聞。身往海邊郡，帆懸天際雲。  
炎州羅翠鳥，瘴嶺控蠻軍。信息來非易，堪悲此路分。

送李侍御福建從事

唐馬戴晚

晉安來越國，蔓草故宮迷。釣渚龍應在，琴臺鶴亂栖。  
泛濤明月廣，邊海衆山齊。賓府通蘭棹，蠻僧接石梯。  
片雲和瘴濕，孤嶼映帆低。上客多詩興，秋猿足夜啼。

人部

卷一百八

三十一 送別

送從叔重赴海南從事

唐馬戴晚

又從連帥請，還作嶺南行。窮海何時到，孤帆累月程。  
亂蟬吟暮色，哀狖落秋聲。晚路潮波起，寒葭霧雨生。  
沙埋銅柱沒，山簇瘴雲平。念此離別苦，其如宗從情。

咸陽別李處士

唐項斯晚

古道自迢迢，咸陽離別橋。越人聞水處，秦樹帶霜朝。  
駐馬言難盡，分程望易遙。秋前未相見，此意轉蕭條。

送相里燭

唐方干晚

相逢木作期，相送定何之。不得長年少，那堪遠別離。  
汎湖乘月早，踐雪過山遲。永望多時立，翻如在夢思。

別孫蜀

唐方干晚

吳越思君憶易傷，別君添我鬢邊霜。由來浙水偏堪  
恨，截斷千山作兩鄉。

送李式

唐鄭巢晚

瀟湘路杳然，清興起秋前去寺。多隨磬看山，半在船  
綠雲。天外鶴紅樹，雨中蟬莫使遊華頂，逍遙更過年。

送友人許棠

唐張喬晚

離鄉積歲年，歸路遠依然。夜火山頭市，春江樹杪船。  
干戈愁鬢改，瘴癘喜家全。何處營甘旨，潮濤浸薄田。

送客東歸

唐于鰲晚

一聽遊子歌，秋計作蹉跎。四海少平地，百川無定波。  
共驚年已暮，俱向客中多。又駕征輪去，東歸將若何。

秋日送江干遊上元

唐曹松晚

天高淮泗白，料子趨脩程。汲水疑山動，揚帆覺岸行。  
雲離一作迷京口樹，鴈入石頭城。後夜分遙念，諸峰霜露生。

送李騎曹之武寧

唐釋無可

一歲一歸寧，涼天數騎行。河來寬塞曲，山遠與沙平。  
縱獵旗風卷，聽笳帳月生。新鴻引寒色，迴日滿京城。

湖口送友人

唐李頻晚



中流欲暮見湘煙，葦岸無窮接楚田。去鴈遠衝雲夢澤，離人獨坐洞庭船。風波盡日依山轉，星漢通宵向水連。零落梅花過殘臘，故園歸去及新年。

淮上與友人別

唐鄭谷 晚

揚子江頭楊柳春，楊花愁殺渡江人。數聲風笛離亭晚，君向瀟湘我向秦。

別鄭仁表

唐張翥 晚

春雷醉別鏡湖邊，官顯才狂正少年。紅燭滿汀歌舞散，美人迎上木蘭船。

送人遊并汾

唐韋莊 晚

人部

卷一百八

三十三

送別

風雨蕭蕭欲暮秋，獨攜孤劍塞垣遊。如今虜騎方南牧，莫過陰關第一州。

送別不及贈何殷二記室

以下送不及

梁朱記室

憑軾徒下淚，裁書路已賒。遠鼓依林響，連檣倚岸斜。山開雲吐氣，風憤浪生花。卽此余傷別，何論爾望家。二君最琬琰，無使沒泥沙。

江津送劉光祿不及

陳陰鏗

依然臨送渚，長望倚河津。鼓聲隨驪絕，帆勢與雲鄰。泊處空餘鳥，離亭已散人。林寒正下葉，釣晚欲收綸。

如何相背遠江漢，與城闔

送辛大不及

唐孟浩然 盛

送君不相見，日暮獨愁緒。江上空徘徊，天邊迷處所。郡邑經樊鄧，河山入嵩汝。蒲輪去漸遙，石徑徒延佇。

人部

卷一百八

三十四

送別

詩集類函卷一百八

詩集類函卷一百九

東吳俞安期彙纂 宣城梅鼎祚增定

新都汪士龍訂校

人部五十一

留別

贈別

酬別

○留別

征西官屬送於陟陽侯作詩 晉孫楚

晨風飄岐路零雨被秋草傾城遠追送餞我千里道  
三命皆有極咄嗟安可保莫大於殤子彭聃猶為天  
吉凶如糾纏憂喜相紛繞一作憂天地為我爐萬物一

何小達人垂大觀誠此苦不早乖離即長衢惆悵盈

人部

卷二百九

留別

懷抱孰能察其心鑒之以蒼昊齊契在今朝守之與

偕老

奉辭鎮西應教

齊王融

未學謝能等高義幸知遊雷庭參辨爽梁苑豫才鄒  
徘徊歲光晚搖落江樹秋風旗縈別浦霜瑄迢遙州

無錫舅相送銜涕別

梁江淹

心遠路已迴意滿辭未陳曾風漂別蓋北雲竦征人  
杯酒憐歲暮志氣非上春若無孤鳥還歷泣何所因

臨行與故遊夜別

梁何遜

歷稔共追隨一旦辭羣匹復如東注水未有西歸日

夜雨滴空堦曉燈暗離室相悲各罷酒何時同一作更  
促膝

發湘州贈親故別三首 梁吳均

相送出江潯淚下沾衣襟何用叙離別臨岐贈好音  
敬通才如此君山學復深明哲遂無賞文華空見沈  
古來非一日無事更勞心

雲生曉靄靄花落夜霏霏問余何意別荅言倦遊歸  
徒勞易水布空負洛陽衣懷金無人別抱玉遂成非  
安得久留滯商山饒白薇

君留朱門裏我至廣江濱城高望猶見風多聽不聞

人部

卷二百九

留別

流蘋方繞繞落葉尚紛紛無由得共賞山川間白雲

壽陽還與親故別

梁吳均

故人來送別帳酒臨行卅露繁秋色慢氣愴蟬聲煎  
鴈渡章華國葉亂洞庭天復有向隅淚中腸皆涕漣  
但願千丈松結景雲之峰山高日華早枝多風彩重

我還愛芳杜君住揖驪龍

別陸子雲

北周庾信

解纜出南浦征棹且凌晨還看分手處唯餘送別人  
中流搖蓋影邊江落騎塵平湖開曙日細柳發新春  
滄波不可望行雲聊共因

別詩

隋長壽年中有鄭州鄭賓風流名士頗善五言詩此鄉間不來聞達垂冠選授江左一尉臨去賓友祖餞至上東門別云云酒酣自詠聲調哀感合坐嗚咽卒於官時人比之劉庭芝

隋鄭蜀賓

畏途方萬里生涯近百年不知將白首何處入黃泉

別薛升華

唐王勃

送送多窮路遑遑獨問津悲涼千里道悽斷百年身心事同漂泊生涯共苦辛無論去與住俱是夢中人

重別薛升華

唐王勃

明月沈珠浦秋風濯錦川樓臺臨絕岬洲渚亘長天旅泊成千里棲遑共百年窮途惟有淚還望獨潸然

卷一百九

留別

留別杜審言并呈洛中舊遊

唐崔融

斑鬢今爲別紅顏一作昨共遊年年春不待處處酒相留駐馬西橋上回軍南陌頭故人從此隔風月坐悠悠

將之荆南與張伯剛馬惣鍾陵夜別

唐楊衡

荆臺別路長密緒分離狀莫訴杯來促更籌屢已唱燭花侵物暗瑟調含風亮詎念曉帆開點淚參差浪

春日留別

唐孫逖

春路逶迤花柳前孤舟晚泊就人煙東山白雲不可

見西陵江月夜涓涓春江夜盡潮聲度征帆遙從此中去越國山川看漸無可憐愁思江南樹

京口留別徐大補闕趙二

唐儲光義

皇州月初晚處處鼓鐘喧樹出蓬萊殿城開閭闔門近臣朝瑣闥詞客向文園獨有三川路空傷遊子魂

留別安慶李太守

唐儲光義

明牧念行子又言悲解攜初筵方落日醉止到鳴雞過客來自北大軍居在西兵家如討逆敢以庶盤豁

留別錢起

唐王維

早棲却得性每與白雲歸徇祿仍懷橘看山免採薇

卷一百九

留別

暮禽先去馬新月待開扉霄漢時回首知音瑣闥

留別丘爲

唐王維

歸鞍白雲外繚繞出前山今日又明日自知心不閒親勞簪組送欲趁鶯花還一步一迴首遲遲向近關

留別王維裴迪

唐崔興宗

駐馬欲分襟清寒御溝上前山景氣佳獨往還惆悵

留別王維

唐孟浩然

寂寂竟何待朝朝空自歸欲尋芳草去惜與故人違當路誰相假知音世所稀祗應守寂寞還掩故園扉

留別裴少府

唐孟浩然

西上浙江西臨流愜解攜千山疊成嶂萬水瀉爲谿  
石淺流難泝藤長險易躋誰憐問津路歲晏此中迷

留別鄭三韋九兼洛下諸公

唐高適

憶昨相逢論久要顧君哂我輕常調羈旅雖同白社  
遊詩書已作青雲料蹇躓蹉跎竟不成年過四十尚  
躬耕長歌達者杯中物大笑前人身後名幸逢明盛  
多招隱高山大澤徵求盡此時亦得辭漁樵青袍裹  
身荷聖朝犁牛釣竿不復見縣人邑吏來相邀遠路  
鳴蟬秋興發華堂美酒離憂銷不知何時更攜手應  
念茲晨去折腰

人部 卷一見

五 留別

別崔少府

唐高適

知君少得意汶上掩柴扉寒食仍留火春風未授衣  
皆言黃綬屈早向青雲飛借問他鄉事今年歸不歸

留別武陵袁丞

唐王昌齡

皇恩暫遷謫待罪逢知己從此武陵谿孤舟二千里  
桃花遺古岼金澗流春水誰識馬將軍忠貞抱生死

留別郭八

唐王昌齡

長亭駐馬未能前井邑蒼茫含暮煙醉別何須更惆  
悵回頭不語便垂鞭

潭州留別

唐常建

賢達不相識偶然交已深宿帆謁郡佐悵別依禪林  
湘水流入海楚雲千里心望君杉松夜山月清後吟

留別王盧二拾遺

唐李頎

此別不可道此心當報誰春風灞水上飲馬桃花時  
設作好文士只令遊宦遲留書下朝客我有故山期

留別盧象

唐祖詠

朝來已握手宿別更傷心灞水行人渡商山驛路深  
故情君且足謫宦我難任直道皆如此誰能淚滿襟

留別王司馬嵩

唐李白

魯連賣譚笑豈是顧千金陶朱雖相越本有五湖心

人部 卷一見

六 留別

余亦南陽子時爲梁甫吟蒼山容偃蹇白日惜顏侵  
願一佐明主功成還舊林西來何所爲孤劍託知音  
鳥愛碧山遠魚游滄海深呼鷹過上蔡賣畚向高岑  
他日閒相訪丘中有素琴

留別廣陵諸公

唐李白

憶昔作少年結交趙與燕金羈絡駿馬錦帶橫龍泉  
寸心無疑事所向非徒然晚節覺此疎獵精草太玄  
空名束壯士薄俗棄高賢中迴聖朝顧揮翰凌雲煙  
騎虎不敢下攀龍忽隨天還家守清真孤潔勵秋蟬  
鍊丹費火石採藥窮山川卧海不關人租稅遼東田

興與忽復起棹歌谿中船臨醉謝葛強山公欲倒鞭  
狂歌自此別垂釣滄浪前

留別千十一兄逖裴十三遊塞垣

唐李白盛

太公渭川水李斯上蔡門釣周獵秦安黎元小魚鰓  
兔何足言天張雲卷有時節吾徒莫歎抵觸藩于公  
白首大梁野使人悵望何可論既知朱亥爲壯士且  
願束心秋毫裏秦趙虎爭血中原當去抱關救公子  
裴生覽千古龍膺炳文章悲吟雨雪動林木放書輟  
劍思高堂勸爾一杯酒拂爾裘上霜爾爲我楚舞吾  
爲爾楚歌且探虎穴向沙漠鳴鞭走馬凌黃河耻作  
易水別臨岐淚滂沱

別儲邕之剡中

唐李白盛

借問剡中道東南指越鄉舟從廣陵去水入會稽長  
竹色谿下綠荷花鏡裏香辭君向天姥拂石卧秋霜

留別龔處士

唐李白盛

龔子棲閒地都無人世喧柳深陶令宅竹暗辟疆園  
我去黃牛峽遙愁白帝猿贈君卷施草心斷竟何言

別韋少府

唐李白盛

西出蒼龍門南登白鹿原欲尋商山皓猶戀漢皇恩

水國遠行邁仙經深討論洗心句谿月清耳敬亭猿  
築室在人境閉關無世喧多君枉高駕贈我以微言  
交乃意氣合道因風雅存別離有相思瑤瑟與金尊

留別汪倫

白遊涇縣桃花潭村人汪倫常留美酒以待白

唐李白盛

李白乘舟將欲行忽聞岸上踏歌聲桃花潭水深千  
尺不及汪倫送我情

又別竇使君

唐杜甫盛

向晚波微綠連空岸脚青日兼春有暮愁與醉無醒  
漂泊猶杯酒踟躕此驛亭相看萬里別同是一浮萍

人部

卷二頁

八

暮秋將歸秦留別湖南幕府親友

唐杜甫盛

水濶蒼梧野天高白帝秋途窮那免哭身老不禁愁  
大府才能會諸公德業優北歸衝雨雪誰憫敝貂裘

別李季友

唐王季友盛

棲鳥不戀枝喈喈在同聲行子馳出戶依依主人情  
昔時霜臺鏡醜婦羞爾形閉匣二十年皎潔猶常明  
今日照離別前途白髮生

留別

唐馮載盛

策名十二載獨口先斯文邇來及門者半已升青雲

雲豈無姿黃鶴素不羣一辭芸香吏幾歲滄江漬  
散職既不羈天聰亦昭聞雖承急賢詔未詣陶唐君  
薄俸還自急此言那足云和風媚東郊具物滋南薰  
蕙草正可摘豫章猶未分宗師忽千里使我心氛氲  
潭州留別杜員外院長 唐韋迢 盛

江畔長沙澤相逢纜客船大名詩獨步小卻海西偏  
地濕愁飛鵬天炎畏跼去留俱失意把臂共潸然  
九日陪元魯山登北城留別四首

唐蕭穎士 盛

山縣遶古堞悠悠快登望雨餘秋天高日盡無隱狀  
人部 卷二百九 九

二

賴茲琴堂暇傲睨傾菊酒人知歲已登從政復何有

三

遠山十里碧一道銜長雲青霞半落日混合疑暗曛

四

僅能狹寵辱未免傷別離江湖不可忘風雨勞相思

辭房相公

唐張僊 盛

秋風颯颯雨霏霏愁絕恹惶一布衣辭君且作隨陽  
鴈海內無家何處歸

歸弋陽山居留別盧邵二侍御

唐劉長卿 中

渺渺歸何處公流附客船久依邵水住頻稅越人田  
偶俗機偏少安閒性所便祇應君少慣又欲寄林泉  
赴宣州使院夜宴寂上人留辭前蘇州韋使君

唐劉長卿 中

白雲乖始願滄海有微波戀舊爭趨府臨危欲負戈  
春歸花殿暗秋傍竹房多耐可機心息其如羽檄何  
罷攝官後將還舊居留辭李侍御

唐劉長卿 中

江海今為客風波失所依白雲心已負黃綬計仍非  
累辱羣公薦頻霑一尉微去緣焚玉石來為采葑菲  
人部 卷二百九 十

卷二百九

十

州縣名何在漁樵事亦違故山桃李月初服薜蘿衣  
能軾分朝寄龍韜解賊圍風謠傳吏體雲物助兵威  
白雪飄辭律青春發禮闈引軍橫吹動援翰捷書揮  
草映翻營綠花臨檄羽飛全吳爭轉戰狂虜怯知機  
憶昨趨金節臨時廢玉徽俗流應不厭靜者或相譏  
世難慵干謁時閑喜放歸潘郎悲白髮謝客愛清輝  
樽散材因棄交親迹已疎獨愁看五柳無事掩雙扉  
世累多行路生涯向釣磯榜連谿水碧家羨渚田肥  
旅食傷飄梗巖棲憶采薇悠然獨歸去迴首望旌旗

越州赴潤州留別鮑侍御

唐劉長卿 中



對水看山別離孤舟日暮行遲江北江南春草獨向金陵去時

夜宴南陵留別

唐李嘉祐中

雪滿前庭月色閒主人留客未能還預愁明日相思處匹馬千山與萬山

發廣陵留上家兄兼寄上長

唐韋應物中

將違安可懷宿戀復一方家貧無舊業薄宦各飄颻執板身有屬淹時心恐惶拜言不得留聲結淚滿裳漾漾動行舫亭亭遠相望離晨苦須臾史御往道路長蕭條風雨過得此海氣涼感秋意已違況自結中腸

人部

卷一百九

十一 留別

推道固當遣及情豈所忘何時共還歸舉翼鳴春陽

留別洛京親友

唐韋應物中

握手出都門駕言適京師豈不懷舊廬惆悵與子辭麗日坐高閣清觴燕華池昨遊倏已過後遇良未知念結路方永歲陰野無暉單車我當前一作暮雪子去獨歸臨流一作新逢一相望零淚忽沾衣

留別柳中庸

唐李端中

惆悵流水時蕭條背城路離人出古亭嘶馬入寒樹江南正風波挂蓬在何處

將之澤潞留別王郎中

唐李端中

弱年知已少前路主人稀貧病期相借艱難又憶歸事成應未卜身賤又無機幸到龍門下須因羽翼飛

常州留別

唐耿漳中

萬里南天外求書禹穴間往來成白首且暮見青山夜浦涼雲過秋塘好月閒殷勤陽羨桂別此幾時攀

留別解縣韓明府

唐耿漳中

聞人州縣厭賤士友朋譏朔雪逢初下秦關獨暮歸寒茅下原淺殘雨過風微一路何相慰唯君能政稀

邠州留別

唐耿漳中

終歲山川一作長路生涯總幾何艱難為客慣貧賤受恩多暮角寒山色秋風遠水波一作暮角無人見惆悵垂韉入煙蘿一作暮角

人部

卷一百九

十一 留別

賤受恩多暮角寒山色秋風遠水波一作暮角無人見惆悵垂韉入煙蘿一作暮角

留別鄒紹劉長卿

唐嚴維中

中年從一尉自笑此身非道在甘微祿時難一作耻息機晨趨本郡府書掩故山扉待得干戈畢何妨更采薇

將赴閬鄉灞上留別錢起

唐盧綸中

暖景登橋望分明春色來離心自惆悵車馬亦徘徊連雪和霜積高花占日開從官竟何事憂患已相催

赴虢州留別故人

唐盧綸中

世故相逢各未閒百年多在別離間昨夜秋風今夜雨不知何處入空山

赴邠寧留別

唐李益中

身承漢飛將束髮即言兵俠少何相問從來事不平黃雲斷朔吹白雪擁沙城幸應邊書募橫戈會取名

再赴渭北使府留別

唐李益中

結髮逐鳴鵩連兵追谷風山川收伏虜鎧甲被重犀故府旌旗在新軍羽檄齊報恩身未死識路馬還嘶列嶂高峰舉當營太白低平戎七尺劍封檢一丸泥截海取蒲類跑泉飲鵲鵲漢庭中選重更事五原西

人部

卷一百九

十三 留別

春日留別

唐張籍中

遊人欲別離辭復對花枝看却春日晚莫輕少年時臨行記分處回首是相思各向天涯去重來未有期

襄國別友

唐張籍中

曉色荒城下相看秋草時獨遊無定計不欲道來期別處去家遠愁中驅馬遲歸人渡煙水遙映野棠枝

醉中留別襄州李相公

唐韓愈中

濁水汗泥清路塵還曾同制掌絲綸眼穿長訝雙魚斷耳熱何辭數爵頻銀燭未銷牕送曙金釵半醉作座添春知公不久歸鈞軸應許閒官寄病身

汴州別韓愈

唐孟郊中

不飲濁水瀾空滯此汴河坐見遶岸水盡爲還海波四時不在家弊服斷線多遠客獨顚顚頰春英落婆娑汴水饒曲流野桑無直柯但爲君子心歎息終匪他

蜀中將歸留辭韋相公

唐歐陽詹中

寧體卽雲構方前恒玉食貧居豈及此要欲懷歸憶在夢關山遠如流歲華逼明晨首鄉路迢遞孤飛翼初出城留別

唐白居易中

朝從紫禁歸暮出青門去勿言城東陌便是江南路揚鞭簇車馬揮手辭親故我生本無鄉心安是歸處

人部

卷一百九

十四 留別

留別

唐白居易中

秋涼卷朝簾春暖撤夜衾雖是無情物欲別尚沈吟況與有情別別隨情淺深二年歡笑意一旦東西心獨留誠可念同行力不任前事詎能料後期諒難尋唯有潺湲淚不惜共沾襟

石門陂留辭從叔謨

唐賈島中

幽鳥飛不遠此行千里間寒衝陂水霧醉下菊花山有耻長爲客無成又入關何時臨澗柳吾黨共來攀

毘陵留別

唐朱放中

別離非一處此處最傷情白髮將青草相隨日日生

留別宗人太守郎中邁

唐滕倪中

秋初江上別旌旗故國無家淚欲垂千里未知投足處前程便是聽猿時誤攻文字身空老却返漁樵計已遲羽翼彫零飛不得丹霄無路接差池

留別定襄盧軍事

唐馬戴晚

行行與君別路在鴈門西秋色見邊草軍聲聞戍聲酣歌擊寶劍躍馬上金堤歸去咸陽里平生志不迷

幽山留別令狐侍御

唐馬戴中

自別丘中隱頻年哭路岐辛勤今若是少壯豈多時露滴陰蟲苦秋聲遠客悲晚營嚴鼓角紅葉拂旌旗

人部

卷二見

十五

北闕虛延望西林久見思川流寒水急雲返故山遲落照遊人去長空獨鳥隨不堪風隔景忠口寡相知

憶情留別并州從事

唐馬戴晚

淺學長自鄙謬承賢達知才希漢主召玉任楚人疑年長慙漂泊恩深惜別離彫蟲羞朗鑒千祿貴明時故國誠難返青雲致未期空將感激淚一一灑臨岐

入蜀赴舉秋夜與先生話別

唐崔塗晚

欲捨峨嵋別中宵寢不能聽殘池上雨吟盡枕前燈失計方期隱修心未到僧雲門一萬里應笑又擔簦

邊遊別友人

唐張蠟晚

欲別不止淚當杯難強歌家貧隨日長身病涉寒多雨雪迷燕路田園隔楚波良時未自致歸去欲如何

留別張郎中

唐項斯晚

省中重拜別兼領寄人書已念此行遠不應相問踈子城西並宅御水北同渠要取春前到乘閒候起居

吳州月夜與曹太尉話別

唐李頻晚

早晚更看吳苑月西齋長憶日當牕不知明夜誰家見應照離人隔楚江

金州別姚合

唐釋無可

日日西亭上春留到夏殘言之離別易勉以道途難

卷二見

十六

山出一千里谿行三百灘松間樓裏月秋入五陵看

贈白馬王彪七章

并序 魏志曰楚王彪字朱虎武帝子也初封白馬王後

徙封楚集曰於園城作

魏曹植

黃初四年正月白馬王任城王與余俱朝京師會節氣到洛陽任城王薨至七月與白馬王還國後有司以二王歸蕃道路宜異宿止意毒恨之益以大別在數日是用自剖與王辭焉憤而成篇

謁帝承明廬逝將歸舊疆清晨發皇邑日夕過首陽伊洛廣曠一作且深欲濟川無梁汎舟越洪濤怨彼東

路長顧瞻戀城關引領情內傷

太谷何寥廓山樹鬱蒼蒼霖雨泥我塗流潦浩縱橫

中逵絕無軌改輟登高岡脩坂造雲日我馬玄黃

玄黃猶能進我思鬱以紆鬱紆將何念今本作難進親愛

在離居本圖相與偕中更不克俱鳴皋鳴衡軛豺狼

當路衢蒼蠅間白黑讒巧反今本作今親疎欲還絕無蹊

攬轡止踟躕

踟躕亦何留相思無終極秋風發微涼寒蟬鳴我側

原野何蕭條白日忽西匿歸鳥赴喬林翩翩厲羽翼

孤獸走索羣銜草不遑食感物傷我懷撫心長太魏志

人部

卷一百九

十七

贈別

歎息

太息將何為天命與我違奈何念同生一往形不歸

孤魂翔故城靈樞寄京師存者忽復已一作過殁身

自哀人生處一世去若朝露晞年在桑榆間影響不

能追自顧非金石咄咄一作作令心悲

心悲動我神棄置莫復陳丈夫志四海萬里猶比鄰

恩愛苟不虧在遠分日親何必同衾幃然後展殷勤

憂思成疾疹無乃兒女仁倉卒骨肉情能不懷辛若

苦辛何慮思天命信可疑虛無求列仙松子久吾欺

戀故在斯須百年誰能持離別永無會執手將何時

王其愛玉體俱享黃髮期收淚即長路志作援筆從

贈士孫文始三輔典錄注曰士孫萌字文始少

謀也萌父瑞知王允必敗京師不可居乃命

將家歸至荆州依劉表去無幾果為李傕

等所殺及天子都許昌追論誅董卓之功封

萌為濟南亭侯與山陽王榮善萌當就國榮

作詩以贈萌

天降喪亂靡國不夷我暨我友自彼京師宗守滯失

越用道違遷于荆楚在漳之湄在漳之湄亦克晏處

和通箴墳比德車輔既度禮義卒獲笑語庶茲永日

無營厥緒雖曰無營時不我已同心離事乃有逝止

人部

卷一百九

十八

贈別

橫此大江淹彼南汜我思弗及載坐載起惟彼南汜

君子居之悠悠我心薄言慕之人亦有言靡日不思

矧伊嫵婉胡不懷而晨風夕逝託與之期瞻仰王室

慨其永歎良人在外誰佐天官四國方阻俾爾歸藩

爾之歸藩作式下國無曰蠻裔不虔汝德慎爾所主

率由嘉則龍雖勿用志亦靡忒悠悠澹澹鬱彼唐林

雖則同域邈其迴深白駒遠志古人所箴允矣君子

不遐厥心既往既來無密爾音

贈蔡子篤詩蔡子篤字子篤為尚書仲宣與之同

遊難荆州子篤還仲宣作此贈之

魏王粲

翼翼飛鸞載飛東我友云徂言及舊邦舫舟翩翩  
以沂大江蔚矣荒塗時行靡通慨我懷慕君子所同  
悠悠世路亂離多阻濟岱江行邈焉異處風流雲散  
一別如用人生實難願其弗與瞻望遐路允企伊佇  
烈烈冬日肅肅淒風潛鱗在淵歸鴈在軒苟非鴻鴈  
孰能飛翻雖則追慕予思罔宣瞻望東路慘愴增歎  
率彼江流爰逝靡期君子信誓不遷于時及子同寮  
生死固之何以贈行言授斯詩中心孔悼涕淚漣漣  
嗟爾君子如何勿思

贈文叔良

搜神記曰文叔字叔良南陽人爲荊州從事

人部

卷一百九

十九

贈別

魏王粲

翩翩者鴻率彼江濱君子于征爰聘西鄰臨此洪渚  
伊思梁岷爾行孔邈如何勿勤君子敬始慎爾所生  
謀言必賢錯說申輔延陵有作僑盼是與先民遺跡  
來世之矩既慎爾主亦迪知幾探情以華覩著知微  
視明聽聰靡事不惟重褐荷名胡寧不師衆不可蓋  
無尚我言格宮致辯齊楚構思成功有要在衆思歡  
人之多忌掩之實難瞻彼黑水滔滔其流江漢有卷  
允來厥休二邦若否職汝之由緬彼行人鮮克弗留  
尚哉君子異于他仇人誰不勤無厚我憂惟詩作贈

敢詠在舟

贈馮文熊

晉陸機

昔與二三子游息承華南拊翼同枝條翻飛各異尋  
苟無凌風翮徘徊守故林慷慨誰爲感願言懷所欽  
發軔清洛汭驅馬大河陰佇立望朔塗悠悠迴且深  
分索古所悲志士多苦心悲情臨川結苦言隨風吟  
愧無維佩贈良訊代兼金夫子茂遠猷歎誠寄惠音  
贈波丘今馮文熊

晉陸機

人部

卷一百九

二十

贈別

贈顧交趾公貞

晉陸機

顧侯體明德清風肅已邁發迹翼藩后改授撫南裔  
伐鼓五嶺表揚旌萬里外遠績不辭小立德不在大  
高山安足凌巨海猶縈帶惆悵瞻飛駕引領望歸旆  
贈褚武良詩

晉傅咸

爰暨于褚惟晉之禎肇振鳳翼羽儀上京聿作喉舌  
納言紫庭光贊帝道敷皇之明方任之重實在江揚  
乃授旄鉞宣曜威靈悠悠遐邁東夏于征

與殷晉安別

并序

晉陶淵明

殷先作晉安南府長史掾因居潯陽後作太尉參

軍移家東下作此以贈

遊好非久長一作長一遇盡殷勤信宿酬清話益復知  
爲親去歲家南里薄作少時鄰負秋肆游從淹留忘  
宵晨語默自殊勢亦知當華分未謂事已及興言在  
茲春飄飄西來風悠悠東去雲山川千里外言笑難  
爲因才華不隱世江湖多賤貧脫有經過便念來存  
故人

贈羊長史并序

晉陶淵明

左軍羊長史衡使秦川作此與之

遇生三季後慨然念黃虞得知千載外正一作上賴古

人部

卷一百九

三

贈別

人書賢聖留餘跡事事在中都豈忘游心目關河不  
可踰九城甫已一逝將理舟與聞君當先邁負病不  
獲俱路若經商山爲我少躊躇多謝綺與角精爽今  
何如紫芝誰復採深谷久應蕪駟馬無貴患貧賤有  
交娛清謠結心曲人垂運見疎擁懷累代下言盡意  
不舒

贈傅都曹別

宋鮑照

輕鴻戲江潭孤鴈集洲止邂逅兩相親緣念共無已  
風雨好東西一隔頓萬里追憶栖宿時聲容滿心耳  
落日川渚寒愁雲繞天起短翮不能翔徘徊煙霧裏

贈顧墨曹

宋鮑照

昏明易達離會難揆雲轍泉分西艫東軌  
擬謝法曹惠連贈別

梁江淹

昨發赤亭渚今宿浦陽汭方作雲峰異豈伊千里別  
芳塵未歇席零一作零淚猶在袂一作聲停艫望極浦潁棹  
阻風雪風雪既經時夜永起懷思汎濫北湖遊若亭  
南樓期點翰詠新賞開袞瑩所疑摘芳愛氣馥拾藥  
憐色滋色滋畏沃若人事亦銷鑠子矜怨勿徃各風  
情所託所託已殷勤祗足攪懷人今行嶠嶠外銜思  
人部

卷一百九

三

贈別

贈韋記室黯別

梁何遜

故人儻送別停車一水東去帆若不見試望白雲中  
促膝今何在銜杯誰復同水夜看初月江晚泝歸風  
無因生羽翰千里暫排空

贈江長史別

梁何遜

二紀歷茲辰投分數遊處况事兼年德宴交無爾汝



中歲多乖違由來難具叙及君相藩牧伊予客梁楚  
出國乃參差會歸同處所以茲篤尋何用忘羈旅  
重得申平生何年更睽阻籠禽恨踟促逸翮超容與  
餞道出郊垌把袂臨州渚長巖落江樹秋月照沙渚  
遠送子應歸棹開帆欲舉離舟歎未極別至悲無語  
安得生羽毛從君入宛許

贈別新林

梁吳均

僕本幽并兒抱劍事邊陲風亂青絲絡霧染黃金羈  
天子既無賞公卿竟不知去歸去來還傾鸛鵒杯  
氣為故交絕心為新知開但令寸心是何須銅雀臺

人部

卷一百九

二十三 贈別

贈王桂陽別三首

梁吳均

昔聞楊伯起拖金一作振清風高華積海外名實滿  
山東自有五都相非無四世公臨臆驚白一作倚匣曳  
輕虹願持鷁鷁羽歲暮依梧桐

客子慘無歡送別江之干白雲方渺渺黃鳥尚關關  
糾紛巫山石合沓洞庭瀾行衣侵曉露征舸犯夜湍  
無因停合浦見此去一作珠還

樹響浹山來猿一作聲繞岫急旅帆風飄揚行巾露  
沾濕深浪闇兼葭濃雲沒城邑不見別離人獨有相

思泣

贈鮑春陵別

梁吳均

落葉思紛紛蟬聲猶可聞水中千丈月山上萬重雲  
海鴻來倏去林花合復分所憂別離意白露下霑裙

贈賀左丞蕭舍人

陳江總

輶軒通八表旌節驚三秦聽歌酬敏對繼好佇行人  
賀生思沈鬱蕭弟學紛紛共有筆端譽皆為席上珍  
離羣徒悄悄征旅日駢駢黃河分太史一曲悲千里  
海內平生親中朝流寓士痛哉憫梁祚千焉三十祀  
鍾儀繫不歸盛憲悲何已隴頭心斷絕爾為參生死  
回首望長安猶如蜀道難由關分地軸華嶽接天壇

人部

卷一百九

二十四 贈別

贈洗馬袁朗別

陳江總

賈誼登朝日終軍對奏年校文升廣內撫劍入崇賢  
奇才殊豔逸將別更留連驅車命饒管拱坐面林泉  
池寒稍下鴈木落久無蟬露浸山扉月霜開石路煙  
高談無與慰遲爾報華篇

贈寶蔡二記室入蜀

隋馬政一作

崑山積良寶大厦構衆材馬卿委官去鄒子背淮來  
風流信多美朝夕豫平臺逸翮獨不羣清才復道上  
六輔昔推名二江今振響英華雖外發磨琢終內明  
四海奮羽儀清風久馳播沈鬱材難厠青山翻易阻  
回首望煙霞誰知慕儔侶飄然不繫舟爲情自可求  
若奉西園夜浩想北園一作白雲愁無因逐萍藻從爾泛  
清流

贈別

隋孫萬壽

昔我遊雲閣及爾謬同官高步參師友長裾接綺紈  
索居方十載相思勞萬端不言今夕遇得盡故人歡

人部

卷一百九

三五

贈別

酒隨彭澤至琴卽武城彈高齋屏餘熱珍簾宿輕寒  
葉落霜威重蕙疎月色殘將歸動離恨彌傷行路難

贈別江頭

唐萬齊融

東南飛鳥處言是故鄉天上風花晚君行定幾千  
計程頗破月數別屢開年明歲潯陽水相思寄採蓮

綿州官池贈別

唐盧照鄰

輞軒遵上國仙氣下靈關樽酒妨無地聯絳喜暫攀  
離言欲贈策高辯正連環野逕游雲斷荒池春草斑  
殘花落古樹度鳥入澄潭欲叙他鄉別幽谷有綿蠻  
贈蘇少府赴任江南余時京選唐崔湜

丈夫不歎別達士自安卑攬泣固無趣銜杯空爾爲  
流雲春窈窕去水暮逶迤行舟忽東泛歸騎亦西馳  
秦地多芳草江潭有桂枝雖言阻遐闊所貴在相知

初發道中贈王司馬兼寄諸公

唐張九齡

肅命趨仙闕僑裝撫傳車念行開祖帳憐別降題輿  
追餞扶江介光輝燭里閭子雲應寂寞公緒爲吹噓  
景物春來異音容日向疎川原行稍穩鐘鼓聽猶徐  
林隔王公壑雲迷班氏廬戀親唯委咽思德更躊躇  
徇義當由此懷安乃闕如願酬明主惠行矣豈徒歎

贈別晉三處士

唐高適

人部

卷一百九

三六

贈別

有人家住清河源渡河問我遊梁園手持道經注已  
畢心知內篇口不言盧門十年見秋草此心惆悵誰  
能道知已從來不易知慕君爲人與君好別時九月  
桑葉疎出門千里無行車愛君且欲君先達今上求  
賢早上書

贈別高三十五

唐李頎

五十無產業心輕百萬資屠酤亦與羣不問君是誰  
飲酒或垂釣狂歌兼詠詩焉知漢高士莫識越鴟夷  
寄跡棲霞山蓬頭睢水湄忽然碎命下衆謂趨丹墀  
沐浴著賜衣西來馬行遲能令相府重且有函關期

龜倪從寸袂舊遊梁宋時  
睇睇邑中吏相候鬢如絲  
官舍柳枝靜河梁杏葉滋  
摘芳雲景晏把手秋蟬悲  
小縣情未愜折腰君莫辭  
吾觀主人意不久召京師

南州有贈二首

唐賈至

極浦三春草高樓萬里心  
楚山晴雷碧湘水暮流深  
忽與朝中舊同爲澤畔吟  
停杯試北望還欲淚沾襟

二

越井人南去湘川水北流  
江邊數杯酒海內一孤舟  
嶺嶠同仙客京華卽舊遊  
春心將別恨萬里共悠悠

贈別舍人弟臺卿之江南

唐李白

人部

卷二九

二十七

贈別

去國客行遠還山秋夢長  
梧桐落金井一葉飛銀牀  
覺罷覽明鏡鬢毛颯已霜  
良圖委蔓草古貌成枯桑  
欲道心下事時人疑夜光  
因爲洞庭葉飄落之蕭湘  
令弟經濟士謫居我何傷  
潛虬隱尺水著論譚興亡  
客遇王子喬口傳不死方  
入洞過天地登真朝玉皇  
吾將撫爾背揮手遂翱翔

廣陵贈別

唐李白

玉瓶沽美酒數里送君還  
繫馬垂楊下銜杯大道間  
天邊看綠水海上見青山  
興罷各分袂何須醉別顏

贈別鄭判官

唐李白

竄逐勿復哀斯君問寒灰  
浮雲本無意吹落章華臺  
遠別淚空盡長愁心已摧  
二年吟澤畔顚顚幾時迴

贈李十五大別

唐杜甫

峽人鳥獸居其室附層巔  
下臨不測江中有萬里船  
多病紛紛薄少留改歲年  
絕域誰慰懷開顏喜名賢  
孤陋忝末親等級敢比肩  
人生意氣合相與襟袂連  
一日兩遣僕三日一共筵  
揚論展寸心壯筆過飛泉  
玄成美價存子山舊業傳  
不聞八尺軀常受衆自憐  
吾爲苦辛行蓋被生事牽  
北迴白帝棹南入黔陽天  
汧公制方隅迴出諸侯先  
封內如太古時危獨蕭然

人部

卷二九

二十八

贈別

清高金垂露正直朱絲絃  
昔在堯四岳今之黃穎川  
千邁恨不同所思無由宣  
山深水增波解榻愁露懸  
客遊雖云久亦思月再圓  
晨集風渚亭醉操雲嶠篇  
丈夫貴知己歡罷念歸旋

贈別何邕

唐杜甫

生死論交地何由見一人  
悲君隨燕雀薄宦走風塵  
綿谷元通漢沱江不向秦  
五陵花滿眼傳語故鄉春

贈別盧司直之閩中

唐劉長卿

爾來多不見此去又何之  
華髮同今日流芳似舊時  
洲長春色遍漢廣夕陽遲  
歲歲王孫草空憐無處期

謝王維春夜竹亭贈別

唐錢起

山月隨客來主人興不淺今宵竹林下誰覺花源遠  
惆悵曙鶯啼孤雲還絕巘

贈姚尙別

唐孟郊

美人廢琴瑟不是無巧彈聞君郢中唱始覺知音難  
驚逢無還根馳水多分瀾倦客厭出門疲馬思解鞍  
何以寫此心贈君握中丹

贈別

唐柳彬

何處最悲辛長亭臨古津往來舟楫路前後別離人

贈別司空曙

唐盧綸

人部

卷二見

三

有月曾同賞無秋不共悲如何與君別又是菊花時

贈別李紛

唐盧綸

頭白乘驢懸布囊一迴言別淚千行兒孫滿眼無歸  
處唯到樽前似故鄉

江亭贈別

唐馬戴

長亭晚送君秋色渡江濱衰柳風難定寒雪不分  
後聲離楚峽帆影入湘雲獨汎扁舟夜山鐘可卧聞

贈別北客

唐馬戴

君生游俠地感激氣何高飲盡玉壺酒贈與金錯刀  
鴈關飛霰雪鯨海落雲濤去如征鳥離心空自勞

酬別

答別并入

荅任殿中宗記室王中書別武帝初仕齊爲陶  
王鎮西諮議參軍

隨王鎮州帝赴鎮  
時同別以詩送別  
梁武帝

問我去何節光風正悠悠蘭華時未晏舉袂徒離憂  
緩客承別酒鳴琴和好仇清宵一已曙藐爾泛長洲  
眷言無歇緒深情附還流

酬聞人侍郎別三首

梁吳均

悵然心不樂萬里向悠悠凌朝憩枉渚薄暮遵江洲  
君住青門上我發霸陵頭相思自有處春風明月樓  
一作明月樓

人部

卷二見

三十

整棹北川湄迴首望城邑林疎風至少山高雲度急  
共懷萬里心各作千行泣欲見終無緣思君空立  
舉首川之沂離鴻四向飛子憐三湘辭說文薛與我  
薛同莎也  
憶五陵薇但使同嘉遁何必共輕肥思君美如玉不  
覺淚沾衣

酬別江主簿中騎

梁吳均

有客告將離贈言重蘭蕙泛舟當泛濟結交當結桂  
濟水有清源桂樹多芳根毛公與朱亥俱在信陵門  
趙瑟鳳凰柱吳醵金罍樽我有北山志留連爲報恩  
大君皆逸翮博景復凌翥白雲閒海樹秋日暗平原

寒蟲鳴趯趯落葉飛翻翻何用贈分首自有北堂萱

酬別

梁吳均

故人杯酒別天清  
明月露下寒葭中  
風起秋江上  
衣染潺湲泣一作淚  
棹犯參差浪  
七首直千金  
七寶雕華裝側亮反  
生離何用表  
賴此持相餉

任洛州酬薛文學見贈別

北周庾信

子居河之曲  
英彥本連蹤  
鹽形或變虎  
鼎氣乍成龍  
若人承載德  
宮牆定數重  
五衢開辯路  
四照起文烽  
曰余濫推轂  
民願始天從  
上洛分都尉  
弘農開附庸  
羊腸連九坂  
熊耳對雙峰  
白石仙人芋  
青林隱士松

人部

卷一百九

三十一

酬別

北梁送孫楚西堤別葛龔故人  
倘書札  
黎陽土足封  
酬張夏雪夜越州訪別途中苦寒作

唐劉長卿

扁舟乘興客  
不憚苦寒行  
晚暮相依分  
江湖欲別情  
水聲冰下咽  
沙路雪中平  
舊劍鋒鋦盡  
應嫌脫贈輕

再授連州至衡陽酬贈別

唐柳宗元

去國十年同赴召  
湘江千里又分岐  
重臨事異黃承  
相三黜名慙柳  
士師歸目併隨  
迴鴈盡秋腸  
正遇斷  
後時桂江東  
過連山下相  
望長吟有所思

酬別令狐補闕

唐李商隱

惜別夏仍半迴途  
秋已期那修直諫  
草更賦贈行詩  
錦段知無報  
青萍肯見疑  
人生有通塞  
公等繫安危  
警露鶴辭侶  
吸風蟬抱枝  
彈冠如不問  
又到掃門時

答太原從軍楊員外送別

唐馬戴

君將海月珮贈之光  
我行見知言不淺  
懷報意非輕  
反照臨岐思  
中年未達情  
河梁人送別  
秋漢鴈相鳴  
衰柳搖邊吹  
寒雲冒古城  
西遊還獻賦  
應許託平生  
浙東罷府西歸道  
經吳中廣文張博士  
皮先輩  
陸秀才皆以雅篇相送  
不量荒詞亦用酬別

唐李穀

人部

卷一百九

三十一

酬別

豈有頭風筆下痊  
浪成蠻語向初筵  
蘭亭舊趾雖曾  
見柯笛遺音更不傳  
照耀文星吳分野  
留連花月晉  
名賢相逢只恨相知晚  
一曲驪歌又幾年

詩集類函卷一百十

東吳俞安期彙纂 宣城梅鼎祚增定

新都汪士龍訂校

人部五十二 行路 曉行 夜行

○行路

黎陽作三首

魏文帝

朝發鄴城夕宿韓陵霖雨載塗輿人困窮載馳驅  
沐雨櫛風舍我高殿何爲泥中在昔周武爰暨公旦  
載主而征救民塗炭彼此一時唯天所讚我獨何人  
餘不靖亂殷殷其雷濛濛其雨我徒我車涉此艱阻  
人部 卷一百一十一 行路

遭彼洹湄言刈其楚班之中路塗潦是御轆轤大車  
載低載昂嗷嗷僕夫載仆載僵濛濛雨沾衣  
千騎隨風靡萬騎正龍驤金鼓震上下千戚紛縱橫  
白旄若素霓丹旗發朱光追思太王德胥牟誠足臧  
經歷萬歲林行行到黎陽

遠遊

蜀秦宓

遠遊何所見所見邈難紀巖穴非我鄰林麓無知己  
虎則豹之兄鷹則鷁之弟困獸走環岡飛鳥驚巢起  
猛氣何咆厲陰風起千里遠遊長太息太息遠遊子

赴洛

晉陸機

希世無高符營道無烈心靖端肅有命假節赴江潭  
親友贈予邁揮淚廣川陰撫膺解攜手永歎結遺音  
無迹有所匿寂寞聲必沈肆目眇不及緬然若雙潛  
南望泣玄渚北邁涉長林谷風拂脩薄油雲翳高岑  
疊疊孤獸騁嚶嚶思鳥吟感物戀堂室離思一何深  
佇立慨我歎寤寐涕盈衿惜無懷歸志辛苦誰爲心

赴洛道中作二首

晉陸機

總轡登長路鳴咽辭密親借問子何之世網嬰我身  
永歎遭北渚遺思結南津行行逐已遠野途曠無人  
山澤紛紜餘林薄杳阡眠虎肅深谷底雞鳴高樹巔  
人部 卷一百一十一 行路

哀風中夜流孤獸更我前悲情觸物感沈思鬱纏綿  
佇立望故鄉顧影懷自憐

遠遊越山川山川脩且廣振策陟崇丘安轡遵平莽  
夕息抱影寐朝徂銜思往頓轡倚高巖側聽悲風響  
清露隊素輝明月一何朗撫枕不能寐振衣獨長想

途中作

晉成公綏

洋洋熊耳流巍巍伊闕山高岡碣崔嵬雙阜夾長川  
素石何磷磷水禽何翩翩遠涉許穎路顧思邈綿綿  
辭陶懷所親引領情緬然

遠涉

晉賈棟



千里既悠邈路大阻關梁僕夫罷遠涉市馬困山岡  
深谷下無底高巖聳穹蒼豐草停滋潤霧露霑衣裳  
玄林結陰氣不風自寒涼顧瞻情感切惻愴心哀傷  
士生則懸弧有事在四方安得恒逍遙端坐守閨房  
引義割外情內感實難忘

乙巳歲三月為建威參軍使都經錢谿

晉陶淵明

我不踐斯境歲月好已積晨夕看山川事事悉如昔  
微雨洗高林清飈矯雲翮眷彼品物存義風都未隔  
伊余何為者勉勵從茲役一形似有制素襟不可易

人部

卷一百一

二 行路

園田日夢想安得久離析終懷在歸壑一作舟諒哉宜

一作霜柏

始作鎮軍參軍經曲阿作

晉陶淵明

弱齡寄事外委懷在琴書被褐欣自得屢空常晏如  
時來苟冥會宛轡一作婉變憩通衢投策命晨裝暫與園  
田休一作田林踈眇眇孤舟逝綿綿歸思紆我行豈不逢登  
降一作降步千里餘目倦川途異心念山澤居望雲慙高  
鳥臨水愧遊魚真想初在襟誰謂形跡拘聊且憑化  
遷終返班生廬

登臨海嶠初發疆中作與從弟惠連可見羊何

共和之四章集作登臨海嶠與從弟惠連二首

宋謝靈運

杪秋尋遠山山遠行不近與子別山阿含酸赴脩吟  
中流袂就判欲去情不忍顧望脰未悞汀曲舟已隱

二

隱汀絕望舟驚棹逐一作逾驚流欲抑一生歡并奔千

里遊日落當棲薄繫繩臨江樓豈惟夕情歛憶爾共

淹留

三

淹留昔時歡復增今日歎茲情已分慮况乃協悲端

人部

卷一百一

四 行路

秋泉鳴北澗哀猿響南巒戚戚新別心悽悽久念攢

四

攢念攻別心旦發清谿陰暝投剡中宿明登天姥岑

高高入雲霓還期那可尋儻遇浮丘公長絕子微音

入東道路詩

宋謝靈運

整駕辭金門命旅惟詰朝懷居顧歸雲指塗沂行騷  
屬值清明節榮華感和韶陵隰繁綠杞墟固粲紅桃  
鳴鸞輦方帷纖纖麥垂苗隱軫邑里密緬邈江海遼  
滿目皆古事心賞貴所高魯連謝千金延州權去朝  
行路既經見願言寄吟諄

行京口至竹里

宋鮑照

高柯危且竦，鋒石橫復仄。復澗隱松聲，重崖伏雲色。  
水閉寒方壯，風動鳥傾翼。斯志逢凋嚴，孤遊值曠逼。  
兼塗無甜輟，半菽不違食。君子樹令名，細人効命力。  
不見長河水，清濁俱不息。

循役朱方道路

梁沈約

分編出帝京，升裝奉皇穆。洞野屬滄溟，縣郊遡河服。  
日映青丘島，塵起邯鄲陸。江移林岸微，巖深煙岫複。  
歲嚴摧磴草，午寒散嶠木。榮蔚夕颺卷，蹉跎晚雲伏。  
侵志非易從，旌軀信難牧。豈慕滄宮梧，方辭兔園竹。

卷一百十

五 行路

人部 驅心亦何言，迷蹤庶能復。

從征虜始安王道中

梁江淹

秉笏從帷幕，及身豫休明。君子未獲晏，小人亦自營。  
結軒首涼野，驅馬徼寒城。容裔還鄉權，逶迤去國旌。  
山氣亘百里，山色與雲平。喬松日夜竦，紅霞旦夕生。  
徒慙恩厚，空抱春施名。仰願光威遠，歲晏返柴荆。

述行詩

梁范雲

振策出燕代，驅車背朔并。翩翩朱蓋轉，蕭蕭良馬鳴。

始發宿亭

北周王褒

送人亭上別，被馬櫪中嘶。漠漠村煙起，離離樹樹齊。

落星侵曉沒殘月，半山低。

東歸在路率爾成詠

隋孫革壽

學宦兩無成，歸心自不平。故鄉尚千里，山秋猿夜鳴。  
人愁慘雲色，客氣憤風聲。羈恨雖多緒，俱是一傷情。

長柳

唐王勃初

晨征犯煙磴，夕憩在雲關。晚風清近壑，新月照澄灣。  
郊童樵唱返，津叟釣歌還。客行無與晤，賴此釋愁顏。

途中

唐楊炯初

悠悠辭鼎邑，去去指金墉。途路盈千里，山川亘百重。  
風行常有地，雲出本多峰。鬱鬱園中柳，亭亭山上松。

人部

卷一百十

六 行路

客心殊不樂，鄉淚獨無從。

奉使益州至長安發鍾陽驛

唐盧照鄰初

躋險方未夷，乘春聊騁望。落花赴丹谷，奔流下青嶂。  
歲暮曉樹滋，滉漾春江漲。平川看釣侶，狹徑聞樵唱。  
魚戲綠苔前，鶯歌白雲上。耳目多異賞，風煙有奇狀。  
峻阻將長城，高樓吞巨舫。聯翩事羈勒，辛苦勞疲恙。  
夕濟幾潺湲，晨登每惆悵。誰念復徇徇，山河獨偏喪。

入秦州界

唐盧照鄰初

隴坂長無極，蒼山望不窮。石徑繁疑斷，回流映似空。  
花開綠野霧，鶯轉紫巖風。春芳勿遽盡，留賞故人同。

至汾水城

唐駱賓王 初

行役忽離憂復此愴分流潸石迴湍咽繁叢曲澗幽  
陰崖常結晦宿莽竟含秋况乃霜晨早寒風入戍樓

至分陘

唐駱賓王 初

陝西開勝壤召南分沃疇列樹巢維鵲平渚下睢鳩  
憩棠疑勿翦戔戔似攀樛至今王化美非獨在隆周

途中有懷

唐駱賓王 初

睠然懷楚秦悵矣背秦關涸鱗驚照轍墜羽怯虛鸞  
素服三川化烏裘十上還莫言無皓齒時俗薄朱顏

秋日還京陝西十里作

唐薛稷 初

人部

卷一百一

七

行路

驅車越陝郊北顧臨大河隔河見鄉邑秋風水增波  
西登咸陽塗日暮憂思多傳巖旣紆鬱首山亦嵯峨  
操築無昔老採薇有遺歌客遊旣廻換人生知幾何

過蠻洞

唐宋之間 初

越嶺千重合蠻谿十里斜竹迷樵子徑萍匝釣人家  
林暗交楓葉關香覆橘花誰憐在荒外一作孤賞足

雲霞

發藤州

唐宋之間 初

朝夕苦過征孤魂長自驚泛舟依鴈渚投館聽猿鳴  
石髮綠谿蔓林衣掃地輕雲峰刻不似苔蘚畫難成

露夏千花氣泉和萬籟聲攀幽紅處歎躋險綠中行  
戀切芝蘭砌悲纏松柏坐丹心江北死白髮嶺南生

輓旌天邊國窮愁海上城勞歌意無限今日爲誰明

從崇山向越當

唐沈佺期 初

按九真圖崇山至越當四十里杉谷起古崇山竹  
谿從道明國來於崇山北二十五里合水缺缺藤

竹明昧有三十峰夾水直上千餘仞諸仙窟宅在  
焉

焉

朝發崇山下暮坐越當陰西從杉谷度北上竹谿深  
竹谿道明水杉谷古崇山差池將不合繚繞復相尋

人部

卷一百一

八

行路

桂葉藏金嶼藤花閉石林天牕虛的的雲竇下沈沈  
造化功偏厚真仙跡每臨豈徒探怪異聊欲緩歸心

初達驪州

唐沈佺期 初

自昔聞銅柱行來向一年不知林邑地猶隔道明天  
雨露何時及京華若箇邊思君無限淚堪作日南泉

再使蜀道

唐張說 初

眇眇葭萌道蒼蒼褒斜谷煙壑爭晦深雲山共重複  
古來風塵子同眩望鄉目雲閣有儒生輶車倦馳逐

青春客岷嶺白露搖江服歲月鎮羈孤山川長反覆  
魚游戀深水鳥遷戀喬木如何別親愛坐去文章國

蟋蟀鳴戶庭蟪蛄網琴筑

過蜀道山

唐張說初

我行春三月山中百花開披林入峭壁攀磴陟崔嵬  
白雲半峰起清江出峽來誰知高深意緬邈心幽哉

蜀道後期

唐張說初

客心爭日月來往預期程秋風不相待先到洛陽城

興州出行

唐蘇頌初

危途曉未分驅馬傍江濱滴瀝花露微微出岫雲  
松梢半吐月蘿霧漸移曠旅客腸應斷吟猿更始聞

經三泉路作

唐蘇頌初

八部

卷一百一

九

行路

三月松作花春行日漸賒竹妨山鳥路藤沒野人家  
透石飛梁下尋雲絕磴斜此中誰與樂揮涕語年華

南中

唐胡皓初

巴東三峽盡曠望九江開楚塞雲中出荆門水上來  
魚龍潛嘯雨鳬鴈動成雷南國秋風晚客思幾悠哉

陝中作

唐蔡希寂盛

西別秦關近東行陝服長川原餘讓畔歌吹憶遺棠  
河水流城下山雲起路傍更憐栖泊處池館繞林篁

過新豐道中

有詔種果

唐儲光義盛

西下長樂坡東入新豐道雨多車馬稀道上生秋草

太陰閼皇陸不知晚與早雷雨杳冥川谷漫浩浩  
詔書植嘉木畧言桃李好自愧無此容歸從漢陰老

途次

唐孟浩然盛

客行愁落日鄉思重相催況在他山外天寒夕鳥來  
雪深迷郢路雨暗失陽臺河漢樓遲子狂歌誰爲媒

行東山出蕭川

唐孟浩然盛

異鄉非吾土連山盡綠篁平田出郭少盤隴入雲長  
萬壑歸於海千峰劃彼蒼猿聲亂楚峽人語帶巴鄉

石上攢椒樹藤間養蜜房雪餘春未暖嵐解晝初陽  
征馬疲登頻歸帆愛渺茫坐冷欣溜下信宿見扶桑

八部

卷一百一

十一

行路

自淇涉黃河途中六首

唐高適盛

清晨泛中流羽族滿汀渚黃鵠何處來昂藏寡儔侶  
飛鳴無人見飲啄豈得所雲漢爾固知胡爲不輕舉

二

南登滑臺上却望河淇間竹樹夾流水孤城對遠山  
念茲川路濶羨爾沙鷗閑長想別離處猶無音信還

三

東入黃河水茫茫汎紆直北望太行山戢戢半天色  
山河相映帶深淺未可測自昔有賢才相逢不相識

四

秋日登滑臺臺高秋已暮獨行既未愜懷土悵無趣  
晉朱何蕭條羌胡散馳驚當時無戰略此地卽邊戍  
兵革徒自勤山河孰云固乘閑喜臨眺感物傷遊寓  
惆悵落日前飄颻遠帆處北風吹萬里南鴈不知數  
歸意方浩然雲沙更迴互

五

朝從北岍來泊船南河許試共野人言深覺農夫苦  
去秋雖薄熟今夏猶未雨耕耘日勤勞租稅兼舄鹵  
園蔬空寥落產業不足數尚有獻芹心無因見明主

六

人部

卷一百一

十一 行路

茫茫濁河注懷古臨河濱禹功本豁達漢迹方因循  
坎德昔滂沱馮夷胡不仁渤澥陵隄防東郡多悲辛  
天子忽驚悼從官皆負薪奮築豈無謀祈禱如有神  
宣房今安在高岍空嶙峋

登龍

唐高適

登龍遠行客壠上分流水流水無盡期行人未云已  
淺才登一命孤劍通萬里豈不思故鄉從來感知已

東平路作三首

唐高適

南園適不就東走豈吾心索索涼風動行行秋水深  
蟬鳴木葉落茲夕更秋霖

明時好畫策勳欲干王公今日無成事依依親老農  
扁舟向何處吾愛汶陽中

清曠涼夜月徘徊孤客舟渺然風波上獨夢前山秋  
秋至復搖落空令行者愁

使清夷軍入居庸三首

唐高適

匹馬行將久征途去轉難不知邊地別抵訝客衣單  
谿冷泉聲苦山空木葉乾莫言關塞極雲雪尚漫漫

二

古鎮青山口寒風落日時巖巒鳥不過冰雪馬堪遲  
出塞應無策還家賴有期東山足松桂歸去結茅茨

人部

卷一百一

十二 行路

三

登頓驅征騎樓遲愧寶刀遠行今若此微祿果徒勞  
絕坂水連下羣峰雲共高自堪成白首何事一青袍

入昌松東界山行

唐高適

鳥道幾登頓馬蹄無暫閑崎嶇出長坂合水猶前山  
石激水流處天寒松色間王程應未盡且莫顧刀環

赴彭州山行

唐高適

峭壁連崆峒攢峰疊翠微鳥聲堪駐馬林色可忘饑  
怪石時侵徑輕蘿乍拂衣路長愁作客年老思歸  
具悅巖巒勝寧嗟意緒違山行應未盡誰與玩芳菲

與鮮于庶子自梓州成都少尹自褒州同行利

州道中作

唐岑參

剖竹向西蜀岷峨眇天涯空深北關戀豈憚南路賒  
前日登七盤曠然見三巴漢水出嶓冢梁山控褒斜  
棧道籠迅湍行人貫層崖巖傾劣通馬石窄難容車  
深林怯魑魅洞穴防龍蛇水種新插秧山田正燒畬  
夜猿嘯山雨曙鳥鳴江花過午方始飯經時旋及瓜  
數公各遊宦千里皆辭家言笑忘羈旅還如在京華

赴犍爲經龍閣道

唐岑參

側徑傳青壁危梁透滄波汗流出鳥道膽碎窺龍渦

人部

卷一百一

十三 行路

驟雨暗谿谷歸雲網松蘿屢聞羌兒笛厭聽巴童歌  
江路險復永夢魂愁更多聖朝幸典郡不敢嫌岷峨

北征

唐杜甫

皇帝二載秋閏八月初吉杜子將北征蒼茫問家室  
維時遭艱虞朝野少暇日顧慙恩私被詔許歸蓬華  
拜辭詣闕下怵惕久未出雖乏諫諍資恐君有遺失  
君誠中興主經緯固密勿東胡反未已臣甫憤所切  
揮涕戀行在道途猶恍惚乾坤合瘡痍憂慮何時畢  
靡靡踰阡陌人煙眇蕭瑟所遇多被傷呻吟更流血  
回首鳳翔縣旌旗晚明滅前登寒山重屢得飲馬窟

郊入地底涇水中蕩潏猛虎立我前蒼崖吼時裂

菊垂今秋花石戴古車轍青雲動高興幽事亦可悅

山果多瑣細羅生雜橡栗或紅如丹砂或黑如點漆

雨露之所濡甘苦齊結實緬思桃源內益歎身世拙

坡陀望鄜時谷巖互出沒我行已水濱我僕猶未末

鷗鳥鳴黃桑野鼠拱亂穴夜深經戰場寒月照白骨

發秦川

唐杜甫

我衰更嬾拙生事不自謀無食問樂土無衣思南州

漢源十月交天氣涼如秋草木未黃落况聞山水幽

栗亭名更嘉下有良田疇充腸多薯蕷崖蜜亦易求

人部

卷一百一

十四 行路

密竹復冬笋清池可方舟雖傷旅寓遠庶遂平生遊  
此邦俯要衝實恐人事稠應接非本性登臨未銷憂

谿谷無異石塞田始徵收豈復慰老夫惘然難久留

日色隱孤戍烏啼滿城頭中宵驅車去飲馬寒塘流

磊落星月高蒼茫雲霧浮大哉乾坤內吾道長悠悠

宿花石戍

唐杜甫

午辭空靈岑夕得花石戍岬疏開關水木雜今古樹

地蒸南風盛春熟西日暮四序本平分氣候何回互

茫茫天造間亂豈恒數繫舟盤藤輪杖策古樵路

龍人不在村野圃泉自注柴扉雖蕪沒農器尚牢固



山東殘逆氣吳楚守王度誰能扣君門下令減征賦

石龕

唐杜甫

能罷咆我東虎豹號我西我後鬼長嘯我前猱又啼  
天寒昏無日山遠道路迷驅車石龕下仲冬見虹霓  
伐竹者誰子悲譟上雲梯爲官采美箭五歲供梁齊  
苦云直簾盡無以充提攜奈何漁陽騎颯颯驚蒸黎  
發同谷縣

唐杜甫

賢有不黔突聖有不暖席况我饑愚人焉能尚安宅  
始來茲山中休駕喜地僻奈何迫物累一歲四行役  
忡忡去絕境杳杳更遶適停驂龍潭雲迴首白崖石  
人部 卷一百一十五 行路

歸岐別數子握手淚再滴雖有情深知一作交情窮

老多慘慼平生懶拙意偶值棲遁跡去住與願違仰  
慙林間翮

遠遊

唐杜甫

江濶浮高棟雲長出斷山塵沙連越巂風雨暗荆蠻  
鴈矯銜蘆內猿啼失木間弊裘蘇季子歷國未知還

南征

唐杜甫

春岸桃花水雲帆楓樹林偷生長避地適遠更沾襟  
老病南征日君恩北望心百年歌自苦未見有知音

地隅

唐杜甫

江漢山重阻風雲地一隅年年非故物處處是窮途

喪亂秦公子悲涼楚大夫平生心已折行路日荒蕪

自閬州領妻子却赴蜀山行三首

唐杜甫

汨汨避羣盜悠悠經十年不成向南國役作遊西川  
物役水虛照魂傷山寂然我生無倚著盡室畏途邊

二

長林偃風色迴復意猶迷衫裊翠微潤馬銜青草嘶  
棧懸斜避石橋斷却尋谿何日兵戈盡飄飄愧老妻

三

人部

卷一百一十六 行路

十六

行色遞隱見人煙時有無僕夫穿竹語稚子入雲呼  
轉石驚魑魅杼弓落狖麋真供一笑樂似欲慰窮途

使還至菱陂驛渡漸水作

唐劉長卿

清川已再涉疲馬共西還何事行人倦終年流水閑  
孤煙飛廣澤一鳥向空山愁入雲峰裏蒼蒼閉古關

北歸次秋浦界清谿館

唐劉長卿

萬里猿啼斷孤村客暫依鴈過彭蠡暮人向宛陵稀  
舊路青山在餘生白首歸漸知行近北不見鷓鴣飛

救恩重推使牒追赴蘇州次前谿館作

唐劉長卿

漸入雲峰裏愁看驛路開亂鴉投落日疲馬向空山  
且喜憐非罪何心戀末班天南一萬里誰料得生還

新息道中作

唐劉長卿中

蕭條獨向汝南行客路多逢漢騎營古木蒼蒼離亂  
後幾家同住一孤城

適楚次徐城

唐錢起中

去家隨旅鴈幾日到南荆行邁改鄉邑苦辛淹晦明  
畏途在淫雨未暮息趨程窮木對秋館寒鴉愁古城  
迷津坐爲客對酒默含情感激念知己匣中孤劍鳴  
自常州還江陰途中作

唐李嘉祐中

人部

卷一百一

十七行路

處處空籬落江村不忍看無人花色慘多雨鳥聲寒  
黃霸初臨郡陶潛未罷官乘春務征伐誰肯問凋殘  
遠行

原作  
擬古

唐韋應物中

辭君遠行邁飲此長恨端已謂道里遠如何中險艱  
流水赴大壑孤雲還暮山無情尚有歸行子何獨難  
驅車背鄉園朔風吹一作卷行迹嚴冬霜斷肌日入不  
遑息憂歡一作客一作髮變寒暑人事易中心君詎  
知水玉徒貞白

渡汝水向太和山

唐皇甫冉中

落日事攀涉西南投一峰誠知秋水淺但怯無人蹤

旅次漢故時

唐耿湋中

我行過漢時寥落見孤城邑里經多難兒童識五兵  
廣川桑遍綠叢薄雉連鳴惆悵蕭關道終軍願請纓  
赴資陽經嶓漢水所出元祐三年已授此官

唐羊士諤中

寧辭舊路駕朱轡重使疲人感漢恩今日鳴騶到嶓  
峽還勝博望至河源

過商山

唐戎昱中

雨暗商山過客稀路傍孤店閉柴扉卸鞍良久茅簷  
下待得巴人樵採歸

人部

卷一百一

十八行路

道州途中卽事

唐呂溫中

零桂佳山水榮口舊自同經途看不暇遇境說難窮  
疊嶂青時合澄湘漫處空舟移明鏡裏路入畫屏中  
巖壑千家接松蘿一徑通魚煙生縹緲犬吠隔龍蔥  
戲鳥留餘翠幽花恹晚紅光翻沙瀨日香散橘園風  
信美非吾土分憂屬賤躬守愚資地僻卹隱望年豐  
且保心能靜那求政必工諫終知免戾歸養洛城東  
過南陽

唐韓愈中

南陽郭門外桑下麥青青行子去未已春鳩鳴不停  
秦商邈既遠湖海浩將經孰忍生以感吾其寄餘齡

夢澤行

唐孟郊中

楚山爭蔽虧日月無全輝  
楚路遶迴惑旅人多迷歸  
騏驎思北首鷓鴣願南飛  
我懷京雒遊未厭風塵衣

遠遊

唐孟郊中

慈鳥不遠飛孝子念先歸  
而我獨何事四時心有違  
江海戀空積波濤信來稀  
長爲路傍食堵盡家中衣  
遠行少童僕驅使無是非  
爲性玩好盡積愁心緒微  
始知時節駛愛一作日非長暉

鄧州路中作

唐白居易中

蕭蕭誰家林秋梨葉半拆  
漠漠誰家園秋花初白

卷一百一

十九行路

路逢故里物使我嗟行役  
不歸渭北村又作江南客  
去鄉徒自苦濟世終無益  
自問波上萍何如澗中石  
發白狗峽次黃牛峽登高寺却望忠州

唐白居易中

白狗次黃牛灘如竹節稠  
路穿天地險人續古今愁  
忽見千花塔因停一葉舟  
畏途常迫促靜境暫淹留  
巴曲春全盡巫陽雨半收  
北歸雖引領南望亦迴頭  
昔去悲殊俗今來念舊遊  
別僧山北寺拋竹水西樓  
郡樹花如雪軍廚酒似油  
時時大開口自笑憶忠州

商山路有感

唐白居易中

萬里路長在六年身始歸  
所經多舊館大半主人非

渡桑乾

唐賈島中

客舍并州已十霜歸心日夜憶咸陽  
無端更渡桑乾水却望并州是故鄉

廣陵道中

唐許渾晚

城勢已坡陀城邊東逝波  
綠桑非苑樹青草是宮莎  
山暝牛羊少水寒鳧鴈多  
因高一迴首還添黍離歌

南遊

唐于鵬晚

窮秋幾日雨處處生蒼苔  
舊國寄書後涼天方鴈來  
露繁山草濕洲暖水花開  
去盡同行客一帆猶未回

卷一百一

二十一行路

出都門

唐羅鄴晚

青門春色一花開長到花時把酒盃  
自覺無家似潮水不知歸處去還來

途中

唐崔塗晚

鏡中絲髮悲來慣衣上塵痕拂漸難  
惆悵江湖釣竿手却遮西日向長安

秋日憊爲道中

唐崔塗晚

久客厭岐路出門吟且悲  
平生未到處落日獨行時  
芳草不長綠故人無重期  
那堪更南渡鄉國已天涯

申州道中

唐崔塗晚

風緊日淒淒鄉心向此迷水分平楚閣山接故關低  
客路緣烽火人家厭鼓鼙那堪獨馳馬江樹穆陵西  
○曉行

曉發

梁何遜

早霞麗初日清風消薄霧水底見行雲天邊看遠樹  
且望公沂劇暫有江山趣疾免聊復起爽地豈能賦

旦發青林

齊孔稚珪

孤征越清江遊子悲路長二旬倏以滿三千眇未央  
草雜今古色巖留冬夏霜寄懷中山舊舉酒莫相忘

早發龍巢

梁元帝

八部

卷一百一

曉行

曉行

征人喜放溜曉發晨陽隈初言前浦合定覺近洲開  
不疑行舫動唯看遠樹來還瞻起漲岸稍隱陽雲臺

早發揚州還望鄉邑

隋孫萬壽

鄉關不再見悵望窮此晨山煙蔽鍾阜水霧隱江津  
洲渚斂寒色杜若變芳春無復歸飛羽空悲沙塞塵

易陽早發

唐王勃

飭裝侵曉月奔策候殘星危閣尋丹嶂回梁屬翠屏  
雲間迷樹影霧裏失峰形復此涼飈至空山飛夜螢

早行

唐楊炯

敝服東方微闌干北斗斜地氣俄成霧天雲漸作霞

河流纔辨馬巖路不容車阡陌經三歲閭閻對五家  
露文沾細草風影轉高花日月從來惜關山猶自賒

春霽早行

唐駱賓王

年華問早律霽色蕩芳長城闕千門曉山河四望春  
御溝通太液戚里對平津寶瑟調中婦金鼎引上賓  
劇談推曼倩驚坐揖陳遵意氣一言合風期萬里親  
自惟安直道守拙忌因人談器非先木圖榮異後薪  
椰榆慙路鬼憔悴切波臣玄草終疲漢烏裘幾滯秦  
生涯無歲月岐路有風塵還嗟太行道處處白頭新

早發諸暨

唐駱賓王

八部

卷一百一

曉行

曉行

征夫懷遠路風駕上危巒薄煙橫絕巘輕東澗迴湍  
野霧連空暗山風入曙寒帝城連霸涘禹穴枕江干  
橘性行應化蓬心去不安獨掩窮途淚長歌行路難

早發苦竹館

唐李嶠

合沓巖嶂深朦朧煙霧曉荒阡下樵客野猿驚山鳥  
開門聽潺湲入徑尋窈窕棲巖抱寒木流螢飛暗篠  
早霞稍霽霏殘月猶皎皎行看遠星稀漸覺游氛少  
我行撫輶傳兼得傍林沼貪翫水石奇不知川路渺  
徒憐野心曠詎憫浮年小方解龍辱情永託累塵表

早發始興江口至虛氏村作

唐宋之問

候曉踰閩嶠乘春望越臺宿雲鵬際落殘月蚌中開  
薜荔搖青氣枕椰簷碧苔桂香多露裏石響細泉回  
抱葉玄猿嘯銜花翡翠來南中雖可悅北思日悠哉  
鬢髮俄成素丹心已作灰何當首歸路行翦故園萊

早發韶州

唐宋之問 初

炎微行應盡迴瞻鄉路遙珠崖天外郡銅柱海南標  
日夜清明少春冬霧雨饒身經大火熱顏入瘴江消  
觸影含沙怒逢人女草搖露濃看菌濕風颭覺船飄  
直禦魑將魅寧論鵠與鷁虞翻思報國許靖願歸朝  
綠樹秦京道青雲洛水橋故園長在目竟去不須招

人部

卷一百一

王士

曉行

曉發方驛驛

唐蘇頌 初

傳置遠山蹊龍鍾蹴澗泥片陰常作雨微照已生霓  
鬢髮愁氛換心情險路迷方知向蜀老偏識子規啼

曉發興州入陳平路

唐蘇頌 初

旌節指巴岷年年行且巡暮來青嶂宿朝去綠江春  
魚貫梁緣馬猿奔樹息人邑祠猶是漢谿道即名陳  
舊史饒遷謫恒情厭苦辛寧知報恩者天子一忠臣

曉發

唐賀知章 初

故鄉杳無際江臯聞曙鐘始見沙上鳥猶埋雲外峰

早行

唐郭良 盛

早行星尚在數里未天明不辨雲林色空聞風水聲  
月從山上落河入斗間橫漸至重門外依稀見洛城

途中曉發

唐崔曙 盛

曉霧長風裏勞歌赴遠期雲輕歸海疾月滿下山遲  
旅望因高盡鄉心遇物悲故林遙不見況在落花時

曉發公安數月憩息此縣

唐杜甫 盛

北城擊柝復欲罷東方明星亦不遲鄰雞野哭如昨  
日物色生能幾時舟楫眇然自此去江湖遠適無  
前期出門轉眄已陳迹藥餌扶吾隨所之

早渡伊川見舊作

唐錢起 中

人部

卷一百一

王士

曉行

鷓鴣鳴早霜秋水寒旅涉漁人昔鄰舍相見具舟楫  
出浦興未盡向山心更慙村落通白雪茅茨隱紅葉  
東臯滿時稼歸客欣復業

秋江早發

唐劉禹錫 中

輕陰迎曉日霞霽秋江明草樹含遠思襟懷有餘情  
凝睇萬象起朗吟孤憤平渚鴻未矯翼而我已遐征  
因思市朝人方聽晨雞鳴昏昏戀衾枕安見天地英  
納爽耳目變玩奇筋骨輕滄洲有奇趣浩然吾將行

途中早發

唐劉禹錫 中

馬踏塵上霜月明江頭路行人朝氣銳宿鳥相辭去

流水隔遠村縵山多紅樹悠悠關塞內往來無閑步

早發小堤驛

唐王建中

蟲聲四野合月色滿城白家家閉戶眠行人發孤驛  
慰遠時問程驚昏忽搖策從軍豈云樂憂患長繁積  
唯願在家貧團圓過朝夕

早發楚城驛

唐白居易中

過雨塵埃滅沿江道徑平月乘殘夜出人趁早涼行  
宿大聞鈴起棲禽見火驚曉曉煙樹色十里始天明

早行

唐劉郇伯中一作楊

鐘靜人猶寢天高月自涼一星深戍火殘月半橋霜

人部

卷一百一

二五

晚行

早發

唐于漬晚

綠野含曙光東北雲如茜棲鴉林際起落月水中見

早行

唐劉駕晚

馬上續殘夢馬嘶時復驚心孤行多虞僮僕近我行  
栖禽未分散落日照古城莫羨居者閑冢邊人已耕

早行

唐杜牧晚

垂鞭信馬行數里未雞鳴林下帶殘夢葉飛時忽驚  
霜凝孤鶴迴月曉遠山橫僮僕休辭慮時平路復平

商山早行

唐溫庭筠晚

晨起動征鐸客行悲故鄉雞聲茅店月人跡板橋霜

槲葉落山路枳花鳴驛牆因思杜陵夢鳬鴈滿迴塘

曉發

唐姚鵠晚

旅行宜早發况復是南歸月影綠山盡鐘聲隔浦微  
殘星螢共失落葉鳥和飛去去渡南路村中人出稀

早發故園

唐馬戴晚

語別在中夜登車離故鄉曙鐘寒出岳寺殘月迴  
凝霜風柳條多折沙雲氣盡黃行逢海西鴈零落不

成行

○夜行

晚行併入

辛丑歲七月赴假還江陵夜行塗口作

人部

卷一百一

二六

夜行

晉陶淵明

閒居三十載遂與塵事冥詩書敦宿好林園無俗情  
如何捨此去遙遙至南西一作荆叩柅新秋月臨流別

友生涼風起將夕夜景湛虛明昭昭天宇闊晶晶川  
上平懷役不遑寐中宵尚孤征商歌非吾事依依在

耦耕投冠旋舊墟不為好爵榮養真衡茅下庶以善

自名

夜發石關亭

宋謝靈運

隨山踰千里浮谿將十夕鳥歸息舟楫星闌命行役  
亭亭曉月映泠泠朝露滴



京路夜發

齊謝朓

擾擾整夜裝肅肅戒徂兩曉星正寥落晨光復漾漾  
猶沾餘露團稍見朝霞上故鄉邈已負山川脩且廣  
文奏方盈前懷人去心賞敕躬每踟躕瞻恩惟震蕩  
行矣倦路長無由稅歸鞅

暫使下都夜發新林至京邑贈西府同僚

齊謝朓

大江流日夜客心悲未央徒念關山近終知返路長  
秋河曙耿耿寒渚夜蒼蒼引領見京室宮雉正相望  
金波麗鵠鵠玉繩低建章驅車鼎門外思見昭丘陽

人部

卷一百一

夜行

馳暉不可接何況隔兩鄉風雲有鳥路江漢限無梁  
常恐鷹隼擊時菊委嚴霜寄言尉羅者寥廓已高翔

夜發密嚴口

梁丘遲

弭棹纔假寐擊汰已爭先敞朗朝霞澈驚明曉魄懸  
萬尋仰危石百丈窺重泉叢枝上點點崩溜下填填

麻平晚行

唐王勃

百年懷土意千里倦遊情高低尋戍道遠近聽泉聲  
磬樂纔分色山花不辨名羈心何處盡風急暮後清

晚次樂鄉縣

唐陳子昂

故鄉杳無際日暮且孤征川原迷舊國道路入邊城

野戍荒煙斷深山古木平如何此時恨嗷嗷夜猿鳴

夕次蘇州

唐李義山

洛渚問吳潮吳門想洛橋夕煙楊柳岸春水木蘭橈  
城邑南樓近星辰北斗遙無因生羽翼輕舉託還飈

夜發三泉卽事

唐蘇頌

暗發三泉山窮秋聽驪屑北林夜鳴雨南望曉成雪  
祇詠北風涼詎知南土熱沙谿忽沸渭石道乍明滅  
宛若銀磧橫復如瑤臺結指程賦所戀遇虞不違歇  
重續濡莫解懸旌凍猶揭下奔泥棧楮上觀雲梯設  
搏頰羸馬頻回昨喘人跌憧憧復往還心注思愈切

人部

卷一百一

夜行

冉冉年將病力困衰怠竭天彭信方隅城地一作勢誠  
斗絕忝忝尚書履叨兼使臣節京坻有歲饒亭障無  
邊孽歸奏丹墀左鸞能俟來哲

晚濟膠川南入密界

唐蘇頌

飲馬膠川上傍膠南趨密林遙飛鳥遲雲赤一作晴  
山日落暉隱桑柘深秋尚被一作花實慘然遊子寒風

露將蕭瑟

自始興谿夜上赴嶺

唐張九齡

嘗蓄名山意茲爲世網牽征途屢及此初服已非然  
日落青巖際谿行綠篠邊去舟乘月後歸鳥息人前

數曲迷幽嶂連圻觸蘭泉深林風緒結遙夜客情懸  
非梗胡為泛無膏亦自煎不知干役者相樂在何年

晚至鄉亭

唐鄭德玄

長亭日已暮駐馬暫盤桓山川杳不極徒侶默相看  
雲夕荆臺暗風秋郢路寒客心一如此誰復采芳蘭

夕發箭場巖下作

唐錢起

行役不遑安在幽機轉發山谷無明晦谿霞自興沒  
朝櫛杉下風夕飲石上月懿爾青雲士垂纓朝鳳闕  
寧知採竹人每食慚薇蕨

晚入宣城界

唐錢起

人部 卷一百十

二九

斜日片帆陰春風孤客心山來指樵路岸去惜花林  
海氣蒸雲黑潮聲隔雨深鄉愁不可道浦宿聽猿吟

晚至華陰

唐權德輿

臘盡促歸心行人及華陰雲霞仙掌出松柏古祠深  
野渡水生岸寒川燒隔林溫泉看漸近宮樹晚沈沈

夕發郊寧寄從弟

唐馬戴

半酣走馬別別後鎖邊城日落月未上鳥棲人獨行  
方馳故國戀復愴長年情入夜不能息何當關此生

詩雋類函卷一百十

詩雋類函卷一百十一

東吳俞安期彙纂 宣城梅鼎祚增定

新都汪士龍訂校

人部五十三

舟行

阻風雨附

旅泊

○舟行

還都帆

晉湛方生

高岳萬丈峻長湖千里清白沙窮年潔林松冬夏青  
水無暫停流木有千載貞寤言賦新詩忽忘羈客情

初發入南城

宋謝靈運

人部

卷一百十一

舟行

弄波不輟手玩景豈停目雖未登雲峰且以歡水宿  
初往新安桐廬口

宋謝靈運

締綈雖淒其授衣尚未至感節良已深懷古亦云作

微思不有千里棹孰申百代意遠協尚子心遙得許

生計既及冷風善又即秋水駛江山共開開一作曠雲

日相照媚景夕羣物清對玩咸可意

初發石首城

宋謝靈運

白珪尚可磨斯言易為緇雖抱中孚爻猶勞貝錦詩  
寸心若不亮微命察如絲日月垂光景成貸遂兼茲  
出宿薄京畿晨裝博曾廳重經平生別再與朋知辭

故山日已遠風波豈還時迢迢萬里帆茫茫終何之  
遊當羅浮行息必廬霍期越海陵三山遊相歷九嶷  
欽聖若旦暮懷賢亦悽其皎皎明發心不爲歲寒欺  
上潯陽還都道中作 宋鮑照

昨夜宿南陵今旦入蘆洲客行惜日月崩波不可留  
侵星赴早路畢景逐前儔鱗鱗夕雲起獵獵晚一作晚

風道騰沙鬱黃霧翻浪揚白鷗登艫眺淮甸掩泣望  
荆流絕目盡平原時見遠煙浮倏忽坐還合俄思甚  
兼秋未嘗違戶庭安能千里遊誰令乏古節貽此越  
鄉憂

人部

卷百上

二 舟行

還都道中三首

宋鮑照

悅懌遂還心踊躍貪至勤鳴雞戒征路暮息落日分  
急流騰飛沫回風起江濱孤獸啼夜侶離鴻噪霜羣  
物哀心交橫聲切思紛紜歎慨訴同旅美人無相聞

二

風急訊灣浦萊高偃檣舳舻聽江上波達極千里目  
寒律驚窮給爽氣起喬木隱隱日沒岫瑟瑟風發谷  
鳥還暮林誼潮上水結淤夜分霜下淒悲端出遙陸  
愁來攢人懷羈心苦獨宿

三

久宦迷遠川川廣每多懼薄止間邊亭關歷險程路  
靈對冥隅岫濛昧江上霧時涼賴爭吹流沔浪奔趣  
注 惻焉增愁起搔首東南顧茫然荒野中舉目皆  
凜素回風揚江泌寒鴉棲動樹太息終晨漏企我歸  
歲遇

還都至三山望石頭城

宋鮑照

泉源安首流川末澄遠波晨光被水族曉氣歇林阿  
兩江皎平迴三山鬱駢羅南帆望越嶠北榜指齊河  
關局繞天邑襟帶抱尊華長城非壑峻峻咀似荆芽  
攢樓貫白日摘堞隱丹霞征夫喜觀國遊子遲見家

人部

卷百上

三 舟行

流連入京引躑躅望鄉歌彌前歎景促逾近勸路多  
偕萃猶如茲弘易將謂何

初至壽春作

梁吳均

桓譚不賣交馮子任紆直浮溺逐波影飄揚恣風力  
北州少知舊南陽寡相識中駕每傾輪當塞復摧翼  
望美無津梁私自憐何極

之零陵郡次新亭

梁范雲

江干遠樹浮天末孤煙起江天自如合煙樹還相似  
滄流末可源高飄去何已

初發新林

梁何遜

伊昔負薪暇慕義遊梁楚短翮忘連翩追飛散客與  
優游沐道教漸漬淹寒暑大德本無酬輕生竊自許  
舟歸屬海運風積如鵬舉浮水暗舟艫合岍宣徒侶  
漂漂窮秋暮初寒入洲渚鏡吹響清江懸旗出長嶼  
危檣迴不進杳浪高難拒回首泣親賓中天望宛許  
帝城猶隱約家園無處所去矣方悠悠含意將何語

出新林

梁劉孝威

芒山眊洛邑函谷望秦京遙分承露掌遠見長安城

故鄉已可識遊子必勞情霧罷前林見一作曠風息涌

川平坐觀暮潮落漸見夕煙生無由一羽化徒想御

風輕

卷百上

四

舟行

凌朝浮江旅思

唐馬周初

太清上初日春水送孤舟山遠疑無樹潮平似不流

岸花開且落江鳥沒還浮羈望傷千里長歌遣四愁

晚渡浮沱詠贈魏大

唐盧照鄰初

津谷朝行遠水川夕望曛霞明深淺浪風卷去來雲

澄波泛月影激浪聚沙文誰忍仙舟上攜手獨思君

渡瓜步

唐駱賓王初

捧檄辭幽徑鳴榔下貴州驚濤疑躍馬積氣似連牛

月迴黃沙淨風急夜江秋不學浮雲影他鄉空滯流

萬州曉發放舟乘漲還寄蜀中親友

唐陳子昂初

空蒙巖雨霽爛熳曉雲歸嘯旅乘明發弄橈驚斷磯  
蒼茫林岫轉絡繹漲濤飛遠岸孤雲出遙峰曙日微  
前瞻未能朐坐望已相依曲直還今古經過失是非  
多岐方浩浩征思日騑騑寄謝千金子江海事多違  
自昌黎郡汭流至白石嶺下行入郴州

唐沈佺期初

茲山界夷夏天險一作險橫寥廓太史漏登探文命限

開鑿北流自南瀉羣峰回衆壑馳波如電騰激石似

人部

卷百上

五

舟行

雷落崖留盤古樹間蓄神農藥乳實何淋漓苔蘚更

綵錯娟娟潭裏虹渺渺灘邊鶴歲杪應流火天高雲

霧薄金風吹綠梢玉露洗紅簪汭舟始興廨登踐桂

陽郭匍匐緣脩坂穿墜曳長紵一作紵礙林阻往來過

堰毋前卻救難不遑食飯畢昏無託一作救難不遑

濯谿寧足懼磴道誰云惡我行湍險多山水皆不若

安能獨見聞書此遺京洛

早發昌平島

唐沈佺期初

解纜春風後鳴榔曉帳前陽鳥出海樹雲鴈下江煙

積氣衝長島浮光溢大川不能懷魏闕心賞獨泠然

下桂江縣黎壁

唐宋之間

放溜觀前叙連山紛上千江迴雲壁轉天小霧峰攢  
吼沫跳急浪合流環峻難歌雜出旋劃繚繞避湍盤  
舟子怯桂水最云斯路難吾生抱忠信吟嘯自安閑  
旦別已千歲夜愁勞萬端企予見夜月委曲破林巒  
潭曠竹煙盡洲香橘露溥豈傲夙所好對之與俱歡  
思君罷琴酌泣此夜漫漫

發端州初入西江

唐宋之間

問我將何去清晨泝越嶺翠微懸宿雨丹壑飲晴霓  
樹影稍雲密藤陰覆水低潮回出浦駛洲轉望鄉迷

卷百上

六

人部

卷百上

七

人意長懷北江行日向西破顏看鵲喜拭淚聽猿啼  
骨肉初分愛親朋忽解攜路遙魂欲斷身辱理能齊  
疇日三山意于茲萬緒睽金陵有仙館卽事尋丹梯

下江南向夔州

唐張說

天明江霧歇洲浦棹歌來綠水逶迤去青山相向開  
城臨蜀帝祀雲接楚王臺舊知巫山上遊子共徘徊

未陽谿夜行

唐張九齡

乘夕棹歸舟綠源路轉幽月明看嶺樹風靜聽谿流  
嵐氣船間入霜華衣上浮猿聲雖此夜不是別家愁

西江夜行

唐張九齡

遙夜人何在澄潭月裏行悠悠天宇曠切切故鄉情  
外物寂無擾中流澹自清念歸林葉換愁坐露華生  
猶有汀洲鶴宵分乍一鳴

下京口埭夜行

唐孫逖

孤帆度綠氛寒浦落紅曛江樹朝來出吳歌夜漸聞  
南溟接湖水北斗近鄉雲行役從茲去歸情入鴈羣

曉行巴峽

唐王維

際曉投巴峽餘春憶帝京晴江一女浣朝日衆雞鳴  
水國舟中市山橋樹杪行登高萬井出眺迴二流明  
人作殊方語鶯爲舊國聲賴諳山水趣稍解別離情

早入榮陽界

唐王維

汎舟一榮澤茲邑乃雄藩河曲閭閻隘川中煙火繁  
因人見風俗入境聞方言秋晚田疇盛朝光市井喧  
漁商波上客雞犬岸傍村前路白雲外孤帆安可論

沂江至武昌

唐孟浩然

家本洞湖上歲時歸思催客心徒欲速江路苦迴迴  
殘凍因風解新梅度臘開行看武昌柳髮髯映樓臺

舟中曉望

唐孟浩然

挂席東南望青山水國遙舳艫爭利涉來往任風潮  
問我今何適天台訪石橋坐看霞色曉疑是赤城標

發錦沙村

唐崔顥 盛

工途未半南行歲已闌孤舟下建德江水入新安  
海近山常雨谿深地早寒行行怕不可須及于陵灘  
晚入汴水

唐崔顥 盛

昨晚南行楚今朝北汴河客愁能幾日鄉路漸無多  
晴景搖津樹春風起棹歌長淮亦已盡寧復畏潮波

舟行入剡

唐崔顥 盛

地氣秋仍濕江風晚漸涼山梅猶作雨谿橘未知霜  
謝客文逾盛林公未可忘多慙越中好流恨閱時芳

晦日馬鐙曲稍次中流作

唐常建 盛

人部

卷一草

八 舟行

夜寒宿蘆葦曉色明西林初日在川上便澄遊子心  
秦天無纖翳郊野浮春陰波靜隨釣魚舟小綠水深  
出浦見千里曠然詣遠尋扣船應漁父因唱滄浪吟

東歸發健爲至泥谿舟中作

唐岑參 盛

前日解侯印泛舟歸山東平日發健爲逍遙信迴風  
夜泊防虎豹朝行逼魚龍一道鳴迅湍兩邊走連峰  
猿拂岸花落鳥啼巖樹重煙霧吳楚連汴沿湖海通

月夜江行寄崔員外宗之

唐李白 盛

飄飄江風起蕭蕭海樹秋登艫美清夜挂席移輕舟  
月隨碧山轉水合青天流杳如星河上但覺雲林幽

歸路方浩浩徂川去悠悠徒悲蕙草歇復聽菱歌愁  
岸曲迷後浦沙明瞰前洲懷君不可見望遠增離憂

唐李白 盛

渡荆門送別

渡遠荆門外來從楚國遊山隨平野盡江入大荒流  
月下飛天鏡雲生結海樓仍憐故鄉水萬里送行舟  
早發白帝城

唐李白 盛

朝辭白帝彩雲間千里江陵一日還兩岸猿聲啼不  
盡輕舟已過萬重山

次空靈岸

唐杜甫 盛

云云逆素浪落落展清眺幸有舟楫遲得盡所歷妙

人部

卷一草

九 舟行

空靈霞石峻楓栝隱奔峭青春猶無私白日亦偏照  
可使營五居終焉託長嘯毒瘴未足憂兵戈滿邊徼  
嚮者留遺恨耻爲達人誚迴帆覲賞延佳處領其要

發潭州

唐杜甫 盛

夜醉長沙酒曉行湘水春岸花飛送客檣燕語留人  
賈傅才未有褚公書絕倫名高前後事回首一傷神  
舟中出江陵南浦奉寄鄭少尹審

唐杜甫 盛

更欲投何處飄然出此都形骸元土木舟楫復江湖  
社稷纏妖氣干戈送老儒百年同棄物萬國盡窮途



雨洗平沙淨天街闊岸紆鳴鶯隨汎梗別燕赴秋菰  
栖託難高臥饑寒迫向隅寂寥相煦沫浩蕩報恩殊  
溟漲鯨波動衡陽鴈影徂南征問懸榻東逝想乘桴  
濫竊商歌聽時憂下泣誅經過憶鄭驛斟酌旅情孤  
大曆三年春白帝城放船出瞿塘峽久居夔府  
將適江陵漂泊有詩凡四十韻

唐杜甫 盛

老向巴人裏今辭楚塞隅入舟翻不樂解纜獨長吁  
窄轉深啼飲虛隨亂浴巖石苔凌几杖空翠撲肌膚  
疊壁排霜劒奔泉濺水珠杳冥藤上下濃淡樹榮枯  
人部 卷一百一十一 舟行

神女峰娟妙昭君宅有無曲留明怨惜夢盡失歡娛  
擺闔盤渦沸欹斜激浪輪風雷纏地脉水雪耀天衢  
鹿角真走險狼頭如跋胡惡難寧變色高臥負微軀  
書史全傾撓裝囊半壓濡生涯臨臬兀死地脫斯須  
不有平川决焉知衆壑趨乾坤霾漲海雨露洗春無  
鷗鳥牽絲颺驪龍濯錦紆落霞沈綠綺殘月壞金樞  
泥笋苞初荻沙茸出小蒲鴈兒爭水馬燕子逐橋烏  
絕島容煙霧環洲納曉晡前聞辨陶牧轉盼拂宜都  
縣郭南畿好津亭北望孤勞心依憩息朗詠劃昭蘇  
意遣樂還笑衰迷賢與愚飄蕭將素髮汨沒聽洪鑪

丘壑曾忘返文章敢自誣此生遭聖代誰分哭窮途  
臥病淹爲客蒙恩早廁儒廷爭酬造化樸直乞江湖  
豔頰險相迫滄浪深可逾浮名尋已已嬾計却區區  
喜近天皇寺先披古畫圖應經帝子渚同泣舜蒼梧  
朝士兼戎服君王按湛盧旄頭初傲擾鷄首麗泥塗  
甲卒身雖貴書生道固殊出塵皆野鶴歷塊匪駿駒  
伊呂終難降韓彭不可呼五雲高太甲六月曠搏扶  
回首黎元病爭權將帥誅山林託疲薶未免崎嶇  
回棹 唐杜甫 盛

宿昔試安命自私猶畏天勞生繫一物爲客費多年  
人部 卷一百一十一 舟行

衡岳江湖大蒸池疫癘偏散才嬰薄俗有跡負前賢  
中拂那關眼瓶罍易滿船火雲滋垢膩凍雨裹沈綿  
強飯尊添滑端居茗續煎清思漢水上涼憶峴山巔  
順浪翻堪倚迴帆又省牽吾家碑不昧王氏井依然  
几杖將衰齒茅茨寄短椽灌園曾取適遊寺可終焉  
遂性同漁父成名異魯連篙師煩爾送朱夏及寒泉  
寒夜谿行舟中作 唐獨孤及 盛

日沈諸山昏寂歷羣動宿孤舟獨不繫風水夜相逐  
雲歸恒星白霜下天地肅月輪大如盤金波入空谷  
魏闕萬里道羈念千慮束倦飛思故巢敢望梧與竹

沈吟登樓賦中夜起三復憂來無良方歸候春酒熟

早發龍沮館舟中寄東海徐司倉鄭司戶

唐獨孤父

沙禽相呼曙色分漁浦鳴榔十里聞正當秋風度楚  
水况值遠道傷離羣津頭却望後湖岫別處已隔東  
山雲停艫自送北歸翼惜無瑤華持寄君

舟行旦發

唐張軫

夜帆時未發同侶暗相催山曉月初下江鳴潮自來  
稍分楊子岫不辨越王臺自客水鄉裏舟行知幾迴

江行無題十首

唐錢起

人部

卷百十一

十三 舟行

傾酒向漣漪乘流欲去時寸心同尺璧投此報馮夷

二

江曲全縈楚雲飛半自秦峴山回首望如別故鄉人

往年累登峴亭

三

翳日多喬木維舟取束薪靜聽江叟語盡是厭兵人

四

帆翅初張處雲鵬怒翼同莫愁千里路自有到來風

五

斗轉月未落舟行夜已深有村知不遠風便數聲聞

六

岫色連荒色村聲樂稔年晚晴食穫稻閑却採菱船

七

蛩響依沙草螢飛透水煙夜涼誰詠史空泊運租船

八

映竹疑村好穿蘆覺渚幽漸安無曠土薑芋當農收

九

見底高秋水開懷萬里天旅吟還有伴沙柳數枝蟬

十

咫尺愁風雨匡廬不可登祗疑香霧窟猶有六朝僧

人部

卷百十一

十三 舟行

自夏口至鸚鵡洲夕望岳陽寄元中丞

唐劉長卿

江洲無浪復無煙楚客相思益渺然漢口夕陽斜渡  
鳥洞庭秋水遠連天孤城背嶺寒吹角獨戍臨江夜

泊船賈誼上書憂漢室長沙謫去古今憐

下武昌江行

唐司空曙

悠悠次楚鄉楚口下涖陽雪隱洲渚暗沙高蘆荻黃  
漁人共留滯水鳥自喧翔懷土年空盡春風又淼茫

鷓鴣路行呈陸中丞

唐孟郊

鷓鴣路不可越二十六渡谿有物飲碧水高林挂青規

歷覽道更險驅使跡頻睽視聽易常主心魂互相迷  
浪石忽搖動沙堤信難躋危峰紫霄外古木浮雲齊  
出徂望汝郡大賢多招攜疲馬戀舊秣驛舍思故栖  
應憐泣楚玉棄置如塵泥

舟行寄李湖州

唐張籍中

客愁無次第川路重辛勤藻密行舟澀灣多轉櫂頻  
薄遊空感惠失計自憐貧賴誦汀洲句時時慰遠人

秋夜船行

唐嚴維中

扁舟時屬暝月上有餘輝海燕秋還去漁人夜不歸  
中流何寂寂孤棹也依依一點前村火誰家未掩扉

人部

卷一百一

十四無行

嶺南江行

唐柳宗元中

瘴江南去入雲煙望盡黃茅是海邊山腹雨晴添象  
跡潭心日暖長蛟涎射工巧伺遊人影颶母偏驚旅  
客船從此憂來非一事豈容華髮待流年

初下漢江舟中作寄兩省舍

唐白居易中

秋水浙紅粒朝煙烹白鱗一食飽至夜一卧安達晨  
晨無朝謁勞夜無直宿勤不知兩掖客何以扁舟人  
江州赴忠州至江陵已來舟中示舍弟

唐白居易中

肯作咸秦客常思江海行今來仍盡室此去又專城

典午猶為幸分憂固是榮解簪簪州乘送艘艤驛船迎  
共載皆妻子同遊即弟兄寧辭浪迹遠且貴賞心并

雲展帆高挂騰馳棹迅征沂流從漢浦循路轉荆衡  
山逐時移色江隨地改名風光近東早水木向南清

夏口煙孤起湘川雨半晴日煎紅浪沸月射白沙明  
北渚寒留鴈南枝暖待鶯駢朱桃露萼點翠柳含萌

亥市魚鹽聚神枝鼓笛鳴壺漿椒葉氣歌曲竹枝聲  
繫纜憐沙靜垂綸愛听平水餐紅粒稻野茹紫花菁

容易來千里斯須進一程未曾勞力氣漸覺有心情  
卧穩添春睡行遲帶酒醒孤舟萍一葉雙鬢雪千莖

人部

卷一百一

十五無行

險路應須避迷途莫共爭此心知足何物要經營  
晦即全身藥明為伐性兵知之一何晚猶足保餘生

汴河路有感

唐白居易中

三十年前路孤舟重往還繞身新眷屬舉目舊鄉關  
事去唯留水人非但見山啼襟與愁鬢此日兩成斑

曉發鄞江北渡寄崔韓二

唐許渾晚

南北信多岐生涯半別離地窮山盡處江泛水寒時  
露曉兼葭重霜晴橘柚垂無勞促回櫂千里有心期

新定途中

唐杜牧晚

無端偶效張文紀下杜鄉園別五秋重過江南更千

里萬山深處一孤舟

行子苦風泊舟貽潘少府

以下阻風雨

唐儲光義

行子苦風潮維舟未能發宵分卷前幔卧視秋水月  
四澤蒹葭深中洲煙火絕蒼蒼水霧起落落疎星沒  
所遇盡漁樵與言多楚越其如念極浦又以思明哲  
常言千餘里况之異鄉別

江上阻風雨

唐岑參

江上風欲來泊舟未能發氣昏雨未過突兀山復出  
積浪成高丘盤渦爲歎窟雲低岼花掩水漲灘草沒

卷一百一

十六

老樹蛇蛻皮崩崖龍退骨平生抱忠信艱險殊可忽

○旅泊

赴荊州泊三江口

梁元帝

涉江望行旅金鉦間綵旂水際含天色虹光入浪浮  
柳條恒拂岼花氣盡薰舟叢林多故社單戎有危樓  
疊鼓隨朱鷺長蕭應紫驕蓮舟夾羽斃畫舸覆緹油  
榜歌殊未息於此泛安流

宿南洲浦

梁何遜

幽棲多暇豫從役知辛苦解纜及朝風落帆依暝浦  
違鄉已信次江月初三五沈沈夜看流淵淵朝聽鼓

霜洲渡旅鴈朔颼吹宿莽夜淚坐淫淫是夕偏懷土

夕逗繁昌浦

梁劉孝綽

日入江風靜安波似未流岼廻知舳轉解纜覺船浮  
暮煙生遠渚夕鳥赴前洲隔山聞戍鼓傍浦喧棹謳  
疑是辰陽宿於此逗孤舟

月半夜泊鵲尾

梁劉孝綽

客行三五夜息棹隱中洲月光隨浪動山影逐波流

夜泊巴陵

梁朱超

月夜三江靜雲霧四邊收淤泥不通挽寒浦劣容舟  
廻風折長草輕水斷細流古村空列樹荒戍久無樓

人部

卷一百一

十七

旅泊

晚泊五洲

類苑不載

陳陰鏗

客行逢日暮結纜晚洲中戍樓因岼一作險村路入  
江窮水隨雲度黑山帶日歸紅遙憐一柱觀欲輕千  
里風

晚泊鎮江

唐駱賓王

四運移陰律三翼泛陽侯荷香消晚夏菊氣入新秋  
夜鳥喧粉堞宿鴈下蘆洲海霧籠邊徼江風繞戍樓  
轉蓬驚別渚逃名謝蟻丘還嗟帝鄉遠空望白雲浮

晚泊河曲

唐駱賓王

三秋倦行役千里泛歸潮通波竹箭水輕舸木蘭橈

金堤連曲岬貝闕影浮橋水淨千年近星飛五老遙  
疊花開宿浪浮葉下涼颺浦荷疎晚酌津柳漬寒條  
惻惻勞梗泛淒斷倦逢飄仙槎不可託河上獨長謠

泊江潭貽馬校書

唐儲光義

明月挂青天遙遙如目前故人遊畫閣却望似雲邊  
水宿依漁父歌聲好采蓮采蓮江上曲今夕爲君傳

寒夜江口泊舟

唐儲光義

寒潮信未起出浦纜孤舟一夜苦風浪自然增旅愁  
吳山遲海月楚火照江流欲有知音者異鄉誰可求

武陵卽事

唐孟浩然

人部

卷百士

十八

川暗夕陽盡孤舟泊岬初嶺猿相叫嘯潭影似空虛  
就枕滅明燭扣船聞夜漁雞鳴問何處人物是秦餘

泊牛渚趨洛八不及

唐孟浩然

星羅牛渚夕風退鷁舟遲浦淑常同宿煙波忽問之  
榜歌空裏失船火望中疑明發泛滄海茫茫何處期

陪張丞相泊松滋

唐孟浩然

放溜下松滋登舟命楫師寧忘經濟日不憚江寒時  
沈疇豈獨古濯纓良在茲政成人自理機息鳥無疑

雲物凝孤嶼江山辨四維晚來風稍緊冬至日行遲  
臘響驚雲夢漁歌激楚辭渚宮何處是川暝欲安之

泊舟盱眙

唐常建

泊舟淮水次霜降夕流清夜久潮侵岬天寒月近城  
平沙依鴈宿候館聽雞鳴鄉國雲霄外誰堪羈旅情

泊震澤口

唐薛據

日落草木陰舟徒泊江汜蒼茫萬象開合沓聞風水  
洄沿值漁翁噉嘯逢樵子雲開天宇靜月明照萬里  
早鴈湖上飛晨鐘海邊起

晚次湖口

唐劉長卿

靄然空水合目極平江暮南望天無涯孤帆落何處  
白髮生扁舟滄波滿歸路

人部

卷百士

十九

入桂渚次砂牛石穴

唐劉長卿

扁舟傍歸路日暮瀟湘深湘水清見底楚雲澹無心  
片帆落桂渚獨夜依楓林楓林月出猿聲苦桂渚天

寒桂花吐此中無處不堪愁江客相看淚如雨

夕次盱眙縣

唐韋應物

落帆逗一作透淮鎮停舫臨孤驛浩浩風起波冥冥日  
沈夕人歸山郭暗鴈下蘆洲白獨夜憶秦關聽鐘未

眠客

發南康夜泊贛石中

唐耿漳

倦客乘歸舟春谿杏將暮羣林結暝色孤泊有佳趣

夜山轉長江赤月吐深樹颯颯松上吹泥泥花間露  
險石俯潭淵跳湍礙沿沂豈唯垂堂戒兼以臨深懼  
稍出回鴈峰明登斬蛟柱連雲向重山杳未見鐘路

泊楊子江畔

唐盧綸中

山映南徐暮千帆入古津魚驚出浦火月照渡江人  
清鏡催雙鬢滄波寄一身空憐莎草色長接故園春

晚次鄂州

唐盧綸中

雲開遠見漢陽城猶是孤帆一日程估客晝眠知浪  
靜舟人夜語覺潮生三湘愁鬢逢秋色萬里歸心對  
月明舊業已隨征戰盡更堪江上鼓鼙聲

人部

卷百十

二十

秋江晚泊

唐劉禹錫中

長泊起秋色空江涵霽暉暮霞千萬狀賓鴻次第飛  
古戍見旗迴荒村聞犬稀軻輅艤上客勸酒夜相依

將之饒州江浦夜泊

唐白居易中

明月滿深浦愁人卧孤舟煩寃寢不得夏夜長於秋  
苦乏衣食資遠爲江海遊光陰坐遲暮鄉國行阻脩  
身病向鄱陽家貧寄徐州前事與後事豈堪心併憂

夜泊旅望

唐白居易中

少睡多愁客中宵起望鄉沙明連浦月帆白滿船霜  
近海江彌闊迎秋夜更長煙波二十宿猶未到錢塘

浦中夜泊

唐白居易中

暗上江隄還獨立水風霜氣夜稜稜迴看深浦停舟  
處蘆荻花中一點燈

楓橋夜泊

唐張繼中

月落烏啼霜滿天江楓漁火對愁眠姑蘇城外寒山  
寺夜半鐘聲到客船此地有半夜鐘謂之無常鐘繼志其異耳歐陽以爲語病非也

春泊弋陽

唐許渾晚

江行春欲半孤枕弋陽堤雲暗猶飄雪潮寒未應谿  
飲猿聞棹散飛鳥背船低此路成幽絕家山望洛西

夜泊渭津

唐李昌符晚

人部

卷百十

二十

漂漂東去客一宿渭城邊遠處星垂岸中流月滿船

涼歸夜深簾秋入雨餘天漸覺家山小殘程尚幾千

夜泊淮陰

唐項斯晚

夜入楚家煙煙中人未眠望來淮岬盡坐到酒樓前  
燈影半臨水箏聲多在船乘流向東去別此易經年

江村夜泊

唐項斯晚

日落江路黑前村人語稀幾家深樹裏一火夜漁歸

夕次淮口

唐馬戴晚

天涯秋光盡木末羣鳥還夜久遊子息月明岐路閑  
風生淮水上帆落楚雲間此意竟誰見行行非故關



旅泊新津却寄一二知己 唐温庭筠 晚

維舟息行役，霽景近江村。併起別離恨，似聞歌吹喧。  
高林月初上，遠水霧猶昏。王粲平生感，登臨幾斷魂。

詩雋類函卷一百十一

人部

卷百十一

二五

旅泊

詩雋類函卷一百十二

東吳俞安期彙纂 宣城梅鼎祚增定

新都汪士龍訂校

人部五十四

寓宿 羈旅 懷鄉

○寓宿

夜宿石門詩

拾遺作石門巖上宿

宋謝靈運

朝搴苑中蘭，畏彼霜下歇。暝還雲際宿，弄此石上月。  
鳥鳴識夜棲，木落知風發。異音同至聽，殊響俱清越。  
妙物莫為賞，芳醕誰與伐。美人竟不來，陽阿徒晞髮。

夜宿柏齋

梁元帝

人部

卷百十一

一

寓宿

燭暗行人靜，簾開雲影入。風細雨聲遲，夜短更籌急。  
能下班姬淚，復使倡樓泣。況此客遊人，中宵空佇立。

就謝主簿宿

梁江淹

季月寒氣重，滋蘭錯無芳。北風漂夜色，河凝高如霜。  
悵哉心神晚，燭滅此深堂。芟衣如可贈，寧濕咀雲梁。

寓居公廨懷何秀才

遜

梁高爽

寄止鄰城闕，徒然失遊聚。臥聞雜沓路，坐對空寂宇。  
風扉乍開闔，粉蝶時翻舞。若人不在茲，煩憂何得愈。

入蜀秋夜宿江渚

唐陳子良 初

我行逢日暮，弭棹獨維舟。水霧一邊起，風林兩岫秋。

山陰黑斷磧月影素寒流故鄉萬里外何以慰羈愁

深灣夜宿

唐王勃初

津塗臨巨壑村宇架危岑堰絕灘聲隱峰交樹影深  
江童暮理楫山女夜調砧此時故鄉遠寧知遊子心

宿山莊

唐駱賓王初

金陵一超忽玉燭幾環周露積吳臺草風入郢門楸  
林虛宿斷霧磴險挂懸流拾青非漢策化緇類秦裘  
牽迹猶多寒勞生未寡尤獨此他鄉夢空山明月秋

宿空舫峽青樹村浦

唐陳子昂初

的的明月水啾啾寒夜徼客思浩方亂洲浦寂無喧

人部

卷百十二

寓宿

憶作千金子寧知九逝魂虛聞事朱闕結綬驚華軒  
委別高堂愛窺覲明主恩今成轉蓬去歎息復何言

旅宿淮陽亭口號

唐張九齡初

日暮荒亭上悠悠旅思多故山臨桂水今夜眇星河  
暗草霜華發空亭鴈影過興來誰與晤勞者自爲歌

夜宿浙江

唐孫逖初

扁舟夜入江潭泊露白風秋氣蕭索富春渚上潮未  
還天姥岑邊月初落煙水茫茫多苦辛更聞江上越  
人吟洛陽城闕何時見西北浮雲朝暝深

淮陰夜宿

唐孫逖初

水國南無畔扁舟北未期鄉情淮上失歸夢郢中疑  
木落知寒近山長見日遲客行心緒亂不及洛陽時

宿雲門寺閣

唐孫逖初

香閣東山下煙花象外幽懸燈千嶂夕捲幔五湖秋  
畫壁餘鴻鴈紗牕宿斗牛更疑天路近夢與白雲遊

宿鄭州

唐王維盛

朝與周人辭暮投鄭人宿他鄉絕儔侶孤客親僮僕  
宛洛望不見秋霖晦平陸田父草際歸村童雨中牧  
主人東臯上時稼遶茅屋蟲思機杼悲雀喧禾黍熟  
明當渡京水昨晚猶金谷此去欲何言窮邊徇微祿

人部

卷百十二

寓宿

宿裴氏山莊

唐王昌齡盛

蒼蒼竹林暮吾亦知所投靜坐山齋月清谿聞遠流  
西風下微雨向晚白雲收遂解塵中組終南春可遊

宿華陰東郭客舍

唐岑參盛

次舍山郭近解鞍鳴鐘時主人炊新粒行子充夜饑  
關月生首陽照見華陰祠蒼茫秋山晦蕭瑟寒松悲

宿鐵關西館

唐岑參盛

馬汗踏成泥朝馳幾萬蹄雪中行地角火處宿天倪  
塞迴心常怯鄉遙夢亦迷那知故園月也到鐵關西

宿鰕湖

唐李白盛

雞鳴發黃山，暝投鰕湖宿。白雪映寒山，森森似銀竹。  
提攜採鉛客，結荷水邊沐。半夜四天開，星河爛人目。  
明晨大樓去，岡隴多屈伏。當與持斧翁，前谿伐雲木。

宿清谿主人

唐李白

友人會宿

唐李白

滌蕩千古愁，留連百壺飲。良宵宜清談，皓月未能寢。  
醉來卧空山，天地即衾枕。

宿五松山下荀媼家

唐李白

人部

卷一百一

四 寓宿

我宿五松下，寂寥無所歡。田家秋作苦，鄰女夜春寒。  
晚進彫胡飯，月光明素盤。令人慙漂母，三謝不能餐。

宿白鷺洲寄楊江寧

唐李白

朝別朱雀門，暮棲白鷺洲。波光搖海月，星影入城樓。  
望美金陵宰，如思瓊樹憂。徒令魂作夢，翻覺夜成秋。  
綠水解人意，爲予西北流。因聲玉琴裏，裏裏淒淒君愁。

宿江邊閣

唐杜甫

暝色延山徑，高齋次水門。薄雲散餘暉，孤月浪中翻。  
鶴鶴追飛盡，豺狼得食喧。不眠憂戰伐，無力戢乾坤。

宿白沙驛

唐杜甫

水宿仍餘照，人煙復此亭。驛邊沙舊白，湖外草新青。  
萬象皆春氣，孤槎自客星。隨波無限月，的的近南溟。

宿東谿李十五山亭

唐王季友

上山下山入山谷，谿中落日留我宿。松石依依當主  
人，主人不在意，亦足名花出地兩重階。絕頂平天，一  
小齋。本意由來是山水，何用相逢語舊懷。

宿新里館

唐錢起

愁人待曉雞，秋雨暗凄凄。度燭螢時滅，傳書鴈漸低。  
客來知計誤，夢裏泣津迷。無以逃悲思，寒蟬處處啼。

宿雙峰寺寄盧七李十六

唐劉長卿

徘徊雙峰下，惆悵雙峰月。杳杳暮霞深，蒼蒼古松列。  
玩奇不可盡，漸遠更幽絕。林暗僧獨歸，石寒泉且咽。  
竹房響輕吹，蘿徑餘陰雪。卧聞曉何遲，背巖春未發。  
此遊誠多趣，獨往共誰閱。得意空自歸，非君豈能說。

松江獨宿

唐劉長卿

洞庭初下葉，孤客不勝愁。明月天涯夜，青山江上秋。  
一官成日首，萬里寄滄洲。久被浮名繫，能無愧海鷗。

宿杜判官江樓

唐郎士元

適楚豈吾願，思歸秋向深。故人江樓月，永夜千里心。  
葉落結鄉夢，鳥啼驚越吟。寥寥更何有，續斷空城砧。

同夢子秋齋獨宿

唐韋應物中

山月皎如燭風霜時動竹夜半鳥驚栖  
閑人獨宿

宿永陽寄璨律師

唐韋應物中

遙知郡齋夜凍雪封松竹時有山僧來  
懸燈獨自宿

秋夜宿嚴維宅

唐皇甫冉中

昔聞玄度宅門向會稽峰君住東湖下  
清風繼舊蹤

秋深臨水月夜半隔山鐘世故多離別  
良宵詎可逢

雲陽館與韓紳宿別

唐司空曙中

故人江海別幾度隔山川乍見翻疑夢  
相悲各問年

孤燈寒照雨濕竹暗浮煙更有明朝恨  
離杯惜共傳

人部

卷百上

六

萬宿

雪夜宿王純池州草堂

唐耿湔中

宿居湖上宅琴韻靜參差夜雪入秋浦  
孤城連貴池

流年看共老銜酒發中悲良會應難再  
晨離自有期

宿石邑山中

唐韓翃中

浮雲不共此山齊山色有无中蒼翠  
轉迷曉月暫飛高樹

裏秋河隔在數峰西

山中夜宿

唐顧況中

涼月掛層峰蘿牀落葉重掩關深畏  
虎風起撼長松

宿昭應

唐顧況中

武帝祈靈太乙壇新豐樹色遶千官  
那知今夜長生

殿獨閉空山月影寒

宿裴友書齋

唐李觀中

卧君山牕下山鳥與我言清風何颼  
颼松柏中夜繁

久遊失歸趣宿此似故園林煙還近  
郊谿月落古原

穉子不待曉花間出柴門

夜宿黑龍谿

唐張籍中

夜到碧谿裏無人秋月明逢幽更移  
宿取伴亦探行

花下紅泉色雲西乳鶴聲明朝記歸  
處石上自書名

宿江店

唐張籍中

野店臨寒浦門前有橘花停燈待賈  
客賣酒與漁家

人部

卷百上

七

萬宿

夜靜江水白路迴山月斜聞尋舟泊  
處潮落見平沙

宿臨江驛

唐張籍中

楚驛南渡口夜深來客稀月明見潮  
上江靜覺鷗飛

旅宿今已達此行猶未歸離家久無  
信又聽擣寒衣

宿廣德寺寄從舅

唐張籍中

古寺客堂空開簾四面風移牀動  
栖鶴停燭聚飛蟲

閑卧逐涼處遠愁生靜中林西微月  
色思與甯家同

宿龍宮灘

唐韓愈中

浩浩復湯湯灘聲更抑揚奔流移激  
電驚浪似浮霜

夢覺燈生暈宵殘雨送涼如何連曉  
語一半是思鄉

聞崔十八宿予新昌弊宅時予亦宿崔家依仁

新亭一宵偶同兩興暗合因而成詠聊以寫

懷

唐白居易中

陋巷掩弊廬高居敞華屋新昌七株松依仁萬莖竹  
松前月臺白竹下風池綠君向我齋眠我在君亭宿  
平生有微尚彼此多幽獨何必本主人兩心聊自足

仙遊寺獨宿

唐白居易中

沙鶴上階立潭月當戶開此中留我宿雨夜不得迴  
幸與靜境遇喜無歸侶催

宿楊家

唐白居易中

人部

卷百上

八

寓宿

楊氏弟兄俱醉卧披衣獨起下高齋夜深不語中庭  
立月照藤花影上階

宿姚少府北齋

唐賈島中

石谿同夜泛復此北齋期鳥絕吏歸後蛩鳴客卧時  
鎖城涼雨細開印曙鐘遲憶此漳川岸如今是別離

就可松宿

唐賈島中

十里尋幽寺寒流數派分僧同雪夜坐鴈向草堂聞  
靜語終燈燭餘生許嶠雲

宿村家亭子

唐賈島中

牀頭枕是谿中石井底泉通竹下池宿客未眠過夜

半獨聞山雨到來時

雪夜與真上人宿韓協律宅

唐朱慶餘中

斜雪微霰砌空堂夜語清逆風聽漏短回燭向樓明  
盟漱隨禪伴謳吟得野情此歡那敢忘世丈夫名

宿新安江深渡館

唐朱長文中

霜飛十月中搖落衆山空孤館閉寒木大江生夜風

宿甘棠館

唐儲嗣宗晚

塵跡入門盡悄然江海心水聲巫峽遠山色洞庭深  
風桂落寒子嵐煙凝夕陰前軒鶴歸處蘿月思沈沈

宿長安蘇雍主簿廳

唐李洞晚

人部

卷百上

九

寓宿

縣對數峰雲官清主簿貧聽更池上鶴伴直岳陽人  
井鎖煎茶水廳關擣藥塵往來多疑步同舍即諸鄰

宿山驛

唐張翥晚

驛在千峰裏寒宵獨此身古墳時見公荒里悄無鄰  
月白翻驚鳥雪開欲就人祗應明日鬢更與老相親

宿宣義里池亭

唐劉得仁晚

暮色遶柯亭南山出竹青夜深斜舫月風定一池星  
島嶼無人跡款蒲有鶴翎此中休便得何必泛滄溟

○驕旅

春羈

宋鮑照

征人歎道還去鄉悵路適佳期每無從淮陽非尺咫  
春日起游心勞情出徒倚岫遠雲烟綿谷屈泉靡迤  
風起花四散露濃條■■暄妍正在茲摧抑多嗟思  
嘶聲召邊堅豈我箱中紙染翰餉君琴新聲愜解子  
同羈夜集

齊謝朓

積念隔炎涼驪言始今夕已對濁尊清復此故鄉客  
霜月始流砌寒蛩早吟隙幸藉京華遊邊城識良席  
樵采咸共同荆莎聊可藉恐君城闕人安能久松柏  
冬緒羈懷示蕭諮議虞田曹劉江二常侍

齊謝朓

人部

卷一百一

十

去國懷丘園入遠滯城闕寒燈耿宵夢清鏡悲曉髮  
風草不留霜水池共如月寂寞此間惟琴尊任所對  
客念坐嬋媛年華稍菴變風慕雲澤遊共奉荆臺績  
一聽春鶯喧再視秋虹沒疲驂良易返恩波不可越  
誰慕臨淄鼎常希茂陵渴依隱幸自從求心果燕昧  
方軫歸與願故山芝未歇

羈謫

陳孔仲智

方仕觴春酒髮髯傷山時徒歌不成樂空以羈自悲  
羈悲懷土心遽復還山路迨及春復時無使春光暮  
賦得遊人久不歸

唐賀朝清初

鄉關渺天末引領懷歸羈旅久淫滯物色勝芳菲  
稍覺山意盡行看逢鬢稀如何千里外佇立雪霏衣  
羈春

唐王勃初

客心千里倦春事一朝歸還傷北園裏重見落花飛  
久客臨海有懷

唐駱賓王初

天涯非日觀地圯望星樓練光遙亂馬劒氣上連牛  
草濕姑蘇夕葉下洞庭秋欲知淒斷意江上涉安流  
蜀中旅懷

唐王適初

獨坐年將暮常懷志不通有時須問影無事則書空  
棄置如天外平生似夢中蓬心猶是客華髮欲成翁

人部

卷一百一

十一

跡滯魂逾窘情乖路轉窮別離同夜月愁思隔秋風  
老少悲顏駟盈虛悟翟公時來不可問何用求童蒙  
千塔主人

唐王維盛

逆旅逢佳節征帆未可前  
臨汴河水門渡楚人船  
雞犬散墟落桑榆陰遠田所居人不見枕

唐王昌齡盛

懷頭廣陵近九月在南徐秋色明海縣寒煙生里閭  
夜帆歸楚客昨日渡江書為問易名叟垂綸不見魚

江南旅情

唐祖詠盛

楚山不可極歸路但蕭條海色晴看雨江聲夜聽潮



劍閣南斗近書寄北風遙為報空潭橋無媒寄洛橋

客中行

唐李白

蘭陵美酒鬱金香玉碗盛來琥珀光但使主人能醉客不知何處是他鄉

東屯北澗

唐杜甫

盜賊浮生困誅求異俗貧空村唯見鳥落日未逢人步聲風吹面看松露滴身遠山回白首戰地有黃塵

去蜀

唐杜甫

五載客蜀郡一年歸梓州如何關塞阻轉作瀟湘遊萬事已黃髮殘生隨白鷗安危大臣在何必淚長流

人部

卷百五十一

十一

雲山

唐杜甫

京洛雲山外音書靜不來神交作賦客力盡望鄉臺哀疾江邊卧親朋日暮迴白鷗元水宿何事有餘哀

客夜

唐杜甫

客睡何曾著秋天不肯明入簾殘月影高枕送江聲計拙無衣食途窮仗友生老妻書數紙應悉未歸情

成都為客作

唐田澄

蜀郡將知遠城南萬里橋衣緣鄉淚濕貌以客愁銷地富魚為米山芳桂是樵旅遊唯得酒今日過明朝

旅次灞亭

唐沈頌

閑琴開旅思清夜有愁心圓月正當戶微風猶在林蒼茫孤亭上歷亂多秋音言念待明發東山幽意深

和蜀縣段明府秋城望歸期

唐錢起

製錦蜀江靜飛鳥漢關遙一茲風靡草再視露盈條旅望多愁思秋天更沈寥河陽傳麗藻清韻入歌謠

秋夜思歸

唐耿湋

來時猶暑服今已露漫漫多雨逢初霽深秋生夜寒投人心似切為客事皆難何處無留滯誰能暫問看

歲暮客懷

唐戎昱

異鄉三十口親老復家貧無事乾坤內虛為歸壘人

歲華南去後愁夢北來頻惆悵江邊柳依依又欲春

長安旅情

唐孟郊

盡說青雲路有足皆可至我馬亦四蹄出門似無地玉京十二樓栽栽倚青翠下有千朱門何門薦孤士

歸信吟

唐孟郊

淚墨麗為書將寄萬里親書去魂亦去兀然空一身

遊子吟

唐孟郊

慈母手中線遊子身上衣臨行密密縫意恐遲遲歸

薊北旅思

唐張籍

日日望鄉國空詩白亭詞長因送人處憶得別家時  
失意還獨語多愁祇自知客亭門外柳折盡向南枝

遊子吟

唐李益中

女羞夫婿薄客耻主人賤遭遇同衆流低回愧相見

湖南客中春望

唐顧况中

鳴鴈嘹唳北向頻淅波何處是通津風塵海內憐雙  
鬢涕淚天涯慘一身故里音書應望絕異鄉景物又  
更新便拋印綬從歸隱吳省香尊漫吐春

旅情

唐周賀中

苦菜下地處徐徐起病身殘秋螢出盡獨交馬來新

卷百上

十四

別業去千里舊鄉空四鄰孤舟尋幾度又識岳陽人

暮冬長安旅舍

唐周賀中

湖外誰相識思歸日日頻通尋新住客少見故鄉人  
失計空知命勞生耻爲身看洞庭樹即是舊山春

長安早春旅懷

唐白居易中

軒車歌吹諠都邑中有一人向隅立夜深明月掩  
愁目暮青山望鄉泣風吹新綠草芽拆雨灑輕黃柳  
條添此生知負少年春不展愁眉欲三十

客喜

唐賈島中

客喜非實喜客悲非實悲百迴信到家未當身一歸

開口吐愁聲還却入耳來鬢邊雖有絲不堪織寒衣

旅遊

唐賈島中

此心非一事書札若爲傳舊國別多日故人無少年  
空巢霜葉落疎牖水螢穿留得林僧宿中宵坐默然

遊子

唐賈島中

遊子喜鄉遠非吾憶歸廬誰知奔他山自欲早旋車  
朝賞暮已足圖歸願無餘當期附鵬翼未偶方躊躇

旅宿

唐杜牧晚

旅館無良伴凝情自怕然寒燈思舊事斷鴈警秋眠  
遠夢歸侵曉家書到隔年湘江好煙月門繫釣魚船

卷百上

十五

旅懷

唐許渾晚

征車何輒輒南北極天涯孤枕易爲客遠書難到家  
鄉連雲外樹城閉月中花猶有扁舟思前年別若耶

客中

唐于鵠晚

楚人歌竹枝遊子淚沾衣異國久爲客寒宵方夢歸  
一封書未返千樹葉皆飛南過洞庭水更應消息稀

旅次錢塘

唐方干晚

此地似鄉國堪爲朝夕吟雲藏吳相廟樹引越山禽  
潮落海人散鐘遲秋寺深我來無舊識唯見寂寥心

旅舍早起

唐章碣晚

跡暗心多感神疲夢不遊驚舟同厭夜獨樹  
晚角和人戰殘星入漢流門前早行子敲鐙唱離憂

南山旅舍與故人別

唐崔塗

一日又欲暮一年看即殘病知新事少老別舊交難  
山盡路猶險雨餘春却寒那堪試迴首烽火是長安

旅行聞寇

唐盧延遜

寸步邊多事將行問四鄰深山不畏虎當路却防人  
無事助明代何門銷此身空慙兩行淚飄洒向紅塵

渠江旅思

唐鄭谷

流落復蹉跎交親半逝波謀身非不切言命欲如何

卷百一

十六

人部  
故楚春田廢窮巴瘴雨多引人鄉淚盡夜夜竹枝歌

漂泊

唐鄭谷

樽陳蓮疎池館清日光風緒澹無情鱸魚斫鮓輸張  
翰橘樹呼奴羨李衡十口漂零猶寄食兩川消息未  
休黃花催促重陽酒何處登高望二京

客恨

唐李昌符

古原南北舊蕭疎高木風多小雪餘半夜病吟人寢  
後百年閑事酒醒初煩招兄弟同佳節已有兵戈隔

遠書肥馬王孫定相笑不知岐路厭樵漁

旅次洛陽寄京中親故

唐曹鄴

君山南面浪連天一客愁心兩處懸身逐片帆歸楚  
澤魂隨流水向秦川月回浦北千尋雪樹出湖東幾  
點煙更欲登樓向西望北風催上洞庭船

懷鄉

河上歌

吳越春秋曰楚白喜奔吳吳王聞以  
曰河見而信喜子胥曰吾之  
怨與喜同子不聞河上歌乎

同病相憐同憂相掇驚翔之鳥相隨而集瀨下之水  
因復俱流胡馬望北風而立越鸞向日而熙誰不愛  
其所近悲其所思者乎

王子思歸歌

怨錄○楚之王  
子質於秦作

卷百一

十七

人部  
洞庭今水秋浮陽兮草衰去千乘之家國作咸陽之

布衣庾信哀江南賦蕭陵夜獵猶是舊時將  
軍咸陽思歸無復當時王子蓋用此事

門有萬里客

魏陳思王

門有萬里客問君何鄉人褰裳起從之果得心所親  
挽裳對我泣太息前自陳本是朔方士今為吳越民  
行行將復行去去適西秦

思吳江歌

一日秋風歌晉文士傳云張翰有清  
在洛見秋風起思吳中菰飯蓴羹鱸魚膾  
口人生貴得適意爾何能羈宦數千里以要  
名爾因作此  
歌遂命駕還

秋風起兮佳景時

吳江水兮鱸魚肥  
晉張翰

秋風起兮佳景時

吳江水兮鱸魚肥  
晉張翰

秋風起兮佳景時吳江水兮鱸魚肥  
千里今家未

歸恨難得今仰天悲

思歸引 并序

晉石崇

余少有大志，姿邁流俗，弱冠登朝，歷位二十五年，五十以事去官，晚節更樂放逸，篤好林藪，遂肥遁於河陽別業，其制宅也，却阻長堤，前臨清渠，柏木幾於萬株，江水周於舍下，有觀閣池沼，多養魚鳥，家素習技，頗有秦趙之聲，出則以游目弋釣為事，入則有琴書之娛，又好服食，咽氣志在不朽，傲然有凌雲之操，歟復見牽轡婆娑於九列，困於人間，煩黷常思歸而永歎，尋覽樂篇，有思歸引，儼古人之心，有同於今，故制此曲，此曲有絃無歌，今為作歌辭，以述余懷，恨時無知音者，今造新聲而播於絲竹也。

人部

卷一百一

十八

陳郡

思歸引 歸河陽，假余翼鴻鶴，高飛翔，經亡阜，濟河梁，望我舊館，心悅康清，渠激魚彷徨，鴈驚，汴波羣相將，終日周覽，樂無方，登雲閣，列姬姜，拊絲竹，叩宮商，宴華池，酌玉觴。

思歸歎

晉石崇

登城隅，今臨長江，極望無涯，今思填胸，魚鱗今滿，離澤雉游，是今戲中園，秋風厲，今鴻鴈征，蟋蟀鳴。

曹今晨夜鳴落葉，飄今枯枝，疎百草零落，今覆畦墮，時光逝，今年易盡，感彼歲暮，今悵自慙，靡歸，今帶野都，願御北風，今忽歸，但惟金石，今幽且清，林藪茂，今芳卉，一作盈玄泉流，今榮丘阜，閣館蕭寥，今蔭叢柳，吹長笛，今彈五絃，一作玉琴，高歌凌雲，今樂餘年，舒篇卷，今與聖談，釋冕投綬，今希彭聃，超逍遙，今絕塵埃，福亦不至，今禍亦不來。

懷歸謠

晉湛方生

人部

卷一百一

十九

陳郡

辭衡門，今至歡懷，生離今苦辛，豈羈旅，今一慨亦代，謝今感人，四運今道盡，化新今歲故，氛慘慘，今疑晨風，悽悽，今薄暮，雨雪今交紛，重雲今四布，天地今一色，六合今同素，山木今摧披，津壑今疑近，感羈旅，今苦心懷，桑梓今增慕，胡馬今戀北，越鳥今依陽，彼禽獸今尚然，况君子今去故鄉，望歸塗，今漫漫，貯江流，今洋洋，思涉路，今莫由，欲越津，今無梁。

懷鄉 雜詩

晉張協

述職投邊，城羈東戎，旅間下車，如昨日，望舒四五圓，借問此何時，胡蝶飛南園，流波戀舊浦，行雲思故山，越衣文蛇，胡馬願度，燕風土安，所習由來，有固然。

懷鄉 雜詩

晉王謏

朔風動秋草邊馬有歸心胡寧久分析靡靡忽至今  
王事離我志殊隔過商參昔往鵲鵲鳴今來蟋蟀吟  
人情懷舊鄉客鳥思故林師涓久不奏誰能宣我心

懷園引

宋謝莊

鴻飛從萬里飛飛河岱起辛勤越霜霧聯翩溯江汜  
去舊國違舊鄉舊山舊海悠且長迴首瞻東路延翩  
向秋方登楚都入楚關楚地蕭瑟楚山寒歲去水未  
已春來鴈不還風肅幌兮露濡庭漢水初綠柳葉青  
朱光雷雷雲英英離一作禽皆皆又晨鳴菊有秀兮  
松有粧憂來年去容髮衰流陰逝景不可追臨堂危

人部

卷一百一

二十

懷園

坐悵欲悲軒冕池鶴戀階除豈忘河渚捐江湄試託  
意今向一作芳蓀心綿綿今屬荒樊想綠蘋今既冒  
沼念幽蘭今已盈園天桃晨暮發春鶯旦夕喧青苔  
蕪石路宿草塵蓬門

道路憶山中

宋謝靈運

采菱調易急江南歌不緩楚人心背絕越客腸今斷  
斷絕雖殊念俱為歸慮歎存鄉爾思積憶山我憤懣  
追尋栖息時偃臥任縱誕得性非外求自已為誰纂  
不怨秋夕長常一作恒苦夏日短濯流激浮湍息陰倚  
密竿懷故臣新歡合悲忘春暖悽悽明月吹惻惻廣

陵散殷勤訴危柱慷慨命促管

秋至懷歸

梁江淹

悵然集漢北還望阻山田云云百重壑參差萬里山  
楚關帶秦隴荆雲冠吳煙草色飲窮水木葉變長川  
秋至帝子降客人傷嬋娟試訪淮海使歸路成數千  
蓬驅未止極旌心徒自懸若華想無慰憂至定傷年

思歸引

梁劉孝威

胡地憑良馬懷驕負漢恩甘泉烽火入回中宮室燔  
錦車勞遠駕繡衣疲屢奔貳師已喪律都尉亦銷魂  
龍堆求援急孤塞請先屯極下驅雙駿腰邊帶兩鞭

人部

卷一百一

二十

懷園

乘障無期限思歸安可論一作言

和侯司空登樓望鄉

陳陰鏗

懷土臨霞觀思歸想石門瞻雲望鳥道對柳憶家園  
寒田獲裏靜野日燒中昏信美今何益傷心自有源

於塞北春日思歸

隋陳子良一作陳子昂

我家吳會青山遠他鄉關塞白雲深為許羈愁長下  
淚那堪春色更傷心驚鳥屢飛恒失侶落花一去不  
歸林如何此日嗟遲暮悲來還作白頭吟

懷山并序

唐王勃

客有自幽山來者起予以林壑之事而煙霞在焉

思解纓紱永詠山水神與道超跡爲形滯

事焉

鶴峯有奇徑鱗淵富仙家紫泉漱珠液玄巖列丹葩  
常希披塵網眇然登雲車驚情極霄漢鳳想疲煙霞  
道存蓬瀛近意愜朝市賒無爲坐惆悵虛此江上華

春日京中有懷

唐杜審言

今年遊寓獨遊秦愁思看春不當春上林苑裏花徒  
發細柳營前葉漫新公子南橋應盡興將軍西地幾  
留賓寄語洛城風日道明年春色倍還人

初出巴有懷舊林

唐盧僊

人部

卷百五

三

懷鄉

賦生期獨得素業守微班外忝文學知鴻漸驚鷺間  
內傾水木趣築室依近山晨趨天日晏夕卧江海間  
松風生坐隅僊禽舞亭灣曙雲林下客霽月池上顏  
雖曰坐郊園靜默非人寰時步蒼龍闕寧與白雲關  
語濟豈時顧默善忘世攀世網余何觸天涯謫南蠻  
回首思洛陽潯然悲貞艱舊林日夜遠孤雲何時還

江行有懷

唐孫逖

秋水明川路放舟轉石圻霜多山橘熟寒至浦禽稀  
飛席乘風勢迴流蕩日暉晝行疑海若夕夢識江妃  
野霽看吳盡天長望洛非不知何歲月一似暮潮歸

春日思歸

唐王翰

楊柳青青杏發花年光誤客轉思家不知湖上多飛  
女幾處春舟在若耶

早寒有懷

唐孟浩然

木落鴈南渡北風江上寒我家襄水曲遙隔楚雲端  
鄉淚客中盡孤帆天際看迷津欲有問平海夕漫漫

宿蒲關東店憶杜陵別業

唐岑參

關山鎖歸路一夜夢還家月落河上曉遙聞秦鶴鳴  
長安二月歸正好杜陵樹邊純是花

過酒泉憶杜陵別業

唐岑參

人部

卷百五

三

懷鄉

昨夜宿祁連今朝過酒泉黃沙西際海白草北連天  
愁裏難消日歸期尚隔年陽關萬里夢知處杜陵田

巴南舟中思陸渾別業

唐岑參

瀘水南州遠巴山北客稀嶺雲撩亂起谿鷺等閒飛  
鏡裏愁衰鬢舟中換旅衣夢魂知憶處無夜不先歸

早發焉耆懷終南別業

唐岑參

曉笛引鄉淚秋水鳴馬蹄一身虜雪外萬里胡天西  
終日見征戰連年聞鼓鼙故山在何處昨夜夢清谿

赴北庭度隴思家

唐岑參

西向輪臺萬里餘也知鄉信日應疎隴山懸此能言



語為報家人數寄書

秋夜獨坐懷故山

唐李白

小隱慕安石遠遊學子平天書訪江海雲臥起咸京  
入侍瑤池宴出陪玉輦行誇胡新賦作諫獵短書成  
但奉紫霄顧非邀青史名莊周空說劍墨翟耻論兵  
拙薄遂踈絕歸閑事偶耕顧無蒼生望空愛紫芝榮  
寥落暝霞色微茫舊壑清秋山綠蘿月今夕為誰明

靜夜思

唐李白

牀前看月光疑是地上霜舉頭望山月低頭思故鄉

思歸

唐杜甫

人部 卷一百一十二

三四

江漢思歸客乾坤一腐儒片雲天共遠永夜月同孤  
落日心猶壯秋風病欲蘇古來存老馬不必取長途

懷錦水居止

唐杜甫

萬里橋西宅百花潭北莊層軒皆面水老樹飽經霜  
雪嶺界天白錦城曠日黃惜哉形勝地回首一茫茫

恨別

唐杜甫

洛城一別四千里胡騎長驅五六年草木變衰行劍  
外兵戈阻絕老江邊思家步月清宵立憶弟看雲白  
日眠聞道河陽近乘勝司徒急為破幽燕

思歸

唐趙微明

為別未幾日去日如三秋猶疑望可見日日上高樓  
唯是分手處白蘋滿芳洲寸心寧死別不忍生離憂

京口懷洛陽舊居

唐劉長卿

川闊悲無梁藹然滄波夕天涯一飛鳥日暮南徐客  
氣淝京口雲潮吞海門石孤帆候風進夜色帶江白  
故國一作胡塵飛達一作山楚雲隔家人想何在庭  
草為誰碧

湘中憶歸

唐劉長卿

終日空理棹經年猶別家頃來行已遠彌覺天無涯  
白雲意自深滄海夢難隔迢遞萬里帆飄颻一行客

人部 卷一百一十二

二五

獨憐西江外遠寄風波裏平湖流楚天孤鴈渡湘水  
湘流澹澹空愁予猿啼啾啾滿南楚扁舟泊處聞此  
聲江客相看淚如雨

移使鄂州次峴陽館懷惟舊

唐劉長卿

多慙恩未報敢問路何長萬里逢秋鴈千峰共夕陽  
舊遊成遠道此去更違鄉草露深山裏朝朝落客裳

時平後春日思歸

唐劉長卿

一尉何曾及布衣時平却憶卧柴扉故園柳色催南  
客春日桃花待北歸

憶山中寄舊友

唐錢起

數歲白雪裏與君同采薇樹深煙不散谿靜鷺忘飛  
更憶東巖趣殘陽破翠微脫巾花下醉洗藥月前歸  
風景今還好如何與世違

始夏南園思舊里

唐韋應物中

夏首雲物變雨餘草木繁池荷初貼水林花已掃園  
繁叢蝶尚亂依閣鳥猶喧對此殘芳月憶在漢陵原  
同諸公有懷

唐皇甫冉中

舊國迷江樹他鄉近海門移家南渡久童稚解方言  
奉和元丞憶終南舊居

唐耿湋中

亂樹通秦苑重原接社城谿雲隨暮澹野水帶寒清  
八部

卷百十二

二六

懷鄉

解佩從休沐承家豈退耕公侯有遺躅何事學淵明  
和高平朱參軍思歸作

唐韓翃中

并參軍髯參軍身為北州吏心寄東山雲坐見萋萋  
芳草綠遙思往日晴江曲刺船頻向剡中回捧被曾  
過越人宿花裏鶯啼白日高春樓把酒送車螯狂歌  
好愛陶彭澤佳句唯稱謝法曹平生樂事多如此忍  
為浮名隔千里一鴈南飛動客心思歸何待秋風起

和考功員外杪秋憶終南舊

唐盧綸中

靜憶谿邊宅知君許謝公曉霜凝未却初日照梧桐  
澗鼠喧藤蔓山禽竄石藂白雲當嶺雨黃葉遶階風

野果垂橋上高泉落水中歡榮來自間羸賤賞曾一作  
難通月滿珠藏海天晴一作鶴在籠餘陰如可寄願  
得隱墻東

達將歸

唐王建中

達將歸勝未別離時在家相見熟新歸歡不足去願  
車輪遲迴思馬蹄速但令在舍相對貧不向天涯金  
遶身

孟夏思渭村舊居

唐白居易中

嘖嘖雀引雛稍稍笋成竹時物感人情憶我故鄉曲  
故園渭水上十載事樵牧手種榆柳成陰陰一作牆屋  
八部

卷百十三

二七

懷鄉

兔隱豆苗大鳥鳴桑椹熟詩書課弟姪農圃資僮僕  
日暮麥登場天晴蠶折簇弄泉南澗坐待月東亭宿  
井鮒思返泉籠鶯悔出谷九江地卑濕四月天炎燠  
苦雨初入梅瘴雲稍含毒泥秧水畦稻灰種畝田粟  
思歸

唐白居易中

夏至一陰生稍稍夕漏遲塊然抱愁者夜長獨先知  
悠悠鄉關路夢去身不隨

江樓望歸時避難在越中

唐白居易中

滿眼雲水色月明樓上人旅愁春入越鄉夢夜歸秦  
道路通荒服田園隔虜塵悠悠滄海畔十載避黃巾

晚秋有懷鄭中舊隱

唐白居易中

天高風嫋嫋鄉思繞關河寥落歸山夢殷勤採蕨歌  
病添心寂寞愁入鬢蹉跎晚樹蟬鳴少秋皆日上多  
長閑羨雲鶴久別愧煙蘿其奈丹墀上君恩未報何  
春懷故園

唐柳宗元中

九扈鳴已晚楚鄉農事春悠悠故池水空待灌園人

同徐處士秋懷少室舊居

唐周賀中

曾居少室黃河畔秋夢長懸未得回扶病半年離水  
石思歸一夜隔風雷荒齋幾遇僧眠後晚菊頻經鹿  
踏來燈下此心誰共說傍松幽徑已多栽

人部

卷一百一十二

二六

思歸引

唐千濱晚

不耕南畝田爲愛東堂桂身同樹上花一落又經歲  
交親日相薄知已恩潛替日開十二門自是無歸計

思歸

唐許渾晚

疊嶂平蕪外依依識舊邦氣高詩易怨愁極酒難降  
樹暗支公院山寒謝守牕殷勤樓下水幾日到荆江

憶朝陽峰前居

唐項斯

每憶閑眠處朝陽最上峰谿僧來自遠林路出無蹤  
敗衲粘苔遍新題出石重霞光侵曙發嵐翠近秋濃  
健美機能破安危道不逢雪殘□到閣庭午鶴離松

此地虛爲別人間久未容何時無一事却去養疎慵

思江南

唐方干晚

昨日草枯今日青羈人又動望鄉情夜來有夢登歸  
路不到桐廬已及明

婺州和陸諫議將赴闕懷陽羨山居

唐韋莊晚

望闕路仍遠子牟魂欲飛道開燒藥鼎僧寄卧雲衣  
故國饒芳草他山挂夕暉東陽雖勝地王粲奈思歸  
秋日思舊山

唐釋子蘭

咸言上國繁華豈謂帝城羈旅十點五點殘螢千聲  
人部

卷一百一十二

二六

萬聲秋雨白雲江上故鄉月下風前吟處欲去不去  
遲遲未展平生所佇

詩集類前卷一百十三

東吳俞安期彙纂 宣城梅鼎祚增定

新都汪士龍訂校

人部五十五

還鄉

送歸附

還山

遊地

○還鄉

送歸附

還舊居

晉陶淵明

疇昔家上京六載去還歸今日始復來惻愴多所悲  
阡陌不移舊邑屋或時非履歷周故居鄰老罕復遺  
步步尋往迹有處特依依流幻百年中寒暑日相推  
常恐大化盡氣力不及衰撥置且莫念一觴聊可揮

人部

卷百十三

歸田園居五首

晉陶淵明

少無適俗韻性本愛丘山誤落塵網中一去三十年  
羈鳥戀舊林池魚思故淵開荒南野際守拙歸園田  
方宅十餘畝草屋八九間榆柳蔭後園桃李羅堂前  
曖曖遠人村依依墟里煙狗吠深巷中雞鳴桑樹顛  
戶庭無塵雜虛室有餘閑久在樊籠裏復得返自然  
二  
野外罕人事窮巷寡輪轍白日掩荆扉虛室絕塵想  
時復墟曲中披草共來往相見無雜言但道桑麻長  
桑麻日已長我土一作志日已廣常恐霜霰至零落同

草莽

三

種荳南山下草盛荳苗稀晨興理荒穢帶月荷鋤歸  
道狹草木長夕露沾我衣衣沾不足惜但使願無違

四

久去山澤遊浪莽林野娛試攜子姪輩披榛步荒墟  
徘徊丘隴間依依昔人居井竈有遺處桑竹殘朽株  
借問採薪者此人皆焉如薪者向我言死沒無復餘  
一世異朝市此語真不虛人生似幻化終當歸空無

五

人部

卷百十三

二

還鄉

恨恨獨策還崎嶇歷榛曲山澗清且淺遇以濯吾足  
漉我新熟酒隻雞招近屬日入室中閨荆薪代明燭  
歡來苦夕短已復至天旭

還舊園作見顏范二中書

宋謝靈運

辭滿豈多秩謝病不待年偶與張邴合久欲還東山  
聖靈昔廻眷微尚不及宣何意衝飈激烈火縱炎煙  
焚玉發崑崙峰餘燼遂見遷投沙理既迫如叩願亦愆  
長與歡愛別永絕平生緣浮舟千仞壑總轡萬尋巔  
流沫不足險石林豈為艱閨中安可處日夜念歸旋  
事蹟兩如直心慚三避賢託身青雲上棲巖挹飛泉

盛明盪氛昏貞休康迤邐殊方感成貧微物豫采甄  
感深操不固質弱易扳纏曾是反昔園語往實欸然  
曩基卽先築故池不更穿果木有舊行壤石無逮延  
雖非休憇地聊取永日閑衛生自有經息陰謝所牽  
天子照清素探懷授往篇

臨川王服竟還田里

宋鮑照

送舊禮有終事君慙懦薄稅駕罷朝衣歸志願巢壑  
尋思邈無報退命愧天爵捨耨將十齡還得守場藿  
道經盈竹筍農書滿庫閣愴愴秋風生戚戚寒緯作  
豐露繁草華高月麗雲嶸屏跡勤射稼衰疾倚芝藥

人部

卷百五

三

還鄉

顧此謝人羣豈直止商洛

述故園

梁江淹

漢臣泣長沙楚客悲辰陽古念一作今雖不舉茲理亦  
宜傷山中信叙寥孤影吟空堂北地三變露南簷再  
逢霜縞值寒海關人見主緯昌浮雲抱山川遊子御  
故鄉遽發桃花渚適宿春風場紅草涵電色綠樹鏢  
煙光高歌係關國微歎依笙簫請學碧靈草終歲自  
芬芳

學古贈丘永嘉征還

梁何遜

龍馬魚腸劍蹀躞起風塵結客葱河返喧喧動四鄰

入墟猶憶舊貧巷復疑新窺見應門出遙識下機人  
相悲淚欲下離別方自陳

還東田宅贈朋離

梁朱异

應生背芒說石子河陽文雖有遨遊美終非沮溺羣  
曰余今卜築兼以隔簷紛池入東陂水牕引北巖雲  
槿籬集田鷺茅簷帶野芬原隰何邈迤山澤共氛氲  
蒼蒼松樹合耿耿樵路分朝興候崖曉暮坐極林曛  
憑高眺虹蜺臨下瞰一作斷耕耘豈直娛衰暮兼得慰  
殷勤懷勞猶未弭衡有望夫君

同州還

北周庾信

人部

卷百五

四

還鄉

赤岸繞新村青城臨綺門范睢新入相穰侯始出蕃  
上林催獵響河橋爭渡喧窺雉飛橫澗藏狐入斷原  
將軍高宴晚來過青竹園

仰和何僕射還宅懷故

北周庾信

紫閣旦朝罷中臺夕奏稀無復千金笑徒勞五日歸  
步簷朝未掃蘭房晝掩扉苔生理曲處網積迴文機  
故瑟餘絃斷歌梁秋鴈飛朝雲雖可望夜帳定難依  
願憑甘露入方假慧燈輝寧知洛城晚還淚獨沾衣

回鄉偶書二首

唐賀知章

少小離鄉老大回鄉音無改鬢毛衰兒童相見不相

識笑問客從何處來

離別家鄉歲月多近來人事半消磨唯有門前鏡湖水春風不改舊時波

將發還鄉示諸弟

唐張九齡

歲陽亦頽止林意日蕭瑟云胡當此時適遇復為客至愛孰能捨名義來相迫負德良不貲輸誠靡所惜一木逢厦構纖塵願山益無力主君恩寧利客卿璧去去榮歸養憮然歎行役

奉和魏僕射秋月還鄉有懷

唐張說

富貴還鄉國光輝滿舊林秋風樹不靜君恩何深

人部

卷五十三

五

故老空懸劍鄰交自散金眾芳搖落盡獨有歲寒心

奉和魏僕射秋月還鄉有懷

唐蘇頌

南宮夙拜罷東道書遊初飲餞傾冠蓋傳呼問里閭

樹悲懸劍所谿想釣璜餘明發輝光至增榮駟馬車

京還贈張維

唐孟浩然

拂衣去何處高枕南山南欲徇五斗祿其如七不堪

早朝非晏起束帶異抽簪因向智者說游魚思舊潭

歸汶上

唐盧象昇

象自江東止田園校莊慶會未幾歸汶上小弟幼

妹尤嗟其別兼賦是詩三首

謝病始告歸依然入桑梓家人皆佇立相候衡門裏

疇類皆長年成人舊童子上堂家慶畢願與親姻遇

論舊或餘悲思存但相喜田園轉無沒但有寒泉水

衰柳日蕭條秋光清邑里入門乍如客休騎非便止

中飲顧王程離憂從此始

兩妹日長成雙鬟將及人已能持寶瑟

唐杜甫

念昔別時小未知疎與親今來識離恨掩淚方

小弟更孩幼歸來不相識同居雖漸慣見人猶默然

宛作越中言殊鄉甘水食別此最為難淚盡有餘憶

羌村三首

人部

卷五十三

六

呼嘯赤雲西日脚下平地柴門鳥雀噪客千里至

妻孥怪我在驚定還拭淚世亂遭飄蕩生還偶然遂

鄰人滿牆頭感歎亦歔歔夜闌更秉燭相對如夢寐

二

晚歲迫偷生還家少歡趣嬌兒不離膝畏我復却去

憶昔好追涼故繞池邊樹蕭蕭北風勁撫事煎百慮



苦辭酒味薄黍地無人耕兵革既未息兒童盡東征  
請爲父老歌艱難媿深情歌罷仰天歎四坐淚縱橫

正月三日歸谿上有作簡院內諸公

唐杜甫

盛

野外堂依竹籬邊水向城蟻浮仍臘味鷗泛已春聲  
藥許鄰人斷書從稚子擎白頭趨幕府深覺負平生

春歸

唐杜甫

盛

苔徑臨江竹茅簷覆地花別來頻甲子歸到忽春華  
倚杖看孤石傾壺就淺沙遠鷗浮水靜輕燕受風斜  
世路雖多梗吾生亦有涯此身醒復醉乘興即歸家

人部

卷一百三

七

墨卿

北遊還訓孟雲卿

唐張彪

盛

忽忽望前事志願能相乖衣馬久羸弊誰信文與才  
善道居貧賤潔服蒙塵埃行行無定心坎壈難歸來  
慈母憂疾疹家室念低摧與君宿姻親深見中外懷  
侯子惜時節悵望臨高臺

晚歸豐川

唐韋應物

中

凌霧朝闔闔落日返清川簪組方暫解臨水一脩然  
昆弟欣來集童稚滿眼前適意在無事攜手望秋田  
南嶺橫爽氣高林繞遙阡野廬不鋤理翳翳起荒煙  
名秩斯逾分廉退媿不全已想平門路晨騎復言旋

歸河上口舊見寄

唐盧綸

中

二旬一休沐清景滿林廬南郭羣儒從東牀兩客居  
燒煙浮雪野麥壠潤冰渠斑白皆持酒逢芳盡有書  
終期買寒渚同此利蒲魚

代員將軍罷戰後歸舊里贈朔北故人

唐盧綸

中

結髮事疆場全生俱到鄉連雲防鐵嶺同日破漁陽  
牧馬胡天晚移車磧路長枕戈眠古戍吹角立繁霜  
歸老勲仍在酬恩虜未忘獨行過邑里多病對農桑  
雄劍依塵匣符寄藥囊空餘麾下將猶逐羽林郎

人部

卷一百三

八

墨卿

南歸

唐顧况

中

老病力難任猶多鏡雪侵鱸魚消宦况鷗鳥識歸心  
急雨江帆重殘更驛樹深鄉關殊可望漸漸入吳音

西歸絕句二首

唐元稹

中

雙埃頻頻減去程漸知身得近京城春來愛有歸鄉  
夢一半猶疑夢重行

白頭歸舍意如何賀處無窮弔亦多左降去時裴相

宅舊來車馬幾人過

裴相

秋暮西歸途中書情

唐白居易

中

耿耿旅燈下愁多常少眠思鄉貴早發發在雞鳴前

九月早木落平蕪連遠山秋陰和曙色萬木蒼蒼然  
憶歸復愁歸歸無一囊錢心雖非蘭膏安得不自煎

歸來二周歲

唐白居易

歸來二周歲二歲似須臾池藕重生葉林鷗再引雛  
時豐實倉廩春暖葺庖厨更作三年計三年身健無  
奉和顏使君真卿二十八郎隔絕自河北遠歸

唐釋法照

相一作失值氛煙纔應掌上年久離驚貌長多難喜  
身全此信尚書重加威太守憐滿庭看玉樹更有一  
枝連

人部

卷百三

九

歸墅

唐李商隱

行李踰南極旬時到舊鄉楚芝應偏紫鄧橘未全黃  
渠濁村春急旗高社酒香故山歸夢喜先入讀書堂

東還

唐李商隱

自有一作仙才自不知十年長夢採華芝秋風動地  
黃雲暮歸去嵩陽尋舊師

歸家

唐杜牧

稚子牽衣問歸來何太遲共誰爭歲月贏得鬢邊絲

西還

唐于鵠

不繫與舟閑悠悠與楚間羞將新白髮却到舊青山

一葉初飛樹幾人同入關長安家尚在秋至又西還  
歲暮還家

歲暮還家

唐于鵠

東西流不駐白日與車輪殘雪半成水微風應欲吞  
幾經他國歲已減故鄉人回首長安道十年長苦辛

歸家山行

唐項斯

獻賦才何拙經時不耻歸能知此意是甘取眾人非  
遍隴耕無圃緣谿釣有磯此懷難自遣期在振儒衣

初歸故里獻侯郎中

唐方干

常思舊里欲歸難已得歸心即自覺此日早知無爵  
位當時便合把漁竿朝昏入閨春將逼城邑多山夏

人部

卷百三

十

却寒不是幽愚望榮泰君侯異禮亦何安  
家叔南遊却歸因獻賀

家叔南遊却歸因獻賀

唐韋莊

繚繞江南一歲歸歸來行色滿戎衣長聞鳳詔徵兵  
急何事龍韜獻捷稀旅夢遠依湘水闊離魂空伴越  
禽飛遙知倚棹思家處澤國煙深暮雨微

送江兵曹還遠館

齊謝朓

高館臨荒途清川帶長陌上有流思人懷舊望歸客  
塘邊草雜紅樹際花猶白日暮有重城何由盡離席

劉真人東山還

梁沈約

連峰竟無已積翠遠微微寥廓野風急蒼黃秋草靡

我來歲暮於此悵懷歸霜雪方共下  
靈雲衣待余兩岐秀去去掩柴扉

送賀知章歸四明并序 唐玄宗

天寶三年太子賓客賀知章鑒知足之分抗歸老之疏解組辭榮志期入道朕以其年在遲暮用循挂冠之事乃命六卿庶尹大夫供帳青門龍行邁也豈唯崇德尚齒抑亦勵俗勸人無令二疏獨光漢冊乃賦詩贈行

人部 卷百三十一 送歸

遺榮期入道辭老竟抽簪豈不惜賢達其如高尚心  
囊中得秘要方外散幽襟獨有青門錢羣寮悵別深  
別鄉人南還 唐張九齡

橘柚南中暖桑榆北地陰何言榮落異因見別離心  
昔亦江鄉子思歸夢寐深聞君去水宿結思渺雲林  
牽綴從浮事遲迴謝所欽東南行舫送秋浦念猿吟  
送高道弟耽歸臨淮作 唐王維

孤帆萬里外淼漫將何之江天海陵郡雲日淮陰祠  
杳冥滄洲上蕩漾無人知緯蕭或賣藥出處安能期  
送六舅歸陸渾 唐王維

伯舅吏淮泗卓魯方喟然悠哉自不競退耕東臯田  
條桑臘月下種杏春風前酌醴賦歸去共知陶令賢

送友人南歸 唐王維

萬里春應盡三江鴈亦稀連天漢水廣孤客郢城歸  
郎國稻苗秀楚人菰米肥懸知倚門望遙識老萊衣

送張五諲歸宣城 唐王維

五湖千萬里况復五湖西漁浦南陵郭人家春穀餘  
欲歸江淼淼未到草凄凄憶想蘭陵鎮宜猿更啼

送辛大 唐孟浩然

南國辛居士言歸舊竹林未逢調鼎用徒有濟川心

人部 卷百三十一 送歸

予亦忘機者田園在漢陰因君故鄉去還寄式微吟  
送孟六歸襄陽 唐張子容

杜門不欲復 一作出久與世情疎以此為長策勸君歸  
舊廬醉歌田舍酒笑讀古人書好是一生事無勞獻

子虛 東越相逢地西亭送別津風潮 一作看解纜雲雨見  
愁人鄉在桃林岨江山 一作連楓樹春長懷故園意歸

與孟家鄰 送費子歸武昌 唐岑參

漢陽歸客悲秋草旅舍葉飛愁不掃秋來倍憶武昌

魚夢著只在巴陵道曾隨上將過祈連離家十年恒  
在邊劍鋒可惜虛用盡馬蹄無事今已穿知君開館  
常愛客擣補百金每一擲平生有錢將與人江上故  
園空四壁吾觀費子毛骨竒廣眉大口仍赤髭看君  
失路尚如此人生貴賤那得知高秋八月歸南楚東  
門一壺聊出祖路指鳳凰山北雲衣沾鸚鵡洲邊雨  
勿歎蹉跎白髮新應須守道勿羞貧男兒何必戀妻  
子莫向江村老却人

送鄭堪歸東京汜水別業

唐岑參

客舍見春草忽聞思舊山看君灞陵去匹馬成羣還

卷百十三

十三 送歸

對酒風與雪向家河復關因悲宦遊子終歲無時閑  
暮春虢州東亭送李司馬歸扶風別廬

唐岑參

柳彈鶯嬌花復殷紅亭綠酒送君還到來函谷愁中  
川歸去磻谿夢裏山簾前春色應須惜世上浮名好  
是閑西望鄉園腸欲斷對君衫袖淚痕斑

送劉主簿歸金壇

唐李頎

與子十年舊其如離別何宦遊鄰故國歸夢是滄波  
京國青山遠金陵芳草多雲帆曉客裔江日暮清和  
縣郭舟人飲津亭漁者歌茅山有仙洞羨爾再經過

送族弟襄歸桂陽

唐李白

爾家何在瀟湘川青莎白石長江邊昨夢江花照江  
月幾枝正發東牕前覺來欲往心悠然魂隨越鳥飛  
南天秦雲連山海相接桂水橫煙不可涉送君此去  
令人愁風帆茫茫隔河洲春潭瓊草綠可折西寄長  
安明月樓

送客歸吳

唐李白

江村秋雨歇酒盡一帆飛路歷波濤去家唯坐卧歸  
島花開灼灼江柳細依依別後無餘事還應掃釣磯

送賀監歸四明應制

唐李白

人部

卷百十三

十四 送歸

久辭榮祿遂初衣曾向長生說息機真訣自從茅氏  
得恩波寧阻洞庭歸瑤臺含霧星辰滿仙嶠浮空島  
嶼微借問欲棲珠樹鶴何年却向帝城飛

送鄭司直歸上都

唐劉長卿

歲歲逢離別蹉跎江海濱宦遊成楚老鄉思逐秦人  
馬首歸何日鶯啼又一春因君報情舊閑慢莫垂綸  
郎上送韋司士歸上都舊業

唐劉長卿

前朝舊業想遺塵今日他鄉獨爾身郎地國除爲過  
客杜陵家在有何人蒼苔白露生三徑古木寒蟬滿

四鄰西去茫茫問歸路關河漸近淚盈巾一作此去草離心萬里還征輪

送夏侯審校書東歸

唐錢起中

楚鄉飛鳥沒一作獨與碧雲片一作還破鏡催歸客殘陽見舊山詩成流水上夢盡落花間儻寄相思字愁人定解顏

送張五員外東歸楚州

唐錢起中

纓佩不為美人羣寧免辭杳然黃鶴去未負白雲期此別清興盡高秋臨水時好山枉帆僻浪跡到家遲他日詔書下梁鴻安可追

人部

卷百十三

十五

送歸

冠中送張司馬歸洛

唐錢起中

戎狄寇周日衣冠適洛年客亭新驛騎歸路舊人煙吾道將東矣秋風更颯然雲愁百戰地樹隔兩鄉天旅思逢飄陌驚魂鴈弦

送陸侍御還越

唐韋應物中

居藩久不樂遇子聊一欣英聲頗籍甚交辟廼時珍繡衣過舊里驄馬輝四鄰一作輝光耀四鄰敬恭尊郡守牋簡具州民謬忝誠所媿思懷方見申置榻宿清夜加邊醺良辰遵塗還盛府行舫遶長津自有賢方伯得此文翰賓

送元倉曹歸故陵

唐韋應物中

官閑得去住告別戀音微舊國應無業他鄉到是歸楚山明月滿淮甸夜鐘微何處孤舟泊遙遙心曲違

送張觀歸袁州

唐李嘉祐中

羨爾湘東去煙花尚可親綠芳深映馬達岫逶迎人饑吟啼初日殘鶯惜暮春遙憐謝客興佳句又應新賊平後送人北歸

唐司空曙中

送故人歸魯

唐韓翃中

世亂同南去時清獨北還他鄉生白髮舊國見青山曉月過殘壘繁星宿故關寒禽與衰草處處伴愁顏

送客歸廣平

唐韓翃中

魯客多歸興居人悵別情雨餘衫袖冷風急馬蹄輕秋草靈光殿寒雲曲阜城知君親覲後少婦下機迎

送冷朝陽還上元

唐韓翃中

家在趙邯鄲歸心輒自歡晚杯孤旅暖春雪馬毛寒孟月途中破輕冰水上殘到時楊柳色奈向故園看青絲紆引木蘭船名遂身歸拜慶年落日澄江鳥榜外秋風疎柳白門前橋通小市家林近山帶平湖野寺連別後依依寒食裏共君攜手在東田

送客歸江州

唐韓翃中

東歸復得采真遊江水迎君日夜流客舍不離青雀舫人家舊在白鷗洲風吹山帶遙知雨露濕荷裳已報秋聞道淵明居止近籃輿相訪會淹留

送王光輔歸青州兼寄儲侍  
唐韓翃中

幾回奏事建章宮聖主偏知漢將功身著紫衣趨闕下口銜丹詔出關東蟬聲驛路秋山裏草色河橋落照中遠憶故人滄海別當年好躍五花驄

送人南歸  
唐李益中

人言下江疾君道江遲五月江路惡南風驚浪時應知近家喜還有異鄉悲無奈孤舟夕山歌聞竹枝

人部  
卷百三  
十七  
送歸

送王秘書歸江東  
唐耿漳中

迴首望知音逶迤桑柘林人歸海郡遠路入雨天深萬木經秋葉孤舟向暮心唯餘江海畔應見白頭吟

送魏十六還蘇州  
唐皇甫冉中

秋夜沈沈此送君陰蟲切切不堪聞歸舟明日昆陵道回首姑蘇是白雲

送顧秘書獻書後歸岳州  
唐盧綸中

黃葉落不盡蒼苔隨雨生當軒置樽酒送客歸江城竹裏聞機杼舟中見弟兄岳陽賢太守應為改鄉名

送李方東歸  
唐盧綸中

故交三四人問別共沾巾舉目是陳事滿城無至親身從喪日病家自儉年貧此去何堪遠遺孤在舊鄉

送張籍歸江東  
唐王建中

昔歲同講道青襟在師傍山處兩相因如彼衣與袂行行成歸此離我適咸陽失意未還家馬蹄盡四方訪余咏新文不倦道路長僮僕懷昔念亦如還故鄉相親惜晝夜寢息不異牀猶將在遠道忽忽起思量黃金未為壘無以挹酒漿所念俱貧賤安得相發揚迴車遠歸省舊宅江南廂

送顧非熊秀才歸丹陽  
唐王建中

人部  
卷百三  
十八  
送歸

江城柳色海門煙欲到茅山始下船知道君家當瀑布菖蒲潭在草堂前

送韋諱事歸華陰  
唐張籍中

三峰西面住出見世人稀老大誰相識惻惶又獨歸掃牕秋菌落開簾夜蛾飛若向訪雲中伴還應著褐衣

送劉秀才南歸  
唐陳存中

鳥啼楊柳垂此別千萬里古路入商山春風生灞水停車落日在罷酒離人起蓬戶寄龍沙送歸情詎已

滑州送人先歸  
唐劉商中



河水冰銷旅鴈飛寒衣未足又春衣自憐飄蕩經年客送別千迴獨未歸

送元書上人歸蘇州兼寄張唐許渾

自卜閑居荆水幽一作感時相別思悠悠一樽酒盡

青山暮子一作里書迴碧秋深巷久貧知一作寂

寞小詩多病尚一作風流畫公此去應相問爲說沾

巾一作衣憶舊遊

送人歸吳唐姚鵠

東吳與上國萬里路迢迢爲別晨昏久全輕水陸遙

湘陰島上寺楚色月中潮到此一長望一作知君積

人部卷百三十九

恨銷

送石貫歸湖州唐姚鵠

同志幸同年高堂君獨還齊榮恩未報共隱事應閑

訪寺臨湖岸開樓見海山洛中推二陸莫久戀鄉關

送友人歸宜春唐張喬

落花兼柳絮無處不紛紛遠道空歸去流鶯獨自聞

野橋喧磴水山郭入樓雲故里南陔曲秋期更送君

送友人歸江南唐張喬

辛勤同失意迢遞獨還家落日江邊笛殘春水上花

親安誠可喜道在亦何嗟誰伴高吟處晴天望九華

送友人歸江南唐崔塗

渚田芳草徧共憶故山春獨往滄洲暮相看白髮新

定過林下寺應見社中人口恐東歸後難將鷗鳥親

送歐陽袞歸閩中唐項斯

秦城幾年住猶著故鄉衣失意時相識成名後獨歸

海秋蠻樹黑嶺夜瘴禽飛爲學心難滿知君更掩扉

送友人歸武陵唐張蠟

聞近桃源住無村不是花戎旌招海客廟鼓集江鴉

別島垂橙實閑田長荻芽遊秦未得意看卽更離家

奉和送德師侍御西歸唐皮日休

建安才子太微仙暫上金臺許二年形影欲歸溫室

樹夢魂猶傍越谿蓮空將海月爲京信尚使樵風送

酒船從此受恩知有處免爲僞鬼恨吳天

奉和送德師侍御西歸唐陸龜蒙

王謝遺踪玉籍仙三年閒上鄂君船詩懷白閣僧吟

苦俸買青田鶴價徧行次野楓臨遠水醉中衰菊卧

涼煙芙蓉散盡西歸去唯有山陰九萬牋

○還山送還山併入

歸去來兮辭一首并序晉陶淵明

余家貧耕植不足以自給幼稚盈室鮮無儲粟生

生所資未見其術親故多勸余爲長吏脫然有懷  
求之靡途會有四方之事諸侯以惠愛爲德家叔  
以余貧苦遂見用于小邑于時風波未靜心憚遠  
役彭澤去家百里公田之利足以爲酒故便求之  
及少日眷然有歸歎之情何則質性自然非矯厲  
所得飢凍雖切違已交病常從人事皆口腹自役  
於是悵然慷慨深媿平生之志猶望一稔當歛裳  
宵逝尋鄭氏妹喪于武昌情在駿奔自免去職仲  
秋至冬在官八十餘日因事順心命篇曰歸去來  
今乙巳歲十一月也

人部

卷百三

三

歸去來今田園將蕪胡不歸旣自以心爲形役奚惆  
悵而獨悲悟已往之不諫知來者之可追寔迷途其  
未遠覺今是而昨非舟遙遙以輕颺風飄飄而吹衣  
問征夫以前路恨晨光之熹微乃瞻衡宇載欣載奔  
僮僕歡迎稚子候門三徑就荒松菊猶存攜幼入室  
有酒盈罇引壺觴以自酌眴庭柯以怡顏倚南牕以  
寄傲審容膝之易安園日涉以成趣門雖設而常關  
策扶老以流憩時矯首而遐觀雲無心而出岫鳥倦  
飛而知還景翳翳以將入撫孤松而盤桓歸去來今  
請息交以絕遊世與我而相違復駕言兮焉求悅親

戚之情話樂琴書以消憂農人告余以春及將有事  
於西疇或命中車或棹孤舟旣窈窕以尋壑亦嶠嶇  
而經丘木欣欣以向榮泉涓涓而始流善萬物之得  
時感吾生之行休已矣乎寓形宇內復幾時曷不委  
心任去留胡爲乎遑遑兮欲何之富貴非吾願帝鄉  
不可期懷良辰以孤往或植杖而耘耔登東臯以舒  
嘯臨清流而賦詩聊乘化以歸盡樂夫天命復奚疑

還山三首

一作山中雜詩

梁吳均

山際見來煙竹中窺落日鳥向簷上飛雲從牕裏出

二

人部

卷百三

三

綠竹可充食女蘿可代裙山中自有宅桂樹籠青雲

三

具區窮地險嵇山萬里餘奈何梁隱士一去無還書

歸山

唐劉希夷

初

歸去嵩山道煙花覆青草綠山無塵山青楊柳春  
日暮松聲合空歌思殺人

還山宅

唐楊師道

初

暮春還舊嶺徒倚玩年華遙逕無芳草空山正落花  
垂藤掃幽石卧柳礙浮槎鳥散茅簷靜雲披澗戶斜  
依然此泉路猶是昔煙霞

酬故人還山

唐宋鼎

舉棹乘春水歸山無歲華碧潭宵見月紅樹晚開花  
肅穆輕風度依微隱徑斜危亭暗松石幽澗落雲霞  
思鳥鳴高樹游魚戲淺沙安知餘興盡相望紫煙賒

送友人歸山歌二首

唐王維

山寂寂兮無人又蒼蒼兮多木羣龍兮滿朝君何爲  
兮空谷文寡和兮思深道難知兮行獨悅石上兮流  
泉與松間兮草屋入雲中兮養雞上山頭兮抱犢神  
與麋兮如瓜虎賣杏兮收穀愧不才兮妨賢嫌既老  
兮貪祿誓解印兮相從何詹尹兮可卜

人部

卷百三

二三

還山

山中人兮欲歸雲冥冥兮雨霏霏水驚波兮翠管靡  
白鷺忽兮翻飛君不可兮寒衣山萬重兮一雲混天  
地兮不分樹晚暖兮氛氲後不見兮空聞忽山西兮  
夕陽見東皇兮遠村平蕪綠兮千里眇惆悵兮思君

送張五歸山

唐王維

送君盡惆悵復送何人歸幾日同攜手一朝先拂衣  
東山有茅屋幸爲歸荆扉當亦謝官去豈令心事違

歸終南山

唐孟浩然

北闕休上書南山歸敝廬不才明主棄多病故人疎  
白髮催年老青陽逼歲除永懷愁不寐松月夜牕虛

浩然遊京師嘗於太學賦詩一座嗟伏無敢抗者張  
九齡王維雅稱道之維私選入內署俄而玄宗至浩  
然匿牀下維以實對帝喜曰朕聞其人而未見也何  
懼而匿詔浩然出帝問其詩浩然再拜自誦其所爲  
詩至不才明主棄之句帝曰卿不求仕朕未嘗棄卿奈何遂我因放還

賦得還山吟送沈四山人

唐高適

還山吟天高日暮寒山深送君還山識君心人生老  
大須恣意看君解作一生事山間偃仰無不至石泉  
淙淙若風雨桂花松子常滿地賣藥囊中應有錢還  
山服藥又長年白雲勸盡杯中物明月相隨何處眠  
眠時憶問醒時意夢魂可以相周旋

早發崖山還太室

唐崔曙

東林氣微白寒鳥高急一作高翔吾亦別一作茲去北  
山歸草堂仲冬正三五日月遙相望蕭蕭過潁  
上隴隴辨夕陽春川一作水生積雪野火出枯桑獨往  
路難盡窮陰人易傷傷此無衣客如何度雪霜一作  
霜

春歸終南山松龕舊隱

唐李白

我來南山陽事事不異昔却尋谿中水還望巖下石  
蒿微緣東牕女蘿遶北壁別來能幾日草木長數尺  
且復命酒樽獨酌陶永夕

贈別王山人歸布山

唐李白

王子析道論微言破秋毫還歸布山隱興入天雲高  
爾去安可遲瑤草恐衰歇我心亦懷歸屢夢松上月  
傲然遂獨往長嘯開巖扉林壑久已無石道生薔薇  
願言弄笙鶴歲晚來相依

下途歸石門舊居

唐李白盛

吳山高越水清握手無言傷別情將欲辭君挂帆去  
離魂不散煙郊樹此心鬱悵誰能論有媿叨承國士  
恩雲物共傾三月酒歲時同餞五侯門羨君素書常  
滿案含丹照白霞色爛余嘗學道窮冥筌夢中往往  
遊仙山何當脫屣謝時去壺中別有日月天俛仰人

人部

卷百三

三五

還山

問易凋朽鍾峰五雲在軒牖惜別愁窺玉女廳歸來  
笑把洪崖手隱居寺隱居山陶公鍊液棲其間靈神  
閑氣昔登攀恬然但覺心緒閑數人不知幾甲子昨  
來猶帶冰霜顏我離雖則歲物改如今了然識所在  
別君莫道不盡歡懸知樂客遙相待石門流水徧桃  
花我亦曾到秦人家不知何處得雞豕就中仍見繁  
桑麻脩然遠與世事簡裴鷺鶴又復遠何必長從  
七貴遊勞生徒聚萬金產挹君去長相思雲遊雨散  
從此辭欲知悵別心易苦向暮春風楊柳絲

佐還山後寄

唐杜甫盛

山晚浮雲合歸時恐路迷澗寒人欲到村黑鳥應栖  
野客茅茨小田家樹木低舊諳疎懶叔須汝故相攜

二

幾道泉澆圃交橫落慢坡歲蕤秋葉少隱映野雲多  
隔沼連香菱通林帶女蘿甚聞霜薤白重惠意如何  
留別長安知己

唐王季友盛

出山不見家還山見家在山前是門前此去長樵採  
青谿誰招隱白髮自相待唯伴澗底松依依色不改  
歲初歸舊山

唐錢起中

欲知愚谷好久別與春還鶯暖初歸樹雲晴却戀山  
人部

卷百三

三六

還山

石田耕種少野客性情閑求仲應難見殘陽俱掩關  
晚歸藍田酬王維給事贈別

唐錢起中

卑棲却得性每與白雲歸徇祿仍懷橘看山免採薇  
一作別山如昨日春露已霽  
衣采薇類盤手看花空賦歸  
暮禽先去馬新月待開  
扉霄漢時回首知音青瑣闥

送孫逸人歸廬山

唐劉長卿中

鐘峰絕頂楚雲銜楚客東歸棲北巖彭蠡河邊香櫓  
柁潯陽郭外暗楓杉青山不斷三湘水飛鳥空隨萬  
里帆常愛此中多勝事新詩他日竹間緘

送韋邑少府歸鍾山

唐李嘉祐中

祁門官罷後負笈向桃源萬卷長開帙千峰不閉門  
綠楊垂野渡黃鳥傍山村念爾能高枕丹墀會一論

送丘員外還山

唐韋應物中

長棲白雲裏覽訪高齋宿還辭郡邑誼歸泛松江淥  
結茅隱蒼嶺茂新營深谷同是山中人不知往來躅  
靈芝非庭草遼鶴姿一作池鷺終當署里門一表高  
陽族

重送丘二十二還臨平山居

唐韋應物中

歲中始再覲方來又解攜纔留夜艇語已憶故山樓  
幽澗人夜汲深林鳥長啼還持郡齋酒慰子一作霜

人部

卷百十三

二十七

還山

露妻

送褚校書歸舊山歌

唐韋應物中

握珠不返泉匣玉不歸山明皇重士亦如此忽得褚  
生何得還方稱羽獵賦未拜蘭臺職漢篋亡書已暗  
傳高丘遺簡還能識朝朝待詔青瑣闥中有萬年之  
樹蓬萊池世人仰望棲此地生獨徘徊意何爲故山  
可往微可採一自人間星歲改藏書壁中苔半侵洗  
藥泉中月還在春風欲餞灞陵原莫厭歸來朝市宜  
不見東方朔避世從容金馬門

奉酬使君送歸山之作

唐丘丹中

側聞郡守至偶乘黃犢出不別桃源人一見經累日  
蟬鳴念秋稼蘭酌動離瑟臨水降麾幢野艇纔容膝  
參差碧山路日一作送江帆疾涉海得驪珠棲梧慙  
鳳質媿非鄭公里歸掃蒙龍室

奉酬重送歸山

唐丘丹中

賣藥有時至自知往來疎遽辭池上酌新得山中書  
步出芙蓉府歸乘轂轅車猥蒙招隱作豈媿班生廬

送韋逸人歸廬山

唐郎士元中

逸人歸路遠弟子出山迎服藥顏猶駐耽書癖已成  
柴扉多歲月藜杖見公卿更作儒林傳應須載姓名

人部

卷百十三

三十八

還山

送廬山人歸林慮山

唐丘丹中

無論行遠近歸向舊煙林寥落人家少青冥鳥道深  
白雲長滿目芳草自知心山色連東海相思何處尋

送王先生歸南山

唐司空曙中

儒中年最老獨有濟南生愛子方傳業無官自耦耕  
竹通山舍遠雲接雪田平願作門人去相隨隱姓名

送戴徵士還山

唐李端中

采桑錦臆雉相送到煙霞獨隱空山裏閑門幾樹花  
草生楊柳岸鳥轉竹林家不是謀生拙無爲末路嗟

送錢從叔辭豐州幕歸嵩陽舊居

唐盧綸

白鬚宗孫侍坐時願持壽酒前致詞鄙詞何所擬請  
自邊城始邊城貴者李將軍戰鼓遙疑天上聞屯田  
布錦周千里牧馬攢花溢萬羣白雲本是喬松伴來  
遠青營復飛散三聲畫角咽不通萬里蓬根一時斷  
豐州聞說似涼州沙塞晴明部落稠行客已去依獨  
戍主人猶自在高樓夢親旌旆何由見每值清風一  
回面洞裏先生那怪遲人天無路自無期砂泉丹井  
非同味桂樹榆林不並枝吾翁致身殊得計地仙亦  
是三千歲莫著戎衣朝上清東方曼倩逢人輕

人部

卷百三

三

送吉中孚校書歸楚州舊山六首

唐盧綸

年來倦蕭索但說淮南樂並職湖上遊連檣月中泊

二

沿溜入閣門千燈夜市喧喜逢鄰舍伴遙語問鄉園

三

下淮風自急樹杪分郊邑送客隨岍行離人出帆立

四

林昏天未曙但向雲邊去暗入無路山心知有花處

五

寥寥行異境過盡千峰影露色凝古壇泉聲落寒井

六

仙成不可期多別自堪悲爲問桃源客何人見亂時

歸山作

唐顧況

心事數莖白髮生涯一片青山空林有雪相待古道

無人獨還

送齊山人歸長白山

唐韓翃

舊事山人白兔公掉頭歸去又乘風柴門流水依然在一路寒花萬木中

夜歸華山因寄幕府

唐蘇廣文

人部

卷百三

三

山村寥落野人稀竹裏衡門掩翠微谿路夜隨明月入亭皇春伴白雲歸愁康懶慢仍耽酒范蠡通逃久拂衣汀畔數鷗閑不起只應知我也忘機

送唐大夫讓節歸山

唐于鵠

年老功成乞罷兵玉階甫畱進雙旌朱門駕瓦爲仙

觀白領狐裘出帝城侍女休梳宮樣髮蕃童新改道家名到時浸髮春泉裏猶夢紅樓簫管聲

送唐大夫龍節歸山

唐王建

年少平戎先學仙表求骸骨乞生全不堪腰下懸金

印已向雲西寄玉田旌節抱歸官路上公卿送到國



門前人間雞犬同時去遙望笙歌隔水煙

送友人歸山

唐張籍

出山成北首重去結茅廬移石修廢井掃龕盛舊書  
開田留杏樹分洞與僧居長在幽峰裏無人見亦疎

謝真人還舊山

唐范傳正

麾蓋從仙府笙歌入舊山水流丹竈缺雲起草堂關  
白鹿行爲衛青鸞舞自閑種松鱗未立移石薛仍斑  
望路煙霞外迴輿巖岫間豈唯遼西鶴空歎令威還  
梁燭處士辭金陵相國杜公歸舊山因以寄贈

唐鄭元

人部

卷百三

三十一

送友人

相庭留不得江野有苔磯兩浙尋山徧孤舟載鶴歸  
世間書讀盡雲外客來稀諫署搜賢急應難惜布衣

送趙舒處士歸廬山

唐李咸用

歸岫香鑪碧行吟步益遲諸侯師不得樵客偶相隨  
思舊江雲斷談玄岳月移祗應張野輩異代作心知

送嶺南盧判官罷職歸華陰山居

唐許渾

曾事劉琨鴈塞空十年舊劔似飄蓬東堂逢屈一作  
移山志南國新窮亥海功還挂一帆青草畔更開三  
徑碧蓮中關西舊一作友應一作相問已許滄浪伴

鈞翁

贈李伊闕

唐許渾

前伊闕李師晦侍御辭秩歸山過余所止醉圖二  
室於屋壁亦招隱之旨也因而有贈焉

柯復如飛不可尋一壺雙笈嶧陽岑舟橫野渡寒風  
急門掩荒山夜雪深貧笑白駒無去意病慙黃鶴有  
歸心雲間二室勞君畫水墨蒼蒼半壁陰

送徐山人歸睦州舊隱

唐陶雍

君在桐廬何處住草堂應與戴家鄰初歸山犬翻驚  
主久別江鷗却避人終日欲爲相逐計臨時空羨獨

人部

卷百三

三十一

送友人

行身秋風釣艇遙相憶七里灘西片月新

送故人歸山

唐杜牧

三清洞裏無端別又拂塵衣欲卧雲看者桂冠迷處  
所北山蘿月在移文

○避地

避地司空原言懷

唐李白

南風昔不競豪聖思經綸劉琨與祖逖起舞雞鳴晨  
雖有匡濟心終爲樂禍人我則異於是潛光皖水濱  
卜築司空原北將天柱鄰雪霽萬里月雲間九江春  
侯平泰階平然後托微身傾家事金鼎年貌可長新

所願得此道終然保清真弄影春日馭攀星戲河津  
一隨王喬去長年玉天賓

經亂後將避地剡中留贈崔宣城

唐李白

雙鵝飛洛陽五馬渡江徼何意上東門胡雛更長嘯  
中原走豺虎烈火焚宗廟太白晝經天顏陽掩餘照  
王城皆蕩覆世路成奔峭四海望長安嘖眉寡西笑  
蒼生疑落葉白骨空相弔連兵似雪山破敵誰能料  
我垂北溟翼且學南山豹崔子賢主人歡娛每相召  
胡牀紫玉笛却坐青雲斗楊花滿州城置酒同臨眺  
人部 卷百十三 三十三 避地

庚子歲避地至玉山訓韓司馬所贈

唐獨孤及

滄海疾風起洪波駭恬鱗已無濟川分生作垂桴人  
揮手謝秣陵舉帆指甌閩安知風塵表偶與瓊瑤親  
共悲行路難况逢江南春故園如在夢返復知何辰  
曠野豺虎滿深山蘭蕙新枉君灞陵什迴首徒酸辛

送時暹避難適荆南

唐錢起

三歎把離袂七哀深我情雲天愁遠別豺虎擁前程  
駐馬戀攜手隔河聞哭聲相思昏若夢淚眼幾時明

避地江東

別淮南使院

唐劉長卿

長安路絕鳥飛通萬里孤雲西復東舊業已應成茂  
草餘生只是任飄蓬何辭向物開秦鏡却使他人得  
楚弓此去行持一竿竹等閑將狎釣漁翁

避地越中作

唐韋莊

避世移家遠天涯歲已周豈知今夜月還是去年愁  
露果珠沈水風螢燭上樓傷心潘騎省華髮不禁秋

人部

卷百十三

三十四

避地

詩集類函卷一百十四

市

前安期彙纂

宣城梅鼎祚增定

人部五十六

憂愁 哀傷

新都汪士龍訂校

○憂愁

悲愁歌

漢書西域傳曰武帝元封中遣江都王  
建女細君為公主以妻烏孫王昆莫公  
主至其國自治宮室居歲時一再與昆莫會  
置酒飲食昆莫年老言語不通公主悲乃自

歌

漢烏孫公主

吾家嫁我今天一方達託異國今烏孫王穹廬為室  
今檀為牆以肉為食今酪為漿居常思土今心何傷

人部

卷二百四

願為黃鵠兮歸故鄉

愁莫愁

一作脩成歌者非按漢書王  
為昭信盡開諸姬故作此歌

漢廣川王去

愁莫愁生無聊心重結意不舒內弟鬱憂哀積上不  
見天生何益日崔嵬時不再願棄軀死無悔

憂懷

原作琴  
思楚歌

漢王逸

盛陰脩夜何難曉思念糾戾腸摧繞時節晚莫年齒  
老冬夏更運去若頽寒來暑往難逐追形容減少顏  
色虧時忽掩掩若驚馳意中私喜施用為內無所恃  
失本義志願不得心肝沸憂懷感結重歎歲月已

去奄忽上官失祿去家室思想君命幸復位久處  
無成卒放棄

四愁詩并序

漢張衡

張衡不樂久處機密陽嘉中出為河間相時國王  
驕奢不遵法度又多豪右并兼之家衡下車治威  
嚴能內察屬縣姦猾行巧劫皆密知名下吏收捕  
盡服檢諸豪俠遊客悉惶懼逃出境郡中大治爭  
訟息獄無繫囚時天下漸弊鬱鬱不得志為四愁  
詩效屈原以美人為君子以珍寶為仁義以水深  
雪雰為小人思以道術為報貽於時君而懼讒邪

人部

卷二百四

不得以通其辭曰

我所思今在太山欲往從之梁父艱側身東望涕霑  
翰美人贈我金錯刀何以報之英瓊瑤路遠莫致倚  
道遙何為懷憂心煩勞

我所思今在桂林欲往從之湘水深側身南望涕霑

襟美人贈我金

一作琴

琅玕何以報之雙玉盤路遠莫

致倚惆悵何為懷憂心煩傷

我所思今在漢陽欲往從之隴阪長側身西望涕霑

裳美人贈我貂襜褕何以報之明月珠路遠莫

致倚踟躕何為懷憂心煩紆

我所思兮在鴈門欲往從之雪雰雰側身北望涕霑  
中美人贈我錦繡段何以報之青玉案路遠莫致倚  
增歎何爲懷憂心煩惋鳥反

擬四愁詩四首

晉傅玄

張平子作四愁詩體小而俗七言類也聊擬而作  
之名曰擬四愁詩

我所思兮在瀛洲願爲雙鵲戲中流牽牛織女期在  
秋山高水深路無由慙余不邁嬰殷憂佳人貽我明  
月珠何以要之比目魚海廣無舟悵勞劬寄言飛龍  
天馬駒風氣雲披飛龍逝驚波滔天馬不厲何爲多  
人部

卷一百四

三

念心憂泄

我所思兮在珠崖願爲比翼浮清池剛柔合德配二  
儀形影一絕長別離慙余不邁情如攜佳人貽我蘭  
蕙草何以要之同心鳥火熱水深憂盈抱中以琬琰  
夜光寶下和旣沒玉不察存若流光忽電滅何爲多  
念獨鬱結

我所思兮在崑山願爲鹿麇一作關虞淵日月迴曜  
照景天參辰曠隔會無緣慙余不邁惟自艱佳人貽  
我蘇合香何以要之翠鴛鴦懸度弱水川無梁中以  
錦衣文繡裳三光騁過景不留鮮似民生忽如浮何

爲多念祇自愁

我所思兮在朔方願爲飛燕俱南翔煥乎人道著三  
光胡越殊心生異鄉慙余不邁惟百殃佳人遺我猗  
羽纓何以要之影與形永增憂結繁華零中以日月  
指明星星辰有翳日月移鴛鴦哀鳴慙不馳何爲多  
念徒自虧

擬四愁詩四首

晉張載

我所思兮在南巢欲往從之巫山高登崖遠望涕泗  
交我之懷矣心傷勞佳人遺我筒中布何以贈之流  
黃素願因飄風超遠路終然莫致增永慕

人部

卷一百四

四

我所思兮在朔方欲往從之白雲霏登崖遠望涕泗  
流一作我之懷矣心傷悲佳人遺我雲中緜何以報

之連城璧願因歸鴻超遠邇終然莫致增永積

我所思兮在隴原欲往從之隔太山登崖遠望涕泗  
漣我之懷矣心傷煩佳人遺我雙角端何以贈之雕  
玉環願因行雲超重巒終然莫致增永歎

我所思兮在營州欲往從之路阻脩登崖遠望涕泗  
流我之懷矣心傷憂佳人遺我綠綺琴何以贈之雙  
南金願因流波超重深終然莫致增永吟

詠愁

宋王微

自予抱羈思眇與日月長載離非宋遠誰謂河難航  
憂隨積霖密慨因朗旭彰負之苦不勝即之竟無方  
如彼引鯢魚待盡守空梁天地豈私貧遺至豈固當  
既悟非形兆茲數詎可攘

憂來傷人

原作相逢行

宋謝靈運

行行卽長道道長息班草邂逅賞心人與我傾懷抱  
夷世信難值憂來傷人平生不可保 陽華與春渥  
陰柯長秋稿心慨榮去速情苦憂來早日華難久居  
憂來傷人諄諄亦至老 親黨近卹庇昵君不常好  
九族悲素霰三良怨黃鳥邇朱白卽頽憂來傷人近  
人部 卷百四 五

縞潔必造 水流理就濕火炎同歸燥賞契少能諧  
斷金斷可寶千計莫適從憂來傷人萬端信紛繞  
巢林宜擇木結友使心曉心曉形迹畧畧邇誰能了  
相逢既若舊憂來傷人片言代紓縞

貧賤秋苦行

宋鮑照

湮沒雖死悲貧苦卽生劇長歎至天曉愁苦窮日夕  
盛顏當少歇鬢髮先老白親友四面絕朋知斷三益  
空庭慙樹萱藥餌愧過客貧年忘日時黯顏就人惜  
俄頃不相酬慙怩面已赤或以一金恨便成百年隙  
心爲千條計事未見一獲運圯津途塞遂轉死溝洫

以此窮百年不如還窳窳

直學省愁詩

梁沈約

秋風吹廣陌蕭瑟入南闌愁人掩軒卧高牕時動扉  
虛館清陰滿神宇曉微微網蟲垂戶織夕鳥傍欄飛  
纓珮空爲忝江海事多違山中有桂樹歲暮可言歸  
夜愁示諸賓 梁王僧孺

簷露滴爲珠池水合成壁萬行朝淚瀉千里夜愁積  
孤帳閉不開寒膏盡復益誰知心眼亂看朱忽成碧  
忽不任愁聊示固達 梁王僧孺

去秋客舊吳今春投故越淚逐東歸水心挂西斜月  
人部 卷百四 六

未應歲貶顏直以憂殘髮

戲擬四愁聊題兩絕

隋釋玄達

我行之數萬愁緒百重思那教六尺影獨步五天陲  
二

上將可陵思匹士志難移如論惜短命何得滿長祇  
獨愁 唐李崇嗣

江畔老人愁

唐崔顥

江南年少十八九乘舟欲渡青谿口青谿口邊一老  
翁鬚眉皓白已衰朽自言家代仕梁陳垂朱拖紫三

十人兩朝出將復入相五世疊鼓乘朱輪父兄三葉  
皆尚主子女四代爲妃嬪南山賜田接御苑北宮甲  
第連紫宸直言榮華未休歇不覺山崩海將竭兵戈  
亂入建康城煙火連燒未央闕衣冠士子陷鋒刃良  
將名臣盡埋沒山川改易失市朝衢路縱橫填白骨  
老人此時尚少年脫身走得投海邊罷兵歲餘未敢  
出去鄉三載方來旋蓬蒿忘却五城宅草木不識青  
谿田雖然得歸到鄉土零丁貧賤長辛苦採樵屢入  
歷陽山川稻常過新林浦少年欲知老人歲豈知今  
年一百五君今少壯我已衰我昔少年君不睹人生  
人部 卷一百十四 七 憂愁

愁

唐杜甫 盛

江草日日喚愁生巫峽冷冷非世情盤渦驚浴底心  
性獨樹花開自分明十年戎馬暗南國異域賓客老  
孤城渭水秦山得見否人今罷病虎縱橫

遣愁

唐杜甫 盛

養拙蓬爲戶茫茫何所開江通神女館地隔望鄉臺  
漸惜客顏老無由弟妹來兵戈與人事迴首一悲哀

收愁二首

唐杜甫 盛

久客宜旋旆興王未息戈蜀星陰見少江雨夜聞多  
百萬轉深入寒區望匪他司徒下燕趙收取舊山河

二

聞道并州鎮尚書訓士齊幾時通薊北當日報關西  
戀闕丹心破霜衣皓首啼老魂招不得歸路恐長迷

復愁五首

唐杜甫 盛

萬國尚防寇故園今若何昔歸相識少早已戰場多

二

貞觀銅牙弩開元錦獸張花門小箭好此物棄沙場

三

人部

卷一百十四

八 憂愁

今日翔麟馬先宜駕鼓車無勞問河北諸將角榮華

四

任轉江淮粟休添苑囿兵由來貔虎士不滿鳳皇城

五

病減詩仍拙吟多意有餘莫看江總老猶被賞時魚

遣憂

唐杜甫 盛

亂離知又甚消息苦難直受諫無今日臨危憶古人  
紛紛乘白馬壤壤著黃巾隋氏留宮室焚燒何太頻

百憂集行

唐杜甫 盛

憶昔十五心尚孩健如黃犢走復來庭前八月梨棗



燕一日上樹能千迴卽今倏忽已五十坐卧只多少  
行立強將笑語供主人悲見生涯百憂集入門依舊  
四壁空老妻觀我顏色同癡兒未知父子禮呌怒索  
飯啼門東

百憂

唐孟郊中

萱草女兒花不解壯士憂壯士心是劍爲君射斗牛  
朝思除國讎一作難暮思除國讎計盡山河盡意窮草  
木籌智士日千慮愚夫唯四愁何必在波濤然後驚  
一作生沈浮伯倫心不醉四皓迹難留出處各有時衆  
議徒啾啾

人部

卷一百四

九

憂愁

達愁曲

唐孟郊中

飄飄何所從遺塚行未逢東西不見人哭向青青松  
此地有時盡此哀無處容聲翻太白云淚洗藍田峰  
水涉七八曲山登千萬重願迴玄夜月一作靈出視白  
日蹤

閑愁

唐孟郊中

春愁

唐孟郊中

妾恨比斑竹下盤煩冤根有筍未出土中已含淚痕  
春物與愁客遇時各有違故花辭新枝新淚落故衣  
日暮兩寂寞飄然亦同歸

春愁曲

唐溫庭筠晚

絲絲穿露珠簾冷百尺啞啞下纖綆遠翠愁山入卧  
屏兩重雲母空烘影涼簪墜髮春眠重玉免氤氳柳  
如夢錦疊空牀委墜紅颼颼掃尾雙金鳳蜂喧蝶駐  
俱一作戲悠揚柳拂赤欄纖草長覺後梨花委平綠春  
風和雨吹池塘

愁

唐韋莊晚

避愁愁又至愁至事難忘夜作心中火朝爲鬢上霜  
不經公子夢偏入旅人腸借問高軒客何鄉是醉鄉

愁

唐杜牧晚

人部

卷一百五

十

憂愁

聚散竟無形迴腸自結成古今留不得離別又潛生  
降虜將軍思窮秋遠客情何人更憔悴落第泣秦京

春愁

原作  
嘉陵

唐鄭谷晚

細雨濕妻妾人稀江日西春愁腸已斷不在子規啼

三愁詩

唐曹鄴晚

一愁

遠夢如心急白髮如草新歸期待春至春至還送人

二愁

澗草短短青山月朗明明此夜目不掩屋頭烏啼聲

三愁

別家鬢未生到城鬢似髮朝朝臨川望灞水不入越

傷歌行

古辭

昭昭素明月輝光燭我牀憂人不能寐耿耿夜何長  
微風吹閨闥羅帷自飄揚攬衣曳長帶履履下高堂  
東西安所之徘徊以徬徨春鳥翻南飛獨獨翱翔  
悲聲命儔匹哀鳴傷我腸感物懷所思泣涕忽霑裳  
佇立吐高吟舒憤訴穹蒼

七哀詩

魏陳思王

明月照高樓流光正徘徊上有愁思婦悲歎有餘哀

卷一百四

十一 哀傷

借問歎者誰言是宕子妻君行踰十年孤妾常獨樓  
君若清路塵妾若濁水泥浮沈各異勢會合何時諧  
願為西南風長逝入君懷君懷良不開賤妾當何依

七哀詩三首

魏王粲

西京亂無象豺虎方遘患復棄中國去委身適荆蠻  
親戚對我悲朋友相追攀出門無所見白骨蔽平原  
路有飢婦人抱子棄草間顧聞號泣聲揮涕獨不還  
未知身死處何能兩相完驅馬棄之去不忍聽此言  
南登灞陵岸回首望長安悟彼下泉人喟然傷心肝

二

荆蠻非我鄉何為久滯淫方舟大江日暮愁我心  
山岡有餘映嚴阿增重陰狐狸馳赴穴飛鳥翔故林  
流波激清響猿猴臨岸吟迅風拂裳袂白露沾衣襟  
獨夜不能寐攝衣起撫琴絲桐感人情為我發悲音  
羈旅無終極憂思壯難任

三

邊城使心悲昔吾親更之冰霜截肌膚風飄無止期  
百里不見人草木誰當遲登城望亭隧飄飄飛戍旗  
行者不顧返出門無家辭子弟多俘虜哭泣無已時  
天下盡樂土何為久留茲蓼蟲不知辛去來勿與諮

人部

卷一百四

十二 哀傷

七哀詩

魏阮瑀

丁年難再遇富貴不重來良時忽一過身體為土灰  
冥冥九泉室漫漫長夜臺身盡氣力索精魂靡所能  
與萊

哀傷 原作 雜詩

魏阮瑀

臨川多悲風秋日苦清涼客子易為感 一作 此用  
哀傷攬衣起躑躅上觀心與房三星守故次明月未  
收光雞鳴當何時朝晨尚未央還坐長歎息憂憂安  
可忘

七哀詩二首

晉張載

北芒何壘壘高陵有四五借問誰家墳皆云漢世主  
恭文遙相望原陵鬱鬱應李季一作喪亂起賊盜如  
豺虎毀壞過一杯便房啟幽戶珠柙一作離玉體珍  
寶見剝虜園寢化為墟周墉無遺堵蒙籠荆棘生蹊  
逕登童豎狐兔窟其中蕪穢不復掃頽隴並墾發明  
隸營農圃昔為萬乘君今為丘中土感彼雍門言悽  
愴哀今古

秋風吐商氣蕭瑟掃前林陽鳥收和響寒蟬無餘音  
白露中朝一作夜結木落柯條森朱光馳北陸浮景忽

人部

卷一百四

十三

哀傷

西沈顧望無所見唯覩松柏陰蕭蕭高柯枝翩翩栖  
孤禽仰聽離鴻鳴俯聞蜻蛚吟哀人易感傷觸物增  
悲心丘隴日已遠纏綿彌思深憂來令髮白誰云愁  
可任徘徊向長風淚下沾衣襟

哀詩

晉潘岳

濯如葉落樹遡若雨絕天雨絕有歸雲棄落何時連  
山氣冒岡嶺長風鼓松柏堂虛聞鳥聲室暗如日夕  
晝愁希逮昏夜思忽終昔展轉獨悲窮泣下沾枕席  
人居天地間飄若遠行客先後詎能幾誰能弊金石  
長安還至方山愴然自傷 陳沈炯

秦軍坑趙卒遂有一人生雖還舊鄉里危心曾未平  
淮源北桐柏方山似削成猶疑屯虜騎尚畏值胡兵  
空村餘拱木廢邑有頽城舊識既已盡新知皆異名  
百年三萬日處處此傷情

還至端州驛前與高六別處

唐張說

舊館分江口悽然望落暉相逢傳旅食臨別換征衣  
昔記山川是今傷人代非往來皆此路生死不同歸

傷春五首

唐杜甫

天下兵雖滿春光日自濃西京疲百戰北闕任羣兇  
關塞三千里煙花一萬重蒙塵清露急御宿且誰供

人部

卷一百四

十四

哀傷

殷復前王道周還舊國容蓬萊足雲氣應合總從龍

二

鶯入新年語花開滿故枝天清風卷幔草碧水通池  
牢落官軍遠蕭條萬事危鬢毛元自白淚點向來垂  
不是無兄弟其如有別離巴山春色靜北望轉逶迤

三

日月還相闕星辰屢合圍不成誅執法焉得變危機  
大角纏兵氣鉤陳出帝畿煙塵昏御道耆舊把天衣  
行在諸軍闕來朝大將稀賢多隱屠釣一作戰同歸

四

再有朝廷亂難知消息真近傳王在洛陽道使歸秦  
奪馬悲公主登車泣貴嬪蕭關迷北上滄海欲東巡  
敢料安危體猶多老大臣豈無稽紹血雷灑屬車塵

五

聞說初東幸孤兒却走多難分太倉粟競棄魯陽戈  
胡虜登前殿王公出御河得無中夜舞誰憶大風歌  
春色生烽燧幽人泣薜蘿君臣重修德猶足見時和

傷懷贈故人

唐孟雲卿

稍稍晨鳥翔淅淅草上霜人生早惟苦壽命恐不長  
二十學已成三十名不彰豈無同門友貴賤易中腸

人部

卷百十四

十五

哀傷

驅馬行萬里悠悠過帝鄉幸因絃歌未得上君子堂  
眾樂互喧奏獨子備筵簞坐中無知音安得神揚揚  
願因高風起上感白日光

傷情

唐孟雲卿

為長心易憂早孤意常傷出門先躊躇入戶亦彷徨  
此生一何苦前事安可忘兄弟先我沒孤幼盈我傍  
舊居近東南河水新為梁松柏今在茲安忍思故鄉

奉使至申州傷經陷沒

唐劉長卿

舉目傷蕪沒何年此戰爭歸人失舊里已將守孤城  
廢戍山煙出荒田野火行獨憐潯水上時亂亦能清

同德精舍舊居傷懷

唐韋應物

京洛十載別東林訪舊屏山河不可望存沒意多違  
時遷跡尚在同去獨來歸還見牕中鴿日暮遠庭飛

傷春

唐孟郊

兩河春草海水清十年征戰城郭腥亂兵殺兒將女  
去二月三月花冥冥千里無人旋風起鶯啼燕語荒  
城裏春色不揀墓傍枝紅顏皓色逐春去春來  
那得知今人看花古人墓令人惆悵山可路

悲歌

古辭

悲歌可以當泣遠望可以當歸思念故鄉鬱鬱  
人部

卷百十四

十六

哀傷

悲平城

北魏王肅

欲歸家無人欲渡河無船心思不能言腸中車輪轉

悲彭城

北史曰尚書令王肅於省中詠悲平城

語云公可更為誦悲彭城詩肅戲之云何意  
呼悲平城為彭城也知有慙色坐即云  
悲彭城王公自未見肅云可為誦之  
望應聲為之肅甚嗟賞德亦大悅

北魏祖瑩

悲彭城楚歌四面起屍積石梁亭血流睢水裏

悲秋

唐杜甫

涼風動萬里羣盜尚縱橫家達傳書日秋來為客情

愁窺高鳥過老逐衆人行始欲投三峽何由見兩京

○憤怨

龍蛇歌

史記晉文公重耳奔狄其後返國賞從亡者宮門文公出見之曰此介子推也使人召之亡入綿上山中於是文公環綿上山而封之以爲介子推田號曰介山

晉介子推

有龍矯矯頃失其所五蛇從之周徧天下五反龍飢無食一蛇割股龍返其淵安其壤土四蛇入穴皆有處所一蛇無穴號於中野

春歌

漢書外戚傳曰高帝得定陶戚姬愛幸生趙隱王如意惠帝立呂后爲皇太后遇令水巷囚戚夫人髡髮衣赭衣令春戚夫人春且歌太后聞之大怒曰乃欲倚子邪召趙王

人部

卷百四

十七

殺之戚夫人遂有人殲之禍

漢戚夫人

子爲王母爲虜終日春薄暮常與死爲伍相離三千里當誰使告汝

幽歌

漢書曰幽王友高帝之子孝惠時友以諸呂女爲后不愛愛之姬諸呂女讒之於太后太后怒召趙王置邸令衛圍守之趙王餓乃作歌遂幽死

漢趙幽王友

諸呂用事今劉氏微迫脅王侯今疆授我妃我妃既始今誣我以惡反故讒女亂國今上曾不將我無忠一作今何故棄國自決中野今蒼天與直干嗟不可悔今寧早自賊爲王餓死今誰者憐之呂氏絕理

今託天報仇

悲憤詩二首

蔡琰字文姬邕之女也博學有才辨適河東衛仲道夫亡無子歸寧于家與平中天下災亂姬爲胡騎所獲及于南匈奴左賢王在胡中十二年生二子曹操痛惜無歸乃遣使者以金璧贖之而重嫁陳留董祀○後漢書曰琰歸董祀後感傷亂離追懷悲憤作詩二章

漢蔡琰

漢季失權柄董卓亂天常志欲圖篡弑先害諸賢良逼迫遷舊邦擁主以自彊海內興義師欲共討不祥卓衆來東下金甲耀日光平土人脆弱來兵皆胡羌獵野圍城邑所向悉破亡斬截一作無子遺尸骸相穿反拒馬邊縣男頭馬後載婦女長驅西入關迴

人部

卷百四

十八

憤怨

路險且阻還顧邈冥冥肝脾爲爛腐所略有萬計不得令屯聚或有骨肉俱欲言不敢語失意幾微間輒言髮降虜要當以膏刃我曹不活汝豈復惜性命不堪其言罵或便加棰杖毒痛慘并下旦則號泣行夜則悲吟坐欲死不能得欲生無一可彼蒼者何辜乃遭此厄禍邊荒與華異人俗少義理處所多霜雪胡風春夏起翩翩吹我衣蕭蕭入我耳感時念父母哀歎無窮已有客從外來聞之常歡喜迎問其消息輒復非鄉里邂逅時願骨肉來迎已已得自解免當復棄兒子天屬綴人心念別無會期存亡永乖隔不

思與之辭見前抱我頸問母欲何之人言母當去豈  
復有還時阿母常仁惻今何更不慈我尚未成人奈  
何不顧思見此崩五內恍惚生狂癡號泣手撫摩當  
發復回疑兼有同時輩相送告離別慕我獨得歸哀  
吐聲摧裂馬爲立踟躕車爲不轉轍觀者皆歔歔行  
路亦嗚咽去去割情戀過征日還過悠悠三千里何  
時復交會念我出腹子胸臆爲摧敗既至家人盡又  
復無中外城郭爲山林庭宇生荆艾白骨不知誰從  
橫莫覆蓋出門無人聲豺狼號且吠嗷嗷對孤景恒  
咤糜肝肺登高遠眺望魂神忽飛逝奄若壽命盡旁  
人部 卷百十四 十九 憤怨

人相寬大爲復疆視息雖生無聊賴託命於新人竭  
心自勗厲流離成鄙賤常恐復捐廢人生幾何時懷  
憂終年歲  
嗟薄祜今遭世患宗族殄今門戶單身執略今入西  
關歷險阻今之羌蠻山谷眇今路漫漫眷東顧今但  
悲歎冥當寢今不能安飢當食今不能餐常流涕今  
皆不乾薄志節今念死難雖苟活今無形顏惟彼方  
今達陽精陰氣凝今雪夏寒沙漠壅今塵冥冥有草  
木今春不榮人似禽今食臭腥言此離今狀窮停歲  
聿暮今時邁征夜悠長今禁門局不能寐今起屏營

登胡殿今臨廣庭玄雲合今翳月星北風厲今肅冷  
冷胡笳動今邊馬鳴孤雁歸今聲咽樂人興今彈  
琴箏音相和今悲且清心吐思今曾憤盈欲舒氣今  
恐彼驚含哀咽今涕沾頸家既迎今當歸寧臨長路  
今捐所生兒呼母今啼失聲我掩耳今不忍聽追持  
我今走嗷嗷頻復起今毀顏形還顧之今破人情心  
恒絕今死復生

胡笳十八拍

漢蔡琰

我生之初尚無爲我生之後漢祚衰天不仁今降亂  
離地不仁今使我逢此時干戈日尋今道路危民卒  
人部 卷百十四 二十 憤怨

流亡今共哀悲煙塵蔽野今胡虜盛志意垂今節義  
虧對殊俗今非我宜遭惡辱今當告誰笳一會今琴  
一拍心憤怨今無人知

戎羯逼我今爲室家將我行今向天涯雲山萬重今  
歸路遐疾風千里今揚塵沙人多暴猛今如虺蛇控  
弦被甲今爲騎者兩拍張絃今絃欲絕志摧心折今  
自悲嗟

越漢國今入胡城亡家失身今不如無生匱表爲裳  
今骨肉震驚鴛鴦爲味今枉遇我情鞞鼓喧今從夜  
達明胡風浩浩今暗塞營傷今感昔今三拍成銜悲



畜恨兮何時平

無日無夜兮不思我鄉土稟氣含生兮莫過我最苦  
天災國亂兮人無主唯我薄命兮沒戎虜殊俗心異  
今身難處嗜欲不同兮誰可與語尋思涉歷兮多難  
阻四拍成兮益悽楚

鴈南征兮欲寄邊聲鴈北歸兮為得漢音鴈飛高兮  
邈難尋空斷腸兮思惜惜攢眉向月兮撫雅琴五拍  
泠泠兮意彌深

水霜凜凜兮身苦寒飢對肉酪兮不能餐夜聞隴水  
兮聲嗚咽朝見長城兮路杳漫追思往日兮行李難  
人部 卷百四 三

六拍悲來兮欲罷彈

日暮風悲兮邊聲四起不知愁心兮說向誰是原野  
蕭條兮烽戍萬里俗賤老弱兮少壯為美逐有水草  
兮安家豈壘牛羊滿野兮聚如蜂蟻草盡水竭兮羊  
馬皆徙七拍流恨兮惡居於此

為天有眼兮何不見我獨漂流為神有靈兮何事處  
我天南海北頭我不負天兮天何配我殊匹我不負  
神兮神何處我越荒州製茲八拍兮擬俳優何知曲  
成兮心轉愁

天無涯兮地無邊我心愁兮亦復然生倏忽兮如白

駒之過隙然不得歡樂兮當我之盛年怨兮欲問天  
天蒼蒼兮上無緣舉頭仰望兮空雲煙九拍懷情兮  
誰與傳

城頭烽火不曾滅疆場征戰何時歇殺氣朝朝衝塞  
門胡風夜夜吹邊月故鄉隔兮音塵絕哭無聲兮氣  
將咽一生辛苦兮緣離別十拍悲深兮淚成血

我非貪生而惡死不能捐身兮心有以生仍冀得兮  
歸桑梓死當埋骨兮長已矣日居月諸兮一作日月居諸兮

在戎壘胡人寵我兮有子鞠之育之兮不羞耻慙  
之念之兮長長邊鄙十有一拍兮因茲起哀響纏綿

人部 卷百四 三  
今徹心髓

東風應律兮暖氣多知是漢家天子兮布陽和羌胡  
蹈舞兮共謳歌兩國交歡兮罷兵戈忽遇漢使兮稱  
近詔遣千金兮贈妾身喜得生還兮逢聖君嗟別稚  
子兮會無因十有二拍兮哀樂均去住兩情兮難具  
陳

不謂殘生兮却得旋歸撫抱胡兒兮泣下沾衣漢使  
迎我兮四牡駢駢號失聲兮誰得知與我生死兮逢  
此時愁為子兮日無光輝焉得羽翼兮將汝歸一步  
一達兮足難移魂消 今恩愛移十有三拍兮絃

急調悲肝腸攪刺今人莫我知

身歸國兮兒莫之隨心懸懸兮長如飢四時萬物兮  
有盛衰唯我愁苦兮不暫移山高地闊兮見汝無期  
更深夜闌兮夢汝來斯夢中執手兮一喜一悲覺後  
痛我心兮無休歇時十有四拍兮涕泗交垂河水東  
流兮心是思

十五拍兮節調促氣填胃兮誰識曲處穹廬兮偶殊  
俗願得歸來今天從欲再還漢國兮歡心足心有懷  
今愁轉深日月無私兮曾不照臨子母分離兮意難  
任同天隔越兮如商參生死不相知兮何處尋

人部

卷百十四

二十三

懷德

十六拍兮思茫茫我與兒兮各一方日東月西兮徒  
相望不得相隨兮空斷腸對蒼草兮憂不忘彈鳴琴  
今情何傷兮別子兮歸故鄉舊怨平兮新怨長泣血  
仰頭兮訴蒼蒼胡為生兮獨罹此殃

十七拍兮心鼻酸關山阻脩兮行路難去時懷土兮  
心無緒來時別兒兮思漫漫塞上黃蒿兮枝枯葉乾  
沙場白骨兮分刀痕箭瘢風霜凜凜兮春夏寒人馬飢  
廵兮筋力單豈知重得兮入長安歎息欲絕兮淚闌

胡笳本自出胡中緣琴翻出音律同十八拍兮曲雖

終響有餘兮思無窮是知絲竹微妙兮均造化之功  
哀樂各隨人心今有變則通胡與漢兮異域殊風天  
與地隔兮子西母東苦我怨氣兮浩於長空六合雖  
廣兮受之應不容

幽憤詩

晉書曰東平呂安服康高致康友而善  
引遂復收康康乃作幽憤詩曰

魏晉康

嗟余薄祜子豫遭不造哀榮靡識越在繼緒母兄鞠育  
有慈無威恃愛肆姐反不訓不師爰及冠帶馮寵  
自放抗心希古任其所尚託好老莊賤物貴身志在  
守樸養素全真曰余不敏好善聞人子玉之敗屢增

人部

卷百十四

二十四

幽憤

惟塵大人含弘藏垢懷耻民之多僻政不由己惟此  
褊心顯明臧否感悟思愆恒若創痛干軌欲寡其過  
謗議沸騰性不傷物煩致怨憎昔慙柳惠今愧孫登  
內負宿心外忤良朋仰慕嚴鄭樂道閒居與世無營  
神氣晏如咨予不淑嬰累多虞匪降自天寔由頑疎  
理弊患結卒致囹圄對蒼鄙訊繫此幽阻實耻訟寃  
一作時不我與雖曰義直神辱志沮澡身滄浪豈云  
能補嗷嗷鳴鴈奮翼北遊順時而動得意忘憂嗟我  
憤歎曾莫能儔事與願違茲淹留窮達有命亦又何  
求古人有言善莫近名奉時恭默咎悔不生萬石

周慎安親保榮世務紛紜祗攬予情安樂必誠乃終  
利貞煌煌靈芝一年三秀予獨何為有志不就徵難  
思復心焉內疚庶幾將來無馨無臭采薇山阿散髮  
巖岫永嘯長吟順性養壽

賜宴東堂詔令賦詩

晉書曰客有才能常望內  
太守自以失分懷怨及賜饌東堂詔令賦詩未章云云武帝忿之於是節官從事奏免

官密

晉李密

人亦有言有因有緣官無中人不如歸田明明在上  
斯語豈然

怨詩楚調示麗主簿鄧治中

晉陶淵明

人部

卷百四

二十五

題續

天道幽且遠鬼神茫昧然結髮念善事偶俛六九作  
五年弱冠逢世阻始室喪其偏炎火屢焚如螟蟻恣  
中田風雨縱橫至收歛不盈廬夏日常抱飢寒夜無  
被眠造夕思雞鳴及晨願鳥遷在已亦何怨一作何怨天  
離憂懷目前吁嗟身後名於我若浮煙慷慨獨悲歌  
鍾期信為賢

怨歌

梁沈約

時屯寧易犯俗險信難羣坎壈元淑賦頓挫敬通文  
遽淪班姬寵風空賈生墳短俗同如此長歎何足云

遺憤

唐杜甫

盛

聞道花門將論功未盡歸自從收帝里誰復總戎機  
蜂蠆終懷毒雷霆可震威莫令鞭血地再濕漢臣衣

續幽憤

魏康居安連罪賦此詩  
唐曹鄴

繁霜作陰起朱火乘夕發清晝冷無光蘭膏坐銷歇  
惟公執天憲身是臺中傑一逐楚大夫何人為君雪  
忽忽鬼方路不許辭雙闕過門似他鄉舉趾如遺轍  
八月黃草生洪濤入雲熱危魂沒太行客弔空骨節  
千年瘴江水恨聲流不絕

○悶

悶

唐杜甫

人部

卷百四

二十六

四

瘴癘浮三蜀風雲暗百蠻捲簾唯白水隱几亦青山  
猿捷長難見鷗輕故不還無錢從滯客有鏡巧催顏  
釋悶

唐杜甫

四海十年不解兵犬戎也復臨咸京失道非關出襄  
野揚鞭忽見過湖城豺狼塞路人斷絕烽火照夜屍  
縱橫天子亦應厭奔走羣公固合思昇平但恐誅求  
不改輟聞道嬖孽能全生江邊老翁錯料事眼暗不  
見風塵清

遺悶呈路十九曹長

唐杜甫

盛

江浦雷聲喧昨夜春城雨色動微寒黃鶯並坐交愁

濕日鷺羣飛大劇乾晚節漸於詩律細誰家數去酒杯寬唯君最愛清狂客百遍相過意未闌

撥悶

唐杜甫

聞道雲安麴米春纔傾一盞即醺人乘舟取醉非難事下峽銷愁定幾巡長年三老遙憐汝挾拖開頭捷有神已辦青錢防顧直當令美味入吾唇

遣悶

唐杜甫

地闊平沙岸舟虛小洞房使塵來驛道城日避烏檣暑雨留蒸濕江風借夕涼行雲星隱見疊浪月光芒螢鑿緣帷徹蛛絲罥髮長哀箏猶凭几鳴笛竟沾裳

人部

卷百十四

二七

四

倚著如秦贅過逢類楚狂氣衝看劍匣穎脫撫錐囊妖孽關東臭兵戈隴右瘡時清疑武略世亂踣文場餘力浮於海端憂問彼蒼百年從萬事故國耿難忘

解悶七首

唐杜甫

一辭故國十經秋每見秋瓜憶故丘今日南湖采薇蕨何人爲覓鄭瓜州

先帝貴妃俱寂寞荔枝還復入長安炎方每續朱櫻獻玉座應悲白露團

憶過廬戎摘荔枝青楓隱映石逶迤京華應見無顏色紅顆酸甜只自知

翠瓜碧李沈玉壺赤梨蒲萄寒露成可憐先不異枝蔓此物娟娟長蓬生

側生野岸及江蒲不熟丹宮滿玉壺雲壑布衣鮐背死勞生重馬翠眉須

草閣柴扉星散居浪翻江黑雨飛初山禽引子哺紅果谿女得錢留白魚

商胡離別下楊州憶上西陵故驛樓爲問淮南米貴賤老夫乘興欲東流

春悶偶成

唐韓偓

阡陌懸雲壤欄畦隔艾芝路遙行雨嬾河闊過橋遲

人部

卷百十四

二八

四

馬足應難達狐蹤浪得疑謝鯤吟未廢張碩夢堪思有意通情處無言攏髻時格高歸歛笑歌怨在頻眉醉後金蟬重歡餘玉燕歌素姿凌白柰圓頰銷紅梨粉字題花筆香牋詠柳詩繡牕攜手約芳草踏青期別淚開泉脉春愁罥藕絲相思不相信幽恨更誰知

悶題

唐鄭谷

落第春相困無心惜落花荆山歸不得歸得亦無家

○歎

歎原作白

陳張正見

平生懷直道松桂比貞風語默妍媸際沈浮毀譽中

讒新恩易盡情去寵難終彈珠金市側抵玉春一作

山東含香老顏駟執戟異揚雄惆悵崔亭伯幽憂焉

敬通王嬙沒胡塞班女棄深宮春苔封履跡秋葉奪  
妝紅顏如花落槿鬢似雪飄蓬此時積長歎傷年誰  
復同

有歎

唐杜甫盛

壯心久零落白首寄人間天下兵常鬪江東客未還  
窮後號雨雪老馬望關山武德開元際蒼生豈重變  
可歎

唐杜甫盛

天上浮雲如白衣斯須改變如蒼狗古往今來共一  
人部

卷百十四

二十九

時人生萬事無不有近者扶眼去其夫河東女兒身  
姓柳丈夫正色動引經豐城客子王季友羣書萬卷  
常暗誦孝經一通看在手貧窮老瘦家賣履好事就  
之為攜酒豫章太守高帝孫引為賓客敬頗久問道  
三年未曾語小心恐懼閉其口太守得之更不疑人  
生反覆看亦醜明月無瑕豈容易紫氣鬱鬱猶衡斗  
時危可仗真豪俊二人得置君側否太守頃者領山  
南邦人思之比父母王生早曾拜顏色高山之外皆  
培塿用為義和天為成用平水土地為厚王也論道  
阻江湖李也疑丞曠前後死為星辰終不滅致君堯

舜焉肯朽吾輩碌碌飽飯行風后力收長迴首

春歎

唐岑參盛

臘月江上暖南橋新柳枝春風觸處到憶得故園時  
終日不如意出門何所之從人覓顏色自笑弱男兒

三歎

唐元稹

孤劍鋒刃澀猶能神彩生有時雷雨過暗吼闐闐聲  
主人悶鬱寶畏作升天行淬礪當陽鐵刻為干鏃名  
遠求鵠鵠望同用玉匣盛顏色縱相類利鈍頗相傾  
雄為光電燄雌但深泓登龍怒有奇變青蛇終不驚

人部

卷百十四

三十

仙鳳翠皇死葳蕤光彩低非無鸞鸞侶誓不同樹棲  
飛馳歲云暮感念雛在泥顧影不自暖寄爾蟠桃雞  
馴養豈無媿類族安得齊願言成羽翼奮翅凌丹梯

三

天驥失龍偶三年常夜嘶哀緣噴風斷渴且含霜啼  
長恐絕遺類不復躡雲霓非無駟駟者鶴意不在雞  
春來筋骨瘦弔影心亦迷自此渥洼種應生濁水泥

六歎

唐李涉

漢臣一沒丁零塞牧羊西過陰沙外朝憑南鴈信難  
回夜望北辰心獨在漢家茅土橫九州高門長戟分

王侯但將鐘鼓悅私愛肯以犬羊爲國羞夜霜寒雲  
卧水雪嚴風獨刃垂旌節丁年奉使白頭歸泣盡李  
陵衣上血

看高洛有歎

唐白居易中

今日看高洛迴頭歎世間榮華急如水憂患大於山  
見苦方知樂經忙始愛閑未聞籠裏鳥飛出肯飛還

可歎

唐李商隱晚

幸會東城宴未迴年華憂兵水相催梁家宅裏水官  
入趙后樓中赤鳳來水簾且眠金鏤枕瓊筵不醉玉  
交杯宓妃愁坐芝田館用盡陳王八斗才

人部

卷一百四

三十一

歎

詩集類函卷一百十五

東吳俞安期彙纂

宣城梅鼎祚增定

新都汪士龍訂校

人部五十七

貧窮 疾病

臨終

○貧窮

范史雲歌

後漢書曰范冉字史雲桓帝時爲萊蕪長遭母喪不到官後通身於梁沛

之間徒行敝服賣卜於市遭黨人禁錮遂推鹿車載妻子挈拾自資所止卑漏有時絕粒窮居自若言貌無改

甌中生塵范史雲釜中生魚范萊蕪

詠貧

晉江道

人部

卷百五

一

貧窮

華門不啓扉環堵蒙一作高榛空瓢覆壁下簞上自  
生塵出門誰氏子憊哉一何貧

詠貧士七首

晉陶淵明

萬族各有託孤雲獨無依曖曖空市滅何時見餘暉  
朝霞開宿霧衆鳥相與飛遲遲出林翮未夕復來歸  
量力守故轍豈不寒與飢知音苟不存已矣何所悲

二

淒厲歲云暮擁褐曝前軒南圃無遺秀枯條盈北園  
傾壺絕餘瀝闕甕不見煙詩書塞座右日昃不遑研  
閑居非陳厄竊有愠見言何以慰吾懷賴古多此賢



三

雙老帶索欣然方彈琴原生納決履清歌暢高音  
華去我久貧士世相尋弊襟不掩肘藜羹常之斟  
豈忘襲輕裘苟得非所欽賜也徒能辯乃不見吾心

四

安貧守賤者自古有黔婁好爵吾不榮厚饋吾不酬  
一日壽命盡弊服仍一作乃不周豈不知其極非道固  
無憂從來將千載未復見斯儔朝與仁義生夕死復  
何求

五

袁安困積雪邈然不可干阮公見錢入即日棄其官  
紛華有常溫採芣足朝餐豈不實辛苦所懼非飢寒  
貧富當交戰道勝無戚顏至德冠邦閭清節映西關

六

仲蔚愛窮居遶宅生蒿蓬翳然絕交遊賦詩頗能工  
舉世無知者止有一劉龔此士胡獨然寔由罕所同  
介焉安其業所樂非窮通人事固已拙聊得長相從

七

昔在王子廉彈冠佐名州一朝辭吏歸清貧畧難儔  
年飢感仁妻泣涕向我流丈夫雖有志固爲兒女憂

人部

卷五

二

貧窮

惠孫一晤嘆興贈竟莫酬誰云固窮難邈哉此前修

乞食

晉陶淵明

飢來驅我去不知竟何之行行至斯里叩門拙言辭  
主人解余意遺贈副虛期一作豈談話終日夕觴至  
輒傾卮情欣新知歡言詠遂賦詩感子漂母惠愧我  
非韓才銜敢知何謝冥報以相貽

貧士

宋張望

荒墟人迹稀隱僻閭鄰澗韋籬自朽損毀屋正寥落  
炎夏無完絺玄冬無暖褐四體困寒暑六時疲飢渴  
營生愈瘁愁來不可割

人部

卷五

三

貧窮

貧士

宋蕭瑀

四時迭來往苦辛隨事迫三冬泣牛被五月披裘客  
遲遲春日永憂來安所適季秋授衣節荷裳竟不易  
班超棄筆硯婁敬脫挽輓雖云丈夫志終涉自媒迹  
賢哉顏氏子飲水常怡懌

述山貧

宋袁伯文

傭淅倦閭閻耕牧憊松丘製荷依露壑攀若逗霜洲  
巖垂驚年素膚耗盈帶憂幸有深棲性幽山可以留

詠貧

梁朱异

觸途皆可試惟貧獨未安牕開兩片月霜足一重寒

濕鋪牀冷荷脆補衣難若言爲客易推劍與君彈

傷乞人

梁王僧孺

少年空扶轍白首竟填溝蓬蒿何由足菽藿不能周

自顧非好乞行且欲包羞勞君欸曲問冒此殷勤酬

賦得落落窮巷士

左思詩史詩云落落窮巷士抱影守空廬

陳張正見

揚雲不邀名原憲本遺榮草長三徑合花發四鄰明

塵隨幽巷靜嘯逐遠風清門外無車轍自可絕公卿

題陳季壁

唐錢起

野人何苦調飲水仍布衾煙火晝不起蓬蒿春欲深

人部

卷五

四

貧窮

前庭少喬木隣舍聞清禽雖有徵賢詔終傷不遇心

北郭貧居

唐孟郊

進乏廣莫力退爲蒙龍居三年失意歸四向相識疎

地僻草木壯荒條扶我廬夜貧燈燭絕明月照我書

欲識貞靜操秋蟬飲清虛

朝飢

唐賈島

市中有樵山此舍朝無煙井底有甘泉釜中乃空然

我要見白日雪來塞青天坐聞西牀琴哀折兩三絃

飢莫請他門古人有拙言

貧居冬杪

唐黃滔

數塞未求通吾非學養蒙窮居歲杪雨孤坐夜深風  
年長慙昭代才微辱至公還愁把春酒雙淚汚杯中

秋夕貧居

唐黃滔

聽歌桂席闌下馬槐煙裏豪門腐梁肉窮巷思糠粃

孤燈照獨吟半壁秋花死遲明亦如晦難唱徒爲爾

○疾病

楊朱歌

楊朱之友曰季梁疾大漸其子環而泣以曉之請醫季梁謂楊朱曰汝奚不爲我歌

而季梁之疾自瘳

天其弗識人胡能覺匪祐自天弗孽由人我乎

汝乎其知之乎醫乎巫乎其知之乎

人部

卷五

五

疾病

臥疾敘意

齊王秀之

貞悔不少期福極固難豫疾藥雖一途遂以千百慮

景仄念徂齡帶緩每危曙循躬既已茲況復歲將暮

層冰日夜多飛雲密如霧歸鴻互斷絕宿鳥莫能去

輟我丘中琴良出一差故隱淪迹有違宰官功未樹

何用攬余情恨恨此故路豈言勞者歌且曰幽人賦

和王長史臥病

齊謝朓

岬岫欵崇崖派別朝洪河兔園文雅盛重臺冠蓋多

淵襟眷瘡岳變贊動眈歌顧影慚駢服載筆旅江沱

縞衣分可獻琴言暖已和青臯向還色春潤視生波

巖垂變好鳥松上改陳羅日與歲眇邈歸恨積一作  
蹉跎願緝吳山杜寧袂楚池荷清風豈孤劬功遂懷  
曾阿勿藥良有暢往苒芳未過幸留清尊味言藉故  
田莎

在郡臥病呈沈尚書

齊謝朓

淮陽股肱守高臥猶在茲況復南山曲何異幽棲時  
連陰盛農節臺笠聚東菑高閣常晝掩荒堦少評辭  
珍簟清夏室輕扇動涼颼嘉魴聊可薦綠蟻方獨持  
夏李沈朱實秋藕折輕絲良辰竟何許夙昔夢佳期  
坐庸徒可積爲邦歲已暮絃歌終莫取撫機令自嗤

人部

卷百五

六

疾

移病還園示親屬

齊謝朓

疲策倦人世歛性就幽蓬停琴佇涼月滅燭聽歸鴻  
涼薰乘暮晰秋華臨夜空葉低知露密耳斷識雲重  
折荷葺寒秋開鏡眇衰容海暮騰清氣河關秘棧冲  
煙衡時未歇芝蘭去相從

臥疾

梁簡文帝

沈疴類弩影積弊似河魚詎逢龍子浴空嘆楚王殖  
喜疾瘳

梁簡文帝

朝窻猶掩扇宿幔未懸鈎逍遙臨四牕兼持散九愁  
雖同衛子億聊喜羣生瘳災星夜出境鳴禽晚去樓

蠲邪無賈鵬沃氣息梁牛隔簾陰翠條映水含珠榴  
丹經縑玉竒玄水出長洲結友尋方岳採藥訪圓丘  
神隨七星變貌逐五雲留飛鴻若可駕輕簪必易抽

和簡文帝臥病

梁劉孝威

玉躬耗寒暑羣望崇珪璧仁祀盛黃縑禮壇優紺席  
憊均楚疾愈俄同宋年益豈勞誦賦臣寧用觀濤客

秋雨臥病

梁劉孝綽

賈君徭役少潘生民務稀及此同多暇高臥掩重闔  
寂寂桑榆晚滂沱暄不晞電噴時光帳風簾乍扣扉

擬王徵君徵養疾

梁江淹

人部

卷百五

七

疾

竊藹瀟湘空翠澗澹無滋寂歷百草晦歛吸鷗雞悲  
清音往來遠月華散前輝煉藥囑虛幌汎瑟臥遙帷  
水碧驗未贖金膏靈詎溜一作詎北渚有帝子蕩漾  
不可期悵然山中暮懷痾屬此詩

臥疾怨別劉長史

梁江淹

四時煎日夜玉露催紫榮始懷未及歎春意秋方驚  
涼草散螢色衰樹斂蟬聲憑景魂且謚臥堂怨已生  
承君客江潭先愁鴻鴈鳴吳山饒離袂楚水多別情  
金堅碧不滅桂華蘭有英無輟代上朝惜鏡中明  
但見一葉落哀恨方未平

歲晚沈痾

梁朱超道

風將夜共靜空與月俱明燭滴龍猶伏鑑開鳳欲驚  
葉飛林失影冰合澗無聲太息與牀念寧敢離衣行  
唯畏殘藤盡不聞桴鼓鳴

和左丞庾杲之病

梁沈約

歲暮豈云聊參差憂與疾匪泮孰能賜持身固無迷  
握蘭空盈把待漏終不溢囂喧滿眼前簿領紛盈膝  
安用談天辯徒勞夢賜筆挂冠若東都山林寧復出

婦病行

陳江總

窈窕懷貞室風流挾琴婦唯將角枕臥自影啼妝久

人部

卷百五

八

疾病

羞開翡翠帷嬾對葡萄酒深悲在縑素託意忘箕箒  
夫婿府中趨誰能大垂手

臥疾窮愁

北周庾信

危慮風霜積窮愁歲月侵留蛇常疾首映弩屢驚心  
稚川求藥錄君平問卜林野老時相訪山僧或見尋  
有菊翻無酒無弦則有琴詎知長抱膝獨爲梁父吟

問疾封中錄

北周庾信

形骸違學宦狹巷幸爲閒虹迴或有雨雲合又含寒  
橫湖韻鶴下迴溪秋秋一作猿還懷賢爲榮衛和緩惠

綺統疑足  
何九

臥疾閩越述淨名意并序

隋王胄

余臥疾閩海彌留旬朔善友願法師勸余以淨名  
妙典調伏身心力疾羸陳其意敬簡法師云爾  
客行萬餘里眇然滄海上五嶺常炎鬱百越多山瘴  
兼以勞形神遂此嬰疲恙桐雷邈已遠砭石良難訪  
抱影私自憐霑襟獨惆悵毗城有長者生平夙所尚  
復藉大因緣勉以深迴向心路資調伏於焉念實相  
水沫本難摩乾城空有狀是生非至理是我皆虛妄  
求之不可得誰其受業障信矣大醫王茲力誠難量

臥痾喜霽開扉望月簡宮內知友

人部

卷百五

九

疾病

隋庾抱

秋雨移弦望疲痾倦苦辛忽對荆山壁委照越吟人  
高高侵地鏡皎皎徹天津色麗班姬篋光潤洛川神  
輪暉池上動桂影隙中新懷賢雖不見忽似暫參辰

臥疾家園

唐陳子昂初

世上無名子人間歲月賒縱橫策已棄寂寞道爲家  
臥疾誰能問閑居空物華猶憶靈臺友棲真隱太霞  
還丹奔日御却老餌雲芽寧知白社客不厭青門瓜

秋園臥疾呈暉上人

唐陳子昂初

幽寂曠日遙林園轉清密抱痾澹無豫獨坐汎瑤瑟

懷挾萬古情憂虞百年疾綿綿多滯念忽忽每如失  
緬想赤松遊高尋紫庭逸榮吝始都喪幽人遂貞吉  
圖書紛滿牀山木藹盈室宿昔心所向平生自茲畢  
願言誰見知楚筵有同術八月高秋晚涼風正蕭颯

和孫長史秋日臥病

唐駱賓王

霍地疎天府濫園近帝臺絃調三婦至驛置五侯來  
尚想歡娛洽吁嗟歲月催金壇分上將玉帳引瓊材  
決勝鯨波靜騰謀鳥谷開白雲淮水外紫陌灞陵隈  
節變驚衰柳笳繁思落梅調神和玉燭揆藻握珠胎  
悵矣欣懷土居然欲死灰還因承雅曲暫喜躍沈鰓

人部

卷百五

十

疾病

田假限疾不獲還莊載想田園兼思親友贈杜

幽素

唐李嶠

遊宦勞牽網風塵久化衣迹馳東苑路望阻北巖扉  
及此乘休告聊將狎遁肥十旬俄委疾三徑且殊歸  
茂陵宵難卽靈臺暫可依疲痾旅城寺延想屬郊畿  
夕夢園林是晨瞻邑里非綠疇良已穢清濠曠不追  
野花何處落山月幾秋暉彼美符商政優游絕漢機  
高情物累遺逸氣煙霞飛樂道方無悶懷賢獨有違  
樽虛舊園酒琴靜故人微夏沼蓮初發秋田麥稍稀  
何當攜手去日暮採芳菲

溫泉莊臥病寄楊七炯

唐宋之間

多病臥茲嶺寥寥倦幽獨賴有嵩丘山高枕長在日  
茲山棲靈異朝夜翳雲族是日濛雨晴返景入巖谷  
暮暮澗畔草青青山下木此意方無窮環顧悵林麓  
伊洛何悠漫川源信重複夏餘鳥獸蕃秋末禾黍熟  
秉願守樊圃歸閑欣藝牧惜無載酒人徒把涼泉掬  
與胡居士皆病寄此詩兼示學人二首

唐王維

一興微塵念橫有朝露身如是觀蔭界何方置我人  
礙有固爲主趨空寧捨賔洗心詎懸解悟道正迷津

人部

卷百五

十一

疾病

因愛果生病從貪始覺貧色聲非彼妄浮幻卽吾真  
四達竟何遺萬殊安可塵胡生但高枕寂寘與誰隣  
戰勝不謀食理齊甘負薪子若未始異詎論疎與親

二

浮空徒漫漫汎有定悠悠無業及乘者所謂智人舟  
詎捨貧病域不疲生死流無煩君喻馬任以我爲牛  
植福祠迦葉求仁笑孔丘何津不鼓棹何路不摧輶  
念此聞思者胡爲多阻脩空虛花聚散煩惱樹稀稠  
滅想成無記生心坐有求降吳復歸蜀不到莫相尤

胡居士臥病遺米因贈

唐王維

了觀四大因根性何所有安計苟不生是身孰休咎  
色聲何謂客陰界復誰守徒言蓮花目豈惡楊枝肘  
既飽香積飯不醉聲聞酒有無斷常見生滅幻夢受  
臥病即實相趨空定狂走無有一法真無有一法垢  
居士素通達隨宜善抖擻牀上無氈臥鐺中有粥否  
齋時不乞食定應空漱口聊持數斗米且救浮生取  
晚春臥病寄張八  
唐孟浩然

南陌春將晚北牕猶臥病園林久不遊草木一何盛  
狹徑花障迷閑庭竹掃淨翠羽戲蘭若頰鱗動荷柄  
念我平生好江鄉遠從政雲山阻夢思衾枕勞歌詠  
人部  
卷百五  
十三  
疾病

歌詠復何爲同心恨別離世途皆自媚流俗寡相知  
賈誼才空逸安仁贅欲絲遙情每東注奔晷復西馳  
常恐填溝壑無由振羽儀窮通若有命欲向論中推  
臥疾懷歸  
唐孟浩然

異縣天隅僻孤帆海畔過往來鄉信斷留滯客情多  
臘日聞雷震東風感歲和蟄蟲驚戶穴巢鷁眇庭柯  
徒對芳樽酒其如伏枕何歸歟理舟楫江海正無波  
家園臥病舊遊見尋  
唐孟浩然

伏枕舊遊曠坐歌勞夢思平生重交結追此令人疑  
水室無暖氣火雲空赫曦隙駒不暫駐日聽涼蟬悲

壯圖哀未立斑白恨吾衰夫子自南楚緬懷嵩汝期  
號州臥疾喜劉判官相過水亭

臥疾嘗晏起朝來頭未梳見君勝服藥清話病能除  
低柳供繫馬小池堪釣魚觀棋不覺暝月出水亭初  
淮南臥病書懷寄蜀中趙徵君蕤  
唐岑參

吳會一浮雲飄如遠行客功業莫從就歲光屢奔迫  
良圖俄棄捐衰疾乃綿劇古琴藏虛匣長劍挂空壁  
楚冠懷鍾儀越吟比莊舄國門遙天外鄉路遠山隔  
人部  
卷百五  
十三  
疾病

朝憶相如室夜夢子雲宅旅情初結緝秋氣方寂歷  
風入松下清露出草間白故人不在此而我誰與適  
寄書西飛鴻贈爾慰離析

老病  
唐杜甫  
老病巫山裏稽留楚客中藥殘他日裏花發去年叢  
夜足霜沙雨春多逆水風合分雙賜筆猶作一飄蓬  
江閣臥病走筆寄呈崔盧兩侍御  
唐杜甫

客子庖廚薄江樓枕席清衰年病祗瘦長夏想爲情  
滑憶彫胡飯香聞錦帶羹溜匙兼暖腹誰欲致杯罍



夏日訓于遜畢曜問病見贈 唐獨孤及 盛

救物智所昧學仙願未從行藏兩乖角踰躑風波中  
薄官耻降志臥病非養蒙閉關波兩旬羈思浩無窮  
驚鷺何處來雙舞下碧空離別隔雲雨惠然此相逢  
把手賀疾間舉杯欣酒濃新詩見久要清論激深衷  
高館舒夜簾開門延微風火雲赫差我日暮千萬峯  
遙指故山笑相看撫號鐘聲和由心親事感和氣同  
出處未易料且歌緩愁容願君崇明德歲暮如青松  
海上臥病寄王臨 唐錢起 中

離客窮海陰蕭辰歸思結一隨浮雲滯幾怨黃鵠別

入部

卷百五

十四 疾病

妙年卽沈疴生事多所闕劍中負明義枕上惜玄髮  
之子良史才華簪偶時哲相思千里道慙望飛鳥絕  
歲暮水雪寒淮湖不可越百年去心慮孤影守薄劣  
獨餘慕侶情金石無休歇

靜夜酬通上人問疾

唐錢起 中

東林生早涼高枕遠公房大士看心後中宵清漏長  
驚蟬出暗柳微月隱迴廊何事沈疴久含毫問藥王  
臥疾荅劉道士 唐錢起 中

白露蠶已絲空林日凄清寥寥書屏掩獨臥秋牕明  
寶字比仙藥羽人寄紫荊長吟想風馭恍若升蓬瀛

酬劉起居臥病見寄

唐錢起 中

承顏著彩服不覺別丹輝味道能忘病過庭更學詩  
繚垣多畫戟遠岫入書帷竹靜攜琴處林香讓果時  
聲同叨眷早交淡在年衰更枉兼金贈難爲繼組詞  
再得畢侍御書聞巴中臥病 唐錢起 中  
芳信來相續同心遠更親數重雲外樹不隔眼中人  
夢寐花驄色相思黃鳥一作蕙草春更聞公病一夜二  
毛新

同德精舍養疾寄河南兵曹東廳掾

唐韋應物 中

入部

卷百五

十五

疾病

逍遙東城偶雙樹寒蔥蒨廣庭流華月高閣凝餘霰  
杜門非養素抱疾阻良燕孰謂無他人思君歲云變  
官曹亮先忝陳躅慙俊彥豈知晨與夜相代不相見  
緘書問所如所知云訓藻當芬綯

移疾會詩客元生與釋子法朗因貽諸祠曹

唐韋應物 中

對此嘉樹林獨有成成顏抱瘵知曠職淹旬非樂閑  
釋子來問訊詩人亦扣關道同意一作暫遣客散疾  
徐還園徑自幽靜玄蟬噪其間高牕瞰遠郊暮色起  
秋山英曹幸休暇恨恨一作恨心所攀

城中臥疾知閨薛二子屢從邑令飲因以贈之

唐韋應物

車一作馬日蕭蕭胡不在一作在我廬方來從令飲臥

病獨何如秋風起漢一作江臯開戶望平蕪卽此悵音

素焉知中密疎渴者不思火寒者不求水人生羈寓

終始一作旅時去就當如此猶希心跡異一作從利眷眷存

終始

假中枉廬二十二書亦稱臥疾兼訝李二久不

訪問以詩答書因亦戲李二

唐韋應物

人部

卷百五

六

疾病

微官何事勞趨走服藥閑眠養不才花裏棋盤憎鳥

汗枕邊書卷訝風開故人問訊緣何病芳月相思阻

一杯應笑王戎成俗物遙持麈尾獨徘徊

郡齋臥疾絕句

唐韋應物

香爐宿火滅蘭燈宵影微秋齋獨臥病誰與覆寒衣

過閭采病居

唐司空曙

每逢佳節何曾坐唯有今年不得遊張邴臥來休送

客菊花楓葉同誰秋

訓秘書元丞郊園臥疾見寄

唐李端

聞說漳濱臥題詩怨歲華求醫主高手執疾到貧家

微梳銷行蟻移杯失畫蛇明朝九衢上應見玉人車

問張山人疾

唐李端

先生沈病意何如蓬艾門前客轉疎不見領兒過絳

帳唯聞與婢削丹書

唐耿湋

寒几坐空堂疎髯似積霜老醫迷舊疾朽藥誤新方

晚果紅低樹秋苔綠遍牆慙非蔣生徑不敢望求羊

近獲風痺之疾題寄所懷

唐包佶

病大將已矣無可答君恩衾枕同羈客圖書委外孫

人部

卷百五

十七

疾病

久來從吏道常欲奉空門疾走機先息歛行力漸煩

無醫能却老有變是遊魂鳥宿還依伴蓬飄莫問根

寓形齊指馬觀境制心猿唯借南榮地清晨暫負暄

嶺下臥疾寄劉長卿員外

唐包佶

唯有貧兼病能令親愛疎歲時供放逐身世付空虛

脛弱秋添絮頭風曉發梳波瀾喧衆口藜藿靜吾廬

喪馬思開卦占鵲嬾發書十年江海隔離恨子知予

臥病書懷

唐盧綸

苦心三十載白首遇艱難舊地成孤客全家賴釣竿

貌衰綠藥盡起晚爲山寒老病今如此無人更問看

臥病寓居龍興觀枉馮十七著作書知罷攝洛

陽赴緱氏

時予罷官

唐盧綸

中

乞假依山宅蹉跎屬歲周弱英輕採拾鈍質稱歸休  
潘岳衰將至劉楨病未瘳步遲乘羽客起晏滯書郵  
幸以編方驗終貽骨肉憂灼龜爐氣冷曝藥樹陰稠  
語命心堪醉傷離夢亦愁童羸居已絕鸞鶴見無由

訓李端公野寺病居見寄

唐盧綸

中

野寺鐘昏山正陰亂藤高竹水聲深田夫就餉還依  
草野雉鷺飛不過林齋洛暫思同靜室清羸已覺助  
禪心寂寞日長誰問疾料君惟取古方尋

人部

卷百五

十九

疾病

村南逢病叟

唐盧綸

中

雙膝過順頂在肩四隣知姓不知年臥驅鳥雀惜禾  
黍猶恐諸孫無社錢

晚春臥病喜振上人見訪

唐李益

中

臥牀如舊日窺戶易傷春靈壽扶衰力芭蕉對病身  
道心空寂寞時物自芳新旦夕誰相訪唯當攝上人

臥病

唐戴叔倫

中

門掩青山臥莓苔積雨深病多知藥性客久見人心  
衆鳥趨林孤蟬抱葉吟滄洲詩社散無夢盍朋簪

晚夏郡中臥疾

唐羊士諤

中

事外心如寄虛齋臥更幽微風生白羽畏日隔青油

用拙懷歸去沈痾畏借留東山自有計蓬壺莫先秋

聞董評事疾因以書贈

唐劉禹錫

中

繁露傳家學青蓮譯梵書火風垂四大文字廢三餘  
欽枕晝眠靜折巾秋鬢疎武皇思視草誰許茂陵居

訓張十八病中寄詩

唐王建

中

本性慵遠行綿綿病自生見君綢繆思慰我寂寞情  
風幌夜不掩秋燈照雨明彼愁此又憶一夕兩盈盈

冬日病中即事

唐呂溫

中

墻下長安道置塵咫尺間久牽身外役暫得病中閑

人部

卷百五

十九

疾病

背喜朝陽滿心憐暮鳥還吾醫在何處南有白雲山

病中自戶部員外郎轉司封

唐呂溫

中

羸臥承新命優容獲所安遣兒迎賀客無力拂塵冠  
偃仰晴軒暖支離曉鏡寒那堪報恩去感激對衰蘭

早春病中

唐張籍

中

羸病及年初心情不自如多申請假牒祇送賀官書  
幽徑獨行步白頭常嬾梳更憐晴日色漸漸暖貧居

和李僕射秋日病中作

唐張籍

中

由來病根淺易見藥功成曉日杵臼靜涼風衣服輕  
猶疑多氣力漸覺有心情獨倚紅藤杖時時堦上行

患眼

唐張籍中

三年患眼今年免校與風光便隔生昨日韓家後園裏看花猶似未分明

路病

唐孟郊中

病客無主人艱哉求臥難稚顏能幾日壯志忽已殘人子不言苦歸書但云一作言安愁環在我腸蛇轉終無端

病客吟

唐孟郊中

丈夫久漂泊神氣自然沈況於滯疾中何人免噓暗大海亦有涯高山亦有岑沈一作此憂獨無極塵淚互盈襟

卷百五

二十

病起言懷

唐孟郊中

強行尋溪水淨一作水洗却殘病姿花景晚晚淨麥風清冷吹交道臥來見世情貧去知高閑思楚逸溪薄一作薄厭齊兒終伴碧山侶結言青桂枝

村居臥病

唐白居易中

戚戚抱羸病悠悠度朝暮夏木纔結陰秋蘭已含露前日巢中卵化作雛飛去昨日穴中蟲蛻爲蟬上樹四時未嘗歇一物不暫住唯有病客心沈然獨如故

病中作

唐白居易中

久病多生事不學攝生道少年已多病此身豈堪老

病入新正

唐白居易中

枕上驚新歲花前減舊歡是身老所逼非意病相干風月情猶在杯觴興漸闌便休心未伏更試一春看

寒食臥病

唐白居易中

病逢佳節長嘆息春雨濛濛榆柳色羸坐全非舊日容扶行半是他人力誼誼里巷踏青歸笑閉柴門度寒食

臥疾來早晚

唐白居易中

臥疾來早晚懸懸將十旬婢能尋本草犬不吠醫人

卷百五

三

初病風

唐白居易中

酒甕全生醖歌筵半委塵風光還欲好爭向枕前春六十八衰翁乘衰百病攻朽株難免蠹空穴易來風肘痺宜生柳頭旋劇轉蓬恬然不動處虛白在胸中

病瘡

唐白居易中

門有醫來往庭無客送迎病銷談笑興老足歎嗟聲鶴伴臨池立人扶下砌行脚瘡春斷酒那得有心情

病中友人相訪

唐白居易中

臥久不記日南牕昏復昏蕭條草簷下寒雀朝夕聞強扶牀前杖起向庭中行偶逢故人至便當一逢迎

移榻就斜日披裘倚前楹閑談勝服藥稍覺有心情

新秋病起

唐白居易

一葉落梧桐年光半又空秋多上階日涼足入懷風  
病瘦形如鶴愁焦鬢似蓬損心詩思裏伐性酒在中  
華蓋何曾惜金丹不致功猶須自慙愧得作白頭翁

春病

唐元稹

病來閑臥久因見靜時心殘月曉牕迴落花幽院深  
望山移坐榻行藥步墻陰車馬門前度遙聞哀苦吟

遣病入首

唐元稹

服藥備江瘴四年方一瘳豈是藥無功伊予久留滯

人部

卷五

三

疾

滯留人固薄瘴久藥難制去日良已甘歸途柰無際

二

憶作孩稚初健美成人列倦學厭日長嬉遊念佳節  
今來漸諱年頓與前心別白日速如飛佳晨亦騷屑

三

昔在痛飲場憎人病辭醉病來身怕酒始悟他人意  
怕酒豈不閑悲無少年氣傳語少年兒杯盤莫迴避

四

在家非不病有病心亦安起居甥姪扶藥餌兄嫂看  
今病兄遠路道遙書信難寄言嬌小弟莫作官家官

五

燕巢官舍內我爾俱爲客歲晚我獨留秋深爾安適  
風高翅羽垂路遠煙波隔去去玉山岑人間網羅窄

六

簷半夜來曠暗知秋已生臥悲衾簟冷病覺肢體輕  
炎昏豈不勸時去聊自驚浩歎終一夕空堂天欲明

七

秋依靜處多況乃凌晨起深竹簾晝風翠正衫曉露  
庭莎病看長林果閑知數何以強健時公門日勞驚

八

人部

卷五

三

疾

朝結故鄉念暮作空堂寢夢別淚亦流啼痕暗橫枕  
背愁憑酒遣今病安能飲落盡秋槿花離人疾猶甚  
店臥聞幕中諸公徵樂會飲因有戲呈二十韻

唐元稹

漢落因寒甚沈陰與病偕藥囊堆小案書卷塞空齋  
脹腹看成鼓羸形漸比柴道情憂易適溫瘴氣難排  
沿廬扶輕杖開門立靜街耳鳴疑暮角眼暗助昏霾  
野竹連荒草平陂接斷崖坐隅甘對鵬當路恐遭豺  
蛇蠱迷弓影鵬翎落箭收滅長謀計拙地僻往還乖  
況羨蓮花侶方欣綸帝諸鈿車迎妓樂銀翰屈朋儕

白紵同蹄皆織身霞出海  
樂人姓名

何人想獨懷夜燈燃燼葉

深爐小火埋鼻騎銜筆硯

先須遣癘沙之徒檣旗如

\_\_\_\_\_

元寺  
唐崔元翰中

乘閒息邊事探異憐春候

石間花遍落草上雲時覆

道情親法侶時望登朝右

茂才當聘選公子生人秀

垂簾獨衰矣擊缶酬金奏

唐賈島中

一作書至願爲出海月不

申物亦分欲知强健否病

[illegible]

唐李季蘭 女郎

相逢仍臥病欲語淚先垂

醉此外更何之

唐僧法振

四片有清一和嘴一可也

朱鹿遠謝求羊知

唐李商隱晚

蜀疾何日免殊方

薄容易卽廻腸

君尋愈余猶

唐身莊

王褒鄆下侯疏

唐許軍晚

改修涼心巴竟

二五  
疾病

月恩深未挂冠

100

露寒沙徑深

處高牋託素琴

孔子蚤作負手

則既歌而入當戶

上之達夫明大

外科諸瘡

菱平



臨終歌二首

漢書曰昭帝時旦自以為武帝子且長不得立乃與姊燕公主謀告之由是發覺王憂恐置酒萬載宮會賓客羣臣如妾王自歌華容夫人起舞坐者皆泣王遂自殺

王歌

漢燕刺王旦

歸空城兮狗不吠雞不鳴橫街何廣廣兮固知國中之無人

華容夫人歌

髮紛紛兮寘渠骨籍籍兮亡居母求死子今妻求死夫裴徊兩渠間兮君子將安居

瑟歌

漢書曰昭帝時帝年少無子有凱欲迎女巫李氏須使下神祝詛宣帝即位

人部

卷百五

三

祝詛事發覺胥置酒顯陽殿召太子霸及子女等夜飲使所幸鼓瑟歌舞主自歌左右悉涕泣奏酒至

欲久生兮無終長不樂兮安窮奉天期兮不得須臾

千里馬兮駐待路黃泉下兮幽深人生要死何為苦

心何用為樂心所喜出入無悰為樂亟亟丘吏蒿里召

今郭門閱死不得取代庸身自逝叶上反

弘農王歌

表山松後漢書曰董卓廢少帝為弘農王立陳留王為帝置弘農王于閣上初平元年春正月使郎中令李儒進鸞服此辟惡王曰此必是毒也非肯強之於是王與唐姬及宮人共飲酒王自歌云云唐姬起舞歌云云因泣下坐者噓歎不自勝王謂唐姬曰卿故王者妃勢不復為史氏妻也行矣自愛從此長辭遂飲鴆死時年十八

天道易兮我何艱棄萬乘兮退守藩逆臣見迫兮命不延逝將棄兒兮適幽玄守藩一作宮潘兒一作汝

唐姬歌

皇天崩兮后土頽身為帝王兮命天摧死生路異兮從此乖悼我單獨兮中心哀悼一作奈中心哀一作中哀

絕命詞

息夫躬字子微河陽人哀帝初躬與孫為左曹給事中封宜侯又歷詔事上疏論事語皆險譎丞相御史奏躬罪過免官坐怨詛詛繫詔獄躬仰天大呼絕咽而死○漢書曰躬初待詔數危言高論自恐遭害著絕命辭後數年乃死如其文

漢息夫躬

玄雲決鬱將安歸兮鷹隼橫厲鸞徘徊兮矰若浮焱

人部

卷百五

三

動則機兮叢棘棧棧曷可栖兮發忠忘身自繞罔兮

宛頸折翼庸得往兮涕泣流兮萑蘭心結骨兮傷肝

虹蜺曜今日微孽杳冥兮未開痛入天兮嗚噓冤際

絕兮誰語仰天高兮自列招上帝兮我察秋風為我

吟浮雲為我陰嗟若是兮欲何留撫神龍兮攬其須

游曠迴兮反亡期雄失據兮世我思

臨終詩

融為大中大夫見曹操雄詐漸著類書千里囊內不致封建諸侯操疑其所論建勸廣並彈之詔應承旨以微法免融又令路粹誣奏融下獄棄市

漢孔融

言多令事敗器漏苦不密河清蟻孔端山壞由猿穴

涓涓江漢流天聰通冥室讒邪害公正浮雲翳白日  
靡辭無忠誠華繁竟不實人有兩三心安能合爲一  
三人成市虎浸漬解膠漆生存多所慮長寢萬事畢  
臨終苻朗畧陽臨渭氏人望之從兄子也性宏達神氣爽邁徵拜鎮東將軍青州刺史在任甚有聲績會晉遣淮陰太守高素伐青州則遣使請玄於彭城求降詔加員外散騎侍郎既至揚州風流邁於一時超然自得多所陵忽王國寶諸而殺之

晉苻朗

四大起何因聚散無窮已既適一生中又入一死理  
冥心乘和暢未覺有終始如何箕山夫奄焉處東市  
曠此百年期遠同松叔子命也歸自天委化任冥紀  
人部  
卷百五  
三八 臨終

臨終

晉歐陽建

伯陽適西戎孔子欲居蠻苟懷四方志所在可游盤  
況乃遭屯蹇顛沛遇災患古人達機兆策馬遊近關  
咨余冲且暗抱責守微官潛圖密已構成此禍福端  
恢恢六合間四海一何寬天網布絃綱投足不獲安  
松柏隆冬悴一作然後知歲寒不涉太行險誰知斯  
路難真僞因事顯人情難豫觀窮達有定分慷慨復  
何歎上負慈母恩痛酷摧心肝下顧所一作憐女惻  
惻心中酸二子棄若遺念皆邁凶殘不惜一身死惟  
此如循環執紙五情塞揮筆涕洟瀾

臨終

宋范曄

禍福本無兆性命歸有極必至定期誰能延一息  
在生已可知來緣儘無識好醜共一丘何足異枉直  
豈論東陵上寧辨首山側雖無稽生琴庶同夏侯色  
寄言生存子此路行復即

臨終

梁書本傳曰靈運既被擒文帝以謝玄勳司所奏請依法收治詔於廣州棄市臨刑作詩云

宋謝靈運

龔勝無餘生季業終有盡嵇公理既迫霍生命亦殞  
悽悽後一作霜柏納納衝風菌邂逅竟無時一作何脩  
短非所愍恨我君子志不得巖下泯送心正覺前斯  
人部  
卷百五  
三九 臨終

痛久已忍唯願乘來生怨親同心朕

臨刑聯句

宋書曰世基臨之從子也有才氣臨被誅世基坐從其刑爲聯句詩曰

宋謝世基

偉哉橫海鯨壯矣垂天翼一旦失風水翻爲螻蟻食  
世基功遂伴昔人保退無智力既涉太行險斯路信難  
步

臨終

宋吳邁遠

傷歌入松路斗酒望青山誰非一丘土參差前後間

臨終

南史曰散知將終賦詩言志

齊顧歡

五塗無恒宅三清有常舍精氣自天行游魂隨物化

鵬鷗適大海蜩鳩之桑柘達生任去留善死均日夜  
委命安所乘何方不可駕翹心企前覺融然從此謝

幽逼詩四首

南史曰元帝避建寧而都江陵外  
迫強敵內失人和魏師至方微兵  
四方未至而戒見赴在幽逼求酒  
飲之製詩四絕後爲梁王啓所害

梁元帝

南風且絕唱西陵最可悲今日還蒿里終非封禪時

二

人生逢百六天道異貞恒何言異螻蟻一旦損鵬鷗

三

松風侵曉哀霜零當夜來寂寥千載後誰畏軒轅臺

人部

卷百五

三十一

四

夜長無歲月安知秋與春原陵五樹杏空得動耕人

臨終

陳釋智愷

千月

一作秋

本難滿三時理易傾石火無恒燄電光非

久明遺文空滿筍徒然昧後生泉路方幽噎寒隴向

凄清一隨朝露盡唯有夜松聲

臨終詩

世隆至高都立長廣王碑爲主遺類  
川王余朱兆舉兵到京師大軍失利遂執帝  
還晉陽縊於三級時帝臨崩作五言詩曰

北魏孝莊帝

權去生道促憂來死路長懷恨出國門含悲入鬼鄉

隧門一時閉幽庭豈復光思鳥吟青松哀風吹白楊  
昔來聞死苦何言身自當

絕命詩二首

北史本傳曰熙覽潘王加有文學  
風氣甚高始鎮鼎新知友才學之士  
袁翻李瑒之李神雋王福兄弟裴敬憲等咸  
錢於河梁賦詩告別及將死復與知故書恨  
志意不遂  
時人矜之

北魏中山王熙

義實動君子主辱死忠臣何以明是節將解七尺身

右示寮吏

平生方寸心殷勤屬知已從今一銷化悲傷無極已

右別知友

臨終

釋智命俗名鄭類榮陽人初仕隋爲羽騎  
尉逃官流俗備歷講會及元德作威楊素

卷百五

三十一

人部

薦之遷爲中書舍人越王卽位歷官御史大  
夫爲鄭國開道不遂乃剃髮服僧服至  
宮門云吾願報已出家世充怒勅下斬之類  
聞喜曰吾願報矣臨刑通禮  
十方口誦般若若索筆題詩云

隋釋智命

幻生還幻滅大幻莫過身安心自有處求人無有人

臨終二首

續高僧傳曰於時鄭下昌言裕師將  
過世矣道俗雲合同稟歸戒訪傳言  
之無從裕亦信福命之有盡乃示誨善惡勵  
諸門人後覺不愈至第七日授筆製詩二首

哀速終

隋釋靈裕

悲永殞

今日坐高堂明朝臥長棘一生聊已竟來報將何息

命斷辭人路骸送鬼門前從今一別後更會幾何年

自傷

述樓記曰場帝建述樓選後宮女數千以居其中由是後宮多不得進御宮女候夫左右取以進帝覽其詩反覆傷感厚禮堊之

隋侯夫人

初入承明日深深報未央長門七八載無復見君王  
春寒入骨清獨臥愁空房颯復步庭下幽懷空感傷  
平日親愛惜自待却非常色美反成棄命薄何可量  
君恩實疎遠妾意徒徬徨家豈無骨肉偏親老北堂  
此身無羽翼何計出高牆性命誠所重棄割良可傷  
懸帛朱棟上肝腸如沸湯引頸又自惜有若絲牽腸  
毅然就地死從此歸冥鄉

詩雋類函卷一百十六

東吳俞安期彙纂 宣城梅鼎祚增定

新都汪士龍訂校

儒部

教授 秀才 貢士附 試士 故榜 及第 孝廉 赴舉 同年附 落第

教授

差山歌

南史曰沈麟士隱居餘干吳差山講經教授從學士數十百人各營屋宇依止其側時人為之語曰

差山中有賢士開門教授居成市

贈廣川馬先生

唐虞象

經書滿腹中吾識廣川翁年老甘無位家貧懶發蒙

儒部

卷百十六

教授

人歸洙泗學歌盛舞雩風願接諸生禮三年事馬融

秀才

貢士附

答何秀才

梁范雲

少年射策罷擢第雲臺中已輕淄水耄復笑廣州翁

麟閣佇鸞校虎觀遲才通方見雕篆合誰與畋漁同

待爾金閨北予藝青門東

貽何秀才

梁范雲

桂葉竟穿荷蒲心爭出波有鷺鷥蘋菱綿蠻弄藤蘿

臨花空相望對酒不能歌聞君饒綺思摘揆足為多

布鼓誠自鄙何事絕經過

贈易秀才

唐李白 盛

少年解長劍投贈即分離何不斷犀象精光暗往時  
蹉跎君自惜竄逐我因誰地遠虞翻老秋深宋玉悲  
空催芳桂色不屈古松姿感激平生意勞歌寄此詞

金門答蘇秀才

唐李白 盛

巨海納百川麟閣多才賢獻書入金闕酌醴奉瓊筵  
屢參白雪唱恭聞黃竹篇恩光照拙薄雲漢希騰遷  
銘鼎倘云遂扁舟方渺然

答徐秀才

唐韋應物 中

鈇鈍謝貞器時秀猥見稱豈如白玉仙一作仙山鶴方與

儒部

卷一百六

二 秀才

紫霞升清詩舞艷雪孤抱瑩玄冰一枝非所貴懷書

思武陵

一作懷書且茂陵

再寄殷堯藩秀才

唐許渾 晚

直道知難用經年向水濱宅從栽竹貴家爲買書貧  
就學多新一作客登朝盡故人蓬萊自有路休羨武  
陵春

潘秀才南棹酬王秀才見寄

唐許渾 晚

酷似牢之玉不如落星山下白雲居春排旋構金門  
客夜學兼修王府書風掃碧雲迎鷺鳥水還滄海養  
嘉魚莫將年少輕時節王氏家風在石渠

燕河南府秀才

唐韓愈 中

吾皇紹祖烈天下再太平詔下諸郡國歲貢鄉曲英  
元和五年冬房公尹東京功曹上言公是月當登名  
乃選二十縣試官得鴻生群儒負已材相資簡擇精  
怒起簸羽翮引吭吐鏗轟此都自周公文章繼名聲  
自非絕殊尤難使耳自驚今者遭震薄不能出聲鳴  
鄙夫忝縣尹愧慄難爲情惟求文章寫不敢妬與爭  
還家勅妻兒具此煎烹柿紅蒲萄紫肴果相扶漿  
芳茶出蜀門好酒濃且清何能充歡燕庶以露厥誠  
昨聞詔書下權公作邦楨文人得其職文道當大行

儒部

卷一百六

二 秀才

陰風攪短日冷雨澀不晴勉哉戒徒馭家國遲子榮

送嚴秀才還蜀

唐王維 盛

寧親爲令子似舅即賢甥別路經花縣還鄉入錦城  
山臨青塞斷江向白雲平獻賦何時至明君憶長卿

送豆盧策秀才

唐韋應物 中

歲交水未泮地卑海氣昏子有京師遊始發吳閶門  
新黃含遠林微綠生陳根詩人感時節行道當憂煩  
古來濩落者俱不事田園文如金石韻豈乏知音言  
方辭郡齋榻爲一作已酌離亭罇無爲倦羈旅一去高

飛翮

送薛秀才

唐皇甫冉

雖是尋山客還同慢世人讀書唯務靜無裊不憂貧  
野色春冬樹鷄聲遠近鄰鄰公即吾友知與爾相親

送韋秀才

唐韓翃

東人相見罷秋草獨歸時幾日孫弘閣當年謝朓詩  
寒山葉落早多雨路行遲好憶金門步功名自有期

送段秀才歸澧州

唐呂溫

湘南孤白芷幽託在清濤豈有聲香發空勞知處深  
推賢路已隔賑乏力不任慚我一言分負君千里心  
寸義薄聯組片誠敵兼金方期踐冰雪無使弱思侵

儒部

卷百六

四

秀才

送李策秀才還湖南

唐劉禹錫

深春風日淨晝長幽鳥鳴僕夫前致詞門有白面生  
攝衣相問訊解帶坐南榮端志見眉睫芳言發精誠  
因出懷中文調孤詞亦清悄如促柱絃掩抑多不平  
乃言本蜀士世降岷山靈前人秉藝文高視來上京  
曳綬司徒府所從信國楨析薪委寶林善響繼家聲  
前與計吏西始列貢士名森然就華禮從使春官卿  
帝城岐路多萬足俟晨星蒞蒞風塵中工拙同有營  
寒女勞夜織山苗榮寸莖侯門方擊鐘衣褐誰將迎  
弱羽果摧頽壯心鬱悻悻諒無蟠木客聊復蓬累生

蔣蘭在幽渚安得揚芬馨曰余摧落者散質負華纓

一聆苦辛詞再動伊鬱情身棄言下動愛才心上驚  
恨無羊肉風使爾化北溟

送竇秀才

唐朱慶餘

江南才子口紛紛少有篇章得似君清話未同山寺  
宿離歌已向客亭聞梅天馬上愁黃鳥澤國帆前見  
白雲通籍名高年又少回頭應笑晚從軍

答貢士黎逢

時在京兆功曹

唐韋應物

茂等一作方上達諸生安可希栖神澹物表渙汗布  
令詞如彼岷山玉本自有光輝鄙人徒區區稱歎亦  
儒部

卷百六

五

貢士

何爲彌月曠不接公門但一作役驅馳蘭章忽有贈持

用慰所思不見心尚密一作微密况當相見時

贈文士王雄

唐鄭谷

知己竟何人哀君尚苦辛圖書長在手文學老於身  
公道天難廢貞姿士任真小齋松菊靜願卜子爲隣

孝廉

明經附

贈潘綜吳逵舉孝廉詩

六章

宋王韶之

東寶惟金南木有喬發輝曾岷竦餘重霄美哉茲土  
世載英髦育翮幽林養首九臯

唐后明敕漢宗蒲輪我皇降鑒思樂懷人群臣競薦



舊章維新余亦奚貢日義與仁

仁義伊在維吳維潘心積純孝事者艱難投必如歸  
淑問若蘭吳實履仁心力偕單固此苦節易彼歲寒  
霜雪雖厚松柏九丸

人亦有言無善不彰二子微猷彌久彌芳拔叢山類

景行朝陽誰謂道遐弘之則光咨爾庶士無然荒

江革奉摯慶祿是荷美詩入貢漢朝咨嗟曷哉行人

敬爾休嘉俾是下國炤輝京華

伊余朽駘竊服懼盜無能禮樂豈暇聲教順彼康夷

懿德是好聊綴所懷以贈二孝

儒部

卷一百六

六 李廉

送桂陽孝廉

唐高適 盛

桂陽少年西入秦數經甲科猶白身即今江海一歸

客他日雲霄萬里人

送別覃孝廉

唐韋應物 中

思親自當去下第未蹉跎家住青山下門前芳草一作

水流多秭歸通達微巫峽注驚波州舉年年事還期復

幾何

送王使君少子孝廉登科歸

唐司空曙 中

年少通經學登科尚佩觿張憑本名士蔡廓是佳兒

鞍馬臨岐路龍鍾對別離寄書胡太守請與故人知

送張參明經舉觀省

唐孟浩然 盛

十五彩衣年承歡戀母前孝廉因歲貢懷橘向秦川

四座推文舉中郎許仲宣泛舟江上別誰不仰神仙

○赴舉

應舉日寄兄弟

唐朱可名

廢刈鏡湖田上書紫閣前愁人久委地詩道未聞天

不是燒金手徒拋釣月船多慚兄弟意不敢問林泉

送丁大鳳進士舉

唐孟浩然 盛

吾觀鵠鶴賦君負王佐才惜無金張援十上空歸來

棄置鄉園老翻飛羽翼摧故人今在位岐路莫遲迴

儒部

卷一百六

七 趙望

送張子容進士舉

唐孟浩然 盛

夕曛山照滅送客出柴門惆悵野中別殷勤岐路一作

後言茂林余偃息喬木爾飛翻無使谷風誚須令友

道存

送沈然弟進士舉

唐孟浩然 盛

獻策金門去承歡綵服違以吾一日長念爾聚星稀

昏定須溫席寒多未授衣桂枝如已擢早逐鴈南飛

魯中送二從弟赴舉之西京

一作送族弟錫

唐李白 盛

魯客向西笑君門若夢中霜凋逐臣髮日憶月光宮

復羨二龍去才華冠世雄平衢聘高足逸翰凌長風  
舞袖拂秋月歌筵聞早鴻送君日千里良會何由同

同吳王送杜秀才應舉入京 唐李白盛

秀才何翩翩王許回也賢暫別廬江守將遊京兆天  
秋山宜落日秀木出寒煙欲折一枝桂還來鴈沼前

送相里造入京 唐李頎盛

子月過秦正寒雲覆洛城嗟君未得志猶作苦辛行  
煖酒嫌衣薄瞻風候雨晴春官含笑待驅馬速前程

送韓巽入都觀省便赴舉 唐岑參盛

楓葉蒼蒼柳葉黃秋高八月天欲霜青門百壺送韓

儒部 卷一百六 八 赴舉

侯白雲千里連嵩丘北堂倚門望君憶東歸扇枕後  
秋色洛陽才子能幾人明年桂枝是君得

送馬秀才移家京洛便赴舉 唐劉長卿中

自從爲楚客不復掃荆扉劍共丹誠在書隨白髮歸  
舊遊經亂靜後進識君稀空把相如賦何人薦禮闈

送錢塘路少府赴制舉 唐皇甫冉中

公車待詔赴長安客裏新正阻舊歡遲日未能消野  
雪晴花偏自犯江寒東溟道路通秦塞北關威儀識  
漢官共許郊詵工射策恩榮請向一枝看

送孔黨赴舉 唐皇甫冉中

入貢列諸生詩書業草成家承孔聖後身有魯儒名  
楚水通榮浦秦山擁漢京愛君方弱冠爲賦少年行

送裴秀才貢舉 唐皇甫冉中

儒衣羞此別去抵漢公卿賓貢年猶少篇章藝已成  
臨流惜暮景話別起鄉情離酌不辭醉西江春草生

送張興赴舉 并序 唐劉禹錫中

古人以偕受學爲同門友今人以偕升名爲同年  
友其語孰見縉紳者皆道焉予與張興爲友人由  
是道也曩吾見爾之始生以老成爲祝今吾見爾  
之成人以未立爲憂吾不幸向所謂同年友當其

儒部 卷一百六 九 赴舉

盛時聯袂齊鑣亘絕九衢若屏風然今來落落如  
曙星之相望偕日會合不煩異席可長太息哉然  
而尚書右丞衛大受兵部侍郎武庭碩二君者當  
時偉人咸萬夫之望足以訂十朋之多也第如京  
師無騷騷亦無欣欣爾時秋也吾爲若叩商之謳  
幸有感夫二君子

送裴處士應制舉 唐劉禹錫中

祖帳臨周道前旌指晉城午橋群吏散亥字老人迎  
詩酒同行樂別離方見情從茲洛陽社吟詠有書生  
裴生久在風塵裏氣勁言高爲知己注書曾學鄭司

歷國多於孔夫子往年訪我到連州無窮絕境終  
日遊登山日長試蠟屐入洞裏披貂裘白帝城  
又相遇斂翼三年不飛去忽然結束如秋蓬自稱對  
策明光官人言策中說何事掉頭不答看飛鴻形庭  
翠松迎曉日鳳銜金榜雲間出口貴腰間傾酒口宰  
臣委佩觀瑤筆古稱射策如彎弧一發偶中何時無  
由來草澤無忌諱努力清挽當亨衢憶得當年識君  
處嘉禾日後聯牆住垂鈎釣得王餘魚踏芳共登蘇  
小墓此事今同夢想間相看一笑且開顏老大希逢  
舊鄰里爲君扶病到方山

儒部

卷一百六

十一 赴舉

送韋秀才道冲赴制舉

唐劉禹錫中

伊昔玄宗朝冬卿冠駕鸞蕭穆升內殿從容領儒冠  
遊夏無措詞陽秋誰不刊至今群玉府學者空縱觀  
世人希德門揭若攀峰巒之子向明訓鏘如振琅玕  
一旦西上書班上拂征鞍荆臺宿暮雨漢水浮春瀾  
君門起天中多士如星攢煙霞雙闕覆扈舞羅千官  
清漏宿銅壺仙厨下雕繁熒煌仰金榜錯落濡飛翰  
古來才傑士所歎遭時難一鳴從此始相望青雲端

送李友路秀才赴舉

唐劉禹錫中

爾生始懸弧我坐作上賓引箸舉湯餅祝詞天麒麟

今成一丈夫坎珂愁風塵長裾來謁我自號廬山人  
道舊與撫孤悄然傷我情依依看眉睫嘿嘿含悲辛  
永懷同年友追想出谷晨二十三君子齊飛凌煙冥  
曲江一會時後會已凋淪况今三十載閱世難重陳  
盛時一已過來者日日新不如搖落樹重有明年春  
火後見琮璜霜餘識松筠蕭楓乃獨秀武部亦絕倫  
爾今持我詩兩見二重臣成賢必念舊貴保在安貧  
清時爲情節氣力侔陶鈎乞取斗升水因泛雲漢津

儒部

卷一百六

十一 赴舉

送張惟儉秀才入舉

唐李嘉祐中

清秀過終童攜書訪老翁以吾爲世舊憐爾繼家風

淮岍經霜柳關城帶月鴻春歸定得意花送到東中

送令狐秀才赴舉

唐李逢吉中

子有雄文藻思繁韶年射策向金門前隨鸞鶴登霄  
漢却望風沙是塞垣獨憶忘機陪出處自憐何日繼  
飛翻那堪兩地生離緒蓬戶長扃行旅喧

送薛蔓應舉

唐王建中

四海重貢獻珠賁稱至珍聖朝開禮闈所貴集嘉賓  
若生在世間此路出常倫一士登甲科九族光彩新  
憧憧車馬徒爭路長安塵萬目視高天昇者得苦辛  
况子當年少年文人在咸秦出門見官闕獻賦待朱輪

有賢大國豐無子一家貧男兒富邦家豈為榮其身  
煌煌文明代俱幸生此辰自顧非國風難以合聖人  
子去東堂上我歸南澗濱願君勤作書與我山中鄰  
送友人赴舉

唐朱慶餘中

世路久嗟君進取身十年雖苦志萬里託何人  
處困非乖道求名本為親惟應意先與化龍鱗

山中送進士劉蟾赴舉

唐章孝標

去住跡雖異愛憎情不同因君向帝里使我厭山中  
故友多朝客新文盡國風藝精心更苦何患不成功

龍州送人赴舉

唐李洞

儒部

卷百十六

士一

赴舉

獻策赴招攜行宮積翠西挈囊秋卷重轉棧晚峰齊  
踏月趨金闕拂雲看御題飛鳴豈回顧獨鶴困江泥  
句溪夏日送盧霈秀才歸王屋山將欲赴舉

唐杜牧

野店正紛泊繭蠶初引絲行人碧溪渡繫馬綠楊枝  
苒苒跡始去悠悠心所期秋山念君別惆悵桂花時  
○試士 求試附

儀賢堂監策秀才聯句

梁劉滂

雄州試異等揚庭乃專對碩學類括羽奇文若錦續  
滋蘭成秀晚照車光赤排攝官惡簪帶疲病謝名

輩 盧舜

乙奏飲餘列甲科光往載深奇無絕縱孫董  
有遺槩 伏提 春風涵宛轉遲光乍明昧列秀總中筵

羣才盛皇代 王瑩 如綸疾影響裁蒲啟蒙昧雕龍既

已彰青紫行當佩 王顯 哀然既玉響高聚亦蘭綽廣

川良易追潛水非難配 貢士光相門搜賢盡幽

塞善說理無窮借書心靡誨 來彥各東西翼亮

更出內康哉信在今伊余事耕耒 後三首

御試二首

唐黃滔

已表隋珠各自攜更從瓊殿立丹梯九華燈作三條  
燭萬乘君懸四首題靈鳳敢期翻雪羽洞簫應或諷

儒部

卷百十六

士一

試士

金閨明朝莫惜場場醉青桂新香有紫泥

六曹三省列簪裾丹詔宣來試士初不是玉皇疑羽

客要教金榜帶天書詞臣假寐題黃絹宮女敲銅奏

子虛御目四篇酬九百敢從燈下略躊躇

賀王起

唐釋廣宣

從辭鳳閣掌絲綸便向青雲領貢賓再闢文章無枉

路兩開金榜絕冤人眼看龍化門前水手放鸞飛谷

口春明日定歸台席去鵲鴿原上共陶鈞

宣上人遠寄賀禮部王侍郎放榜後詩因以繼

和

唐劉禹錫

禮闈新榜動長安九陌人人走馬看一日聲名遍天下滿城桃李屬春官自吟白雪詮詞賦指示青雲借羽翰借問至公誰印可支郎天眼定中觀

時刺華州寄賀王起

唐周墀

文場三化魯儒生三十餘年振重名曾泰水鷄誇羽翼又陪金馬入蓬瀛雖欣月桂居先折更羨春蘭最後榮欲到龍門看風雨關防不許暫離營

求自試

唐竇常

仙禁祥雲合高梧彩鳳遊沈冥求自試通鑒果蒙收文墨悲無位詩書誤白頭陳王抗表日毛遂請行秋

儒部

卷百六

西一試士

雙劍曾埋獄司空問斗牛希垂拂拭惠感激願相投

○放榜

和王侍郎酬廣宣上人觀放榜後相賀

唐元稹

渥洼徒自有權奇伯樂書名世始知競走墻前稀得

雋高縣日下表無私都中紙貴流傳後海外金填姓

字時珍重劉繇因首薦進士李景述以爲君送和碧同判解頭及第

雲詩

放榜後和作

唐姚鵠

三年竭力向春闈塞斷浮華衆路岐盛選棟梁稱昔

日平均雨露及明時登龍舊美無斜徑折桂新榮盡直枝莫道只陪金馬貴相期更在鳳皇池

放榜後和作

唐孟球

當年門下化龍成今日餘波進後生仙籍共知推麗則禁垣同得薦嘉名桃蹊早茂誇新萼菊圃初開耀晚英誰料羽毛方出谷許教齊和九臯鳴

放榜後和作

唐嗣希逸

一振聲華入紫微三開秦鏡照春闈龍門舊列金章貴鶯谷新遷碧落飛恩感風雷皆變化詩裁錦繡借光輝誰知散質多榮忝鴛鴦清塵接布衣

儒部

卷百六

十五

放榜

放榜後和作

唐林滋

龍門一變荷生成況是三傳不朽名美譽早聞喧北闕顏波今見走東瀛駕行既接參差影鷄樹仍同次第榮從此青衿與朱紫升堂待宴更何營

放榜後和作

唐孟寧

科文又主守初時光顯門生濟會期美擅東堂登甲乙榮同內署待恩私群鴛共喜新遷木雙鳳皆當即入池別有倍深知感士曾經兩度得芳枝

放榜日作

唐韋莊

一聲天鼓闢金扉三十仙材上翠微葛水霧中龍乍

變縵山煙外鶴初飛鄒陽煖豔催花發太皞春光簇  
馬歸迴首便辭塵土世彩雲新換六銖衣

○及第

同年附

及第後歸覲留別諸同年

唐白居易中

十年常苦學一上謬成名擢第未為貴賀親方始榮  
得意減別恨半酌輕遠程翩翩馬蹄疾春日歸鄉情

及第後宴曲江

唐劉滄晚

及第新春選勝遊杏園初宴曲江頭紫毫粉壁題仙  
籍柳色簫聲拂御樓露景露光明達听晚空山翠墜  
芳洲歸時不省花間醉綺陌香車似水流

儒部

卷一百六

十六

及第

及第後宿平康里作

唐裴思謙晚

銀缸斜背解鳴璫小語偷聲賀玉郎從此不知蘭麝  
貴夜來新添桂枝香

初及第歸酬孟元翊見贈

唐章孝標晚

六年衣破帝城塵一日天池水脫鱗未有片言驚後  
輩不無慚色見同人

贈孫綺新及第

唐李商隱晚

長樂遙聽上苑鐘綵衣稱慶桂香濃陸機始擬誇文  
賦不覺雲間有土龍

喜敏中及第偶示所懷

唐白居易中

自知羣從爲儒少豈料詞場中第頻桂折一枝先許  
我楊穿三葉盡驚人轉於文墨須留意貴向煙霄早  
致身莫學爾兄年五十蹉跎始得掌絲綸

喜舍弟義叟及第

上禮部

唐李商隱晚

國以斯文重公仍內署來風標森太華星象逼中台  
朝滿遷鶯侶門多吐鳳才寧同魯司寇唯鑄一顏回

喜友人及第

唐崔塗晚

孤吟望至公已老半生中不有同人達兼疑此道窮  
只應才自薄豈是命難通尚激搏溟勢期君借北風

送友人及第歸江東

唐陳羽中

儒部

卷一百六

十七

及第

五陵春色泛花枝心醉花前遠別離落第耻爲關上  
客成名空羨里中兒都門雨歇愁分處山店燈殘夢  
到時家住洞庭多釣伴同來相賀話相思

送王府張參軍及第東歸

唐韓翃中

鄰家不識鬪鷄翁閑戶能齊隱者風顧步曾爲小山  
客成名因事大江公一身千里寒蕪上單馬重裘臘  
月中寂寂故園行見在暮天殘雪洛城東

送尹樞令狐楚及第後歸覲

唐盧綸中

佳人比香草君子即芳蘭寶器金罍重清音玉珮寒  
貢文齊受寵獻禮兩承歡鞍馬續紛地爭迎陸與潘



送太學顏明經及第東歸

唐鄭谷

平楚干戈後田園失耦耕艱難登一第離亂省諸兄  
樹沒春江氣人繁野渡晴閑來思學館猶夢雪聰明

登科後

唐孟郊

昔日齷齪不足誇今朝放蕩思無涯春風得意馬蹄  
疾一日看徧長安花

擢第後東歸書懷

唐孟郊

昔歲辭親淚今爲戀恩泣去住情難別離景易戢  
天矯大空鱗曾爲小泉蟄幽意獨沈沈時震雷忽相及  
神行旣不宰直致非所執至運本遺功輕生各

儒部

卷百六

十八

自立慈親誠志就賤子歸情急擢第謝靈臺牽衣出  
皇邑行襟海日曙逸抱江風入舊遊期再踐縣水得  
重挹松蘿雖可居青紫終當拾

贈李觀

唐孟郊

誰言形影親燈滅影去身誰言魚水歡水竭魚枯  
鱗昔爲同恨客今爲獨笑人捨予在泥轍飄跡上  
雲津臥水易成蠹棄花難再春何言對芳景愁望極  
蕭晨埋劍誰識氣匣絃日生塵願君語高風爲予問  
蒼旻

杜羔登第其妻寄之

唐劉氏

長安此去無多地鬱鬱葱葱佳氣浮良人得意正年  
少今夜醉眠何處樓

送薛播擢第歸河東

唐岑參

歸去新戰勝盛名人共聞鄉連渭川樹家近條山雲  
夫子能好學聖朝全用文弟兄負世譽詞賦超人群  
雨氣醒別酒城陰低暮曛遙知出關後更有一將軍

送薛彥偉擢第歸東都

唐岑參

時輩似君稀青春戰勝歸名登郊說第身著老萊衣  
稱意人皆羨還家馬若飛一枝誰不折棲萼獨相輝  
送虞秀才擢第歸長沙

儒部

卷百六

九

充賦名今遂安親事不違甲科文比玉歸路錦爲衣  
海運同鯢化風帆若鳥飛知君到三徑松菊有光輝  
送魏升卿擢第歸東都因懷魏校書陸渾喬潭

唐岑參

井上桐葉雨灞亭卷秋風故人適戰勝馬歸山東  
問君今年三十幾能使香名滿人耳君不見三峰直  
上五千仞見君文章亦如此如君兄弟天下稀雄詞  
健筆皆若飛將軍金印鞶紫綬御史鐵冠重繡衣喬  
生作尉別來久因君爲問平安否魏侯校理復何如  
前日人來不得書陸渾山水佳可賞蓬閣開時日應

往自料青雲未有期誰知白髮偏能長  
壚頭青絲白  
玉瓶別時相顧酒如傾  
搖鞭舉袂忽不見千樹萬樹  
空蟬鳴

送虞說擢第東遊

唐錢起中

湖山不可厭東望有餘情  
片玉登科後孤舟任興行  
月中巖子瀨花際楚王城  
歲暮雲羣鶴聞天更一鳴

送虞說擢第南歸觀省

唐錢起中

南風起別袂心到衡湘間  
歸客楚天遠孤舟雲水閑  
愛君采蓮處花島連家山  
得意且寧省人生能幾還

送李四擢第歸觀省

唐錢起中

儒部

卷一百十六

二十

及第

當年貴得意文字各爭名  
齊唱陽春曲唯君金玉聲  
懸黎寶中止高價世難掩  
鴻羽不低飛龍津徒自陰  
直矜鸚鵡賦不貴芳桂枝  
少俊蔡邕許長鳴唐舉知  
梁城下能賦朱戟何曄耀  
才子欲歸寧棠花已含笑  
高門知慶大子孝覺親榮  
獨攬還珠美寧唯問絹情  
離筵不盡醉慘袂一何早  
馬蹄西別輕樹色東看好  
行塵忽不見惆悵青門道

送孫瑩京監擢第歸蜀觀省

唐劉長卿

適質一枝新旋驚萬里分  
禮闈稱獨步太學許能文  
征馬望春草行人看暮雲  
遙知倚門處江樹正氛氲

送韋八元秀才擢第往上都應制

唐韋應物

決勝文場戰已酣行應辟命復才堪  
旅食不辭遊關  
下春衣未換報江南  
天邊宿鳥生歸思關外晴山滿  
夕嵐立馬欲從何處別都門楊柳正  
毵毵

感別送從叔校書簡再登科東歸

唐孟郊中

長安車馬道高槐結浮陰黃鵠多遠  
勢溟漠無近尋  
怡怡靜遐姿泠泠思歸吟  
菱唱忽生聽芸書迴望深  
清風散言笑餘花綴衣襟  
獨恨魚鳥別一飛將一沈

儒部

卷一百十六

主

及第

送友人擢第東歸

唐劉駕晚

回家楚天南相識秦雲西  
古來縣弧豈顧子與妻  
攜手踐名場止遇公道開  
君榮我雖黜感恩同所懷  
灞岸秋草綠却是還家時  
期君轍未平我車繼東歸

同年春燕

唐孟郊中

少年三十七嘉會良在茲  
高歌搖春風醉舞摧花枝  
意蕩晚晚景喜凝芳菲時  
馬跡攢腰裏樂聲韻參差  
視聽改舊趣物象含新姿  
紅雨花上滴綠煙柳際垂  
淹中講精義南皮獻清詞  
前賢與今人千載爲一期  
明鑒有皎潔澄玉無磷緇  
永與沙泥別各整雲漢儀

自中積英名日四馳寒瀉絕儔匹海月難爭天  
驚抑忽已盡親朋樂無涯幽蘭發空幽芳杜綿所思  
浮跡自聚散壯心誰別離願保金石志無令有奪移  
東都冬日會諸同年宴鄭家林亭

唐白居易中

盛時陪上第暇日會群賢桂折應同樹鶯遷各異年  
賓階紛組珮妓席儼花鈿促膝齊貧賤差肩次後先  
助歌林下水銷酒雪中天他日升沈者無忘共此筵  
杏園席上同年

唐曹鄴晚

岐路不在天十年行不至一旦公道開青雲在平地  
儒部 卷百十六 壬午 同年

白日探得珠不待驪龍睡忽忽出九衢僮僕顏色  
故衣未及換尚有去年淚晴陽照花影落絮浮野翠  
對酒時忽驚猶疑夢中事自憐孤飛鳥時接鸞鳳翅  
永懷共濟心莫起胡越意

成名後呈同年

唐黃滔晚

業詩攻賦薦鄉書二紀如鴻歷九衢待得至公搜艸  
澤如從平陸到蓬壺雖慚錦鯉成穿額忝獲驪龍不  
寐珠蒙楚數疑休下泣師劉大喝已爲盧人間火管  
供紅杏天上煙花應白榆

呈同年

唐楊知至晚

由來梁燕與冥鴻不合翩翩向碧空寒谷謾勞郭氏  
律長天獨遇宋都風此時泣玉情雖異他日銜環事  
亦同二月春光正搖蕩無因得醉杏園中

○落第

落第西還別劉高二公

唐陳子昂初

別館分周國歸驂入漢京地連函谷塞川接廣陽城  
望迴樓臺出途遙煙霧生莫言長落羽貧賤一交情

落第途中口號

唐盧僊初○一作郭向

抱玉三朝楚懷書十上秦年年洛陽陌花鳥弄歸人

落第後口號

唐薛據盛

儒部 卷百十六 壬午 落第

十五能文西入秦三十無家作路人時命不將明主  
合布衣空惹洛陽塵

落第長安

唐常建盛

家園好在尚留秦耻作明時失路人恐逢故里鶯花  
笑凡向長安度一春

落第歸鄉留別長安主人

唐呂盧復盛

客裏愁多不記春聞鶯始歎柳條新年年下第東歸  
去羞見長安舊主人

下第題長安客舍

唐錢起中

不遂青雲望愁看黃鳥飛梨花度寒食客子未春衣

世事隨時變交情與我違空餘主人柳相見却依依

長安落第作

唐錢起中

始願今如此前途復若何無媒獻詞賦生事日蹉跎  
不遇張華識空悲甯戚歌故山歸夢遶新歲客愁多  
刷羽思喬木登龍恨失波散才非世用回首謝雲蘿

下第東南行

唐孟郊中

越風東南清楚日瀟湘明試逐伯鸞去還作靈均行  
江離伴我泣海月投人驚失意容貌改長途性命輕  
時聞喪侶猿一叫千愁并一作生

落第

唐孟郊中

儒部 卷百十六

二十四 落第

曉月難爲光愁人難爲腸誰言春物榮獨見花上霜  
鵬鶚飛失勢鷦鷯假翼翔

再下第

唐孟郊中

一夕九起嗟夢短不到家兩度長安陌空將淚見花

下第

唐賈島中

下第只空囊如何住一作在帝鄉杏園啼百舌誰醉在  
花傍淚落故山遠病來春草長知音逢一作醉豈易孤

棹負三湘

落第

唐李廓中 廊

慙前潛制淚衆裏自嫌身氣味如中酒情懷似別人

暖風張樂席晴日看花塵盡是添愁處深居乞過春

落第劉拾遺相送東歸

唐錢起中

不醉百花酒傷心千里歸獨收和氏玉還采舊山薇  
出處離心盡榮枯會面稀預愁芳草色一徑入衡闈

落第後東遊留別

唐皇甫冉中

此成方自得何事學干求果以浮名誤深貽達士羞  
九江連漲海萬里任虛舟歲晚同懷客相思波上鷗

下第東歸留別長安知己

唐孟郊中

共照日月影獨爲愁思人豈知鷦鷯鳴瑤草不得春  
雲歸嵩之陽身寄江之濱棄置復何道楚情吟白蘋

儒部 卷百十六

三十五 落第

與從弟瑾同下第

唐盧綸中

同作金門獻賦人二年悲見故園春到闕不沾新雨  
露還家空帶舊風塵

落第後歸山下舊居留別劉起居昆季

唐盧綸中

寂寞過朝昏沈憂豈易論有時空上命無事可酬恩  
寄食依鄰里承家望子孫風塵知世路衰賤到君門  
醉裏因多感愁中欲強言花林逢廢井戰地識荒園  
悵別臨晴野悲春上古原鳥歸山外樹人過水邊村  
潘岳方稱老嵇康本厭喧誰堪將落羽迴首仰飛翻

落第後歸終南別業

唐盧綸

久爲名所誤春盡始歸山落羽羞言命逢人強破顏  
交疎貧賤裏身老是非間不及東溪月漁翁夜往還

超絕下第上薛侍郎

唐李端

蓬華春風起開簾却自悲如何飄梗處又到采蘭時  
明鏡方重照微誠寄一辭家貧求祿早身賤報恩遲  
幸得皮存矣須勞翼長之銘肌非感答肉骨是前期  
縱覺新人好寧忘舊主疑終慙太丘道不爲小生私  
失意歸吳因寄東臺劉復侍御

自念西上身忽隨東歸風長安日下影又落江湖中

儒部

卷一百六

王六落第

離婁豈不明子野豈不聰至寶非眼別至音非耳通  
因絨俗一作物外詞仰寄高天鴻

初落第

唐高蟾

天上碧桃和露種日邊紅杏倚雲栽芙蓉生在秋江  
上莫向春風怨未開

杜羔不第將至家寄以一絕

唐劉氏

傳聞天子訪沈淪萬里懷書西入秦早知不用無媒  
客恨別江南楊柳春

落第後寄江南親友

唐項斯

古巷槐陰合愁多晝掩扉獨存過江馬強拂看花衣

送客心先醉尋僧夜不

鍾易惆悵莫遣寄書稀

下第寄知己

唐曹鄴

長安孟春至枯樹花亦發憂人此時心冷若松上雪  
自知才不堪豈敢頻泣血舉頭望青天白日頭上沒  
無慮數尺軀委作泉下骨唯愁攬清鏡不見昨日髮

下第別鄧秋

唐馬戴

窮途別故人京洛泣風塵在世即應老他鄉又欲春  
平生空志學晚歲一作節拙謀身靜話歸休計唯將海  
上親

下第別楊至之

唐許渾

儒部

卷一百六

王七落第

花落水潺潺十年離舊山夜愁添白髮春淚減朱顏  
孤劍北遊塞遠書東出關逢君話心曲一醉灞陵間

下第後蒙侍郎示意指於新先輩宣恩感謝

唐李昌符

才薄命如此自嗟兼自疑遭逢好文日黜落至公時  
倚玉甘無路穿楊却未期更慙君待坐問許可言詩

下第出春明門

唐李山甫

曾知秋雨驅愁入却向春風領恨回深謝灞陵隄畔  
柳與人頭上拂塵埃

送魏四落第還鄉

唐岑參

送魏四落第還鄉

東歸不稱意客舍戴勝鳴臘酒飲未盡春衫纔已成  
長安柳枝春欲來洛陽梨花在前開魏侯池館今尚  
在猶有太師歌舞臺君家盛德豈徒然時人注意在  
吾賢莫令別後無佳句祇向壚頭空醉眠

送嚴維下第還江東

唐岑參

勿歎今不第似君殊未遲且歸滄洲去相送青門時  
望馬指鄉遠問人愁路疑收袂沾暮雪歸棹帶流澌  
嚴子灘復在謝公文可追江臯如有信莫不寄新詩

送孟孺卿落第歸濟陽

唐岑參

獻賦頭欲白還家衣已穿羞過灞陵樹歸種汶陽田

儒部 卷百六

三十一 落第

客舍少鄉信牀頭無酒錢重朝徒側席濟上獨遺賢

送杜佐落第歸陸渾別業

唐岑參

正月今欲半陸渾花未開出關見青草春色正東來  
夫子且歸去明時方愛才還須及秋賦莫即隱蒿萊

送從弟下第歸會稽

唐孟浩然

疾風吹征帆候爾向空沒千里去俄頃三江坐超忽  
向來共歡娛日久成楚越落羽更分飛誰能不驚骨

送丘為落第歸江東

唐王維

憐君不得意況復柳條春為客黃金盡還家白髮新  
五湖三畝宅萬里一歸人知爾不能薦羞為獻納臣

送張翥下第歸江東

唐蕭穎士

俱飛仍失路絲服通清波地積東南美朝遺甲乙科  
客愁千里別春色五湖多明日舊山去其如相望何

送童彝下第

唐基毋潛

長安渭橋路行客別時心獻賦溫泉畢無媒魏闕深  
黃鸞啼就馬白日暗歸林二十名未立君還惜寸陰

送褚大落第東歸

唐錢起

離琴彈苦調美人慘向臨頃來荷策干明主還復扁  
舟歸五湖漢家側席明敷久豈意遺賢在林藪玉堂  
金馬隔青雲墨客儒生背白首昨夢芳洲采白蘋歸

儒部

卷百六

三十一 落第

期且喜故園春稚子只思陶令至文君不厭馬卿貧  
剡中風月久相憶池上舊遊應再得酒熟寧孤芳杜  
春詩成不枉青山色念此那能不羨歸長楊諫獵事  
皆違他日東流一乘興知君為我掃荆扉

送鄒三落第還鄉

唐錢起

郢客文章絕世稀常嗟時命與心違十年失路誰知  
已千里思親獨達歸雲帆春水將何適心愛東南暮  
山碧關中新月對離樽江上殘花待歸客名宦無媒  
自古遲窮途此別不堪悲荷衣垂釣且安命金馬招  
賢會有時



送郭秀才制舉下第南遊

唐錢起中

失志思浪跡知君晦近名出關塵漸遠過郢興彌清  
山盡溪初廣人閑舟自行探幽無旅思莫畏楚猿鳴

送秀才落第遊荆楚

唐錢起中

翠羽雖難

一作

成夢遷鶯尚後群名逃郢詵策輿發謝

玄文昏旦扁舟去江山幾路分上朝吞海日歸鴈出  
湖雲詩思應須苦猿聲莫厭聞離居見新月那得不  
思君

送鍾評事應宏詞下第東歸

唐錢起中

芳歲歸人嗟轉蓬含情回首霸陵東蛾眉不入秦臺

儒部

卷一百六

三十一

落第

鏡鶴羽還驚宋國風

送馬秀才落第歸江南

唐劉長卿中

南客懷歸鄉夢頻東門悵別柳條新殷勤斗酒城陰

暮蕩漾孤舟楚水春湘竹舊斑思帝子江蘿初綠怨

騷人憐君此去未得意陌上愁看淚滿巾

贈萬生下第還吳

唐郎士元中

直道多不偶美才應息機灞陵春欲暮雲海獨言歸

爲客成白首入門嗟布衣尊羹若可憶慚出掩柴扉

送魏廣落第歸揚州

唐韋應物中

下第常稱屈少年心獨輕拜親歸海畔似舅得詩名

晚對青山別遙尋芳草行還期應不遠寒露濕無城

送衛雄下第歸揚州

唐李端中

不才先上第詞客却空還邊地行人少平蕪盡日閑  
一蟬陂樹裏衆火隴雲間羨爾歸茅屋書牕見遠山

送潘述宏詞下第歸江外

唐李端中

唱高人不和此去淚難收上國經年住長江滿目流  
英基知勝偶射策請焚舟應是由口口玄成許爾遊

送郭良輔下第東歸

唐李端中

獻策不得意馳車東出秦暮年千里客落日萬家春

送丘爲下第歸蘇州

唐嚴維中

儒部

卷一百六

三十一

落第

滄江一身客獻賦空十年明主豈能好今人誰舉賢  
國門稅征駕旅食謀歸旋曠日媚春水綠蘋香客船

無媒既不達予亦思歸田

送客落第東遊

唐李益中

東門有行客落日滿前山聖代誰知者滄洲今獨還

片雲歸海暮流水背城闕予亦依嵩嶺松花深閉關

送溫初下第

唐孟郊中

日落濁水中夜光誰能分高懷無近趣清抱多遠聞

欲識丈夫志心藏孤岳雲長安風塵別咫尺不見君

送沈秀才下第東歸

唐賈島中

下第子不耻遺才人耻之東歸家室遠悼轡時參差  
斯雲近吳見汴柳接楚垂明年春光別回首不復疑

送顧非熊下第歸

唐朱慶餘

但取詩名遠寧論下第頻惜為今日別共受幾年貧  
聽雨宿吳寺過江逢越人知從本府薦秋晚又辭親

送顧非熊下第歸江南

唐馬戴

無成西別秦返駕江南春草際楚田鴈舟中吳苑人  
殘雲挂絕島迴樹入通津想到長洲日門前多白蘋

送程秀才下第歸蜀

唐姚鵠

驚遷與鴈退十載泣岐分蜀道重來老已猿此去聞  
儒部

卷百十六

三十一

曉程侵嶺雪遠棧入谿雲莫滯趨庭戀榮親祇待君  
送進士趙能卿下第南歸

唐鄭谷

不歸何慰親歸去舊風塵灑淚慙關吏無書對越人  
達帆花月夜微听水天春莫便隨魚釣平生已苦辛

贈下第舉公

唐鄭谷

兄君失意我惆悵記得當年落第情出去無慘歸又  
悶花南慢打講鐘聲

闕試前送姚潛下第歸南陽

唐曹鄴

馬嘶殘日沒殘霞二月東風便到家莫羨長安占春  
者明年始見故園花

詩集類函卷百十六

詩集類函卷一百十七

東吳俞安期彙纂 宣城梅鼎祚增定

雲杜李營易訂校

釋部

佛總載 法總載 講解 附 法

○佛總載

淨土詠

宋謝靈運

法藏長王宮懷道出國城願言四十八弘誓拯羣生  
淨土一何妙來者皆青英頽年欲安寄乘化好晨征

舍利佛

古無名氏

金繩界寶地珍木蔭瑤池雲間妙音奏天際法蠡吹  
釋部

卷百十七

佛總載

迎舍利

梁宣帝

釋迦稱散體多寶號金軀白玉誠非比黃金良莫踰  
變見絕言象端異乃冥符靈知雖隱顯妙色豈榮枯  
唯當千劫後方成無價珠

送舍利宿定晉巖

隋孔德紹

仁祠表虛曠祇園展肅恭栖息翠微嶺登頓白雲峰  
映流看夜月臨風聽曉鐘澗芳十步草崖陰百丈松  
蕭然遙路絕無復市朝蹤

念佛三昧詩四首

晉王齊之

妙用在幽一作涉有覺無神由昧徹識以照麗積微

自引因功本虛泯彼三觀忘此毫餘

寂漠何始理玄通微融然忘適乃廓靈暉心悠游一作游

緬域得不踐機用之以冲會之以希

神資天凝圓映朝雲與化而感與物斯羣應不以方受者自分寂爾淵鏡金水塵紛

慨自一生夙乏慧識託崇淵人庶藉冥力思轉毫功在深不測至哉之念主心西極

吳中禮石佛

梁江淹

幻生太浮詭長思多沈疑疑思不慙炤詭生寧盡時敬承積劫下金光鑠海湄火宅歛焚炭藥草匪惠滋

釋部

卷百七

二 佛總載

常願樂此道誦經空山坻禪心暮不雜寂行好無私軒騎久已訣親愛不留遲憂傷漫漫情靈意終不溜誓尋青蓮果永入梵庭期

利州北佛龕前重於去歲題處作

唐蘇頌初

重巖戴清美分塔起層標蜀守經途處巴人作禮朝地疑三界出空是六塵銷卧石鋪奢鮮行騰覆綠苔

歲年書有記非為學題橋

臘月八日於剡縣石城寺禮拜

唐孟浩然

石壁開金像香山繞鐵圍下生彌勒見回向一心歸松柏禪庭古樓臺世界稀夕嵐增氣色餘照發光輝

講席邀談柄泉堂施浴衣願承功德水從此濯塵機

秋晚石門禮拜

唐闍防

輕策凌絕壁招提謁金仙舟車無遊徑崖嶠乃屬天踰澗淹異景夷猶望新弦石門變暝色谷口生人煙陽鴈噉平楚秋風急寒川馳暉苦代謝浮翠輦貞堅永欲卧丘壑息心依梵筵誓將歷劫願無以外物牽

法樂辭十二首

齊王融

天長命自短世促道悠悠禪衢開遠駕愛海亂輕舟累塵曾未極心樹豈能籌情埃何用洗正水有清流

右歌本起

釋部

卷百七

三 佛總載

百神肅以虔三靈震且越恒一作曜揜芳宵薰風動蘭月丹榮藻玉墀翠羽文珠闕皓毳非虛來交輪豈徒發

右歌靈瑞

韶年春已仲明星夜未央千祀鍾休曆萬國會嘉祥金容涵夕景翠鬢佩晨光表塵維淨覺汎俗迺輪皇

右歌下生

襲氣變離宮重栢驚層殿曼響感心神脩容轉惟宴生老終已繁死病行當薦方為淨國遊豈結危城戀

右歌在宮

春枝多病天秋葉少欣榮心骸終委滅親愛暫平生  
長風吹北隴迅瀑急東瀛知三既情暢得一乃身貞

右歌四遊

飛策辭國門端儀偃郊樹慈愛徒相思閨中空戀慕  
夙隸乖往塗駿足獨歸路舉袂謝時人得道且還去

右歌出國

明心弘十力寂慮安四禪青禽承逸軌文驪鏡重川  
驚巖標遠勝鹿野究清玄不有希世寶何以導濛泉

右歌得道

亭亭雙月流肫肫晨霜結川上不徘徊條間亟淪滅

釋部

卷百十七

四

佛總載

靈知湛常然符一作應有盈缺感運復來儀且厭人

間世音世

右歌雙樹

實樹一作

春山玉所府檀林芳一作所栖引火歸炎燄挹水自

清隄菴園無異轍祇館有同躋比肩非今古接武豈

燕齊

右歌賢衆

昔余輕歲月茲也重光陰閨中屏鉛黛闕下挂纓簪  
禪悅兼芳旨法言戀一作清琴一異非能辨寵辱誰

爲心

右歌學徒

峻宇臨層穹若若疎遠風騰芳清漢裏響梵高雲巾  
金華紛再若瓊樹鬱青葱貞心延淨鏡遂業嗣天宮

右歌供具

影響未嘗隔晦明殊復親弘慈邈已遠睿后扇高塵  
區中提景福寓外沐深仁萬祀留國祚億兆慶唐民

右歌福應

○法總載

觀化決疑

晉廬山諸沙彌

謀始創大業問道叩玄篇妙唱發幽蒙觀化悟自然

釋部

卷百十七

五

法總載

觀化化已及尋化無間然生皆由化化化化更相纏

宛轉隨化流漂浪入化淵五道化爲海孰爲知化仙

萬化同歸盡離化化乃玄悲哉化中客焉識化表年

法門

齊王融

出不自戶將何由行不以法欲焉修之燕入楚待駿

足凌河越海寄輕舟通明洞燭煥曾昇深凝廣潤湛

川流翼善開賢敷教義昭蒙啓惑滌煩憂功成弗有

居無著淡然無執與化遊

訶詰四大門詩

齊王融

迅矣百齡綿茲六入出沒昏疑興居愛習總總予求

營營爾給匪德曰歸唯殃斯集食人敗類無厭自及  
昭回不希玄墟何泣

在家男女惡門詩

齊王融

在磨則磷玉生雖堅唯居必徙豈曰能賢冰開春日  
蘭敗秋年天教斯類及習情遷命符三牖生借十纏  
茲焉遂住憂長方延

大慙愧門詩

齊王融

蘭室改蓬心旌崖變伊草丹青有必渝絲磔一作素豈  
常皓曲轅且繩直詭木遂雕藻一簣或成山百里勑  
中道崇漢乃王臣大楚信元保勉矣德不孤至言匪

釋部

卷百七

六

法總藏

虛造

努力門詩

齊王融

豫北二山尚有移河中一洲亦可為精誠必至霜塵  
下意承所感金石離有子合掌脩名立時王權髮美  
譽垂昔來勸心少騫隨何不努力出憂危勝幡法鼓  
榮且擊智師道眾紛以馳有生無我儼既列無明有  
我孰能窺

迴向門詩

齊王融

悠悠九土各異形擾擾四生非一情驅車策馬殉世  
業市文鬻義炫虛名三墨分糾殊不會七儒委爵曾

未并吉凶拘忌及數術取與離谷實縱橫朝日夕月  
竟何取投巖赴火空捐生咄嗟失道爾迴駕眄彼流  
水趣東瀛

賦詠五陰識枝詩

梁簡文帝

澆淳混神因心形復依色欲浪逐情飄愛網隨心織  
鑄金雖改狀斬籌方未極鵠觀既無辨猿攀此焉息

五盛陰

佛書有五陰譬喻謂以聚沫喻色水中  
言皆空

虛也

亡名釋

先去非長別後來非久親新墳將舊塚相次似魚鱗  
茂陵誰辨漢驪山詎識秦千年與昨日一種併成塵

釋部

卷百七

七

法總藏

定知今世土還是昔時人焉能取他骨復待埋我身

八關齋夜賦四城門更作四首

按注稱殿下即  
簡文時為皇太

子中庶府君謂肩  
吾為太子中庶子

梁庾肩吾

第一賦韻東城門病

伏枕愛危光痼纏生易折無因雪岸草慮反砭山穴  
徐防消渴腸腸府疼寒嬰肢節如何促齡內憂苦無暫  
缺孔

南城門老

虛蕉誠易犯危藤復將嚙一隨柯已微當年信長訣  
諸葛已同白駒去復類紅花熱妍容一旦罷孤燈行

自設君

西城門死

緩心雖殊用滅景寧優劣一隨業風盡終歸虛妄設  
卿王臺五陰誠為假六趣寧有截零落竟同歸憂思空  
相結李鏡達

北城門沙門

俗幻生影空憂繞心塵瞋於茲排四纏去矣求三涅  
下學輩留心方從窈冥別已悲境相空復作泡雲  
滅中庶府君

第二賦韻東城門病

釋部

卷一百一十二

八

法鏡藏

空病誠易愈有病故難痊徒知餌五色終當悲九泉  
卿王臺已無雲山草沈痾竟誰憐復悲淪苦海何由果  
淨天體諸葛

南城門老

昔類黃蓮草自玩綠池邊今如白華樹還悲明鏡前  
下壯心欲何在餘日乃西遷清樽不復樂蓬鬢豈還  
妍徐防

西城門死

高堂信逆旅懷業理常牽玉匣方委觀金臺不復延  
府中庶挽聲隨逕遠蘿影帶松縣詎能留十念唯應逐

四緣君

北城門沙門

經行林樹下求道志能堅既有神通力振錫達乘煙  
李鏡一登四弘誓至道莫能先不貪曠劫壽無論延  
促年孔

第三東城門病

纏痼緬百年自傷無五福長縈畫篋蛇不似仙人鹿  
下胃染迷畫瓶卧起求栖宿羅襦豈再歡臨岐方土  
木中庶府君

南城門老

釋部

卷一百一十七

九

法鏡藏

少年愛綺綺衰暮慙羅縠徒傷歲冉冉陳詩非郁郁  
卿王臺鶴髮辭軒冕鮐背烹葵菽松柏稍相依歡愛時  
睦睦李鏡達

西城門死

追念平生時遨遊上苑園一沒松柏下春光徒儵昱  
孔結根素因假枝葉緣骨肉自應螻蟻軀值此風刀  
逐諸葛

北城門沙門

俗繭厭纏絲因田抽善穀長披忍辱鎧去此纖羅服  
徐願引三塗眾俱令十使伏珠月猶沈首金錚未挑



第四東城門病

紫紵未可得漳濱徒再離一逢犬馬病賁育罷驅馳  
李鏡已無九轉術復闕萬金奇不看授疆掌唯夢蓮

花池君

南城門老

盛年歌吹日顧步惜容儀一朝衰朽至星星白髮垂  
孔已傷萬事盡復念九門枝乘軒意何在獨坐鏡如  
斯府君

西城門死

釋部

卷一百七

十一

法總載

一息於今罷平生詎可規天長曉露促千齡誰復知  
馮徐華堂一相捨松帳杳難窺萬祀藏珠應千年罷玉

北城門沙門

深心不可染正道亦難歛方除五欲累長辭三雅厄  
王依空慮難靜習善路猶弛沒身竟靡託單孟詎  
行贊

四城門

梁沈約

六龍既驚軫二鼠復馳光衰齡難慎輔暮黃易凋傷

五苦詩

北周釋亡名

生苦

可患身為患生將憂共生心神恒獨苦寵辱橫相驚  
朝光非久照夜燭幾時明終成一聚土強覓千年名

老苦

少時欣日益老至苦年侵紅顏既罷豔白髮寧久吟  
階庭唯仰杖朝府不勝簪甘肥與妖麗徒有壯時心

病苦

拔劍平四海橫戈却萬夫一朝牀枕上迴轉仰人扶  
壯色隨肌減呻吟與痛俱綺羅雖滿目愁眉獨向隅

死苦

釋部

卷一百七

十一

法總載

可惜凌雲氣忽隨朝露終長辭白日下獨入黃泉中  
池臺既已沒墳隴向應空唯當松柏裏千年恒勁風

愛離

誰忍心中愛分為別後思幾時相握手嗚嚶不能辭  
雖言萬里隔猶有望還期如何九泉下更無相見時

雜言

隋釋慧淨

觀化祗山頂流睇古王城萬載池猶滌千年苑尚清  
髣髴影堅路摧殘廣脇楹七寶仙臺亡舊迹四彩天  
花絕雨聲聲華日以遠自恨生何晚既傷火宅眩中  
門還嗟寶渚迷長坂步陟平郊望心遊七海上擾擾

三界溺邪津渾渾萬品忘真匠唯有能仁獨圓悟廓  
塵靜浪開玄路創逢肌命棄身城更爲求入崩意樹  
持囊卑契戒珠淨被甲要心忍衣固三祇不倦陵二  
車一足忘勞超九數定歛江清沐久結智劍霜疑斬  
新霧無邊大劫無不修六時愍生遵六度度有流光  
功德收金河示滅歸常住鶴林權唱演功周聖德佳  
音傳餘響龍宮秘典海中探石室真言山處仰流教  
在茲辰傳芳代有人沙河雪嶺遙朝徑巨海鴻崖亂  
夜津人萬死求一生投鍼偶穴非同喻東馬懸車豈  
等程不徇今身樂無祈後代榮誓舍危軀追勝義咸

釋部

卷一百七

十三

希畢契傳燈情勞歌勿復陳延眺且周巡東睇女巒  
留二迹西馳鹿苑去三輪北睨舍城池尚在南瞻尊  
嶺穴猶存五峰秀百池分粲粲鮮花明四曜輝輝道  
樹鏡三春楊錫指山阿攜步上祇陀既覩如來疊衣  
石復觀天授迸餘峨佇靈鎮梵嶽凝思遍生河金花  
逸掌儀前奉芳蓋陵虛殿後過旋遶經行砌目想如  
神契廻斯少福潤生津共會龍華捨塵翳

禪暇

無名釋

峨峨王舍城鬱鬱靈竹園中有神化長巧誘入幽玄  
善人寡授福惡友樂讎怨善惡昇沈異類別露門

一三五七九言

隋釋慧英

遊愁赤縣遠丹思抽鷺領寒風駛龍河激水流既喜  
朝聞日復日不覺年頽秋更秋已畢耆山本願誠難  
住終望持經振錫往神州

悼歎

隋釋慧輪

衆美乃羅列羣英已古今也知生死分那得不傷心

感悟安緣題如上人壁

唐白居易

自從爲駮童直至作衰翁所好隨年異爲忙終日同  
弄沙成佛塔鏘玉謁王宮彼此皆兒戲須臾卽色空  
有營非了義無著是真宗兼恐修勤道猶應在妄中

釋部

卷一百七

十三

○經

觀楚國寺璋上人寫一切經院南有曲池深竹

唐岑參

璋公不出院羣木閑深居誓寫一切經欲向萬卷餘  
揮毫散林鵲研墨警池魚音翻四句偈字譯五天書  
鳴鐘竹陰晚汲水桐花初雨氣潤衣鉢香煙泛庭除  
此地日清淨諸天應未知將錫杖早晚躡空虛

晨詣超師院讀禪經

唐柳宗元

汲井漱寒齒清心拂塵服間持貝葉書步出東齋讀  
真源了無取妄迹世所逐遺言與可宜養生何由熟

道人庭宇靜苔色連深竹  
言出霧露餘青松如膏沐  
澹然離言語悟悅心自足

和李豐州題常開州經藏詩 唐白居易中

既悟蓮花藏須遺貝葉書  
菩提無處所文字本空虛  
觀指非知月忘筌是得魚  
聞君登彼岸捨筏復何如

○講解 會三教附

秋夜講解 齊謝朓

四緣去誰肇七識習未央  
沈沈一作淵淵倒營魄苦蔭威  
愁腸琴瑟徒爛熳姱容空滿堂  
春顏遽幾日秋壘終  
茫茫孰云濟沈溺假願託津梁  
惠唱摘泉涌妙演發

釋部

卷百十七

十四 經講解

金相空有定無執實固相忘自來乘  
首夏及此申  
暮霜雲物清晨景衣巾引夕涼  
風振蕉蓬裂霜下梧  
楸傷一作傷六龍且無借三相寧久長  
何時接靈  
應及子同舟航

旦出興業寺講詩

梁簡文帝

芳肅朝帶駕言祇淨宮羽旌承去影  
鏡吹雜還風  
吳戈夏服箭驥馬綠沈弓水照柳初碧  
煙含桃半紅  
山來六塵縛宿昔五經朦見鶴徒知謬  
察象理難作  
同方知慙四辯奚用語三空

侍講詩

梁簡文帝

善渥深慈監撫宣王事英邁八解心  
高超七花意

和劉尚書侍講五明集詩 梁元帝

帝德洽區宇垂衣彰太平黃唐懸懋實  
子姒嘉聲  
治家陳五禮功成奏六英汲引留宸鑒  
舟航動睿情  
法王唯一法無生信不生因從此見果  
果自斯明  
元良仰副后合一震鴻名龜藏踰啓筮  
魯史冠春卿  
日宮佳氣滿月殿善風清綺錢蔽西觀  
緹幔卷南榮  
金門練朝鼓玉壺休夜更宮槐留曉合  
城烏侵樹鳴  
露光枝上宿霞影水中輕虛薄今何事  
徒知戀法城

同泰僧正講并序

梁昭明太子

釋部

卷百十七

十五 講解

大正以貞俗兼解鬱為善歌璉師以行有餘力緣  
情繼響余自法席既闌便思和寂杼軸二年濡翰  
兩器大正今春復為同泰建講法輪將半此作方  
成所以物色不同序事或異

放光聞驚岳金牒秘香城窮源絕有際離照歸無名  
若人聆至寂寄說表真冥能令梵志遣亦使羣魔驚  
寶珠分水相須彌會色形學徒均染疊遊士譬春英  
伊予寡空智徒深愛悵情舒金起祇苑開筵慕肅成  
年鍾儵從變弦望矚舒盈今聞火林聚淨土接承明  
掖影連高塔法鼓亂嚴更雷聲芳樹長月出地芝生

已知法味樂復悅玄言清何因動飛翮暫使塵勞輕

玄圃講

梁昭明太子

白藏氣已暮玄英序方及稍覺蟄聲悽轉聞鳴鴈急

穿池狀浩汗架峰形礫吸肝雲綠宇陰晚景乘軒入

風來幔影轉霜流樹條濕林際素羽翔漪間頽尾吸

試欲遊寶山庶攸信根立名利白巾談筆札劉王給

茲樂踰笙磬寧止消涓邑一作悒悒雖娛慧有三終寡聞知十

東齋聽講

梁昭明太子

昔聞孔道貴今觀釋花一作珍至理乃悟寂承稟實

釋部 卷百七 十六 講解

能仁示教雖三微妙法信平均信言一鄙俗延情方

慕真庶茲祛八倒冀此遣六塵良思大車道方願寶

船津長延永生肇庶席諒徐陳是節朱明季灼爍治

渠新霏雲出翠嶺涼風起青蘋既餐甘露方欲書諸紳

鍾山解講

梁昭明太子

清宵出望園詰晨屆鍾嶺輪動文學乘笳鳴賓從靜

嗽出巖隱光月落林餘影糾紛八桂密坡陁再城永

伊予愛丘壑登高至節景迢遞觀千室遙觀萬頃

即事已如斯重茲遊勝境精理既已詳玄言亦兼逞

方知蕙帶人囂虛成易屏眺瞻情未終龍鏡忽遊騁  
非曰樂逸遊意欲識箕穎

奉和昭明太子鍾山講解

梁蕭子範

嵩岳基舊宇盤嶺跨南京獻心重禪室遊駕陟層城

金輅徐既動龍驂躍且鳴塗方後塵合地迴前笳清

迤邐因臺榭參差憇羽旌高隨闐風極勢與元天并

氣歇連松遠雲昇秋野平徘徊臨井邑表裏見淮瀛  
一作祈果尊常住渴慧在無生暫畱石山軌欲知芳

杜情鞠躬荷嘉慶瞻道聞頌聲

奉和昭明太子鍾山講解

梁劉孝綽

御鶴翔伊水策馬出王田我后遊祇鷺比事實光前

翠蓋承朝景朱旗曳曉煙樓帳縈巖谷緹組曜林阡

況在登臨地復及秋風年喬柯變夏葉幽澗潔涼泉

停鑾對寶座辯論悅人天淹塵資海滴昭暗仰燈燃

法朋一已散笳劒儼將旋邂逅逢優渥託葉侶才賢

摘辭雖竝命遺恨獨終篇

奉和昭明太子鍾山講解

梁劉孝儀

韶樂臨東序時駕出西園雖窮理遊盛終為塵俗喧

豈如弘七覺揚鸞啓四門夜氣清簫管曉陣爍郊原

山風亂采耗初景麗文轅林開前騎騁逕曲羽旄屯

煙壁浮青翠石瀨響飛奔迴輿下重閣降道訪真源  
談空匹泉涌綴藻邁弦繁輕生逢遇誤並作輩龍鶴  
顧已同偏爵何用挹嚮樽

奉和昭明太子鍾山講解 梁陸倕

終南鄰漢闕高掌跨周京復此虧山嶺穹窿距帝城  
當衢啓朱館臨下構山楹南望窮淮潑北眺盡滄溟  
步簷時中宿飛階或上征網戶圖雲氣龕室盡仙靈  
副君憐世網廣命萃人英道筵終后說鑾轡出郊坰  
雲峰響流吹松野映風旌睿心嘉杜若神藻茂琳瓊  
多謝先成敏空頒後乘榮

釋部

卷一百十七

十八

講解

講席將訖賦三十韻詩依次用 梁昭明太子

法苑稱嘉柰慈園美脩竹靈覺相招影神仙共栖宿  
惠義比瑤瓊薰染猶一作蘭菊理玄方十算功深似  
九築華水警銀舟方衢列金軸微言絕已久煩勞多  
累蓄因茲聞慧雲欲使心塵伏八水潤蕉芽三明啓  
羣目寶鐸旦參差名香晚芬郁暫捨六龍駕一作微  
祛二鼠感意樹發空花心蓮吐輕馥喻斯滄海變譬  
彼菴羅熟妙智方縟錦深詞同霧縠善學同梵爪真  
言異銅腹逶迤合蓋城歲蕤布金郁珠華陰八谿玉  
流通九谷青禽乍下上雲鴈飛翻覆高談屬時聽寡

聞終自而日麗駕鶯瓦風度蜘蛛屋落鵲散遠香霏  
雲卷遙族曠濟同象園中乘如佇獨後燄難堅明初  
心易驚縮應當離花水無令垂漆木投巖不足貴棘  
林安可宿器月希留影心灰庶方撲視愛同采蜂遊  
善如原菽八邑仙人山四寶神龍澳藥樹永繁稠禪  
枝詎凋滅以茲悅聞道庶此優馳逐願追露寶車脫  
屣親推轂

和王衛軍解講

梁沈約

妙輪輟往駕寶樹未開音甘露為誰演得一標道心  
眇眇玄塗曠高義總成林七花屏塵相八解濯芳襟

釋部

卷一百十七

十九

講解

和何儀同講竟述懷

北周庾信

無名卽講道有動定論機一作參微安經讓禮席正業理  
儒衣似得遊焉趣能同捨講歸石渠人少歇華陰市  
暫稀秋雲低晚氣短景側餘輝螢排亂草出鴈捨斷  
蘆飛別有平陵逕蕭條客鬢衰飢噪空倉雀寒驚嬾  
婦機實欣懷謏問逢君理入微謏音小

學中早起聽講

陳周弘正

詰朝參下座閒步出重闌北堂月稍隱南枝鵲已飛  
早霜垂靄靄初霧上霏霏嚴唱雖罷柝高門尚掩扉  
既傷年緒促復嗟心事違平生愛山海宿昔持精微

示解輕身去唯應下第歸

江中講經

唐張說初

實相歸縣解虛心暗在通澄江明月內應是色成空

同馬太守聽九思法師講金剛經

唐高適盛

吾師晉陽寶傑出山河最途經世諦聞心到空王外

鳴鐘山虎伏說法天龍會了義同建瓴梵法若吹簫

深知億劫苦善喻恒沙大捨施割肌膚攀緣去親愛

招提何清淨良牧駐軒蓋露冕衆香中臨人覺苑內

心持佛印久標割魔軍退願開初地因永奉彌天對

聽藍谿僧爲元居士說維摩經

唐孟郊中

釋部

卷百七

二十一講

古樹少枝葉真僧亦相依山木自曲直道人無是非

手持維摩偈心向居士歸空景忽開霽雪花猶在衣

沈然水谿晝寒物生光輝

曲講堂

唐柳宗元中

寂滅本非斷文字安可離曲堂何爲設高士方在斯

聖默寄言宣分別乃無知趣中卽空假名相與誰期

願言絕聞得忘意聊思誰

會三教

梁武帝

少時學周孔弱冠窮六經孝義連方冊仁恕滿丹青

踐言貴去伐爲善存好生中復觀道書有名與無名

妙術鏤金版真言隱上清密行貴陰德顯證表長齡

晚年開釋卷猶日映衆星苦集始覺知因果乃方明

示教惟平等至理歸無生分別根難一執著性易驚

窮源無二聖測善非三英大椿徑億尺小草栽云萌

大雲降大雨隨分各受榮心想起異解報應有殊形

差別豈作意深淺固物情

和會三教

梁簡文帝

聚沫多緣假標空非色香漢君雖起夢晉后徒降祥

玄機昔未辨洞鑒資我皇

奉和武帝三教詩

釋智藏姓顧氏吳郡吳人太初六年敕住興皇寺梁武受

釋部

卷一百十七

二十一講

戒時時諸京皇太子尤加敬接

梁釋智藏

心源本無二學理共歸真四執迷叢藥六味增苦辛

資緣良雜品習性不同循至覺隨物化一道開異津

大士流權濟訓義乃星陳周孔尚忠孝立行肇君親

老氏貴裁欲存生由外身出言千里善芬爲窮世珍

理空非卽有三明似未臻近識封岐路分鑣疑異塵

安知悟云漸究極本同倫我皇體斯會妙鑒出機神

眷言總歸轡迴照引生民顧惟慙宿植邂逅逢嘉辰

願陪入明解歲暮有攸因

奉和闡弘二教應詔

北周庾信



五明教已設三元法復開魚山將鶴嶺清梵兩邊來  
香煙聚為塔花雨積成臺空心論佛性真氣辨仙才  
露盤高掌滴風鳥平翅迴無勞問一作訪待詔自識昆

明灰

○法喻

十喻詩

晉鳩羅摩什

十喻以喻空空必待此喻借言以會意意盡無會處  
既得出長羅住此無所住若能映斯照萬象無來去

十譬

維摩經云是身如聚沫如野馬如幻轉受報應是身如芭蕉中無有堅是身如影行照而現是身如夢其見恍惚是身如影行照而現是身如

釋部

卷一百七

三

法喻

響因緣變失是身如霧意無靜想是身如電為分散法

聚沫泡合

宋謝靈運

水性本無泡激流遂聚沫即異成狀貌消散歸虛壑  
君子識根本安事勞與奪愚俗駭變化橫復生欣怛

燄

性內相表狀非炎安知火新新相推移熒熒非向我  
如何滯著人終歲迷因果

芭蕉

生分本多端芭蕉知不一含萼不結核敷華何由實  
至人善取譬無宰誰能律莫昵緣合時常視分散日

聚幻

幻工作同異誰謂復非真一從逝物過既往亦何陳  
謬者疑久近達者皆自賓勿起離合情會無百代人

夢

覺謂寢無知寐中非無見意狀盈眼前好惡迭一作迷  
萬變既悟眇已往惜為浮物戀孰視婆娑盡寧當非

赤縣

影響合

影響順形聲資物故生理一旦揮霍去何因相像似  
羣有靡不然昧漠乎自已四色尚無本八微欲安恃

釋部

卷一百七

三

法喻

浮雲

泛濫明月陰蒼蔚南山雨能為變動用在我竟無取  
俄已就飛散豈復得攢聚諸法既無我何由有我所

電

倏爍驚電過可見不可逐恒物生滅後誰復覈遲速  
慎勿空爾念橫便神理應發已道易孳忘情長之福

十喻五首

梁武帝

幻

揮霍變三有恍惚隨六塵蘭園種五果雕案出八珍  
對見不可信熟視事非真空生四岳想徒勞七識神

著幻是幻者知幻非幻人

如炎

亂念矚長原例見望遙垌逶迤似江漢汎濫若滄溟  
金波揚素沫銀浪翻綠萍遠思如可取近至了無形  
熱緣熱惚逼涅愛渴心生

靈空

物情異所異世心同所同狀如薪遇火亦似草行風  
迷惑三界裏顛倒六趣中五愛性洞達十相法靈冲  
皆從妄所妄無非空對空

乾闥婆

釋部

卷一百十七

三十四

法喻

靈海自己極滄流去無邊蜃蛤生異氣闍婆驚中天  
青城接丹霄金樓帶紫煙皆從望見起非是物理然  
因彼凡俗喻此中玄又玄

夢

甘寢隨四坐蓋睡依五衆違從競分諍美惡相戲弄  
出家爲上首入仕作梁棟色已非真實聞見皆靈洞  
長眼出長夜大覺和大夢

十空六首

梁簡文帝

如幻

漢安設大響周穆置高臺二里生雲霧瞬息起水雷

空持生識縛徒用長心災慧人恒棄捨庸識屢迴  
六塵俱不實三界信悠哉

水月

圓輪既照水初生亦映流溶溶如漬璧的的似沈鈞  
非關顧免沒豈是桂枝浮空令誰雅識還用喜騰猴  
萬累若消蕩一相更何求

如響

疊嶂迴參差連峰鬱相拒遠聞如句咏遙應成言語  
竟無五聲實誰謂八音所空成顛倒羣徒迷塵縛侶  
愍哉火宅中茲心良可去

釋部

卷一百十七

三十五

法喻

如夢

秋駕良難辨司夢並成虛未驗周爲蝶安知人作魚  
空聞延壽賦徒勞岐伯書潛令六識擾安能二惑除  
當須耳應滿然後會真如

如影

朝光照皎皎夕漏轉駸駸晝花斜色去夜樹有輕陰  
並能興眼入俱持動惑心息形影方止逐物慮恒侵  
若悟假名淺方知實相深

鏡象

精金宛成器懸鏡在高堂後挂七龍網前發四珠光

迴望疑垂月傍瞻壁璫仁壽合萬類淮南辯四鄉  
終歸一亡有何關至道場

詩雋類函卷

釋部

卷一百十七

王

法喻

詩雋類函卷一百十八

東吳俞安期彙纂

宣城梅鼎祚增定

雲杜李營易訂校

釋部二

齊

戒

懺悔

法會

僧總載

贈僧

○齋

五月長齋詩

晉釋支道

炎精育仲氣朱離吐疑陽廣漢潛涼變凱風乘和翔  
令月肇清齋德澤潤無疆四部欽嘉期潔已升靈堂  
靜晏和春暉夕惕厲秋霜蕭條詠林澤恬愉味城傍  
逸容研冲蹟綵綵運宮商匠者握神標乘風吹玄芳

釋部

卷百大

一 齋

淵汪道行深婉婉化理長疊疊維摩虛德音暢遊方  
單罕妙傾玄絕致由近藏略略微容簡入言振道綱  
掇煩練陳句臨危折婉章浩若驚飈散罔若揮夜光  
寓言豈所託意得筌自喪霑濡妙習融靡靡輕塵亡  
蕭索情牖頽寥朗神軒張誰謂冥津遐一悟可以航  
願爲海遊師權施入滄浪騰波濟漂客玄歸會道場

八關齋詩三首

并序

晉釋支遁

間與何驃騎期當爲合八關齋以十月二十二日  
集同意者在吳縣土山墓下三日清晨爲齋始道  
士白衣凡二十四人清和肅穆莫不靜暢至四日

朝眾賢各去余既樂野室之寂又有掘藥之懷遂  
便獨住於是乃揮手送歸有望路之想靜拱虛房  
悟外身之真登山採藥集巖水之娛遂援筆染翰  
以慰二三之情

建意營法齋里仁契朋儔相與期良晨沐浴造閑丘  
穆穆升堂賢皎皎清心修窈窕入關客無捷自綢繆  
寂默五習真豐勵心柔法鼓進三勸激切訓清流  
悽愴願弘濟闔堂皆同舟明明玄表聖應此童蒙求  
存誠夾室裏三界讚清休嘉祥歸宰相藹若慶雲浮

釋部

卷百六

二

齋

三悔啓前朝雙轂暨中夕鳴禽戒朗旦備禮寢玄役  
蕭索庭廡離飄飄隨風適踟躕岐路隅揮手謝內析  
輕軒馳中田習習陵電擊息心投伴步零零振金策  
引領望征人悵恨孤思積咄矣形非我外物固已寂  
吟詠歸虛房守真玩幽蹟雖非一往遊且以閑自釋

三

靖一潛蓬廬惜情詠初九廣漠排林條流颺洒隙牖  
從容遐想逸採藥登崇阜崎嶇升千尋蕭條臨萬畝  
望山樂榮松瞻澤哀素柳解帶長陵峻坡婆娑清川右  
冷風解煩懷寒泉濯溫手寥寥神氣暢欽若盤春數

達度冥三才恍惚喪神偶遊觀同隱丘愧無連化肘

八月侍華林曜靈殿八關齋 宋謝莊

玉桴乘夕遠金枝終夜舒澄淳玄化闡希微寂理孚

八關齋

梁沈約

因戒倦輪飄習障從塵染四衢道難關八正扉猶掩  
得理未易期失路方知險迷塗旣已復豁悟非無漸

慈恩寺伽藍清會

唐韋應物

素友俱薄世屢招清景賞鳴鐘悟音聞宿昔心已往  
重門相同達高宇亦遐朗嵐嶺曉城分清陰夏條長  
氤氛芳臺發蕭散竹池廣平荷隨波泛迴颺激林響

釋部

卷百六

三

齋

蔬食導道侶泊懷遺滯想何彼塵昏人區區在天壤

齋居春久感事遣懷

唐白居易

齋戒坐三旬笙歌發四鄰月明停酒夜眼聞看花人  
懶學空爲觀深知念是塵猶思閑語笑未忘舊交親  
久作龍門主多爲兔苑賓水嬉歌盡日雪宴燭通晨

○戒

蒙華林園戒詩

梁簡文帝

庸夫耽世樂俗士重虛名三空旣難了八風恒易傾  
伊余久齊物本自一枯榮弱齡愛箕賴由來重伯成  
非爲樂肥遯特是厭逢迎執珪守蕃國主器作元貞

昔日書銀字久自願宗英斯焉佩金璫何由廣德聲

一作居常慮缺持滿每憂盈茲言信非矯丹心良

可明舟航奉睿訓接引降皇情心燈朗暗室牢舟出

愛瀛是節高秋晚次寥天氣清郊門光景麗祈年雲

霧生紅蕖間青瑣紫露濕丹楹葉疎行徑出泉涌遠

山鳴綠衿依浦成絳纈拂林征庶蒙八解益方使六

塵輕脫聞時可去非舍重城

和太子重雲殿受戒 梁庾肩吾

皇明執東曜帝宸居北辰小乘開治道大覺拯蒼民

殊塗同義路分流合智津傳香引上德列伎進名臣

釋部 卷百六 四 戒

連閣翻如畫圖雲更似真鏡山銜殿影梅梁落梵塵

苑桂恒留雪天花不待春萬年逢瑞應千生值法身

天衣初拂石豆火欲燃新重善終無報一作無輕毛論報

庶有因 和受戒詩 梁釋惠令

次寥秋氣爽搖落寒林疎風散飛廉雀浪動昆明魚

是日何爲盛證戒奉皇儲願陪升自在神通任卷舒

送志弘沙彌赴上元受戒 唐僧皎然 中

不肯簪章甫勝衣被木蘭今隨秣陵信欲及蔡洲壇

野寺鐘聲達春山成足寒歸來次第學應見後心難

○懺悔

懺悔三業門

齊王融

樂由生滅患以身全業資意造事假言筌利名相倚

榮辱茲纏燕驥匪躡銅錯徒錯惑端風緒愛境旌懸

不勤一至何階四禪

和太子懺悔

梁武帝

玉泉漏向盡金門光未成繚繞聞天樂周流揚梵聲

蘭湯浴身垢懺悔淨心靈蕙草獲再鮮落花蒙重榮

蒙預懺直疏詩

梁簡文帝

皇情矜幻俗聖德愍重昏制書開攝受絲綸廣慧門

釋部

卷百六

五

懺悔

時英滿君囿法侶盛天園俱銷五道縛共蕩四生怨

一作三修循祛愛馬六念靜心猿庭深林一作彩

豔地寂鳥一作聲喧上風吹法鼓垂鈴鳴畫軒新梅

含未發落桂聚還翻早煙藏石磴寒潮浸水門一朝

蒙善誘方願遣籠樊

奉和皇太子懺悔應詔

梁王筠

奉和皇太子懺悔詩仍上皇宸極 聖旨即疏

降同所用十韻私心慶躍得未曾有招採餘韻更

題鄙拙

一聖智比明帝德光四海荷負誠悠屬度脫實斯在

慨說濟蒙思推心屏欺殆名僧引定慧朝縵列元凱  
還迷依善導反心由真宰和鈴混吹音勝幡榮雪彩  
早蒲欲抽葉新篁向舒筵翹勤諒懇到歸誠信兼倍  
磨豔似煙霞欄杆若珠琲善誘雖欲繼舍毫愧文彩  
和皇太子懺悔 梁王筠

習惡歸禮懺有過稱能改聖德及羣生唱說信兼採  
翹心蕩十惡邈誠銷五罪三縛解智門六塵清法海  
超然故無著逍遙新有待

營涅槃懺還塗作 并序

陳江總

禎明二年仲冬攝山栖霞寺布法師只爾待終余

釋部

卷百六

六

懺悔

以此月十七日宿昔入山仰為師氏營涅槃懺還  
塗有此作

可否同一貫生死亦一條况期滅盡者豈是俗中要  
人道離羣愴冥期出世遙留連入澗曲宿昔陟巖椒  
石溜水便斷松霜日自銷向崖雲霰驟出谷霧飄飄  
勿言無大隱歸來即市朝

至德二年十一月十二日升德施山齋三宿決

定罪福懺悔詩

陳江總

四知無矯志二施啓幽心簡通避人物偃息還山林  
出澗停騶響交枝落幔陰池臺聚凍雪欄牖噪歸禽

石彩無新故峰形詎古今大車何杳杳奔馬逐駸駸  
何以修六念虔誠在一音未泛慈舟遠徒令願海深  
賦詠百論捨罪福詩 梁劉孝綽

尋因途乃異及捨趣猶并苦極降歸樂樂極苦還生  
豈非輪轉愛皆緣對著情一知心相濁樂染法流清  
○道場

開善寺法會

梁昭明太子

栖烏猶未翔命駕出山莊詰屈登馬嶺迴互入羊腸  
稍看原謁謁漸見岫蒼蒼落星埋遠樹新霧起朝陽  
陰池宿早鴈寒風催夜霜茲地信閑寂清曠惟道場

釋部

卷百六

七

懺悔

玉樹琉璃水羽帳鬱金牀紫柱珊瑚地神幢明月璫  
牽蘿下石磴攀桂陟松梁澗斜日欲隱煙生樓半藏  
千祀終何邁百代歸我皇神功照不極睿鏡湛無方  
法輪明暗室一作智日慧海渡慈航塵根久未洗希霑垂  
露光

奉和法筵應詔

北周庾信

五城鄰北極百雉壯西昆鈎陳橫複道閭闔抵靈軒  
千柱蓮花塔由旬紫紉圍佛影胡人記經文漢語繙  
星窺朱鳥牖雲宿鳳凰門新禽解雜囀春柳卧生根  
早雷驚蟄戶流雪長河源建始移交讓微音種合昏



風飛扇天辨泉湧屬絲言羈臣從散木無以預中天  
遙可望終類仰鵲絃

和盧贊府遊紀國道場

隋釋慧淨

日光通漢室星彩晦周朝法域從此構香閣本岩堯  
珠盤仰承露利鳳俯摩霄落照侵虛牖長虹拖跨橋  
高才暫騁目雲藻遂飄飄欲追千里驥終是謝連鑣

和琳法師初春法集之作

隋釋慧淨

鸞嶺光前選祇園表昔恭哲人崇踵武弘道會羣龍  
高座登蓮葉塵尾振霜松塵飛揚雅梵風度引疎鐘  
靜言澄義海叢論上詞鋒心虛道易合跡廣席難重

釋部

卷一百八

八 道場

和風動淑氣麗日啓時雍高才談雅什顧已濫朋從  
因茲仰積善靈華庶可逢

送契玄法師內道場

唐盧綸

昏昏醉老夫濯頂遇醍醐嬪御呈心鏡君王賜髻珠  
降魔須戰否問疾敢行無深契何妨秘傳宗本不殊

秋夜北上精舍觀體如師梵

唐劉長卿

焚香奏仙唄向夕遍空山清切兼秋遠威儀對月閑  
靜分巖響各散逐海潮還幸得風吹去隨人到世間

○僧總載

詠大德詩

晉釋支遁

遐想存玄哉冲風一何敞品物緝榮熙生運連惚恍  
既喪大澄真物誘則智蕩昔聞庖丁子揮戈在一作  
神往苟能嗣冲音攝生猶指掌乘彼來物間投此默  
照則適度推卷舒忘懷附罔象天樂盈智襟神會流  
俯仰大同羅萬殊蔚若充甸網寄旅海溫鄉委化同  
天壤

淨行詩九首

齊王融

冥津殊復曉高聽亦能卑陰牆雖兩密幽夜有四知  
炎山翻烈火水澗匝寒澌羅城振雲幕鋒樹鬱霜枝  
茹荼非云苦集木豈稱危求仁曾已得長歎欲何爲

釋部

卷一百八

九

僧總載

韞石諒非真飾擬信爲假竊服臯門上濫吹溜軒下  
鳳祀徒驚心騶文終好野實相豈或照浮榮未能捨  
迹殊冠冕客事襲驅馳者已矣歇鄭聲無然亂周雅

三

處塵貴不染被褐重懷珠美玉曜幽石曾蘭挺叢芻  
四民不爲侶三界豈能渝諒茲親愛染寧以財利拘  
煩流捨智寶榛路坦夷途一作萬物品竟何匹烈

火樹紅芙

四

心怨動紛繞情怡輒遷互歡愛一離遠傷憂坐哀暮  
連幌結清陰高臺起風露腐毒緣芳旨天代實脩婚  
慾網必虧生繁宜或全免眇眇夜何期悠悠終首悟

五

端襟測煩海矯步寫埃氛三受猶絕雨八苦若浮雲  
輸心仰圓極整質委方墳朝遊淨國侶暮集靈山羣  
燈祇開遠照香宇薦嘉薰悅首睇人俗信矣靜爲君

六

生塗非一理識緒固饒津徒駭東陵富空嗟北郭貧  
國生曾已及顏氏信爲仁逢尤昭往業習善會茲身

釋部

卷百六

十一

僧總藏

七

神膏施唯重玄酒恩未隆明璣隨水上潤玉藍田中  
稟天性所極資敬道攸崇羽毛共以勢輪軌相爲通  
報德愴前雅酌言愛餘風遵塗每多舛顧省能無忡

八

冬狐狸豐羣春蠶緒輕絲形骸翻爲阻心識還自欺  
華榮羈卬日生平少年時驅車追俠客酌酒弄妖姬  
但念目前好安知身後悲惕然一以愧永與情愛辭

九

金山嚴寶仍瓊晚列瑤萸牆狐議不窟羣焉豈能栖  
淨花莊思序慧沼盟身倪六羣儻未一七衆固恒齊  
端儀有直景正道無傾蹊維宮超以悟襄野竟何迷

通士人篇

陳何處士

龍宮旣入道鳳闕且辭榮禪龕八想淨義窟四塵輕  
香葢法雲起花燈慧火明自然忘有著非止悟無生  
捨舟登陸示慧日道場玉清玄壇德衆

隋煬帝

天淨宿雲卷日舉長川巨颯洒林花落遙迤風柳散  
孤鶴近追羣啼鶯遠相喚蓮升木處盡盡輪途始半

釋部

卷百六

十一

僧總藏

江滄各自遙東西並興歎已熏禪慧力復藉金丹得  
有異三川遊曾非四門觀於焉屢妙道超然登彼岸

赤谷安禪師

唐盧照鄰

獨坐巖之曲悠然無俗紛酌酒呈丹桂思詩贈白雲  
煙霞朝晚聚猿鳥歲時聞水華競秋色山翠含夕曛  
高談十二部細數五千文如如數冥昧生生理氣氤  
古人有糟粕輪扁情未分且當事芝術從吾所好云

鷺子龕禪師

唐王維

山中鷺子龕路劇羊腸惡裂地競盤屈插天多峭崿  
瀑泉吼而噴怪石看欲落伯禹訪未知五丁愁不鑿

上人無生緣生長居紫閣六時自槌磬一飲尚帶索  
種田燒白雲斫漆響丹壑行隨拾栗猿歸對巢松鶴  
時許山神請偶聞洞仙博救世多慈悲卽心無行作  
周商倦積阻蜀物多淹泊巖腹乍旁穿澗唇時外拓  
橋因倒樹架柵值垂藤縛鳥道悉已平龍宮爲之涸  
跳波誰揭厲絕壁免捫摸山木日陰陰結跏歸舊林  
一向石門裏任君春草深

太白胡僧歌

并序

唐岑參

太白中峰絕頂有胡僧不知幾百歲眉長數寸身  
不製繒帛衣以草葉恒持楞伽經雲壁迴絕人迹

釋部

卷百六

十三 僧總

罕到嘗東峰有鬪虎弱者將死僧杖而解之西湫  
有毒龍久而爲患僧器而貯之商山趙叟前年採  
茯苓深入太白偶值此僧訪我而說予恒有獨往  
之意聞而悅之乃爲歌曰

聞有胡僧在太白蘭若去天三百尺一持楞伽入中  
峰世人難見但聞鐘牕邊錫杖解兩虎牀下鉢盂藏  
一龍草衣不針復不線兩耳垂肩眉覆面此僧年紀  
那得知手種青松今十圍心將流水同清淨身與浮  
雲無是非商山老人已曾識願一見之何由得山中  
有僧人不知城裏看山空黛色

僧伽歌

并序

唐李白

紀聞錄僧伽大師西域人姓何氏唐龍朔初來隸  
名于楚州龍興寺後于泗州臨淮縣信義坊乞地  
施標將建伽藍于標下掘得古香積寺銘記并金  
像一軀上有普照王佛字遂建寺中宗聞名遣使  
迎師入內道場居薦福寺常獨處一室頂上有一  
穴以絮窒之夜則去絮香從頂穴中出非常芬馥  
及曉香還頂中又以絮窒之師嘗濯足人取其水  
飲之痼疾皆愈景龍四年端坐而終中宗令于寺  
起塔俄而大風歛起臭氣滿長安中宗問近臣近

釋部

卷百六

十三 僧總

臣奏僧伽大師化緣在臨淮恐欲歸中宗心許其  
臭頓息奇香馥烈五月送至臨淮起塔供養卽今  
塔也中宗問萬廻曰僧伽是何人曰觀音化身  
真僧法號號僧伽有時與我論三車問言誦咒幾千  
遍口道恒河沙復沙此僧本住南天竺爲法頭陀來  
此國戒得長天秋月明心如世上青蓮色意清淨貌  
稜稜亦不減亦不增瓶裏千年舍利骨手中萬歲胡  
孫藤嗟予落魄江湖久罕遇真僧說空有一言懺盡  
波羅夷再禮渾除犯輕垢

題延州聖僧穴

唐錢起

定力無涯不可稱未知何代坐禪僧  
默默山門宵閉月焚焚石壁書燃燈  
四時樹長書經葉萬歲品縣柱杖藤  
昔日捨身緣救鵠今時出見有飛鷹

上方僧

唐韋應物中

見月出東山上方高處禪空林無宿  
火獨夜汲寒泉不下藍谿寺今來三  
十年

定僧

唐元稹中

落魄閑行不著家徧尋春寺賞年華  
野僧偶向花前定滿樹狂風滿樹花

律僧

唐張籍中

釋部

卷百六

十四 僧總

苦行長不出清羸最少年持齋唯一  
食講律豈曾眠避草每移徑濾蟲還  
入泉從來天竺法到此幾人傳

禪師

唐張籍中

獨在西峰頂年年閉石房定中無弟  
子人到爲焚香

休糧僧

唐周賀中

一齋難過日況是更休糧養力時行  
道聞鐘不上堂唯留溫藥火未寫化  
金方舊有山厨在從僧請作房

老僧

唐釋景雲一作唐釋

日照四山雪老僧門始開凍瓶粘柱  
礎宿火燼爐灰童子病歸去鹿麋寒  
入來齋鐘知漸近枝鳥下生臺

白馬寺不出院僧

唐許渾晚

禪心空已寂世路任多岐到院客長  
見閉關人不知寺喧聽講絕厨遠送  
齋遲牆外洛陽道東西無盡時

不出院楚公

唐

一自禪關閉心猿日漸馴不知城郭  
路稀識市朝人履帶堦前雪衣無寺  
外塵却嫌山翠好詩客往來頻

日東病僧

唐項斯晚

雲水絕歸路來時風送船不言身後  
事猶坐病中禪深聲飛燈影空牕出  
爇煙已無鄉土信起塔寺門前

○贈僧

釋部

卷百六

十五 贈僧

贈沙門法和

晉釋鳩羅摩什

心山育明德流薰萬由延哀鸞孤  
桐上清音徹九天

贈沙門竺法頽三首

陳張君祖

沙門竺法頽遠還西山作詩以贈因  
亦嘲之省其二經聊爲之贊

顏切

鬱鬱華陽岳絕雲抗飛峰峭壁溜靈  
泉秀嶺森青松縣巖廓崢嶸幽谷正  
寥龍丹崖栖奇逸碧室禪六通泊寂  
清神氣綿眇矯妙蹤止觀著無無還  
淨滯空空外物豈大悲獨往非玄同  
不見舍利弗一作佛受屈維摩公

三人如影響靈陶億劫應方恢權化兆類蒙慈悅  
冥冥積塵昧永在巖底閉廢聰無通照遺形不洞滅  
明哉如來降谿矣啓潛穴幽精淪朽壤孰若阿維察  
遙謝晞玄疇何爲自矜潔

逖邈慶成標我我浮雲嶺峻蓋十二嶽獨秀閭洋境  
丹流環方基瑤堂臨峭頂澗滋甘泉液崖蔚芳芝穎  
翹翹美化倫眇眇陵巖正肅拱望妙覺呼吸晞齡永  
苟能夷冲心所慰靡不淨萬物可逍遙何必栖形影  
勉尋大乘軌練神超勇猛

代荅張君祖二首

陳庚僧淵

釋部

卷百六

十六

贈僧

省贈法頽詩經通妙遠覺聲清綺雖云言不盡意  
殆亦幾矣夫詩者志之所之意迹之所寄也忘妙  
玄解神無不暢夫未能冥達玄通者惡得不有仰  
鑽之詠哉吾想茂得之形容雖栖守殊塗標寄玄  
同仰代荅之未足盡美亦各言其志也其辭曰

真朴運既判萬象森已形精靈感冥會變化靡不經  
波浪生死徒彌綸始無名捨本而逐末悔吝生有情  
胡不絕可欲反宗歸無生達觀均有無蟬蛻豁朗明  
逍遙衆妙津栖凝於玄冥大慈順變通化育曷常停  
幽閑自有所豈與菩薩并摩詰風微指權道多所成

悠悠滿天下孰識秋露情

遙望華陽嶺紫霄籠三辰瓊巖明璧室玉潤洒靈津  
丹谷挺樛樹季穎奮暉新融颺衝天籟逸響互相因  
鸞鳳翔迴儀虬龍洒飛鱗中有冲漠士耽道玩妙均  
高尚凝玄寂萬物息自賓栖峙遊方外超世絕風塵  
翹想晞眇蹤矯步尋若人詠嘯舍之去榮麗何足珍  
濯志八解淵遼朗豁冥神研幾通微妙遺覺忽忘身  
居士成有黨顧眄非疇親借問守常徒何以知反真

荅庚僧淵

陳張君祖

釋部

卷百六

十七

贈僧

靈和陶氣氤會之有妙常大慈濟羣生冥感如影響  
蔚蔚沙彌衆粲粲萬心仰誰不欣大乘兆定於玄曩  
三法雖成林居士亦有黨不見虬與龍洒鱗凌霄上  
冲心超遠寄浪懷邈獨往衆妙常所晞維摩余所賞  
苟未體善權與子同髻髮悠悠誠滿域所遺在廢想  
敬酬解法師所贈

陳何處士

道林俗之表慧遠廬之阿買山即高世乘杯且渡河  
法雨時時落香雲片片多若爲將羽化來濟在塵羅  
浣紗篇贈陸上人

唐宋之間

越女顏如花越王聞浣紗國微不自寵獻作吳王娃



女山一作數半潛匿萃蘿更蒙遮一行霸句踐再顧傾  
夫差豔色奪常人數嘖亦相誇一朝還舊都親妝尋  
若耶鳥驚入松網魚畏沈荷花始覺冶容安方悟羣  
心邪欽子秉幽意世人共稱嗟願言托君懷倘類蓬  
生麻家住雷門曲高閣凌飛霞淋漓翠羽帳旖旎采  
雲重春風豔楚舞秋月纏胡笳自昔專嬌愛襲玩唯  
矜奢達本知空寂棄彼猶泥沙永割偏執性自長薰  
修芽攜妾不障道來止妾西家

贈僧行融

唐李白盛

梁日湯惠休常從鮑照遊裁眉史懷一獨映陳公出

釋部 卷百六

十八 贈僧

卓絕二道人結交鳳與麟行融亦俊發吾知有英骨  
海若不隱珠驪龍吐明月大海乘虛舟隨波任安流  
賦詩旃檀閣縱酒鸚鵡洲待我適東越相攜上白樓

贈宣州靈源寺沖澹

唐李白盛

敬亭白雲氣秀色連蒼梧下映雙谿水如天落鏡湖  
此中積龍象獨許濟公殊風韻逸江左文章動海隅  
觀心同水月解領得明珠今日逢支遁高談出有無  
登巴陵開元寺西閣贈衡嶽僧方外

唐李白盛

衡嶽有開士五峰秀真骨見君萬里心海水照秋月

大臣南溟去問道皆請謁灑以甘露言清涼潤肌髮  
明湖落天鏡香閣凌銀闕登眺餐惠風新花期啓發

贈懷一上人

唐崔顥盛

法師東南秀世實豪家子削髮十二年誦經峨眉裏  
自此照羣蒙卓然爲道雄觀生盡入安悟有皆成空  
淨體無衆染苦心歸妙宗一朝勅書至召入承明宮  
說法金殿裏焚香清禁中傳燈遍都邑杖錫遊王公  
天子揖妙道羣僚趨下風我法本無著時來出林整  
因心得化城隨病皆與藥上啓黃屋心下除蒼生縛  
一從入君門說法無朝昏帝作轉輪王師爲持戒尊

釋部

卷百六

十九 贈僧

軒風洒甘露佛雨生慈根但有滅度理而生開濟恩  
復聞江海曲好殺成風俗帝曰我上人爲除膻腥欲  
是日發西秦東南至蘄春風將衡桂接地與吳楚鄰  
舊少清信士寔多漁獵人一聞吾師至捨網江湖濱  
作禮懺前惡潔誠期後因因成日既久事漸身不守  
更出淮楚間復來荆河口荆河馬卿岑茲地近道林  
入講鳥常狎坐談獸不侵都非緣未盡曾是教所任  
故我一來事永承微妙音竹房見衣鉢松宇清身心  
早悔業至淺晚成計可尋善哉遠公義清淨如黃金

贈曇壁上人

一作遊青龍寺曇上人兄院和兄繼唐王綰盛



林中空寂含階下終南山上卧一牀地回看六合間  
浮雲幾處滅飛鳥何時還問義天人接無心世界閑  
誰知大隱客兄弟自追攀

贈僧皎然

唐彥真卿

秋意西山多別岑紫左次繕亭歷三癸趾趾鄰什寺  
元化隱靈蹤始君啓高致誅榛養翹楚鞭草理芳穗  
俯砌披水容逼天掃峰翠境新耳目換物達風塵異  
倚石忘世情援雲得真意嘉林幸勿翦禪侶欣可庇  
衛法大臣過佐遊羣英萃龍池護清激虎節到深邃  
徒想嵒頂期于今沒遺記

釋部

卷百六

二十

贈僧

贈蕭禪師

唐皇甫曾

南嶽滿湘源吾師經利涉身歸沃洲老名與支公接  
淨教傳荆吳道緣正漁獵觀空色不染對境心自愜  
室中人寂寞門外山稠疊天台積幽夢早晚當負笈

贈鑒上人

唐皇甫曾

律儀傳教誘僧臘老煙霄樹色依禪誦泉聲入寂寥  
寶龕經永劫畫壁見南朝深竹風開合寒潭月動搖  
息心歸靜理愛道坐中宵更欲尋真去乘船過海潮

題贈吳門邑上人

唐皇甫曾

春山唯一室獨坐草萋萋身寂心成道花開鳥自啼

細泉松徑裏返景竹林西晚與門人別依依出虎谿  
贈琮公

唐韋應物

山僧一相訪吏案正盈前出處似殊致喧靜兩皆禪  
暮春華池宴清夜高齋眠此道本無得復有忘筌

贈衡嶽隱禪師

唐司空曙

擁褐安居南嶽頭白雲高寺見衡州石牕湖水搖寒  
月楓樹猿聲報夜秋講席舊逢山鳥至梵經初向竺  
僧求自知身老將傳法因下人間遂此遊

題柏臺山僧

唐于鵠

上方唯一室禪定對山容行道臨孤壁清磬聽遠鐘

釋部

卷百六

二十七

贈僧

枯藤離舊樹朽石落高峰不向雲間見還應夢裏逢

題樹下禪師

唐于鵠

久行多不定樹下是禪房寂寂心無住年年日自長  
蟲虺同宿礪草木共經霜已見南人說天台有舊房

贈蘭若僧

唐于鵠

一身禪誦苦洒掃古花宮靜室門常閉深蘿月不通  
懸燈喬木上鳴磬亂幡中附入高僧傳長稱二遠公

贈海明上人

唐耿湋

來自西天竺持經奉紫微年深梵語變行苦俗流歸  
月上安禪久苔生出院稀梁間有馴鵠不去復何依

贈契衡上人

唐張祐中

小門開板閣終日是逢迎語笑人同坐修持意別行  
水花秋始發風竹夏長清不恨恹恹久憐師記姓名

贈僧雲栖

唐張祐中

塵尾與筇杖幾年離石壇楚餘林雪厚基罷岳鐘殘  
開卷喜先悟漱瓶知早寒衡陽寺前鴈今日到長安

贈洪哲師

唐王建中

老僧真古畫閑座語中聽識病方書聖請山草木靈  
人來多施藥願滿不持經相伴尋谿竹秋苔襪履青

贈江華長老

唐柳宗元中

釋部

卷百大

三

贈僧

老僧道機孰默語心皆寂去歲別春陵沿流此投跡  
室空無侍者巾履唯挂壁一飯不願餘跣趺便終夕  
風牕疎竹響露井寒松滴偶地即安居滿庭芳草積

酬襄陽詩僧少微

唐僧皎然中

證心何有夢示說夢歸頻文字齋秦本詩騷學楚人  
蘭開衣上色柳向手中春別後須相見浮雲是我身

秋居法華寺下院望高頂贈如獻上人

唐僧皎然中

秋色秋天見松聲靜夜聞影孤長不出行道在深雲  
贈草堂宗密上人

唐白居易中

吾師道與佛相應念念無爲法法能口藏宣傳十二  
部心臺照耀百千燈盡離文字非中道長住虛空是  
小乘少有人知菩薩行世間只是重高僧

題道宗上人十韻

并序

唐白居易中

普濟寺律大德宗上人法堂中有故相國鄭司徒  
歸尚書陸刑部元少尹及今吏部鄭相中書韋相  
錢左丞詩覽其題皆與上人唱酬閱其人皆朝賢  
省其文皆義語予始知上人之文爲義作爲法作  
爲方便智作爲解脫性作不爲詩而作也知上人  
者云爾恐不知上人者謂爲護國法振靈一皎然

釋部

卷百大

三

贈僧

之徒與故予題二十句以解之

如來說偈讚菩薩著論議是故宗律師以詩爲佛事  
一音無差別四句有詮次欲使第一流皆知不二義  
精潔霜戒體閑澹藏禪味從容恣語言縹緲離文字  
旁延邦國彥上達王公貴先以詩句牽後令入佛智  
人多愛師句我獨知師意不似休上人空多碧雲思

題清頭陀

唐白居易中

頭陀獨宿寺西峰百尺禪菴半夜鐘煙月蒼蒼風瑟瑟  
更無雜樹對山松

廣宣上人以應制詩見示因以贈之詔許上人

居安國寺紅樓院以詩供奉 唐白居易中

道林談論惠休詩一到人天便作師香積筵承紫泥  
詔昭陽歌唱碧雲詞紅樓許住請銀鑰翠輦陪行謁  
玉墀惆悵甘泉曾侍從與君前後不同時

贈藥山高僧惟儼之作 唐李翱中

練得身形似鶴形千株松下兩函經我來問道無餘  
說雲在青天水在瓶

贈天竺靈隱二寺主 唐權德輿中

石路泉流兩寺分尋常鐘磬隔山聞山僧半在中峰  
住共占清俸與白雲

釋部 卷百六 三十四 贈僧

戲贈靈澈上人 唐呂溫中

僧家亦有芳春興自是心源無滯境君看池水湛然  
時何曾不受花枝影

贈鶴林上人 唐戴叔倫中

日日澗邊尋茯苓巖扉常掩鳳山青歸來挂衲高林  
下自翦芭蕉寫佛經

草堂一上人 唐戴叔倫中

一公持一鉢相復度遙岑地瘦無黃獨春來草更深  
贈莊上人 唐賈島中

不語焚香坐心知道已成流年衰此世定力見他生

春雪餘春冷寒燈續晝明尋常五侯至敢望下階迎

酬栖上人 唐賈島中

夜久城館閑情幽出在山新月有微輝朗朗空庭閒  
處世雖識機伊余多掩關松姿度臘見維藥知春還  
靜覽水雪詞厚為酬贈顏東林有躑躅脫屣期共攀

贈建業契公 唐孟郊中

師住青山寺清華常遶身雖然到城郭衣上不棲塵

贈日南僧 唐張籍中

獨向雙峰老松門閉兩涯翻經上蕉葉挂衲落藤花  
甕石新開井穿林自種茶時逢海南客曾問誰家

釋部 卷百六 三十五 贈僧

贈海東僧 唐張籍中

別家行萬里自說過扶餘學得中州語能為外國書  
與驛收海藻持呪取龍魚便問同來伴天台幾處居

贈胡僧 唐周賀中

瘦形無血色草屨著行穿閑話似持呪不眠同坐禪  
背經來漢地袒膊過冬天情性人難會遊方應信緣

贈尚顏上人 唐鄭谷晚

相尋喜可知放錫便論詩酷愛山兼水唯應我與師  
風雷吟不覺後鶴老為期

題碧谿山禪老 唐方干晚

師步有雲隨師情唯鶴知羅迷收木路雲隔出谿時  
竹欹窺沙井巖禽停檜枝由來傲卿相卧隱蒼青遲

清源標公

唐方干

師爲衆人重始得衆人師年到白頭日行如新戒時  
瓶添放魚澗牕通衰後枝此地堪終老迷癡自不知

蜀中贈廣上人

唐章孝標

曾持麈尾引金根萬乘前頭草五言疏講青龍歸禁  
苑歌鈔白雪乞梨園朝驚雲氣遮天閣暮踏猿聲入  
劒門今日西川無子美詩風又起浣花村

贈黃葉山僧希運

唐裴休

釋部

卷百六

三六

贈僧

自從大士傳心印額上圓珠七尺身挂錫十年棲蜀  
水浮杯今日渡漳濱一千龍象隨高步萬里香華結  
勝因擬欲事師爲弟子不知將法付何人

冬日宣城開元寺贈元孚

唐許渾

鉢事南宗僧儀稱病容曹谿花裏別蕭寺竹前作  
逢燭影深寒殿經聲徹曙鐘欲齋簷下鵲初定壁  
吟蛩汲澗瓶沈藻眠堦錫挂松雲鳴新放鶴池卧舊  
降龍露茗山厨焙霜杭野碓春梵文明處譯禪初暖  
時縫層塔題應遍飛軒步不慵繡梁交薛荔畫井倒  
芙蓉妙理三乘達清才萬象供西方知有社支許合

相從

贈圭峯禪師

唐僧無可

絕壑裨牀底泉分落石層霧交高頂草雲隱下方燈  
朝滿傾心客谿連學道僧半旬持一食此事有誰能

贈青龍印禪師

唐李洞

雨澁秋刀剝雪時蒼前曾禮草堂師居人昨日相過  
說鶴已生孫竹滿池

贈操禪師

唐李建勳

嘗憶曹谿子龕居面碧嵩杉松新夏後雨雹夜禪中  
道匪因經悟心能向物空秋來得音信又在剡山東

釋部

卷百六

三七

贈僧

青龍寺贈雲顥法師

唐曹松

紫檀衣且香春殿日尤長此地開新講何山鑊舊房  
僧名喧北闕祖印續南方莫惜青蓮喻秦人聽未忘

贈僧

唐趙嘏

心法本無住流沙歸復來錫隨山鳥動經附海船回  
洗足柳遮寺坐禪花委苔唯將一童子又欲上天台

贈懷光上人

唐黃滔

謝城還擁入師以接人勞過午休齋慣離經吐論高  
頂寒奉素髮珠銳走紅條終憶泉山寺聽優看海濤

贈供奉僧玄觀

唐李昌符

自得曹谿法諸經更不看已降禪侶久兼作帝師難  
夜木侵簾黑秋燈照雨寒如何嫌有著一念在林巒

贈蠻僧

唐鄭巢

南海何年過中林一磬微病逢秋雨發心逐暮潮歸  
久卧前山寺猶縫故國衣近來慵步履石薜滿柴扉

詩集類函卷一百十八

釋部

卷一百十八

三八

贈僧

詩集類函卷一百十九

東吳俞安期彙纂 宣城梅鼎祚增定

釋部三

寄僧 訪僧 不遇附 飯僧 逢僧 遇故居附 尼 出家 鉢 袈裟

○寄僧

貽示併入

重寄虬上人

唐儲光義

一作雲峰別三看花柳朝青山隔遠路明月空長霄  
鵲浴西江雨雞鳴東海潮此情勞夢寐况道雙林遙

寄崇梵僧

唐王維

釋部

卷一百十九

寄僧

崇梵僧崇梵僧秋歸覆釜春不還落花啼鳥紛紛亂  
澗戶山牕寂寂閑峽裏誰知有人事郡中遙望空雲  
山

還山貽湛法師

唐孟浩然

幼聞無生理常欲觀此身心迹罕兼遂崎嶇多在塵  
晚途歸舊壑偶與支公鄰喜得林下契共推席上珍  
念茲泛苦海方便示迷津煩惱業頓捨山林情轉殷  
朝來問疑義夕話得清真墨妙稱古絕辭華驚世人  
禪房閑虛靜花藥連冬春平石藉琴硯落泉洒衣巾  
欲知意冥滅朝夕海鷗馴

寄青城龍谿魚道人

唐岑參

五嶽之丈人西望青霄雲間露崖嶠百里見石稜  
龍谿盤中峰上有蓮花僧絕頂小蘭若四時嵐氣凝  
身同雲虛無心與谿清澄誦戒龍每聽賦詩人則稱  
山風吹袈裟石壁縣孤燈久欲謝微祿誓將歸大乘  
願聞開士說庶以心相應

寄普門上人

唐劉長卿

白雲幽卧處不向世人傳聞在千峰裏心知獨夜禪  
辛勤羞薄祿依止愛閑田惆悵王孫草青青又一年  
冬夕寄青龍寺源公

釋部

卷百九

二 寄僧

欽屨入寒竹安禪過漏聲高松殘子落深井凍痕生  
龍谿風枝動縣燈雪屋明何當招我宿乘月上方行  
秋夕寄懷素上人

唐皇甫曾

已見槿花朝委露獨悲孤鶴在人羣真僧出世心無  
事靜夜名香手自焚牕臨絕澗聞流水客至孤峰掃  
白雲更想清晨誦經處獨看松上雨紛紛

寄津虛上人初至雲門

唐皇甫曾

寒蹤白雲裏法侶自提攜竹逕通城下松門隔水西  
方同沃州去不似武陵迷髮髯心知處高峰是會稽  
寄皎然上人

唐韋應物

吳興老僧野雪蓋精廬詩名徒自振道心長晏如

想茲棲禪夜見月東峰初鳴磬驚巖壑焚香滿空虛  
叨慕端成舊未識豈爲疎願以碧雲思方君怨別餘

寄璨師

唐韋應物

林院生夜色西廊上紗燈時憶長松下獨坐一山僧

寄天台秀師

唐司空曙

天台瀑布寺傳有白頭師幻跡示羸病空門無住持  
雪晴看鶴去海夜與龍期永願親瓶屨呈功得問疑

寄廬山真上人

唐李端

高僧無跡本難尋更得禪行去轉深青草湖中看五  
釋部

卷百九

三 寄僧

老白雲山上宿雙林月明潭色澄空性夜靜猿聲證  
道心更說謝公南座好煙蘿到地幾重陰

寄禪師寺華上人次韻

唐戴叔倫

百年渾是客白髮總盈顛佛國三秋別雲臺五色連  
朝盤香積鉢夜響落花泉遙憶談玄地月高人未眠

寄靈澈上人

唐張祐

老僧何處寺秋夢繞江濱獨樹月中鶴孤舟雲外人  
榮華長指幻衰病久觀身應笑無成者滄洲垂一綸  
酬靈澈上人以詩代書見寄

唐權德輿

蓮華出水地無塵中有南宗了義人已取貝多翻半



字還將陽燄論三身碧雲飛處詞偏麗白月圓時性  
本真更喜開緘銷熱惱西方社裏舊相親

寄澈公

唐楊衡中

北風吹霜霜月明荷葉枯盡越水清別來幾度龍宮  
宿雪山童子應相逐

寄西峰僧

唐張籍中

松暗水涓涓夜凉人未眠西峰月猶在遙憶草堂前  
寄江南鶴林寺石水上人

唐顧況中

山川重復重心地隔相逢忽憶秋江月如聞古寺鐘  
湖平南北岸雲抱兩三峰定力超香象真言攝毒龍

釋耶

卷百九

四 寄僧

風中何處鶴石上幾年松爲報煙霞道人間共不容

酬普選二上人相期見寄

唐嚴維中

本意宿東林因聽子賤琴遙知大小朗已斷去來心  
夜靜鈴聲近庭寒月色深寧知塵外意定後更成吟

廣宣上人寄在蜀與韋令公唱和詩卷因以令

公手扎荅詩示之

唐劉禹錫中

碧雲佳句久傳芳曾向成都住草堂振錫常過長者  
宅披衣猶帶令公香一時風景添詩思八部人天入  
道場若許相期同結社吾家本自有柴桑

沿初上人見貽絕句欲登僊人山因以酬之

珠樹玲瓏隔翠微病來方外事多違仙山不屬分符  
客一任凌空錫杖飛

唐柳宗元中

寄白頭陀

唐白居易中

近見頭陀伴云師老更慵性靈閑似鶴顏狀古於松  
山裏猶難覓人間豈易逢仍聞移住處太白最高峰  
郡齋暇日憶廬山草堂兼寄二林僧社

唐白居易中

諫諍知無補遷移分所當不堪匡聖主只合事空王  
龍象投新社鶴鸞失故行沈吟辭北闕誘引向西方

釋耶

卷百九

五 寄僧

便住雙林寺仍開一草堂先生烏几易居士白衣裳  
去似尋前世來如別故鄉眉低出鷺嶺腳重下蛇岡  
瓢挂留庭樹經收在屋梁春拋紅藥圃夏憶白蓮塘  
南國秋猶熱西齋夜暫涼覓僧爲去伴留俸作歸糧  
爲報山中侶憑看竹下房會應歸去在松菊莫教荒  
酬夢得以予五月長齋延僧徒絕賓友見戲十

韻

唐白居易中

賓客懶逢迎翛然池館清簷間空燕語林靜未蟬鳴  
葷血還休食杯觴亦罷傾三春多放逸五月暫修行  
香印朝煙細紗燈夕燭明交遊諸長老師事古先生

禪後心彌寂齋來體更輕不唯忘肉味兼擬滅風情  
豪以聲聞待唯將戲論爭虛空若有佛靈運恐先成

寄西嶽白石僧

唐馬戴

挂錫中峰上經行踏石梯雲房出定後嶽月在池西  
峭壁殘霞照欹松積雪齊年年著山屐曾得到招提

寄終南真空禪師

唐馬戴

閑想白雲外了然清淨僧松門山半寺夜雨佛前燈  
此境可長住浮生自不能一從林下別瀑布幾成冰

寄清源寺僧

唐溫庭筠

石路無塵竹徑開昔年曾伴戴顓來  
題間半偈聞鐘

釋部 卷百九

六 寄僧

後松下殘棋送客迴簾向玉峰藏夜雪砌因藍水長  
秋苔白蓮社裏如相問爲說遊人是姓雷

寄翠微無可上人

唐李洞

遠近衆心歸居山占翠微展經猿識字聽法虎知非  
泉注城池夢霞生侍衛衣玄機不可學何似總無機

寄南嶽泰禪師

唐僧貫休

江頭默想坐禪峰白石山前萬丈空山下獵人應不  
到雪深麋鹿在菴中

寄栖白上人

唐李昌符

剪髮已成隱將心更屬文無嫌對豪客不拜謁吾君

畫壁惟泉石經牕半典墳歸林幽鳥狎乞食病僧分  
默坐終清夜凝思念碧雲

貽住山僧

唐曹松

罷講巡巖塢無窮得野情臘高猶伴鹿夏滿不歸城  
雲系綠崖發峰陰截水清自然雙洗耳唯任白毫生

○訪僧

不遇附

阜堂寺尋無名法師

梁劉孝先

飛鏡照青天橫照滿樓前深林生夜冷復閣上宵煙  
葉動花中露湍鳴闌裏泉竹風聲若耳山蟲聽似蟬  
摘果仍荷藉酌水用花傳一卮聊自飲萬事且蕭然

釋部

卷百九

七 訪僧

過瞿谿山僧

宋謝靈運

迎旭凌絕燈映法歸淑浦鑽燧斷山木掩岸堦石戶  
結架非丹甍藉田資宿莽同遊息心客暖然若可覩  
清霄颺浮煙空林響法鼓忘懷狎鷗鰲攝生馴兕虎  
望嶺眷靈鷲延心念淨土若乘四等觀永拔三界苦

自衡陽至韶州謁能禪師

唐宋之問

謫居寬炎整孤帆森不繫別家萬里餘流目三春際  
猿啼山館曉虹飲江臯霽湘岸竹泉幽衡峰石閣閉  
嶺嶂窮攀越風濤極沿濟吾師在衡陽欣此得躬詣  
洗慮質空寂香焚結精誓願以有漏羣生薰無生慧

物用益冲曠心源日開細伊我獲此途遊道廻晚計  
宗師信捨法擯落文史藝坐禪羅浮中尋異南海裔  
何辭禦魑魅自可乘炎厲廻首望舊鄉雲林浩虧蔽  
不作別離苦歸期多年歲

九真山靜居寺謁無碍上人 唐沈佺期

初

大士生天竺分身化日南人中出煩惱山下卽伽藍  
小澗香爲剎危峰石作龕候禪青鶴乳窺講白猿參  
藤愛雲間壁花憐石下潭泉行幽供好林挂浴衣堪  
弟子哀無識醫王惜未談機疑聞不二蒙昧卽朝三  
欲究因緣理聊寬放棄慙超然虎谿夕雙樹下虛嵐

釋部 卷一百九

八

和武三思於天中寺尋復禮上人之作

唐蘇味道

初

藩戚三雍暇禪居二室隈忽聞從桂苑移步踐花臺  
敏學推多藝高談屬辨才是非寧滯著空有掠嫌猜  
五行幽機暢三番妙鍵開味同甘露瀟香似逆風來  
砌古留方石池清辨燒灰人尋鶴洲返月逐虎谿廻  
連躅瞻飛蓋攀遊想玉杯願陪爲善樂從此去塵埃

謁璿上人

并序

唐王維

盛

上人外人內天不定不亂捨法而淵泊無心而雲  
動色空無礙不物物也嘿語無際不言言也故吾

徒得神交焉玄關大啓德海羣泳時雨旣降春物  
具美序於詩者人百其言

少年不足言識道年已長事往安可悔餘生幸能養  
誓從斷臂血不復嬰世網浮名寄纓珮空性無羈鞅  
夙承大導師焚香此瞻仰頽然居一室覆載紛萬象  
高柳早鸞啼長廊春雨響牀下阮家屐牕前筇竹杖  
方將見身雲陋彼示天壤一心在法要願以無生獎

夏日過青龍寺謁操禪師 唐王維

盛

龍鍾一老翁徐步謁禪宮欲問義心義遙知空病空  
山河天眼裏世界法身中莫怪銷炎熱能生大地風

釋部 卷一百九

九

夏日過青龍寺謁操禪師

唐裴迪

盛

安禪一室內左右竹亭幽有法知不染無言誰敢酬  
鳥飛爭向夕蟬噪已先秋煩暑自茲適清涼何所求  
尋香山湛上人 唐孟浩然

盛

朝遊訪名山山遠在空翠氤氲亘百里日入行始至  
谷口聞鐘聲林端識香氣杖策尋故人解鞍暫停騎  
石門殊豁險篁逕轉森邃法侶欣相逢清談曉不寐  
平生慕真隱累日探奇異野老朝入田山僧暮歸寺  
松泉多逸響苔壁饒古意願言投此山身世兩相棄

陪柏臺友訪聰上人

唐孟浩然

盛

欣逢柏臺舊共謁聰公禪石室無人到繩牀見虎眠  
陰厓常拖雪松澗爲生泉出處雖云異同歡在法筵  
偃師東與韓樽同詰景雲暉上人卽事

唐岑參盛

山陰老僧解楞伽賴陽歸客遠相過煙深草濕昨夜  
雨雨後秋風渡漕河空山終日塵事少平郊遠見行  
人小尚書磧上黃昏鐘別駕渡頭一歸鳥

晚過盤石寺禮拜鄭和尚

唐岑參盛

暫詣高僧話來尋野寺孤野花藏水碓谿竹映風爐  
頂上巢新鷁衣中得舊珠談禪未得去撥掉且踟躕

釋部

卷百九

十一

謁真諦寺禪師

唐杜甫盛

蘭若山高處煙霞障幾重凍泉依細石晴雪落長松  
問法看詩妄觀身向酒慵未能割妻子卜宅近前峰  
詣開悟禪師問心法次第寄韓郎中

唐獨孤及盛

障深聞道晚根鈍出塵難濁劫相從慣迷途自謂安  
得知身垢妄始喜額珠完欲識真如體君嘗法味看

訪雲母山僧

唐釋護國盛

森然古崖壁淨行一高僧松下瀟寒水佛前挑夜燈  
蓮花國土異貝葉梵書能想對空王所無心戀愛生

雲間寺訪靈一上人

唐劉長卿中

所思勞日夕惆悵去西東禪客知何在春山到處同  
獨行殘雪裏相見白雲中請近東林寺窮年事遠公

初到碧澗招明契上人

唐劉長卿中

漸老知身累初寒曝背眠白雲留永日黃葉減餘年  
猿護廳前樹泉澆谷後田沃洲能共隱不用道林錢  
同李五夕次香山精舍訪憲上人

唐錢起中

彼岬聞山鐘仙舟過苦水松門入幽映石逕趨迤邐  
初月開草堂遠公方觀止忘言在閑夜凝念得微理

釋部

卷百九

十一

泠泠功德池相與滌心耳

雙林寺謁傳大士

唐郎士元中

草露經前代津梁及後人此方今示滅何國更分身  
月色空如夜松陰不記春猶憐下生日應在一微塵

夜投豐德寺謁海上人

唐李端中

半夜中峰有磬聲偶尋樵者問山名上方月曉聞僧  
語下界林疎見客行野鶴巢邊松最老毒龍潛處水  
偏清願得達公知姓字焚香洗鉢過餘生

謁枉山會禪師

唐劉禹錫中

吾師得真如寄在人寰內幢幢揭智燭照使出昏昧

見玄關啓歎然初心會夙尚一何微今得信可大  
覺路明證入便門通懺悔悟理言自忘處屯道猶泰  
色身豈吾寶慧性非形礙思此靈山期未卜何年載  
問正上人疾  
唐皇甫冉

醫王猶有疾妙理竟難窮餌藥應隨病觀身轉悟空  
地閒花欲雨牕冷竹生風幾日東林去門人待達公  
宿山中僧  
唐顧况

不羨香爐煙蒲團坐如鐵嘗想同夜禪風墮松頂雪  
尋僧元皎因贈  
唐李昌符

此生迷有著因病得尋師話盡山中事歸當月上時  
釋部  
卷百九

高松連寺影亞竹入牕枝閑憶草堂路相逢非素期  
奉和訪寂上人  
唐皮日休

院寒青靄正沈沈霜棧乾鳴入古林數葉貝書松火  
暗一聲金磬檜煙深陶潛見社無妨醉殷浩譚經不  
廢吟何事欲攀塵外契除君皆有利名心

尋山僧不遇作

唐李日盛

石徑入丹壑松門閉青苔閒堦有鳥跡禪室無人開  
窺牕見白拂挂壁生塵埃使我空歎息欲去仍徘徊  
香雲徧山起花雨後天來已有空樂好况聞清猿哀  
然絕世事此地方悠哉

福先寺尋湛然上人不遇

唐皇甫冉

寂然空佇立往往報疎鐘高館誰留客東南二室峰  
川原通霽色野色變春容惆悵層城暮猶言歸路逢  
訪僧不遇  
唐于鄴

人間唯此道長得綠苔衣及戶無行跡遊方應未歸  
平生何限事到此盡知非獨倚松門久陰雲昏翠微  
夜尋僧不遇  
唐于鄴

數歇度煙水漸非塵俗間泉聲入秋寺月色遍寒山  
石路幾回雪竹房猶閉關不知雙樹客何處與雲閑  
訪含弘山僧不遇留題精舍  
唐韋莊

釋部

卷百九

滿院桐華鳥雀喧寂寥芳草茂芊芊吾師正遇歸山  
日閑客空題到寺年池竹閉門教鶴守琴書開篋任  
生傳人間不自尋行跡一片孤雲在碧天

汎舟尋鬱林寺道玄上人遇雨而返因寄

唐許渾

禪扉倚石梯雲濕雨淒淒草色分松逕泉聲咽稻畦  
棹移灘鳥沒鐘斷嶺猿啼入夜花如雪迴舟憶剡谿  
○飯僧  
逢僧 不至附

飯覆金山僧

唐王維

晚知清靜理日與人羣疎將候遠山僧先期掃敝廬

果從雲峰裏顧我蓬蒿居藉草飯松屑焚香看道書  
燃燈晝欲盡鳴磬夜方初已悟寂爲樂此生閑有餘  
思歸何必深身世猶空虛

過盧員外宅看飯僧題七韻 唐王維 盛

三賢異七賢青眼慕青蓮乞飯從香積裁衣學水田  
上人飛錫杖檀越施金錢跌坐簷前日焚香竹下煙  
寒空法雲地秋色淨居天身逐因緣法心過次第禪  
不須愁日暮自有一燈燃

飯僧 唐王建 中

別屋炊香飯薰辛不入家溫泉調葛麪淨手摘藤花

釋部 卷一百九

四 飯僧

蒲鮮除青葉芹蘩帶紫芽願師常伴食消氣有薑茶

喜鮑禪師自龍山至 唐劉長卿 中

故居何日下春草欲芊芊猶對山中月誰聽石上泉  
猿聲知後夜花發見流年杖錫閑來往無心到處禪

長安逢江南僧 唐崔塗 晚

孤雲無定蹤忽到又相逢說盡天涯事聽殘上國鐘  
問人尋寺僻乞食過街慵憶到曾栖處開門對數峰

奉和待勤照上人不至 唐皇甫冉 中

東洛居賢相南方待本師旌麾欲動杯錫香仍遲  
積雪迷何處驚風泊幾時大臣能護法况有故山期

與胡汾坐月期貫休上人不至 唐曹松 晚

掃庭秋漏滴接話貴忘眠靜夜人相語低枝鳥暗遷  
星圍南極定月照斷河連後會花宮子應開石上禪

○別僧

別才法師於湘還鄂北 陳何處士

萊杯事將遠捧袂忽無聊南楚長沙狹西浮郢路遙  
離庭花已散別戍馬新驕明日分千里相思非一條  
緇素知友祖道新林去畱哀感賦詩

隋釋曇遷

平生本胡越聞吳各異津聯翩一傾蓋便作法城親

釋部 卷一百九

十五 別僧

清談解煩累愁眉始得伸今朝忽分手恨失眼中人  
子向徑何道慧業日當新我住邦江側終爲松下塵  
沈浮從此隔無復更有因此別終天別迸淚忽霑巾  
言離廣府還望桂林去畱愴然自述贈懷

隋釋玄達

標心之梵宇運想入仙洲嬰痼垂同好沈情阻若抽  
葉落乍難聚情離不可收何日乘杯至詳觀演去流

別山僧 唐李白 盛

何處名僧到水西乘舟弄月宿涇谿平明別我上山  
云手攜金策踏雲梯騰身轉覺三天近舉足迴看萬



嶺低謔浪肯居支遁下風流還與遠公齊此度別離  
何日見相思一夜暝猿啼

別東林寺僧

唐李白盛

東林送客處月出白猿啼笑別廬山遠何須過虎谿  
赴無錫別靈一上人

唐居士元中

高僧本姓竺開士舊名林一入春山裏千峰不可尋  
新年芳草徧度日白雲深欲問微官去懸知訝此心  
海門潮別皓初師

唐劉禹錫中

前日過蕭寺看師上講筵都人禮白足施者散金錢  
方便無非教經行不廢禪還知習居士發論待彌天

釋部

卷百九

十一

贈別素上人

唐劉禹錫中

昨日東鄰看講時都人象馬蹋琉璃雪山童子應前  
世金粟如來是本師一錫空歸九城路三衣曾拂萬  
年枝休公久別如相問楚客逢秋心更悲

山下留別佛老和尚

唐白居易中

勞師送我还下山行此別何人識此情我已乞師九  
十當知後會在他生

別盈上人

唐韓愈中

山僧愛山出無期俗士牽俗不可持祝融峰下一迴  
首即是此生長別離

醉別盧頭陀

唐元稹中

醉迷狂象別吾師夢覺觀空始自悲盡日笙歌人散  
後滿江風雨獨醒時心超幾地行無處雲到何天住  
有期頓見佛光身上出已蒙衣內綴摩尼

贈別空公

唐馬戴晚

雲門秋却入微徑久無人後夜中峰月空林百衲身  
寂寥寒磬盡盪漱瀑泉新履跡誰重見松風掃石塵  
○送僧

送沙門弘景道峻玄奘還荊州應制

唐宋之間初

釋部

卷百九

十一

三乘歸淨域萬騎餞通莊就日離亭近彌天別路長  
荆南旋杖鉢河北限津梁何日紆真果還來入帝鄉  
送沙門弘景道俊玄奘還荊州應制

唐李义初

初日承歸肯秋風起贈言漢珠留道味江璧返真源  
地出南關達天迴北斗尊寧知一柱觀却啓四禪門

送新羅法師還國

唐孫逖初

異域今無外高僧代所稀苦心歸寂寞宴坐得精微  
持鉢何年至傳燈是日歸上卿揮別藻中禁下禪衣  
海闊杯還度雲遙錫更飛此行迷處所以慰虔祈

送王上人還襄陽

唐儲光義

朝看法雲散知有至人還送客臨伊水行車出故關  
天花滿南國禪舍在空山雖復時來去中心長日閑

送恂上人還吳

唐諸光義

洛城本天邑洛水即天池君王既行幸法子復來儀  
虛室香花滿川楊柳垂乘閑道歸去遠意誰能知

同崔興宗送衡嶽瑗公南歸

唐王維

衡嶽瑗上人者常學道於五峰陰松棲雲與狼虎  
雜處得無所得矣天寶癸巳歲始遊於長安手提  
瓶笠至自萬里燕居吐論緇屬高之初給事中房

釋部

卷百九

十八

公謫居宜春與上人風土相接因為道友伏臘往  
來房公既海內盛名上人亦以此增價秋九月杖  
錫南返扣門來別秦地草木槭然已黃蒼梧白雲  
不日而見滇陽有曹谿學者為我謝之

言從石蘭閣新下穆陵關獨向池陽去白雲留故山  
綻衣秋日裏洗鉢古松間一施傳心法唯將戒定還

同王右丞送瑗公南歸

唐崔興宗

行苦神亦秀冷然谿上松銅瓶與竹杖來自祝融峰  
常願入靈嶽藏經訪遺蹤南歸見長老且為說心曾  
送青龍招提歸一上人遠遊同賦吳楚別詩

唐岑參

交應真侶最歎青龍僧棄官向二年削髮歸一乘  
了然瑩心身潔念樂空寂名香泛牕戶幽磬清曉夕  
往年杖一劍由是佐二庭於焉久從戎兼復解論兵  
世人猶未知天子願相見朝從青蓮宇暮入白虎殿  
宮女擎錫杖御筵出香爐說法開藏經論邊窮陣圖  
忘機厭塵喧浪迹向江海思師石可訪惠遠峰猶在  
今日飛錫去何時持鉢還湖煙冷吳門淮月銜楚山  
一身如浮雲萬里過江水相思眇天外南望無窮已

送青龍一公

唐張謂

釋部

卷百九

十九

爭佛輕金印勤王度玉關不知從樹下還肯到人間  
楚水青蓮淨吳門白日閑聖朝動化理絕莫愛東山

送僧

唐張謂

童子學修道誦經求出家手持貝多葉心念優曇花  
得度北州近隨緣東路賒一身求清淨百毳袈裟  
鐘嶺能飛錫爐峰期結跏深心大海水廣願恒河沙  
此去不堪別彼行安可涯殷勤結香火來世上牛車

送通禪師還南陵隱靜寺

唐李白

我聞隱靜寺山水多奇蹤巖種朗公櫺門深杯渡松  
道人制猛虎振錫還孤峰他日南陵下相期谷口逢

送贊法師往上都

唐錢起中

遠近化人天王城指日邊宰官迎說法童子伴隨緣  
到處花爲雨行時杖出泉今宵松月下門閉想安禪

送僧歸日本

唐錢起中

上國隨緣至來途若夢行浮天滄海遠去世法船輕  
水月通禪觀魚龍聽梵聲惟憐一燈影萬里眼中明

送少微師西行

唐錢起中

隨緣忽西去何日返東林世路寧嗟別空門久息心  
人煙一飯少山雪獨行深天外猿啼處誰聞清梵音

送外甥懷素上人歸鄉侍奉

唐錢起中

釋子吾家寶神清慧有餘能翻梵王字妙盡伯英書  
遠鶴無前侶孤雲寄太虛往來輕世界醉裏得真如

飛錫離鄉久寧親喜臘初故池殘雪滿寒柳霽煙疎  
詩酒還嘗藥晨餐不薦魚遙知禪誦外健筆賦閑居

送方外上人常州依蕭使君

唐劉長卿中

宰臣思得度鷗鳥戀爲羣遠客迴飛錫空山卧白雲  
夕陽孤艇去秋水兩谿分歸共臨川史同翻貝葉文

送道標上人歸南岳

唐劉長卿中

悠然倚孤棹却憶卧中林江草將歸遠湘山獨徃深  
白雲留不住淥水去無心衡岳千峰亂禪房何處尋

送靈澈上人還越中

唐劉長卿中

禪客無心杖錫還沃洲深處草堂閑身隨敝屨經殘  
雪手綻寒衣入舊山獨向青谿依樹下空留白日在  
人間那堪別後長相憶雲木蒼蒼但閉關

送惠法師遊天台因懷智大師故居

唐劉長卿中

翠屏瀑水知何在鳥道猿啼過幾重落日獨搖金策  
去深山誰向石橋逢定攀巖下叢生桂欲買雲中若  
箇峰憶想東林禪誦處寂寥惟聽舊時鐘

送靈澈上人

唐劉長卿中

釋子竹林寺杳杳鐘聲晚荷笠帶夕陽青山獨歸遠  
蒼蒼竹林寺杳杳鐘聲晚荷笠帶夕陽青山獨歸遠

送方外上人

唐劉長卿中

孤雲將野鶴豈向人間住莫買沃洲山時人已知處  
送延陵陳法師赴上元

唐皇甫冉中

延陵初罷講建鄴去隨緣翻譯推多學壇場最少年  
浣衣逢野水乞食向人煙遍禮南朝寺焚香古像前

送普門上人

唐皇甫冉中

花宮難久別道者憶千燈殘雪入林路深山歸寺僧  
日光依嫩草泉響滴春水何用求方便看心是一乘

錫杖歌送明楚上人歸佛川

唐皇甫冉中

上人遠自西天至頭陀行遍南朝寺口翻貝葉古字  
經手持金策聲泠泠護法護身唯振錫石瀨雲谿深  
寂寂乍來松徑風露寒遙映霜天月成魄後夜空山  
禪誦時寥寥挂在枯樹枝真法常傳心不住東西南  
北隨緣路佛川此去何時迴應真真便遊天台

送少微上人東南遊

唐皇甫曾中

石梁人不到獨往更迢迢乞食山家少尋鐘野寺遙  
松門風自掃瀑布雪難消秋夜聞清梵餘音逐海潮

送鴻舉師赴江南

唐劉禹錫中

學盡長廊遍尋僧一徑幽小池兼鶴淨古木帶蟬秋

釋部

卷百九

送惟良上人

唐劉禹錫中

客至茶煙起禽歸講席收浮杯明日去相望水悠悠  
窮巷唯秋草高僧獨扣門相歡如舊識問法到無言

送深法師遊南嶽

唐劉禹錫中

水爲風生浪珠非塵可昏悟來皆是道此別不銷覓  
師在白雲鄉名登善法堂十方傳句偈八部會壇場

送慧則法師之上都因呈廣宣上人

唐劉禹錫中

飛錫無定所寶書留舊房唯應銜果鴈相送至衡陽  
禪客學禪兼學文出山初似無雲從風卷舒來何

處繞繞巴山不得去山川古寺好閑居讀盡吳王宮  
裏書使君灘頭揀石硯白帝城邊尋野蔬忽然登高  
心瞥起又欲浮杯信流水煙波浩淼魚鳥情東去三  
千三百里荆門峽斷無盤渦湘平漢闊清光多廬山  
霧開見瀑布江西月淨無漁歌鐘陵八郡多名守半  
是西方社中友與師相見便談空想得高齋獅子吼

送僧仲剛東遊兼寄呈靈澈上人

唐劉禹錫中

釋子道成神氣閑住持曾上清涼山晴空禮拜見真  
像金毛五髻卿雲間西遊長樂隸僧籍本寺門前曲

釋部

卷百九

三

送僧

江碧松間白月照寶書竹下香泉灑瑤席前時學得  
經論成奔馳象馬開禪局高筵談柄一麾拂講下聽  
徒如醉醒舊聞南方多長老次第來入荆門道荊州  
本自重彌天南朝塔廟猶依然晏坐東陽枯樹下經  
行居止故臺邊忽憶遺民社中客爲我衡陽駐飛錫  
講罷同尋相鶴經閑來共樂登山屐一旦揚眉望沃  
州自言王謝許同遊憑將雜擬三千首寄與江南湯  
惠休

送惟良上人歸江南

唐盧綸中

落日映危檣歸僧問岳陽注瓶寒浪靜讀律夜船香

苦霧沈山影陰翳發海光羣生一何負扶病別賢王

送梁上人兼寄梁鎮員外 唐郎士元

林行谿宿厭層冰季月還鄉獨未能尺素欲傳三署客雪山愁送五天僧連空朔氣橫秦苑滿目寒雲隔

潮陵借問從來香積寺何時攜手更同登

送桃巖上人歸本寺 唐嚴維

長老歸緣起桃花憶舊巖清晨雲抱石深夜月籠杉道具門人捧齋糧谷鳥銜餘生願依止文字欲三緘

送少微上人東南遊 唐嚴維

舊遊多不見師在翟公門瘴海空山熱雷州白日昏

釋部 卷百九 三十四 送僧

片心應爲法萬里獨無言人盡酬恩去平生未感恩

送僧遊五臺兼謁李司空 唐張籍

遠去見雙節因行上五臺化樓侵曉出雪路向春開邊寺連烽去胡兒聽法來定知巡禮後解夏始應迴

送閩僧 唐張籍

幾夏京城住今朝獨遠歸修行四分律護淨七條衣谿寺黃橙熟沙田紫芋肥九龍潭上路同去客應稀

送稽亭山寺僧 唐張籍

師住稽亭高處寺斜廊曲閣倚雲開山門十里松間入泉澗三重洞裏來名嶽尋遊今已徧家城禮謁便

應迴舊房到日閑吟後林下還登說法臺

送律師歸婺州 唐張籍

京中開講已多時曾作壇頭證戒師歸到雙谿橋北寺鄉僧爭就學威儀

送贊上人還京 唐僧皎然

久遊春草盡還寄北船歸沙鳥窺中食江雲入淨衣秦原山色近楚寺磬聲微見說翻經館多聞似爾稀

送知興上人 唐賈島

久住巴興寺如今始拂衣欲臨秋水別不向故園歸錫挂天涯樹房開嶽頂扉下看萬里曉霜海日生微

釋部 卷百九 三十五 送僧

送安南惟鑒法師 唐賈島

講經春殿裏花遶御牀飛南海幾迴過舊山臨老歸潮搖蠻草落月濕島松微空水既如彼往來消息稀

送無可上人 唐賈島

主峰霽色新送此草堂人塵尾同離寺蛩鳴暫別親獨行潭底影數息樹邊身終有煙霞約天台作近鄰

送惟一遊清涼寺 唐賈島

去有巡臺侶荒谿衆樹分瓶殘秦地水錫入晉山雲秋月離喧見寒泉出定聞人間臨欲別旬日雨紛紛

送天台僧 唐賈島



遂夢歸華頂扁舟背岳陽寒蔬修淨食夜浪動禪牀  
鴈過孤峰曉猿啼一樹霜身心無別念餘習在詩章

送僧歸天台

唐賈島中

辭秦經越過歸寺海西峰石澗雙流水山門九里松  
曾聞清禁漏却聽赤城鐘妙字研磨講應齊智者蹤

送僧

唐賈島中

纔年七歲便從師猶說辭家學佛遲新廡松蘿還不  
住愛尋雲水擬何之孤谿雪滿維舟夜疊嶂猿啼過  
寺時鳥道龍湫悉行後豈將翻譯負心期

送品上人入秦

唐朱慶餘中

釋部

卷百九

三

送僧

獨去何人見林塘共寂寥生緣聞磬早覺路出塵遙  
江雪沾新草秦園發故條心知禪定處石室對芭蕉

送僧遊溫州

唐朱慶餘中

夏滿隨所適江湖非繫緣卷經離嶠寺隔葦上秋船  
水落無風夜猿啼欲雨天石門期獨徂謝守有遺篇

送文暢上人東遊

唐白居易中

得道即無著隨緣西復東貌依年臘老心到夜禪空  
山宿馴谿虎江行瀝水蟲悠悠塵客思春滿碧雲中

送宗實上人遊江南

唐白居易中

忽辭洛下緣何事擬向江南住幾時每過渡頭傷別

法無妨菩薩是船師

送文暢上人東遊

唐呂溫中

隨緣聊振錫高步出東城水止無恒地雲行不計程  
到時爲彼听過處即前生今日臨期別吾徒自有情

送映師歸本寺

唐權德輿中

還歸柳寺去遠遶山人羣苔甃桐花落山牕桂樹薰  
引泉通絕澗放鶴入孤雲幸許宗雷到清談不易聞

送曉公歸庭山

唐孟郊中

庭山何崎嶇寺路緣翠微秋霽山盡出日落人獨歸  
枯巢無還羽新木有爭飛茲焉不可繼夢寐空清輝

釋部

卷百九

三

送僧

送惟詳律師自越之義興  
唐崔子向中一作向陽羨諸峰頂何曾異剡山雨晴人到寺木落夜開關  
縫衲紗燈晃看心錫杖閑西方知有社未得與師還

送晏上人

唐釋清塞中

絕頂無禪侶長懷落髮師齋歸門掩雪講徹樹生枝  
沙井泉澄疾秋鐘韻盡遲將行誰請住又爽禁城期

送範律師往果州

唐釋靈一中

終南千古後獨爾繼鄉名離障非今日修因是幾生  
亂峰寒影暮深澗野流清遠客歸心苦難爲此別情

送贊律師嵩山

唐釋清江



禪客歸人意山深定易安清貧修道苦孝友別家難  
雪路尋谿轉花宮映岳看到時松塔暮松月向人寒

送無相禪師入關

唐章孝標

九衢車馬塵不染空人暫捨中峰雪應看內殿春  
齋心無外事定力見前身聖主方崇教深宜謁紫宸

送雲卿上人遊安南

唐李洞

春往海南邊秋聞半夜蟬鯨吞洗鉢水犀角點燈船  
島嶼分諸國星河共一天長安却回日松偃舊房前

送僧

唐項斯

靈山巡未遍不作住持心逢寺暫投宿是山皆獨尋  
釋部 卷五九 三

有時過淨界在處想空林從小即行脚出家來至今

送僧二首

唐馬戴

親在平陽憶久歸洪河雨漲出關遲獨過舊寺人稀  
識一一杉松老別時

龕中破衲自持行樹下禪牀坐一生來往白雲知歲  
久滿山猿鳥曾經聲

送僧歸北巖寺

唐黃滔

北巖泉石清本自高僧住新松五十年藤蘿成古樹  
運局壓月澗空美黃金布江翻島嶼沈木落樓臺露  
伊余東還際每起煙霞慕旋爲僉府招未得窮野步

西軒白雲閣師辭洞庭寓越城今送歸心到焚香處

送德光禪師重禮石霜長者

唐曹松

天涯緣事了又造石霜微不以千峰險唯將獨影歸  
有爲嫌假佛無境是真機到後流沙錫何時更有飛

送造微上人遊五臺禮本師

唐釋栖白

寒空金錫響欲過渭陽津極目多來鴈孤城少故人  
與師雖別久於法本相親又對清涼月中宵語宿因

送王禪師

唐釋善生

飄然無定跡迴與律乘違入郭隨緣住思山破夏歸  
孟肇數家飯衲乞幾人衣洞了曹谿旨寧輸俗者機

釋部 卷五九

三五

洪州送西明寺省上人遊閩

唐韋莊

記得初騎竹馬年送師來往御溝邊荆榛已失當時  
路槐柳全無舊日煙遠自稽山遊楚澤又從廬嶽去

閩川新春闕下應相見紅杏華中覓酒仙

送臻師

唐李商隱

苦海迷途去未因東方過此幾微塵何當百億蓮花  
上一一蓮花見佛身

○懷僧

禪智寺上方懷演和尚寺卽和尚所創

唐劉長卿

維摩東林寺高僧惠遠公買園隋苑下持鉢楚城中  
三極千燈近煙波萬井通遠山低月殿寒木露花宮  
紺宇焚香淨滄洲擺霧空鴈來秋色裏曙起早潮東  
飛錫今何在蒼生待發蒙白雲翻送客庭樹自辭風  
捨筏追閑士廻舟狎釣翁平生江海意惟共白鷗同  
懷靈一上人  
唐皇甫冉中

江上年年春草津頭日日人行借問山陰遠近猶聞  
薄暮鐘聲

同李萬晚望南嶽寺懷普門上人  
唐皇甫冉中

釋部 卷百九

三十

釋子身心無垢紛獨將衣鉢去人羣相思晚日松林  
寺唯有鐘聲出白雲

憶江上皎然上人

唐李端中

未得從師去人間萬事勞雲門不可見山水已應高  
向日開柴戶驚秋問弊袍何由宿峰頂總裏望波濤

秋日憶陳上人

唐李端中

一從持鉢別更未到人間好靜居貧守遺名棄近山  
雨前縫百衲葉下閉重關若使潯陽去須將舊客還

西陵懷靈一上人兼寄朱放

唐張南史中

淮海風濤起江關憂思長同悲鵲遶樹獨作鴈隨陽

山曉雲藏一作雪汀寒月照霜由來濯纓處漁父愛  
滄浪

懷琅邪深標二釋子

唐韋應物中

白雲埋大壑陰崖滴夜泉應居西石室月照山蒼然

憶住一師

唐李商隱晚

無事經年別遠公帝城鐘曉憶西峰爐煙消盡寒燈  
晦童子開門雪滿松

江上懷翠微寺空上人

唐崔塗晚

旅泛本無定相逢那可期空懷白閣夜未蒼碧雲詩  
暮雨潮生早春寒鴈到遲所思吟不見鄉國正天涯

釋部

卷百九

三十一

○哭僧

過故府附

和旻上人傷果禪師

唐楊炯初

浮業初中日浮生大小年無人本無我非後亦非前  
簫鼓旁喧地龍蛇直應天法門摧棟宇覺海破舟船  
書鎮秦王餉經文竺國傳聲華周百億風烈鼓三千  
無沒青園草荒涼紫陌田德音殊未遠拱木已生煙

哭護國上人

唐張謂盛

昔喜三身淨今悲萬劫長不應歸北斗還是向西方  
舍利衆生得袈裟弟子將鼠行殘藥碗蟲網舊繩牀  
別起千花塔空畱一草堂文公何處在神理竟茫茫

哭空寂寺玄上人

唐錢起中

悽然雙樹下垂淚遠公房燈續生前火爐添沒後香  
陰堦明片雪寒竹響空廊寂滅應爲樂塵心徒自傷

哭靈一上人

唐嚴維中

一公何不在空有遠公名共說岑山路今時不可行  
舊房松更老新塔草初生經論傳緇侶文章遍墨卿  
禪林枝幹折法宇棟梁傾誰復修僧史應知傳已成

哭凌霄山光上人

唐于鵠中

身沒碧峰裏門人改葬期買山尋主遠壘塔化人遲  
鬼火燒空院秋螢入素帷黃昏谿路上聞哭竺乾師

釋部

卷百九

哭柏巖禪師

唐賈島中

苔覆石牀新師曾占幾春寫畱行道影焚却坐禪身  
塔院關松雪經房鎖隙塵自嫌雙淚下不是解空人

哭柏巖禪師

唐僧清塞中

林逋西風急松枝講鈔餘凍髭亡夜剝遺偈疾時書  
地燥焚身後堂空卧影初此時頻淚下曾省到吾廬

弔造微上人

唐張喬晚

至人隨化往遺路自堪傷白塔收真骨青山閉影堂  
鐘殘含細韻煙滅有餘香松上齋鳥在遲遲立夕陽

弔栖白上人

唐張喬晚

今古遞相送幾時無逝波篇章應不朽寂滅理如何  
內殿畱真影閑房落貝多□□高塔寺惆悵懶經過

弔草堂禪師

唐李洞晚

杖屨疑師在房關四壁蛩貯瓶經臘水響塔隔山鐘  
乳鴿沿苔井齋猿散雪峰如何不見性倚徧寺前松

過隱空和尚故居

唐劉長卿中

自從飛錫去人到沃洲稀林下期何在山中春獨歸  
踏花尋舊徑映竹掩空扉寥落東峰上猶堪靜者依

題靈祐和尚故居

唐劉長卿中

歎逝翻悲有此身禪房寂寞見流塵六時行徑空秋  
草幾日浮生哭故人風竹自吟遙入磬雨花隨淚共

釋部

卷百九

哭柏巖禪師

唐賈島中

沾巾殘經牕下依然在憶得山中問許詢

戲贈於越尼子歌

唐劉長卿中

鄱陽女子年十五家本秦人今在楚厭向春江空浣  
紗龍宮落髮披袈裟五年持戒長一食至今猶自顏

如花亭亭獨立青蓮下忍草禪枝繞精舍自用黃金

買地居能嫌碧玉隨人嫁北客相逢疑姓秦鉛花拋  
却仍青春一花一竹如有意不語不笑能畱人黃鸝

欲棲白日暮天香未散經行處却對香爐閑誦經春

景漱玉寒冷冷雲房寂寂夜鐘後吳音清切令人聽  
人聽吳音歌一曲杳然如在諸天宿誰堪世事更相  
牽惆悵迴船江水淥

貽小尼師

唐王建

新剃青頭髮生來未掃眉身輕禮拜穩心慢記經遲  
喚起猶侵曉催齋已過時春晴堦下立私地弄花枝

龍花寺主家小尼

唐白居易

頭青眉眼細十四女沙彌夜靜雙林宿春深一食饑  
步慵行道困起晚誦經遲應似仙人子花宮未嫁時

郭代公愛姬薛氏幼嘗爲尼小名仙人子

釋部

卷百九

三西

題尼大德院

唐李洞

雲鬟早歲斷金刀戒律曾持五百條臺上燈紅蓮葉  
密眉間毫白黛痕銷繡成佛國銀爲地畫出王城雪  
覆橋清淨高樓松檜寺世雄翻愧自低腰

○出家

宗實上人卽樊司空之子捨官位妻子出家

唐白居易

榮華恩愛棄成唾戒定真如和作香今古雖殊同一  
法瞿曇拋却轉輪王

在家出家

唐白居易

支分婚嫁畢從今家事不相仍夜眠身似雲林  
鳥朝飯心同乞食僧清淚數聲松下鶴一照竹  
間燈中宵入定跏趺坐女喚妻呼多不應

送妓人出家

唐楊郾伯

盡出花鈿與四鄰雲鬟翦落厭殘春暫驚風燭難留  
世便是蓮花不染身貝葉欲翻迷錦字梵聲初學誤  
梁塵從今豔色歸空後湘浦應無解佩人

○佛鉢

開元寺佛鉢詩

唐皮日休

按釋法顯傳云佛鉢本在毗舍離今在乾陀衛竟  
若干百年當復至西月支國若干百年至于闐國  
若干百年當至屈茨國若干百年當復來漢地晉  
建興二年二聖像浮海而至滬瀆僧尼輩取之以  
歸今存於開元寺後建興八年漁者於滬瀆沙汭  
上獲之以爲白類乃輦而用焉俄有佛像見于外  
漁者始爲異意滬瀆二聖之遺祥也乃以鉢供之  
迄今尚存余遂觀而爲之詠因寄天隨子

釋部

卷百九

三五

出家佛鉢

帝青石作綠水姿曾得金人手自持拘律厨過齋散  
後提羅花下洗來時乳糜味斷中天覺麥麩香消大  
劫知從此共君親頂戴斜風應不等閒吟

奉和開元寺佛鉢

唐陸龜蒙

空王初受逞神功四鉢須臾現一重持次想添香積  
飯覆時應帶步羅鐘光寒好照金毛鹿響靜堪降白  
耳龍從此寶函香裏見不須西去詣靈峰

○袈裟

詠宣律和尚袈裟絕句

唐張善繼

袈裟三衣中夜寒披時不鎮尼師壇無因蓋得龍宮  
地畦裏塵飛業相殘

和前云

唐段成式

南山披時寒夜中一角不動毗嵐風何人見此生慙

卷百九

三六

斷續猶應護得龍

詩傳類函卷一百二十

東吳俞安期彙纂

宣城梅鼎祚增定

雲杜李堂室訂校

道部一

仙 女仙 (神女附)

○道總載

琴歌

邕為釋海之文設為胡老援琴而歌

漢蔡邕

練余心兮浸太清滌穢濁兮存正靈和液暢兮神氣  
寧情志泊兮心亭亭嗜欲息兮無由生踔宇宙而遺  
俗兮眇翩翩而獨征

清誠

漢高彪

道部

卷百十

道總載

天長而地久人生則不然又不養以福使全其壽年  
飲酒病我性思慮害我神美色伐我命利欲亂我真  
神明無聊賴愁毒於衆煩中年棄我逝忽若風過山  
形氣各分離一往不復還上士愍其痛抗志凌雲煙  
滌蕩去穢累飄颻任自然還修清以淨存我玄中玄  
澄心剪思慮泰清不受塵恍惚中有物希微無形端  
智慮赫赫盡谷神餘餘存

贈煉丹法和殷長史

梁江淹

琴高遊會稽靈變竟不還不還有長意長意希童顏  
才識本爛熳光曜不可攀方驗參同契金龜煉神丹

頭拾心知愛永卻平生歡玉牒裁可卷珠璣不盈簾  
譬如明月色流采映歲寒一待黃冶就青芬遲孤鸞

奉華陽王外兵

梁沈約

餐玉駐年齡吞霞返容質眇識青丘樹廻見扶桑日  
爛熳蜃雲舒欽崙山海出

奉救撰道家四首

唐張說

金壇啓曙闔真氣肅微微落月銜仙竇初霞拂羽衣  
香隨龍節下雲逐鳳簫飛暫往蓬萊戲千年始一歸

二

窈窕流精觀深沈紫翠庭金奩調上藥寶案讀仙經

道部

卷一百二十

二

道總藏

作賦看神雨乘槎辨客星祇應謝人俗輕舉託雲輶

三

金爐承道訣玉牒啓玄機雲逐笙歌度星流宮殿飛  
乘風嬉浩蕩窺月弄光輝唯有三山鶴應同千載歸

四

道記開中錄真官表上清焚香三鳥至鍊藥九仙成  
天上靈書下空中妙伎迎迎來出煙霧渺渺戲蓬瀛

草創大還贈柳官迪

唐李白

天地爲橐籥周流行太易造化合元符交媾騰精魄  
自然成妙用孰知其止的羅絡四季間綿微一無隙

日月更出沒雙光豈云隻姹女乘河車黃金充轅軻  
執樞相管轄摧伏傷羽翮朱鳥張炎威白虎守本宅  
相煎成苦老消鑠凝津液髮髯明窓塵灰同至寂  
擣冶入赤色十二周律曆赫然稱大還與道本無隔  
白日可撫弄清都在咫尺北豐落歟名南斗上生籍  
抑予是何者身在方士格才術信縱橫世塗自輕擲  
吾求仙棄俗君曉損勝益不向金闕遊思爲玉皇客  
鸞車速風電龍騎無鞭策一舉上九天相携同所適

金鑄玉珮歌

唐顧况

贈君金鑄太霄之玉珮金鎖禹步之流珠五嶽真君

道部

卷一百二十

三

道總藏

之祕錄九天文人之寶書東井沐浴辰巳畢先進洞  
房上奔日借問君從何處來黃姑織女機邊出

燒金曲

唐于鵠

天壽畏不永燒金希長年積土培枯根自謂松柏堅  
南陌試騷裏西樓歌嬋娟豈知蔓草中日日開夜泉

○入道

送王明府入道

唐戎昱

何事陶彭澤明時又挂冠爲耽泉石趣不憚薜蘿寒  
輕雪籠紗帽孤猿傍醺壇懸懸老松下金龜夜燒丹  
送吉州閭使君入道

唐戎昱



問道桃源去塵心忽自悲予當從宦日君是棄官時  
金口封仙骨靈津嘯玉池受傳三籙備起座五雲隨  
洞裏花常發人間鬢易衰他年會相訪莫作爛柯基

送賀知章入道

唐姚鵠

若非堯運及垂衣官許巢由脫俗機太液始同黃鶴  
下仙鄉已駕白雲歸還披舊褐辭金殿却捧玄珠向  
翠微騎東慙無仙藥分隨車空有夢魂飛

第五將軍於餘杭天柱宮入道因寄

唐羅隱

交梨火棗味何如聞說茗州已下車瓦榼尚携京口

道部

卷百十

四

入道

酒草堂應寫潁陽書亦知得意須乘鶴未必忘機更  
釣魚却恐武皇還望祝軟輪微入問玄虛

送宮人入道

唐張籍

舊寵昭陽裏尋仙此最稀名初出宮籍身未稱霞衣  
已別歌舞貴長隨鸞鶴飛中官看入洞空界玉輪歸

送宮人入道

唐元稹

拾龍求仙畏色衰辭天素面立天墀金丹擬駐千年  
新寶鏡休勻八字眉公主與收珠翠後君王看帶魚  
冠時從來宮女皆相妒說著瑤臺總淚垂

送宮人入道

唐

十載吹簫入漢宮看修水殿種芙蓉自傷白髮辭金  
屋許著黃衣向玉峰解語老猿開曉戶學飛雛鶴落  
高松定知別後宮中伴應聽候山半夜鐘

送宮人入道

唐王建

休梳叢鬢洗紅妝頭戴芙蓉出未央弟子抄將歌遍  
疊宮人分散舞衣裳問師初得經中字入靜猶燒內  
裏香發願蓬萊見王母却歸人世施仙方

和韓錄事送宮人入道

唐李商隱

星使追還不自由雙童捧上綠瓊輈九枝燈下朝金  
殿三素雲中侍玉樓鳳女顛狂成久別月娥嬌獨好

道部

卷百十

五

入道

同遊當時若愛韓公子埋骨成灰恨未休

送宮人入道

唐項斯

願隨仙女董雙成王母前頭伴行初戴玉冠多誤  
拜欲辭金殿別稱名將敲碧落新齋磬却進昭陽舊  
賜筆且暮焚香繞壇上步虛猶作按歌聲

○道場

華山館為國家營功德

梁沈約

沐芳禱靈嶽稽首恭上玄帝昔祈萬壽臣今請億年  
丹方緘洞府河清時一傳錦書飛雲字玉簡黃金編

春夜醮五嶽圖文

陳周弘讓

夜靜瓊筵謚月出杏壇明香煙百和吐燈色九微清

五嶽移龍駕十洲回鳳笙目想靈人格心屬衣輕

蕙看薦神享桂醑達遙誠熙然聊自得挹酒念浮生

再入道場紀事應制

唐沈佺期

南方歸去再生天內殿今年異昔年見闢乾坤新定

位看題日月更高懸行隨香輦登仙路坐近爐煙講

法筵自喜恩深陪侍從兩朝長在聖人前

太清宮紀事上李相公

唐韓愈

殿階銀水碧庭炬圻金葩紫極觀忘倦詩詞奏不諱

唱噓官夜闌嘈囂鼓晨櫬蕪味陳奚取名香薦孔嘉

道部

卷一百二十

六

道場

垂祥紛可錄俾壽浩無涯貴相山瞻峻清文玉絕瑕

代工聲問遠攝事敬恭加皎潔當天月歲蕤捧日霞

唱妍酬亦麗俛仰但稱嗟

送道士鄒彞素歸內道場

唐盧綸

病老正相仍忽逢張道陵羽衣風淅淅仙貌玉稜稜

叱我問中壽教人祈上昇樓居五雲裏幾與武皇登

上元日道室焚修寄襲美

唐陸龜蒙

三清今日聚靈官玉刺齊抽謁廣寒執蓋冒花香寂

歷侍晨交珮響闌珊執蓋侍晨將排鳳節分階易

仙之貴侶矣校龍書下筆難唯有世塵中小兆夜來心拜七星

壇

奉和魯望道室焚修次韻

唐皮日休

明真臺上下仙官玄藻初吟萬籟寒飈駭有聲時杳

杳寶衣無影自珊珊蔬書乞見齋心易玉籍求添拜

首難端簡不知清景暮靈符香爐落金壇

○步虛

道士步虛詞十首

北周庾信

渾成空教立元始正圖開赤玉靈文下朱陵真氣來

中天九龍館倒景八風臺雲度弦歌響星移空殿迴

青衣上少室童子向蓬萊逍遙聞四會倏忽度三災

道部

卷一百二十

七

步虛

二

無名萬物始有道百靈初寂絕乘丹氣玄明上玉虛

三元隨建節八景逐迴輿赤鳳來銜璽青鳥入獻書

壞机仍成机枯魚還作魚棲心浴日館行樂止雲墟

三

凝真天地表絕想一作寂寥前有象猶虛豁忘形本

自然開經壬子世一作值道甲申年迴雲隨舞曲流

水逐歌弦石髓香如飯芝房脆似蓮停鸞譙瑤水歸

路上鴻天

四

道生乃太乙守靜即玄根中和煉九氣甲子謝三元  
居心受善水教學重香園鳬留報關吏鶴去畫城門  
更以欣無迹還來寄絕言

五

洞靈尊上德虞石會明真要妙思玄牝虛無養谷神  
丹丘乘翠鳳玄圃御斑麟移梨付苑吏種杏乞山人  
自此逢何世從今復幾春海無三尺水山成數寸塵

六

東明九芝蓋北燭五雲車飄飄入倒景出沒上煙霞  
春泉下玉霄青鳥向金華漢帝看桃核齊侯問棗花

道部

卷二百一

八

步虛

上元應送酒來向蔡經家石刻云應逐上元酒同來訪蔡家○陝西蒲司有石刻著書此及北關臨玄水二首字畫奇勁或出庚公鏡也題云謝靈運書乃後人妄擬爾

七

歸心遊太極迴向入無名五香芬紫府千燈照赤城  
鳳林採珠實龍一作春種玉榮夏簣三舌響一作夏笛三山

八

北關臨玄水南宮生絳雲龍泥印玉策大火煉真文  
上元風雨散中天歌吹分靈駕千尋上空香萬里聞

舊本闕作關生作坐大  
作天今從石刻正之

九

地境堦基遠天牕影迹深碧玉成雙樹空青為一林  
鶴巢堪煉石蜂房得煮金漢武多驕慢淮南不小心  
蓬萊入海底何處可追尋

十

麟洲一海濶玄圃半天高浮丘迎子晉若士避盧敖  
經餐林慮李舊食綏山桃成丹須竹節刻髓用盧刀  
無妨隱士去即是賢人逃

步虛詞二首

隋煬帝

洞府凝玄液靈山體自然俯臨滄海島回出大羅天

道部

卷二百二

九

步虛

八行分寶樹十丈散芳道懸居燭日月天步役風煙  
躡記書金簡乘空誦玉篇冠法二儀立珮帶五星連  
瓊軒輝甘露瑜井挹膏泉南巢息雲馬東海戲桑田  
回旗遊八極飛輪入九玄高蹈虛無外天地乃齊年

二

總轡行無極相推凌太虛翠霞承鳳輦碧霧翼龍輿  
輕舉金臺上高會玉林墟朝遊度圓海夕宴下方諸

步虛詞

唐顧況中

迴步遊三洞清心禮七真飛符超羽翼焚火醮星辰  
殘藥沾雞犬靈香出鳳麟壺中無窄處願得一容身

上元日聽太清宮步虛

唐張仲素

仙宮開金錄元辰會玉京靈歌賓紫府雅韻出增城  
聲雜音徐徹風飄響更清紆餘空外盡斷續聽中生  
舞鶴紛將集流雲住未行誰知九陌上塵俗仰遺聲

府試中元觀流步虛

唐殷堯恭

玄都開秘錄白石禮先生上界秋光靜中元夜景清  
星辰朝帝處鸞鶴步虛聲玉洞花長發珠宮月最明  
掃壇天地肅投簡鬼神驚倘賜刀圭藥還成不歎名

步虛詞

唐高駢

清溪道士人不識上天下天鶴一隻洞門深鎖碧窓  
道部 卷一百二十 步虛

寒滴露研朱點周易

○飛昇

巴謠歌

茅盈內傳曰秦始皇三十一一年九月庚子茅盈高祖漢於華山之中乘雲駕鶴白日昇天先是有巴謠歌云云始皇聞謠歌而問其故父老具對曰此仙人之謠歌勸帝求長生之術於是始皇欣然乃有尋仙之志因改臘曰嘉平

神仙得者茅初成駕龍上昇入太清時下玄洲戲赤  
城繼世而往在我盈帝若學之臘嘉平

升天行二首

魏陳思王

乘騎追術士遠之蓬萊山靈液飛素波蘭桂上參天  
玄豹遊其下翔鵬戲其巔乘風忽登舉彷彿見衆仙

二

扶桑之所出乃在朝陽谿中心陵蒼昊布葉蓋天涯  
日出登東榦既夕沒西枝願得紆陽轡迴日使東馳

升天行

宋鮑照

家世宅關輔勝帶宦王城備聞十帝事委曲兩都情  
倦見物興衰驟觀俗屯平翻翻若一作回掌恍惚似  
朝榮窮途悔短計晚志重一作長生從師入遠嶽結  
友事仙靈五圖一作發金記九籥隱丹經風餐委松  
宿雲臥恣天行冠霞登綵閣解玉飲椒庭覽遊越萬

里少一作別數千齡鳳臺無還駕簫管有遺聲何當

道部 卷一百二十 飛昇

與汝曹啄腐共吞腥

升天行

梁劉孝勝

堯攀已徒說湯捫亦妄陳欲訪青雲侶正遇丹丘人  
少翁俱仕漢韓終苦入秦汾陰觀化鼎瀛洲宴羽人  
廣成參日月方朔問星辰驚祠伐楚樹射藥戰江神  
聞闔皆曾倚太一豈難親趙簡猶聞樂周儲固上賓  
秦皇多忌害元朔少寬仁終無良有以非關德不鄰

升天行

隋盧思道

尋師得道訣輕舉厭人羣玉山候王母珠庭謁老君  
煎爲返魂藥刻作長生文飛策乘流電雕軒與彩一作

自雲玄洲望不極赤野眺無垠金樓旦寒嶢玉樹曉  
氛氲擁琴遙可聽吹笙遠詎聞不學蜉蝣子生死何  
紛紛

英才言聚賦得升天行

隋釋慧淨

馭風過閬苑控鶴下瀛洲欲采三芝秀先從千仞遊  
駕鳳迎虛管乘槎泛淺流顏齡一已駐方驗大椿秋

昇仙篇

梁簡文帝

少室堪求道明光可學仙丹繒碧林宇綠玉黃金篇  
雲車了無轍風馬詎須鞭靈桃恒可餌幾迴三千年

告逝篇

梁陶弘景

道部

卷百二十

十一

性靈書既肇綠業久相因即化非冥滅在理淡悲欣  
冠劍空衣影鑣轡乃仙身去此昭軒侶結彼瀛臺賓  
倘能踵留轍爲子道玄津

輕舉篇

北周王褒

天地能長久神仙壽不窮白玉東華檢方諸西岳童  
俄瞻少海北暫別扶桑東俯觀雲似蓋低望月如弓  
看棋城邑改辭家墟巷空流珠餘舊竈種杏發新叢  
酒釀瀛洲玉劍鑄昆吾銅誰能攬六博還當訪井公

飛龍引二首

唐李白

黃帝鑄鼎於荆山鍊丹砂丹砂成黃金騎龍飛上太

清家雲愁海思令人嗟宮中彩女顏如花飄然揮手  
凌紫霞從風縱體登轡車登轡車待軒轅遨遊青天  
中其樂不可言

鼎湖流水清且閑軒轅去時有弓劍古人傳道留其

間後宮嬋娟如花顏乘鸞飛煙亦不還騎龍攀天造  
天關聞天語長雲河車載玉女載玉女過紫皇紫皇

乃賜白兔所搗之藥方後天而老凋三光下視瑤池

見王母蛾眉蕭颯如秋霜

攀龍行

唐顧況

軒轅皇帝初得仙鼎湖一去三千年周流三十六洞  
道部

卷百二十

十三

飛升

天洞中日月星辰聯騎龍駕景遊入極軒轅弓劍無  
人識東海青童寄消息

升天行

唐僧貫休

身不沈骨不重驅青鸞駕白鳳幢蓋飄搖入冷空天  
風瑟瑟星河動瑤闕參差阿母家樓臺虛閉凝彤霞  
五三仙子乘龍車堂前碾爛蟠桃花回頭却顧蓬山  
頂一點濃嵐在深井

少室韋練師昇仙歌

唐皇甫冉

紅霞紫氣晝氤氲絳節青幢迎少君忽從林下昇天  
去空使時人禮白雲

天上謠

唐李賀

天河夜轉漂迴星銀浦流雲學水聲玉宮桂樹花未落  
仙妾採香垂珮纓秦妃捲簾北牕曉  
鳳小王子吹笙鵝管長呼龍耕煙種瑤草粉霞紅綬  
繡絲裙青洲步拾蘭茗春東指義和能走馬海塵新  
生石山下

蕭史携弄玉上昇

唐曹唐

豈是丹臺歸路遙紫鸞煙駕不同飄一聲落水傳幽  
咽萬片官花共寂寥紅粉美人愁未散清華公子笑  
相邀緱山碧樹青樓月腸斷春風爲玉簫

卷二十三

飛昇

○仙

思仙歌

原作車子侯歌○洞仙傳曰車子侯者  
侍中一朝語家云我今補仙官此春應去至  
夏中當暫還還少時復去如其言武帝思之

漢武帝

嘉幽蘭今延秀蕈妖姪今中濟華斐斐今麗景風徘徊  
今流芳皇天今無慧至人逝今仙鄉天路遠今無  
期不覺涕下今霑裳

仙人篇

魏陳思王

仙人攬六著對博太山隅湘娥拊琴瑟秦女吹笙竽  
樽盈桂酒河伯獻神魚四海一何局九州安所如

韓終與王喬要我於天衢萬里不足步輕舉凌太虛  
飛騰踰景雲高風吹我軀迴駕觀紫微與帝合靈符  
閭闔正嵯峨雙闕萬丈餘玉樹扶道生白虎夾門樞  
驅風游四海東過王母廬俯觀五嶽間人生如寄居  
潛光養羽翼進趨且徐徐不見軒轅氏乘龍出鼎湖  
徘徊九天上與爾長相須

二童

原作飛龍篇

魏陳思王

晨遊太山雲霧窈窕忽逢二童顏色鮮好乘彼白鹿  
手翳芝草我知真人長跪問道西登玉堂一作金樓臺  
複道授我仙藥神皇所造教我服食還精補腦壽同

道部

卷二十三

十五

金石永世難老

仙詩

晉盧諶

還舉遊名山松喬共相追層嵯成崇館巖阿結重闈

神仙

原作閭闔篇

梁武帝

西漢本佳妍金馬望甘泉衛尉屯兵上期門曉漏傳  
猶見河東賦欲知追神仙羽騎凌雲轉閭闔帶空懸  
長旗掃月窟鳳迹輾星躔但使丹砂就能令億萬年

仙客

梁簡文帝

漆水豈難變桐刀乍可揮青書長命籙紫水芙蓉衣  
高翔五岳小低望九河微穿池聽龍長叱石待羊歸



酒闌時節久桃生歲月稀

神仙篇

梁戴嵩

徒聞石爲火未見坂停丸暫數盈虛月長隨晝夜澗  
隣家試學道逢師得姓韓閭山金靜室蓬丘銀露壇  
安平醞仙酒渤海轉神丹初飛喜返鳳新學法乘鸞  
十芒生月腦六醺起星肝流一作飛瓊播疑俗信玉類  
陽官玄都宴晚集紫府事朝看謝手今爲別進憐此  
俗難

和劉中書仙詩二首

梁沈約

清旦發玄洲日暮宿丹丘崑山西北映流泉東南流

道部

卷一百十

十六

霓裳拂流電雲車委輕霞崢嶸上不覩寥廓下無見

二

終庭不可及風燦多異色霞衣不待縫雲錦不須織

詠得神仙

陳陰鏗

羅浮銀是殿瀛洲玉作堂朝遊雲暫起夕餌菊恒香  
聊持履成燕戲以石爲羊洪厓與松子乘羽就周王

神仙篇

陳張正見

瀛洲分渤澥閬苑隔虹霓欲識三山路須尋千仞溪  
石梁雲外立蓬丘霧裏迷年深毀丹竈學久棄青泥  
葛水留還杖天衢鳴去鷄六龍驤首起雲閣萬里一

別何家廓玄都府內駕青牛紫蓋山中乘白鶴潯陽  
杏花終難朽武陵桃花未曾落已見玉女笑投壺後  
觀仙童欣六博同甘玉文棗俱飲流霞藥鸞歌鳳舞  
集天台金闕銀宮相向開西王已令青鳥去東海還  
馭赤虬來魏武還車逢漢女荆王因夢識陽臺鳳蓋  
隨雲聊蔽日霓裳雜雨復乘雷神岳吹笙遙謝手當  
知福地有神才

賦得仙人攬六著篇

陳陸瑜

九仙會歡賞六著且娛神戲谷聞餘地銘山憶舊秦  
遙敵情思巧論兵勢重新問取南皮夕還笑拂基人

道部

卷一百十

十七

方諸曲

陳謝燮

望仙室仰雲光繩河裏扇月俯井公能六著玉女善  
投壺瓊醴和金液還將天地俱

神仙

北齊顏之推

紅顏侍容色青春矜盛年自言曉書劍不得學神仙  
風雲落時後歲月度人前鏡中不相識捫心徒自憐  
願得金樓要思逢玉鈴篇九龍遊弱水八鳳出飛煙  
朝遊采瓊實夕宴酌膏泉崢嶸下無地列缺上陵天  
舉世聊一息中洲安足旋

神仙篇

隋盧思道

浮生厭危促名岳共招携雲軒遊紫府風駟上丹梯  
時兄遼東鶴屢聽淮南鷄玉英持作寶瓊實采成蹊  
飛策揚輕電懸旌耀彩霓瑞銀光似燭靈石髓如泥  
寥廓鸞山右超越鳳洲西一丸應五色持此救人迷

神仙篇

隋魯范

王遠尋仙至樂巴訪術迴乘空向紫府控鶴下蓬萊  
宿分白鹿駕日映流霞杯煎金丹未熟醒酒藥初開  
乍應觀海變誰宜畏年顏

神仙一作山

隋崔仲方

昆丘本難陟軒臺不易朝還往麟洲上時聽鳳凰簫  
道部 卷一百一十 十八 仙

假觀文犀簞香林碧玉條且學燒丹既何假摘靈桃

尋仙原作白雲

宋鮑照

探靈喜解骨測化善騰天情高不戀俗厭世樂尋仙

鍊金宿明館屑玉止瑤淵鳳歌出林闕龍駕戾蓬山

凌崖采三露攀鴻戲五煙昭昭景臨霞湯湯風媚泉

命娥雙月際要媛兩星間飛虹眺卷河汎霧弄輕絃

留聲謝廣賓神道不復傳一逐白雲去千齡猶未旋

懷仙引

唐盧照隣 初

若有人兮山之曲駕青虬兮乘白鹿往從之遊願心  
足披瀾戶訪巖軒石瀨潺湲橫石徑松蘿羃歷掩松

門下空濛而無鳥上巉巖而有後懷飛閣度飛梁休  
予馬於幽谷挂冠於夕陽曲復曲兮煙莊邃行復  
行今天路長休途杳其未半飛雨忽以茫茫山坳軋  
磴連塞攀石壁而無據泝泥溪而不前何無情之白  
日竊有限於皇天迴行遵故道通川遍流潦回首望  
群峰白雪正溶溶珠為關兮玉為樓青雲蓋今紫霜  
衰天長地久時相憶千齡萬代一來遊

綠髮翁原作古風

唐李白 盛

太白何蒼蒼星辰上森列去天三百里邈爾與世絕

中有綠髮翁披雲卧松雪不笑亦不語冥栖在巖穴

道部 卷一百一十 十九 仙

我來逢真人長跪問寶訣粲然起玉齒授以煉藥說

銘骨傳其語竦身已電滅仰望不可及蒼然五情熱

吾將營丹砂永與世人別

鶴上仙原作古風

唐李白 盛

客有鶴上仙飛飛凌太清揚言碧雲裏自道安期名

兩兩白玉童雙吹紫鸞笙去影忽不見回風送天聲

舉首遠望之飄然若流星願餐金光草壽與天齊傾

仙人

唐李賀 中

彈琴石壁上翻翻一仙人手持白鸞尾夜掃南山雲

鹿飲寒澗下魚歸青海濱當時漢武帝書報桃花春

求仙行

唐張籍中

漢皇欲作飛仙子年年採藥東海裏蓬萊無路海無  
邊方士丹中相枕死招搖在天囚白日甘泉玉樹無  
仙實九皇真人終不下空向離宮祠太乙丹田有氣  
凝素華君能保之昇絳霞

尋仙

唐張籍中

谿頭一徑入青崖處處仙居隔杏花更見峯西幽客  
說雲中猶有兩三家

夢仙

唐白居易中

人有夢仙者夢身升上清坐乘一白鶴前引雙紅旌

道部

卷一百二十

二十

仙

羽衣忽飄飄玉鸞俄銚銚漸失鄉國處纔分山水形  
東海一片白列嶽五點青須臾羣仙來相引朝玉京  
安期羨門董列侍如公卿仰謁玉皇帝稽首前致誠  
帝言汝仙才努力勿自輕却後十五年期汝不死庭  
再拜受斯言既寤喜且驚秘之不敢洩志居巖窟  
恩愛捨骨肉飲食斷羶腥朝餐雲母散夜吸沆瀣精  
空山三十載日望輜輶迎

八公操

古今樂錄曰淮南王好道正月上辛八公來降王作此歌

漢淮南王

煌煌上天照下土今知我好道公來下今公將與予

生毛羽今超騰青雲蹈梁甫今觀見瑤光過北斗今  
馳乘風雲使玉女今含精吐氣嚼芝草今悠悠將將  
天相保兮

雲中白子高

晉傅玄

陵陽子明來意欲作天與仙人遊超登元氣攀日月  
遂造天門將上謁閭闔見紫微絳闕紫宮崔嵬高  
殿嵯峨雙闕萬丈玉樹羅童女掣電策童男挽雷車  
雲漢隨天流浩浩如江河因王長公謁上皇鈞天樂  
作不可詳龍仙神仙教我靈秘入風子儀與遊我祥  
我心何戚戚思故鄉俯看故鄉二儀設張樂哉二儀

道部

卷一百二十

二十

仙

日月運移地東南傾天西北馳鶴五氣所補益四足  
所支齊駕飛龍驂赤螭逍遙五岳間東西馳長期  
與天地並復何為復何為

蕭史曲

藝文作張華樂府作鮑照然此詩詞格不類晉人當是鮑詩也

宋鮑照

蕭史愛長年羸女公童顏火粒願排棄霞霧好登攀  
龍飛逸一作竟天路鳳起出秦關身去長不返簫聲時  
往還

淮南王

宋鮑照

淮南王好長生服食鍊氣讀仙經琉璃作盤牙作盤

金鼎玉七合神丹合神丹戲紫房紫房綠女弄明璫  
鸞歌鳳舞斷君腸朱城九門一作朱門九閨願逐明月入君懷入君懷結君佩怨君恨君恃君愛築城思堅劍思利同盛同衰莫相棄

王太子一作王子喬

梁江淹

子喬好輕舉不待煉銀丹控鶴去一作窈窕學鳳對嶺岈山無一春艸谷有千年蘭雲衣不躑躅龍駕何時還

陰長生

梁江淹

陰君惜靈骨珪璧詎為寶日夜名山側果得金丹道

道部

卷一百二十

憂傷永不至充顏如碧草若渡西海時致意三青鳥

王子喬二首

北魏高允

仙化非常道其義出自然王喬誕神氣白日忽升天  
曉暖御雲氣飄飄乘長煙寄想崆峒外翺翔宇宙間  
七月有佳期控鶴崇嵯巔永與時人別一去不復旋

二

王少卿王少卿超升飛龍翔天庭遺儀景雲漢酬光  
驚電逝忽若浮騎日月從列星跨騰八廓踰杳冥尋  
元氣出天門窮覽有無究道根

王子喬

唐宋之間

王子喬愛神仙七月七日土賓天白虎搖瑟鳳吹笙  
乘騎雲氣喻日精喻日精長不歸遺廟今在而人非  
空望山頭草草露濕人衣

謁張果先生

唐李頎

先生谷神者甲子焉能計自說軒轅師于今幾千歲  
寓遊城郭裏浪迹希夷際應物雲無心逢時舟不繫  
餐霞斷火粒野服兼荷製白雪淨肌膚青春養身世  
韜精殊豹隱鍊骨同蟬蛻忽去不知誰偶來寧有契  
二儀齊壽考六合同休憇彭聃猶嬰孩松期且微細  
嘗聞穆天子更憶漢皇帝親屈萬乘尊將窮四海裔

道部

卷一百二十

三

車徒徧草木錦帛招談說八駿空往還三山轉虧蔽  
吾君感至德玄老欣來詣受籙金殿開清齋玉堂閉  
笙歌迎拜首羽帳崇嚴衛禁柳垂香爐宮花拂仙袂  
祈年寶祚廣致福蒼生惠何必待龍髯鼎成方取濟

贈毛仙翁

唐沈傳師

安期何事出雲煙為把仙方與世傳只向人間稱百  
歲誰知洞裏過千年青牛到日迎方朔丹竈開時共  
稚川更說桃源更深處異花長占四時天

贈毛仙翁

唐白居易

仙翁已得道混跡尋巖泉肌膚冰雪瑩衣服雲霞鮮

紺髮絲並綴韶容花共妍方瞳點玄漆高步凌飛煙  
幾見桑田變莫知龜鶴年所憩九霄外所遊五嶽顛  
軒吳舊爲侶松喬難比肩

贈毛仙翁

唐李紳中

憶惜我祖神仙主玄元皇帝周柱史曾師軒黃友堯  
湯混沌和光佐周武周之天子無仙氣成武康昭都  
督爾穆王粗識神仙事八極輪蹄方逞志鶴髮韜眞  
世不知日月星辰幾回歛金鼎作丹丹化碧三萬六  
千神入宅仙兄受術幾千年已是當時駕鴻客海光  
悠容天路遠春風玉女開宮院紫筆親教書姓名玉

道部

卷一百二十

三十四

仙

皇詔刻青金簡桂憲一別三千春秦妃鏡裏蛾眉新  
忽控香虬天上去海隅劫石銷花塵一從仙駕辭中  
土頑日昏風老無主九州爭奪無時休八駿垂頭避  
豺虎我亦玄元千世孫眼穿望斷蒼煙根花麟白鳳  
竟冥冥飛春走月勞神昏百年命促奔馬疾愁腸盤  
結心摧崕今朝稽首拜仙兄願贈丹砂化秋骨

玄微先生

唐李商隱晚

仙翁無定數時入一壺藏夜夜桂露濕村村挑水香  
醉中拋浩劫宿處起神光藥裏丹山鳳碁面白石郎  
并河移砥柱吞日倚扶桑龍竹裁輕策蛟絲熨下裳

樹栽嗤漢帝橋板笑秦皇徑欲隨關令龍沙萬里強  
武昌縣喜再遇十八兄仙翁 唐劉禹錫中  
武昌山下蜀江東重向仙舟見葛洪又得客前親禮  
拜大羅仙訣玉函封

仙山二首

北周庾信

金竈新和藥銀臺舊聚神相看但莫怯先師應識人  
二

石軟如香餅鉛銷似熟銀蓬萊暫近別海水遂成塵

白雲

梁江淹

紫煙世不覿赤鱗庖所捐白雲亦海外益益起三山

道部

卷一百二十

三十五

仙

八仙逕

唐王勃初

奈園欣八正松巖訪九仙援蘿窺霧術攀桂俯雲煙  
代北鸞驂至遼西鶴騎旋終希脫塵網連翼下芝田

謝真人仙駕過舊山

唐范傳正中

麾蓋從仙府笙歌入舊山水流丹竈缺風起草堂關  
白鹿行爲衛青鸞舞自閑種松鱗未老移石鮮仍斑  
望路煙霄外迴輿嶺岫間豈惟遼海鶴空歎令威還

謝真人仙駕過舊山

唐夏方慶中

同年成道去綽約化童顏天上尋眞侶人間憶舊山

桑田今已變羅蔓尚堪攀雲霞瑤壇淨苔生丹竈閑  
逍遙看白石寂寞閑玄關應是悲塵累思將羽駕還  
○女仙 神女附

秦女

梁江淹

青琴既曠世綠珠亦絕群猶不及秦女十五乘彩雲  
璧質人不見瓊光俗詎聞願使洛靈往爲我道奇芬

上元夫人

唐李白 盛

上元誰夫人偏得王母嬌嵯峨三角髻餘髮散垂腰  
裘披青毛錦身著赤霜袍手提羸兒女閒與鳳吹簫  
眉語兩自笑忽然隨風飄

道部

卷一百二十

二十六

女仙

王母歌

唐李頎 盛

武皇齋戒承華殿端拱須臾王母見霓旌照耀麒麟  
車羽蓋淋漓孔雀扇手指玄梨遣帝食可以長生臨  
寓縣頭上復戴九星冠總領玉童坐南面欲聞要言  
今告汝帝乃焚香請此語若能鍊魄去三尸後當見  
我天皇所顧謂侍女董雙成酒闌可奏雲和笙紅霞  
白日儼不動七龍五鳳紛相迎惜哉志驕神不悅歎  
息馬蹄與車轍復道歌鐘香將暮深宮桃李花成雪  
爲看青玉五枝燈蟠螭吐火炷已絕

玉華仙子歌

唐李康成 盛

道部

卷一百二十

三十一

仙女

鳥報相思

萼綠華歌

唐韋應物 中

有一人兮昇紫霞書名玉牒今萼綠華仙客矯矯今  
雜瑤珮輕衣重重今蒙絳紗雲雨愁思今望淮海鼓  
吹蕭條今駕龍車世淫濁今不可降胡不來今玉客

家

馬明生遇神女歌

唐韋應物 中

學仙貴功亦貴精神女變化感馬生石壁千尋啓雙  
檢中有玉堂 一作鋪玉簾立之一隅不與言玉體安  
穩三日眠馬生一立心轉堅知其丹白蒙哀憐安期



先生來起居請示金鑄玉珮天皇書神女呵責不合  
見仙子謝過手足戰大瓜玄棗冷如水海上摘來朝  
霞凝賜仙復坐對食訖領之使去隨煙升乃言馬生  
合不死少姑教敕令付爾安期再拜將生出一授素  
書天地畢

羸女

原作雜詩

唐權德輿

姹彼羸氏女吹簫偶蕭史彩鸞駕霏煙綽約兩仙子  
期期諒交感相顧乃如此豈比成都人琴心中夜起

仙女詞

唐楊衡

芳初侍紫皇君金縷駕鸞清絳裙仙宮一閑無消  
道部 卷一百一十 三八 仙女

息遂結芳心向碧雲

贈不食姑

唐于鵠

不食非關藥天生是女仙見人還起拜留伴亦開田  
無窟一作屋尋溪宿兼衣掃葉眠不知何代女猶帶剪

刀錢

不食姑

唐張籍

幾年山裏住已作綠毛身護氣常稀語存思自見神  
養龜同不食留藥任生塵要問西王母仙中第幾人

湘夫人

以下神女

梁沈約

湘相風已息沅澧復安流揚蛾一含睇嬋娟好且脩

招玦置澧浦解珮寄中洲

湘夫人

梁王僧孺

桂棟承薛帷眇眇川之湄白蘋徒可望綠芷竟空滋  
日暮思公子銜意嘿無辭

湘夫人

唐李頎

九嶷日已暮三湘雲復愁宵露羅袂色潺湲江水流  
佳期來北渚捐玦在芳洲

湘夫人

唐郎士元

蛾眉對湘水遙哭蒼梧山萬乘既已歿孤舟誰忍還  
至今楚竹上猶有淚痕斑南有涪陽路渺渺多新愁

道部

卷一百一十

二九

神女

桂酒神降時迴風江上秋彩雲復無處碧水空安流

瀟湘神

唐劉禹錫

斑竹枝斑竹枝淚痕點點寄相思楚客欲聽瑤瑟怨  
瀟湘深夜月明時

迎神

唐李建勳

楓響蠶吟塞笛女巫結束分行立空中再拜神且來  
清奠椒漿齊獻揖陰風窸窣吹紙錢妖巫瞑目傳神  
言與君降福為豐年莫教賽祀虧常筵

夜聞江寒神即事

唐李嘉祐

南方淫祀古風俗楚姬能唱迎神曲鎗鎗銅鼓蘆葉

游寂寂瓊筵江水綠雨過風清洲渚閒椒漿醉盡神  
欲還帝女凌空下湘岫番君隔浦向堯山月隱回塘  
猶自舞一門依倚神之祐韓康靈藥不復求扁鵲醫  
方曾莫覩逐客臨江空自悲月明流水無已時聽此  
迎神送神曲携觴欲弔屈原祠

詩集類函卷一百二十

道部

卷一百二十

三十一

神女

詩集類函卷一百二十一

東吳俞安期彙纂 宣城梅鼎祚增定

新都汪人龍訂校

道部二 遊仙 仙詩上

○遊仙

遊仙詩

魏陳思王

人生不滿百戚戚一作歲少歡娛意欲奮六翮排霧凌

紫虛蟬蛻同松喬翻跡登鼎湖翱翔九天上騁轡達

行遊東觀扶桑曜西臨弱水流北極玄天一作登玄渚南

翔步丹丘

道部

卷一百二十一

遊仙

遠遊篇

魏陳思王

遠遊臨四海俯仰觀洪波大魚若曲陵承浪相經過

靈龜戴方丈神嶽儼嵯峨仙人翔其隅玉女戲其阿

瓊漿可療飢仰首吸朝霞崑崙本吾宅中州非我家

將歸謁東父一舉超流沙鼓翼舞時風長嘯激清歌

金石固易敝日月同光華齊年與天地萬乘安足多

遊仙原作五遊

魏陳思王

九州不足步願得凌雲翔逍遙八紘外游目歷遐荒

披我丹霞衣襲我素霓裳華蓋芬晻靄六龍仰天驤

曜靈未移景倏忽造昊蒼閭闔啟丹扉雙闕曜朱光

徘徊文昌殿登陟太微堂上帝休西櫺祥后集東廂  
帶我瓊瑤佩漱我沆瀣漿踟躕玩靈芝徙倚弄華芳  
王子奉仙藥羨門進奇方服食享遐紀延壽保無疆

遊仙詩

魏嵇康

遙望山上松隆谷鬱青葱自遇一何高獨立迴無雙  
願想遊其下蹊路絕不通王喬棄我去乘雲駕六龍  
飄飄戲玄圃黃老路相逢授我自然道曠若發重蒙  
採藥鍾山隅服食改姿容蟬蛻棄穢累結友家板桐  
臨觴奏九韶雅歌何邕邕長與俗人別誰能覩其踪

遊仙詩

晉何劭

道部

卷一百一

二

遊仙

青青陵上松亭亭高山柏光色冬夏茂根抵無彫落  
吉士懷真心悟物思遠託揚志玄雲際流目矚巖石  
羨昔王子喬友道發伊洛迢遞陵峻岳連翩御飛鶴  
抗跡遺萬里豈念生民樂長懷慕仙類眇然心綿邈  
遊仙詩  
晉成公綏

遊仙詩

晉張協

崢嶸玄圃深嵯峨天嶺峭亭館籠雲構脩梁流三曜

蘭葩葢嶺披清風緣隙蕭

遊仙詩

晉張華

雲霓垂藻旒羽袿揚輕裾飄登清雲間論道神皇廬  
蕭史登鳳音王后吹鳴竿守精味玄妙逍遙無爲墟

二

玉佩連浮星輕冠結朝霞列坐王母堂艷體餐瑤華  
湘妃詠涉江漢女奏陽阿

三

乘雲去中夏隨風濟江湘疊疊陟高陵遂升玉巒陽  
雲娥薦瓊石神妃侍衣裳

道部

卷一百一

三

遊仙詩十首

晉庾闡

叩疏鍊石髓赤松漱水玉憑煙眇封子流浪揮玄谷  
崆峒臨北戶昆吾眇南陸層霄映紫芝潛澗汎丹菊  
崑崙涌五河八流縈地軸

二

三山羅如粟巨壑不容刀白龍騰子明朱鱗運琴高  
輕舉觀滄海眇邈去瀛洲玉泉出靈鳧瓊艸被神丘

三

神岳竦丹霄玉堂臨雪嶺上採瓊樹華下挹瑤泉井

四

南海納朱濤玄波洒北溟仰盼燭龍照俯步朝廣庭

五

熒熒丹桂紫芝結根雲山九疑鮮榮夏馥冬熙誰與  
薄採松期

六

赤松遊霞乘煙封子鍊骨凌仙滄漱水玉心玄故能  
靈化自然

七

乘彼六氣渺茫輜駕赤水崐陽遙望至八玄堂心與  
罔象俱忘

道部

卷百十一

四

遊仙

八

朝漱雲英玉藥夕挹玉膏石髓瑤臺藻構霞綺鱗裳  
羽蓋級纒

九

玉樹標雲翠蔚靈崖獨拔奇卉芳津蘭瑩珠隧碧葉  
灌清鱗萃

十

玉房石榻磊砢燭龍銜輝吐火朝採石英澗左夕翳  
瓊葩巖下

遊仙詩十四首

晉郭璞

京華遊俠窟一作客山林隱遯棲朱門何足榮未若託

蓬萊臨源挹清波陵岡掇丹萸靈谿可潛盤安事登  
雲梯漆園有傲吏萊氏有逸妻進則保龍見退爲觸  
藩抵高蹈風塵外長揖謝夷齊

二

青溪千餘仞中有一道士雲生梁棟間風出窗戶裏  
借問此何誰云是鬼谷子翹迹企穎陽臨河思洗耳  
聞闔西南來潛波渙鱗起靈妃顧我笑粲然啟玉齒  
寒脩時不存要之將誰使

三

道部

卷百十一

五

遊仙

翡翠戲蘭苕容色更相鮮綠蘿結高林蒙龍蓋一山  
中有冥寂士靜嘯撫清絃放情凌霄外嚼藥挹飛泉  
赤松臨上游駕鴻乘紫煙左挹浮丘袖右拍洪崖肩  
借問蜉蝣輩寧知龜鶴年

四

六龍安可頓運流有代謝時變感人思已秋復願夏  
淮海變微禽吾生獨不化雖欲騰丹谿雲螭非我駕  
愧無魯陽德迴日向三舍臨川哀年邁撫心獨悲吒

五

逸翮思拂霄迅足羨逵游清源無增瀾安得運吞舟

瑤璋雖特達明月難闇投潛賴怨清陽陵若哀素秋  
悲來惻丹心零淚綠纓流

六

雜縣音寓魯門風煖將爲災吞舟涌海底高浪駕蓬萊  
神仙排雲出但見金銀臺陵陽挹丹溜容成揮玉杯  
姮娥揚妙音洪哇頷其顙升降隨長煙飄飄戲九垓  
奇齡邁五龍千歲方嬰孩燕昭無靈氣漢武非仙才

七

晦朔如循環月盈已復一作見蓐收清西陸朱羲將  
道部 卷二百三十一 遊仙

由白寒露拂陵茗女蘿辭松柏薜榮不終朝蜉蝣豈  
見夕圓丘有奇草鍾山出靈液王孫列八珍安期鍊  
五石長揖當途人去來山林客

八

賜谷吐靈曜扶桑森千一作萬丈朱霞升東山朝日何  
晃朗迴風流曲櫺幽室發逸響悠然心永懷眇爾自  
遐想仰思舉雲翼延首矯玉掌嘯傲遺世羅縱情在  
一作獨往明道雖若昧其中有妙象希賢宜勵德羨  
魚當結網

九

採藥遊名山將以救年頽呼吸玉滋液妙氣盈胸懷  
登仙撫龍駟迅駕乘奔雷鱗一作鱗裳逐電曜雲蓋隨  
風迴手頓羲和轡足蹈閭闔開東海猶蹄涔崐崙螻  
一作蟻堆遐邇冥茫中俯視令人哀

十

璇臺冠崑嶺西海濱招搖瓊林籠藻映碧樹疏英翹  
丹泉漂朱沐黑水鼓玄濤尋仙萬餘日今乃見子喬  
振髮晞翠霞解褐被絳綃總轡臨少廣盤虬舞雲輶  
永偕帝鄉侶千齡共逍遙

十一

道部 卷二百三十一 遊仙

登岳採五芝涉澗將六草散髮蕩玄溜終年不華皓  
十二

四瀆流如淚五岳羅若垤尋我青雲友永與時人絕  
十三

靜歎亦何念悲此妙齡逝在世無千月命如秋葉蒂  
蘭生蓬芭間榮曜常幽翳

十四

縱酒濛汜瀆結駕尋木末翹手攀金梯飛步登玉闕  
左顧擁方目右眷極朱髮

遊仙原作東 晉陸機

投跡短世間高步長生聞濯髮肩雲冠浣一作身被洗  
羽衣飢從韓衆餐寒就佚女棲

遊仙原作緩聲歌

晉陸機

遊仙聚靈族高會層城阿長風萬里舉慶雲鬱嵯峨  
宓妃興洛浦王韓起太華北徵瑤臺女南要湘川娥  
肅肅宵駕動翩翩翠蓋羅羽旗棲瓊鸞玉衡吐鳴和  
太容揮高絃洪崖發清歌獻酬既已周輕舉乘紫霞  
總轡扶桑枝濯足湯一作賜谷波清輝溢天門垂慶惠  
皇家

遊仙原作緩聲歌

晉傅玄

道部 卷百王

八 遊仙

雷師鳴鐘鼓風伯吹笙簧西母出穴聽王父吟東廂

遊仙原作緩聲歌

宋孔審子

供帳設玄宮衆仙胥口亞炤炤二儀曠雍容風雲暇  
北伐太行鼓南整九疑駕笙歌興洛川鳴簫起秦榭  
鈞天異三代廣樂非韶夏滿堂皆人靈列筵必羽化  
鳥可循日留免自延月夜弱水時一濯扶桑聊暫舍  
北旬方履端千齡口八蜡

遊仙原作緩聲歌

宋謝靈運

飛客結靈友凌空萃丹丘習習和風起采采彤雲浮  
娥皇發湘浦霄明出河洲宛宛連螭轡裔裔振

龍旒一作輔

遊仙詩五首

齊王融

桃李不奢年桑榆多暮節常恐秋蓬根連翩因風雪  
習道遍槐岷追仙度瑤碣綠帙啟真詞丹經流妙說  
長河且已縈曾山方可礪叶音列  
獻歲和風起日出東南隅鳳於亂煙道龍駕溢雲區  
結賞自員嶠移謙乃方壺金卮浮水翠玉竿挹泉珠  
徒用霜露改終然天地俱

命駕瑤地隈過息羸女臺長袖何靡靡簫管清且哀  
壁門涼月舉珠殿秋風迴清鳥驚高羽王母停玉杯

道部 卷百王

九 遊仙

舉手暫爲別千年將復來

湘沅有蘭芷汨吾欲南征遺珮出長浦舉袂望增城  
朱霞拂綺樹白雲照金楹五芝多秀色八桂常冬榮  
弭節且夷與參差聞鳳笙  
命駕隨所即燭龍導輕鑣沙澤振寒草弱水駕冰潮  
達翔馳聲響流雪自飄飄忽與若士遇長舉入雲霄  
羅繹徒有睨鵲明已寥寥

遊仙詩

齊陸慧曉

旌翻玉華晦神轉雲光移襲鳥黃山下投佩朱路岐  
遊仙詩 齊袁孝



羽客宴瑤宮旌蓋乍舒設王子洛浦來湘娥洞庭發  
長引逐清風高歌送奔月竝馭排帝闥連吹入天闕  
萬古方一春千霜豈二髮

遊仙詩

梁武帝

水華究靈輿陽精測神祕具聞上仙訣留丹未肯餌  
潛名遊柱史隱迹居郎位委曲鳳臺日分明柏寢事  
蕭史暫徘徊待我升龍轡

和竟陵王遊仙詩二首

梁沈約

天矯一作乘絳仙螭衣方陸離玉鑾隱雲霧溶溶紛  
道部 卷百三十一 遊仙

上馳瑤臺風不息赤水正漣漪崢嶸玄圃上聊攀瓊  
樹枝

朝止閭闔宮暮宴清都闕騰蓋隱一作奔星低鑾避

行月九疑紛相從虹旌乍升沒青鳥去復還高唐雲  
不歇若華有餘照淹留且睎髮

遊仙

原作緣  
聲歌

梁沈約

羽人廣宵宴帳集瑤池東開霞泛彩靄澄霧迎香風  
龍駕出黃苑帝服起河宮九疑輶煙雨三山馭螭鴻  
玉鑾乃排月瑤輶信凌空神行燭玄漠帝旆委曾虹  
蕭歌美羸女笙吹悅姬童瓊漿且未洽羽轡已騰空

息鳳曾城曲滅景清都中隆祐集皇代委祚溢華嵩

擬郭弘農璞遊仙

梁江淹

崦山多靈草海濱饒奇石偃蹇尋青雲隱淪駐精魄  
道人讀丹經方士煉玉液朱霞入憲牖曜靈照空隙  
傷睨摘木芝陵波採水碧眇然萬里遊矯掌望煙客  
永得安期術豈愁濛汜迫

奉和趙王遊仙

北周庾信

藏山還採藥有道得從師京兆陳安世成都李意期  
玉京傳相鶴太乙授飛龜白石香新羊青泥美熟芝  
山精逢照鏡樵客值圍碁石紋如碎錦藤苗似亂絲  
道部 卷百三十一 遊仙

蓬萊在何處漢后欲遙祠

小遊仙詩

唐曹唐

玉簫金瑟發商聲桑葉枯乾海水清淨掃蓬萊山上  
地畧邀王母話長生

風滿塗山玉藥稀赤龍閑卧鶴東飛紫梨爛盡無人  
喫何事韓君去不歸

百辟朝回閉玉除露風清晏桂花疎西歸使者騎金  
虎彈鞚垂鞭唱步虛

南斗闌珊北斗稀茅君夜著紫霞衣朝騎白鹿赴朝  
去鳳押笙歌逐後飛

冰屋朱扉曉未開誰將金策扣瓊臺  
花紅尾小仙子閑吠五雲嘖客來

海水西飛照柏林青雲斜倚錦雲深  
水風暗入古杉葉吹斷步虛清聲音

玉詔新除沈侍郎便分茅土鎮東方  
不知今夕遊何處侍從皆騎白鳳凰

東妃閒著翠霞裙自領笙歌出五雲  
清思密談誰第一不過邀取小茅君

九天天路入雲長燕使何由到上方  
玉女暗來花下立手接裙帶問昭王

道部 卷百王

十一 遊仙

西漢夫人下太虛九霞裙幅五雲輿  
欲將碧字相教示自解聲囊出素書

天上鷄鳴海日紅青腰侍女掃朱宮  
洗花蒸葉瀝清酒待與夫人邀五翁

青錦縫裳綠玉襦滿身新帶五雲香  
閑依碧海攀鸞駕笑就蘇君覓橘嘗

鶴不西飛龍不行露乾雲破洞簫清  
少年仙子說閑事遙隔彩雲聞笑聲

洞裏煙深木葉麤乘風使者降玄都  
隔花相見遙相賀擎出懷中赤玉符

紫羽麾幢下玉京却邀真母入三清  
白龍久住潭相戀斜倚祥雲不自行

酒盡香殘夜欲分青童拜問紫陽君  
月光悄悄笙歌遠馬影龍聲歸五雲

海樹靈風吹彩煙丹陵朝客欲昇天  
無央公子停鸞轡笑泥嬌妃索玉鞭

八景風回五鳳車崑崙山上看桃花  
若教使者沽春酒須覓餘杭阿母家

叔卿遍覽九天春不見人間故舊人  
怪得蓬萊山下水半成沙土半成塵

道部 卷百王

十三 遊仙

欲飲尊中雲母漿月明花裏合笙簧  
更教小柰將龍去便向金壇取阮郎

海上桃花千樹開麻姑一去不知來  
遼東老鶴應慵墮教探桑田便不回

昨夜相邀宴杏壇等閒乘醉走青鸞  
紅雲塞路東風緊吹破芙蓉碧玉冠

雲鶴冥冥去不分落花流水恨空存  
不知玉女無期信道與留門却閉門

采女平明受事回暗交丹契錦囊開  
欲書密詔防人見佯喝青虬使莫來

碧瓦彤軒月殿開九天花落瑞風來玉皇欲著紅龍  
袞親喚金妃下手裁

赤龍停步彩雲飛共道真王海上歸千歲紅桃香破  
鼻玉盤盛出與金妃

碧海靈童夜到時徒勞相喚上瓊池因循天子能閑  
事縱與青龍不解騎

侍女親擎玉酒卮滿卮傾酒勸安期等閑相別三千  
歲長憶水邊分棗時

王母相留不放回偶然沈醉卧瑤臺憑君與向蕭郎  
道教著青龍取妾來

道部

卷百五

十四

漢仙

絳節笙歌繞殿飛紫皇欲到五雲歸細腰侍女瑤花  
外爭向紅房報玉妃

方士飛軒駐碧霞酒香風冷月初斜不知誰唱歸春  
曲落盡谿頭白玉花

水滿桑田白日沈凍雲乾霞濕重陰遼東歸客閑相  
過因話堯年雪更深

方朔朝來到我家欲將靈樹出丹霞三千年後知誰  
在擬種紅桃待放花

笑擎雲液紫瑤觥共請雲和碧玉笙花下偶然吹一  
曲人間因識董雙成

紅草青林日半斜閑乘小鳳出彤霞路尋故舊過西  
谷因得水園一尺瓜

樹下星沈月欲高前溪水影濕龍毛洞天雲冷玉花  
發公子盡披雙錦袍

武皇含笑把金觥更請霓裳一兩聲護帳宮人最年  
少舞腰時挈繡裙輕

瓊樹扶疎壓瑞煙玉皇朝客滿花前東風小飲人皆  
醉短尾青龍枕水眠

彤閣鐘鳴碧鷺飛皇君催熨紫霞衣丹房玉女心慵  
甚貪看投壺不肯歸

道部

卷百五

十五

漢仙

崑崙山上自雞啼羽客爭昇碧玉梯因駕五龍看較  
藝白鸞功用不如妻

沙野先生閉玉虛焚香夜寫紫微書供奉童子閑無  
事教判瓊花餵白驢

雲隴瓊花滿地香碧紗紅水遍朱堂外人欲壓長生  
籍拜請飛瓊報玉皇

青童傳語便須回報道麻姑玉藥開滄海成塵老閑  
事且乘龍鶴看花來

紫微深鎖敞丹軒太帝親談不死門從此百寮俱拜  
後走龍鞭虎下崑崙

雲彩玉帶好威儀三洞真人入奏時頻著金鞭打龍  
角爲嘖西去上天遲

青苑紅堂壓瑞雲月明開宴九陽君不知昨夜誰先  
醉書破明霞八幅裙

北斗西風吹白榆穆公相笑夜投壺花前玉女來相  
問賭得青龍許贖無

暫隨鳬伯縱閑遊飲鹿因過翠水頭宮殿寂寥人不  
見碧花菱角滿潭秋

新授金書八素章玉皇教妾主扶桑與君一別三千  
歲却厭仙家日月長

道部 卷百王 十六 遊仙

八海風涼水影高上卿教製赤霜袍皎絲玉線誰裁  
割須借玉妃金剪刀

海上風來吹杏枝崑崙山上看花時紅龍錦襪黃金  
勒不是元君不得騎

○仙詩上  
上皇玉帝君王清隱書吟

上景發晨暉金霄鬱紫清三素曜瓊扇九玄上招靈  
手掇青林花迴蓋太元庭寢宴順綠房飛步透玉京

提携朱景玉長煙亂虛營玄歸自司保何以怨無生  
寫封子遊海詩十真記曰寫先生者古之神仙在黃帝之前常遊崑丘之外有

蘭沙之地去中都萬里其沙如細塵風吹成霧泛泛而起有石藍之花輕而堅勁千年一開隨風霏霏名曰青藍花又有魚鱗龍蛇千塵霧中先生常遊其地食飛魚而死時少百餘年慶然而起形容復故乃作遊海詩云云○列仙傳曰寫封子黃帝時人  
青藍灼灼千載舒百齡暫死食飛魚

西王母宴漢武帝命法嬰歌玄靈之曲漢武帝元封元年七月七日西王母降于漢宮王母自設天厨精妙非常酒觴數遍王母命諸侍玉女作樂命法嬰歌玄靈之曲乃遣侍女招上元夫人夫人至自彈雲璈之琴歌步玄之曲

大象雖廓寥我把天地戶披雲沈靈輿倏忽適下土  
空洞成玄音至靈不容冶太真噓中唱始知風塵苦

道部 卷百王 十七 仙詩上

順神三田中納精六闕下遂乘萬龍椿馳騁吟九  
玄圃遏北臺五城煥嵯峨啓彼無涯津泛此織女河

仰止升絳庭下游月窟阿顧盼八落外指招九雲遐  
忽不覺心榮豈吾少與多撫璇命衆女詠歌發中和

妙暢自然樂爲此玄靈歌韶盡至韻存真音辭無邪  
上元夫人歌步玄之曲上元夫人道君弟子也亦玄古以來得道總統其真籍亞於龜臺金母所降之處多使侍女相聞以爲賓侶焉

昔涉玄真道騰步登太霞負笈造天關借問太上家  
忽過紫微垣真人列如麻淥景清颺起雲蓋映朱葩

蘭宮敞朱闌碧空起一作瑤沙丹臺結空構暉暉生

光華飛鳳躑躅時燭龍倚委蛇玉胎來絳芝九色紛  
相拏挹景練仙骸萬劫方童牙誰言壽有終扶桑不  
爲查

西王母又命侍女田四妃答歌

晨登太霞宮挹把玉蘭夕入玄元闕采藥掇琅玕  
濯足匏瓜河織女立津盤吐納挹景雲味之當一餐  
紫微何濟濟瑤輪服朱丹朝發汗漫府暮宿句陳垣  
去去道不同且各體所安二儀設猶存奚疑億萬椿  
莫與世人說行尸言此難

道部

卷百五

九

仙詩上

蘇耽歌見雲笈七籤○蘇耽桂陽人少以至孝著稱一日白母道果已圓升舉有日母  
曰吾獨恃爾爾去吾何依耽乃留一櫺封鑰  
甚固若有所需告之如所願也預爲植橘鑿  
井及郡人疫但食一橘菜飲一泉水即愈  
而後一鶴降郡屋久而不去郡僚子弟彈之  
鶴乃舉足畫屋若書字焉其詞曰

鄉原一別重來事非甲子不記陵谷遷移白骨蔽野  
青山舊時翹足高屋下見羣兒我是蘇仙彈我何爲  
翻身雲外却返吾居樓上人或挾彈彈之鶴以爪樓  
樓板似漆書云城郭雖是人民非二  
百甲子一來歸我是蘇仙彈我何爲

丁令威歌

見雲笈七籤○搜神記曰遼東城門  
少年舉弓欲射之鶴乃飛徘徊空中而言云  
云遂高上冲天今遼東諸丁云其先世有昇  
仙者不  
知名守

有鳥有鳥丁令威去家千歲今來歸城郭如故人民  
非何不學仙塚壘壘洞仙傳曰丁令威者遼東人少  
嘗雙歸化為白鶴集郡城門華表柱頭言曰我是丁  
令威去家千歲今來歸城郭如舊人民非何不學仙  
離塚壘遼東諸丁諸輩  
今威漢初學道得仙

張麗英石鼓歌

金精山記云漢時張芒女名麗  
英面有奇光不照鏡但對白鏡  
弱如蠶焉長沙王吳芮聞其異質領兵來聘  
女時年十五聞芮來乃登此山仰卧披髮覆  
紫雲鬢起迷失女所在石上留歌一首云

石鼓石鼓悲哉下土自我來觀民生實苦哀哉世事  
悠悠我意我意不可辱今王威不可辱予志有鸞有  
鳳自歌自舞歌舞二字疑倒凌雲歷漢遠絕塵羅世人之子

道部

卷百五

九

仙詩上

其如我何暫來期會運往即乖父今母今無傷我懷  
至今石鼓一處黑色直下狀  
女垂髮時人號爲張女髮

衛羅國王女配瑛靈鳳歌

洞玄本行經云西方  
衛羅國王有女字曰  
配瑛與鳳共處於是靈鳳常以羽翼扇女面  
後十二年中外忽有胎王意怪之因斬鳳頭  
埋著長林丘中女後生女名曰皇妃王女思  
靈鳳之遊好駕而臨之長林丘中歌云云是  
鳳驚然而生抱女  
俱飛還入雲中

杳杳靈鳳綿綿長歸悠悠我思永與願違萬劫無期  
何時來飛

太真夫人贈馬明生詩二首

太真夫人王母小  
女也諱婉羅字勃  
遂上清都太真王有子爲三天太上府都官  
年少嘗妾官遊逸有司奏劾降主東嶽夫人

因來從之後被太上召還馬明生傳曰馬明生者齊國臨淄人本姓和字君實少為縣吏捕賊所傷殆死遇太真夫人適東嶽見而憫之出藥一丸服之立愈君實乃更姓名自號馬明生隨夫人執役及夫人被太上召還將別以明生屬安期先生因以五言詩二篇贈之

暫捨墉城內命駕岱山阿仰瞻太清闕雲樓鬱嵯峨  
虛中有真人來往何紛葩鍊形保自然俯仰食一作挹  
太和朝朝九天王夕館還西華流精可飛騰吐納養  
青牙至藥非金石風生自然歌上下凌景霄羽衣何  
婆娑五嶽非妾室玄都是我家下看榮競子篤似蛙  
與蟆顧盼塵濁中憂患自相羅荷未悟妙旨安事於  
道部

卷百五

子

仙詩上

琢磨禍湊由道泄密慎福臻多

昔生崑陵宮共講天年延金液雖可遐未若太和仙  
仰登冥仙臺虛想詠靈人忽遇扶桑王九老仙都真  
駕驟紫虬輦靈顏一何鮮啓我尋長途邀我自然津  
告以鴻飛術受以玉胎篇瓊膏凝玄炁素女爲我陳  
俯挹琳鳳腴仰上飄三天雲網立爾步五嶽可暫旋  
玄都安足達蓬萊在脚間傳受相親愛結友爲天人  
替即游刑對禍必無愚賢秘則享無傾泄則軀身顛

馬明生臨去詩三首

本傳明生廣安期先生負苦備嘗安期曰子真有仙骨遂受以太清金液丹方明生入華陰山餌之白日昇天臨去

著詩三首以示將來漢光武三年也

太和何久長人命將不永喻如朝露晞奄忽睡覺頃  
生生世所誤傷生由莫靜我將尋真人澄神挹容景  
盤桓崑陵宮玄都可馳騁涓子牽我遊太真來見省  
朝朝王母前夕歸鍾嶽嶺仰採瓊瑤葩俯漱琳琅井  
千齡猶一刻萬紀如電頃

天地自有常人命最險堯年若驚弦發時猶輕矢逝  
雖有灼灼姿玉爲塵土穢林草無秋輝綠葉豈終歲  
惜此繁茂摧哀彼寒霜厲有存理必亡有興故有廢  
真官戲玄津與物無凝滯神冲紫霄內形棲山水際  
道部

卷百五

子

對虛忘有懷游目託容裔風塵將何來真道故大

濁塗諒爲歎世樂豈足預振褐掃塵遐飄飄獨達舉  
寥寥巖嶽際蕭蕭縱萬慮靈真與我遊落景乘鴻御  
朝乘雲輪來夕駕扶搖去嗽嘈天地中囂聲安得附

陰長生古詩三首

神仙傳曰陰長生新羅人也博漢皇后之親屬從馬明生學度世之道後于丰都山中白日昇天長生臨仙去著詩三篇以示將來黃帝堅書後漢陰長生詩後曰忠州丰都山仙都觀朝金殿西壁有天成四年人書陰真君詩三章

維予之先佐命唐虞爰逮漢世紫艾重紆予獨好道  
而爲匹夫高尚素志不事王侯貪生得生亦又何求  
超跡蒼霄乘飛駕浮青要承翼與我爲仇入火不灼



蹈派不濡道遠大極何慮何憂遊戲仙都顧憫羣愚  
年命之逝如彼波流奄忽未幾泥土為儔馳走一作奔馳  
索歎不肖暫休

予之聖師體道知真昇騰變化松喬為鄰維予同學  
一十二人寒苦求道歷二十年中多急墮志行不堅  
痛乎諸子命也自天天不妄授道必歸賢身投幽壤  
何時可還嗟爾將來勤加精研勿為流俗富貴所牽  
神丹一成升彼九天壽同三光何但億千

維予垂髮少好道德棄家隨師東西南北委放五經  
辟世自匿二十餘年名山之側寒不遑衣飢不暇食

道部

卷百王

三

仙詩上

思不敢歸勞不敢息奉事聖師承悅顏色面垢足胝  
乃敢哀識遂傳要訣恩深不測妻子延年咸享無極  
黃白既成貨財千億役使鬼神玉女侍側予得度世  
神丹之力

四真人降魏夫人歌共五首

夫人齋于別寢忽有太極真人方諸

青童扶桑神王清虛真人來降授夫人八素隱書黃庭等經於是四真人吟唱各命玉女彈琴擊鐘吹簫合節而發太極經排空之歌青童吟太霞之曲神王謠晨啓之章清虛誦驚辭之

太極真人歌

丹明煥上清八風鼓太霞迴我神霄輦遂造玉嶺阿

咄嗟天地外九圍一作圍皆吾家上採白日精下飲黃  
月華靈觀空無中鵬路無間邪顧見魏賢安夫人濁  
氣傷爾和勤研玄中思道成更一作失相過

方諸青童歌

太霞扇晨暉一作七霞元氣無常形玄轡飛霄外八

景乘高淸手把玉皇袂携我晨中生吟顧七曜房朗  
朗亦冥冥超哉魏氏子有心復有精玄挺自嘉會金  
書東華名賢安密所研相期賜谷汧一作洛陽宮

扶桑神王歌

晨啓太帝室夕越匏瓜水碧海飛翠波連峰亦嶽峙

道部

卷百王

三

仙詩上

浮輪雲濤際九龍同轡起虎一作羽旂鬱霞津靈風翻  
然理華存夫人久樂道遂致高神擬拔徙三綠外感  
會乃方始相期陽洛宮道成携魏子

清虛真人歌二首

歛駕控清虛徘徊西華館瓊輪暨神杪一作華館虎

旂逐煙散慧風振丹旂明燭朗八煥解襟墉房裏神

鈴鳴禱榮一作瑤棲景若林柯一作阿九絃玄中彈遺我

積世憂釋此千年歎怡盼無極已於夜復待旦

紫霞舞玄空神風一作方無綱領歛然滿八區仇一作祝

爾豁靈境一作虛靜八牕無常朗有冥亦有冥洞觀三丹

景一作田寂寂生形景凝神泥丸內紫房何蔚炳大帝  
命我來有以應神挺相遇女弟子雲姿卓鑠整愧無  
郢石運益彼自然類劫密攝生道泄替結災告靈期  
自有時携袂陟松嶺

王母贈魏夫人歌

西王母傳曰紫微元君魏華存夫人清靜于陽洛隱元之

臺西王母與金闕聖君降於臺中乘八景輿同請清虛上宮傳王清隱書四卷以授華存是時三元夫人馮雙禮紫陽左仙石路成太極高仙伯延蓋公子西成真人王方平太虛真人南嶽赤松子桐柏真人王子喬等並降夫人小有清虛上宮絳房之中時夫人與王君爲賓王焉設瓊醪綠酒金觴四奏各命侍女陳曲成之鈞於是王母擊節而歌

駕我八景輿歘然入玉青龍旌拂霄漢上虎旂攝

道部

卷一百一

三

仙詩上

朱兵逍遙玄津際萬流無暫停哀此去留會劫盡天地傾當尋無中景不殊亦不生體彼自然道寂觀合太冥南嶽挺真幹玉英耀穎精有任靡期其一事虛心自受靈嘉會絳河曲相與樂未央

雙禮珠彈雲敷而答歌

玉清出九天神館飛霞外霄臺煥嵯峨靈夏秀蔚翳五華興翠華八風扇綠氣仰吟消魔詠俯研智與慧萬真啓晨景唱期絳房會挺穎德音子神映乃拂沛天嶽凌空樣洞臺深幽遠遊海悟井隘履真覺世穢儼輪宴重空筌魚自然廢廻我大椿羅長謝朝生世

高仙吟遊洞靈之曲

玉皇又命欽生入隱室見真乃各命侍女王延賢于廣運等彈雲林琴

之石辛白鶴鄭碎方燕婉來田雙連等四人

玉室煥東霞紫輦浮絳晨華臺何吟目此宴飛天元

清靜太無中眇眇躡景遷吟詠太洞童唱此三九篇

曲寢大漠內神王方寸問寂室思靈暉何事苦林山

須臾變衰翁廻爲孩中顏

魏夫人與衆真吟詩二首

夫人任城人晉司徒名華存字賢安幼而好道精黑恭介請老莊三傳味真耽玄常欲別居開處父母不許二

道部

卷一百一

三

仙詩上

十四適太保掾南陽劉文生二千乃離隔室宇齋於別寢後得道仙去時年八十三晉成帝咸和九年也

興寧四年丙寅四月二十七日夜降楊羲家作

玄感妙象外和聲自相招靈雲鬱紫晨蘭風扇綠輶上真宴瓊臺邈爲地仙標所期貴逮邁故能秀穎翹翫彼八素翰道成初不遑人事胡可預使邇形氣銷十二月一日夜南岳夫人作與許長史

靈谷秀瀾榮藏身棲嚴京被褐均袞龍帶索齊玉鳴形盤幽遼裏擲神太霞庭霄上有陞賢空中有真聲

抑我曲晨飛案北綠軒下觀八度內俯歎風塵縈  
解脫遺波浪登此眇眇清擾競三津竭奔馳割爾齡

### 太上宮中歌

手把八雲氣英明守二童太真握明鏡鑒合日月鋒

雲儀拂高關騎女坐玄房愈行愈鮮盛英靈自爾通

此歌正言耳目之經也  
南岳夫人喻許長史

### 萼綠華贈羊權詩

昇平三年已未十一月十日  
昇平三年已未十一月十日

夜降於羊權家自云是南山人不知何山也  
權字道興晉簡文帝黃門郎羊欣之祖綠華

云我本姓楊又云是九嶷山中得道女羅郁  
也宿命時曾為其師母毒殺乳婦玄洲以先

罪未滅故暫謫降臭濁以償其過贈權詩一  
篇并火幹布手巾一條金玉條脫各一枚又

### 道部

#### 卷百三

三六 仙詩上

授權尸解藥亦隱影化  
形而去今在湘東山中

神嶽排霄起飛峰鬱千尋寥籠靈谷虛瓊林蔚蕭森

羊生標美秀弱冠流清音棲情莊惠津超形象魏林

揚彩朱門中內有邁俗心 我與夫子族源胄同淵

池宏宗分上葉於今各異枝蘭金因好著三益方覺

彌 靜尋欣斯會雅綜彌齡祀誰云幽鑒難得之方

寸裏翹想樊籠外俱為山巖士無令騰虛翰中隨驚

風起遷化雖由人藩羊未易擬所期豈朝華歲暮於

吾子

### 九華安妃降楊司命詩二首

九華安妃晉興寧  
三年乙丑六月二

十五日夜與紫微王夫人降金壇楊義家紫  
微曰此上真元君金臺李夫人之少女也太  
虛元君昔遺詩龜山學上清道成受太上  
書署為紫清上宮九華真妃賜姓安名鬱嬪  
字靈蕭妃謂楊君曰君師南真夫人司命秉  
權道高妙備聞君德音盛久不期今日契冥  
運之會命揚漆筆授詩贈之○楊君名義本  
吳人來居句容性淵懿沈厚幼有通靈之鑒  
長史薦之相王用為公府舍人自隨簡文登  
極之後不復見有臨出得任真職輔佐東華  
為司命之任董司吳越神靈人鬼皆關攝  
之興寧三年乙丑歲衆真降受年三十六

雲闕豎空上瓊臺疎鬱羅紫官乘綠景靈觀藹嵯峨

琅軒朱房內上德煥絳霞俯漱靈瓶津仰掇碧柰花

濯足玉女池鼓柁牽牛河遂策景雲駕落龍轡玄阿

振衣塵滓際寒裳步濁波願為山澤結剛柔順以和

### 道部

#### 卷百三

三七 仙詩上

相携雙清內上真道不邪紫微會良謀唱約享福多

紫微夫人曰我復因爾作一紙文以相曉以

示善事耳楊又瑩紙漆筆夫人見授

二象內外泮玄氣果中分冥會不待駕所期貴得真

南岳鑄明金眇觀傾笈帋良德飛霞照遂感靈霄人

乘鸞儔衾寢齊牢携絳雲悟歎天人際數中自有緣

上道誠不邪塵滓非所聞同目咸恒象高唱為爾因

### 詩雋類函卷一百一十一終

詩集類函卷一百二十二

東吳俞安期彙纂

宣城梅鼎祚增定

新都汪人龍訂校

道部三

仙詩下 鬼神詩

○仙詩下

雲林與眾真吟詩十首

真詰翼真檢云併矜接所與有待無待諸詩及辭喻風旨皆是雲林應降嬪仙侯事義並亦表著而南真自是訓授之師紫微則下教之匠並不關爵結之例但中候昭靈亦似別有所在既事未一時故不正的的爾其餘男真或陪從所引或職司所任至如二君最為領據之主今人讀此詞旨故畧標大意宜共密之

道部

卷一百三十一

仙詩下

駕歛教八虛偈宴東華房阿母延軒觀朗嘯躡靈風

我為有待來故乃越滄浪

右右英王夫人歌

乘蹻遡九天自駕三秀嶺有待徘徊眄無待故當淨

滄浪奚足勞孰若越玄井

右紫微夫人荅右英歌

寫我金庭館鮮駕三秀畿夜芝披華鋒應作咀嚙充

長飢高唱無逍遙各興無待歌空同酬靈音無待將

如何

右桐柏山真人歌

王千喬

朝遊鬱絕山夕偃高暉堂振轡步靈鋒應作無近於

滄浪玄井三仞際我馬無津梁儵歛九萬間八維已

相望有待非至無靈音有所喪

右清靈真人歌

裴玄仁

龍旂舞太虛飛輪五岳阿所在皆逍遙有感興冥歌

無待愈有待相遇故得和滄浪奚足遼玄井不為多

鬱絕尋步間俱會四海羅豈若絕明外三劫方一過

右中候夫人歌

縱酒觀群惠倏忽四落周不覺所以然實非有待遊

相遇皆歡樂不遇亦不憂眾影玄空中兩會自然嘯

道部

卷一百三十二

仙詩下

右昭靈李夫人歌

駕歛登西華無待有待間或眄五岳峰或濯天河津

釋輪尋虛舟所在皆纏綿芥子忽萬頃中有須彌山

小大固無殊遠近同一緣彼作有待來我作無待觀

右九華安妃歌

無待太無中有待大有際大小同一波遠近齊一會

鳴絃玄頌嘯運八氣奚不酣靈液眄目娛九裔

有無得玄運二待亦相益

右太虛南岳真人歌

赤松子

偃息東華靜揚軒運八方俯眄丘垤間莫覺五岳崇

靈阜齊淵泉大小互相從長短無少多大椿須更終  
奚不委天順縱神任空同

右方諸青童君歌

控鷺扇太虛八景飛高仰浮紫晨外俯看絕落冥  
玄心空同間上下弗流停無待兩際中有待無所營  
體無則能歛體有則攝生東賓會高唱二待奚足爭  
命駕玉錦輪僊轡仰徘徊朝遊朱火宮夕宴夜光池  
浮景清霞杪八龍正參差我作無待遊有待輒見隨  
高會佳人寢二待互是非有無非有定待待各自歸

東賓東嶽上卿大茅君也

道部

卷百五

三

仙詩下

右南極紫元夫人歌

中候王夫人詩三首

東華夫人紫清內傳紀願東宮中候真夫人晉興寧

三年乙丑降金壇楊義家云周靈王有子三十八人子晉太子也師事嵩嶽浮丘公白日昇天中候名觀香字衆愛是宋姬子于子晉為別生妹晉興寧四年閏月三日與衆真降楊義家授詩是夕子晉兄弟五人妹二人凡七人得道弟眉壽即觀香同母兄也

八塗會無宗乘運觀蹕羅化浮塵中際解矜有道家

騁煙忽未傾攜真造靈阿虛景盤瓊軒玄鈞作鳳歌

適路無軌滯神音僊雲波齊德秀玉景何用世間多

噉此畢吟良久復噉曰

垣夷觀天真去累縱衆情體寂廢機駟崇有則攝生

焉得齊物子委運任所經

六月二十三日夜中候夫人作

登輶發東華扇鷺太玄飛轡騰九萬八落亦已均  
暫眄山水際窈窕靈岳間同風自齊氣道合理亦親  
龍芝永遐齡內觀攝天真東岑可長靜何為物所纏

方丈臺昭靈李夫人詩

方丈臺東宮昭靈李夫人者北元中玄道君李慶賓之女太保王郎李靈飛之妹也受書為東宮昭靈夫人治方丈臺第十三木館中東晉哀帝興寧三年乙丑八月二十二日夜與上元夫人紫微夫人右英夫人諸真同降真人楊義家作詩曰

雲幄帶天構七氣煥神馮瓊扉啓晨鳴九音絳樞中

道部

卷百五

四

仙詩下

紫霞興朱門香煙生綠牕四駕僊虎旗青輶擲玄空

華蓋隨雲列落鳳控六龍策景五岳阿三素眄君房

適聞臊穢氣萬濁汚我胸臭物薰精神囂塵互相衝

明玉皆璀璨何獨盛德躬高揖苦不早坐地自生蟲

十二月一日夜方丈左臺昭靈李夫人作與許

玉斧真誥翼真檢云二許雖文契高尚而質

為許立辭悉楊授旨疏以示許爾

飛輪高晨臺控轡玄壘隅手攜紫皇袂倏忽八風驅

玉華翼綠幃青扇翠裾冠軒煥崔嵬珮玲帶月珠

薄入風塵中塞鼻逃當途臭腥凋我氣百阿令心徂

何不颺然起蕭蕭步太虛

南極王夫人詩

南極王夫人王母第四女也名林字容真理太丹宮受書為金

關聖君上係司命居渤海陽丹海長離山中主

教當為真人者晉興寧四年丙寅六月二十

三日降真人楊義家與真人同會因吟授義曰

林振須類感雲蔚待龍吟玄數自相求觸節皆有音

飛軒出西華總戀忽來尋八遐非無娛同詠理自欽

悼此四維內百憂常在心俱遊北寒臺神風開爾襟

紫微王夫人詩一十七首

也晉興寧三年乙丑六月降揚義之家時與

太元真人桐柏真人右英夫人南岳夫人同

道部

卷五

五

仙詩下

七月二十六日夕紫微夫人喻作令與許長

史

高興希林虛遐遊無員方蕭條象數外有無自冥同

疊疊德韻和飄飄步太空盤桓任波浪振鈴散風中

內映七道觀可以得兼忘何必反覆酬待此世文通

玄心自冥悟嘿爾必高蹤

紫微夫人歌

九月三日

龜關辭魏魏壙臺落月珠列坐九靈房叩璫吟太無

玉簫和我神金醴釋我憂

又

宴酣東華內陳鈞千百聲青君呼我起折腰希林庭

羽帔扇翠暉玉珮何鏗零俱指高晨寢相期象中冥

玄瓏紫微夫人作

超舉步絳霄飛颺北隴庭神華映仙臺圓曜隨風傾

啓暉挹丹元扉景餐月精交袂雲林宇浩軫當作

童嬰蕭蕭寄無宅是非豈能營世網自擾競安可語

養生

九月六日夕紫微夫人喻作示許長史并與

同學同學謂

解輪太霞上斂轡造紫丘手把八空氣縱身雲中浮

道部

卷五

六

仙詩下

一眇造化網再視索高嶠道要既已足可以解千憂

求真得良友不去復何求

九月九日紫微夫人喻作因許示邨

紫空朗明景玄宮帶絳河濟濟上清房靈一作臺煥

嵯峨八輿造朱池羽蓋傾霄柯震風迴三晨金鈴散

玉華七轡降九陔宴眇不必家借問求道子何事坐

塵波豈能栖東秀養真收太和

十月十八日紫微夫人作

左把玉華蓋飛景躡七元三晨煥紫輝竦珥撫明真

變踊期須臾四面皆已神靈發無涯除勤思上清文



何事坐橫涂令爾感不專陰病陰鳥禁反病鳥賀失反此應作暗啞玄機不覺年歲分

紫微夫人吟此

玄清眇眇觀落景出東渟願得絕塵友蕭蕭罕世營

紫微夫人詩

靈人隱玄峯真人韜雲采玄唱非無期妙應自有待  
豈期虛空寂至韻固常在攜襟登羽宮同宴廣寒裏  
借問朋人誰所存惟玉子

紫微夫人歌此

考真誥當是丙寅二月三十日

褰裳濟淥河遂見扶桑公高會太林墟賞宴玄華宮

道部

卷一百一十五

七

仙詩下

信道荷淳篤何不栖東峰

此亦叙方諸東華之勝也

紫微夫人作

控景始暉津飛颺登上清雲臺鬱嵯峨閭闔秀玉城  
晨風鼓丹霞朱煙洒金庭綠葢飛玄峰紫華巖下生  
慶雲纏丹爐鍊玉飛八瓊宴眇廣寒宮萬椿愈童嬰  
龍旂啓靈電虎旗徵朱兵高真迴九曜洞觀均潛明  
誰能步幽道尋我無窮齡

又

翳藹紫微館鬱臺散景颺鸞唱華蓋間鳳鈞導龍輶  
八狼携絳旌素虎吹角簫雲勃寫靈宮來適塵中囂

解轡佳人所同氣自相招尋宗須臾頃萬齡乃一朝  
椿期會足哀劫往豈足遼真真乃相目莫令心徂那  
側交反虛刃揮至空鄙滯五神愁

四月十四日紫微夫人作二首

朝啓東晨暉飛輶越滄淵山波振青涯八風扇玄煙  
迴眇易遷房有懷感真人三金可遊盤東岑宜永甄  
紛紛當途中孰能步生津

又真誥併上

爲一首

飄飄八霞嶺徘徊飛晨蓋紫輶騰太虛曜眇九虛外  
玉簫激景雲靈煙絕幽藹高仙宴太真清唱無涯際

道部

卷一百一十五

八

仙詩下

去來山嶽庭何事有待邁

四月二十三日夜紫微夫人作

神玉暉靈津七元煥神扉靈遷方寸裏一躍登太微  
妙音乘和唱高會亦有機齊此天人眇協彼晨景飛  
總轡六合外寧有傾與危

紫微夫人作

考真誥閏月三日

薄宴塵颺領代謝緣還歸奚識靈劫期顧眇令人悲

又

雲草庵玄方仰感旋曜精洗洗繁茂萌重德必克昌  
雲林右英夫人詩二十首

雲林右英夫人名媚蘭字中林王母第十

三女也受書爲雲林官右英夫人治滄浪山  
晉興寧三年乙丑七月諸真同降於楊君因

寓言必可用不用是無情焉得駕歛跡尋此空中靈  
微音良有旨當用慎勿輕事事應神機保爾見太平

七月十八日夕雲林右英王夫人授詩與許

長史兼  
及採事

繼景落滄浪騰躍青海津絳煙亂太陽羽蓋傾九天  
雲輿浮空洞倏忽風波間來尋冥中友相携侍帝晨  
王子協明德齊首招玉賢下眄八阿宮上寢希林巔  
漱此紫瓊腴方知穢途辛佳人將安在勤之乃得親

道部

卷百五

九

仙詩下

右英夫人所喻七月二十六日

絳闕排廣霄披丹登景房紫旗振雲霞羽晨舞八風  
停蓋濯碧谿採秀月支峯咀嚙三靈華吐吸九神芒  
椿數無絕紀協日積重蒙携袂明眞館仰期無上皇  
北鈞唱羽人玉玄餐賢衆終云何波浪宇得失爲我  
鍾引領鸞庭內開心擬穢衝習適榮辱域罕躡希林  
宮一靜安足苦試去視滄浪

七月二十八日夕右英王夫人授書此詩以

與許長史

世珍芬馥交道宗玄霄會振衣尋冥疇迴軒風塵際

良德映靈暉頽拔粲華蔚密言多儻福冲靜尚眞貴  
咸恒當象順攜手同襟一作帶何爲人事間日焉生  
患害

九月三日夕雲林王夫人喻作令示許長史

騰躍雲景轅浮觀霞上空霄軒縱橫舞紫蓋託靈方  
朱煙纏旄旄羽帔扇香風電號猛獸攫雷吟奮玄龍  
鈞籟昆庭響金筑唱神鐘採芝滄浪阿掇華八涇峰  
朱顏日以新劫往方嬰童養形靜東岑七神自相通  
風塵有憂哀隕我白髮翁長冥遺遐歎恨不早逸蹤  
右英吟此

道部

卷百五

十

仙詩下

控晨浮紫煙八景觀派流羽童捧瓊漿玉華餞琳腴  
相期白水涯揚我菱蕤珠

九月六日夕雲林夫人喻作與許侯

滄房煥東霞紫造浮絳晨雙德秉道宗作鎮眞伯藩  
八臺可盼目北看乃飛元清靜雲中視眇眇躡景遷  
吐納洞嶺秀藏暉隱東山久安人事上日也無虛閒  
豈若易翁質反此孩中顏

九月九日夕雲林右英夫人作

晨闕太霞構玉室起霄清領畧三奇觀浮景翔絕冥  
丹華中有眞金映育挺精八風鼓錦披碧樹曜四靈

華蓋蔭蘭暉紫轡策綠駟結信通神交觸類率天誠  
何事外象感須覩瑤玉瓊

九月十八日夜雲林右英夫人作

二景秀鬱玄霄映明八方丹雲浮高宸逍遙任靈風  
鼓翼一作乘素鸞竦眄瓊臺中綠蓋入協晨青駟擲  
空同右揖東林帝上朝太虛皇玉寶剖鳳腦嗽酣飛  
蓋漿雲鈞回曲寢千音何琅琅錦旌召猛獸華幡正  
低昂香母折腰唱紫煙排棟梁總轡高闕解駕佳  
人房昔運挺未兆靈化順氣翔心眇玄涯感年隨積  
椿崇形垢甘臭味動靜失滄浪我友實不爾榮辱昨  
道部 卷百五十二 仙詩下

九月二十五日夜雲林右英夫人授作

絳景浮玄晨紫軒乘煙征仰超綠闕內俯眄朱火城  
東霞啓廣暉神光煥七靈翳映汎三燭流任自齊冥  
風纏空洞宇香音觸節生手携織女儻併衿匏瓜庭  
左徊青羽旗華蓋隨雲傾宴寢九度表是非不我營  
抱真栖太寂金姿日愈嬰豈似愆穢中慘慘無聊生  
十月十七日雲林夫人作與許侯

四旌曜明空朱軒飛靈丘玉蓋蔭七景鼓翼霄上浮  
九音朗紫空玉璫洞太無宴詠三辰宮唱嘯呼我儔

不覺椿已老豈知二景流佳人雖兼忘而未放百憂  
長林真可靜巖中自多娛

十月二十日授二首亦應是右英  
喻長史也

北登玄真闕攜手結高羅香煙散八景玄風鼓絳波  
仰超琅園津俯眄霄陵阿玉簫雲上唱鳳鳴動九遐  
乘氣浮太空曷爲躡山河金節命羽靈徵兵折萬魔  
齊挹三晨暉千春方嬰牙喪真投兢室不解可奈何  
又

仰眄太霞宮金閣曜紫清華房映太素四軒皆朱瓊  
擲輪空洞津總轡舞綠駟玉華飛雲蓋西妃運錦旌  
道部 卷百五十二 仙詩下

翻然塵濁涯儵歛佳人庭宿感應期降所招已在冥  
乘風奏霄晨共酣丹琳翬公侯徒眇眇安知真人靈  
右英夫人作此考真語次當是  
十二月一日

清晨挹絳霞總氣霄上游迴駟躡曲波遂覩世人憂  
辭旨蔚然起不散三秀嶠何若巡玄鄉撫璫爲爾娛  
君心安有際我願有中無

二月九日夜雲林夫人作此後入丙  
寅年事

轡景登霄晨遊宴滄浪宮綵雲繞丹霞靈藹散八空  
上真吟瓊室高仙歌琳房九鳳唱朱籟虛節錯羽鐘  
交栖金庭內結我冥中朋俱挹玉醴津倏忽已嬰童

云何當路蹲巡病隨日崇

二月十六日右英夫人作

晨遊太素宮控輶觀玉河夕宴鬱絕宇朝采圓景華  
彈璫北寒臺七靈暉紫霞濟濟高仙舉紛紛塵中羅  
盤桓囂藹內愆累不當多

二月三十日夜右英夫人作

駕風騁雲輶晨登太淳丘絳津連岑振清波鼓浚流  
步空觀九緯八綱皆已遊暫宴三金秀來觀建志儔  
勤懈不相掩是以積百憂

右英吟此

道部

卷百五

十三

仙詩下

紫闕構虛上玄館衝絕巖琳琅敷靈囿華生結瓊瑤  
騁輶滄浪津八風激雲韶披羽扇北翳握節鳴金簫  
鳳籟和千鐘四童歌晨朝心豁虛無外神襟何朗寥  
廻舞太空嶺六氣運重幽我途豈能尋使爾不終凋  
四月十四日夕右英夫人吟歌此曲

玄波振滄濤洪津鼓萬流駕景眎六虛思與佳人遊  
妙唱不我對清音與誰投雲中騁瓊輪何爲塵中趨

右英夫人作

松柏生玄嶺鬱爲寒林桀繁葩盛嚴氷未肯懼白雪  
亂世幽重岫巡生道常潔飛此逸轡輪投彼遐人轍

公侯可去來何爲不能絕

閏月三日夜右英夫人作示許長史

按晉歷  
丙寅閏

四月

清淨願東山廕景栖靈穴愔愔閑庭虛翳蒼青林密  
圓曜映南軒朱風扇幽室拱袂閑房內相期啓妙術  
寥朗遠想玄蕭條神心逸

右英吟此

蓬萊四真人詩

真誥曰典寧三年四月九日揚  
君夢北行登高山上有大宮室

數千間鬱鬱不可名四面皆大水仰見白龍  
身長數十丈東向飛行光彩曜天一老翁著  
繡衣裳芙蓉冠柱赤九節杖而立視之問  
公何人來登此宇答曰我蓬萊仙公洛廣休  
此蓬萊山吾治此上府君故來乃得相見耳  
君又問龍可乘否公曰此龍以待真人張誘

道部

卷百五

十四

仙詩下

世石慶安許玉斧丁瑋寧譬世輶車朱鳥更  
一日乘以上直待晨帝也須更公呼此四賢  
來張誘世年可五十五石慶安甚童蒙年可十  
三四許玉斧年如今日所見丁瑋寧年可三  
十四五公曰玉斧君師友也張誘世常山人  
公弟子也石慶安汲郡人鉤翼夫人弟子也  
因語四人曰並可作  
一篇詩以見府君

石慶安詩

靈山造太霞豎巖絕霄峯紫煙散神州乘輿駕白龍  
相攜四賓人東朝桑林公廣休年雖前壯氣何蒙蒙  
實未下路讓惟年以相崇

張誘世詩

北遊太漠外來登蓬萊闕紫雲構靈宮香煙何鬱鬱

美談洛廣休久在論道位羅併真人座齊觀白龍遊  
離式四人用何時共解帶有懷披襟友欣欣高晨會

許玉斧詩

遊觀奇山峙漱濯滄流清遙觀蓬萊間屹屹一作衝  
霄冥五芝被絳巖四階植琳瓊紛紛靈華散晃晃煥  
神庭從容七覺外任我攝天生自足方寸裏何用白  
龍榮

丁瑋寧詩

玄山構滄浪金房映靈軒洛公挺奇尚從容有無間  
形沈北寒宇三神棲九天同僚相率往推我高勝年

道部

卷百五

五

仙詩下

弱冠石慶安未肯崇尊賢嘲笑蓬萊公呼此廣休前  
明公將何以却此少年翰

西城真人王君常吟詠

形爲渡神舟泊岍當別去形非神常宅神非形常載  
徘徊生玄輪但苦心猶豫

小有真人王君常吟詠

清虛小有天王王  
子登南岳之師

失道從茲津三覓迷生且生生日已遠茲日已早  
悲哉苦痛客根華已顛倒起就零落塵焉知反枯老  
去月秋分日瑤臺大會四君吟此言以和玄鈞廣  
部之絃聲也十月十五日右英夫人說此令疏

方諸宮東華上房靈妃歌曲

紫桂植瑤圃朱華聲悽悽月官生蓋淵日中有瓊池  
左拔員靈曜右掣丹霞暉流金燦絳庭八景絕煙迴  
綠蓋浮明朗控節命太微鳳精童華顏琳腴充長飢  
控晨揖太素乘欵翔玉墀吐納六虛氣玉嬪把巾隨  
彈璫南雲扇香風鼓錦披叩商百獸舞六天攝神威  
儵欵億萬椿齡紀薛巍巍小鮮未烹鼎言我巖下悲  
按楊君記云東方赤氣中有言曰小鮮未烹鼎言我  
巖下悲當以此事諮啓司命故答稱此詩仍及下篇  
也

太微玄清左夫人北停一作宮中歌曲

鸞鵠非真墟太無爲我館玄公豈有懷縈蒙孤所難

道部

卷百五

十六

仙詩下

落鳳控紫霞矯鸞登晨岍寂寂無濠涯暉暉空中觀  
隱芝秀鳳丘逡巡瑤林畔龍胎嬰爾形八瓊迴素旦  
琅華繁玉宮結葩凌巖聚鵬扇絕億領拊翮扶霄翰  
西庭一作度命長歌雲璈乘虛彈八風纏綠宇叢煙豁  
然散靈童擲流金太微啓壁按三元折腰舞紫皇揮  
袂讚明朗扇景曜暉暉長庚煥超軒聳明刃下昞使  
我悅顧哀地仙輩何爲棲林澗晉興寧三年乙丑十  
二月十七日夜太元

辛玄子贈楊司命詩三首

玄子字延期龍西定  
谷人漢明帝時諫議

大夫辛隱之子也玄子少好至道享年不永  
沒命于長津西王母見我苦行鄴都北帝見

懸告敕司命攝取形骸使我願胎位為靈神  
近得度名南宮定策未陵藏精待時方列為  
仙而大帝見差領東海侯氏更生又還補禁  
元中郎將吳越見神之司故來相從今贈詩  
三篇以敘推情之至也○注云楊君從吳  
越司命董統見神玄子職錄方處相問故先  
造此詩  
陳情

疇昔入冥鄉順駕應靈招神隨空無散氣與慶雲消  
形非明玉質玄匠安能雕蹠足吟幽唱仰首翫鳴條  
林室有逸歡絕此軒外交遺景附圓曜嘉音何寥寥  
此篇敘事迹  
之本志也

寂道寄興感玄氣攝動音高輪雖參差萬刃故來尋  
蕭蕭研道子合神契靈秘委順浪世化心標窈窕林  
道部  
卷百五十一  
七  
仙詩下

同期理外遊相與靜東岑  
此篇中情寄  
之來緣也

命駕廣鄧阿逸跡幽冥鄉空中自有物有中亦無常  
悟言有無際相與會濠梁目擊玄解了鬼神理自忘  
此篇論神鬼  
之幽冥也

### 右英夫人引大洞真經

扶晨始暉生紫雲映玄阿煥洞圓光蔚晃明濯耀羅  
眇眇靈景元森灑空青華九天館玉賓金房煙霄歌  
外國呼曰為濯耀羅方諸真人呼曰為圓羅曜夢見  
此濯耀羅者日之應也紫雲中神者胎宮神也玄真  
之道矣日德應澤長生之象紫雲同晨曜安也身  
康神寧從此始矣○右英疏大洞真經言以釋夢羅  
端羅之義也

### 許長史答詩

微誠因理感積精洞幽真斐斐乘雲綵靈像憑紫煙  
眇眇濯圓羅佛佛駕飛輪玄翰啟矇昧顧景思自新  
長史既聞啟告賦詩一篇  
本注此即酬釋夢之旨也

### 許掾夢詩

四月二十七日夜半夢見一女子著  
王眉壽之小姊也相見時似如在山林之間  
云明日可暫出西門外有轎車白牛皮巾裏  
僕御頭者是我車也後別相  
請於貴解因口喻作詩如別

乘氣涉淶津采藥山中顛披心煥靈想蕭蕩無悟言  
願與盛德遊駟騁因緣榮塵何足尋疾激君清玄  
苟能攝妙觀吐納可長年  
王眉壽之小姊呼中候夫  
人掾既未接與故假夢以  
道部  
卷百五十一  
六  
仙詩下

通旨而有榮塵之  
何又恐非緣矣

### 杜廣平常喜歌一章

二年學道  
隱居華陽

杜契字廣平京兆杜陵人  
建安初渡江依孫策黃武

淳景翳廣林暖日東霞升晨風儼六煙勃鬱八道騰  
五嶽何必秀名山亦足陵矯首躡洞阜棲心潛中興  
吐納胎精氣玄白誰能勝  
保命若告許虎牙○保命  
者三官保命司不誤和

### 王暉詩

真仙通鑑曰道士王暉者魏時人白羊  
溪側則虎為之耕豹為之耘出入亦乘虎豹  
餌黃精食木其後以道術傳王法冲乃尸解  
而去常著袈裟百餘言以  
教人而人莫能曉其詞口

黃帝昇鼎湖乘素入紫煙明精陰不久運往馳龍旋



枯悴林將凋鮮鱗沈深淵遊仙騰霞觀喜作歲月綿  
畫占勿龜兆夕唱良有緣中岳鎮和氣般輪共成篇  
若能思得之賜與金一餅音駢

敬玄子歌

洞仙傳云敬玄子者修行中  
部之道存道守三一常歌曰

遙望崑崙山下有三項田借問田者誰赤子字元先

上生鳥

一作

靈木雙闕夾兩邊日月互相照神路帶

中間

一作

采藥三微嶺飲漱華池泉遨遊十二樓偃

蹇步中原意欲觀絳宮正植子丹眠金樓凭玉机華

蓋與相連顧見雙使者博著太行山長谷何崢嶸齊

城相接鄰縱我飛龍轡忽臨無極淵黃精生泉底芝

道部

卷百三

十九

仙詩下

草披岐川欲我將黃精流丹在眼前徘徊飲流丹羽  
翼奮迅鮮意猶未策外子喬提臂牽所經信自險所  
貴得神仙

郭四朝扣船歌四首

符秦時人見雲笈七籤○  
洞仙傳曰郭四朝者燕人

也秦時得道來句曲山南所住作塘過澗水  
今深基墟垣墻今猶有可識處四朝乘小船  
扣船歌曰

清池帶靈岫長林鬱青葱玄鳥翔幽野悟言出從容

鼓檝乘神波稽首希晨風未獲解脫期逍遙丘林中

晨風謂上清玉晨之風非毛  
詩所謂鳴鵲晨風之鳥也

浪神九陔外研道逐全真戢此靈鳳羽藏我華龍鱗

高舉方寸物萬吹皆垢塵顧哀朝生蜉蝣一作孰盡汝

車輪

女寵不敵席男愛不盡輪朝生蜉蝣  
蜉蝣也以喻人之在世易致消歇

遊空落飛颺靈步無形方圓景煥明霞九鳳唱朝陽

揮翻扇天津曉藹慶雲翔遂造太微宇挹此金梨漿

逍遙玄陔表不存亦不亡

玄陔九陔也皆入極之外  
九霞之頂名也飛登木星

亦云明東陽之陔故若士語處  
故云與汗漫期于九陔之上也

駕歛舞神霄披霞帶九日高皇齊龍輪遂造九華空

神虎洞瓊林風雲

一作

合成一開闔幽冥戶靈變玄

跡滅

四朝為玉臺執蓋  
即故云高皇齊輪

武夷君人間可哀之曲

武夷山記云武夷君地  
官也相傳每于八月十

道部

卷百三

二十

仙詩下

五日大會村人于武夷山止置幔亭化虹橋  
通山下村人既往是日大極玉皇太姥魏眞  
人武夷君三座空中告群村人為曾孫汝等  
若男若女呼坐乃命鼓師張安陵等作樂行  
酒今歌師彭令唱唱人  
間可哀之曲其詞曰

天上人間今會合疎稀日落西山今夕鳥歸飛百年

一餉今志與願違天宮咫尺今恨不相隨

○鬼神詩

紫玉歌

搜神記曰吳王夫差小女名玉悅童子  
韓重欲嫁之不得乃結氣而歎重遊學

歸往弔之玉形見于墓  
側履重延頭而歌曰

吳王女

南山有鳥北山張羅意欲一作從君讒言孔多悲結

成殄歿命身

黃墟命之不造宛如之何羽族之長

名爲鳳凰一日失雄三年感傷雖有衆鳥不爲匹雙  
故見去聲鄙姿逢君輝光身遠心近一作通何曾一作當暫一作

贈盧充詩

孔氏志惟曰盧充者范陽人家西三  
之忽見一里門如府舍門中一鈴下充問之  
答曰少府府也充進見少府展姓名酒炙數  
行崔曰近得尊府君書爲君索小女婚即載  
內令女即莊嚴使充就東廊充至婦已下車  
立席頭共拜焉三日畢還見崔崔曰君可歸  
矣女有娠生男當以相還崔送至門執手離  
別充便上車須臾至家居四年三月三日臨  
水戲忽見一積車乍浮乍沒既上听充往開  
車後戶見崔氏女與三歲男兒共載抱兒還  
充又與金盤別并贈詩充取兒盤及詩忽不  
見車

道部

卷百五

崔少府女

見神詩

煌煌靈芝質充麗何猗猗華豔當時顯嘉異表神奇  
含英未及秀中夏罹霜萎榮曜長幽滅世路永無施  
不悟陰陽運哲人忽來儀會淺離別速皆由靈輿祇  
何以贈予親金盃可願兒愛恩從此別斷絕傷肝脾

贈弦超

魏濟北郡從事掾弦超嘉平  
人姓成公字智瑗早失母天帝哀其孤苦令  
得下嫁超當其夢也嘉其非常覺寤歎想如  
此三四夕一旦顯然來駕輶軒車從入婢服  
羅綺之衣狀若飛仙自言年十七歲爲夫婦

成公智瑗

飄飄浮勃述教曹雲石滋芝英不須潤至德與時期  
神仙豈虛降應運來相之納我榮五族逆我致禍災

此其詩之大較其詩  
二百餘言不能悉舉

宛轉歌二首

神女宛轉歌續齊諧記曰晉  
善鼓琴年十八仕于東宮爲衛侯侍人少好學  
過吳維舟中消登亭望月悵然有懷乃倚琴  
歌法露之詩俄聞戶外有嗟賞聲見一女子  
雅有顏色謂敬伯曰女郎悅君之琴與共撫  
之敬伯許焉既而女郎至妾質婉麗純有餘  
態從以二少女一則向先至者女郎乃撫琴  
揮絃調韻哀雅類今之登歌曰古所謂楚明  
君也唯嵇叔夜能爲此奏自茲以來傳習數  
人而已復鼓琴歌遲風之詞因嘆息久之乃  
命大婢酌酒小婢彈箏作宛轉歌女郎脫  
頭上金釵扣琴絃而和之音韻清越凡八  
曲敬伯雅憶二曲將去留錦卧具繡香囊并  
佩一雙以遺敬伯敬伯報以牙火籠玉琴軫  
女郎悵然不忍別且曰深閨獨處十有六年  
矣邂逅旅館盡平生之志蓋冥契非人事也  
言竟便去敬伯船至虎牢成吳令劉惠明者

道部

卷百五

劉妙容

見神詩

有愛女早世舟中亡卧具于敬伯船獲焉敬  
伯俱以告果于帳中得火籠琴軫女郎名妙  
容字雅華大婢名春條年二十許小婢名挑  
枝年十五皆善彈箏篴及宛轉歌相繼俱卒  
唐李端又有王敬  
伯歌亦出于此

月既明西軒琴復清寸心斗酒爭芳夜千秋萬歲同  
一情歌宛轉宛轉淒以哀願爲星與漢光影共徘徊

二

悲且傷參差淚成一作幾行低紅掩翠方無色金微玉

軫爲誰鏘歌宛轉宛轉情復悲願爲煙與霧氛一作風

氤對容姿

低露下深幕垂月照孤琴空絃益霄淚誰憐此夜心

二

歌宛轉情復哀願為煙與霧氛氲同共懷

貽張碩詩曹毗杜蘭香別傳曰杜蘭香自稱南

十七望見其車在門外婢通言阿母所生遺

授配君君可不敬從傳先改名碩碩呼女前

視可十八九說事選然久達有婢子二人

者蓋枝小者松枝細車青牛上飲食皆備作

詩云云至其年八月旦來復作詩云云出著

豫子三枚大如鷄子云食此令君不畏風波

碎寒溫碩食二枚留一香令碩盡食言本為

君作妻情無贖遠以年命未合有小乖太歲

東方卯當

還求君

阿母處靈嶽時遊雲霄際眾女侍羽儀不出壩官外

鸞輪送我來豈復耻塵穢從我與福俱嫌我與禍會

道部

卷百五

三

見神詩

八月再貽張碩

逍遙雲霧間呼吸一作發九疑游女不稽路弱水何

不之曹毗傳曰桂陽張碩為神女杜蘭香所降賦因

青溪小姑歌二首吳均續齊歌詩十篇甚有文彩

死吳孫權時封中都侯立廟鍾山

異苑曰青溪小姑蔡侯第三妹也

日暮風吹葉落依枝丹心寸意愁君未知

歌闌夜已久繁霜侵曉幕何意空相守坐待繁霜落

鬼仙歌謠出異苑

登阿儂孔雀樓遙開鳳凰鼓下我鄒山頭彷彿見梁

魯

小牕詩鍾師古隋遺錄曰楊帝昏通常遊吳公

數篇帝止記小牕

及寄付兒碧玉詩

陳後主

午夢醒來晚無人夢自驚夕陽如有意偏傍小牕明

隋渠詩海山記曰隋楊帝夕汎舟北海忽見水

上有小舟至乃陳後主也帝起迎之後

道部

卷百五

三

見神詩

主曰聞陛下開隋渠引洪河

陳後主

隋室開茲水初心謀大賒一千里力役百萬民吁嗟

水殿不復返龍舟成小瑕溢流隨陡岸濁浪噴黃沙

子 213-331

白日徒昭昭不照長夜臺雖知生者樂魂魄安能迴  
沉復念所親慟哭心肝摧慟哭更何言哀哉復哀哉

答幽獨君

唐

神仙不可學形化空游魂白日非我朝青松爲我門  
雖復隔幽顯猶知念子孫何以遣悲惋萬物歸其根  
寄語世上人莫厭臨芳樽莊生問枯骨王樂成虛言

追和幽獨君次韻二首

唐皮日休

念爾風雅魄幽咽猶能文空令傷魂鳥啼破山邊墳

二

恨劇但埋土聲幽難放哀墳古春自晚愁緒空崔嵬

道部

卷百五

五

鬼詩

白楊老無花根枯侵夜臺天高有時裂川去何時迴  
雙睫不能濡六藏無可摧不聞塞蓬事何必深悲哉

和幽獨君詩次韻二首

唐陸龜蒙

靈氣獨不死尚能成綺文如何孤窆裏猶自讀三墳

二

落日送萬古秋聲含七哀枯株不蕭瑟枝幹虛崔嵬  
伊昔臨大道歌鍾醉高臺臺今已平地祇有春風迴  
明月白草必積陰荒隴摧聖賢亦如此慟絕眞悠哉

詩雋類函卷一百二十二終

詩雋類函卷一百二十三

東吳俞安期彙纂 宣城梅鼎祚增定

新都汪人龍訂校

道部四

道士總載 女道士

丹竈

金附

○道士總載

送別 寄 哭挽

尋訪

逢遇

不遇

詠禪思道人

并序

晉釋支遁

孫長樂作道士坐禪之像并而讚之可謂因俯對  
以寄誠心求參焉於衡扼圖巖林之絕勢想伊人  
之在茲予精其制作美其嘉文不能默已聊著詩  
一首以繼于左其辭曰

道部

卷百五

道士總載

雲岑竦太荒落落英岳布迴壑佇蘭泉秀嶺攢嘉樹  
蔚蒼微遊禽崢嶸絕蹊路中有冲希子端坐羣一作  
太素自強敏天行弱志慾無欲音玉質陵風霜淒淒  
厲清趣指心契寒松綢繆諒歲暮會衷兩息間綿綿  
進禪務投一滅官知攝二由神遇承蜩壘危九累十  
亦凝注懸想元氣地研幾革羣慮冥懷夷震驚泊然  
肆幽度曾筌攀六淨空同浪七住逝虛乘有來永爲  
有待馭

贈李榮道士

唐盧照隣

錦節銜天使瓊仙駕羽君投金翠山曲莫壁清江濱

開丹鼎方壇聚絳雲資脫幽難識空歌迴易分  
星梭十洲影日亂九江文敷誠歸上帝昭應在明君  
獨有南冠客耿耿泣離群遙看八會所真氣曉氣氤

代女道士王靈妃贈道士李榮 唐駱賓王 初

玄都五府風塵絕碧海三山波浪深桃實千年非易  
得桑田幾變已難尋別有仙居對三市金闕銀宮相  
向起臺前鏡影伴仙娥樓上簫聲隨鳳史鳳樓迢遞  
絕塵埃鸞時物色正徘徊靈芝紫檢參差長仙桂丹  
花重疊開雙童綽約時遊陟三鳥聯翩報消息盡言  
眞侶出遨遊傳道風光無限極輕花委砌惹香殘

道部

卷百三

道士總集

月窺窓規幌色箇時無數併妖妍箇裏無窮總可憐  
別有衆中稱黜帝天上人間少流例洛濱仙駕啓遙  
源淮浦靈津符遠筮只言少小慕幽玄冥言容易得  
神仙佩中邀勒經時序簫裏尋思復幾年尋思許事  
眞情變二八容華識少選漫道燒丹止七飛空傳化  
石曾三轉寄語天上弄機人寄語河邊值查客乍可  
忽忽共百年誰使遙遙期七夕想知人意自相尋果  
得深心共一心一心一意無窮已投漆投膠非足擬  
只將羞澁當風流持此相憐保終始相憐相念倍相  
親一生一代一雙人不把丹心比玄石誰將濁水況

清塵只言柱下留期信好欲將心學松蘿不能京兆  
畫蛾眉翻向成都騁騁引青牛紫氣度靈關尺素絕  
鱗去不還連苔上砌無窮綠脩竹臨墻幾處斑此時  
空牀難獨守此日別離那可久梅花如雪柳如絲年  
去年來不自持初言別去寒偏在何悟春來春更思  
春時物色無端緒雙枕孤眠誰分許念念嬌鶯一種  
啼生憎燕子千般語朝雲旭日照青樓遲暉麗色滿  
皇州落花汎汎浮靈沼垂柳長長拂御溝御溝大道  
多奇賞俠客妖容遞來往寶騎蓮花鐵作錢香輪驚  
水珠爲網香輪寶騎競繁華可憐今夜宿娼家鸚鵡

道部

卷百三

道士總集

杯中浮竹葉鳳凰琴裏落梅花許輩多情偏送款爲  
問春花幾時滿千回鳥信說衆諸百過鶯啼說長短  
長短衆諸判不尋千回百過浪關心何曾舉意西鄰  
玉未肯畱情南陌金南陌西隣咸自保還轡歸期須  
及早爲想三春狹斜路莫思九折卽關道假令白里  
似長安枉使青牛學劍端蘋風入馭來應易竹杖成  
龍去不難龍驤去去無消息鸞鏡朝朝減容色君心  
不記下山人妾欲空期上林翼上林三月鴻欲稀華  
表千年鶴未歸不分淹留桑路待祗應直取桂輪飛

贈道士

唐駱賓王 初

霧濃金竈靜雲暗玉壇空野花香捧露山葉自吟風  
林泉明月在詩酒故人同待余逢石隨從爾命飛鴻

於紫雲觀贈道士

并序

唐駱賓王

初

余鄉國一辭江山萬里昔年離別還同塞北之鳬  
今日歸來即以遼東之鶴先生情均得免忘筌之  
契已深路是忘羊分岐之恨愈切不題短什何汰  
衷襟

碧落澄秋景玄門啓曙關人疑列禦至客似令威還  
羽蓋徒欣仰雲車未可攀只應傾玉醴時許寄顏

山居晚眺贈王道士

唐王勃

初

道部

卷百五

四

道士總載

金壇殊俗宇玉洞似仙群花枝栖晚露峰葉度晴雲  
斜照移山影迴沙擁籀文琴尊方待興竹樹已迎曛

賜道士鄧紫陽

唐玄宗

太乙三門訣元君六甲符下傳金版術上刻玉清書  
有美探真士囊中得祕書自茲三醮後翊我滅殘胡

贈焦道士

唐王維

盛

海上遊三島淮南預八公坐知千里外跳向一壺中  
縮地朝珠闕行天使玉童飲人聊割酒送客乍分風  
天老能行氣吾師不養空謝君徒雀躍無可問鴻濛

贈東嶽焦鍊師

唐王維

盛

先生千歲餘五嶽遍曾居遙識齊侯鼎新過王母廬  
不能師孔墨何事問長沮玉管時來鳳銅盤即釣魚  
竦身空裏語明目夜中書自有還丹術時論太素初  
頻蒙露版詔時降軟輪車山靜泉逾響松高枝轉疎  
支頤問樵客世上復何如

貽韋鍊師

唐儲光義

盛

精思莫知日意靜如空虛三鳥自來去九光遙卷舒  
新池近天井玉宇停雲車余亦苦山路洗心祈道書  
酬贈李鍊師見招

唐白居易

中

道部

卷百五

五

道士總載

歛欲騎鶴背覓長生劉綱有婦仙同得伯道無兒累  
更輕若許移家相近住便驅鷄犬上層城

靈都觀李道士

唐張籍

中

山觀雨來靜遶芳壇草春素書天上字花洞古時人  
泥竈煮靈液掃壇朝玉真幾迴遊閬苑青節亦隨身

贈道士

唐張籍

中

茅山近別剎谿逢玉節青旄十二重自說年年天上  
去羅浮最近海邊峰

山中道士

唐賈島

中

頭髮梳千下休糧帶瘦容養雛成大鶴種子作高松



白石通宵煮寒泉盡日春不曾離隱處那得世人逐

題南峰諸道士

唐千鶴中

得道南山久曾教四皓基閉門醫病鶴倒篋養神龜  
松際風長在泉中草不衰誰知茅屋裏有路向峨嵋

贈王屋道士赴詔

唐王建中

玉皇符到下天壇玳瑁頭簪白角冠鶴遺隄中童子  
養鹿憑山下老人看

贈道者

唐李端中

空中忽有鶴飛聲方士因知道欲成來取圖書安枕  
裏便驅鷄犬向山行花開深洞仙門小路過懸橋羽

道部

卷五十五

道士總載

節輕送客自傷身易老不知何處待先生

贈道者

唐朱慶餘中

自識來清瘦尋常語論真藥成休伏火符驗不傳人  
獨有年過鶴曾無病到身潛教問弟子居處與誰鄰

贈辟穀者

唐張籍中

學得餐霞法逢人與小還身輕會試鶴力弱未離山  
無食犬猶在不耕牛自閑朝朝空漱水叩齒草堂間

華頂道者

唐項斯晚

仙人掌中住生有上天期已廢燒丹處猶多種杏時  
養龍於淺水寄鶴在高枝得道復無事相逢盡日茶

贈道者

唐項斯晚

晏來知養氣度日語時稀到處留丹井終寒不絮衣  
病鄉多惠藥鬼俗有符威自說身輕健今年數夢飛

王道者

唐韋莊晚

五雲遙指海中央金鼎曾傳肘後方三島路岐空有  
月十洲花木不知霜因携竹杖聞龍氣爲使仙童帶  
橘香應笑吾曹身是夢白頭猶自學詩狂

贈道者

唐馬戴晚

深居白雲穴靜注赤松經往往龍潭上焚香禮斗星

上太皇先生

唐章孝標晚

道部

卷五十五

道士總載

斲藥雲根斷眠花石面平折松開月色決水放秋聲  
顏爲忘憂嫩身緣絕粒輕圍碁看局勢對鏡戮妖精  
過海量鯨力歸天筭鶴程露凝鐘乳冷風定玉簫清  
坐覺衣裳古行疑羽翼生

贈華陽宋真人兼寄清都劉先生

唐李商隱晚

論謫千年別帝宸至今猶謝蕊珠人但驚茅許同仙  
籍不道劉盧是世親玉檢賜書迷鳳篆金華歸駕冷  
龍鱗不因杖屨逢周史徐甲何曾有此身

寄天台司馬道士

以下寄

唐宋之問初

卧來生白髮覽鏡忽成絲遠媿餐霞子童顏且自持  
舊遊惜疎曠微尚日磷緇不寄西山藥何由東海期

寄天台司馬道士

唐張說

世上求真客天台去不還傳聞有仙夢寐在茲山  
朱闕青霞斷瑤堂紫月閑何時枉飛鶴笙吹接入間

寄天台司馬道士

唐崔湜

聞有三元客祈仙九轉成人間白雲返天上赤龍迎  
尚惜金芝晚仍攀琪樹榮何年緱嶺上一謝洛陽城

寄天台道士

唐孟浩然

海上求仙客三山望幾時焚香宿華頂露採靈芝

道部

卷百五

寄司馬山人十二韻

唐杜甫

關內昔分袂天邊今轉蓬驅馳不可說談笑偶然同  
道術曾留意先生早擊蒙家家迎薊子處處識壺公  
長嘯峨嵋北潛行玉壘東有時騎猛虎虛室使仙童  
髮少何勞白顏衰肯更紅望雲悲輶軻畢景羨沖融  
喪亂形仍役淒涼信不通懸旌要路口倚劍短亭中  
永作姝方客殘生一老翁相哀骨可換亦遣馭清風  
白龍窟汎舟寄天台學道者唐常建

夕映翠山深餘暉在龍窟扁舟滄浪意淡淡花影沒

西浮入天色南望對雲關因憶莓苔峰初陽濯玄髮

泉蘿兩幽映松鶴間清越碧海瑩子神王膏澤人骨  
忽然為枯木微興遂如兀應寂中有天明心外無物  
還廻從所汎夜靜猶不歇澹然意無限身與波上月

寄焦鍊師

唐李頎

得道凡百歲燒丹唯一身悠悠孤峰頂日見三花春  
白鶴翠微裏黃精幽澗濱始知世上客不及山中  
仙境若在夢朝雲如可親何由覩顏色揮手謝風塵

寄龍山道士許法稜

唐劉長卿

悠悠白雲裏獨住青山客林下晝焚香桂花同寂寂

道部

卷百五

九

寄劉黃二尊師

唐韋應物

廬山兩道士各在一峰居矯掌白雲表晞髮陽和初  
清夜降真侶焚香滿空虛中有無為樂自然與世疎  
道尊不可屈符守豈暇餘高齋遙致敬願視一編書

寄劉尊師

唐韋應物

世間荏苒縈此身長望碧山到無因白鶴徘徊看不  
去遙知下有清都人

寄黃尊師

唐韋應物

結茅種杏在雲端掃雪焚香宿石壇靈祇不許世人  
到忽作雷風登嶺難

答東林道士

唐韋應物

紫閣西邊第幾峰，茅齋夜雪虎行蹤。  
遙看黛色知何處，欲出山門尋暮鐘。

寄全椒山中道士

唐韋應物

今朝郡齋冷，忽念山中客。  
澗底東一作荆薪歸來煮白石，欲持一瓢酒，遠慰風雨夕。  
落葉滿空山，何處尋行跡。

寄續萼師

唐于鵠

得道任髮白，亦逢城市遊。  
新經天上取，稀藥洞中收。  
春木帶枯葉，新蒲生漫流。  
年年望靈鶴，常在此山頭。

寄許鍊師

唐戎昱

掃石焚香禮碧空，露華偏濕蕊珠宮。  
如何說得天壇上，萬里無雲月正中。

寄清溪道者

唐

萬重千疊紅霞障，夜燭朝香白石龕。  
常記溪鵲凭危檻，看經影落古龍潭。

寄永道士

唐李商隱

共上雲山獨下遲，陽臺白道細如絲。  
君今併倚三珠樹，不記人間落葉時。

尋蘇道士

唐王績

暫出東坡路，過訪北巖前。  
蔡經新學道，王烈舊成仙。  
駕鶴來無日，乘龍去幾年。  
三山銀作地，八洞玉爲天。  
金精飛欲盡，玉髓溜應堅。  
自悲生世促，無暇待桑田。

遊清都觀尋沈道士得清字

唐許敬宗

幽人蹈箕穎，方士訪蓬瀛。  
豈若逢真氣，齊契體無名。  
既詮衆妙理，聊暢遠遊情。  
縱心馳貝闕，怡神想玉京。  
或命餘杭酒，時聽洛濱笙。  
風衢通閬苑，星使下層城。  
蕙帳晨飈動，芝房夕露清。  
方叶棲遲趣，于此聽鐘聲。

同工部李侍郎適訪司馬子微

唐沈佺期

紫微降天仙，丹地投雲藻。  
上言華頂事，中問長生道。

華頂居最高，大壑朝陽早。  
長生術何妙，童顏後天老。  
清晨朝鳳京，靜夜思鴻寶。  
憑憑飲蕙氣，過礪摘靈草。  
人非塚已荒，海變田應燥。  
昔嘗遊此郡，三霜弄溟島。  
緒言霞上開，機事塵外掃。  
頃來迫世務，清曠未云保。  
崎嶇待漏思，怵惕司言造。  
軒皇重齋拜，漢武愛祈禱。  
順風懷崆峒，承露在豐鎬。  
冷然委輕馭，復得散幽抱。  
柱下留伯陽，儲闈登四皓。  
聞有參同契，何時一探討。

彭澤先生柳山陰，道士鵝我來。  
從所好，停策夏陰多。  
重以觀魚樂，因之鼓枻歌。  
崔徐迹未朽，千載揖清波。

謁李尊師

唐奚賈盛

萬物返常性唯道貴自然先生容其微隱几爲列仙  
鍊魄閉瓊戶養毛飛洞天將知道遙久得道無歲年

尋雍尊師隱居

唐李白盛

群峭碧磨天逍遙不記年撥雲尋古道倚樹聽流泉  
花暖青牛卧松高白鶴眠語來江色暮獨自下寒煙

尋華山雲臺觀道士

唐錢起中

秋日西山明勝趣引孤策桃源數曲盡洞口兩岸折  
還從罔象來忽得仙靈宅霓裳誰之子霞酌能止客  
殘陽在翠微携手更登歷林行拂煙雨溪望亂金碧

道部

卷百五

十一 道士總載

飛鳥下天窓裏松際雲壁稍尋玄蹤達宛入寥天寂  
願言葛仙翁終年鍊玉液

過瑞龍觀道士

唐錢起中

不知誰氏子鍊魄家洞天鶴待成丹日人尋種杏田  
靈山含道氣物性皆自然白鹿顧瑞草驪龍蟠玉泉  
得茲象外趣便割區中緣石竇采雲母霞堂陪列仙  
主人善止客柯爛忘歸年

春日尋柳先生

唐耿漳中

言是商山老塵心莫問年白髯垂策短烏帽據梧偏  
酒熟飛巴雨丹成見海田疎雲披遠水景動石牀前

同韋員外開元觀尋時道士 唐張籍中

觀裏初晴竹樹涼閒行共到最高房昨來官罷無生  
計欲就師求斷穀方

尋徐道士

唐張籍中

尋師遠道暉天觀竹院森森閉藥房聞入靜來經七  
日仙童簷下獨焚香

過觀樓李尊師

唐盧綸中

城闕望煙霞常悲仙路賒寧知樵子逕得到葛洪家  
犬吠松間月人行洞裏花留詩千歲鶴送客五雲車  
訪世山空在觀某日未斜不知塵俗士誰解種胡麻

道部

卷百五

十二 道士總載

尋賈尊師

唐盧綸中

玉洞秦時客焚香映綠蘿新傳左慈訣曾與右軍鵝  
井臼陰苔遍方書古字多成都今日雨曾與酒相和

酬暢當尋嵩嶽麻道士見寄

唐盧綸中

聞逐樵夫閑看碁忽逢人世是秦時開雲種玉嫌山  
淺渡海傳書怪鶴遲陰洞石幢微有字古壇新樹半  
無枝煩君遠視青囊錄願得相從一問師

山中訪道者

唐于鵠中

觸煙入溪口岸岸唯煙樸其中盡碧流十里不通屐  
出林山始轉絕徑緣峭壁把藤借行勢側足憑石脉

顛牙斷行處光滑猿猱迹忽然風景異乃到神仙宅  
天晴茅屋頭殘雲蒸氣白隔牕梳髮聲久立聞吹笛  
抱琴出門來不顧人間客山院不灑掃四時自虛寂  
落葉埋長松出地纔數尺曾讀上清經知注長生籍  
願示不死方何山有瓊液

尋紀道士偶會諸叟

唐李益中

山陰尋道士映竹羽衣新侍坐雙童子陪遊五老人  
水松花下靜壇草雪中春見說桃源洞如今猶避秦

山中逢道士雲公

以下逢遇

唐孟浩然盛

春餘草木繁耕種滿田園酌酒聊自勸農夫安與言

道部

卷百五

十四

道士總集

忽聞荆山子時出桃花源採樵過北谷賣藥來西村  
村煙日云夕榛路有歸客杖策前相逢依然是疇昔  
邂逅歡觀止殷勤敘離隔謂予搏扶桑輕舉振六翮  
奈何偶昌運獨見遺草澤既笑接輿狂仍憐孔丘厄  
物情趨勢利吾道貴閑寂偃息西山下門庭罕人跡  
何時還清溪從爾煉丹液

越中逢太一子

唐孟浩然盛

仙穴逢羽人停轡向前拜問予涉風水何事遠行邁  
登陸尋天台順流下吳會茲山夙所尚安得問靈怪  
上逼青天高俯臨滄海大鷄鳴見日出每與神仙會

去赤城中逍遙白雲外莓苔異人間瀑布作空界  
福庭長自然華頂舊稱最永懷從此遊何當濟所屈  
訪道安陵遇蓋還爲余造真籙臨別留贈

唐李白盛

清水見白石仙人識青童安陵蓋夫子十歲與天通  
懸河與微言談論安可窮能令二千石撫背驚神聰  
揮毫贈新詩高價掩山東至今平原客感激慕清風  
學道北海仙傳書藥珠宮丹田了玉闕白日思雲空  
爲我草真籙天人慚妙工七元洞豁落八角輝星虹  
三災蕩璇璣蛟龍翼微躬舉首謝天地虛無齊始終

道部

卷百五

十五

道士總集

黃金滿高堂蒼荷難克充下笑世上士沈魂北羅鄴  
昔日萬乘墳今成一科蓬贈言若可重實此輕華嵩  
就道士問易參同契

唐王昌齡盛

仙人騎白鹿髮短耳何長時余採菖蒲忽見嵩之陽  
稽首求丹經乃出懷中方披讀了不悟歸家問嵇康  
嗟余無道骨發我入太行

玄元觀尋李先生不遇

以下

唐魏知古初

羽客今何在空尋伊洛間忽聞歸舊縣復想入函關  
未作千年別猶應七日還神仙不可見寂寞返蓬山  
訪戴天山道士不遇

唐李白盛

犬吠水聲中桃花帶雨濃樹深時見鹿谿午不聞鐘  
野竹分青霽飛泉挂碧峰無人知所去愁倚兩三松

高山尋馮鍊師不遇

唐崔曙

青谿訪道凌煙曙王子仙成已飛去更值空山雷雨  
時雲林薄暮歸何處

尋洪尊師不遇

唐劉長卿

古木無人地來尋羽客家道書堆玉案仙帔疊青霞  
鶴老難知歲梅寒未作花山中不相見何處化丹砂

訪嵩陽道士不遇

唐孟郊

先生五嶽遊火焰藏金鼎日下鶴過時人間空落  
道部

卷百五

十六

道士總藏

影常言一粒藥不墮生死境何當列禦寇去問仙  
人請

尋郭道士不遇

唐白居易

郡中乞暇來相訪洞裏朝元去不逢看院祇留雙白  
鶴入門唯見一青松藥爐有火丹應伏雲碓無人水

自春欲問參同契中事更期何日得從容

尋趙尊師不遇

唐姚鵠

羽客朝元晝掩扉林中一逕霧中微松陰遶院鶴相  
對山色滿樓人未歸盡日獨思風馭返寥天幾望野  
雲飛憑高目斷無消息自醉自吟愁落暉

期王鍊師不至

唐馬戴

黃精蒸罷洗瓊杯林下從留石上苔昨日圍碁未終  
局多乘白鶴下山來

王屋山送道士司馬承禎還天台

唐詹宗

紫府求賢士清溪祖逸人江湖與城闕異迹且殊倫  
聞有幽棲者居然厭俗塵林泉先得性芝桂欲調神  
地道踰鷄嶺天台接海濱音微從此間萬古一芳春

送趙法師還蜀因名山真簡

唐玄宗

道家真靈簡自昔仰神仙真子今將命蒼生福可傳

道部

卷百五

十七

道士總藏

江山尋故國城郭信依然二室遙相望雲迴洞裏天  
送田道士使蜀投龍

唐宋之問

風馭忽泠然雲臺路幾千蜀門峰勢斷巴字水形連

送司馬先生

唐李嶠

蓬閣桃源兩處分人間海上不相聞一朝琴裡悲黃  
鶴何日山頭望白雲

送楊道士往天台

唐張九齡

鬼谷還成道天台去學仙行應松子化留與世人傳  
此地煙波遠何時羽駕旋當須一把袂城郭共依然



送張道士歸山

唐王維 盛

先生何處去王屋訪茅君別婦留丹訣驅雞入白雲  
人間苦難住一作若天上復離羣當作遼城鶴仙歌  
使爾聞

送王尊師歸蜀

唐王維 盛

大羅天上神仙客濯錦江頭花柳春不爲碧鷄稱使  
者唯令白鶴報鄉人

送李青歸南華陽川

唐李白 盛

伯陽仙家子容色如青春日月秘靈洞雲霞辭世人  
化心養精鬼隱几宵天真莫作千年別歸來城郭新  
道部 卷百三 十八 道士總藏

送方士趙叟之東平

唐李白 盛

長桑曉洞視五藏無全牛趙叟行秘訣還從方士遊  
西過獲麟臺爲我弔孔丘念別復懷古潸然空淚流  
奉餞高尊師如貴道士傳道錄畢歸北海

唐李白 盛

道隱不可見靈書藏洞天吾師四萬劫歷世遞相傳  
別杖留青竹行歌躡紫煙離心無遠近長在玉京懸  
獻八舅東歸 唐儲光義 盛

高位莫能捨捨之世所賢雲車遊日華豈比龍樓前  
寢席乃就枕情感唯靈仙帝鴻師道宗臣彭亦長年

天書加羽服又許歸東川鏡水涵太清禹山朝上玄  
誠亡眞混沌玉立好嬋娟素業作仙居子孫當自傳  
門多松柏樹篋有逍遙篇獨往不可羣滄海成桑田

送暨道士還玉清觀

唐李頎 盛

仙官有名籍度世吳江濱大道本無我青春長與君  
中州俄已到至理得而聞明主降黃屋時人看白雲  
空山何窈窕三秀日氤氲遂此留書客超遙煙駕分

送王道士還山

唐李頎 盛

嵩陽道士餐柏實居處三花對石室心窮伏火陽精  
丹口誦淮王萬畢術自言神訣不可求我師聞之玄  
道部 卷百三 十九 道士總藏

圃遊出入彤庭佩金印承恩赫赫如王侯雙峰樹下  
曾受業應傳肘後長生法吾聞仙地多後身安知不  
是具茨人玉膏清冷瀑泉水白雲溪中日方此從今  
不見數十年鬢髮容顏只如是先生捨我欲何歸竹  
杖黃裳登翠微當有巖前白蝙蝠迎君日暮雙來飛  
送王道士還京 唐賈至 盛

一片仙雲入帝鄉數聲秋鴈至衡陽借問清都舊花  
月豈知遷客泣瀟湘

送柳道士

唐錢起 中

去世能成道遊仙不定家歸期千歲鶴行邁五雲車

海上春應盡壺中日未斜不知相憶處琪樹幾枝花

送張道士歸茅山謁李尊師 唐皇甫冉 中

向山獨有一人行近洞應逢雙鶴迎常以素書傳子弟還同白石號先生無窮杏樹行時種幾許芝田向月耕師事少君年歲久欲隨旄節往增城

送王尊師歸湖州 唐司空曙 中

煙蕪滿洞青山遶幢節飄空紫鳳飛金闕乍看迎日麗玉簫遙聽隔花微多開石髓供調膳時御霓裳奉易衣莫學遼東華表上千年始欲一迴歸

送荀道士歸廬山 唐李端 中

道部 卷百三 千 道士總載

先生歸有處欲別笑無言綠水到山口青林連洞門月明尋石路雲霧望花源早晚還乘鶴悲歌向故園

送葉尊師歸處州 唐耿漳 中

風馭南行達長山與夜江群祆離分野五嶽拜旌幢石髓調金鼎雲漿實玉缸狎狎吠聲曉洞府有仙龐

贈別華陰道士 唐韓翃 中

紫府先生舊同舍腰垂彤管貯靈藥耻論方士小還丹好飲仙人太玄酪芙蓉山頂玉池西一室平臨萬仞溪書灑瑤臺五雲濕夜行金燭七星齊回身暫下青冥裏方外相尋有知己賣鮓市中何許人釣魚坐

上誰家子青青百草雲臺春煙駕霓裳白角巾露葉獨歸仙掌去回風片雨謝時人

和送劉道士遊天台 唐白居易 中

聞君夢游仙輕舉超世霧握持尊皇節統衛吏兵軍靈旂星月象天衣龍鳳紋佩服交帶錄諷吟並珠文閨宮縹緲間鈞樂依稀聞齋心謁西母膜拜朝東君煙霏子晉裾霞爛麻姑裙倏忽別真侶悵望隨歸雲長社寶明府宅夜送王屋道士常究子 唐李益 中

唐李益 中

旦隨三鳥去羽節凌霞光暮與雙鳬宿雲車下紫陽天壇臨月近洞水出山長海嶠年年別丘陵徒自傷

送徐先生歸蜀 唐張籍 中

日暮遠歸處雲間仙觀鐘唯持青玉牒獨立碧鷄峰陰澗 一作長收乳寒泉舊養龍幾時因賣藥得向海邊逢

送吳鍊師歸王屋 唐張籍 中

玉陽峰下學長生玉洞仙中已有名獨戴能鬚冠暫出唯將鶴尾扇同行煉成雲母休炊爨已得雷公當吏兵却到瑤壇上頭宿應聞空裏步虛聲

送王鍊師赴王屋洞 唐權德輿 中

稔歲在芝田歸程入洞天白雲辭上國青鳥會群仙  
自以某消日寧資藥駐年相看話離別風馭忽泠然

送蕭鍊師入四明山

唐孟郊中

閑於獨鶴心大於高松年迴出萬物表高棲四明巔  
千尋直裂峰百尺倒瀉泉絳雪爲我飯白雲爲我田

送李尊師玄

唐孟郊中

口誦碧簡文身是青霞君松骨輕自飛鶴心高不群

送道士

唐孟郊中

十年山上行山上無遺蹤一日人間遊六合人皆逢  
自有意中侶白雲徒相從

道部

卷五十五

道士總載

送洪道士歸山院

唐秦系中

霞外主人門不扃數枝桃李藥囊青閒行池畔隨孤  
鶴若問多應道姓丁

送胡道士

唐賈島中

短褐身披滿清苔靈溪深處觀門開却從城裏移琴  
去許到山中寄藥來臨水古壇秋醮罷宿山幽鳥夜  
飛迴丹梯願逐真人上日夕歸心白髮催

送何道者

唐方干晚

何事忽來還忽去孤雲不定鶴情高真經與術添年  
壽靈藥分功入鬢毛必擬一身生羽翼終看陸地作

波濤徧尋巖洞求仙者卽恐無人似爾曹

送劉道士之成都嚴真觀

嚴公通老子  
易以成道

唐項斯晚

嚴君名不朽道出二經中歸去精誠懇還應夢寐通  
池臺鏡定月松檜酌餘風想對靈玄憶人間戀若空

送王道士

唐馬戴晚

真人俄整烏雙鶴屢飛翔恐入壺中住須傳肘後方

霓裳雲氣潤石徑木苗香一去何時見仙家日月長

送劉尊師祇詔闕庭

唐曹唐晚

仙老閒眠碧草堂帝書徵入白雲鄉龜臺欲署長生

道部

卷五十五

道士總載

籍鸞殿邀論不殊方紅露想傾延命酒素煙思爇降  
真香五千言外無文字更有何詞贈武皇

送程尊師東游有寄

唐羅隱晚

華蓋峰前擬卜耕主人無奈又閒行且憑鶴駕尋滄  
海必恐犀軒過赤城絳簡便應朝右弼紫旄兼合見  
東卿勸君莫忘歸時節芝似螢光處處生

南陽潤卿將歸雷平因而有贈

唐皮日休中

借問山中許道士此迴歸去復何如竹屏風扇抄遺  
事柘步輿竿繫隱書絳樹實多分紫鹿丹沙泉淺種  
紅魚東卿旄節看看至靜啓茅齋慎掃除

望龍山懷道士許法稜

以下懷思

唐劉長卿

心惆悵望龍山雲之際鳥獨還懸絕壁幾千丈綠蘿嫋嫋不可攀龍山高誰能踐靈原中蒼翠晚嵐煙濕水如向人終日迢迢如在眼中有一人披霓裳誦經山頂餐瓊漿空林閒坐獨焚香真官列侍儼成行朝入青霄禮玉堂夜掃白雲眠石牀桃花洞裏居人滿桂樹山中住日長龍山高高遙相望

雨中望海上懷欒林觀中道侶

唐錢起

山觀海頭雨懸森動煙樹只疑蒼茫裏鸞鳥欲飛去大塊怒天吳驚潮湧雲路群真儼盈想一葦不可渡

道部

卷五

二

道士總載

惆悵赤城期願假輕鴻馭

使院憶山中道侶兼懷李約

唐崔備

松竹去名嶽衡茅思舊居山君水上印天女月中書舊帙芸香在空齋藥氣餘褐衣寬易攬白髮少難梳病柳傷摧折殘花惜掃除憶巢同倦鳥避網甚跳魚阮巷慚交絕商岳愧跡疎與君非宦侶何日共樵漁

懷華陽潤卿博士三首

唐皮日休

先生一向事虛皇天市壇西與世忘環堵養龜看氣訣刀圭餌犬試仙方靜探石腦衣裾潤閑鍊松脂院落香聞道徵賢須有詔不知何日到良常

冥心唯事白英君不問人君爵與勳林下醉眠仙鹿見洞中閒話隱芝聞石牀臥古渾無蘚藤蔭開稀恐有雲料得虛皇新詔樣青瓊板上綠爲文

鳳骨輕來稱瘦容華陽館主未成翁數行玉札存心久一掬雲漿漱齒空白石煮多熏屋黑丹砂埋久淙泉紅他年欲事先生去十賚須加陸逸冲

奉和皮襲美懷華陽潤卿博士三首

唐陸龜蒙

幾降真官授隱書洛公曾到夢中無眉間入靜三辰影肘後通靈五嶽圖北洞樹形如曲蓋西凹山色似

道部

卷五

三

女道士

熏爐金墟福地能容否願作岡前將負芻

火影應難到洞宮蕭閒堂冷任天風談玄塵尾拋雲底服散龍胎在酒中有路還將赤城接無泉不共紫河通奇編早晚教傳授免以神仙問葛洪

終日焚香禮洞雲更思琪樹轉勞神曾尋下泊經月不到中峰又累春仙道最高黃玉籙暑天偏稱白綸巾清齋若見茅司命乞取朱兒十二斤

聞古中孚選俗因而有此贈

唐李端

聞道華陽客儒衣謁紫微舊山連藥竇孤鶴帶雲歸柳市名猶在桃源夢已稀還家見鷗鳥應媿背船來

哭道士劉無得 以下哭挽

唐沈佺期 初

聞道玄都客成仙不易祈蓬萊向清淺桃杏欲芳菲  
縮地黃泉出昇天白日飛少微星夜落高堂露朝晞  
吐甲龍應出銜符鳥自歸國人思負局天子惜被衣  
花月留丹洞琴笙下翠微嗟來子桑扈爾獨返於幾  
傷峴山雲表觀主 唐孟浩然 盛

少小學書劍秦吳多歲年歸來一登眺陵谷尚依然  
豈意餐霞客溘隨朝露先因之問閭里把臂幾人全  
傷開元觀顧道士 唐皮日休 晚

協晨宮上啓金扉詔使先生坐蛻歸鶴有一聲應是  
道部 卷五十五 女道士

哭丹無餘粒恐潛飛煙樓玉笥封雲篆月慘琪花葬  
羽衣腸斷雷平舊遊處五芝無影草霏微

和傷顧道士

唐張賁 晚

鳳麟膠盡夜如何共歎先生斂解多幾度弔來唯白  
鶴此時乘去必青驪圖中含景隨殘照琴裏流泉寄  
逝波悵望真靈又空返玉書誰授紫微歌

和傷顧道士

唐鄭壁 晚

斜漢銀瀾一夜東飄飄何處五雲中空留華表千年  
約纔畢火爐九轉功形蛻達山孤壙月影寒深院曉  
松風門人不覩飛昇去猶與浮生哭恨同

讀侯道華真人傳

唐崔塗 晚

漢皇輕萬乘方士說三丹不得修心要翻知出世難  
茂陵春竟綠金掌曙空寒何似先生去翩翩逐彩鸞  
○女道士

玉真仙人詞

按唐史太極元年玉真公主爲道士尋觀京師以方士史崇玄爲師其全傳曰玉真公主字持盈始封崇昌縣主俄進號上清玄都大洞三景法師入寶三載上言曰先帝許妾捨家今乃叨主策食租賦願去公主號罷邑司歸之王府玄宗不許又言妾高宗之孫睿宗之女陛下之弟不爲廢矣何必名繫主號資湯沐然後爲貴請入命帝知主意乃許之

玉真之仙人時往太華峰清晨鳴天鼓颯歙騰雙龍  
道部 卷五十五 女道士

道部

卷五十五

三七

女道士

弄電不輟手行雲本無蹤幾時入太室王母應相逢  
贈嵩山焦鍊師 并序 唐李白 盛

嵩山有神人焦鍊師者不知何許婦人也又云生  
于齊梁時其年貌可稱五六十常胎息絕穀居少  
室廬遊行若飛倏忽萬里世或傳其入東海登蓬  
萊竟不能測其往也余訪道少室盡登三十六峰  
聞風有寄洒翰遙贈

二室凌青天三花含紫煙中有蓬海客宛疑麻姑仙

道在喧莫迹跡高想已綿時餐金鵝茹屢讀青苔篇  
八極志遊憇九垓長周旋下瓢酌潁水舞鶴來伊川

還歸空山上獨拂秋霞眠蘿月挂朝鏡松風鳴夜絃  
潛光隱嵩嶽鍊魄棲雲幄霓裳何飄颻鳳吹轉綿邈  
願同西王母下顧東方朔紫書尚可傳銘一作骨誓冥  
相學

贈東嶽張鍊師

唐劉禹錫中

東嶽真人張鍊師高情雅淡世間稀堪爲烈女書青  
簡久事元君住翠微金縷機中拋錦字玉清殿上著  
霓衣雲衢不要吹簫伴只擬乘鸞獨自飛

玉眞張觀主下小女冠阿容

唐白居易中

綽約小天仙生來十六年姑山半峰雪瑤水一枝蓮

道部

卷五十五

王

女道士

晚院花留立春牕月伴眠迴眸雖欲語阿母在傍邊

元日女道士受錄

唐賈島中

元日更新夜齋身稱淨衣數星連斗出萬里斷雲飛  
霜下磬聲在月高壇影微立聽師語了左肘繫符歸

避暑女冠

唐李益中

霧袖煙裙雲母冠碧琉璃簾井水寒焚香欲使三清  
鳥靜拂桐陰上玉壇

贈蕭鍊師

井序

唐許渾晚

霖師貞元初自梨園進爲內妓善舞柘枝宮中莫  
有倫比者寵錫甚厚及駕幸奉天以病不獲從遂

夫所止洎復宮闈上頗懷其藝求之決日得于人  
間後聞神仙之事謂長生可致乞奉黃老上許之  
詔居嵩南洞清觀迨今八十餘矣雪膚花顏與昔  
無異則方龜鶴之壽安得不由所尚哉因賦是詩  
題于院壁

曾試昭陽曲瑤齋帝自臨紅珠絡繹帽翠鈿束羅襟  
雙闕朝塵起千門宿霧陰出宮迷國步回駕軫皇心  
桂殿春空晚椒居夜自深急宣求古劍冥契得遺簪  
暗記神仙傳潛封女史箴壺中知日永掌上畏年侵  
莫比班家扇寧同卓氏琴雲車辭鳳輦羽帔別鴛衾

道部

卷五十五

王

女道士

網斷魚遊藻籠開鶴戲林洛煙浮碧漢高月上丹岑  
露草爭三秀風篁共八音吹笙延鶴舞敲磬引龍吟  
旄節纖腰舉霞杯皓腕斟還磨照寶鏡猶插辟寒金  
養氣齊生歟留形盡古今更求應不見鷄犬日駸駸  
○丹竈錄附

題雍丘崔明府丹竈

唐李白盛

美人爲政本忘機服藥求仙事不違葉縣已泥丹竈  
畢瀛洲當伴赤松歸先師有訣神將助大聖無心火  
自飛九轉但能生羽翼雙鳬忽去定何依  
以服散鎗贈殷鈞

梁吳均



王鉉布交文金丹煥仙說九沸翻成緩七轉良爲切  
執以代疏麻長貽故人別

詩集類函卷一百二十三

道部

卷百二十三

三十

升龜鈴

詩集類函卷一百二十四

東吳俞安期彙纂 宣城梅鼎祚增定

新都潘之恪訂校

產業部

農 賈 織 漁 鈞 樵 牧

○農

田者祝二見○史記淳于髡傳齊威王使髡干

大笑冠纓索絕王曰先生少之乎髡曰臣從

東方來見道傍有穰田操豚蹄酒一孟而祝

云云臣見其所持者狹而所欲者奢故笑之

既窶滿篝叶斤反汚邪滿車五穀蕃熟穰穰滿家叶政

穰荀子注作蠡螺者宜禾汚邪者滿車五穀蕃熟穰穰

也

卷百二十四

農

耕田歌史記曰諸呂擅權用事朱虛侯劉章忿

章自請曰臣將種也請以軍法行酒太后曰

可酒酣章進飲歌舞請爲耕田歌頃之諸呂

后大驚業已許其軍法無以罪也

深耕概種立苗欲疏非其種一作者鋤而去之

勸農六章

晉陶淵明

悠悠上古厥初生人傲然自足抱朴含真智巧既萌

資待靡因誰其贍之實賴哲人

哲人伊何時惟后稷贍之伊何實曰播殖舜既躬耕

田亦稼穡遠若周典八政始食

熙熙今音猗猗原陸卉木繁榮和風清穆紛紛士女  
趣一作時競逐桑婦宵征農夫野宿

氣節易過和澤難久冀缺攜儷沮溺結耦相彼賢達  
猶勤壟畝矧伊衆庶曳裾拱手

民生在勤勤則不匱晏安自逸歲暮奚冀儋石不儲  
飢寒交至顧爾儔列能不懷愧

孔耽道德樊須是鄙董樂琴書田園不履若能超然  
投迹高軌敢不歛衽敬讚德美

山耕叟

唐韋應物  
中

產業

卷百五

二

蕭蕭垂白髮默默詎知情獨放寒林燒多尋虎跡行  
暮歸何處宿來此空山耕

山農詞

唐張籍  
中

老翁家貧在山住耕種山田三四畝苗疎稅多不得  
食輸入官倉化爲土歲暮鋤犁倚空室呼兒登山收  
橡實

南澗耕叟

唐崔塗  
晚

年年南澗濱力盡志猶存雨雪朝耕苦桑麻歲計貧  
戰添丁壯役老憶太平春見說經荒後田園半屬人  
贈田叟  
唐李商隱

荷蓑衰翁似有情相逢攜手遶村行燒畬曉映遠山  
色伐樹暝傳深谷聲鷗鳥忘機翻浹洽交親得路昧  
平生撫躬道直誠感激在野無賢心自驚

畝田作

唐劉禹錫  
中

何處好畝田團團縵山腹驚鷹走且顧羣雞聲咿啞  
紅焰遠成霞輕燂飛入郭風引上高岑獵獵度青林  
青林望靡靡赤光低復起照潭出老蛟爆竹驚山鬼  
夜色不見山孤明星漢間如星復如月俱逐曉風滅  
下種暖灰中乘陽坼牙孽蒼蒼一雨後蒼穎如雲發  
女耕田行  
唐戴叔倫  
中

產業

卷百五

三

乳燕入巢荀成竹誰家二女種新穀無人無牛不及  
犁持刀斫地翻成泥自言家貧母年老長兄從軍未  
娶嫂去年災疫牛固空截絹買刀都市中頭巾掩面  
畏人識以刀代牛誰與同姊妹相攜心正苦不見路  
人唯見土疏通畦隴防亂田整頓溝塍待時雨日正  
南岡下餉歸可憐朝雉擾驚飛東鄰西舍花發盡共  
惜餘芳淚滿衣

南谿春耕

唐錢起  
中

荷簑趣南徑戴勝鳴條枚溪雨有餘潤土膏寧厭開  
溝塍落花盡耒耜度雲迴誰道耦耕倦仍兼勝賞催

日長農有暇悔不帶經來

首春逢耕者

唐柳宗元

南楚春候早餘寒已滋榮土膏釋原野百蟄競所營  
綴景未及郊穡人先耦耕園林幽鳥囀渚澤新泉清  
農事誠素務羈囚阻平生故池想蕪沒遺畝當榛荆  
慕隱既有繁圖功遂無成聊從田父言款曲陳此情  
眷然撫耒耜迴首煙雲橫

行宮張望補稻畦水歸

唐杜甫

東屯大江北百頃平若案六月青稻多千畦碧泉乳  
插秧適云已引溜加溉灌更僕往方塘決渠當斷岸

產業

卷五

四

公私各地著浸潤無天旱主守問家臣分明見谿畔  
芊芊炯翠羽剡剡生銀漢鷗鳥鏡裏來關山雪邊看  
秋菰成黑米精鑿傳白粲玉粒足晨炊紅鮮任霞散  
終然添旅食作苦期壯觀遺穗及衆多我倉戒滋蔓

庚戌歲九月中西田穫早稻

晉陶淵明

人生歸有道衣食固其端孰是一一作云都不營而以求  
自安開春理常業歲功聊可觀晨出肆微勤日入負  
耒還山中饒霜露風氣亦先寒田家豈不苦弗復辭  
此難四體誠乃疲庶無異患干盥濯息簷下斗酒散  
襟顏遙遙沮溺心千載乃相關但願長如此躬耕非

所歎

丙辰歲八月中於下潁田舍穫

唐韓愈

晉陶淵明

貧居依稼穡戮力東林隈不言春作苦常恐負所懷  
司田眷有秋寄聲與我諧飢者歡初飽束帶候鳴雞  
揚徽越平湖汎隨清壑迴鬱鬱荒山裏猿聲閑且哀  
悲風愛靜夜林鳥喜晨開曰余作此來三四星火顏  
姿年逝已老其事未云乖遙謝荷篠翁聊得從君栖

觀村人收山田

唐錢起

六府且未盈三農爭務作貧民乏井稅墾土皆墾鑿

產業

卷五

五

禾黍入寒雲茫茫半山郭秋來積霖雨霜降方銍穫  
中田聚黎甿返景空村落顧慚不耕者微祿同衛鶴  
庶追周任言敢負謝生諾

觀刈麥

唐白居易

唐白居易

田家少閑月五月人倍忙夜來南風起小麥覆隴黃  
婦姑荷簞食童稚攜壺漿相隨餉田去丁壯在南岡  
足蒸暑土氣背灼炎天光力盡不知熱但惜夏日長  
復有貧婦人抱子在其傍右手秉遺穗左臂懸敝筐  
聽其相顧言聞者為悲傷家田輸稅盡拾此充饑腸

賈

江中賈客

北周庾信

五兩開船頭長橋發新浦懸知岸上人遙振江中鼓

賈客詞

并序

唐劉禹錫中

五方之賈以財相雄而鹽賈猶熾或曰賈雄則農

傷予感之作是詩

賈客無定遊所遊唯利并眩俗雜良苦乘時取重輕

心計析秋毫搖鉤侔懸衡錐刀既無棄轉化日已盈

微福禱波神施財遊化城妻約雕金釧女垂貫珠纓

高資比封君奇貨通倖卿趨時驚鳥思藏鎡盤龍形

大編浮通川高樓次旗亭行止皆有樂關梁自無征

產業

卷五古

六

賈

農夫何爲者辛苦事寒耕

賈客

唐黃滔晚

大舟有深利滄海無淺波鯨鯢齒上路何如少經過

估客樂

陳後主

三江結儔侶萬里不辭遙恒隨鷁首舫屢逐雞鳴潮

賈客樂

并序

唐李白盛

賈客樂齊武帝所製也帝布衣時嘗遊樊鄧登祚

以後追憶往事而作歌使樂府令劉瑤管絃被之

教習卒遂無成有人啓釋寶月善解音帝使奏之

旬日之中便就諧合敕歌者重爲感憶之聲寶月

又上兩曲帝數乘龍舟遊五城江中放觀以紅越

布爲帆綠絲爲帆絳綸石爲篙足篙榜者悉著鬱

林布作淡黃袴列開使江中衣出五城殿猶在

海客乘天風將船速行役譬如雲中鳥一去無蹤跡

賈客樂

唐張籍中

金陵向西賈客多船中生長樂風波欲發移船近江

口船頭祭神各澆酒停杯共說遠行期入蜀經蠻誰

別離金多衆中爲上客夜夜算縵眠獨遲秋江初月

猩猩語孤帆夜發瀟湘渚水工持楫過暗灘直過山

邊及前侶年年逐利西復東姓名不在縣籍中農夫

產業

卷五古

七

賈

稅多長辛苦棄業長爲販賣翁

反賈客樂

唐劉駕晚

無言賈客樂賈客多無墓行舟觸風浪盡入魚腹去

織

織婦

梁武帝

送別出南軒離思沈幽室調梭輟寒夜鳴機罷秋日

良人在萬里誰與共成匹願得一迴光照此憂與疾

君情儻未忘妾心長自畢

見人織聊爲之詠

梁劉邈

織織運玉指脉脉正蛾眉振躡開交縷停梭續斷絲

簷花照初月洞戶垂朱帷弄機行掩淚翻令織素遲

作簷前初月照洞口朱帷垂

邠縣遇見人織率爾寄婦 梁劉孝威

妖姬含怨情織素起秋聲度梭環玉動踏躡珠鳴  
經稀疑杼澁緯斷恨絲輕葡萄始欲罷鴛鴦猶未成  
雲棟共徘徊紗牕相向開牕疎眉語度紗輕眼笑來  
籠籠隔淺紗的的見妝華鏤玉同心藕一作雜寶連帶  
枝花紅衫向後結金簪臨鬢斜機頂挂流蘇機傍垂  
結珠青絲引伏兔黃金繞轆轤豔彩裙邊出芳脂口  
上渝百城交問遺五馬共踟躕直爲閨中人守故不

產業

卷一百五

八

要新夢啼清花枕覺淚濕羅巾獨眠真自難重衾猶  
覺寒逾憶凝脂緩彌想橫陳歡行驅金絡騎歸就城  
南端城南稍有期想子亦勞思羅衣久應罷花釵堪  
更治新妝莫點黛余還自畫眉

聞鄰婦夜織

梁王僧孺

洞房風已激長廊月復清藹藹夜庭黃飄飄曉帳輕  
雜聞百蟲思偏傷一鳥聲鳥聲長不息妾心復何極  
猶恐君無衣夜夜當牕織

詠中婦織流黃

梁簡文帝

翻花滿階砌愁人獨上機浮雲西北起孔雀東南飛

調絲時繞腕易鐏乍牽衣鳴梭逐動釧紅妝映落暉

詠中婦織流黃

北齊盧詢

別人心已怨愁空日復斜然香望韓壽磨鏡待秦嘉  
殘絲愁續爛餘織恐縑賒支機一片石緩轉獨輪車  
下簾還憶月挑燈更惜花似天河上景春時織女家  
賦得中婦織流黃 陳徐陵

落花還一作飛

井上春機當戶前帶衫行障口覓釧枕

檀邊數鐏經無亂新漿緯易牽蜘蛛夜伴織百舌曉  
驚眠封用熬陽土書因計吏船欲知夫壻處今督水  
衡錢

產業

卷一百五

九

詠中婦織流黃

隋虞世南

寒閨織素錦含怨欲雙蛾綜新交縷澀經脆斷絲多  
衣香逐舉袖釧動應鳴梭還恐裁縫罷無信達交河  
織婦詞 唐元稹

織夫何太忙蠶經三卧行欲老蠶神女聖早成絲今  
年絲稅抽徵早早徵非是官人惡去歲官家事戎索  
征人戰苦束刀瘡主將勲高換羅幕線線織帛猶努  
力變緝撩機苦難織東家頭白雙女兒爲解挑紋嫁  
不得予按荆時日擊貢綾戶有終老不嫁之女

賦得婀娜當軒織

陳蕭詮

東南初日照秦樓西北織婦正嬌羞綺牕猶垂翡翠  
幌珠簾半上珊瑚鈞新妝入機映春牖弄杼鳴梭挑  
織手何曾織素讓新人不掩流蘇推中婦三日五匹  
未言遲衫長腕弱繞輕綵中轉躡成難鵲錦上迴  
文作別詩不惜繞素同霜雪更傷秋扇篋中辭

當牕織

唐王建中

歎息復歎息園中有東行人食貧家女爲富家織翁  
母隔墻不得力水寒手澀絲脆斷續來續去心腸爛  
草蟲促促機下啼兩日催成一匹半輪官上頂有零  
落姑未得衣身不著當牕却羨青樓倡十指不動衣  
產業

卷一百三十四

十一

織綾詞

唐章孝標晚

去年蠶惡綾帛貴官急無絲織紅淚殘經脆緯不通  
梭鵲鳳闌珊失頭尾今年蠶好綠白絲鳥鮮花活大  
不知瑤臺雪裏鶴張翅禁苑風前梅折枝不學鄰家  
婦慵懶蠟指粉拭謾官眼

染絲上春機

唐李賀中

玉甕汲水桐花井蒨絲沈水如雲影美人懶態臙脂  
愁春梭拋擲鳴高樓綠絲結茸背複疊白裕玉郎寄  
桃葉爲君挑鸞作腰綬願君處處宜春雪

鮫人潛織

唐□□□

朱館馮夷室靈鮫信所潛幽閑雲碧牖澆澆水晶簾  
機動龍梭躍絲繁藕綵添七襄半女恨三日大人嫌  
古樂府焦仲卿妻詩二透手擊吳練凝水笑越練無  
日聽札札空想濯織織

○漁

漁父歌

一作答孫緬歌○南史曰漁父者不知  
姓名亦不知何許人太康孫綽爲潯陽  
太守落日遙遙潯陽見一輕舟凌波隱顯低  
而漁父至神韻蕭灑垂綸長嘯綽綽與之  
裳涉水與之論用世之道漁父曰僕山海狂  
人不達世務未辨賤貧無論榮貴乃歌云云  
於是悠然  
鼓棹而去

宋漁父

產業

卷一百三十四

十一

竹竿籊籊河水激激相忘爲樂食餌吞鈎非夷非惠  
聊以忘憂

漁父歌

唐李頎盛

白首何老人簑笠蔽其身避世長不仕釣魚清江濱  
浦沙明濯足山月靜垂綸寓宿湍與瀨行歌秋復春  
持橈湘岸竹蕪火蘆洲新淥水飯香稻青荷苞紫鱗  
於中還自樂所欲全吾真而笑獨醒者臨流多苦辛

漁父歌

唐高適盛

曲岸深潭一山叟駐眼看釣不移手世人欲得知姓  
名良久問他不開口筍皮笠子荷葉衣心無所營守



釣磯料得孤舟無定止日暮持竿何處歸

漁父詞

唐儲光義

澤魚多鳴水谿魚好上流漁梁不得意下渚潛垂釣  
亂荇時礙楫新蘆復隱舟靜言念終始安坐看沈浮  
素髮隨風揚遠心與雲遊逆浪還極浦信潮下滄洲  
非爲狗形役所樂在行休

漁父

唐岑參

扁舟滄海叟心與滄海清不目道鄉里無人知姓名  
朝從灘上飯暮回蘆中宿歌竟還復歌手持一竿竹  
竿頭釣絲長丈餘鼓棹乘流無定居世人那得識深  
產業

卷百五

十三

意此翁取適非取魚

漁父

唐張志和

八月九月蘆花飛南谿老人垂釣歸秋山入簾翠滴  
滴野艇倚檻雲依依却把漁竿尋小徑閑梳鶴髮對  
斜暉翻嫌四皓曾多事出爲儲皇定是非

漁父詞五首

志和蕭宗時待詔翰林以親既喪  
帝常賜奴婢各一志和配爲夫婦號漁童樵  
青陸羽嘗問孰爲往來者對曰太虛爲室明  
月爲燭與四海諸公共處未嘗少別也嘗撰  
漁歌憲宗圖真求其歌不能致李德裕稱志  
和隱而有名顯而無事

唐張志和

西塞山邊白鷺飛桃花流水鱖魚肥青箬笠綠蓑衣

斜風細雨不須歸

釣臺漁父褐爲裘兩兩三三舴艋舟能縱棹慣乘流  
長江白浪不曾憂

雪谿灣裏釣漁翁舴艋爲家西復東江上雪浦邊風  
笑著荷衣不歎窮

松江蟹舍主人歡菰飯莼羹亦共餐楓葉落荻花乾  
醉宿漁舟不覺寒

青草湖中月正圓巴陵漁父棹歌連釣車子櫂頭船  
樂在風波不用仙

和荅弟志和漁父歌

唐張松齡

產業

卷百五

十三

樂在風波釣是閑草堂松徑已勝攀太湖洞庭山  
狂風浪起且須還

漁翁

唐柳宗元

漁翁夜傍西巖宿曉汲清湘然楚竹煙銷日出不見  
人欸乃一聲山水渌迴看天際下中流巖上無心雲  
相逐

贈湘南漁父

唐劉長卿

問君何所適暮暮逢煙水獨與不繫舟往來楚雲裏  
釣魚非一歲終日只如此日落江清桂楫遲纖鱗百  
尺深可窺沈釣垂餌不在得白首滄浪空白知

漁父

唐杜牧

白髮滄浪上全忘是與非秋潭垂釣去夜月叩船歸  
煙景侵蘆岬潮痕在竹扉終年狎鷗鳥來去且無機

贈漁父

唐杜牧

蘆花深澤靜垂綸月夕煙朝幾十春自說孤舟寒水  
畔不曾逢著獨醒人

贈漁翁

唐韋莊

草衣荷笠鬢如霜自說家編楚水陽滿岬秋風吹枳  
橘遶陂煙雨種菰蔣蘆刀夜繪紅鮮膩木甌朝蒸紫  
芋香曾向五湖期范蠡爾來空闊久相忘

產業

卷五十四

十四

漁人

唐蘇拯

垂竿朝與暮披簑復橫楫不問清平時自樂滄波業  
長年不得閑幾度避遊陂常笑釣臺上逃名名却傳

淮上漁者

唐鄭谷

白頭波上白頭翁家逐船移浦浦風一尺鱸魚新釣  
得兒孫吹火荻花中

漁浦

唐常建

春至青草綠陂澤聞鷓鴣別家投釣翁今世滄浪清  
漚紆爲縕袍折麻爲長纓榮譽失本真怪人浮此生  
碧水月自闌安流淨而平扁舟與天際獨往誰能名

藍田谿與漁者宿

唐錢起

獨遊屢忘歸況此隱淪處濯髮清冷泉月明不能去  
更憐垂綸叟靜若沙上鷺一輪白雲心千里滄洲趣  
蘆中夜火盡浦口秋山曙歎息分枝禽何時更相遇

夜到漁家

唐張籍

漁家在江口潮水入柴扉行客欲投宿主人猶未歸  
竹深村路遠月出釣船稀遙見尋沙岸春風動草衣

宿漁家

唐劉威

竹屋清江上風煙四五家水園分芰葉鄰界認蘆花  
雨到魚翻浪洲迴鳥傍沙月明何處去片片席帆斜

產業

卷五十五

十五

漁具詩

并序

唐陸龜蒙

天隨子漁于海山之顏有年矣矢魚之具莫不窮  
極其趣大凡結繩持綱者總謂之網罟之流曰罟  
曰罾曰罾圓而總捨曰罩挾而昇降曰罟罾而竿  
者總謂之筌筌之流曰筒曰車橫川曰梁承虛曰  
筍編而沈之曰筍矛而卓之曰藉棘而中之曰叉  
鏃而綸之曰射扣而騃之曰棖置而守之曰種列  
竹於海澨曰滬錯薪於水中曰繆所載之舟曰舠  
舠所貯之器曰笭笭其他或術以招之或藥而盡  
之皆出於詩書雜傳及今之聞見可考而驗之不

誣也今擇其任詠者作十五題以諷噫矢魚之具也如此予既歌之矣矢民之具也如彼誰其嗣之鹿門子有高麗之才必爲我同作

網

大罟綱目繁空江波浪黑沈沈到波底恰共波同色牽時萬簪入已有千鈞力尚悔不橫流恐他人更得罾

左手揭圓罾輕撓弄舟子不知潛鱗處但去籠煙水時穿紫萍破忽值朱衣起貴得不貴名敢論魴與鯉

魚

產業

卷首古

十六

漁

有意烹小鮮乘流駐孤棹雖然煩取捨未肯求津要多爲鰕蜆誤已分鵝鶩笑寄語龍伯人荒唐不同調

釣筒

短短截筠光悠悠卧江色蓬差櫓相應雨慢煙交織須臾中芳餌迅疾如飛翼彼竭我還浮君看不爭得

釣車

谿上持隻輪谿邊指茅屋閑乘風水便敢議朱丹轂高多倚衡懼下有折軸速曷若載逍遙歸來卧雲族

魚梁

能編似雲薄橫絕清川口缺處欲隨波波中先置笱

投身入籠檻自古難飛走盡日水濱吟殷勤謝漁叟

叉魚

春谿正合綠良夜才參半持矛若羽輕列燭如星爛傷鱗跳密藻碎首沈遙听盡族染東流傍人作佳話

射魚

彎弓注碧潭掉尾行涼沚青楓下晚照正在澄明裏抨弦斷荷扇濺血殷菱葉若使禽荒聞移之暴煙水

鳴根

水淺藻行澀鉤罟無所及鏗如木鐸音勢若金鉦急毆之就深處用以資俯拾搜羅爾甚微遁去將何入

產業

卷重古

十七

漁

滬吳人今謂之簍

萬植禦洪波森然倒林薄千顚咽雲上過半隨潮落其間風信背更值雷聲惡天道亦哀多吾將移海若

蓐吳人今謂之蓐

斬木置水中枝條互相蔽寒魚遂家此自以爲生計春水忽融冶盡取無遺裔所託成禍機臨川一凝睇

種魚

鑿池收頰鱗踈踈置雲嶼遠同汗漫遊遂以江湖處如非一神守潛被蛟龍主蛟龍若無道跛鼈亦可禦

藥魚

香餌綴金鈎日中懸者幾盈川是毒流細大同時死  
不唯空飼犬便可將貽蟻苟負竭澤心其他盡如此

舴艋

蓬棹兩三事天然相與閑朝隨稚子去暮唱菱歌還  
倚石遲後侶徐撓供遠山君看萬斛載沈溺須臾間

簑簑

誰謂簑簑小我謂簑簑大盛魚自足餐簑壁能爲害  
時將刷蘋浪又取懸藤帶不及腰上金何勞問著蔡

奉和漁具十五詠

唐皮日休

網

產業

卷百五

八

晚挂谿上網映空如霧縠閑來發其機旋旋沈平綠  
下處若煙雨牽時似崖谷必若遇鯢鮪從教通一目

罩

芒鞋下葑中步步沈輕罩既爲濺浪颭亦被蓮泥膠  
人立獨無聲魚煩似日滿手搦霜鱗思歸舉輕棹

罔

煙雨晚來好東塘下罔去網小正星穗舟輕欲騰翥  
誰知荇深後恰值魚多處浦口更有人停橈一延佇

釣筒

籠鍾截數尺標置能幽絕從浮笠澤煙任卧桐江月

絲隨碧潭漫餌逐清灘發好是趁筒時秋聲正清越

釣車

得樂湖海志不厭華輶小月中拋一聲驚起灘上鳥  
心將潭底測手把波文裊何處覓奔車平波今渺渺

魚梁

波際插翠筠離離似清簾游鱗到谿口入此無逃所  
斜臨楊柳津靜下鷗鷺侶編此欲何之終焉富春渚

叉魚

列炬春谿口平潭如不流照見游泳魚一二如清晝  
中目碎瓊碧毀鱗殷組繡樂此何太荒居然愧川后

產業

卷百五

十九

射魚

注矢寂不動澄潭睛轉烘下窺見魚樂悅若翔在空  
驚羽決凝碧傷鱗浮殷紅堪將指杯術授與太湖公

鳴根

盡日平湖上鳴根仍動藥丁丁入波心澄澈和清響  
鷺聽獨寂寞魚驚昧來往盡水無所逃川中有鉤黨

澗

波中植甚固磔磔如鰕鬚瀉頭俟爾過數頃跳鮪鮮  
不是細羅密自爲朝夕驅空憐指魚命遣出海邊租

簍

種魚

藥魚

舟舫

卷一百四

二十 漁

笈簪

添漁具詩并序

唐皮日休

天隨子爲漁具詩十五首以遺余凡有戲已來術  
之與器莫不盡於是也噫古之人或有溺於漁者  
行其術而不能言用其器而不能狀此與澤助之  
戲者又何異哉如吟魯望之詩想其致則江風海  
雨槭槭生齒牙間真世外漁者之才也余昔之漁

漁菴

釣磯

産業

卷一百四

三	漁
---	---

人

大牒改直

不  
雷  
袖

三  
公

箏

圓似寫月。寬輕如織煙。翠溶溶。向上雨。不亂窺魚思。  
攜來沙日微。挂處江風起。縱戴二梁冠。終身不忘爾。

背蓬

儂家背蓬樣似箇大龜甲雨中踟躕時一向聽雲裏  
甘從魚不見亦任鷗相狎深擁竟無言空成睡餉餘  
上虛勾反  
下虛甲反

奉和添漁具五篇

唐陸龜蒙

漁菴

結茅次煙水用以資嘯傲豈謂釣家流忽同禪室號  
閑憑山叟占晚有谿禽嫪華屋莫相非各隨吾所好

釣磯

揀得白雲根秋潮未曾沒坡陀坐鰲背散漫垂龍髮

產業

卷五十五

三

持竿從掩霧置酒復待月卽此放神情何勞適吳越

蓑衣

山前度微雨不廢小澗漁上有青襪襖下有新踞踈  
滴瀝珠影眩離披嵐彩虛君看杖製者不得安吾廬

簑笠

朝攜下楓浦晚戴出煙艇冒雪或平簷聽泉時又頂  
颺移靄然色波亂危如影不識九衢塵終年居下澗

背蓬

敏手劈江筠隨身織煙殼沙禽固不知釣伴猶初覺  
閑從翠微拂靜唱滄浪濯見說萬山潭漁童盡能學

○釣

釣竿行

魏文帝

東越河濟水遙望大海涯釣竿何珊珊魚尾何從從  
行路之好者芳餌欲何爲

釣竿篇

梁劉孝威

釣舟畫彩鷁漁子服水紉金轄菜萁網銀鈎翡翠竿  
欽橈隨水脉急漿渡江湍湍長自不辭前浦有佳期  
船交橈影合浦深魚出遲荷根時觸餌菱芒乍冒絲  
蓮度江南手衣渝京兆眉垂竿自有樂誰能爲太師

釣竿

梁戴暲

產業

卷五十五

三

試持玄渚釣暫罷池陽獵翠羽飾長綸蕙花裝小艤  
鈎利斷尊絲帆舉牽菱葉聊載前魚童還看後舟妾

釣竿

梁沈約

桂舟旣容與綠浦復回紆輕絲動弱芰微楫起單舄  
扣舷忘日暮卒歲以爲娛

釣竿篇

陳張正見

結宇長江側垂釣廣川潯竹竿橫翡翠桂髓擲黃金  
人來水鳥沒檝度岸花沈蓮搖見魚近綸盡覺潭深  
渭水終須卜滄浪徒自吟空嗟芳餌下獨見有貪心

釣竿篇

隋李巨仁



面江海澆養鵬波瀾不惜黃金餌唯憐詩竿  
綸控急水定撒下飛湍潭迴風來易川長霧歇難  
寄言朝市客滄浪余自安

釣竿篇

唐沈佺期

朝日歛江煙垂竿向綠川人疑天上坐魚似鏡中懸  
避機時驚透猜釣每誤牽湍危不理轄潭靜欲留船  
釣玉君徒尚徵金我未賢爲看芳餌下貪得會無筌

觀釣

陳陰鏗

澄江息晚浪釣侶輕舟絲垂遙漲水餌下暗通流  
歌聲時斷續攝影乍橫浮寄言濯纓者滄浪終滯游  
產業

卷五十四

五十四

釣魚詩

唐李賀

秋水釣紅蕖仙人待素書菱絲縈獨繭菰米鰲雙魚  
斜竹垂清沼長綸貫碧虛餌懸春蜥蜴釣墜小蟾蜍  
詹子情無限龍陽恨有餘爲看煙浦上楚女淚霑裾

獨釣

唐韓愈

侯家林館勝偶入得垂竿曲樹行藤角平池散芙蓉  
羽沈知食駛緡細覺牽難聊取亭兒女榆條繫從鞍

獨住南塘止秋晨景氣醒露排四岫草風約半池萍  
鳥下見人寂魚來聞餌馨所嗟無可召不得倒吾瓶

釣魚

春山三竭

唐李涉

釣魚場來春日暖松谿不厭舟行緩野竹初栽碧玉  
長澄潭欲下青絲短昔人避世兼避仇暮栖雲外兼  
悠悠我今無事亦如此赤鯉忽到長竿頭汎汎隨波  
凡幾里碧沙如煙沙似砥瘦壁橫空怪石危山花鬪  
日禽爭水有時帶月歸扣舷身閑自是漁家仙

釣翁

唐秦韜玉

一竿青竹老江隈荷葉衣裳可自裁潭定靜懸絲影  
直風高斜颭浪紋開朝攜輕櫂穿雲去暮背寒塘載  
月回世上無窮嶮巖事算應難入釣船來  
產業

卷五十四

五十四

釣侶

唐陸龜蒙

一艇輕櫂看晚濤接離拋下漉春醪相逢便倚蒹葭  
泊更唱菱歌擘蟹螯

雨後沙虛古岸崩魚梁移入亂雲層歸時月墮汀洲  
暗認得妻兒結網燈

春盡與友人入裴氏林採漁竿

唐溫庭筠

一徑互紆直茅棘亦已繁晴陽入荒竹暖曖如春園  
倚杖息憇倦徘徊微暄歷尋嬋娟節翦破蒼筤根  
地閑脩莖孤林振餘鐔翻適心在所好非必尋湘沅

寄湘陰閻少府乞釣輪子

唐溫庭筠

釣輪形與月輪同，獨爾和煙影似空。  
若向三湘逢鴈信，莫辭千里寄漁翁。  
蓬聲夜滴松江漏，菱葉秋傳鏡水風。  
終日垂鈎還有意，尺書多在錦鱗中。

○樵

採樵作

唐孟浩然

採樵入深山，山深水重疊。  
橋崩卧槎橫，路險垂藤接。  
日落伴將稀，山風拂薜衣。  
長歌負輕策，平野望煙歸。

樵父詞

唐儲光義

山北饒朽木，山南多枯枝。  
枯枝作採薪，爨室私自知。  
產業

卷重古

二十六

詰朝礪斧尋，視暮行歌歸。  
先雪隱薜荔，迎暄卧茅茨。  
清澗日濯足，喬林時曝衣。  
終年登險阻，不復憂安危。  
蕩漾與神遊，莫知是與非。

樵者

唐崔塗

行山行採薇，閑翫惠為衣。  
避世嫌山淺，逢人說姓稀。  
有時還獨醉，何處掩衡扉。  
莫看棋終局，谿風晚待歸。

樵人十詠

唐陸龜蒙

環中先生謂天隨子曰：子與鹿門子應和為漁具詩，信盡其道而美矣。世言樵漁者必聯其命稱且常為隱君子事，詩之言錯薪禮之言負薪，傳之言

積薪史之言束薪，非樵者之實乎？可不足以寄興詠獨缺其詞耶？退作十樵以補其闕。漏寄鹿門子。

樵谿

山高谿且深，蒼蒼但羣木。  
抽條欲千尺，眾亦疑樸樛。  
一朝蒙剽伐，萬古辭林麓。  
若遇燎玄穹，微煙出雲族。

樵家

草木黃落時，比鄰相見喜。  
門當清澗盡，屋在寒雲裏。  
山棚日纔下，野竈煙初起。  
所謂順天民，唐堯亦如此。

樵叟

自小卽胼胝，至今彫鬢髮。  
所圖山褐厚，所愛山爐熱。  
產業

卷重古

二十七

樵子

生自蒼崖邊，能誦白雲養。  
纔穿遠林去，已在孤峰上。  
薪和野花束，步帶山詞唱。  
日暮不歸來，柴扉有人望。

樵徑

石脉青霞間，行行自幽絕。  
方愁山繚繞，更值雲遮截。  
爭推好林浪，共約歸時節。  
不似名利途，相期覆車轍。

樵斧

淬礪秋水清，攜持遠山曙。  
丁丁在前澗，杳杳無尋處。  
巢傾鳥猶在，樹盡猿方去。  
授鉞者何人，吾方易其處。

樵檐

輕無斗儲價重則筋力絕欲下半巖時憂襟兩如結  
風高執還却雪厚疑中折負荷誠獨難移之贈來哲

樵風

朝隨早潮去暮帶殘陽返向肯得清颺相追無近遠  
採山一何遲服道常苦寒仙術信能爲年華未將晚

樵火

積雪抱松塢蠹根然草堂深爐與達燒此夜仍交光  
或似坐奇獸或如焚異香堪嗟宦遊子凍死道路傍

樵歌

產業

卷五十四

三

樵

縱調爲野吟徐徐下雲磴因知負樵樂不減援琴興  
出林方自轉隔木猶相應但取天壤情何求野人稱  
奉和陸龜蒙樵人十詠 唐皮日休

晚

樵谿

何時有此谿應便生幽木橡實養山禽藤花蒙澗鹿  
不止產蒸薪願當歌棫樸君知天意無以此安吾族

樵家

空山最深處太古兩三家雲蘿共夙世猿鳥同生涯  
衣服濯春泉盤餐烹野花居茲老復老不解歎年華

樵叟

樵子

不曾照青鏡豈解傷華髮至老未息肩至今無病骨  
家風是林嶺世祿爲薇蕨所以兩大夫天年爲自伐

樵徑

相約晚樵去跳踉上山路將花餌鹿麝以果投猿父  
束薪白雲濕負擔春日暮何不壽重鳥果爲玄所誤

樵斧

蒙龍中一徑繞在千峰裏歇處遇松根危中值石齒  
花穿泉衣落雲拂芒屨起自古行此途不聞顛與墜

產業

卷五十四

三

樵

樵檐

腰間插大柯直入深谿裏空林伐一聲幽鳥相呼起  
倒樹去李父傾巢啼木魅不知仗鉞者除害誰如此

樵風

不敢量樵重唯知益薪束軋軋下山時彎彎向身曲  
清泉洗得潔翠靄侵來綠看取荷戈人誰能似吾屬

樵火

野船渡樵客來往平坡中縱橫清颺吹旦暮歸期同  
蘋光惹衣白蓮影涵新紅吾當請封爾直作鏡湖公

樵歌

此曲太古音由來無管奏多云採樵樂或說林泉候  
一唱凝閒雲再謠悲顧獸若遇采詩人無辭收鄙陋

牧童詞

唐儲光義

不言牧田遠不道牧陂深所念牛馴擾不亂牧童心  
圓笠覆我首長蓑披我襟方將憂暑雨亦以懼寒陰  
大牛隱曾坂小牛穿近林同類相鼓舞觸物成謳吟  
取樂須臾間寧問聲與音

牧童詞

唐張籍

方術

卷百五

三十

遠牧牛遶村四面禾黍稠陂中饑鳥啄牛背令我不  
得戲隴頭入陂草多牛散行白犢時向蘆中鳴隔堤  
吹葉應同伴還穀長鞭三四聲牛羊食草莫相觸官  
家截爾頭上角

牧童

唐僧繇

牧童見人俱不識盡著芒鞋戴蓑笠朝陽未出眾山  
時露滴蓑衣猶半濕二月三月時平原草初綠三箇  
五箇騎羸牛前村後村來放牧笛聲纔一舉眾稚齊  
歌舞看看白日又西斜各自騎牛又歸去

牧童

唐劉駕

牧童見客拜山果懷中落晝日驅牛歸前谿風雨惡

方術部

○方術總載

贈表天綱杜淹始見表天綱於洛天綱謂曰蘭

終恐貴顯暫去即還武德六年以善隱太子  
俱配流雋州淹至益州見天綱曰洛邑之言  
何其仲也天綱曰公至京即得三品要職淹至京  
入天綱曰公至京即得三品要職淹至京  
部尚書賦此詩贈之

唐杜淹

伊呂深可慕松喬定是虛繁風終不得脫徒欲安如  
且珍紉素美當與薜蘿疎既逢楊得意非復久閑居

贈嚴倉曹乞推祿命

唐陳子昂

方術

卷百五

三十一

少學縱橫術遊楚復遊燕棲遑長委命富貴未知天  
聞道沈冥客青囊有秘篇九宮探萬象三算極重玄  
願奉唐生訣將知躍馬年非同墨翟問空滯玉龍川

謝張諲

唐王維

故人張諲工詩善易卜兼能丹青草隸頃以詩見

贈聊復謝之

不逐城東游俠兒隱囊紗帽坐彈棋蜀中夫子時開  
肆洛下書生解詠詩藥欄花徑衡門裏時復據梧聊  
隱几屏風誤點惑孫郎團扇草書輕內史故園高枕  
度三春永日垂帷絕四鄰自想蔡邕今已老更將書

籍與何人

戲題卜舖壁

唐王績初

旦逐劉伶去宵隨畢卓旋不應長賣卜須得杖頭錢  
送姚評事入蜀各賦一物得卜肆

唐張九齡初

蜀嚴化已久沈冥空所思曾聞賣卜處猶憶下簾時  
驅傳應經此懷賢倘問之歸來說往事歷歷偶心期

嚴君平卜肆

唐岑參盛

君平曾賣卜卜肆無已久至今杖頭錢時時地上有  
不知支機石還在人間否

方術

卷百一十四

三三 方術總載

問卜

唐崔塗晚

承家望一名幾欲問君平自小非無志何年即有成  
豈能長失路爭忍學歸耕不擬逢昭代悠悠過此生

贈眼醫婆羅門僧

唐劉禹錫中

三秋傷望眼終日哭途窮兩目今光暗中年似老翁  
看朱漸成碧羞日不禁風師有金篦術如何為發蒙

詩集類函卷一百二十五

東吳俞安期彙纂 宣城梅鼎祚增定

新都潘之恪訂校

巧藝部

畫 棋 彈棋 打毯 雜戲

○畫

詠畫屏風詩二十五首 北周庾信

俠客重連鑣金鞍被桂條細塵鄴路起驚花亂眼飄  
酒薰人半醉汗濕馬全驕歸鞍畏日晚爭路上河橋

二

浮橋翠蓋擁平旦雍門開石崇迎客至山濤載妓來

巧藝

卷百一十五

水紋恒獨轉風花直亂迴誰能惜紅袖寧一作用捧

金杯

三

停車小苑外下渚長橋前遊菱迎擁楫平荷直蓋船

殘絲繞折藕菱葉映低蓮遙望芙蓉影只言水底燃

四

昨夜鳥聲春驚鳴動四鄰今朝梅樹下定有詠花人

流星浮酒泛粟瑱繞杯脣何勞一片雨喚作陽臺神

五

逍遙遊桂苑寂絕到一作桃源狹石分花逕長橋映

水門管聲驚百鳥人衣香一園定知歡未足橫琴坐石根

六

三春冠蓋聚八節管絃遊石險松橫植巖懸澗豎流小橋飛斷听高花出迴樓定須催十酒將來宴五侯

七

高閣千尋起長廊四注連歌聲上扇月舞影入琴絃澗水纔聽外山花即眼前但願常歡樂從今盡百年

八

日晚金槌絡一作路朱軒流水車轆拂綠堤柳甍飄夾

巧藝

卷百五十五

二

路花定迎劉碧玉將過陰麗華非是高陽路莫畏接

離斜

九

徘徊出桂苑徙倚就花林下橋先勸酒跂石始調琴蒲低猶抱節竹短未空心絕愛後聲近唯憐花徑深

十

千尋木蘭館百尺芙蓉堂落日低連井行雲礙菱作

梁流水桃花色春洲杜若香就階猶不進催來上

伎牀

十一

擗衣明月下靜夜秋風飄錦石平砧面蓮房接杵腰急節迎秋韻新聲入手調寒衣須及早將寄霍嫖姚

十二

出沒看樓殿間關望綺羅翔禽逐節舞流水赴絃歌細管吹蕤竹新杯捲半荷南宮冠蓋下日暮風塵多

十三

玉柙珠簾捲金鈎翠幔懸荷香薰水殿閣影入池蓮平沙臨浦口高柳對樓前上橋還倚望遙看採菱船

十四

高閣千尋跨重簷百尺齊雲度三分近花飛一倍低

巧藝

卷百五十五

三

吹簫迎白鶴照鏡舞山雞何勞愁日暮未有夜烏啼

十五

河流值淺听歛轡暫經過弓衣濕濺水馬足亂橫波半城斜出樹長林直枕河今朝游俠客不畏風塵多

十六

度橋猶徙倚坐石未傾壺淺草開長埭行營繞細廚沙洲兩鶴迴石路一松孤自可尋丹竈何勞憶酒壚

十七

上林春逕密浮橋柳路長龍媒逐細草鶴髦映垂楊水似桃花色山如甲煎香白石春一作青泉上誰能待



月光

十八

白石春泉滿黃金新埒開戚里市先度蘭池馬即來  
落花承舞席春衫拭酒盃行厨半路待載妓一雙迴

十九

將軍息邊務校尉罷從戎池臺臨戚里絃管入新豐  
浮雲隨走馬明月逐彎弓比來多射獵唯有上林中

二十

二危上鳳翼九坂度龍鱗路高山裏樹雲低馬上人  
懸巖泉溜響深谷鳥聲春住馬來相問應知有姓秦

巧藝

卷五十五

四

二十一

聊開鬱金屋暫對芙蓉池水光連岍動花風合樹吹  
春杯猶雜泛細果尚連枝不畏歌聲盡先看箏柱歇

二十二

洞靈開靜室雲氣滿山齋古松栽數樹盤根無半埋  
愛靜魚爭樂依人鳥入懷仲春微隱士蒲輪上計偕

二十三

今朝好風日園苑足芳菲竹動蟬爭散蓮搖魚暫飛  
面紅新著酒風晚細吹衣歧石多時望蓮船始復歸

二十四

金鞍聚磧岍玉軸汎中流壽鵠先防水媒龍即負舟  
沙城疑海氣石岍似江樓崩槎時半沒壞舸或空浮  
定是汾河上戈船聊試遊

二十五

竟日坐春臺芙蓉承酒杯水流平澗下山花滿谷開  
行雲數番過白鶴一雙來水影搖藂竹林香動落梅  
直上山頭路羊腸能幾迴

丹青引贈曹將軍霸

唐杜甫

將軍魏武之子孫於今爲庶爲清門英雄割據雖已  
矣文彩風流今尚存學書初學衛夫人但恨無過王

巧藝

卷五十五

五

畫

右軍丹青不知老將至富貴於我如浮雲開元之中  
常引見承恩數上南薰殿凌煙功臣少顏色將軍下  
筆開生面良相頭上進賢冠猛將腰間大羽箭褒公  
鄂公毛髮動英姿颯爽來酣戰先帝天馬玉花驄畫  
工如山貌不同是日牽來赤墀下迴立閭闔生長風  
詔謂將軍拂絹素意匠慘淡經營中斯須九重真龍  
出一洗萬古凡馬空玉花却在御榻上榻上庭前屹  
相向至尊含笑催賜金圍人太僕皆惆悵弟子韓幹  
早入室亦能畫馬窮殊相幹惟畫肉不畫骨忍使驥  
驄氣彫喪將軍善畫益有神必逢佳士亦寫真即今

漂泊干戈際屢貌尋常行路人途窮反遭俗眼白世上未有如公貧但看古來盛名下終日坎壈纏其身

薛稷少保書畫壁

唐杜甫

少保有古風得之陝郊篇惜哉功名忤但見書畫傳我遊梓州東遺跡涪江邊畫藏青蓮界書入金榜懸仰看垂露姿不崩亦不騫爵爵三大字蛟龍炭相纏又揮西方變發地扶屋椽慘淡壁飛動到今色未填此行疊壯觀郭薛俱才賢不知千載後誰復來通泉

楊子華畫二首

唐元稹

當年惜貴遊遺形寄丹腹骨象或依稀鉛華已寥落

巧藝

卷五十五

似對古人民無復昔城郭

顛倒世人心紛紛乏公是真賞畫不成畫賞真相似丹青各所尚工拙何足恃

吳畫聯句

唐

慘淡十堵內吳生縱狂跡風雲將逼人神鬼如脫壁其中龍最怪張甲方汗栗黑雲夜窻窄焉知不霹靂此際忽仙子獵獵衣舄奕妙瞬乍疑生參差奪人魄往往乘猛虎衝梁聳石蒼峭東高泉角膝警歌側冥獄不可視毛戴腋液液苟能久成刹那沈火宅

畫襄陽圖

唐徐安貞

畫得襄陽郡依然見昔遊峴山思駐馬漢水憶回舟丹壑常含霽青松不換秋圖書一作空咫尺千里意悠悠

觀江淮名勝圖

唐王昌齡

刻意吟雲山尤知隱淪妙公遠何爲者再詣臨海嶠而我高其風披圖得遺照援毫無逃境遂展千里眺淡掃荆門壁明標赤城燒青葱林間嶺隱見淮海微但指香爐頂無聞白猿嘯

求崔山人百丈崖瀑布圖

唐李白

百丈素崖裂四山丹壁開龍潭中噴射晝夜生風雷

巧藝

卷五十五

但見瀑泉落如滾雲漢來聞君寫真圖島嶼備繁迴

石黛刷幽草曾青澤古苔幽絨儻相傳何必向天台

瑩禪師房觀山海圖

唐李白

真僧閉精宇滅跡含達觀列障圖雲山攢峰入霄漢丹崖森在目清晝疑捲幔蓬壺來軒牕瀛海入几案煙濤爭噴薄島嶼相凌亂征帆飄空中瀑水灑天半呼嶸若可陟想像徒盈歎杳與真心冥遂諧靜者飭如登赤城裏揭步滄洲畔卽事能娛人從茲得消散

觀博平王志安少府山水粉圖

唐李白

粉壁爲空天丹青狀江海游雲不知歸日見白鷗在

博平真人王志安沈吟至此願挂冠松谿石磴帶秋色愁客思歸坐曉寒

奉觀嚴鄭公廳事岷山沱江畫圖十韻

唐杜甫

沱水臨中座岷山到北堂白波吹粉壁青嶂插雕梁直訝杉松冷兼疑菱荷香雪雲虛點綴沙草得微茫嶺鴈隨毫末川蜺歛練光霏紅洲藥亂拂黛石蘿長暗谷非關雨丹楓不爲霜秋成玄圃外景物洞庭傍繪事功殊絕幽襟興激昂從來謝太傅丘壑道難忘

嚴公廳宴同詠蜀道畫圖

唐杜甫

巧藝

卷五十五

八

畫

日臨公館靜畫列地圖雄劒閣星橋北松州雪嶺東華夷山不斷吳蜀水相通興與煙霞會清樽幸不空

戲題王宰畫山水圖歌

唐杜甫

十日畫一水五日畫一石能事不受相促迫王宰始肯留真跡壯哉崑崙方壺圖挂君高堂之素壁巴陵洞庭日本東赤岬水與銀河通中有雲氣隨飛龍舟人漁子入浦淑山水盡亞洪濤風尤工遠勢古莫比咫尺應須論萬里焉得并州快剪刀剪取吳松半江水

題劉相三湘圖

唐郎士元

昔日醉衡霍爾來憶南州今朝平津邸兼得瀟湘遊稍辨鄧門樹依然芳杜洲微明三巴峽咫尺萬里流飛鳥不知倦連帆生暮愁冷陽指天末此緒空悠悠枕上見漁父坐中當狎鷗誰言魏闕下有東山幽

桃源圖

唐韓愈

神仙有無何渺茫桃源之說誠荒唐唐流水盤迴山百轉生綃數幅垂中堂武陵太守好事者題封遠寄南宮下南宮先生欣得之波濤入筆驅文辭文工畫妙各臻極異境恍惚移於斯架巖鑿谷開宮室接屋連牆十萬日麻倒劉驤了不聞地坼天分非所恤種桃

巧藝

卷五十五

九

畫

處處惟開花川原近遠蒸紅霞初來猶自念鄉邑歲久此地遷成家漁舟之子來何所物色相猜更問語大蛇中斷喪前王羣馬南渡開新主聽終辭絕共悽然自說經今六百年當時萬事皆眼見不知幾計猶流傳爭持酒食來相饋禮數不同樽俎異月明伴宿玉堂空骨冷竟清無夢寐夜半金雞啁晰鳴火輪飛出客心驚人間有累不可住依然離別難爲情船開棹進一迴顧萬里蒼蒼煙水暮世俗寧知爲與真至今傳者武陵人

觀華夷圖

唐曹松

落筆勝縮地展圖當宴寧中華屬貴分遠裔占何星  
分寸辨諸岳斗升觀四溟長疑未到處一一似曾經

府試觀開元皇帝東封圖

唐馬戴

儼若翠華舉登封圖乍開冕旒明主立冠劍侍臣陪  
跡類飛仙去光同拜日來粉痕疑檢玉黛色訝生苔  
挂壁雲將起陵風仗若迴何年復東幸魯叟望悠哉

省試觀慶雲圖

唐

五雲從表瑞藻繪宛成圖柯葉何時改丹青此不渝  
非煙色尚麗似葢狀應殊渥彩看猶在輕陰望已無  
方將偶翠幄那羨起蒼梧欲識從龍處今逢聖合符  
巧藝

卷百五

十一

省試觀慶雲圖

唐柳宗元

設色初成象卿雲示國都九天開秘祉百辟贊嘉謨  
抱日依龍袞非煙近御爐高標連汗漫迴望接虛無  
裂素榮光發舒華瑞色敷恒將配堯德垂慶代河圖

省試觀慶雲圖

唐李行敏

縑素傳休祉丹青狀慶雲非煙凝漠漠似葢乍紛紛  
尚駐從龍意全舒捧日文光因五色起影向九霄分  
裂素觀嘉瑞披圖賀聖君寧同窺汗漫方此觀氛氲

同李九士曹觀壁畫雲作

唐高適

始知帝鄉客能畫蒼梧雲秋天萬里一片色只疑飛

盡猶氛氲

詠郡齋畫片雲

唐岑參

雲片何人畫塵侵粉色微未曾行雨去不見逐風歸  
只怪偏凝壁回看欲惹衣丹青忽借便移向帝鄉飛  
和中書侍郎院壁畫雲

唐李收

粉壁畫雲成如能上太清影從霄漢發光照掖垣明  
映條多幽趣臨軒得野情獨思作霖雨流潤及生靈  
奉和李右相書壁畫山水

唐孫逖

廟堂多暇日山水契中情欲寫高深趣還因藻繪成  
九江臨戶牖三峽遶檐楹花柳窮年盡煙雲逐意生  
巧藝

卷百五

十二

能令萬里近不覺四時行氣染荀香馥光含樂鏡清  
詠歌齊出處圖畫表冲盈自保千年遇何論八載榮  
劉相公中書江上畫障

唐岑參

相府徵墨妙揮毫天地窮始知丹青筆能奪造化功  
瀟湘在簾間廬壑橫座中忽疑鳳凰池暗與江海通  
粉白湖上雲黛青天際峰畫日恒見月孤帆如有風  
巖花不飛落澗草無春冬擔錫香爐緇釣魚滄浪翁  
如何平津意尚想塵外蹤富貴心獨輕山林興彌濃  
喧幽趣頗異出處事不同請君爲蒼生未可追赤松  
李兵曹壁畫山水各賦得桂水帆

唐李頎

片帆浮桂水落日天涯時飛鴈看共度閑雲相與送  
長波無曉夜泛泛欲何之

奉先劉少府新畫山水障歌 唐杜甫 盛

堂上不合生楓樹怪底江山起煙霧聞君掃却赤縣  
圖乘興遣畫滄洲趣畫師亦無數好手不可遇對此  
融心神知君重毫素豈但邪岳與鄭虔筆跡遠過楊  
契丹得非玄圃裂無乃瀟湘翻悄然坐我天姥下耳  
邊已似聞清猿及思前夜風雨急乃是蒲城鬼神入  
元氣淋漓障猶濕真宰上訴天應泣野亭春還雜花  
遠漁翁暝踏孤舟立滄浪水深青溟闊歌舻側島秋

巧藝

卷百十五

十二 畫

毫末不見湘妃鼓瑟時至今斑竹臨江活劉侯天機  
精愛畫入骨髓自有兩兒郎揮灑亦莫比大兒聰明  
到能添老樹巔崖裏小兒心孔開貌得山僧及童子  
若耶谿雲門寺吾獨胡為在泥滓青鞋布襪從此始  
同族弟金城尉叔卿燭照山水障畫歌

唐李白 盛

高堂粉壁圖蓬瀛燭前一見滄洲清洪波洶湧山崢  
嶸皎若丹丘隔海望赤城光中乍喜嵐氣滅謂逢山  
陰晴後雪迴谿碧流寂無喧又如秦人月下窺花源  
了然不覺清心覓祇將疊嶂鳴秋猿與君對此歡未

歌放歌行吟達明發却顧海客揚雲帆便欲因之向  
溟渤

當塗趙炎少府粉圖山水歌 唐李白 盛

峨眉高出西極天羅浮直與南溟連名公繹思揮彩  
筆驅山走海置眼前滿堂空翠如可掃赤城霞氣蒼  
梧煙洞庭瀟湘意渺綿三江七澤情洄沿驚濤洶湧  
向何處孤舟一去迷歸年征帆不動亦不旋飄如隨  
風落天邊心搖目斷興難盡幾時可到三山巔西峰  
崢嶸噴流泉橫石感水波潺湲東崖合沓敞輕霧深  
林雜樹空芊綿此中冥昧失晝夜隱几寂聽無鳴蟬

巧藝

卷百十五

十三 畫

長松之下列羽客對坐不語南昌仙南昌仙人趙夫  
子妙年歷落青雲士訟庭無事羅衆賓杳然如在丹  
青裏五色粉圖安足珍真仙可以全吾身若待功成  
拂衣去武陵桃花笑殺人

巫山枕障 唐李白 盛

巫山枕障畫高丘白帝城邊樹色秋朝雲夜入無行  
處巴水橫天更不流

觀于舍人壁畫山水 唐王季友 盛

野人宿在山家少朝見此山謂山曉半壁仍栖嶺上  
雲開簾欲放湖中鳥獨坐長松是阿誰再三招手起

來遲于公大笑向余說小弟丹青能爾爲

會稽王處士草堂壁畫衡霍諸山

唐劉長卿中

粉壁一作衡霍近羣峰一作捲簾如可攀能令堂上客見

盡湖一作南山青翠數千仞一作千飛來方丈間歸

雲無處滅去鳥何時還勝事日相對主人常獨閑稍

看林壑晚一作青陰佳氣生重關

題禮上人壁畫山水

唐錢起中

連山畫出映禪扉粉壁香筵滿翠微坐來爐氣縈空

散共指晴雲向嶺歸

巧藝

卷百五

十四

酬包評事壁畫山水見寄

唐皇甫冉中

黛中分遠近筆下起風煙巖翠深樵路湖光出釣船

寒侵赤城頂日照武陵川若覽名山誌仍聞招隱篇

題畫帳山水

唐皇甫冉中

桂水饒楓杉荆南足煙雨猶疑黛色中復是雒陽岨

題山水障子

唐張祐中

一見秋山色方憐畫手稀波濤連壁動雲物下簷飛

嶺樹冬猶發江帆暮不歸端然是漁叟相向日依依

題上右丞山水障子

唐張祐中

右丞今已沒遺畫世間稀咫尺江湖盡尋常鴻鴈飛  
山光全在掌雲氣欲生衣

觀李瓊處士畫海濤

唐釋齊己

巨鼉轉側長鰭翻狂濤顛浪高漫漫李瓊奪得造化  
本都盧縮在秋毫端一揮一畫皆筋骨澗湫崩騰大  
鯨泉葉樣仙槎擺落沈下頭應是驪龍窟昔年曾夢  
涉蓬瀛唯聞撼動珊瑚聲今來正歎陸沈久見君此  
畫思前程千尋萬派功難測海門山小濤頭白令人  
錯認錢塘城羅刹石底奔雷霆

獄中見壁畫佛

唐劉長卿中

巧藝

卷百五

十五

不謂銜冤處而能窺大悲獨棲叢棘下還見雨花時  
地狹青蓮小城高白日遲幸親方便力猶畏毒龍欺

周昉長史畫毗沙門天王歌

唐釋皎然

長史畫神獨感神高妙區中無兩人雅而逸高口真  
形口生虛無忽可親降魔大戟縮在手倚天長劒橫  
諸紳慈威示物雖凜凜在德無秋唯有春吾知真像  
本非色此君妙用君心得苟得下筆合神造誤點一  
點亦爲道寫出霜縑可舒卷何人能識此情遠秋齋  
清寂無外物盪手焚香聊自展憶昔胡兵圍未解感  
得此神天上下至今雲旗圖我形爲君一顧煙塵清



觀李湊所畫美人障子

唐劉長卿中

愛爾含天姿丹青有殊智無間已得象象外更生意  
西子不可見千載無重還空令浣紗態猶在含毫間  
一笑豈易得雙蛾如有情牕風不舉袖但覺羅衣輕  
華堂翠幕春風來內閣金屏曙色開此中一見亂人  
目只疑行到雲陽臺

題梅妃畫真

唐玄宗

憶昔嬌妃在紫宸鉛華不御得天真霜綃雖似當時  
態爭奈嬌波不顧人

崔興宗寫真詠

唐王維

巧藝

卷五十五

七

畫

畫君年少時如今君已老今時新識人知君舊時好

香山居士寫真詩

并序

唐白居易中

元和五年予為左拾遺翰林學士奉詔寫真於集  
賢殿御書院時年二十七會昌二年罷太子少傅  
為白衣居士又寫真於香山寺藏經堂時年七十  
一前後相望殆將三紀觀今照昔慨然自歎者久  
之形容非一世事幾變因題六十字以寫所懷  
昔作少學士圖形入集賢今為老居士寫貌寄香山  
鶴毳變玄髮雞膚換朱顏前形與後貌相去三十年  
勿歎韶華子俄成皤叟仙請看東海水亦變作桑田

題舊寫真圖

唐白居易中

我昔三十六寫貌在丹青我今四十六衰悴卧江城  
豈止十年老曾與眾苦并一照舊圖盡無復昔儀形  
形影與相顧如弟對老兄况使他人見能不味平生  
贈寫真者

唐白居易中

子騁丹青日當醜老時無勞役神思更盡病容儀  
迢遞麒麟閣圖功未有期區區尺素上焉用寫真為  
贈寫御真李長史

唐李遠

玉座煙銷硯水清龍髯不動紫毫輕初分隆準山河  
秀再點重瞳日月明宮女捲簾皆暗認侍臣開殿盡  
巧藝

卷五十五

七

畫

逢驚三朝供奉應無敵始覺繇僧浪得名

寫真

唐釋淡交

圖形期自見自見却傷神已是夢中夢更逢身外身  
水花凝幻質墨彩染空塵堪笑余兼爾俱為未了人  
蘇小小寫真連句

唐

如生小小真猶自未棲塵揄袂將離座斜柯欲近人  
昔時如出眾情寵古橫陳不遣遊張巷豈教窺宋鄰  
庾樓吹笛裂弘閣賞歌新蟬怯纖腰步蛾驚半額頻  
圖形誰有術買笑不辭貧復隴迷村徑重泉隔漢津  
同心知作羽比目定為鱗殘月巫山夕餘霞落浦晨

戲韋僊爲雙松圖歌

唐杜甫

天下幾人書古松畢宏已老韋僊少絕筆長風起纖  
末滿堂動色嗟神妙兩株慘裂苔蘚皮屈鐵交錯迴  
高枝白摧朽骨龍虎死黑入太陰雷雨垂松根胡僧  
憇寂寞龐脣皓首無住著偏袒右肩露兩脚葉裏松  
子僧前落韋侯韋侯數相見我有一匹好素絹重之  
不減錦繡段已令拂拭光凌亂請公放筆爲直幹

題李尊師松樹障子歌

唐杜甫

老夫清晨梳白頭玄都道士來相訪握髮呼兒延入  
戶手提新畫青松障障子松林靜杳冥憑軒忽若無  
巧藝

卷五十五

十八

丹青陰崖却承霜雪餘僊蓋及走虬龍形老夫平生  
好奇古對此興與精靈聚已知仙客意相親更覺良  
工心獨苦松下丈人巾屨同偶坐似是商山翁悵望  
聊歌紫芝曲時危慘淡來悲風

詠門上畫松上元杜王三相公

唐錢起

昔聞生間底今見起毫端衆草此時沒何人知歲寒  
豈能裨棟宇且欲出門闌只在丹青筆凌雲也不難

壁畫古松

唐朱泚

石上盤古根謂言天生朽安知草木性變在畫師手  
陰深方丈間真趣幽且閑木文離披勢撻挫中裂空

心火燒出掃成三寸五寸枝便作千年萬年物莓苔  
濃淡意不同一半死皮藏蠹蟲風霜未必來到此氣  
色杳似寒山中孤標可詭不可取能使支公道場古

李肱所遺畫松

唐李商隱

萬草已涼露開圖披古松青山徧蒼海此樹生何峰  
孤根邈無倚直立撐鴻濛端如君子身挺若壯士胸  
樛枝勢夭矯忽欲蟠拳空又如驚螭走默與奔雲逢

畫竹歌

唐白居易

協律郎蕭悅善畫竹舉時無倫蕭亦甚自秘重有  
終歲求其一竿一枝而不得者知予天與好事忽  
巧藝

卷五十五

十九

寫一十五竿惠然見投予厚其意高其藝無以荅  
貺作歌以報之

植物之中竹難寫古今雖畫無似者蕭郎下筆獨逼  
真青以來唯一人人畫竹身肥臃腫蕭畫莖瘦節  
節疎人畫竹梢死羸垂蕭畫枝活葉葉動不根而生  
從意生不筍而成由筆成野塘水邊倚岸側森森兩  
叢十五莖嬋娟不失筠粉態蕭颯盡得風煙情舉頭  
忽看不似畫低耳靜聽疑有聲西叢七莖勁而健曾  
向天竺寺前石上見東叢八莖疎且寒憶曾湘妃廟  
裏雨中看幽姿遠思少人別與君相顧空長歎蕭郎

蕭郎老可惜手顫眼昏頭雪色自言便是絕筆時從  
今此竹猶難得

詠主人壁上畫鶴寄喬主簿崔著作

唐陳子昂 初

古壁仙人畫丹青尚有文獨舞紛如雪孤飛暖似雲  
自矜彩色重寧憶故池羣江海聯翩翼長鳴誰復聞

詠省壁畫鶴

唐宋之問 初

粉壁畫仙鶴昂藏真氣多鸞飛竟不去當是戀恩波

通泉縣署屋壁後薛少保畫鶴 唐杜甫 盛

薛公十一鶴皆寫青田直畫色久欲盡蒼然猶出塵

巧藝

卷百十五

二十一

低昂各有意磊落如長人佳此志氣遠豈惟粉墨新

萬里不以力羣遊森會神威遲白鳳態非是倉庚鄰

高堂未傾覆幸得慰佳賓暴露牆壁外終嗟風雨頽

赤霄有真骨恥飲滄池津冥冥任所往脫畧誰能馴

畫鶴篇省中作

唐錢起 中

點素凝姿任畫工霜毛玉羽照簾櫳借問飛鳴華表

上何如粉綉彩屏中文昌宮近芙蓉闌闌室網緇香

且結鑪氣朝成縹緲雲銀燈夜作華亭月日暖花明

梁燕歸應驚片雪在仙闌主人顧盼千金重誰肯徘徊五里飛

楊監又出畫鷹十二扇

唐杜甫 盛

近時馮紹正能畫驚鳥樣明公出此圖無乃傳其狀  
殊姿各獨立清絕心有向疾禁千里馬氣敵萬人將

憶昔驪山宮冬移含元仗天寒大羽獵此物神俱王

當時無凡材百中皆用壯粉墨形似間識者一惆悵

干戈少暇日真骨老崖障爲君除狡兔會是翻韞上

畫鷹

唐杜甫 盛

素練風霜起蒼鷹畫作殊攬身思狡兔側目似愁胡

條鏃光堪擲軒楹勢可呼何當擊凡鳥毛血灑平蕪

姜楚公畫角鷹歌

唐杜甫 盛

巧藝

卷百十五

二十一

楚公畫鷹鷹戴角殺氣森森到幽朔觀者貪愁掣臂

飛畫師不是無心學此鷹寫真在左綿却嗟真骨遂

虛傳梁間燕雀休驚怕亦未搏空上九天

畫鵲行

唐杜甫 盛

高堂見生鵲颯爽動秋骨初驚無拘攣何得立突兀

乃知畫師妙巧刮造化窟寫此神俊姿充君眼中物

鳥鵲滿樛枝軒然恐其出側腦看青霄寧爲衆禽沒

長翮如刀劒人寰可超越乾坤空崢嶸粉墨且蕭瑟

緬思雲沙除自有煙霧質吾今意何傷顧步獨紆紆

謝微上人惠二龍障子

唐釋貫休

我見蘇州崑山佛殿中金城柱上有二龍老僧相傳  
道是僧繇手尋常入海共龍鬪又聞蜀國王局觀有  
孫邁跡盤屈身長八十尺遊人爭看不敢近頭觀寒  
泉萬丈碧近有五羊徽上人閑工小筆得意新畫龍  
不誇頭角及甲鱗只求筋骨與精神徽上人真藝者  
惠我雙龍不言價等閑不敢將懸挂恐似葉公好假  
龍及見真龍却驚怕

和李尚書畫射虎圖歌

唐獨孤及

饑虎呀呀立當路萬夫震恐百獸怒形弓金鏃當者  
誰鳴鞭飛控流星馳居然畫中見真熊若務除惡不

巧藝

卷五十五

三

畫

顧私時和年豐五兵已白額未誅壯士恥分銖速通  
縣穀中不中不發思全功拾矢如破石可裂應絃盡  
敵山爲空殺氣滿堂觀者駭颯若崖谷生長風精微  
入神在毫末作續造物何同功方叔秉鉞受命新丹  
青起予氣益振底綏靜難巧可擬嗟歎不足聲成文  
他時代天育萬物亦以此道安斯民

同鮮于洛陽於畢員外宅觀畫馬歌

唐高適

知君愛鳴琴仍好千里馬永日恒思單父中有時心  
到宛城下遇客丹青天下才白生胡雛控龍媒主人

娛賓畫幀開只言騏驎西極來半壁遼瀾勢不住滿  
堂風飄颻然度家僮愕視欲先鞭極馬驚嘶還屢顧  
始知物妙皆可憐燕昭市駿豈徒然縱令剪拂無所  
用猶勝駑駘在眼前

畫馬篇

唐高適

君侯櫪上驄貌在丹青中馬毛連錢蹄鐵色圖畫光  
輝驕玉勒馬行不動勢若來權奇蹴踏無塵埃感茲  
絕代稱妙手遂令談者不容口麒麟獨步自可珍駑  
駘萬匹知何有終未如他櫪上驄載華轂騁飛鴻荷  
君剪拂與君用一日千里如旋風

巧藝

卷五十五

三

畫

韋諷錄事宅觀曹將軍畫馬圖引 唐杜甫  
國初已來畫鞍馬神妙獨數江都王將軍得名三十  
載人間又見真乘黃曾貌先帝照夜白龍池十日飛  
霹靂內府殷紅瑪瑙盤婕妤傳詔才人索盥賜將軍  
拜舞歸輕紉細綺相追飛貴戚權門得筆跡始覺屏  
障生光輝昔日太宗拳毛騧近時郭家師子花今之  
新圖有二馬復令識者久歎嗟此皆騎戰一敵萬編  
素漠漠開風沙其餘七匹亦殊絕迴若寒空動煙雪  
霜蹄蹴踏長楸間馬官廐養森成列可憐九馬爭神  
駿顧視清高氣深穩借問苦心愛者誰後有韋諷前

之近憶昔巡幸新豐宮翠華拂天來向東騰驤落  
三萬匹皆與此圖筋骨同自從獻寶朝河宗無復射  
蛟江水中君不見金粟堆南松柏裏龍媒去盡鳥呼  
風

天育驃騎歌

唐杜甫

吾聞天子之馬走千里今之畫圖無乃是何意態  
雄且傑駿尾蕭梢朔風起毛爲綠縹兩耳黃眼有紫  
焰雙瞳方矯矯龍性合變化卓立天骨森開張伊昔  
太僕張景順監牧攻駒閱清峻遂令大奴守天育別  
養驥子憐神俊當時四十萬匹馬張公歎其材盡下  
巧藝

卷五十五

五

畫

故獨寫真傳世人見之座右久更新年多物化空形  
影嗚呼健步無由騁如今豈無驪最與驊驎時無王  
良伯樂死卽休

題壁上韋偃畫馬歌

唐杜甫

韋侯別我有所適知我憐君畫無敵戲拈秃筆掃驊  
騮歛見麒麟出東壁一匹斲草一匹嘶坐看千里當  
霜蹄時危安得真致此與人同生亦同死

八駿圖詩

并序

唐元稹

良馬無世無之而終不得與八駿並名何也吾聞  
八駿日行三萬里夫車行三萬里而無毀輪壞轡

之患蓋神車者行三萬里而無喪精褫魄之患亦  
神之人也無是三神而得是八馬乃破車掣御躡  
人之乘也世焉用之今夫畫古者畫馬而不畫車  
馭不盡所以乘馬者是不知夫古者也予因作詩  
以辨之

穆滿志空闊將行九州野神馭四來歸天與八駿馬  
龍種無凡性龍行無暫捨朝辭扶桑底暮宿崑崙下  
鼻息吼春雷蹄聲裂寒瓦尾掉滄波黑汗染白雲赭  
革輶本脩密翠蓋尚妍冶御者腕不移乘者寐不假  
車無輪扁斷轡無王良把雖有萬駿來誰是敢騎者  
巧藝

卷五十五

五

畫

述韋昭應畫犀牛

唐儲光羲

遐方獻文犀萬里隨南金大邦柔遠人以之居山林  
食棘無秋冬絕流無淺深雙角前斬斬三蹄下駸駸  
朝賢壯其容未能辨其音有我哀鳥郎新邑長鳴琴  
陞閣飛嘉聲丘甸盈仁心閑居命國工作繪北堂陰  
吮吮若有神庶北來儀禽昔有舞天庭爲君奏龍吟  
詠徐正字畫青蠅

唐元稹

誤點能成物迷真許一時筆端來已久座上去何遲  
顧白曾無變聽雞不復疑詎勞才子賞爲入國人詩  
○棋

酬段丞與諸棋流會宿弊居見唐元稹

鳴局寧虛日閑廳任廢時琴書甘盡棄園井詎能窺  
運石疑填海爭籌憶坐帷赤心方苦闢紅燭以先施  
蛇勢繁山合鴻聯遮嶺逢堂堂排直陣滾滾逼羸師  
懸劫偏深猛回征特嶮巖斫營看迴點對壘重相持  
善敗雖稱怯驕盈最易欺狼牙當必碎虎口禍難移  
乘勝同三捷扶顛望一詞希因送目便敢待指蹤奇  
退引防邊策雄吟斬將詩眠牀都浪置通夕共忘疲

觀棋歌送懷師西遊唐劉禹錫

長沙男子東林師開讀藝經工奕棋有時疑思如入  
巧藝

卷五十五

王

意暗覆一局誰能知今年訪予來小桂方袍袖中貯  
新勢山城無事愁日長白晝懵懵眠匡牀因君臨局  
看關志不覺遲景沈西墻自從山人遇樵子直到開  
元王長史前身後身付餘習百變千化無窮已初疑  
磊落曙天星次見搏擊三秋兵鴈行布陣眾未曉虎  
穴得子人皆驚行盡三湘不逢敵終日饒人損機格  
自言臺閣有知音悠然遠起西遊心商山夏木陰寂  
寂好處徘徊駐飛錫忽思爭道畫平沙獨笑無言心  
自適

送棋待詔朴球歸新羅

唐張喬

海東誰敵手歸去道應孤闕下傳新勢船中覆舊圖  
窮荒廻日月積水載寰區故國多年別桑田復在無  
○彈棋

彈棋北周王褒

投壺生電影六博值仙人何如鏡奩上自有拂輕巾  
隔澗疑將別隴頭如望秦握筆徒思賦辭短竟無陳  
彈棋歌唐李頎

崔侯善彈棋功妙盡於此藍田美石清如砥白黑相  
分十二子聯翩百中皆造微魏文手中不足比緣邊  
度隴未可嘉焉歧星懸正復斜迴轉指速飛電拂  
巧藝

卷五十五

三七

彈棋

四取五旋風花坐中齊聲稱絕藝仙人六博何能繼  
一別常山道路遙爲余更作三五勢

彈棋歌唐韋應物

圓天方地局二十四氣子劉生絕藝難對曹客爲歌  
其能請從中央起中央轉關破欲闌零落勢背誰能  
彈此中舉一得六七旋風忽散霹靂疾復機乘變安  
可當置之死地翻取強不見短兵反掌收已盡唯有  
猛將守四方四方又何難橫擊上緣邊豈如昆明與  
碣石一箭飛中隔遠天安志愜動十全滿堂驚視  
誰得然



○打毬

打毬篇

唐蔡孚初

臣謹按打毬者往之蹴鞠古戲也黃帝所作兵勢以練武士知有材也竊美其事謹奏打毬篇一章德陽宮北苑東頭雲作高臺月作樓金鏐玉瑩千金地寶杖琬文七寶毬寶融一家三尚主梁冀頻封萬戶侯容色由來荷恩顧意氣平生事俠遊共道用兵如斷蔗俱能走馬入長楸紅鬃錦髮風驟驥黃絡青絲電紫驕奔星亂下花場裏初月飛來盡杖頭自有長鳴須決勝能馳迅足滿先籌薄暮漢宮愉樂罷還巧藝

卷五十五

二十八 打毬

歸堯室曉垂旒

人日西臺觀打毬應制

唐武平一初

令節重遨遊分鑣戲綵毬驂迴上苑蹀躞繞通溝影就紅塵沒光隨赭汗流賞闌清景暮歌舞樂時休幸梨園亭觀打毬應制

景龍四年春二月上御梨園命三品以上拋毬

按河章巨源唐休璟袁老隨迴踏地不能與上及皇后妃主臨觀大笑

唐沈佺期初

今春芳苑遊接武上瓊樓宛轉縈香騎飄飄拂畫毬俯身迎未落迴轡逐傍流祗爲看花鳥時時誤失籌

打毬

唐張建封

僕本修文持筆者今來帥領紅旌下不能無事習馳矛閑就平場學使馬三軍伎癢驍智才競馳駿逸隨我來護軍對引相向去一作出風呼月旋明光開俯身仰擊復傍擊難於古人左右射齊觀百步透短門誰美養由逢破的儒生疑我新發狂武夫愛我生雄光杖移髮底拂尾後星從月下流中場人不約心自一馬不鞭蹄自疾凡情莫辨捷中能抽目翻驚巧時失韓生訝我爲斯藝勸我徐驅作安計不知戎事意何成且媿吾人言一惠

拋毬樂詞二首

唐劉禹錫中

巧藝

卷五十五

二十九 打毬

五綵繡團團登君璫瓊筵最宜紅燭下偏稱落花前上客如先起應須贈一船

春早見花枝朝朝恨發遲及看花落後却憶未開時幸有拋毬樂一杯更莫辭

拋毬樂詩二首

唐皇甫松

紅撥一聲飄輕毬墜越綃帶翻金孔雀香滿繡蜂腰少少拋分數花枝正索饒

金感花毬小真珠繡帶垂幾回衝蠟燭千度入春懷上客終須醉觥杯自亂排

觀宋州田大夫打毬

唐張祐中

白馬頻紅纓梢毵紫袖輕曉水蹄下裂寒瓦杖頭鳴  
叉手膠粘去分髣線道緝自言無戰伐髀肉已曾生

觀打毬有作

唐楊巨源中

親掃毬場如砥平龍驤驟馬曉光晴入門百拜瞻雄  
勢動地三軍唱好聲玉勒回時霑赤汗花驥分處拂  
紅纓欲令四海氛煙靜杖底纖塵不敢生

○雜戲

和許給事善心戲場轉韻

隋薛道衡

京洛重新年復屬月輪圓雲間壁獨轉空裏鏡孤懸  
萬方皆集會百戲盡來前臨衢車不絕夾道閣相連

巧藝

卷五十五

三十

雜戲

驚鴻出洛水翔鶴下伊川豔質迴風雪笙歌韻管絃  
佳麗儼成行相攜入戲場衣類何平叔人同張子房  
高高城裏髻異我樓上妝羅裙飛孔雀綺帶垂鴛鴦  
月映班姬扇風飄韓壽香竟夕魚負燈徹夜龍銜燭  
歡笑無窮已歌詠一作吹還相續羌笛隴頭吟胡舞龜  
茲山假面飾金銀盛服搖珠玉宵深戲未闌競爲人  
所難卧驅飛玉勒立騎轉銀鞍縱橫既躍劍揮霍復  
跳丸抑揚百獸舞盤踞五禽戲狡狴弄斑足巨象垂  
長鼻青羊跪復跳白馬迴旋騎一作忽視羅浮起俄  
看薛昌至峰嶺既崔嵬林叢亦青翠麋鹿一作下騰

倚猴猿或蹲跼金徒列舊刻玉律動新灰甲莢垂陌  
柳殘花散苑梅繁星漸寥落斜月尚徘徊王孫猶勞  
戲公子未歸來共酌瓊酥酒同傾鸚鵡杯昔天逢聖  
日北庶喜康哉

傀儡吟

唐玄宗

刻木牽絲作老翁雞皮鶴髮與真同須臾弄罷寂無  
事還是人生一夢中

觀拔河俗戲

唐玄宗

俗傳此戲必致年豐故命北軍以求歲稔  
壯徒恒賈勇拔拒抵長河欲練英雄志須明勝負多

巧藝

卷五十五

三十一

雜戲

課齊山岌業氣作水騰波預期年歲稔先此樂時和  
奉和聖製觀拔河俗戲應制 唐張說初

今歲好拖鉤橫街敞御樓長繩繫日往貫索挽河流  
鬬力頻催鼓爭都更上籌春來百種戲天意在宜秋

和梁王衆傳張光祿是王子晉後身久視元年

爲奉宸府張易之爲奉宸令引詞人爲供奉  
伎者奏云昌宗王子晉後身今披羽衣吹簫  
乘木鶴奏樂于庭  
融賦詩爲絕唱

唐崔融初

聞有冲天客披雲下帝畿三年上賓去千載忽來歸  
昔遇浮丘伯今同丁令威中郎才貌是杜史姓名非  
祗召趨龍闕承恩拜虎闥丹成金鼎獻酒至玉杯揮

天仗分旄節朝容間羽衣舊壇何處所新廟坐光輝  
漢主存仙要淮南愛道機朝朝綴氏鶴長向洛城飛

蘇摩遮五首

唐張說初

摩遮本出海西胡琉璃寶服紫髯鬚聞道皇恩遍宇  
宙來將歌舞助歡娛

繡裝拍額寶花冠夷歌騎舞借人看自能激水成陰  
氣不慮今年寒不寒

臘月凝陰積帝臺齊歌急鼓送寒來油囊取得天河  
水將添上壽萬年杯

寒氣宜人最可憐故將寒水散庭前惟願聖君無限  
巧藝

卷五十五

三十五

雜戲

樂長取新年續舊年

昭成皇后之家親榮樂諸人不比倫往日霜前花委  
地今年雪後樹逢春

詠王大娘戴竿并序

唐劉晏初

明皇御勤政樓大張樂羅列百技時教坊有王大  
娘者戴百尺竿竿上施木山狀瀛洲方丈令小兒  
持絳節出入於其間歌舞不輟時劉晏以神童爲  
秘書正字方十歲帝召之貴妃置之膝上爲粉黛  
與之中櫛令詠王大娘戴竿晏卽應聲賦之因命  
牙笏及黃紋袍賜之

樓前百戲競爭新唯有長竿妙入神誰謂綺羅翻有  
力猶自嫌輕更著人

險竿行

唐柳曾

山險驚摧輶水險能覆舟爾何平地不肯立走上百  
尺高竿頭我不知爾是人耶復猱耶使我爲爾長歎  
嗟

觀繩伎

唐劉言史中

秦陵遺樂何最珍綵繩冉冉天仙人廣楊寒食風日  
好百夫伐鼓錦臂新銀畫青綃扶雲髮高處綺羅香  
更切重肩接立三四層著屐背行仍應節兩邊圓劒

巧藝

卷五十五

三十五

雜戲

漸相迎側身交步何輕盈閃然欲落却收得萬人肉  
上寒毛生危機險勢無不有倒挂纖腰學垂柳下來  
一一芙蓉姿粉薄細稀態轉奇坐中還有沾巾者曾  
見先皇初教時

觀公孫大娘弟子舞劒器行并序

唐杜甫盛

大曆二年十月十九日夔州別駕元特宅見臨穎  
李十二娘舞劒器壯其蔚跂問其所師曰余公孫  
大娘弟子也開元三載余尚童稚記於郾城觀公  
孫大娘劒器渾脫瀏灑頓挫獨出冠時自高頭宜  
春梨園二伎坊內人洎外供奉曉是舞者聖文神

武皇帝初公孫一人而已玉貌錦衣況余白首今  
茲弟子亦匪盛顏既辨其由來知波瀾莫二撫事  
慷慨聊爲劍器行往者吳人張旭善草書書帖數  
嘗於鄴縣見公孫大娘舞西河劍器自此草書長  
進豪蕩感激即公孫可知矣

昔有佳人公孫氏一舞劍器動四方觀者如山色沮  
喪天地爲之久低昂燿如羿射九日落矯如羣帝驂  
龍翔來如雷霆收震怒罷如江海凝清光絳唇珠袖  
兩寂寞晚有弟子傳芬芳臨穎美人在白帝妙舞此  
曲神揚揚與予問答既有以感時撫事倍惋傷先帝

巧藝

卷百五十五

三

雜戲

侍女八千人公孫劍器初第一五十年間似反掌風  
塵澗洞昏王室梨園弟子散如煙女樂餘姿映寒日  
金粟堆南木已拱瞿塘石城草蕭瑟玳筵急管曲復  
終樂極哀來月東出老夫不知其所往足爾荒山轉  
愁疾

尋橦歌

唐王建中

人間百戲皆可學尋橦不比諸餘樂重梳短髻下金  
鈿紅帽青巾各一邊身輕足捷勝男子繞竿四面爭  
先緣臂多倚附歌一作竿滑上下踰躐皆著襪翻身  
垂頸欲落地却住把煙初似歇大竿百夫擎不起裏

裏半在青雲裏纖腰女兒不動容戴行直舞一曲終  
迴頭但覺人眼見矜難恐畏天無風險中更險何曾  
失山鼠懸頭猿挂膝小垂一手當舞盤斜慘雙娥看  
落日斯須改變曲解新貴舞歡他平地人散時滿面  
生顏色行步依前無氣力

鞦韆詞

唐王建中

長長絲繩紫復碧嬋嬋橫枝高百尺少年兒女重鞦  
韆盤中結帶分兩邊身輕裙薄易生力雙手向空如  
鳥翼下來立定重繫衣復畏斜風高不得傍人送上  
那足貴終睹鳴璫闌自起迴迴若與高樹齊頭上寶

巧藝

卷百五十五

三

雜戲

欽從墮地眼前爭勝難爲休足踏平地看始愁

龜背戲

唐柳宗元中

長安新技出宮掖喧喧初徧王侯宅玉盤滴瀝黃金  
錢皎如文龜麗秋天八方定位開神卦六甲離離脊  
上下投變轉動玄機卑星流霞破相參差四分五裂  
勢未已出無入有誰能知乍驚散漫無處所須臾羅  
列已如故徒言萬事有盈虛終朝一擲知勝負脩門  
象棋不復貴魏宮妝奩世所棄豈如瑞質耀奇文願  
持千歲壽吾君廟堂中筭非余慕錢刀兒女徒紛紛  
詩集類函卷一百二十五

詩雋類函卷一百二十六

東吳俞安期彙纂 宣城梅鼎祚增定



居處部一

官舍

城市宮 過舊宮 故宮 九成宮 溫泉宮並載殿 闕院

○城

巡城 登城並入

詠城

唐李嶠初

四塞稱天府三河建洛都飛雲謁層關白日麗南隅  
獨下仙人鳳羣驚御史烏何辭一萬里邊徼捍匈奴

望城

齊王融

居處

卷百二十六

城

金城十二重雲氣出表裏萬戶如不殊千門反相似  
車馬若飛龍長衢無極已簫鼓相逢迎信哉佳城市

築城詞

唐張籍中

築城處千人萬人齊把杵重重土堅試行錐軍吏執  
鞭催作遲來時一年深磧裏盡著短衣渴無水力盡  
不得拋杵聲杵聲未盡人皆死家家養男當門戶今

日作君城下土

築城三首

唐曹鄴晚

郎有靡蕪心妾有芙蓉質不辭嫁與郎築城無休日

二

嗚嗚啄人鴉軋軋上城車力盡土不盡得歸亦無家

三

築人非築城圍秦豈圍我不知城上土化作宮中火

城上

唐杜甫盛

草滿巴西綠空城白日長風吹花片片春動水茫茫  
八駿隨天子羣臣從武皇遙聞出巡狩早晚遍遐荒

城上

唐白居易中

城上鑿鑿鼓朝衙復晚衙為君慵不出落盡遶城花  
仰和衛尉新渝侯巡城口號 梁簡文帝

帝京風雨中層闕煙霞浮玉署清餘熱金城含暮秋

居處

卷百二十六

二

城

水觀凌却敵槐影帶重樓

和衛尉新渝侯巡城詩

梁庾肩吾

維城寄左戚巡警屬勤王南瞻通灞嶺北眺指橫仁  
入漢飛延閣臨雲出建章步逐天津遠城隨秋夜長  
露槐落金氣風寮上新涼

守睢陽作

唐張巡盛

接戰春來苦孤城日漸危合圍倖月暈分守若魚麗  
屢厭黃塵起時將白羽揮裏瘡猶出陣飲血更登陴  
忠信應難敵堅貞諒不移無人報天子心計欲何施

同王員外隴城絕句

唐錢起中

三軍版築脫金刀  
黎庶翻慙將士勞  
不憶新城連嶂起  
唯驚畫角入雲高

登城

梁簡文帝

日影半東簷靖念空  
杼柚小堂倦縹書  
華池厭脩竹寂寞既  
寡悰登城望原陸遙  
山半吐雲巖巖時響  
谷靡靡見虛煙森森  
視寒木落霞乍續斷  
晚浪時迴復遠矚既  
濡翰徒自勞心目短  
歌雖可裁緣情非霧  
縠

登城北望

梁簡文帝

登樓傳昔賦出薊表  
前聞灞陵忽回首河  
隄徒望軍茲焉聊迴  
眺極目杳難分一水  
斜開岨雙城遙共雲  
居處

卷五十六

三城

登城北望

梁簡文帝

昔師屠六郡登城望  
九嶷山沈黃霧裏地  
盡黑雲中霜戈曜耀  
日哀笳斷塞風

登石頭城

梁何遜

關城乃形勢地險差  
非一馬領逐紆回犬  
牙傍隆宰百雉極襟  
帶億庾兼量出至理  
歸無爲善守竟何恤  
眺聽窮耳目遠近備  
幽悉擾擾見行人暉  
暉視落日連檣入迴  
浦飛蓋交長術天暮  
遠山青潮去遙沙出  
薄宦愿師表屬辭慙  
愈疾願乘轂轅牛還  
隱蒙龍室

古意訓到長史既登琅邪城

梁徐悱

甘泉警烽候上谷抵一作樓蘭此江稱豁險茲山復  
鬱鬱表裏窮形勝襟帶盡巖巖脩篁壯下屬危樓峻  
上千登陴起遐望迴首見長安金溝朝瀨漣甬道入  
驚濤車驚華轂汗馬躍銀鞍少年負壯氣耿介立  
衝冠懷紀燕山石思開函谷九豈如灞上戲羞取路  
傍觀寄言封侯者數奇良可歎

登城怨

梁范雲

楚妃歌脩竹漢女奏幽蘭獨以閨中笑豈知城上寒  
遊龍首城

陳張正見

關外山川闊城隅塵霧浮白雲絕嶺滄波間斷洲  
居處

卷五十六

四城

四面觀長薄千里眺平丘河津無桂樹樽酒自淹留

登越州城

唐孫逖

越嶂繞層城登臨萬象清封圻滄海合鄺市碧湖明  
曉日漁歌滿芳春棹唱行山風吹美箭田雨潤香粳  
代閱英靈盡人間吏隱并贈言王逸少已見曲池平

登襄陽城

唐杜審言

旅客三秋至層城四望開楚山橫地出漢水接天回  
冠蓋非新里章華卽舊臺習池風景異歸路滿塵埃

秋晚登古城

唐李百藥

日落征途遠悵然臨古城頽墉寒雀集荒堞晚鳥驚



森灌木上迢遞孤煙生霞景煥餘照露氣澄曉清  
秋風轉搖落此志安可平

登岳州西城

唐張說初

水國何遼曠風波遂極天西江三紀合南浦二湖連  
危堞臨清境煩憂暫豁然九圍觀掌內萬象閱眸前  
日去長沙渚山橫雲夢田汀葭變秋色津樹入寒煙  
潛穴探靈詭浮生揖聖僊至人今不見跡滅事空傳

登古鄴城

唐岑參盛

下馬登鄴城城空復何見東風吹野火暮入飛雲殿  
城隅南對望陵臺漳水東流不復回武帝宮中人去

居處

卷百五

五

盡年年春色爲誰來

上白帝城

唐杜甫盛

城峻隨天壁樓高更女牆江流思夏后風至憶襄王  
老去聞悲角人扶報夕陽公孫初恃險躍馬意何長

登餘干古縣城

唐劉長卿中

孤城上與白

一作迢遞楚

雲齊萬古荒涼一作蕭條楚水西官

舍已空秋草綠女牆猶在夜烏啼平江渺渺來人遠  
一作落落日亭亭向客低沙鳥不知陵谷變朝飛一作還

暮去

一作往弋陽谿

步登夏口古城作

唐劉長卿中

平蕪連古堞遠客此沾衣高樹朝一作光上空城秋  
氣歸微明漢水極搖落楚人稀但見荒郊外寒鴉暮  
暮飛

奉和王相公早春登徐州城

唐皇甫冉中

落日憑危堞春風似故鄉川流通楚塞山色遶徐方  
壁壘依寒草旌旗動夕陽無戎資上策南畝起耕桑

登司馬錯古城

唐劉禹錫中

秦昭王命錯征五谿蠻城在武陵沅江南

將軍將秦師西南莫遐服故壘清江上蒼煙晦喬木  
登臨值蕭辰周覽壯前躅塹平陳葉滿墉高秋蔓綠

居處

卷百六

六

廢井抽寒菜毀臺生層穀耕人得古器宿雨多遺鏃  
楚塞鬱重疊蠻谿分詰曲畱此數仞基幾人生遠目

登長城

唐李益中

漢家今上郡秦塞古長城有日雲長慘無風沙自驚

晚歲登武陵城顧望水陸悵然有作

唐劉禹錫中

星象承烏翼蠻貊想犬牙里人祠竹節仙洞閉桃花  
城塞歷漢魏江原自賁巴華表廖立地采地黃瓊家  
霜輕菊秀晚石淺水紋斜樵音繞故壘汲路明寒沙  
青楓稍改葉廬橘如含葩野橋過驛騎叢祠發迴笳

跳鱗避舉網倦鳥寄行楂路塵高出樹山火遠連霞  
夕曛轉赤岍浮靄起蒼葭軋軋渡水漿連連赴林鴉  
叫聞道未達賜環期日賒孤臣本危涕喬木在天涯

○市

詠市

唐李嶠初

闌闌開三市旗亭起百尋漸離初擊筑司馬正彈琴  
細柳龍鱗映長槐兔月陰徒知觀衛玉詎肯挂秦金

看放市

梁庾肩吾

旗亭出御道遊目暫迴車既非隨舞鶴聊思索枯魚  
懸龜識季主勝酒見相如日中人已合黃昏故未疎

居處

卷五十六

七

賦得日中市朝滿鮑照結客少年場行云日中市朝滿車馬若川流

陳張正見

雲閣綺霞生旗亭麗日明塵飛三市路葢入九重城  
竹葉當爐初學作杯滿桃花帶綬輕唯見爭名利安知大

隱情

○宮 過舊宮 故宮 九成宮 溫泉宮並載

新成安樂宮

梁簡文帝

遙看雲霧中刻桷映丹紅珠簾通曉日金華拂夜風  
欲知歌管處來過安樂宮

新成安樂宮

鍾賦新成安樂宮援筆便就

陳陰鏗

新宮實壯哉雲裏望樓臺迢遞翔鸞仰連翩賀燕來  
重欄寒霧宿丹井夏一作夜蓮開砌石披新錦梁花畫  
早梅欲知安樂盛歌管雜塵埃

新成安樂宮

隋陳子良

春色照蘭宮秦女旦牕中柳葉來眉上桃花落臉紅  
拂塵開扇匣卷帳却薰籠衫薄偏憎日裙輕更畏風

江都宮樂歌

隋煬帝

揚州舊處可淹留臺榭高明復好遊風亭芳樹迎早  
夏長臯麥隴送餘秋淥潭桂楫浮青雀果下金鞍躍  
紫驪綠觴素蟻流霞飲長袖清歌樂戲州選詩拾遺云據此詩

居處

卷五十六

八

隋時七言律體已具不始於唐也

從過舊宮

以下過舊宮

宋鮑照

蕭裝屬雲旅奉勅承末塗嚴恭履桑梓加敬覽粉榆  
靈命蘊川濱帝寶伏篇圖虎變由石紐龍翔自鼎湖  
功冠生民始道妙神器初宮陞留前一作首制歌思溢  
今衢餘祥見雲物遺像存陶漁淵流信清泌原野實  
甘茶豈伊愛鄴鄴天險兼上腴東秦邦北門非親誰  
克居仁聲日月懋惠澤雲雨敷盧令美何歇唐風久  
不渝微臣逢世慶征賦備人徒空費行葦德採束謝  
生芻

幸武功慶善宮賦

慶善宮帝生時故宅也貞觀六年九月帝幸于此因宴從臣賞賜問里同漢沛苑帝歡甚賦詩起居郎呂才請平宮商被之管絃命曰功成慶善樂

唐太宗

壽丘惟舊跡豐邑乃前基  
累予承累聖懸弧亦在茲  
弱齡逢運改提劍鬱匡時  
指麾八荒定懷柔萬國夷  
梯山盛入欵駕海亦來思  
單于陪武帳呂逐衛文螭  
端辰朝四嶽無爲任百司  
霜節明秋景輕水結水湄  
芸黃遍原隰禾穎積京坻  
共樂還鄉宴歡此大風詩

重幸武功

唐太宗

代馬依朔吹驚禽愁昔叢  
况茲承睿德懷舊感深衷

居處

卷五十五

九

唐

積善欣餘慶暢武閱神功  
垂衣天下治端拱車書同  
白水巡前跡丹陵幸舊宮  
列筵歡故老高宴聚新豐  
駐蹕撫田畯迴輿訪牧童  
瑞氣縈丹闕祥煙散碧空  
孤嶼含霜白遙山帶日紅  
於焉歡擊筑聊以詠南風  
暇日與兄弟同遊興慶宮  
作并序唐玄宗  
暇日與兄弟同遊興慶宮  
登勤政務本及華萼相輝  
之樓所以觀風俗而勸人  
崇友于而敦睦詩以言志  
歌以詠言情發於衷率題  
此什

代邸青門右離宮紫陌陞庭如過沛  
日水若渡江時綺觀連雞岫朱樓接鴈池  
從來敦棣萼今此茂荆枝

萬葉傳餘慶千年志不移  
憑軒聊矚目輕輦共追隨  
務本方崇訓相輝保羽儀  
時康俗易漸德薄政難施  
鼓吹迎飛蓋絃歌送羽卮  
所希覃率土孝弟一同規

奉和聖製暇日遊興慶宮

唐張說初

漢武橫汾日周王宴鎬年  
何如造區夏復此睦親賢  
巢鳳新成閣飛龍舊躍泉  
棣華歌尚在桐葉戲仍前  
禁籞氛埃隔平臺景物連  
聖慈良有裕王道固無偏  
問俗兆人阜觀風五教宣  
獻圖開益地張樂奏鈞天  
侍酌衢尊滿詢芻蕘諫鼓懸  
詠言刑友愛萬國共周旋

過晉陽宮

唐玄宗

居處

卷五十五

十

唐

緬想封唐處寔惟建國初  
俯察伊晉野仰觀乃參虛  
井邑龍斯躍城池鳳翔餘  
林塘猶沛澤臺榭宛舊居  
運革祚中否時遷命茲符  
顧循承不構怵惕多憂虞  
尚恐威不逮復慮化未孚  
豈徒勞轍跡所期訓戎車  
習俗問黎人親巡慰里閭  
末言念成功頌德臨康衢  
長懷經綸日歎息履庭隅  
艱難安可忘欲去良踟躕  
奉和聖製過晉陽宮應制  
唐蘇頌初  
隋運與天絕生靈厭氛昏  
聖期在寧亂士馬興太原  
立極萬邦推登庸四海尊  
慶膺神武帝業付皇曾孫  
緬慕封唐道追惟歸沛魂  
昭書感先義典禮巡舊藩

高殿綵雲春旗祥風翻率西見汾水奔北空塞垣  
款曲兒童佐依遲故老言里頒慈惠賞家授復除恩  
下輦崇三都建碑當九門孝思敦至美憶載奉開元

奉和聖製過晉陽宮應制

唐張說

太原俗尚武高皇初奮庸星軒三晉躔土樂二堯封  
北風遂舉鵬西河亦上龍至德起王業繼明賴人雍  
六合啓昌期再興廣聖蹤傳呼大駕來文物如雲從  
連營人百里縱觀人千重翠華渡汾水白日臨罕峰  
粉榆恩賞洽桑梓舊情恭往運感不追清時惜難逢  
詩發尊祖心頌刊盛德容願君及春事迴輿綏萬邦

居處

卷五十五

十一

宮

奉和聖製幸晉陽宮

唐張九齡

初

隋季失天策萬方罹凶殘皇祖稱義旗三靈皆獲安  
聖期將申錫王業成艱難盜移未改命曆在終復端  
彼汾惟帝鄉洪都信舊盤一月朔巡狩羣后陪清鑾  
霸迹在沛庭舊儀親漢官唐風思何深舜典敷更寬  
家蒙粉榆復邑爭牛酒軟緬惟翦商後豈獨微禹歎  
三后既在天萬年斯不刊尊祖實我皇天文皆仰觀

昌年宮作

以下故宮

唐王盧復

盛

但有離宮處君王每不居旗門芳草合輦路小槐疎  
殿閉山煙滿應疑野靄虛豐年多望幸春色待鸞輿

長樂宮

唐孟浩然

秦城舊來稱窈窕漢家更衣應不少紅粉邀君在何  
處青樓苦夜長難曉長樂宮中鐘暗來可憐歌舞慣  
相催歡娛此事今寂寞惟有年年陵樹哀

玉華宮

在坊州鳳凰谷

唐杜甫

盛

谿回松風長蒼鼠竄古瓦不知何玉殿遺構絕壁下  
陰房鬼火青壞道哀湍瀉萬籟真竿秋色正瀟灑  
美人爲黃土況乃粉黛假當時侍金輿故物獨石馬  
憂來藉草坐浩歌淚盈把冉冉征途問誰是長年者

上陽宮望幸

唐劉長卿

中

居處

卷五十五

十三

宮

玉輦西巡久未還春光猶入上陽間萬木長承新雨  
露千門空對舊河山深花寂寂宮城閉細草青青御  
路閑獨見彩雲飛不盡只應來去候龍顏

故行宮

唐王建

中

寥落古行宮宮花寂寞紅白頭宮女在閑坐說玄宗  
行宮詞

唐王建

中

上陽宮到蓬萊殿行宮巖巖遙相見向前天子行幸  
多馬蹄車轍千山遍當時州縣每修治皆留人看  
玉案禁兵奪得明堂後長閉桃源與綺繡開元歌舞  
古草頭涼州樂人世嫌舊官家乏人作官戶不泥宮

牆斫宮樹兩邊伏屋半崩摧夜火入林燒殿柱休封  
中岳六十年行宮不見人眼穿

過綺岫宮

東都永寧縣西五里 唐王建中

玉樓傾倒粉牆空重疊青山遶故宮武帝去來羅袖  
盡野花黃蝶領春風

連昌宮詞

唐元稹中

連昌宮中滿宮竹歲久無人森似束又有牆頭千葉  
桃風動落花紅軟軟宮邊老人爲予泣小年進食曾  
因入上皇正在望仙樓太真同凭欄千立樓上樓前  
盡珠翠炫轉燐煌照天地歸來如夢復如癡何暇備  
居處

卷五十五

十四

言宮裏事初過寒食一百六店舍無煙宮樹綠夜半  
月高絃索鳴賀老琵琶定場屋力士傳呼覓念奴念  
奴潛伴諸郎宿須臾覓得又連催特勅街中許燃燭  
春嬌滿眼睡紅綃掠削雲鬟旋裝束飛上九天歌一  
聲二十五郎吹管逐逡巡大遍涼州徹色色龜茲轟  
錄續李暮壓笛傍宮牆偷得新翻數般曲念奴天寶中名倡善歌每歲樓下酺宴累日之後萬象喧隘嚴安之輩黃裳輩辟易不能禁衆樂爲之罷奏玄宗遣高力士大呼於樓上曰欲遣念奴唱歌汝二十五郎吹小管逐看人能聽否未嘗不悄然奉詔其爲當時所重也如此然而玄宗不欲奪快遊之盛未嘗置在宮禁或歲幸湯泉時巡東洛有司潛遣從行而已又玄宗嘗于上陽宮夜後按新翻一曲屬明夕正月十五口潛遊燈下忽聞酒樓上有笛奏前夕新曲大駭之明日密

遺補捉笛者詰驗之自云其夕竊于天津橋觀月聞宮中度曲遂于橋柱上拂譜記之臣卽長安少年善笛者李暮也玄宗異而遣之

平明大駕發行宮萬人鼓舞途路中  
百官隊仗避岐薛楊氏諸姨車闐風明年十月東都  
破御路猶存祿山過驅令供頓不敢藏萬姓無聲淚  
潛墮兩京定後六七年却尋家舍行宮前莊園燒盡  
有枯井行宮門閉樹宛然爾後相傳六皇帝不到離  
宮門久閉往來年少說長安玄武樓成花萼廢去年  
勅使因斫竹偶值門開暫相逐荆榛櫛比塞池堦孤  
兔驕凝綠樹木舞榭歌傾基尚在文牕窈窕紗猶綠  
塵埋粉壁舊花鈿烏啄風箏碎珠玉上皇偏愛臨砌  
居處

卷五十六

十四

花依然御榻臨堦斜地山燕巢盤闌拱菌生香案正  
當衙寢殿相連端正樓太真梳洗樓上頭晨光未出  
簾影黑至今反挂珊瑚鉤指示傍人因慟哭却出宮  
門淚相續自從此後還閉門夜夜狐狸上門屋我聞  
此語心骨悲太平誰致亂者誰翁言野父何分別耳  
聞眼見爲君說姚崇宋璟作相公勸諫上皇言語切  
焚理陰陽禾黍豐調和中外無兵戎長官清平太守  
好揀選皆言由相公開元之末姚宋死朝廷漸漸由  
妃子祿山宮裏養作兒號國門前開如市弄權宰相  
不記名依稀憶得楊與李願謨顛倒四海搖五十年



來作瘡痍今皇神聖丞相明詔書纔下吳蜀平官軍  
又取淮西賊此賊亦除天下寧年年耕種宮前道今  
年不遣子孫耕老翁此意深望幸努力廟謀休用兵

蘭昌宮

唐劉駕晚

宮蘭非瑤草安得春長在迴首春又歸翠華不能待  
悲風生輦路山川寂已晦邊恨在行人行人無盡歲

繡嶺宮詞

唐李洞晚

春日遲遲春草綠野棠開盡飄香玉繡嶺宮前鶴髮  
翁猶唱開元太平曲

齊宮詞

唐李商隱晚

居處

卷五十五

十五宮

永壽兵來夜不扃金蓮無復印中庭梁臺歌管三更  
罷猶自風搖九子鈴

隋宮

唐李商隱晚

紫泉宮殿鏤煙霞欲取燕城作帝家玉璽不緣歸日  
角錦帆應是到天涯于今腐草爲螢火終古垂楊有  
暮鴉地下若逢陳後主豈宜重問後庭花

經館娃宮

唐于濆晚

館娃宮畔顧國變生驕妬勾踐膽未嘗夫差心已誤  
吳亡甘已矣越勝今何處當時二國君一種江邊墓  
陪畱守韓僕射巡內至上陽宮感歎

愁煙漠漠草離離太液鈎陳處處疑薄暮毀垣春雨  
裏殘花猶發萬年枝

館娃宮懷古

唐皮日休晚

艷骨已成蘭麝土宮牆依舊壓層崖  
銖香徑泥銷露玉釵硯沼只畱谿鳥浴  
花埋姑蘇麋鹿真閒事須爲當時一  
愴懷

九成宮呈同寮

以下九成宮

唐李嶠初

碣館分襄野平臺架射峰英藩信煒燁勝地本從容  
林引梧庭鳳泉歸竹沼龍小軒恒共處長坂屬相從

卷五十六

十六宮

野席蘭琴奏山臺桂酒醺一枰移晝景六著盡宵鐘  
枚藻清詞律鄒譚耀辨鋒結歡良有裕聯家愧無庸  
慙悅丘中賞還希物外蹤風煙遠近至魚鳥去來逢  
月澗橫千丈雲崖列萬重樹紅山果熟崖綠水苔濃  
願以西園柳長間北巖松

九成宮

在鳳翔山有九重故曰九成

唐杜甫盛

蒼山入百里崖斷如杵臼曾宮憑風迴岌業土囊口  
立神扶棟梁盤翠開戶牖其陽產靈芝其陰宿牛斗  
紛披長松倒揭嶂怪石走哀猿啼一聲客淚迸林藪  
荒哉隋家帝製此今頽朽向使國不亡焉爲巨唐有



雖無新增修尚置官居守巡非瑤水迹跡是雕牆後  
我來屬時危仰望嗟歎久天王守太白駐馬更回首

勅借岐王九成宮避暑應教 唐王維 盛

帝子遠辭丹鳳闕天書遙借翠微宮隔牕雲霧生衣  
上卷幔山泉入鏡中林下水聲喧語笑巖間樹色隱  
房櫳仙家未必能勝此何處吹簫向碧空

九成宮 唐李商隱 晚

十二層城閭苑西平時避暑拂虹霓雲隨夏后雙龍  
尾風逐周王八馬蹄吳岳曉光連翠嶽甘泉晚景上  
丹梯荔枝盧橘沾恩幸鸞鵲天書濕紫泥

居處 卷五十五 十七 宮

奉和幸新豐溫泉宮應制 以下溫泉宮 ○景龍

中宗皇帝駕幸溫泉宮勅蒲州刺史徐彦伯  
入伏同學上例因與武平一獻詩上官昭容  
亦賦七言絕句三首以獻新豐在臨潼東十  
五里漢高帝因太上皇思故豐里乃置此縣  
徙豐人實之故曰新豐併移粉榆舊社街衢  
棟宇一如豐里舊制雖難大混放亦知其家  
而歸焉

唐徐彦伯 初

姬典歌時邁虞編記省方何如黑帝月玄覽白雲鄉  
翠仗縈船舫明旂應蒼陽風搖花毼彩雲麗寶戈芒  
御陌開油次離宮夾樹行桂枝籠驪裏松葉陰堂皇  
仙女含珠液溫池孕璧房湧疑神瀛溢泛若帝臺璫  
獨沸流常熱潛蒸氣轉香青壇環玉甃紅淀鏤金光

藻耀凝芳潔蕤猷淑祥五龍歸寶算九燕叶時康  
同預華封老中衢祝聖皇 作燕一作雁

奉和幸新豐溫泉宮應制 唐武平一 初

秦王登碣石周后襲崑崙何必在遐遠方稱萬寓尊  
我皇順時豫星駕動軒轅雄戟交馳道清笳度國門  
迴輿長樂觀校獵上林園行漏移三象連營總八屯  
旌搖鸚鵡谷騎轉鳳凰原絕壁登台古靈泉碧溜溫  
參差開水殿窈窕敞巖軒豐邑模猶在驪宮迹尚存  
煙松銜翠幄雪逕遶花源侍從推玄草文章召虎賁  
深仁決夷夏大造溢乾坤謬忝王枚列多慚雨露恩

居處 卷五十五 十八 宮

駕幸溫泉宮獻詩三首 唐上官昭容 初

三冬季月景龍年萬乘觀風出灞川遙看電躍龍爲  
馬迴矚霜原玉作田

鸞旂掣曳拂空回羽騎驂驪躡景來隱隱驪山雲外  
聳幕珠帷敞月營金疊玉竿泛蘭英歲歲年年常扈  
蹕長長久久樂昇平

同崔員外溫泉宮卽事 唐郭汭 初

輦輅移雙闕宸遊整六師天迴紫微座日轉羽林旗  
霜氣寒戈戟軍容壯虎貔弓鳴射鴈處泉暖躍龍時

惠化成觀俗謳謠入賦詩同歡王道盛相與詠雍熙

述華清宮五首

唐儲光義

天寶六年冬十月玄宗皇帝如驪山溫泉宮名其宮曰華清

上在蓬萊宮莫若居華清朝朝禮玄閣日日聞體輕大聖不私已精禪為羣氓

上在蓬萊時六龍儼齊首長道舒羽儀彤雲映前後天聲殷宇宙真氣到林藪

昔在軒轅朝五城十二樓今我神泉宮獨在驪山陬羣方趨順動百辟隨天遊

居處

卷百五

十九

宮

正月開陽和通門緝玄化穆穆辟容歸豈為明燈夜

高山大風起肅肅隨龍駕

上林神君宮此地即明庭山開鴻濛色天轉招搖星三雪報大有孰為非我靈

溫泉宮行

唐王建

十月一日天子來青繩御路無塵埃宮前內裏湯各別每箇白玉芙蓉開朝元閣向山上起城繞青山龍暖水夜開金殿看星河宮女知更月明裏武皇得仙王母去山雞晝鳴宮中樹溫泉決決出宮流宮使年年修玉樓禁兵去盡無射獵日西麋鹿登城頭梨園

弟子偷曲譜頭白人間教歌舞

華清詞

唐劉禹錫

日出驪山東裴徊照溫泉樓臺影玲瓏稍稍開白煙言昔太上皇寄居此祈年風中聞清樂往往來列仙翠華入五雲紫氣歸上玄哀哀生人淚泣盡弓劍前聖道本自我凡情徒顚然小臣感玄化一望青冥天

華清宮

唐

繡嶺明珠殿層巒下繚牆仰窺雕檻影猶想赭袍光至道思玄圃平居厭未央鉤陳裏巖谷文陛壓青蒼吹千秋節樓臺八月涼嫩嵐滋翠葆清浪照紅妝

居處

卷百五

二十

宮

帖泰生靈壽歡娛歲序長月聞仙曲調霓作舞衣裳雨露偏金穴乾坤入醉鄉玩兵師漢武迴首倒干將鯨鬣掀東海胡鋒揭上陽喧呼馬嵬血零落羽林槍傾國留無路還魂怨有香蜀峰橫慘澹秦樹遠微茫鼎重山難轉天扶業更昌望賢餘故老花萼舊池塘往事人誰問幽襟淚獨傷碧簷斜送日殷葉半凋霜逆水傾瑤砌疎風鏤玉房孤煙知客恨遙起泰陵傍

過華清宮

唐李賀

華清宮

唐張籍

春月夜啼鴉宮簾隔御花雲生朱絡暗石斷紫錢斜

溫泉流入漢離宮宮樹行行浴殿空武帝時人今欲盡青山空閉御牆中

華清宮

唐盧綸

水氣朦朧滿畫梁一迴開殿滿山香宮娃幾許經歌舞白首翻令憶建章

曉望華清宮

唐王建

曉來樓閣更鮮明日出闌干見鹿行武帝自知身不死看修玉殿號長生

過華清宮

唐李約

君王遊樂萬機輕一曲霓裳四海兵玉輦昇天人已居處

卷百六

王

盡故宮猶有樹長生

過華清宮

唐溫庭筠

憶昔開元日承平事勝遊貴妃專寵幸天子富春秋月白霓裳殿風乾羯鼓樓關雞花蔽膝騎馬玉搔頭繡轂千門妓金鞍萬戶侯薄雲歆雀扇輕雪犯貂裘過客聞韶渡居人識冕旒氣和春不覺煙暖霽難收細浪涵瑤甃晴陽上彩旂卷衣輕髻懶窺鏡澹蛾羞屏掩芙蓉帳簾褰玳瑁鉤重瞳分渭曲纖手拈神州御案迷萱草天袍妬石榴深巖藏浴鳳鮮隰媚潛虬不料邯鄲賦俄成卽墨牛劍鋒揮太皞旗幟拂蚩尤

內嬖陪行在孤臣預坐籌瑤簪遺翡翠霜仗駐驂驕豔笑雙飛斷香篋一哭休早梅悲蜀道高樹隔昭丘朱閣重霄近蒼崖萬古愁至今湯殿水鳴咽縣前流

華清宮二首

唐吳融

四郊飛雪暗雲端惟此宮中落便乾綠樹碧簾相掩映無人知道外邊寒

漁陽烽火照函關玉輦忽忽下此山一曲霓裳聽不盡至今遺恨水潺潺

華清宮

唐杜牧

霓裳翻紅萬樹霜玉蓮開藥暖泉香行雲不下朝元居處

卷百六

王

閣一曲淋鈴淚數行

華清宮

唐崔櫓

草遮回磴絕鳴鑾雲樹深深碧殿寒明月自來還自去更無人倚玉闌干

○殿

重陽殿成金石會竟上詩

陳張正見

周王興路寢漢后成甘泉共知崇壯麗迢遞與雲連抗殿疏龍首峻陛激天泉東西跨函谷左右矚伊瀍百常飛觀竦三休複道懸拱烏遙造日擗虬遠架煙雲棟疑飛雨風牕似望仙玉女臨芳鏡金璫映彩椽

梅梁橫發藻井倒披蓮雲一作榮光開御宿佳氣屬  
祈年霜鴈排空斷寒花映日鮮負展憑極台司列  
象躔登臺誼大厦御氣響鈞天北斗承三獻南風入  
五絃鸞歌鳩鵲右獸舞射熊前翔鶴仰不逮鸞雀徒  
聯翩

賦得內殿賦新詩

陳江總

兔影脉脉照金鋪虬水滴瀉玉壺綺翼雕甍通清  
漢虹梁紫一作佳柱麗黃圖風高暗綠凋殘柳雨駛芳  
紅濕晚芙三五二八佳年少百萬千金買歌笑偏著  
故人織素詩願奏秦聲採蓮調織女今夕渡銀河當  
居處

卷五十五

三

見新秋停玉梭

奉和東宮經故妃舊殿

陳江總

故殿看看冷空階步步悲猶憶窺牕處還如解佩時  
苔生無意早燕入有言遲若令歸就月照見不須疑

○關

詠雙關

陳江總

象關連馳道天一作月宇照方疏刻鳳樓清漢圖龍入  
紫虛屢逢膏露灑幾遇祥煙初競言百尺麗寧方萬  
丈餘

賦得蕃臣戀魏闕

唐蔣防中

剖竹隨皇命分憂鎮大蕃恩波懷魏闕獻納望天關  
政奉南風順心依北極尊夢覓通玉陛動息寄朱軒  
直以丞黎念思陳政化源如何子牟意今古道斯存  
○院

晚秋集賢院卽事寄徐薛二侍郎

唐常袞盛

穆穆上清居沈沈中秘書金鋪深內殿石甃盡寒渠  
花榭臺斜倚宮煙閣半虛縹囊鋪錦繡翠軸卷瓊瑤  
墨潤水文蘭香銷蠹字魚翻黃桐葉老吐白桂花初  
舊德雙遊處聯芳千載餘北朝榮庾薛西漢盛嚴徐  
居處

卷五十六

二十四

侍講親華展徵詩步綺疏綴簾金翡翠賜硯玉蟾蜍

移秩東南遠離憂歲月除承明期重入江海意何如  
奉和中書常舍人晚秋集賢院卽事寄贈徐薛

二侍郎

唐獨孤及盛

漢家金馬署帝座紫微郎圖籍凌羣玉歌詩冠柏梁  
陰陰萬年樹肅肅五經堂揮翰忘朝食研精待夕陽  
晴空露盤迴秋月瑣牕涼遠興生斑鬢高情寄縹囊  
歲鞋雙鸞驚鳳昔並翔翔及冢同刊繆蓬山共補亡  
差池摧羽翮流落限江湖禁省一分袂吳天三雨霜  
石渠遺跡滿水國暮雲長早晚朝宣室歸時道路光

奉和中書常舍人晚秋集賢院卽事寄徐薛二

侍郎

唐錢起

文星垂太虛辭伯綜羣書彩筆下鴛掖褒衣來石渠  
典墳探奧旨造化觀權輿述聖魯宣父通經漢仲舒  
臆明宜縹帶地肅近丹除清晝刪詩暇高秋作賦初  
露盤侵漢雀宮柳度鵲疎靜對連雲閣晴聞過闕車  
舊僚云出矣晚歲復何如海嶠瞻歸路江城夢直廬  
含毫思兩鳳望遠寄雙魚定笑巴歌拙還參麗曲餘  
奉和常閣老晚秋集賢院卽事寄贈徐薛二侍

郎

唐包佶

居處

卷百五

三王

秘殿掖垣西書樓苑樹齊秋煙凝縹帙曉色上璇題  
門接承明近池連太液低疎鐘文馬駐繁葉綠禽棲  
職美綸將綽榮深組及珪九霄偏眷顧三事早提携  
對案臨青玉窺書捧紫泥始歡新遇重還惜舊遊睽  
左宦登吳岫分家渡越谿賦中頻歎鵬卜處幾聽雞  
望闕應多戀臨津不用迷柏梁思和曲朝夕候金闈  
病中辱張常侍題集賢院詩因以繼和

唐白居易

天祿閣門開甘泉侍從迴圖書皆帝籍寮友盡仙才  
騎省通中掖龍樓隔上臺猶憐病宮相詩寄洛陽來

重修府西水亭院

唐白居易

因下疏爲沼隨高築作臺龍門分水入金谷取花栽  
逶迤行初匝憑軒立未迴

同耿拾遺春中題第四郎新修書院

題薛載少府新書院

唐盧綸

得接西園會多因野性同引藤連樹影移石間花叢  
學就晨昏外歡生禮樂中春遊隨墨客夜宿伴潛公  
散帙燈驚燕開簾月帶風朝朝在門下自與五侯通

○官舍

聽附

官舍

唐白居易

居處

卷百五

三王

高樹換新葉陰陰覆地隅何言太守宅有似幽人居  
太守卧其下閑慵兩有餘早梅結青實殘櫻落紅珠  
稚女弄庭果嬉戲牽人裾是日晚彌靜巢禽下相呼  
嘖嘖護兒鵲啞啞母子烏豈惟云鳥爾吾亦引吾雛  
風竹散清韻煙槐凝綠姿日高人吏去閑坐在茅茨  
葛衣禦時暑蔬飯療朝饑持此聊自足心力少營爲  
題官舍

唐

燕鴈水鄉飛京華信自稀簞瓢貧守道書劍病忘機  
疊鼓吏初散繁鐘鳥獨歸高梧與疎柳風雨似郊扉

以州宅詠于樂天

唐元稹

州城迴遶拂雲堆鏡水稽山滿眼來四面常時對屏障一家終日在樓臺星河似向簷前落鼓角驚從地底迴我是玉皇香案吏謫居猶得住蓬萊

重誇州宅旦暮景色兼酬前篇末句

唐元稹

仙都難盡亦難書暫合登臨不合居繞郭煙嵐新雨後滿山樓閣上燈初人聲曉動千門關湖色宵涵萬象虛爲問西州羅刹岸濤頭衝突近何如

昭應官舍

唐王建

居處

卷五十六

二十七

官舍

繞廳春草合知道縣家閒行見雨遮院卧看人上山避風新浴後請假未醒間朝客輕車吏從他不往還

姑熟官舍

唐許渾

草生官舍似閑居雪照南牕滿素書貧後始知爲吏拙病來還喜識人疎青雲豈有歸梁燕濁水應無避釣魚不待秋風便歸去紫陽山下是吾廬

仲夏江陰官舍寄裴明府

唐李嘉祐

萬室邊江次孤城對海安朝霞晴作雨濕氣晚生寒苔色侵衣桁潮痕上井欄題詩招茂宰思爾欲辭官

自江西歸至舊任官舍贈裴贊府

唐劉長卿

唐劉長卿

却見同官喜復悲此生何幸有歸期空庭客至逢搖落舊邑人稀經亂離湘路來過迴鴈處江城卧聽搗衣時南方風土勞君問賈誼長沙豈不知

緱氏韋明府廳

唐周賀

賈邑秋風滿誰同上宰心杉松出郭外雨電下嵩陰度鴈方離壘來僧始別岑西池月纔迴會接一宵吟

潯陽姚宰廳作

唐鄭谷

縣幽公事稀庭草是山薇足得招基侶何妨著道衣野泉當案落汀鷺入衙飛寺去東林近多應隔宿歸

居處

卷五十六

二十八

廳



詩類函卷一百二十七

東吳俞安期彙纂

宣城梅鼎祚增定

新都潘允升訂校

居處部二

第宅 廬並附

故第宅附

堂

齋

屋

室

○第宅

故第宅附

詠宅

唐李嶠初

寂寂蓬蒿徑喧喧秋監廬屢逢長者轍時引故人車

孟母遷鄰罷將軍辭第初誰憐草玄處獨對一牀書

治宅

齊謝朓

結宇夕陰街荒幽橫九曲迢遞南川陽遙遷西山足

居處

卷直七

一

第宅

闌館臨秋風敞牕望寒旭風碎池中荷霜翳江南棊

既無東都金且稅東臯粟

行宅

并序

齊竟陵王

余稟性端疎屬愛閑外往歲羈役浙東備歷江山

之美名都勝境極盡登臨山原石道步步新情迴

池絕澗往往舊識以吟以詠聊用述心

訪宇北山阿卜居西野外幼賞悅禽魚早性羨蓬艾

歲暮還宅

陳江總

悵然想泉石驅駕出城臺翫竹春前箭驚花雪後梅

青山殊可對黃卷復時開長繩豈繫日濁酒傾一杯

入宅二首

唐杜甫盛

奔峭皆赤甲斷崖當白鹽客居魏遷次春色漸多添

花亞欲移竹鳥窺新卷簾衰年不敢恨勝槩欲相兼

二

宋玉歸州宅雲通白帝城吾人淹老病旅食豈才名

峽口風常急江流氣不平只應與兒子飄轉任浮生

題洛中第宅

唐白居易中

水木誰家宅門高占地寬懸魚挂青甃行馬護朱欄

春榭籠煙暖秋庭鏤月寒松醪粘琥珀筠粉撲瑯玕

試問池臺主多為將相官終身不曾到唯展畫圖看

居處

卷直七

二

第宅

官宅

唐白居易中

紅紫紛紛祗承老使君移舟木蘭棹行酒石橘裙

水色牕牕見花香院院聞戀他官舍住饒好白如雲

小宅

唐白居易中

小宅里間接疎籬雞犬通渠分南巷水牕借北鄰風

小宅

原作三年冬隨事鋪設小堂寢處稍似德暖因念衰病偶吟所懷

唐白居易中

小宅非个陋中堂不甚卑聊堪會親族足以貯妻兒

暖帳迎冬設溫爐同地施裘新青兔褐襦白猿皮

似鹿眠深草如雞宿穩枝逐身安枕席隨事有屏帷

病致衰殘早貧營活計連由來蠶老後方是繭成時

借宅

原作江邊

唐元稹

官借江邊宅天生地勢凶歌危饒壞構迢遞接長郊  
停潦魚招獺空倉鼠敵猫土虛煩穴蟻柱朽畏藏蛟  
濩落貧甘守荒涼穢盡包斷簾飛熠燿當戶網蟪蛄  
曲突翻成沼行廊却代庖辱泥疑在絳避雨想經峭  
何計逃昏墊移文報舊交棟梁存伐木苔蓋愧分茅

奉和過梁王宅

唐武三思

巖居多水石野宅滿風煙本謂開三徑俄欣降九天  
穿林移步輦拂听轉行旃鳳竹初垂簾龜荷未吐蓮

居處

卷五十七

三

願持山作壽恒用劫爲年

過王舍人宅

唐錢起

入門花柳暗知是近臣居大隱心何遠高風物自疎  
脩然靜者事定得上皇餘雞犬偷仙藥兒童授道書  
清吟送客後微月上城初彩筆有新咏文星垂太虛  
承恩金殿宿應薦馬相如

維舟秦淮過溫州李給事宅

唐許渾

給事爲郎日青谿醉隱衡水池通極浦雪逕遶高巖  
珠玉砂同棄松筠草共芟帝圖憂一失臣節耻三緘  
代有王陵戇時無靳尚讒定應操直筆寧爲發空函

霧黑連雲棧風狂截海帆石梯迎雨潤沙井帶潮鹹  
蠟屐青筇杖藍輿白罽衫應勞北歸夢山路正巉巖

奉和杜相公長興新宅卽事呈元相公

唐李嘉祐

意有空門樂居無甲第奢經過容法侶雕飾讓侯家  
隱樹重簷肅開園一徑斜據梧聽好鳥行藥寄名花  
夢蝶留清簟垂貂坐絳紗當山不掩戶映日自傾茶  
雅望歸安石深知在叔牙還成吉甫頌贈答比瑤華  
奉和恩賜魏文真公諸孫舊第以導直臣

唐裴泰章

居處

卷五十七

四

邢茅雖舊錫邸第是初榮跡往傷遺事思深感直聲  
昆孫才慶襲池館忽春生古甃開泉井新禽遶畫楹  
自然垂帶礪况復激忠貞必使千年後長書竹帛名

入元襄王第

以下故第宅

梁蕭子範

伏軾窺東苑收淚下玉橋昔時方轂處於今共寂寥  
寒池猶裊裊仙榭尚迢迢一同西靡柏徒思芳樹蕭

和蕭子範入元襄王第

梁王筠

昔入睢陽苑連步披風雲今遊故臺處回望閭無人  
皓壁留餘篆蕙圃有餘芬行人皆隕涕何獨孟嘗君  
行經范僕射故宅

梁何遜

旅葵應夏并荒藤已上扉寂寂空郊暮無復車馬歸  
湫澗故池水滄茫落日暉遺愛終何極一作閨闕行  
路獨沾衣

行過康王故第

梁劉孝儀

入梁逢故苑度薛見餘宮尚識招賢閣猶懷愛士風  
靈光一超達衡館亦蒙龍洞門餘舊色甘棠留故藪  
送禽悲不去過客慕難窮池竹徒如在林堂暖已空  
遠橋隔樹出迴澗隱崖通芳流小山桂塵起大王風  
具物咸如此是地感余衷空想陵前劍徒悲壘上童

一作  
居處

卷百七

五  
第宅

南還尋草市宅

陳江總

紅顏辭華洛白首入轅轅乘春行故里徐步采芳蓀  
逕毀悲求仲林殘憶巨源見桐猶識井看柳尚知門  
花落空難遍鶯啼靜易訖無人訪語默何處叙寒溫  
自年獨如此傷心豈復論

過故宅

隋元行恭

頽城百戰後荒宅四鄰通將軍樹一作已折步兵途  
轉窮吹臺有山鳥歌亭野蟲草深斜徑沒水盡曲  
池空林中滿明月是處來春風唯餘一廢井尚夾兩  
株桐

過史正議宅

唐宋之間初

舊交此零落雨泣訪遺塵劍几傳好事池臺傷故人  
國香蘭已歇里樹橘猶新不見吳中隱空餘江海濱

至尉氏宅

唐張說初

夕次阮公臺嘯歌臨爽塏高名安足賴故物今皆改  
吾兄昔茲邑遺愛稱賢宰桑中雉未飛屋上烏猶在  
途逢舊吏城有同寮宋遠見咸相迎拂館來欣待  
慈惠留千室友于存四海始知魯衛間優劣相懸倍

過郭代公故宅

唐杜甫盛

豪雋初未遇其跡或脫落代公尉通泉放意何自  
居處

卷百七

六  
第宅

及夫登袞冕直氣森噴薄磊落見異人豈伊常情度  
定策神龍後宮中翕清廓俄頃辨尊親指揮存顧託  
羣公見慙色王室無削弱迴出名臣上丹青照臺閣  
我行得遺跡池館皆疏鑿壯公臨事斷顧步涕橫落  
高詠寶劍篇神交付冥漠

過昭國里故第

唐韋應物中

不復見故人一來過故宅物變知景暄心傷覺時寂  
池荒野筠合庭綠幽草積風散花意謝鳥還山光夕  
宿昔方同賞詎知今念昔緘室在東廂遺器不忍觀  
柔翰全分意芳巾尚染澤殘工委篋篋餘素經刀尺

收此還我家將還復愁絲永絕攜手歡空存舊行迹  
冥冥獨無語杳杳將何適唯思今古同時緩傷與戚

經武功舊宅

唐韋應物中

茲邑昔所遊嘉會常在目歷載俄二九始往今來復  
慨慨居人少茫茫野田綠風雨經舊墟毀垣迷往躅  
門臨川流駛樹有羈雌宿多累恒悲往長年覺時速  
欲去中復留徘徊結心曲

同李二過亡友鄭子故第

李與之故第  
非予所識

唐韋應物中

客車名未滅沒世恨應長斜月知何照幽林判白芳

居處

卷百七

七 第宅

故人驚逝水寒雀噪空牆不是平生舊遺蹤要可傷

至開化里壽春公故宅

唐韋應物中

寧知府中吏故宅一徘徊歷階存往敬瞻位泣餘哀  
廢井沒荒草陰牖生綠苔門前車馬散非復昔時來

客自江南話過亡友朱司議故宅

唐包佶中

交臂多相共風流憶此人海翻移里巷書蠹積埃塵  
奉佛棲禪久辭官上疏頻故來分半宅惟是舊交情

題故曹王宅

唐白居易中

甲第何年置朱門此地開山當層閣出綵繞妓堂迴

覆井桐新長蔭隱竹舊栽池荒紅菌舊砌老綠莓苔  
捐館梁王去思人楚客來西園飛蓋處依舊月徘徊

雪後過集賢裴令公舊宅有感

唐白居易中

梁王捐館後枚叟過門時有淚人還泣無情雪不知  
臺亭留盡在賓客散何之唯有蕭條鴈時來下故池

高相宅

唐白居易中

青苔故里懷恩地白髮新生抱病身涕淚雖多無哭  
處承寧門館屬他人

再經故元九相公宅池上作

唐劉禹錫中

故池春又至一到一傷情鴈鴛羣猶下蛙蟬衣已生

居處

卷百七

八 第宅

竹叢身後長臺勢雨來傾六尺孤安在人未有名

過故人舊宅

唐王喬

故人軒騎罷歸來舊宅園林閉不開唯餘挾瑟樓中  
婦哭向平生歌舞臺

過舊宅

唐朱慶餘中

古巷戟門誰舊宅早曾聞說屬官家更無新燕來巢  
屋唯有閑人寄看花空廐欲摧塵滿櫺小池初涸草  
侵沙榮華事歇皆如此立馬踟躕到日斜

過侯王故第

唐于鵠晚

過此一酸辛行人有淚痕獨殘新碧樹猶擁舊朱門

歌歌雲初散簷空燕尚存不知彈鋏客何處感新恩

馬鎮西故第

唐許渾

將軍久已沒行客自興哀功業山長在繁華水不迴  
亂藤一作侵廢井荒菊上叢臺借問此中事幾家歌舞來

○堂

天安寺疏圃堂

梁武帝

乘和蕩猶豫此焉聊止息連山去無限長洲望不極  
參差照光彩左右皆春色曉曉游絲出沒看飛翼  
其樂信難忘翛然寧有飾

居處

卷五十七

九

第宅

疏圃堂

梁庾肩吾

北堂一作多暇豫時駕總鸞鑣路靜繁笳徹輪移羽蓋飄臨空坐飛觀回首望浮橋風長曙鐘近地迴洛城遙疎林不礙日澗浦暫通潮徒然等賓從並作愧羣僚

堂成

唐杜甫

背郭堂成蔭白茅綠江路熟俯青郊  
檉林礙日吟風葉籠竹和煙滴露梢  
暫上飛鳥將數子頻來語燕定  
新巢傍人錯比揚雄宅懶情無心作解嘲

崔氏東山草堂

唐杜甫

愛汝玉山草堂靜高臺爽氣相鮮新  
有時自發鐘磬響落日更見漁樵人  
盤剝白鷗谷口粟飯煮青泥坊底芹  
何爲西莊王給事柴門空閉鎖松筠

終南雙峰草堂

唐岑參

歛迹歸山田息心謝時輩畫還草堂卧  
但見雙峰對興來恣佳遊事恆符勝槩著  
畫高牕下日夕見城內曩爲世人誤遂負平生愛  
久與林壑辭及來杉松大偶茲精廬近數預名僧會  
有時逐漁樵盡日不冠帶崖口上新月石門破蒼靄  
色向羣木深光搖一潭碎緬懷鄭生谷頗憶嚴子瀨  
勝事猶可追斯人邈千載

居處

卷五十七

十一

第宅

緱山西峰草堂作

唐岑參

結廬對中嶽青翠常在門遂耽水木興盡作漁樵言  
頃來闕章句但欲閒心魂日色隱空谷蟬聲喧暮村  
曩聞道士語偶見清淨源隱几閑吹葉乘秋眺歸根  
獨遊念求仲開徑招王孫片雨下南澗孤峰出東原  
棲遲慮益澹脫畧道彌敦野靄晴拂枕客帆遙入軒  
尚平今何在此意誰與論佇立雲去盡蒼蒼月開園

太常徐卿草堂

唐岑參

不謝古名將吾知徐太常年纔三十餘  
冠冠西南方卿月益清澄將星轉光芒  
復居沙城北遙對岷山陽

車馬日盈門賓客常滿堂曲池蔭高樹小徑穿叢篁  
江鳥飛入簾山雲來到牀題詩芭蕉滑對酒棕花香  
諸將射獵時君在翰墨場

家叔徵君東谿草堂二首 唐盧象昇

開山十餘里青壁森相倚欲識堯時天東谿白雲是  
雷聲轉幽壑雲氣香流水澗影生龍地巖端翳樛梓  
大道終不易君恩曷能已鶴羨無老時龜言攝生理  
浮年笑六甲元化潛一指未暇掃雲梯空慙阮家子

二

今朝共遊者得性閒未歸已到仙人家莫驚鷗鳥飛  
居處 卷一百一十七 十一 堂

水深巖子釣松挂巢父衣雲氣轉幽寂谿流無是非  
名理未足美腥臊詎所希自惟負貞意何歲當食薇

題武林草堂 唐

草堂列仙樓上有青山頂戶外窺數峰墳前對雙井  
雨來花盡濕風度松初冷登棧行不疲入谿語彌靜  
適知幽遁處已覺煩慮屏更愛雲林間吾將卧南楨

留題李明府霄谿水堂 唐劉長卿

寥寥一作寂寂此堂上幽意復誰論落日無王事青山在  
縣門雲峰向高枕漁釣入前軒晚竹疎簾影青苔雙  
履痕荷香隨坐臥湖色映晨昏虛牖閒生白鳴琴靜

對言暮禽飛上下春水帶清渾遠岫誰家柳孤一作流  
煙何處村謫居投瘴癘離思過湘沅從此扁舟去誰  
堪江浦後

題鄭拾遺草堂 唐韋應物

借地結茅棟橫竹挂朝衣秋園雨中綠幽居塵事違  
陰一作井夕蟲亂高林霜果稀子有白雲意構此想  
巖扉

題王十九茅堂 唐李嘉祐

滿庭多種藥人里作山家終日能留客凌寒亦對花  
海鷗過竹嶼門柳拂江沙知爾卑棲意題詩美白華  
居處 卷一百一十七 十一 堂

題金吾郭將軍石伏茅堂 唐盧綸

雲戟曙沈沈軒墀清且深家傳成棟美堯龍結茅心  
玉珮多依石油幢亦在林鐘香諸洞暖殿影衆山陰  
草奏風生筆開筵雪滿琴客從龍闕至僧自虎谿尋  
瀟灑延清賞周流會素襟終朝息塵步一醉聞華簪

賦得冬日青谿草堂 唐李建勳

莫道無幽致常來到日西地雖當北闕天與設東谿  
疎華寒多折驚鳬去不齊坐中皆作者長愛覓分題  
晚出西射堂 宋謝靈運

步出西掖門遙望城西岑連障疊巘青翠杳深沈



曉霜楓葉丹夕曛嵐氣陰節往感不淺感來念已深  
羈雌念舊侶迷鳥懷故林含情尚勞愛如何離賞心  
撫鏡華緇鬢攬帶緩促衿安排徒空言幽獨賴鳴琴

登錦堂

梁簡文帝

孫生酸棗寺王子枝江樓何如登石鏡因閒猶豫遊

尋隱者韋九山人東谿草堂

唐朱灣

尋一作得仙源訪隱淪漸來深處漸無塵初行竹裏  
唯通馬直到花間始見人四面雲山誰作主數家煙  
火自爲鄰路傍樵客何須問朝市如今不是秦

舍弟占歸草堂檢校聊示此詩

唐杜甫

居處

卷百七

十三

久客應吾道相隨獨爾來熟知江路近頻爲草堂迴  
鵲鴨宜長數柴荆莫浪開東林竹影薄臘月更須栽

○齋

後齋詩

晉湛方生

解纓復褐辭朝歸數門不容軒宅不盈畝茂草籠庭  
滋蘭拂牖撫我子姪攜我親友茹彼園蔬飲此春酒  
閑櫺攸瞻坐對川阜心焉孰託託心非有素構易抱  
玄根難朽卽之匪遠可以長久

山齋

梁簡文帝

玲瓏繞竹澗間關通槿藩缺岸新成浦危石久爲門

北榮下飛桂南柯吟夜猿暮流澄錦積晨水照彩鸞

奉和簡文帝山齋

陳徐陵

架嶺承金闕飛橋對石梁竹密山齋冷荷開水殿香  
山花臨舞席水影照歌牀

山齋

陳徐陵

桃源驚往客鶴嶠斷來賓復有風雲處蕭條無俗人  
山寒微有雪石路本無塵竹徑蒙龍巧茅齋結構新  
燒香披道記懸鏡厭山神砌水何年溜簷桐幾度春  
雲霞一已絕寧辨漢將秦

山齋

北周庾信

居處

卷百七

十四

石影橫臨水山雲半繞峰遙想山中店懸知春酒濃

山齋

北周庾信

寂寥尋靜室蒙密就山齋滴瀝泉澆路穹窿石卧階  
淺槎全不動盤根唯半埋圓珠墜晚菊細火落空槐  
直置風雲慘彌憐心事乖

和竹齋

梁庾肩吾

百拱橫筇節千櫨跨簾竿迴龍仍作柱置笛且成樂  
向嶺分花徑隨階轉藥欄蜂歸憐蜜熟燕入重巢乾  
欲仰天庭挾終知學步艱

北園新齋成應趙王教

北周庾信

唐劉長卿

題裴式微餘干東齋

世事終成夢生涯欲半過白雲心已矣滄海意如何  
散帙看蟲蠹開門見雀羅遠山終日在芳草傍人多  
吏體莊生傲方言楚俗訛屈平君莫弔腸斷洞庭波

谷口書齋寄楊補闕

唐錢起

泉聲帶茅茨雲霞生薜帷竹憐新雨後山愛夕陽時  
閑鷺棲常早秋花落更遲家童歸羅徑昨與故人期  
題從姪成緒西林精舍書齋 唐韋應物

棲身齒多暮息心君獨少慕謝始精文依僧欲觀妙  
冽泉前階注清池北牕照果藥雜芬敷松筠疎蒨峭  
屢躋幽人境每肆芳辰眺採栗玄猿窟摘芝丹林嶠  
居處 卷百五十七 唐韋應物

紵衣豈寒禦蔬食非饑療雖甘巷北單 一作 豈寒青  
紫耀都有優賢榻朝編貢士詔欲同 一作 朱輪載勿  
憚移文誚

澧上西齋寄諸友

七月 中善 福西齋作

唐韋應物

絕岼臨西野曠然塵事遙清川下遷迤茅棟上岩峩  
翫月愛佳夕望山屬清朝俯砌視歸翼開衿納遠颺  
等陶辭小秩効宋方負樵閑遊忽無累心跡隨景超  
明世重才彥雨露降丹霄羣公正雲集獨予欣寂寥

郡中西齋

唐韋應物

似與塵境絕蕭條齋舍秋寒花獨經雨山禽時到州

清觴養真氣玉書示道流豈將符守戀幸以棲心幽  
題劉華書齋 唐賈島

白石牀無塵青松樹有鱗一鶯啼帶雨兩樹合從春  
荒樹苔膠砌幽叢果隋榛偶來疎或數當暑夕勝晨  
露滴星河水巢重草木薪終南同往意趙北獨遊身  
渡葉司天漏驚蛩遠地人機清公幹族也莫卧漳濱  
南谿書齋 一作 楊發南 唐于鵠

茅屋住來久山深不置門草生垂井口花落擁籬根  
入院將雛鳥尋蘿抱子猿曾逢異人說風景似桃源  
和翰林吳舍人兄弟西齋 唐顧況

居處 卷百五十七 唐韋應物  
西齋何其高上與星漢通永懷洞庭石春色相玲瓏  
又懷巴峽泉夜落君絲桐信是怡神所迢迢茂華嵩  
鳥飛晴雲滅聲嶂盤虛空君家誠易知易知意難窮  
題友人山齋 唐黃滔

到君棲跡所竹徑與衡門亦在乾坤內獨無塵俗喧  
新泉浮石蘚朋壁露松根更說尋僧處孤峰上嘯猿  
題王校書山齋 唐劉滄

猿鳥無聲晝掩扉寒原隔水到人稀雲晴古木月初  
上雪滿空庭鶴未歸藥圃地連山色近樵家路入樹  
煙微棲遲慣得滄浪思雲閣還應夢釣磯

錢塘青山題李隱居西齋 唐李郢

小隱西亭爲客開翠蘿深處遍青苔林間掃石安棋局巖下分泉遊酒杯蘭葉露光秋月上蘆花風起夜潮來湖山遶屋猶嫌淡欲棹漁舟近釣臺

高齋視事 齊謝朓

餘雪映青山寒霧開白日曖曖江村見離離海樹出披衣就清盥憑軒方秉筆列俎歸單味連駕止容膝空爲大國憂紛詭諒非一安得掃蓬逕鎖吾愁與疾

後齋迴望 齊謝朓

高軒瞰四野臨牖眺襟帶望山白雪重望水平原外居處 卷五十五 十九

夏木轉成帷秋荷漸如蓋葦落常瞻然挂心似懸旆郡內高齋閒望答呂法曹 齊謝朓

結構何迢遞曠望極高深牕中列遠岫庭際俯喬林日出衆鳥散山暝孤猿吟已有池上酌復此風中琴非君美無度孰爲勞寸心惠而能好我問以瑤華音若遺金門步見就玉山岑

山齋獨坐贈薛內史二首 隋楊素

居山四望阻風雲竟朝夕深谿橫古樹空岩卧幽石日出遠岫明鳥散空林寂蘭庭動幽氣竹室生虛白落花入戶飛細草當階積佳酒徒盈樽故人不在席

日暮山之幽臨風望羽客

嚴壑澄清景景清巖壑深白雪飛暮色綠水激清音澗戶散餘彩山牕凝宿陰花草共繁映樹石相陵臨獨坐對陳榻無客有鳴琴寂寂幽山裏誰知無悶心

敬酬楊僕射山齋獨坐 隋薛道衡

相望山河近相思朝夕勞龍門竹箭思華岳蓮花高岳嶂重疊鳥道風煙接遙原樹若齊遠水舟如葉葉舟旦旦浮驚波夜夜流露寒洲渚白月冷函關秋秋夜清風發彈琴卽鑑月雖非莊舄歌吟詠常思越

居處 卷五十五 二十

夏日過鄭七山齋 唐杜審言

共有樽中好言尋谷口來薜蘿山徑入荷芰水亭開日氣含殘雨雲陰送晚雷洛陽鐘鼓至車馬繫遲回冬日過故人任處士書齋 唐駱賓王

神交尚投漆虛室罷遊蘭網積牕文亂苔深履迹殘雪明書帳冷水靜墨池寒獨此琴臺上流水爲誰彈

登劉賓客高齋 唐錢起

能以功成疎寵位不將心賞負雲霞林間客散孫弘閣城上山宜綺季家蝴蝶晴連池岍草黃鸝晚出柳園花日陪鯉也趨文苑誰道門生隔絳紗

遊南齋

唐韋應物中

池上鳴佳禽，僧齋日幽寂。高林晚露清，紅藥無人摘。  
春水不生煙，荒岡雲翳石。不應朝夕遊，良為蹉跎客。

新理西齋

唐韋應物中

方將昨訟理，久翳西齋居。草木無行次，閑暇一芟除。  
春陽土脉起，膏澤發生初。養條刊朽枿，護藥鋤穢荒。  
蕪稍稍覺林，聳歷歷欣竹疎。始見庭宇曠，頓令煩  
抱舒。茲焉即可愛，何必是吾廬。

府西北池新葺水齋

唐白居易中

繚繞府西面，潺湲池北頭。鑿開明月峽，決破白蘋洲。  
居處

卷百七

三

清淺漪瀾急，青綠浦嶼幽。少逢人愛翫，多是我淹留。  
夾岸鋪長簾，當軒泊小舟。枕前看鶴浴，牀下見魚游。

百丈谿新理茅茨讀書

唐閻防盛

浪跡棄人世，還山自幽獨。始傍巢由蹤，吾其獲心曲。  
荒亭何所有，老樹半空腹。晝蠅鳴北林，暮鳥穿我屋。  
棲遲樂道渚，恬曠寡所欲。開卦推盈虛，散帙攻節目。  
養閑度人事，達命知止足。不學東國儒，俟時勞伐輻。  
○屋

暮春題漢西新賃草屋二首

唐杜甫盛

此郊千樹橘，不見比封君。養拙干戈際，全生麋鹿羣。

畏人江北草，旅食漢西雲。萬里巴渝曲，三年實飽聞。

二

絲雲陰復白，錦樹曉來青。身世雙蓬鬢，乾坤一草亭。  
哀歌時自短，醉舞爲誰醒。細雨荷鋤立，江猿吟翠屏。  
從驛次草堂復至東屯茅屋二首

唐杜甫盛

峽裏歸田客，江邊借馬騎。非尋戴安道，似向習家池。  
山險風煙合，天寒橘柚垂。築場看積歛，一學楚人爲。

二

短景難高臥，衰年強此身。山家蒸栗煖，野飯射麋新。  
居處

卷百七

三

世路知交薄，門庭畏客頻。牧童斯在眼，田父實爲鄰。  
茅屋爲秋風所破歌

唐杜甫盛

八月秋高風怒號，捲我屋上三重茅。茅飛渡江灑江  
郊，高者挂罥長林梢，下者飄轉沈塘坳。南村羣童欺  
我老無力，忍能對面爲盜賊。公然抱茅入竹去，唇焦  
口燥呼不得，歸來倚杖自歎息。俄頃風定雲墨色，秋  
天漠漠向昏黑。布衾多年冷如鐵，嬌兒惡臥踏裏裂。  
牀牀屋漏無乾處，雨脚如麻未斷絕。自經喪亂少睡  
眠，長夜沾濕何由徹。安得廣廈千萬間，大庇天下寒  
士俱歡顏。風雨不動安如山，嗚呼何時眼前突兀見。

此屋吾廬獨破受凍死亦足

題友人屋

唐李昌符晚

松底詩人宅閑門遠岫孤數家分小徑一水截平蕪

竹節偶相對鳥名多自呼愛君真靜者欲去又踟躕

從庾中郎遊園山石室

以下室

宋鮑照

荒塗趣山楹雲崖隱靈

一作虛

室岡澗紛縈抱林障杳

重密昏昏磴路深活活梁水疾幽隅秉晝燭地牖窺

朝日怪石似龍章瑕璧麗錦質洞庭安可窮漏井終

不溢沈空絕景聲崩危坐驚慄神化豈有方妙象竟

無述至哉鍊玉人處此長自畢

居處

卷五十五

三

屋室

詒明山賓築室

南史曰明山賓平原人九為  
統州刺史入為東宮學士兼國

子祭酒昭明太子聞其築室未就有令曰明  
祭酒出撫大藩雖能推轂而金抱紫而恒事

屢空聞構宇未成今  
送薄助并詒以詩曰

梁昭明太子

平仲古稱奇夷齊甘擅美今則挺伊賢東秦固多士

築室非道傍置宅歸仁里庚桑方有係原生今易擬

必來三徑人將招五經士

一室

唐杜甫盛

一室他鄉遠空林暮景懸正愁聞寒笛獨立見江船

巴蜀來多病荆蠻去已年應同王粲宅留并岷山前

題野人園廬

以下廬

唐孟浩然盛

與客園廬並微尚頗亦同耕釣方自逸壺觴趣不空

門無俗士駕人有上皇風何處先賢傳唯稱龐德公

送梁判官歸女几舊廬

唐岑參盛

女几知君憶春雲相逐歸草堂開藥裏苔壁取荷衣

老竹移時小新花舊處飛可憐真傲吏塵事到山稀

詩集類函卷一百二十七

居處

卷五十五

三四

屋



詩雋類函卷一百二十八

東吳俞安期彙纂 宣城梅鼎祚增定

新都潘允升訂校

居處部三

樓

登樓

樓

樓

樓

樓

○樓

詠樓

唐李嶠初

百尺重城際千尋大道隈漢宮井幹起吳國落星開

笛怨綠珠去簫隨弄玉來銷憂聊暇日誰識仲宣才

水中樓影

梁簡文帝

水底采魚出萍間反宇浮風生色不壞浪去影恒留

居處

卷百二十八

樓

詠水中樓影

梁王臺卿

飄飄似雲度亭亭如蓋浮熟看波不動還是映高樓

楊子江樓

唐孫逖初

楊子何年邑雄圖作楚關江連二妃渚雲近八公山

驛道清楓外人煙綠嶼間晚來潮正滿數處落帆還

山陰縣西樓

唐孫逖初

都邑西樓芳樹間逶迤霽色遶江山海月夜從公署

出江雲晚對訟庭還誰知春色朝朝好二月飛花滿

江草一見湖邊楊柳風遙憶青青洛陽道

題陸山人樓

唐儲光義盛

暮聲雜初鴈夜色涌早秋獨見海中月照君池上樓

山雲拂高棟天漢入雲流不惜朝光滿其如千里遊

題沈隱侯八詠樓

唐崔顥盛

梁日東陽守為樓望越中綠牕明月在青史古人空

江靜聞山欽川長數塞鴻登臨白雲晚流恨此遺風

黃鶴樓

唐崔顥盛

昔人已乘白雲去此地空餘黃鶴樓黃鶴一去不復

返白雲千載空悠悠晴川歷歷漢陽樹春草萋萋鸚

鵡洲日暮鄉關何處是煙波江上使人愁

題金城臨河驛樓

唐岑參盛

居處

卷百二十八

樓

古戍依重險高樓見五涼山根盤驛道河水浸城牆

庭樹巢鸚鵡園花隱麝香忽如江浦上憶作捕魚郎

和宋太史北樓新亭

唐孟浩然盛

麗譙非改作軒檻是新圖遠水自蟠冢長雲吞具區

願隨江燕賀羞逐府僚趨欲識狂歌客丘園一豎儒

七月一日題終明府水樓

唐杜甫盛

高棟層軒已自涼秋風此日灑衣裳條然欲下陰山

雪不去非無漢署香絕壁過雲開錦繡疎松隔水秦

笙簧看君宜著王喬履真賜還疑出尚方

江陵節度使陽城郡王新樓成

唐杜甫盛

樓上炎天冰雪生高飛燕雀賀新成碧牕宿露濛濛  
濕朱拱浮雲細細輕仗鉞塞帷瞻具美投壺散帙有  
餘清自公多暇延參佐江漢風流萬古情

又作此奉衛王

唐杜甫 盛

西北樓成雄楚都遠開山岳散江湖二儀清濁還高  
下三伏炎蒸定有無推轂幾年唯鎮靜曳裾終日盛  
文儒白頭受簡焉能賦愧似相如爲大夫

新成甲仗樓

唐張籍 中

謝氏起新樓西臨城角頭圖功百丈麗藏器五兵修  
結締樓堦固虛明戶檻幽魚龍卷旗幟霜雪積戈矛

居處

卷百五十一

三 樓

暑雨熇蒸隔涼風宴會留城高形出沒山靜氣清優  
睥睨斜光徹欄杆宿靄浮芊芊秔稻色脉脉苑谿流  
郡化王丞相詩成沈隱侯居茲良得景殊勝峴山遊

四望樓

樓在洛陽東秦時有貴唐曹鄴 晚

背山見樓影應合與山齊座上日已出城中未鳴雞  
無限燕趙女吹笙上金梯風起洛陽東香過洛陽西  
公子長夜醉不聞子規啼

高樓

唐于鄴 晚

遠天明月出照此誰家樓上有羅衣色涼風吹不秋  
和使君五郎西樓望遠思歸 唐王維 盛

高樓望所思目極情未畢枕上見千里牕中窺萬室  
悠悠長路人曖曖連郊日惆悵極浦外迢遞孤煙出  
能賦屬上才思歸同下秩故鄉不可見雲外空如一

夏初體泉南樓送太康顏少府

唐岑參 盛

何地堪相餞南樓出萬家可憐高處送遠見故人車  
野果新成子庭槐欲作花愛君兄弟好書向穎中誇  
咸陽西樓別竇審

唐郎士元 中

西樓迴起寒原上霽日遙分萬井間小苑城隅連渭  
水離宮曙色近京關亭臯寂寞傷孤客雲雪蕭條滿  
衆山時命如今猶未偶辭君擬欲拂衣還

居處

卷百五十一

四 樓

賦得彭祖樓送楊德宗

歸徐唐盧綸 中

四戶八牕明玲瓏逼上清外欄黃鵠下中柱紫芝生  
每帶雲霞色時聞簫管聲望君兼有月幢蓋儼層城  
○登樓 宴附

登成都白菟樓

晉張載

重城結曲阿飛宇起層樓累棟出雲表巖巖臨太虛  
高軒啓朱扉迴望暢八隅西瞻岷山嶺差戾似荆巫  
蹕鷗蔽地生原隰殖嘉蔬雖遇堯湯世民食恒有餘  
鬱鬱少城中岌岌百族居街術紛綺錯高甍夾長衢  
借問楊子宅想見長卿廬程卓累千金驕侈擬五侯

門有連騎客翠帶腰吳鉤鼎食隨時進百和妙且殊  
披林採秋橘臨江釣春魚黑子過龍醢果饌踰蟹螯  
芳茶冠六清滋味播九區人生苟安樂茲土聊可娛

登景陽樓

宋文帝

崇堂臨萬雉曾樓跨九成瑤軒籠翠幌組幕翳雲屏  
階上曉露潔林下夕風清蔓藻綴綠葉芳蘭媚紫莖  
極望周天險留察浹神京交渠紛綺錯列植發華英

登景陽樓

宋江夏王

丹墀設金屏瑤榭陳玉牀溫宮冬開燠清殿夏含霜  
弱藥布遐馥輕葉振遠芳彌望少無際肆睇周華疆  
居處

卷百十八

五

象闕對馳道飛廉矚方塘邸寺送暉曜槐柳自成行  
通川溢輕鱸長街盈方箱顧此燭火微胡顏厠天光

登景陽樓

宋顏延之

風觀要春景月榭迎秋光公波被華若隨山茂貞芳  
登景陽樓

南史曰武帝與宴必詔憚賦詩嘗和武帝登景陽樓篇深見賞美當時咸

共稱

梁柳惔

太液滄波起長楊高樹秋翠華承漢遠雕輦逐風游

和晚日登樓

梁劉綬

所以登臺榭正重接煙霞長絲觸欄斷歸鳥避牕斜  
俯巢窺暝宿臨樹摘高花百雉時方晚九層光尚賒

華陽先生登樓不復下

梁沈約

側聞上士說尺木乃騰霄雲駢不展地仙居多麗譙  
卧待三芝秀坐對百神朝銜書必青鳥佳客信龍鑣  
非止靈桃實方見大椿凋

同虞記室登樓望遠歸

梁何遜

登樓欲望遠遙遙見白衣白衣猶遠遠言是稍知非  
對牕看寶瑟入戶弄鳴機無令日光晚閉閣掩重扉

春日登陝州城樓

唐太宗

碧原開霧縠綺嶺峻霞城煙峰高下翠日浪淺深明  
斑紅妝藥樹圓青壓溜荆迹巖勞傳想窺野訪莘情  
居處

卷百十八

六

巨川何以濟舟楫佇時英

奉和登陝州城樓應制

唐許敬宗

挹河激綠宇御溝映朱宮辰旂翻麗景星蓋曳雕虹  
學嘯齊柳嫩妍笑發春叢錦鱗文碧浪繡羽絢青空  
睿念三階靜遐想二南風

初春登樓卽目

唐太宗

憑軒俯蘭閣眺矚散靈襟綺峯含翠霧照日藥紅林  
鏤丹霞錦錦一作岫殘素雪斑斑拂浪隄垂柳嬌花鳥  
續吟連薨豈一拱衆幹如千尋明非獨材力終藉棟

梁深彌懷矜樂志更懼戒盈心愧制勞居逸方規十

產金

奉和初春登樓卽目應制

唐許敬宗

旭旦臨重壁天眷極中京春暉發芳甸佳氣滿層城  
去鳥隨看沒來雲逐望生歌裏霏煙颺琴上凱風清  
文波浮鏤檻摘景煥雕楹璇璣體寬政隆棟象端衡  
創規雖有作凝拱遂無營沐恩空改鬢將何謝夏成

登樓思京

唐駱賓王

麗譙通四望繁憂起萬端綺疏低晚魄鏤檻肅初寒  
白雲鄉思遠黃圖歸路難惟餘西向笑暫似當長安

登瀛州南樓寄達

唐沈佺期

居處

卷五十六

七

登樓

層城起麗譙憑覽出重霄茲地多形勝中天宛寂寥  
四榮摩鸛鶴百拱厲風颺北際燕王館東連秦帝橋  
晴光七郡滿春色兩河遙傲睨非吾土躊躇適達囂  
離居欲有贈春草寄長謠

登荊州城樓

唐張九齡

天宇何其曠江城坐自

樓百餘尺迢遞在西隅

暇日時登眺荒郊臨故

古往山川在今來郡邑殊北疆雖入鄭東距豈防吳  
幾代傳荆國當時敵陝鄂上流空有處中土復何虞  
枕席夷三峽關梁豁五湖承平無異境守隘莫論大

自罷金門籍來參竹使符端居向林數微尚在桑榆

候使石頭驛樓

唐張九齡

山檻憑高望川途眇北流遠林天翠合前浦日華浮  
萬井綠津渚千艘咽渡頭漁商多末事耕稼少良疇  
自守陳蕃榻嘗登王粲樓徒然騁目處豈自獲心遊  
向跡雖愚谷求名異盜丘息陰芳木所空復越鄉愁

登蒲州道遙樓

唐玄宗

長榆息烽火高柳淨風塵十征巡九洛展豫出三秦  
昔是潛龍地今爲上理晨時平乘道泰聊賞遇年春  
黃河分地脉飛觀接天津一覽遺芳翰千載肅如神

居處

卷五十六

八

登樓

登樓歌

唐王維

聊上君兮高樓飛薨鱗次今在下俯十二兮通衢綠  
槐參差今車馬卻瞻今龍首前眺今宜春王畿鬱今  
千里山河壯今咸秦舍人下今青宮據胡牀今書空  
執戟疲於下位老夫好隱今牆東亦幸有張伯英草  
聖今龍騰虬躍擺長雲今捩迴風琥珀酒今彫胡飯

君不御今日將晚秋風今吹衣夕鳥今爭返孤砧發  
今東城林薄暮今蟬聲遠時不可今再得君何爲今  
偃蹇

登河北城樓作

唐王維 盛

井邑傳巖上客亭雲霧間高城眺落日極浦映蒼山  
岸火孤舟宿漁家夕鳥還寂寥天地暮心與廣川閑  
奉和聖製御春明樓臨右相園亭賦樂賢詩應

制

唐王維 盛

複道通長樂青門臨上路遙聞鳳吹喧聞識龍輿度  
塞旒明四目伏檻紆三顧小苑接侯家飛甍映宮樹  
居處

卷百六

十一 登樓

商山原上碧漣水林端素銀漢下天章瓊筵承湛露  
將非富民寵信以平戎故從來簡帝心詎得廻天步  
與薛司戶登樟亭樓

唐孟浩然 盛

水樓一登望半出青林高帶幕英寮敞芳筵下客叨  
山藏伯禹穴城壓伍胥濤今日觀溟漲垂綸欲釣鰲

登安陽城樓

唐孟浩然 盛

縣城南面漢江流江嶂開成南雍州才子乘春來騁  
望羣公暇日坐銷憂樓臺晚映青山郭羅綺晴驕綠  
水洲向夕波搖明月動更疑神女弄珠遊

宿香山寺石樓

唐李頎 盛

夜宿翠微半高樓聞暗泉漁舟帶遠火山磬發孤煙  
衣拂雲松外門清河漢邊峰巒低枕席世界接人天  
靄靄花出霧輝輝星映川東林曙鶯滿惆悵欲言還

與夏十二登岳陽樓

唐李白 盛

樓觀岳陽盡川迴洞庭開鴈引愁心去山銜好月來  
雲間逢下榻天上接行杯醉後涼風起吹人舞袖回  
秋登宣城謝眺北樓

唐李白 盛

江城如畫裏山晚望晴空兩水夾明鏡雙橋落綵虹  
人煙寒橘柚秋色老梧桐誰念北樓上臨風懷謝公  
登錦城散花樓

唐李白 盛

居處

卷百六

十一 登樓

日照錦城頭朝光散花樓金牕夾繡戶珠箔懸銀鈎  
飛梯綠雪中極目散我憂暮雨向三峽春江繞雙流  
今來一登望如上九天遊

陪裴使君登岳陽樓

唐杜甫 盛

湖闊兼雲霧樓孤屬晚晴禮加徐孺子詩接謝宣城  
雪片叢梅發春泥百草生敢違漁父問從此更南征

登岳陽樓

唐杜甫 盛

昔聞洞庭水今上岳陽樓吳楚東南折乾坤日夜浮  
親朋無一字老病有孤舟戎馬關山北憑軒涕泗流

登兗州城樓

唐杜甫 盛

東郡趨庭日南樓縱目初浮雲連海岱平野入青徐  
孤嶂秦碑在荒城魯殿餘從來多古意臨眺獨躊躇

登樓

唐杜甫盛

花近高樓傷客心萬邦多難此登臨錦江春色來天  
地玉壘浮雲變古今北極朝廷終不改西山寇盜莫  
相侵可憐後主還祠廟日暮聊爲梁甫吟

白帝城最高樓

唐杜甫盛

城尖徑昇旌旆愁獨立縹緲之飛樓峽坼雲霾龍虎  
睡江清日抱鼉鼙遊扶桑西枝封斷石弱水東影隨  
長流杖藜歎世者誰子泣血迸空回白頭

居處

卷百天

十一

登鶴雀樓

唐王之渙盛

白日依山盡黃河入海流欲窮千里目更上一層樓

登潤州萬歲樓

唐劉長卿中

高樓獨上思依依極浦遙山合翠微江客不堪頻北  
望塞鴻何事又南飛金山古渡寒煙積瓜步空洲遠  
樹稀聞道王師猶轉戰更能談笑解重圍

和樊使君登潤州城樓

唐劉長卿中

山城迢遞敞高樓露冕吹鐃居上頭春草連天隨北  
望夕陽浮水共東流江田漠漠全吳地野樹蒼蒼故  
蔣州王粲尚爲南郡客別來何處更銷憂

登無錫北樓

唐郎士元中

秋興因危堞歸心過遠山風霜征鴈早江海旅人還  
驛樹寒仍密漁舟晚更閒仲宣何所賦祗欲滯柴關

登丹陽北樓

唐郎士元中

寒臯那可望旅望又初還迢遞高樓上蕭條曠野間  
暮晴依遠水秋興屬連山浮客時相見霜凋動翠顏

和樊潤州秋日登城樓

唐皇甫冉中

露冕臨平楚寒城帶早霜時同借河內人是卧淮陽  
積水澄天塹連山入帝鄉因高欲見下非是愛秋光  
奉和第五相公登鄱陽城西樓

居處

卷百天

十二

茂德爲邦久豐貂舊相尊發生傳雨露均養助乾坤  
曉肆登樓目時銷戀闕魂女牆分吏事官道啓津門  
溢浦潮聲盡鍾陵暮色繁夕陽移夢土芳草接湘源  
封內羣昨復兵間百賦存童牛耕廢畝壕木遠新村  
野步漁聲溢荒祠鼓舞喧高齋成五字遠岫發孤猿

登鶴雀樓

唐耿漳中

久客心常醉高樓日漸低黃河經海內華岳鎮關西  
去遠千帆小來遲獨鳥迷終年不得意空覺負東谿  
同崔兪登鶴雀樓

同崔兪登鶴雀樓

唐李益中

鶴雀樓西百尺牆汀洲雲樹共茫茫漢家蕭鼓空流



水魏國山河半夕陽事去千年猶恨速愁來一日即  
為長風煙併是思歸望遠目非春亦自傷

追和故李中書夏日登北樓 唐柳宗元中

層軒隔炎暑迴野恣窺臨鳳去微音續芝焚芳境深  
游鱗出陷浦唳鶴遶仙岑風起三湘浪雲生萬里陰  
宏規齊德宇麗藻競詞林今日登高處還聞梁甫吟

晚夏登張儀樓 唐姚向中

秦相架羣材登臨契上台查從銀漢落江自雪山來  
儷曲親流火凌風洽小杯帝鄉如在目欲下盡徘徊

奉陪侍中登白樓 唐盧綸中

居處 卷五十八 十三 登樓

高樓倚玉梯朱檻與雲齊顧盼親霄漢談諧息鼓鼙  
洪河迴更直野雨急仍低今日陪樽俎唯當醉似泥

登樓 唐賈島中

秋日登高望涼風吹海初山川明已久河漢沒無餘

歡省本晴望 唐馬戴晚

堯女樓西望人懷太古時海波通禹鑿一作山木閉

虞祠鳥道殘虹挂龍潭返照移行雲如可馭萬里赴

心期

和剡縣陳明府登縣樓 唐方干晚

郭裏人家如掌上簷前樹木映牕櫺煙霞自接天台

地分野應侵婺女星驛路古今通北關仙谿日夜入  
東溟綠衣才子多吟嘯公退時時見畫屏

秋日登臨越王樓 唐李渥晚

越王曾牧劔南州因向城隅建此樓橫玉遠開千嶠  
雪暗雷下聽一江流畫簷先弄朝陽色朱檻低臨眾  
木秋徒學仲宣聊四望且將詩賦好依劉

同張侍御宴北樓 以下宴 唐儲光義盛

今之太守古諸侯出入雙旌垂七旒朝覽干戈時聽  
訟暮延賓客復登樓西山漠漠嶮巖色北渚沈沈江  
漢流良宵清淨方高會繡服光輝聯皂蓋魚龍恍惚

居處 卷五十八 十四 登樓

堦墀下雲霧香冥牕戶外水靈慷慨行泣珠游女飄  
飄思解佩蒼蒼低月半遙城落落疎星滿太清不忍

開襟悲楚奏願言吹笛退胡兵軒后青丘埋瘞偷周

王白羽掃機槍期君武節朝龍闕余亦翔翔歸玉京

送嚴侍郎到綿州同登杜使君江樓宴得心字

唐杜甫盛

野興每難盡江樓延賞心歸朝送使節落景惜登臨  
稍稍煙集渚微微風動襟重船依淺瀨輕鳥度層陰  
檻峻背幽谷牕虛交茂林燈光散遠近月彩靜高深  
城擁朝來客天橫醉後參窮途衰謝意苦調短長吟

此會共能幾諸孫賢至今不勞朱戶閉自待白河沈

宴陳十六樓樓枕金谷

唐李頎盛

西樓對金谷此地古人心白日落庭內黃花生澗陰  
四鄰見疎木萬井度寒砧石上題詩處千年留至今

韶州韶陽樓夜讌

唐許渾晚

待月西樓捲翠羅玉杯瑤瑟近星河簾前碧樹窮秋  
密牕外青山薄暮多鸚鵡未知狂客醉鷓鴣先讓美  
人歌使君莫惜通宵飲刀筆初從馬伏波

登柳州城樓寄漳汀封連州四

唐柳宗元中

城上高樓接大荒海天愁思正茫茫驚風亂颭芙蓉  
居處

卷百十八

十五

水密雨斜侵薜荔牆嶺樹重遮千里目江流曲似九  
迴腸共來百越文身地猶自音書滯一鄉

○閣

登顏園故閣

梁元帝

高樓三五夜流影入丹墀先時留上客夫婿美容姿  
妝成理蟬鬢笑罷歛蛾眉衣香知步近釧動覺行遲  
如何舞館樂翻見歌梁悲猶懸北牕幌未捲南軒帷  
寂寂空郊暮非復少年時

登州中新閣

北周庾信

跨虛凌倒景連雲拒少陽璇極龍鱗上雕甍鵬翅張

千尋文杏照十里木蘭香開牕對高掌平坐望河梁

歌響聞長樂鐘聲徹建章賦用王延壽書須臾仲將  
龍來隨畫壁鳳起逐吹簫石作芙蓉影池如明鏡光  
花梁反披葉蓮井倒垂房徒然思燕賀無以預鵲翔

和宇文內史入重陽閣

北周庾信

北原風雨散南宮容衛疎待詔還金馬儒林歸石渠  
徒懸仁壽鏡空聚茂陵書竹淚垂秋筍蓮衣落夏渠  
顧成始移廟陽陵正徙居舊蘭憔悴長殘花爛熳舒  
別有昭陽殿長悲故班一作婕妤

置酒坐飛閣

唐太宗

居處

卷百十八

十六

高軒臨碧渚飛簷迴架空餘花攢鏤檻殘柳散雕櫳  
听菊初含蕊園梨始帶紅莫慮崑山暗還共盡杯中

秋日宴滕王閣

唐王勃

滕王高閣臨江渚珮玉鳴鸞罷歌舞畫棟朝飛南浦  
雲朱簾暮捲西山雨閒雲潭影日悠悠物換星移幾  
度秋閣中帝子今何在檻外長江空自流

登瓦官閣

唐李白盛

晨登瓦官閣極眺金陵城鍾山對北戶淮水入南榮  
漫漫雨花落嘈嘈天樂鳴兩廊振法鼓四角吟風箏  
杳出霄漢上仰攀日月行山空霸氣滅地古寒陰生

寥廓雲海晚蒼茫宮觀平門餘閭闔字樓識鳳凰名  
雷作百山動神扶萬拱傾靈光何足貴長此鎮吳京

草閣

唐杜甫

草閣臨無地柴扉永不關魚龍迴夜水星月動秋山  
久露晴初濕高雲薄未還泛舟慙小婦飄泊損紅顏

題孟中丞茅閣

唐元結

小山爲郡城隨水能縈紆亭亭最高處今是西南隅  
憑軒望熊湘雲樹連蒼梧天下正炎熱此然冰雪俱

奉和聖製登朝元閣

唐錢起

六合紆玄覽重軒啓上清石林飛棟出霞頂泰堦平  
居處

卷百天

十七

拂曙鑾輿上晞陽瑞雪晴翠微回日馭丹巘駐天行  
御氣升銀漢垂衣俯錦城山通玉苑迴河抱紫關明  
感物乾文動凝神道化成周王陟喬岳列辟讓英聲

題鮑行軍小閣

唐嚴維

宇下無留事經營意獨新虛明先旦暮啓閉異冬春  
談笑兵家法逢迎幕府賓還依負暄處時借在陰人

霽登王六東閣

唐嚴維

試上江樓望初逢山雨晴連空青嶂合向晚白雲生  
美惡列殊觀蕭條見遠情望來不可極日暮水流清

望凌煙閣

唐劉公典

盡閣凌虛構遙瞻在九天丹楹崇壯麗素壁繪勳賢  
謁謁浮元氣亭亭出瑞煙近看分百辟遠揖誤羣仙  
圖列青霄外儀形紫禁前望中空霽景驥首幾留連

○臺

雍臺

梁武帝

日落登雍臺佳人殊未來綺牕蓮花掩網戶琉璃開  
芊茸臨紫桂蔓延交青苔月沒光陰盡望子獨悠哉

雍臺

梁何均

雍臺十二樓樓樓鬱相望隴西飛狐口白日盡無光

凌雲臺

梁謝舉

居處

卷百天

十八

綺甍懸桂棟隱曖傍喬柯勢高凌玉井臨迴度金波  
易覺涼風至早飛秋鴈過高臺相思曲望遠騷人歌  
幸屬一此迢遞知承雲霧多

凌雲臺

北周王褒

高臺懸百尺中夕殊未窮北臨酸棗寺西眺明光宮  
城傍抵雙府林裏對相風書題鹿盧榜觀寫飛廉銅

牕開神女電梁映美人虹虞捐濫天寵鄭督特懷忠

莊生垂翠釣昭儀拒抵一作闕熊馳輪有盈缺人道亦

汗隆還念西陵舞非復鄴城中

賦得鸞臺

北周庾信

九成吹玉瑄百尺上瑤臺能將秦女去終是鳳凰來

鳳凰臺

唐杜甫 盛

亭亭鳳凰臺北對西康州西伯今寂寞鳳聲亦悠悠  
山峻路絕蹤石林氣高浮安得萬丈梯爲君上上頭  
恐有無母雛饑寒日啾啾我能剖心血飲啄慰孤愁  
心以當竹實炯然忘外求血以當醴泉豈徒比清流  
所重王者瑞敢辭微命休坐看綵翽長舉意八極周  
自天銜瑞圖飛下十二樓圖以奉至尊鳳以垂鴻猷  
再光中興業一洗蒼生憂深衷正爲此羣盜何淹留  
臺上

唐杜甫 盛

居處

卷百天

十九 臺

改席臺能迴留門月復光雲霄遺暑濕山谷進風涼

砌臺詩

唐張仲素 中

寫望臨香閣登高下砌臺林間踏青去席上意錢來

雍臺歌

唐溫庭筠 晚

太子池南樓百尺八牕新樹疎簾隔黃金鋪首畫鉤  
陳羽葆停幢拂交戟盤紆欄楯臨高臺殿帳臨流鸞  
扇開早鴈驚鳴細波起映花鹵簿龍飛迴

司天臺

唐李山甫 晚

拂雲朱檻捧昭回靜對銅渾水鏡開太史只知頻奏  
瑞蒼生無計可陳災景公進德星曾退漢帝推誠日

爲迴何事曠官全不語好天良月鎖高臺

聽話叢臺

唐李遠 晚

有客新從趙地迴自言曾上古叢臺雲遮襄國天邊  
盡樹繞漳河掌裏來絃管變成山鳥啼綺羅留作野  
花開金輦玉輦無蹤跡風雨誰知長碧苔

嚴陵釣臺送李康成使江東 唐劉長卿 中

潺湲子陵瀨髮髯如在目七里人已非千年水空綠  
新安江上孤帆遠應逐楓林萬餘轉古臺落日共蕭  
條寒水無波更清淺臺上漁竿不復持却令猿鳥向  
人悲難聲山翠至今在遲爾行舟晚泊時

居處

卷百天

二十 臺

朝臺送客有懷

唐許渾 晚

趙佗西拜已登壇馬援南征土宇寬越國舊無唐印  
綬蠻鄉今有漢衣冠江雲帶日秋偏熱海雨隨風夏  
亦寒嶺北歸人莫迴首蓼花楓葉萬重灘

○登臺 臨望 經過併入

臨高臺

齊王融

遊人欲騁望積步上高臺并蓮當夏吐牕桂逐秋開  
花飛低不入鳥散遠時來還看雲棟影合月共徘徊  
過建章故臺

梁庾肩吾 爲國觀遺殿韓城想舊臺仲宣原隰滿子建悲風來

夏蓮猶反植秋牕尚左一作不開圖雲仍滿一作雨盡水卽生苦及君歡四望知余念七哀

宮殿名登高臺詩

陳祖孫登

獨有相思意聊敞鳳凰臺蓮披香稍上月明光正來離鵠一作鵠將雲散飛花似雪迴遙思竹林友前牕夜夜開

臨高臺

陳張正見

層臺邇清漢出迴架重焚飛棟臨黃鶴高牕度白雲風前朱幌一作樓色霞處綺疏分此中多怨曲地遠詎能聞

居處

卷百十八

三十一

登臺

臨高臺

北齊蕭慤

高臺高百尺迴出望仙宮畫拱浮朝一作雲氣飛梁照晚虹小衫飄霧縠艷粉拂輕紅笙吹汶陽篠琴奏嶧山桐舞逐飛龍引花隨少女風臨春今若此極宴豈無窮

臨高臺

唐褚亮

高臺暫俯臨飛翼聳輕音浮光隨日度漾影逐波深迴瞰周平野開懷暢遠襟獨此三休上還傷千歲心

臨高臺

唐王勃

臨高臺臨高臺迢遞絕浮埃瑤軒綺構何崔嵬驚歌

鳳吹清且哀俯瞰長安道萋萋御溝草斜對甘泉路蒼蒼茂陵樹高臺四望同佳氣鬱葱蔥紫閣丹樓紛照耀璧房錦殿相玲瓏東迷長樂觀西指未央宮赤城映朝日綠樹搖春風旗亭百隊開新市甲第千甍分戚里朱輪翠蓋不勝春疊樹層楹相對起復有青樓大道中繡戶文牕雕綺櫳錦衾晝不縻羅帷夕未空歌屏朝揜翠妝鏡晚窺紅爲君安寶髻蛾眉罷花蒙狹路塵間黯將暮雲開月色明如素鴛鴦池上兩兩飛鳳凰樓下雙雙度物色正如此佳期那不顧銀鞍繡轂盛繁華可憐今夜宿娼家娼家少婦不須顰

居處

卷百十八

三十一

登臺

東園桃李片時春君看舊日高臺處柏梁銅雀生黃塵

登三臺言志

唐太宗

未央初壯漢阿房昔倏秦在危猶騁麗居奢遂役人豈如家四海日宇罄朝倫扇天裁戶舊砌地翦基新引月擎霄桂飄雲逼曙鱗露除光炫玉霜闕映雕銀舞接花梁燕歌迎鳥路塵鏡池波太液莊苑麗宜春作異甘泉日停非路寢辰念勞慙逸已居曠反勞神所欣成大厦寵臨停渭濱一作宏材一作渭濱

登粵王臺

唐宋之問

江上粵王臺登高望幾回南溟天外合北戶日邊開  
地濕煙常起山晴雨半來冬花採盧橘夏果摘楊梅  
跡類虞翻枉人非賈誼才歸心不可見白髮重相催

陪王司馬登薛公道遙臺

并序 唐張九齡

故郡城有荒臺焉雖層宇落構而遺製歸然邑老  
相傳斯則薛公道衡之所憩也薛公不容隋季出  
守汝隅豈作臺榭以崇奢蓋因丘陵而視遠必有  
以清滌孤憤舒嘯佳辰寄文翰以相宣仰風流而  
未泯今司馬公英達好古清譽滿時迹有忤于貴  
臣道未行于明主以長沙下國同賈誼之謫居六

居處

卷百十

二十三

登臺

安達郡無桓譚之不樂仁不異達必敷政以愛人  
窮當益堅已坦懷而樂地屬府庭閑暇江浦清明  
南土陽和覺寒氛之向盡東郊候暖愛春色之先  
來于是命輕舸以乘流趣高臺而降望越荒堞披  
古道躋隱嶙而三休俯阡綿而四極其達則煙連  
井墟指甌窳以南馳雲合山川拒荆吳而北走其  
近則深谿見底鱗介之所出沒喬林夾岼羽毛之  
所翔翔悠哉薛公無不寄也意神期之可接陟彼  
峻隅想風景之不殊翦為茂草司馬公又以爲峴  
山故事感羊祜以興言湘水遺風懷屈原而可作

况登高能賦得無述焉其實小人受教君子雖義  
之樂會稽之士自與許詢而仲舉禮豫章之人復  
招徐孺是日也羣英在焉猥惟陋才忝陪下列祗  
命爲序請各言詩

常聞薛公淚非直雍門琴竄逐留遺跡悲涼見此心  
府中因暇豫江上幸招尋人事已成古風流獨至今  
閑情多感歎清景暫登臨無復甘棠在空餘蔓草深  
晴光送遠目勝氣入幽襟水去朝滄海春來換翠林  
賦懷湘浦弔碑想漢川沈曾是陪遊日徒爲梁父吟

春臺望

唐玄宗

居處

卷百十

二十四

登臺

暇景屬三春高臺聊四望目極千里際山川一何壯  
太華見重巖終南分疊障郊原紛綺錯參差多異狀  
佳氣滿通溝遲步入綺樓初鶯一一鳴紅樹歸鴈遲  
遲去綠洲太液池中下黃鶴昆明水上映牽牛聞道  
漢家全盛日別館離宮趣非一甘泉逶迤亘明光五  
柞連延接未央周廬微道縱橫轉飛閣廻軒左右長  
須念作勞居者逸勿言我後焉能恤爲想雄豪壯柏  
梁何如儉陋卑茅室陽鳥黠黠向山沈夕鳥喧喧入  
上林薄暮賞餘回步輦還念中人罷百金

奉和御製春臺望

唐蘇頌



壯麗天之府神明王者宅大君乘飛龍登彼復懷昔  
圓闕朱光焰橫山翠微積河汧流作表縣聚開成陌  
卽舊在皇家惟新具物華雲連所上居恒屬日更時  
中望不斜三月滄池搖積水萬年青樹綴新花暴嬴  
國此嘗圖霸業後仁先以詐東破諸侯西入秦咸  
陽北阪南渭津詩書焚蕪散學士高閣奢踰嬌美人  
事往覆輶經遠喻春還按蹕憑高賦戎觀愛力深惟  
省越厭陳方向足務清吹遙遙發帝臺宸文耿耿照  
天迴伯夷位事愚臣忝喜奏聲成鳳鳥來

奉和御製春臺望

唐許景先

居處

卷百十八

二十五

登臺

睿德在青陽高居視中縣秦城連鳳闕漢寢疏龍殿  
文物照光輝郊畿鬱葱蒨千門望成錦八水明如練  
複道曉光披宸遊出禁移瑞氣朝浮五雲閣祥光夜  
吐萬年枝蘭葉負龜初薦祉桐花集鳳更來儀秦漢  
生人洞力役阿房甘泉構雲碧汾祠雍時望通天王  
宮宣室坐長年鼓鐘西接咸陽觀苑囿南通鄆杜田  
明主卑宮戒前失輔德欽賢政惟一昆蟲不夭在春  
蒐稼穡常艱重農術邦家已荷聖謨新猶聞儉陋惜  
中人預奉北辰齊七聖長歌東武林千春

奉和御製春臺望

唐賀知章

青陽布王道玄覽陶真性欣若天下春高逾域中聖  
神皇類觀賞帝里如懸鏡繚繞八川浮岩巒雙闕映  
曉色徧昭陽晴雲卷建章華滋的皪丹青樹顯氣氤  
氲金玉堂尚有靈蛇下廊時還徵瑞寶入陳倉自昔  
秦奢漢窮武後庭萬餘宮百數旗回五丈殿千門連  
綿南墜出西垣廣畫螭蟻誇竊窕羅生玳瑁象崑崙  
迺睠天情興隱恤古來土木良非一楚有章華趙叢  
臺何如堯階將禹室層欄辟窳下龍興清管逶迤半  
綺疏一聽南風引鸞舞長謠北極仰鵷居

登裴迪秀才小臺作

唐王維

居處

卷百十八

二十六

登臺

端居不出戶滿目望雲山落日鳥邊下秋原人外閑  
遙知達林際不見此簷間好客多乘月應門莫上關  
同羣公秋登琴臺

唐高適

古跡使人感琴臺空寂寥靜然顧遺塵千載如昨朝  
臨眺自茲始羣賢久相邀德與形神高孰知天地遙  
四時何倏忽六月鳴秋蜩萬象歸白帝平川橫赤霄  
猶是對夏伏幾時有涼颺燕雀滿簷楹鴻鵠搏扶搖  
物性各自得我心在漁樵兀然還復醉尚握樽中瓢  
登單父陶少府半月臺

唐李白

陶公有逸興不與常人俱築臺像半月迴向高城隅

置酒望白雲商飈起寒梧秋山入遠海桑柘羅平蕪  
水色綠且明令人思鏡湖終當過江去愛此暫躊躇

登金陵鳳凰臺

唐李白盛

鳳凰臺上鳳凰遊鳳去臺空江自流吳宮花草埋幽  
徑晉代衣冠成古丘三山半落青天外二水中分白  
鷺洲總爲浮雲能蔽日長安不見使人愁

經鶴臺

唐蘇拯晚

築臺非爲賢獨聚乘軒鶴六馬不能馭九臯欲何託  
一旦敵兵來萬民同隕淩如何警露禽不似銜環雀

○館

居處

卷百十八

二十七

高館原作擬古

晉袁宏

高館百餘仞迢遞虛中亭文幌曜瓊扇碧疏映綺櫺

題壽安王主簿池館

唐蘇頌初

洛邑通馳道韓郊在屬城館將花雨映潭與竹聲清  
賢俊鸞棲棘賓遊馬佩衡願言隨狎鳥從此濯吾纓

題宛谿館

唐李白盛

吾憐宛谿好百尺照心明何謝新安水千尋見底清  
白沙留月色綠竹助秋聲却笑嚴湍上于今獨擅名

題豫章館

唐崔國輔盛

楊柳映春江江南轉佳麗吳門淥波裏越國青山際

遊宦常往來津亭暫臨憩驛前蒼石沒浦外湖沙細  
向晚晏且平孤舟固然逝雲留西北客氣歇東南帝  
獨有妻妾心誰知怨芳歲

山館

唐杜甫盛

南國晝多霧北風天正寒路危行木杪身遠宿雲端  
山鬼吹燈滅厨人語夜闌雞鳴問前館世亂敢求安

句容縣東青陽館作

唐李嘉祐中

句曲千峰暮歸人向遠煙風搖近水葉雲護欲霜天  
夕照留山館秋花落野田征途傍斜日一騎獨翩翩

山館

唐皇甫冉中

居處

卷百十八

三八

山館常寂寂閒雲朝夕來空庭復何有落日照青苔

湘口館瀟湘二水所會

唐柳宗元中

九疑濬傾奔臨源委縈迴會合屬空曠泓澄停風雷  
高館軒霞表危樓凌山隈茲辰始激殖直凌霽纖雲盡

寒開天秋日正中水碧無塵埃杳杳漁父吟叫叫羈  
鴻哀境勝豈不豫慮分固難裁升高欲自舒彌使達

念來歸流駛且廣汎舟絕沿洄

題壽安甘棠館二首

唐劉禹錫中

公館似仙家池清竹徑斜山禽忽驚起衝落半巖花

門前洛陽道門裏桃源路塵土無煙霞其間十餘步

題壽安南館

唐王建中

明蒙竹間亭天暖幽桂碧雲生四面山水接當階石  
濕隄浴鳥痕破苔卧鹿蹟不緣塵駕觸堪作商皓宅

入彭城館

北周庾信

襄君前建國項氏昔稜威鵬飛傷楚戰雞鳴悲漢圍  
世代殊珉俗風雲更盛衰水流浮磬動山喧雙翟飛  
夏餘花欲盡秋近鷺將稀槐庭垂綠穗蓮浦落紅衣  
徒知日云暮不見舞雩歸

賀給事嘗詣蔡起居郊館有詩因命同作

居處

卷百六

三九

館

唐張九齡初

記言聞直史築室面層阿豈不承明入終云幽意多  
沈冥高士致休澣故人過前嶺游氛滅中林芳氣和  
茲辰阻佳趣望美獨如何

次蔡陽館

唐孟浩然盛

日暮馬行疾城荒入住稀聽歌疑近楚投館忽如歸  
魯堰田疇廣章陵氣色微明朝拜嘉慶須著老萊衣

襄武館遊眺

唐元稹中

州民知禮讓訟簡得遨遊高亭憑古地山川當暮秋  
是時秔稻熟西望盡田平一作疇仰恩慙政拙念勞喜

歲收澹泊風景晏繚繞雲樹幽節往情惻惻天高思  
悠悠嘉賓華雲集芳樽始淹留還希習池賞一作還喜習池  
賓聊以駐鳴騶

晚次荆谿館呈崔明府

唐張祐中

艤舟陽羨館飛步繚疎楹山暝水雲碧月涼煙樹清  
長橋深漾影達櫓下搖聲況是無三害絃歌初政成  
宿望亭館寄蘇州一二同志 唐許渾晚

候館人稀夜自長姑蘇城遠樹蒼蒼江湖水落高樓  
迴河漢秋歸廣簾涼月轉碧梧移鵲影露低紅葉濕  
螢光西園詩侶應多思莫醉笙歌掩畫堂

居處

卷百六

三十

館

詩集類函卷一百二十九

東吳俞安期纂 宣城梅鼎祚增定

新都潘允升訂校

居處部四

亭

新居 故居 移家

○亭

尸鄉亭

晉陸機

東遊觀輦洛道遙丘墓間秋草漫長柯寒水入雲煙  
發軔有夙晏息駕無愚賢

臨川亭

宋荀雍

目極依春路披褐懷良辰明發戒徒御臨流餞歸人

遷陽亭

梁江淹

擘淚訪亭候茲地乃閩城萬古通漢使千載連吳兵  
瑤欄更斬萃銅山爵縱橫方水埋金甌圓峴伏丹瓊  
下視雄虹照俯看綵霞明桂枝空命折煙氣坐自驚  
劍逕羞前檢岷山慙舊名伊我從霜露僕御復孤征  
楚客心命絕一願聞越聲

永陽王齋後山亭

陳江總

叢臺造日涵館連雲錦牆列續繡地成文吾王卓爾  
逸趣不羣梅梁蕙閣桂棟蘭粉竹深益雨石暗迎暉  
湓流疑疏構峰似削苔滑危磴藤攀聳樹影搖牕

池光動暮月澄遙淑風清近壑雪岍難銷花園易落  
高桐百尺垂楊五株開榮九畹結秀三珠山條紫的  
水葉紅鬚抽芳繞雷接翠分衢亭譚旅鶴浦噪驚鳬  
前列枚馬後招郇伯諷誦楚詩精微沛易叢桂留賞  
散金匪惜不羨睢陽還嗤碣石馳聲終古服義無斁

王屋山第之側維構小亭

唐李嶠

桂亭依絕巘蘭榭俯回谿綺棟魚鱗山雕甍鳳羽棲  
引泉聊漲沼鑿磴且通蹊席上山花落簾前野樹低  
弋林開曙景釣渚發晴覽狎水驚梁鴈臨風

居處

卷一百二十九

二

同蔡孚五亭詠

唐徐鼎

章奏中京罷雪京別業歸拂琴鋪野席牽柳挂  
翡翠巢書幌驚鴛鴦立釣磯幽栖可憐處春事滿林扉

蔡起居山亭

唐徐鼎

文史歸休日樓閣卧草亭薔薇一架紫石竹數重  
垂露和仙藥燒香誦道經莫將山水弄持與世人聽

都尉山亭

唐杜審言

紫藤繁萼藟綠刺霄薔薇下釣看魚躍探巢畏鳥飛  
葉疎荷已晚枝亞果新肥勝迹都無限只應伴月歸

臨水亭

唐閻丘均

高館基曾山微羃生花草傍對野村樹下臨車馬道  
清明悟心術幽遐備瞻討回合峰隱雲聯綿渚縈島  
氣似滄洲勝風爲青春好相及盛年時無今歎衰老

林亭詠

唐張九齡

穿築非求麗幽閑欲寄情偶懷因襲石真意在蓬瀛  
苔益山文古池添竹氣清從茲果蕭散無事亦無營

城南亭作

唐張說

珂馬朝歸連萬石稍門洞啓親迎客北堂珍重琥珀  
酒庭前列肆茱萸席長袖遲迴意緒多清商緩轉目  
騰波舊傳比翼侯家舞新出將雛主第歌漢家絳灌

居處

卷五十九

三

餘兵氣晉代浮虛安足貴正逢天下金鏡清偏加日  
飲醇醪意誰復遨遊不復歸閑庭莫畏不芳菲會待  
城南春色至競將花柳拂羅衣

相州北亭

唐張說

人務南亭少風煙北院多山花迷徑路池水拂藤蘿  
萍散魚時舞林幽鳥任歌悠然白雲意乘興抱琴過

崔禮部園亭

唐張說

窮窅留清館虛徐步晚陰水連伊闕近樹接夏陽深  
柳蔓憐垂拂藤田愛上尋訝君軒蓋侶非復俗人心

望幸亭

唐儲光義

五年一巡狩西幸過東畿周國易居守周人多怨思  
慶雲宿飛棟嘉樹羅青堦疏屏宜朝享方塘堪水嬉  
雲中仰華蓋桁下望春旗天意知如此星言歸洛師

題李將軍山亭

唐郭良

鳳閣將軍位龍門司隸家衣冠爲隱逸山水作繁華  
徑出重林草池搖兩岬花誰知貴公第亭院有煙霞

連上題樊氏水亭

唐高適

連上非所趣偶爲世務牽經時駐歸棹日夕對平川  
莫論行子愁且得主人賢亭上酒初熟厨中魚每鮮  
自說宦遊來因之居住偏煮鹽滄海曲種稻長淮邊

居處

卷五十九

四

梅道士水亭

唐孟浩然

昨夕宴如百口無饑年菱芡藩籬下漁樵耳目前  
傲吏非凡吏名流卽道流隱居不可見高論莫能酬  
水接仙源近山藏鬼谷幽再來迷所處花下問漁舟

陸渾水亭

唐祖詠

晝眺伊川曲巖開霽色明淺沙平有路流水漫無聲  
浴鳥沿波聚潛魚觸釣驚更憐春岸綠幽意滿前楹

題韓少府水亭

唐祖詠

梅福幽棲處佳期不忘還鳥啼當戶竹花遶傍池山  
水氣侵階冷松陰覆座閑寧知武陵趣宛在市朝間

寄題杜二錦江野亭

唐嚴武

漫向江頭把釣竿，懶眠沙草愛風湍。  
莫倚善題鸚鵡賦，何須不著鷁鷗冠。  
腹中書籍幽時曬，肘後醫方靜處看。  
興發會能馳駿馬，終須直到使君灘。  
世舊待遇甚隆，子美於浣花里種竹植木，結廬枕江，縱酒吟詠，與田畯野老相狎，蕩武過之，有時不冠，子美和詩，阮籍焉知，借法諫以解嘲也。

奉酬嚴公寄題野亭之作

唐杜甫

拾遺曾奏數行書，懶性從來水竹居。  
奉引濫騎沙苑馬，幽棲直釣錦江魚。  
謝安不倦登臨賞，阮籍焉知禮法踈。  
枉沐旌麾出城府，草茅無迕欲教鋤。

居處

卷五

五

江亭

唐杜甫

坦腹江亭暖，長吟野望時。  
水流心不競，雲在意俱遲。  
寂寂春將晚，欣欣物自私。  
故林歸未得，排悶強裁詩。

滕王亭子二首

唐杜甫

寂寞春山路，君王不復行。  
古牆猶竹色，虛閣自松聲。  
鳥雀荒村暮，雲霞過客情。  
尚思歌吹入，千騎把霓旌。

二

君王臺榭枕巴山，萬丈丹梯尚可攀。  
春日鶯啼脩竹綠，裏仙家犬吠白雲間。  
清江碧石傷心麗，嫩葉濃花滿目斑。  
人到于今歌出牧，來遊此地不知還。

章梓州水亭

時漢中王蒹席謙在會同用荷字

唐杜甫

城晚通雲霧，亭深到芰荷。  
吏人橋外少，秋水席邊多。  
近屬淮王至，高門薊子過。  
荊州愛山簡，吾醉亦長歌。

重題鄭氏東亭

唐杜甫

華亭入翠微，秋日亂清輝。  
崩石欹山樹，清漣曳水衣。  
紫鱗衝岸躍，蒼隼護巢歸。  
向晚尋征路，殘雲傍馬飛。

謝公亭

唐李白

謝公離別處，風景每生愁。  
客散青天月，山空碧水流。  
池花春映日，塢竹夜鳴秋。  
今古一相接，長歌懷舊遊。

勞勞亭

唐李白

居處

卷五

六

天下傷心處，勞勞送客亭。  
春風知別苦，不遣柳條青。

題杼山三癸亭

陸鴻漸所創

唐顏真卿

杼山多幽絕，勝事盈跬步。  
前者雖登攀，淹留恨晨暮。  
及茲紆勝引，曾足美無度。  
歛構三癸亭，寔惟陸生故。  
高賢能拘物，疏鑿皆有趣。  
不越方丈間，居然雲霄遇。  
巍我倚脩岫，曠望臨古渡。  
左右苔石攢，低昂桂枝露。  
山僧狎猿猱，巢鳥來相視。  
俯視何楷臺，傍瞻戴顓路。  
遲迴未能下，夕照明村樹。

惠陽亭作

有序

唐元結

初得惠泉則爲亭于泉上，因開簷霤，又得石渠泉。



渠相宜亭更加好以亭在泉北故命之曰漣陽亭

問吾常譙息泉上何處好獨有漣陽亭令人可終老  
前軒臨漣泉憑几漱清流外物自相擾淵淵還復休  
有時出東戶更欲簷下坐非我意不行石渠能留我  
峰石若鱗次欲垂復旋回爲我引漣泉冷冷簷下來  
天寒宜泉溫泉寒宜天暑誰到漣陽亭其心肯思去

題友人亭

唐殷遙盛

故人雖薄宦往往涉清谿鑿牖對山月褰裳拂澗龜  
游魚逆水上宿鳥向風棲一見桃花發能令秦漢迷

題秘書王迪城北池亭

唐錢起中

居處

卷百十九

七

子喬來魏闕明主賜衣簪從宦辭人事同塵卽道心

伏泉通粉壁迸笋出花林晚沐常多暇春醪時獨斟

西南漢宮月復對綠牕琴一作吟

裴僕射東亭

唐錢起中

朱戟繚垣下高齋芳樹間隔花開遠水廢巷愛晴山

晚沐值清興知音同解顏藉蘭開賜酒留客下重關

仙犬逐人靜朝車映竹閑則知真隱逸未必謝區寰

玉臺體題湖上亭

唐戎昱中

湖入縣西邊湖頭勝事偏綠竿初長筍紅顆未開蓮  
蔽日高高樹迎人小小船清風長入坐夏月似秋天

蕭常侍瘞和亭歌

唐盧綸中

柏之異者山中靈好人斷絕爲君亭雲翻浪捲不可  
識鳥獸成形花倒植莓苔舊點色尚青霹靂殘痕節  
猶黑金貂主人漢三老構此窮年下朝早心規目製  
不暫疲匠者受之無一詞清晨拂匣菱生鏡落日憑  
闌星滿池攢甍闢拱無斤跡根癭聯懸同素壁數層  
亂瀉雲裏峰萬片爭呈雪中石重簷不動自飄香似  
到瀛洲白玉堂水精如意方金色雲母屏風透掩光  
四堦綿綿被纖草草上依微衆山道松間汲井煙翠  
寒洞裏圍棋天景好愚儒敢欲賀成功鸞鳳棲翔固

居處

卷百十九

八

不同應念廢材今接地一枝思寄戶庭中

奉和李大夫題因嚴亭

一作因嚴

唐白居易中

箕穎人窮獨蓬壺路阻難何如兼吏隱復得事躋攀

巖樹羅階下江雲貯棟間似移天目石疑入武丘山

題周皓大夫新亭

唐白居易中

廣砌羅紅藥疎牕陰綠筠鎖開宿閣曉梯上妓樓春  
置醴寧三爵加邊過八珍茶香飄紫筍膾縷落紅鱗  
輝赫車輿鬧珍奇鳥獸馴獼猴看檻馬鸚鵡喚家人  
錦額簾高捲銀花盞慢巡勸嘗光祿酒許看洛川神  
欽翠凝歌黛流香動舞巾裙翻繡鷓鴣梳陷鈿麒麟

笛怨音含楚寧嬌語帶秦侍兒催盡燭醉客吐文茵  
投轄多連夜鳴珂便達晨甘醴將奉客穩暖不緣身  
十載歌鐘地三朝節鉞臣愛才心偶儻敦舊禮殷勤  
門以招賢盛家因好事貧

西亭

唐元稹中

亭宇麗朝景簾牖散暄風小山初構石珍樹正然紅  
弱藤已扶樹幽蘭欲成叢芳心幸如此佳人時不同

題楊侍郎新亭

唐劉商中

毘陵過柱史簡易在茅茨芳草如花種脩篁帶節移  
逕幽人未賞簷靜燕初窺

居處

卷一百九

九亭

杭州盧錄事山亭

唐朱慶餘中

山色滿公署到來詩景饒解衣臨曲榭隔竹見紅蕉  
清漏焚香夕輕嵐視事朝靜中看鎖印高處見迎潮

合江亭

唐韓愈中

紅亭枕湘江蒸水會其左瞰臨眇空濶綠淨不可唾  
長縷汲滄浪幽蹊下坎坳波濤夜俯聽雲樹朝對臥

李氏小池亭十二韻

唐韋莊晚

積石亂巉巖庭沙綠不芟小橋低跨水危檻半依巖  
華落魚爭唼櫻紅鳥競鳴竹咸切鳥引引引引疏地脉掃  
絮積山嵌古柳紅綃織新篁紫綺絨養後秋嘯月放

鶴夜棲杉枕簟谿雲膩池塘海雨鹹語牕雞逞辨舐  
鼎大偏饒踏薛青粘殺繁蘿綠映衫訪僧舟北渡貫  
酒日西銜遲客登高閣題詩遶翠崑家藏何所寶清  
韻滿琅函

題池州弄水亭

唐杜牧晚

弄水亭前谿颺艷翠綃舞綺席草芊芊紫嵐峰伍伍  
螭蟠得形勢暈飛如軒戶檻前燕鴈栖枕上巴帆去  
叢筠侍脩廊密蕙媚幽圃杉樹碧爲幢花軒紅作堵  
漫流冒苔槎饑鳥曬雪羽玄絲落釣餌水鱗看吞吐  
曠朗中秋曉蕭瑟好風露幽抱吟九歌羈情思湘浦

居處 四時皆異狀終日爲良遇

冬日駱家亭子

唐劉得仁晚

亭臺臘月時松竹見真姿林積煙藏日風吹水合池  
恨無人此住靜有鶴相窺

谿亭

唐許渾晚

谿亭四面山橫柳半谿灣蟬響螳螂急魚深翡翠閑  
水寒留客醉月上與僧還猶戀蕭蕭竹西齋未掩關

朱坡故少保杜公池亭

唐許渾晚

杜陵池榭綺城東孤島迴汀路不窮高岫乍疑三峽  
近遠波初似五湖通楸梧葉暗瀟瀟雨菱荇花香澹

澹風還有昔時巢燕在飛來飛去盡堂中

錢塘府亭

唐羅隱晚

新恩別啓館娃宮還拜吳王向此中九牧土田周制  
在兩藩茅社漢儀同春生舊苑芳洲雨香入高臺小  
徑風更有寵光人未見問安調膳盡三公

春日宴宋主簿山亭

唐宋之問初

公子政邀歡林亭春未闌攀巖踐苔易迷路出花難  
隄覆垂楊煖階侵瀑水寒帝城歸路直留興接鸛鸞

晚夏馬嵬卿叔池亭

唐王濟盛

宗賢開別業形勝代希偶竹繞清渭瀆泉流白渠口

居處

卷五十九

十一

逡巡期賞會揮忽變星斗林靜秋色多潭深月光厚  
盛香蓮近折新味瓜初剖

宴南亭

唐王昌齡盛

寒江映村林亭上納鮮潔酣竟日入山暝來雲歸穴  
城樓空杳靄猿鳥備清切

郡南亭子宴

唐張謂盛

亭子春城外朱門向綠林柳枝經雨重松色帶煙深  
漉酒迎山客穿池集水禽白雲常在眼聊足慰人心

宴無錫蔡長官西亭

唐李嘉祐中

茅簷閑寂寂無事覺人和井近時澆圃城低下見河

興緣芳草積情向遠峰多別日歸何地停機更一過

登歷下古城孫員外新亭

亭對鵲湖時李之芳  
自尚書郎出為齊州

製此

唐李邕初

吾宗固神秀體物寫謀長形制開古跡曾冰延樂方  
太山雄地里巨壑眇雲莊高興汨煩促永懷清典常  
含弘知四大出入見三光負郭喜梗稻安時歌吉祥

登牛頭山亭子

唐杜甫盛

路出雙林外亭窺萬井中江城孤照日山谷遠含風  
兵革身將老關河信不通猶殘數行淚忍對百花叢

登殊亭作

唐元結盛

居處

卷五十九

十二

時節方大暑試來登殊亭憑軒未及息忽若秋氣生  
漫歌無人聽浪語無人驚時復一回望心目出四溟

登白雲亭

唐元結盛

出門上南山喜遂松徑行窮高欲極達始到白雲亭  
長山繞井邑登望宜新晴州渚曲湘水縈迴隨郡城

九疑千萬峰嶸嶸天外青煙雲無遠近皆傍林嶺生  
俯視松竹間水石何幽清涵映滿軒戶娟娟如鏡明

宿晉安亭

一作

唐盧照鄰初

聞有絃歌地穿鑿本多奇遊人試一覽臨玩果忘疲  
隄橫暮落葉簷臥古生枝舊石開紅蘚新荷覆綠池

猿稍斷絕百鳥復參差汎灩月華曉徘徊星巒垂  
今日刪書客悽惶君詎知

過崔八丈水亭

唐李白盛

高閣橫秀氣清幽併在君簷飛死溪水窻落敬亭雲  
猿嘯風中斷漁歌月裏聞閒隨白鷗去沙上自成羣

春遊南亭

唐韋應物中

川明氣已變嚴寒雲尚擁南亭草心綠春塘泉脉動  
景煦聽禽響雨餘看柳重逍遙池館華益媿專城寵

宿雲亭

唐韋處厚中

雨合飛危砌天開卷曉牕齊平聯郭柳帶繞抱城江  
居處

西亭子言懷

唐張謂盛

數叢芳草在堂陰幾處閑花映竹林樹上玄猿呼郡  
吏溪邊白鳥應家禽青山看影知高下流水聞聲覺  
淺深官屬不令拘禮數時時緩步一相尋

津亭有懷

唐耿漳中

津亭一望鄉淮海晚茫茫草沒樓洲鷺天連映浦櫓  
往來通楚越日暮易漁商惆悵綴書畢何人向洛陽

和山亭懷古

唐李德裕中

巖石在朱戶風泉當翠樓始知峴亭賞難與清輝留  
餘景澹將夕凝嵐輕欲收東山有歸志亦接赤松遊

新都南亭別郭大元振

唐盧崇道初

竹徑女蘿蹊蓮洲文石堤靜深入俗斷尋翫往還迷  
碧潭秀初月素林驚夕棲寒幌納鳥侶罷琴聽猿啼  
佳辰改夙昔勝寄坐睽攜長懷賞心愛如玉復如圭  
六月十三日水亭送華陰王少府還縣

唐岑參盛

亭晚人將別池涼酒未酣關門勞夕夢仙掌引歸驂  
荷葉藏魚艇藤花冒客簪殘雲收夏暑新雨帶秋嵐  
失路情無適離懷思不堪頓茲庭戶裏別有小江潭  
○居總裁

居處

卷重十九

十四亭

酬孔通直退懷蓬居

梁沈約

閨闔既洞啟龍樓亦高闢兩宮集鸞步二闕引通籍  
伊爾事清途紛吾供賤役

題梁鉉城中高居

唐岑參盛

居住最高處千家恒眼前題詩飲酒後只對諸峰眠  
題元錄事開元所居

唐劉長卿中

幽居蘿薜情高臥紀綱行鳥散秋鷹下人閑春草生  
月嵐歸野寺收印出山城今日新安郡因君水更清  
夜集張諲所居得飄字

唐皇甫冉中

江南成久客門館日蕭條惟有圖書在多傷髣髴凋

諸生陪講誦稚子給漁樵虛室寒燈靜空堦落葉飄  
滄洲自有趣誰道隱須招

谿居

唐柳宗元

久爲簪組累幸此南夷謫閒依農圃鄰似山林客  
曉耕翻露草夜榜北孟切響谿石來往不逢人長歌楚  
天碧

幽居贈同谿客

唐張籍

幽居得相近煙景每寥寥共伐臨谿樹同爲過水橋  
自教青鶴舞分採紫芝苗更愛南峰住尋君路恐遙

居處

卷五十九

十五

湖裏尋君去樵風往返吹樹暄巢鳥出路細封田移  
渥成魚網剝根是酒卮老年唯自適生事任羣兒

題陳山人居

唐黃滔

猶自莓苔馬跡重石嵌泉冷嬾移峯空垂鳳食簷前  
竹漫拔龍形澗底松隔岫青山秋見寺半牀明月夜  
聞鐘誰能惆悵磻谿事今古悠悠不再逢

題薛昌之所居

唐溫庭筠

所得乃清曠寂寥常掩關獨來春尚在相得暮方還  
花白風露晚柳青街陌閑翠微應有雪牕外見南山

題盧處士居

唐溫庭筠

西谿問樵客遙識楚人家古樹老連石急泉清露沙

裴明府居止

唐李商隱

愛君茅屋下向晚水溶溶試墨書新竹張琴和古松  
坐來聞好鳥歸去度疎鐘明日還相見橋南貰酒醺

所居

唐李商隱

牕下尋書細谿邊坐石平水風醒酒病霜日曝衣輕  
雞黍隨人設蒲魚得地生前賢不無謂容易卽遺名

題水部李羽員外招國里居

唐鄭谷

野色入前軒脩然琴與樽畫僧依寺壁栽葦學江村  
自醒花前醉誰敲雪裏門不辭朝謁遠唯要近慈恩

訪題進士孫秦延福南街居

唐鄭谷

多病久離索相尋聊解頰短牆通御水疎樹出南山  
歲月何難老園林未得還無門共榮達孤坐却如閑

深居

唐鄭谷

吾道有誰同深居自固窮殷勤謝綠樹朝夕惠清風  
書滿閒牕下琴橫野艇中年來頭更白雅稱釣魚翁

寄崇德里居作

唐馬戴

掃君園林地釋我清涼襟高鳥雲路晚孤蟬楊柳深  
風微漢宮漏月迴秦城砧光景坐如此徒懷經濟心

題吳發原南居

唐馬戴

閑居誰厭僻門掩漢祠前山色夏雲映樹陰幽草連  
晴光分渚曲綠氣冒原田何日遠遊罷高枝已噪蟬

秋日江居閑詠

唐釋卿雲中

寄居江島邊閑詠見秋殘草白牛羊瘦風高須鳥寒  
檢方醫故疾挑薺備中餐時復停書卷鋤沙種木蘭

○新居

荅李滁州憶玉潭新居見寄 唐獨孤及盛

從來招隱地未有剖符人山水能成癖巢夷擬獨親  
猪肝無足累馬首敢辭勤掃灑潭中月他時望德鄰

谷口新居寄同省朋故

唐錢起中

居處

卷百九

十七 新居

種黍傍煙谿榛蕪兼沮洳亦知生計薄所貴隱身處  
橡栗石上材莓苔水中路蕭然授衣日得此還山趣  
汲井愛秋泉結茅因古樹閑雲與幽鳥對我不能去  
寄謝鷺鷥羣狎鷗拙所慕

酬孟十二新居見寄

唐陸長源中

大道本夷曠高情亦冲虚因隨白雲意偶逐青蘿居  
青蘿分蒙密四序無慘舒餘清濯子衿散彩還吾廬  
首夏尚清和殘芳遍丘墟褰幃蔭牕柳汲井滋園蔬  
達者貴知心古人不願餘愛君蔣生逕且著茂陵書

杜賓客永豐里新居

一作新豐唐蔣防中

退蹟居三逕辭榮繼二疏聖情容解印帝里許懸車  
已去龍樓籍猶分御廩儲風泉輪耳目松竹助玄虛  
調護心常在山林思有餘應嗤紫芝客遠就白雲居

送州人孫沅自歸州却歸句章新營所居

唐劉長卿中

故里歸成客新家去未安詩書滿蠅舍征稅及漁竿  
火種山田薄星居海島寒憐君不得已步步別離難

原上新居

唐王建中

一家榆柳新四面遠無鄰人少愁聞病莊孤幸得貧  
耕牛長願飽樵僕每憐勤終日憂衣食何由脫此身

居處

卷百九

十八 新居

二

春來梨棗盡啼哭小兒饑鄰富雞長去莊貧客漸稀  
借牛耕地晚賣樹納錢遲牆下富官路依山補竹籬

三

移家近住村貧苦自安存細問梨果植遠求花藥根  
倩人開廢井趁犢入新園長愛當山立黃昏不閉門

四

住處去山近傍園麋鹿行野桑穿井長荒竹過牆生  
新識鄰里面未諳村社情名田無力及賤賃與人耕

春葺新居

唐白居易中



江州司馬日忠州刺史時栽松滿後院種柳蔭前墀  
彼皆非吾土栽種尚忘疲况茲是我宅葺藝固其宜  
平旦領僕使乘春新指揮移花夾暖室洗竹覆寒池  
池水變綠色池芳動清輝

新昌新居書事

唐白居易

狐兔同三逕蒿萊共一壥新園聊刻穢舊屋且扶顛  
簷漏移輕瓦梁欹換蠹椽平治遶臺路整頓近階甃  
巷狹開容駕牆低壘過肩門閭堪駐蓋堂室可鋪筵  
丹鳳樓當後青龍寺在前敢勞賓客訪或望子孫傳  
逸致因心得幽期遇境牽松聲疑澗底草色勝河邊  
居處

卷五十九

十九新居

虛澗水銷地晴和日出天假歸思晚沐朝去戀春眠  
大抵宗莊叟私心事乾浮榮水劃字真諦火生蓮  
梵部經十二玄書字五千是非都是夢語默不妨禪

立德新居七首

唐孟郊

立德何亭亭西南聳高隅陽崖洩春意并圃留冬蕪  
勝引卽紆道幽行豈通衢碧峰遠相接清思誰言孤  
寺秩雖未貴家醪良可哺

聳城駕霄漢潔宅涵網緼開門洛北岍時鎖高陽雲  
夜高星辰大晝長天地分厚韻屬疎語薄名謝貴聞  
茲焉有殊隔永矣難及羣

賓秩已覺厚私儲常恐多清貧聊自爾素質將如何  
儉教先勉力脩襟無餘他良棲一枝木靈巢片葉荷  
仰笑鴟鵂輩委身拂天皮

崎嶇有懸步委曲饒荒尋遠樹足良木疎巢無爭禽  
素魄銜夕岍綠水生曉潯空曠伊洛視髣髴瀟湘心  
何必尚遠異憂勞滿行襟

懸途多仄足崎圉無脩畦霜蘭與宿艾手擷心不迷  
品子懶讀書輟駒唯服犁虛食日相投夸腸詎能低  
耻從新學遊願將古農齊

都城多登秀愛此高縣居伊雒遶街巷鴛鴦飛閭閻  
居處

卷五十九

二十新居

翠景何的礫霜颺颺空虛突出萬家表獨治二畝蔬  
一旬一手版十日九手鋤

手鋤良自勗激勸亦已饒畏彼梨栗兒空資玩弄驕  
夜景臥難盡晝光坐易消治舊得新義耕荒生嘉苗  
鋤治苟愜適心形俱逍遙

早春題友人湖上新居

唐賈島

門不當官道行人到亦稀故從餐後出多是夜深歸  
開篋收詩卷掃牀移臥衣幾時同買宅相送有柴扉

杜處士新居

唐羅隱

翠斂王孫草荒誅宋玉茅寇餘無故物時薄少深交

逆筭侵行逕飢離出壤巢小園吾亦有多病近來拋

酬鄭進士九江新居見寄

唐李咸用

躡屐扣柴關因成盡日閑獨聽黃鳥語深似白雲間  
萍沼寬於井莎城綠當山

○故居

舊居併入

驪山下逍遙公舊居

唐張九齡

君子體清尚歸處有兼資雖然經濟日無忘幽棲時

卜居舊何所休澣嘗來茲岑寂罕人至高深獲我思

松澗聆遺風蘭林覽餘滋往事誠已矣道存猶可追

遺子後黃金作歌先紫芝軒蓋有迷復丘壑無磷緇

居處

卷五十九

三十一

感物重所懷何但止足斯

尋陳逸人故居

唐孟浩然

人事一朝盡荒蕪三逕休始聞漳浦臥奄作岱宗遊

池水猶涵墨山雲已落秋今朝泉壑裏何處覓藏丘

題盧五舊居

唐李頎

物在人工無見期閑庭繫馬不勝悲牕前綠竹生空

地門外青山似舊時悵望秋天鳴墜葉噴吐枯柳宿

寒鴉憶君淚落東流水歲歲花開知爲誰

覃山人故居

唐杜甫

南極老人自有星北山移文誰勒銘徵君已去獨松

菊哀壑無光留戶庭予見亂離不得已子知出處必

須經高車駟馬帶傾覆悵望秋天虛翠屏

壬辰歲過舊居

唐獨孤及

少年事遠遊出入燕與秦離居歲周天猶作勞歌人

負劍度潁水歸馬自知津緣源到舊廬攬涕尋荒榛

鄰里喜相勞壺觴展殷勤酒闌擊筑語及此離會因

丈夫隨世波豈料百年身今日負鄙願多慙故山春

過裴舍人故居

唐劉長卿

慘慘天寒獨掩局紛紛黃葉滿空庭孤墳何處依山

木百口無家學水萍離花猶及重陽發鄰笛那堪落

居處

卷五十九

三十一

日聽書幌無人長不捲秋來芳草自爲螢

中書王舍人輞川舊居

唐錢起

幾年家絕壑滿逕種芳蘭帶石買松貴通谿漲水寬

片雲隔蒼翠春雨半林湍藤長穿松苔花繁壓藥欄

晚歸藍田舊居

唐錢起

雲捲東臯下歸來省故蹊泉鳴憐石在林長覺原低

舊里情難盡前山賞未迷引藤看古木嘗酒呪春雞

興與時髦背年將野老齊才微夕陽退應得遂霞棲

過溫逸人舊居

唐錢起

返真難合道懷舊仍無弔聲客在心耳寧覺阻言笑

玄堂閉幾春拱木齊雲嶠鶴傳居士舞猿得蘇門嘯  
酌酒片陽微空山想埋照

過扶風精舍舊居

唐韋應物中

佛剎出高樹晨光閭井中零落逢故老寂寥悲草蟲  
舊宇多改構幽篁延本藂栖止事如昨芳時去已空

過王山人舊居

唐耿漳中

故宅春山中來遲夕陽入汲少井味變開稀戶樞涸  
樹朽鳥不栖階閒雲自濕先生何處去惆悵空獨立

重到渭上舊居

唐白居易中

舊居清渭曲開門當蔡渡十年方一還幾欲逃歸路  
居處

卷重九

王三中

追思昔日行感傷故遊處挿竹作高林種桃成老樹  
因驚成人者盡是舊童孺試問舊老人半爲繞村墓  
人物日改變舉目悲所遇唯有門外山三峰色如故

江上故居

唐顧況中

家在雙峰蘭若邊一聲秋磬發孤煙山連極浦鳥飛  
盡月上青林人未眠

尋李逸人舊居

唐子鵠中

舊隱松林下衝泉入兩涯琴書隨弟子雞犬在鄰家  
茅屋長黃菌槿籬生白花幽墳無處訪恐是入煙霞

送王翁信還剡中舊居

唐皇甫冉中

海畔耕殘雪谿沙釣夕陽客中何所有春草漸看長

送元晟歸江東舊居

唐李端中

澤國舟車接關門雨雪垂春大行故楚夜月下清淮  
講易居山寺論詩到郡齋蔣家人暫別三路草連

郭杜舊居

唐韋莊晚

却到山陽事非谷雲谿鳥尚相依阮咸貧去田園  
盡向秀歸來父老稀秋雨幾家紅稻熟野塘何處錦  
鱗肥年年爲獻東堂策長似蘆花別釣磯

經故秘書崔監揚州舊居

唐溫庭筠晚

昔年曾識口安成松竹風姿鶴性情西掖曙河橫漏  
居處

卷重九

王西中

響北山秋月照江聲乘舟竟吏經輿縣爲酒求官得  
步兵千頃水流通故墅至今留得謝公名

經故翰林袁學士居

唐溫庭筠晚

劍逐驚波玉委塵謝安門下更何人西州城外花千  
樹盡是羊曇醉後春

經費拾遺故居

唐李羣玉晚

雲卧竟不起少微空嶺應孔北海爲立鄭公鄉  
舊館苔蘇合幽齋松菊荒空餘書帶草日上階長

過鄭廣文舊居

唐李商隱晚

宋玉平生恨有餘逢循三楚弔三閭可憐留著臨江

宅異代應教庾信居

經故人舊居

唐儲嗣宗 晚

萬里訪遺塵驚聲淚濕巾古書無主散廢宅與山鄰  
宿草風悲夜荒村月弔人淒涼問殘柳今日爲誰春

經安容先生舊居

唐邵諤 晚

羽化留遺蹤千載蹤難沒一泉巖下水幾度換明月  
松老不改柯龍久皆變骨雲雨有歸時雞犬無還日

過故友舊居

唐許渾 晚

往年公子宅夜宴樂難忘高竹動疎翠早蓮一作荷飄  
暗香珠門凝寶瑟綺席遞華觴今日皆何處開門春

居處

卷三十九

三十五 故居

草長一作荒

經故下補闕郊居

唐許渾 晚

死酬知己道終全波暖孤水且自堅鵬上承塵纔一  
日鶴歸華表已千年風吹藥蔓迷樵徑雨暗蘆花失  
釣船四尺孤墳何處是闔閭城外草連天

經李給事舊居

唐許渾 晚

歸作儒鴻出致君故山誰復有遺文漢庭使氣摧張  
禹楚國懷憂送范雲楓葉暗時迷舊宅芳花落處認  
荒墳朱絃一奏沈湘怨風起寒波日欲曛

經賀監舊居

唐釋可朋

不戀明皇寵歸來鏡水隅道裝汀鶴識春醉釣人扶  
逐朵雲如吐成行鴈似驅蘭亭名景在蹤跡未爲孤

經張舍人舊居

唐羅隱 晚

行塵不是昔時塵謾向朱門憶侍臣一榻已無開眼  
處九泉應有愛才人文餘吐鳳他年詔樹想栖鸞舊  
日春從此恩深轉難報夕陽衰草淚沾巾

過張祐處士丹陽故居

并序

唐顏萱 晚

萱與故張處士祐世家通舊尚憶孩稚之歲與伯  
氏嘗承處士撫抱之仁目管輅爲神童期孔融於  
偉器光陰徂謝二紀於茲適經其故居已易他主

居處

卷三十九

三十六 故居

訪遺孤之所止則距故居之右二十餘步荆榛之  
下草門啓焉處士有四男一女男曰椿兒桂子椅  
兒杞兒問之三已物故唯杞爲遺孕與其女尚存  
欲揖杞與言則又求食於汝墳矣但有霜鬢而黃  
冠者杖策迎門乃昔時愛姬崔氏也與之話舊歷  
然可聽嗟乎葛帔練裙兼非所有琴書圖籍盡屬  
他人又云橫塘之西有故田數百畝力既貧窶千  
年不耕唯歲賦萬錢求免無所嗚呼昔爲穆生置  
醴鄭公立鄉者復何人哉因吟五十六字以聞好  
事者

憶昔爲兒逐我兄曾拋竹馬拜先生書齋已換當時  
主詩壁空題故友名豈是爭權留怨敵可憐當路盡  
公卿柴扉草屋無人問猶向荒田責地征

和顏弘至過張處士丹陽故居

并序

唐陸龜蒙

晚

張祐字承吉元和中作宮體小詩辭曲豔發當時  
輕薄之流能其才合諫得譽及老大稍窺建安風  
格誦樂府錄知作者本意短章大篇往往間出諫  
諷怨謫時與六義相左右善題目佳境言不可刊  
置別處此爲才子之最也由是賢俊之士及高位

居處

卷重九

三七

故居

重名者多與之遊謂有鵲鷺之野孔翠之鮮竹柏  
之貞琴磬之韻或薦之於天子書奏不下亦受辟  
諸侯府性狷介不容物輒自劾去以曲阿地古澹  
有南朝之遺風遂築室種樹而家焉性嗜水石常  
悉力致之從知南海間罷職載羅浮石筍還不蓄  
善田利產爲身後計死未二十年而故姬遺孕凍  
餒不暇前所謂鵲鷺孔翠竹柏琴磬之家雖朱輪  
尚乘遺編尚吟未嘗一省其孤而恤其窮也噫人  
假之爲玩好不根於道義耶懼其怨刺於神明耶  
天果不愛才沒而猶譴耶吾一不知之友人顏弘

至行江南道中防其廬作詩弔而序之屬予應和  
予汨沒者不足哀承吉之道邀襲美同作庶乎承  
吉之孤倚其傳而有憐者

勝華通子共悲辛荒徑今爲舊宅鄰一代交游非不  
貴五湖風月合教貧魂應絕地爲才鬼名與遺編在  
史臣聞道平生偏愛石至今猶泣洞庭人  
和魯望過張處士丹陽故居

并序

唐皮日休

晚

魯望憫承吉之孤爲詩序邀予屬和欲用予道振  
其孤而利之噫承吉之困身後乎魯望視予困與

居處

卷重九

三七

故居

承吉生前孰若哉未有已困而能振人者然聊爲  
之辭用塞良友之意

先生清骨葬煙霞業破孤存孰爲嗟義篋詩編分貴  
位一林石筍散豪家兒過舊宅啼楓影姬遶荒田泣  
裨花唯我共君堪便戒莫將文譽作生涯

○移家

居併入

適吳詩

漢書曰鴻易姓運期名耀字侯光與妻  
子居齊魯之間有頃又去適吳將行作

詩

漢梁鴻

逝舊邦今退征將遙集今東南心悵怛今傷悴志非  
菲今升降欲棄策今縱邁疾吾俗今作讒競舉枉今

指直咸先佞兮嘽嘽固靡慙兮獨建翼異州兮尚賢  
聯道遙今邀嬉續仲尼兮周流儻云親兮我悅遂舍  
車兮卽浮過季札兮延陵求魯連兮海隅雖不察兮  
光貌幸神靈兮與休惟季春兮華阜麥含英兮方秀  
哀茂時兮逾邁愍芳香兮日具悼我心兮不獲長委  
結兮焉究口置賢兮余訕嗟恒恒兮誰留

移居二首

晉陶淵明

昔欲居南村非爲卜其宅聞多素心人樂與數晨夕  
懷此頗有年今日從茲役弊廬何必廣取足蔽林席  
鄰曲時時來抗言談在昔奇文共欣賞疑義相與析  
居處

卷五

三十九

移家

二

春秋多佳日登高賦新詩過門更相呼有酒斟酌之  
農務各自歸閑暇輒相思相思則披衣言笑無厭時  
此理將不勝無爲忽去茲衣食當須紀力耕不吾欺

卜居

唐杜甫

歸羨遼東鶴吟同楚執圭未成遊碧海著處覓丹梯  
雲嶂寬江北春耕破壤西桃花客若至定似昔人迷

卜居

唐杜甫

浣花流水水西頭主人爲卜林塘幽已知出郭少塵  
事更有澄江銷客愁無數蜻蜓齊上下一雙鸂鶒對

沈浮東行萬里堪乘興須向山陰上小舟

移居夔州郭

唐杜甫

伏枕雲安縣遷居白帝城春知催柳別江與放船清  
農事聞人說山光見鳥情禹功饒斷石且就土微平  
自瀼西荆扉且移居東屯茅屋四首

唐杜甫

白鹽危嶠北赤甲古城東平地一川穩高山四回同  
煙霜淒野日秔稻熟天風人事傷蓬轉吾將守桂叢

二

東屯復瀼西一種住青谿來往兼茅屋淹留

居處

卷五

三十九

市宜

近利自注云西居近市易林僻此無臨

衰翁語須令賸客迷

三

道北馮都使高齋見一川子能渠細石吾亦沼清泉  
枕帶還相似柴荆卽有焉斫舍應費日解纜不知年

四

牢落西江外參差北戶間久遊巴子宅臥病楚人山  
幽獨移佳境清深隔遠關寒空見鴛鴦過首想朝班

新上青蘿幽居

唐孟郊

翳翳桑柘墟紛紛田里歡兵戈忽消散耦耕非艱難



嘉禾偶良酌芳陰庇清彈力農唯一事趣世徒萬端

移居洞庭

唐麴信陵中

重林將疊嶂此處可逃秦水隔人間世花開洞裏春  
荷鋤分地利縱酒樂天真萬事更有吾今已外身

將移耶谿舊居畱贈嚴維

唐秦系中

雞犬漁舟裏長謠任興行那邀落日醉已被遠山迎  
書履將非重荷衣著甚輕謝公無箇事忽起為蒼生

移居深山謝別親故

唐劉商中

不食黃精不採薇葛苗為帶草為衣孤雲更入深山  
去人絕音書鴈自飛

居處

卷三 五元

三十一 移居

移家別湖上亭

唐戎昱中

好是春風湖上亭柳條藤蔓繫離情黃鸝久住渾相  
識欲別頻啼四五聲

壬戌歲閏鄉卜居

唐戎昱中

六載抽毫侍禁闈不堪多病大然歸五陵年少如相  
問阿對泉頭一布衣

送楊處士反初卜居曲江

唐楊炯初

鴈門歸去遠垂老脫袈裟蕭寺休為客曹谿便寄家  
綠琪千歲樹黃樅四時花別怨應無限門前桂水斜

送李二十四移家之江州

唐劉長卿中

煙塵猶一作滿目岐路易沾衣一作通客多南

渡征鴻自北飛九江春草綠一作東林寺千里暮潮歸

別後難一作相訪全家隱釣磯一作美蘭全案

奉和杜相公新移長興宅呈元相公

唐劉長卿中

間世生賢宰同心奉至尊功高開北第機靜灌中園  
入竝蟬冠影歸分騎士喧聽聞漢宮漏家識杜陵源  
獻替常焚檠優閑獨對萱花香逐荀令草色對王孫  
有地先開閣何人不掃門江湖難自退明主託元元

奉和杜相公移長興宅奉呈元相公

居處

卷三 五元

三十一 移居

唐錢起中

守貴常思儉平津此意深能卑丞相宅何謝故人心  
種蕙初抽帶移篁不改陰院梅朝助鼎池鳳夕歸林  
覺路經中得滄洲夢裏尋道高仍濟代恩重豈投簪  
報國誰知已推賢共作霖興來文雅振清韻擲雙金  
奉和杜相公移入長興宅呈諸宰執

唐權德輿中

欲向幽偏適還從絕地移秦官鼎食貴堯世土階卑  
戟戶槐陰滿堂槐竹葉垂裁分五夜漏遙隔萬年枝  
北關深恩在東林遠夢知日斜門掩映山遠樹參差

論道齊駕翼題詩憶鳳池從公亦何幸長與珮聲隨

送謝孝廉移家越州

唐權德輿

家承晉大傅身慕魯諸生又見一帆去共愁千里程

沙平煙樹迴潮滿晚江晴從此幽深去無妨隱姓名

渭上送李藏器移家東郡

唐耿湣

求名雖有據學稼又無田故國三千里新春五十年

移家還作客避地莫知賢洛浦今何處風帆去渺然

送陳元初卜居麻源

唐釋靈一

欲向麻源隱能尋謝客踪空山幾千里幽谷第三重

巖宇寧須葺荷衣不待縫因君見往事爲我謝喬松

居處

卷一百二十九

寄王奉御

唐張籍

愛君紫閣峰前好新作書堂藥竈成見欲移居相近

住有田多與種黃精

新卜原上居寄袁校書

唐許渾

貧居樂遊此江海思迢迢雪夜書千卷花時酒一瓢

獨愁秦樹老孤夢楚山遙有路應相念風塵滿黑貂

太鹵平後移家到永樂縣居書懷十韻寄劉韋

二前輩二公嘗寄居此縣

唐李商隱

馬遶河干家山照露寒依然五柳在况值百花殘

昔去令投筆今來分挂冠不憂懸磬乏乍喜覆盂安

甌破寧迴顧舟沈豈暇看脫身離虎目移疾就猪肝

鬢入新年白顏無舊日丹自愁秋穫少誰懼夏畦難

逸志忘鴻鵠清香披蕙蘭還持一杯酒坐想二公歡

詩集類函卷一百二十九

居處

卷一百二十九

詩集類函卷一百三十

東吳俞安期彙纂 宣城梅鼎祚增定

新都潘允升訂校

居處部五

附 郊居 村居 附 田家 田舍 併入 隱居 酒家 幽居

○郊居

村居附

過前安宜張明府郊居

唐劉長卿 中

寂寥東郭外白首一先生解印孤琴在移家五柳成  
夕陽臨水釣春雨向田耕終日空林下何人識此情

從崔中丞過盧少府郊居

唐柳宗元 中

寓居湘岫四無鄰世網難嬰每自珍時葉閑庭延國

居處

卷一百三十

郊居

老開樽虛室值賢公泉廻淺石依高柳徑轉垂藤間

綠筠聞道偏爲五禽戲出門鷗鳥更相親

郊居歲暮

唐柳宗元 中

屏居負山郭歲暮驚離索野迴樵唱來庭空燒燼落  
世紛因事遠心賞隨年薄默然諒何爲徒成今與昨

秋日過獨孤及郊居

即公

唐盧綸 中

門園過水到郊居共引家童拾野蔬高樹夕陽連古  
巷菊花梨葉滿荒渠秋山近處行過寺夜雨寒時起

讀書帝里諸親別來久豈知王粲愛樵漁

往雲門郊居途經迴流作

唐韋應物 中

茲晨廼休暇適往田家廬原谷徑塗澀春陽草木敷

纔遵板橋曲復此清澗紆崩壑方見射迴流忽已舒

明滅泛孤景杳靄含夕虛無將爲邑志一酌澄波餘

春日郊居寄萬年吉少府中孚三原盧少府偉

夏侯校書審

唐韋應物 中

谷鳥時一嘯田園春雨餘光風動林早高牕照日初

獨飲澗中水吟詠老氏書城闕應多事誰憶此閑居

奉和武相公郊居寓目

唐李益 中

黃扉晚下禁垣鐘歸坐南闌山萬重獨有月中高興

盡雪峰明處見寒松

居處

卷一百三十

郊居

秋暮郊居書懷

唐白居易 中

郊居人事少晝臥對林巒窮巷厭多雨貧家愁早寒

葛衣秋未換書卷病仍看若問生涯計前谿一釣竿

郊居言志

唐元稹 中

負喧衡門下望雲歸遠山但要樽中物餘事豈相關

交無是非責且得任疎頑日夕臨清澗逍遙思慮閑

出去唯空屋弊簣委牕間何異林棲鳥戀此復來還

世榮斯獨已頽志亦何攀唯當歲豐熟間里一歡顏

郊居秋日

唐溫庭筠 晚

稻田鳬鴈滿晴沙釣渚歸來一逕斜門帶果林招邑

吏井分蔬圃屬鄰家

春日郊居酬友人見貽 唐崔塗 晚

荒齋原上掩不出動經旬忽覺草木變始知天地春  
方期五字達未厭一簞貧麗句勞相勉余非樂釣綸

村居 原作漫成 唐杜甫 盛

野日荒荒白江流泯泯清渚蒲隨地有村逕逐門成  
只作披衣慣常從漉酒生眼邊無俗物多病也身輕

過司空曙村居 唐盧綸 中

南北與山鄰蓬蒿庇一身繁霜疑有雪枯草似無人  
遂性在耕稼所交唯賤貧何言張橡傲每重德璋親

居處 卷百五 三 郊居 唐白居易 中

村居 唐白居易 中

門閉仍逢雪廚寒未起煙貧家重寥落半為日高眠

野居 唐元稹 中

棲止且偏僻嬉遊無早晏遂免上坡岡捕魚緣石澗  
高歌意氣在貰酒貧居慣時啓北牕扉豈將文墨間

洛北村居 唐韋莊 晚

十畝松篁百畝田歸來方屬大兵年巖邊石室低臨  
水雲外嵐峰半入天鳥勢去投金谷樹鍾聲遙出上  
陽煙無人說得中興事獨倚斜暉憶仲宣

村居書事 唐韋莊 晚

年年耕與釣鷗鳥已相依砌長蒼苔厚藤抽紫蔓肥  
風驚移樹轉雨燕入樓飛不覺春光暮遠離紅杏稀

村居晨起 唐于濶 晚

村居少聞事日高猶閉關起來花滿地戴勝鳴桑間  
居安即永業何者為故山朱門與蓬戶六十頭盡斑

旅寓洛南村舍 唐鄭谷 晚

村落清明近鞦韆稚女誇春陰妨柳絮月黑見梨花  
白鳥闌魚網青帘認酒家幽棲雖自適交友在京華

村舍 唐許渾 晚

自翦青莎織雨衣南峰煙火是柴扉萊妻早報蒸藜  
席處 卷百五 四 郊居 熟童子遙迎種荳歸魚下碧潭當鏡躍鳥還青嶂拂

屏飛花時未免人來往欲買嚴光舊釣磯

夜歸丁卯橋村舍 唐許渾 晚

月涼風靜夜歸客泊巖前橋響人遙吠庭空人散眠  
紫蒲低水檻紅葉半江船自有還家計南湖二頃田

送段覺歸村曲閑居 唐許渾 晚

書劍南歸去山扉別幾年苔侵巖下路果落洞中泉  
紅葉高齋雨青蘿曲檻煙寧知遠游客羸馬太行前

○山居 詠剡城山居 晉支遁

五嶽盤神基四瀆涌蕩津動求目方智默守標靜仁  
苟不宴出處託好有常因尋元存終古洞往想逸民  
玉潔箕巖下金聲瀨沂濱捲華藏紛霧振褐拂埃塵  
跡從尺蠖屈道與騰龍伸峻無單豹伐分非首陽真  
長嘯歸林嶺瀟灑任陶鈞

山居

原作問來使  
似是唐人詩

晉陶淵明

爾從中山來早晚發天目我屋南山下今生幾叢菊  
薔薇葉已抽秋蘭氣當馥歸去來山中山中酒應熟

始居山營山居

梁劉峻

自昔厭諠囂執志好栖息嘯歌棄城市歸來事耕織  
居處

卷一百一

五 山居

鑿戶闕嵯峨開軒望嶰嶰激水簷前溜脩竹堂陰植  
香風鳴紫鸞高梧巢綠翼泉脉洞杳杳流一作波下  
不極髮髯玉山隈想像瑤池側夜誦神仙記旦吸雲  
霞色將馭六龍輿行從三鳥食誰與金門士撫心論  
胸臆

和從弟祐山家二首

北周王褒

採藥名山頂時節無春冬散雲非一色連崑異衆峰  
合沓似無徑間關定有蹤山牕臨絕頂檐溜俯危松  
空林鳴暮雨虛谷應朝鐘仙童時可遇羽客屢相逢  
若值韓衆藥當遇長房龍

結交非俗士仙侶自招攜少華隱日月太乙尋虹霓  
衆林積爲籟園竹茂成埤幽谷曙無景荒途晝欲迷  
滴瀝寒泉溜嘯秋猿啼白雲帝鄉起神禽丹穴栖  
箭篠時通徑桃李復成蹊今身得其所羣物可令齊

春日山家

唐宋之問初

今日遊何處春泉洗藥歸悠然紫芝曲畫掩白雲扉  
魚樂偏尋藻人閑屢采薇丘中無俗事身世兩相違

嵩山十志十首

各有序

唐盧鴻盛

草堂

草堂者蓋因自然之谿阜前當壩洫資人力之締  
居處

卷一百一

六 山居

構後加茅茨將以避燥濕成棟宇之用昭簡易叶  
乾坤之德道可容膝休閑谷神同道此其所貴也  
及靡者居之則妄爲翦飾失天理矣詞曰

山爲宅兮草爲堂芝蘭兮葯房羅薜蘿兮拍薜蘿  
壁兮蘭砌薜蘿無薜蘿今成草堂陰陰邃今馥馥香中  
有人兮信宜常讀金書兮飲玉漿重顏幽操兮不易  
長

倒景臺

倒景臺者蓋太室南麓天門右崖傑峰如臺氣凌  
倒景登路有三處可憩或曰三休臺可以邀馭風

之客會絕塵之子超逸真盪遐襟此其所絕也及  
世人登焉則魂散神越目極心傷矣詞曰

天門豁兮仙臺聳傑屹崕兮零瀕湧窮三休今曠一  
觀忽若登崑崙兮中期汗漫仙聳天開今倒景臺驚  
顛氣兮軼翬埃皎皎之子兮自獨立雲可朋兮赧可  
吸曾何榮辱之所及

### 槭館

槭館者蓋卽林取材基巔柘架茅茨居不期逸爲  
不至勞清談娛賓斯爲尚矣及盪者鄙其隘聞苟  
事宏涵垂其實矣詞曰

### 居處

七

紫巖隈兮青磧側雲松煙萬兮千古色芳蘿藤兮蔭  
蒙龍幽人構館兮在其中霍靡蒙龍兮開槭館臥風  
霄兮坐赭日粵有賓兮時戾止樵蘇不爨兮清談已  
永歲終朝兮常若此

### 枕煙庭

枕煙庭者蓋特峯秀起意若枕煙秘庭疑虛睿若  
仙會卽楊雄所謂爰靜神游之庭是也可以超絕  
紛世永潔精神矣及機士登焉則寥閔懔懔愁懷  
情累矣詞曰

臨決滂兮背青炎吐雲煙兮合睂具悅歛翁兮杳幽

意縹緲兮羣仙會睂冥仙會兮枕煙庭竦魂形兮  
凝視聽聞夫至誠必感兮祈此巔契顛氣養丹田終  
彷彿兮觀靈仙

### 雲錦淙

雲錦淙者蓋激溜衝攢傾石叢倚鳴湍疊濯噴若  
雷風詭輝分麗煥若雲錦可以瑩發靈矚幽玩忘  
歸及匪士觀之則反曰寒泉傷玉趾矣詞曰

水攢衝兮石叢聳煥雲錦兮噴洶湧苦駭華兮草貧  
緣芳纂纂兮瀨潏潏水石攢叢兮雲錦淙波連珠兮  
文沓絳有絮員者媚此幽湫靈液兮樂天休實獲我  
居處

### 卷百三十

八

心兮夫何求

### 期仙磴

期仙磴者蓋危磴穹窿迴接雲路靈仙髣髴若可  
期及儒者毀所不見則黜之蓋疑水之談信矣詞  
曰

霏微陰壑兮氣騰虹迤邐危磴兮上凌空青霞杪兮  
紫雲垂鸞歌鳳舞兮吹參差鸞歌鳳舞兮期仙磴鴻  
駕迎兮瑤華贈山中人兮好神仙想像聞此兮欲升  
煙鑄月東液兮此還年

### 滌煩磯



滌煩磯者蓋窮谷峻崖發地盤石飛流攢激積漱  
成渠渌性滌煩迴有幽致可爲智者說難爲俗人  
言詞曰

靈磯盤礴兮溜奔錯漱冷風兮鎮冥壑研苔滋兮泉  
珠潔一飯一憩兮氣想滅磷漣清泠兮滌煩磯靈仙  
境兮仁智歸中有琴兮微以玉峨峨湯湯彈此曲寄  
聲知音兮同所欲

### 羃翠庭

羃翠庭者蓋崖巖積陰林蘿香翠其上懸羃其下  
深湛可以王神可以冥道矣及喧者遊之則酣醺

居處

卷重手

九

山房

永日汨清薄厚詞曰

青崖陰兮月礪曲重幽疊邃兮隱淪躅草拊綿羃兮  
翠蒙龍當其無兮庭在中當無有用兮羃翠庭神可  
谷兮道可冥有幽人兮張素琴白玉徽兮綠水音德  
之惜兮澹多心

### 洞元室

洞元室者蓋因巖作室卽理談玄室返自然元斯  
洞矣及邪者居之則假容竊吹妄作虛誕竟以盜

言詞曰

嵐氣肅兮巖羃冥至陰虛兮戶芳迎披蕙帳兮促蘿

筵談空空今敷元元蕙帳蘿筵今洞元室秘而幽今  
真可吉返自然今道可冥澤妙思今草玄經結幽門  
今在黃庭

### 金碧潭

金碧潭者蓋水潔石鮮光涵金碧巖葩林鳥有助  
芳陰鑒洞虛道斯勝矣而世生纏乎利害則未暇  
遊之詞曰

水碧色兮石金光灩熒熒兮潏湟湟泉葩映兮煙蕩  
臨紅灼灼翠陰陰翠相鮮兮金碧潭霜天洞今煙景  
涵有幽人兮好冥絕炳其煥兮凝其潔悠悠千古兮

居處

卷重手

十

山房

長不滅

### 韋給事山居

唐王維

幽尋得此地詎有一人曾大壑隨階轉羣山入戶登  
庖廚在深竹印綬隔垂藤卽事辭軒冕誰云病未能

### 石處士山居

唐王維

君子盈天階小人甘自免方隨鍊金客林上家絕巖  
背嶺花未開入雲樹深淺清書猶自眠山鳥時一嚙

### 韋侍郎山居

唐王維

幸忝君子顧遂陪塵外蹤閑花滿巖谷瀑水映杉松  
啼鳥忽臨澗歸雲時抱峰良遊盛簪紱繼跡多夔龍

詎枉青門道胡聞長樂鐘清晨去朝謁車馬何從容

遊李山人所居

唐王維 盛

世上人如夢往來或自歌問年松樹老有地竹林多  
藥倩韓康賣門容尚子過翻嫌枕席上無奈白雲何

山居卽事

唐王維 盛

寂寞掩柴扉蒼苔對落暉鶴巢松樹偏人訪華門稀  
綠竹含新粉紅蓮落故衣渡頭煙火起處處採菱歸

山居

唐儲光義 盛

落葉滿山砌蒼煙埋竹扉霜卧眇茲地琴言紛已違  
出徑惜松引入舟憐釣磯西林有明月夜久空微微

居處

卷百三十

十一

山居

題元丹丘穎陽山居

并序

唐李白 盛

丹丘家于穎陽新卜別業其地北倚馬嶺連峰嵩  
丘南瞻鹿臺極目汝海雲崑映鬱有佳致焉白從  
之遊故有此作

仙遊度潁水訪隱同元君忽遺蒼生望獨與洪厓羣  
卜地初晦跡興言且成文却顧北山斷前瞻南嶺分  
遙通汝海月不隔嵩丘雲之子合逸趣而我欽清芬  
舉跡倚松石談笑迷朝曛益願狎青鳥拂衣棲江濱

題元丹丘山居

唐李白 盛

故人棲東山自愛丘壑美青春卧空林白日猶不起

松風清襟袖石潭洗心耳美君無紛喧高枕碧霞裏

題東谿山居

唐

秋色有佳興況君池上閑悠悠西林下自識門前山  
千里橫谷色數峰去雲間嗟峨對秦國含香藏荆關  
殘雨斜日照夕嵐飛鳥還故人今尚爾歎息此顏顏

題柏大兄弟山居

唐杜甫 盛

野屋流寒水山籬帶白雲靜應連虎穴喧已去人羣  
筆架霑牕雨書籤映隙曛蕭蕭千里馬箇箇五花文

赤谷西崦人家

唐杜甫 盛

躋險不自安出郊已清目谿迴日氣暖還轉山田熟

居處

卷百三十

十二

山居

過鄭山人所居

唐劉長卿 中

鳥雀依茅茨藩籬帶松菊如行武陵暮欲問桃源宿  
寂寂孤鶯啼杏園寥寥一犬吠桃源落花芳草無尋  
處萬壑千峰獨閉門

尋張逸人山居

唐劉長卿 中

危石纔通鳥道空山更有人家桃源定在深處澗水  
浮來落花

雨中過具稷巴陵山居贈別

唐劉長卿 中

憐君洞庭上白髮向人垂積雨悲幽獨長江對別離  
牛羊歸故道猿鳥聚寒枝明發遙相望雲山不可知

題溫處士山居

唐錢起

誰知白雲裏別有綠蘿春  
苔繞谿邊徑花侵洞裏人  
逸妻看種藥稚子伴垂綸  
賴上逃堯者何如此養真

過山人所居

唐錢起

空谷春雲滿愚公晦跡深  
一隨玄豹隱幾換綠蘿陰  
絕徑人稀到芳蓀我獨尋  
厨煙住峭壁酒氣出重林

過孫員外藍田山居

唐錢起

不知香署客謝病翠微間  
去幄蘭將老辭車雉亦閑  
近雲出洞當戶竹連山  
對酒谿霞晚家人採蕨還

過沈氏山居

唐錢起

雞鳴孤煙起靜者能卜築  
喬木出雲心閑門掩山腹  
貧交喜相見把臂歡不足  
泉聲冷樽俎荷氣香童僕

往往仙犬鳴樵人度深竹

送元評事歸山居

唐錢起

憶家望雲路東去獨依依  
水宿隨漁火山行到竹扉  
花催酒熟山犬喜人歸  
遙羨書牕下千峰出翠微

題魏仲光淮山所居

唐皇甫冉

羣不相見乃在白雲間  
問我將何適羨君今獨閒  
朝朝汲淮水暮暮上龜山  
幸已安貧定當從鬢髮斑

送元晟歸潛山所居

唐皇甫冉

深山秋事早歸去復何如  
裊露收新稼迎寒葺舊廬

題詩即招隱作賦是閒居  
別後空相憶嵇康懶寄書

送劉兵曹還隴山居

唐皇甫冉

離堂徒燕語行子阻悲辛  
雖是還家路終爲隴上人  
先秋雪已滿近夏草初新  
唯有聞羌笛梅花曲裏春

和韋開州山居八首

唐張籍

宿雲亭

清淨當深處虛明向遠開  
卷簾無俗客應只見雲來

梅谿

自愛新梅好行尋一徑斜  
不教人掃石恐損落來花

茶嶺

紫芽連白蘂初向嶺頭生  
自看家生摘尋常觸露行

盤石磴

壘石盤空遠層層勢不危  
不知行幾匝得到上頭時

竹巖

獨入千竿裏緣巖踏石層  
筍頭齊欲出更不許人登

隱月岫

月出深峰裏清涼夏亦寒  
每嫌西落疾不得到明看

繡衣石榻

山城無別味藥草兼魚果  
時到繡衣人同來石上坐

上土泉餅

塔上一眼泉四邊青石甃惟有護淨僧添餅將盥漱

山居

唐王建中

居在瀑泉西茅屋下有谿閉門留野鹿分食養山雞  
桂熟長收子蘭生不作畦初開洞中路深處轉松梯

山居

唐白居易中

山齋方獨往塵事莫相驚  
盤餐辭鞍馬緇徒換友朋  
朝餐唯藥菜夜伴只紗燈除却青衫在其餘便是僧

山居

唐朱慶餘中

山泉共鹿飲林果讓僧嘗時復收新藥隨雲過石梁

山居即事

唐戴叔倫中

巖雲掩竹扉去鳥帶餘暉地僻生涯薄山深俗事稀  
養花分宿雨翦葉補秋衣野渡逢漁子同舟蕩月歸

春山居

唐于鵠中

獨來多任性惟與白雲期深處花開盡遲眠人不知  
水流山暗處風起月明時望見南峰近年年嬾更移

山居酬韋蘇州見寄

唐暢當中

孤茅泚煙處此中山叟居親雲寧有事耽酒詎知余  
水定鶴翻去松欹峰儼如猶煩使君問更欲結環廬

送丘員外歸山居

唐韋應物中

郡閣始嘉宴青山憶舊居爲君量華履且願住盤餐

會稽山居寄薛播侍郎表高給事高參舍人

唐秦系中

稷契今爲相明君復是堯寧知買臣困猶負會稽樵

題石室山王宁所居

罷官

唐馬戴晚○一作秦系

白雲知所好柏葉幸加餐石鏡妻將照仙書我借看  
鳥來翻藥碗猿飲怕魚竿借問巖前樹何枝曾挂冠

山居

唐鄭雲叟晚

冥心栖太室散髮浸流泉採柏時逢麝看雲忽見山  
夏狂衝雨戲春醉戴花眠絕頂登雲望東都一點煙

居處

卷五十五

十六山居

二

不求朝野知臥見歲華移採藥歸侵夜聽松飯過時  
荷竿尋水釣背局上崑崙祭廟人來說中原正亂離

郭中山居

唐方干晚

莫見一瓢離樹上猶須四壁在林間沈吟不寐先聞  
角屈曲登高自有山濺石迸泉聽未足亞臆紅果臥  
堪攀公卿莫便遺名姓却與禽魚作往還

山居喜友人見訪

唐李洞晚

入雲晴斷茯苓還日暮逢迎水石間看待詩人無別  
物半潭秋水一房山

○隱居 幽居附

孫登隱居詩

晉庚蘭

靈巖霞蔚石室鱗構青松標空蘭泉吐漏龍蒼可遊  
芳津可漱玄谷蕭寥鳴琴獨奏先生體之寂坐幽岸  
凝冰結樸熙陽靡煥潛真內全飛榮外散凌崖高嘯  
希風朗彈道有冥發運有昏消達隱不巖玄跡不標  
或曰先生晦德逍遙稽子秀達英風朗烈道雋薰芳  
鮮不玉折北動初萌妙鑒奇絕翹首丘冥仰想玄哲

過緱山下偏識緱山雲處士久不還見雲如見君

唐岑參

舊居緱山下偏識緱山雲處士久不還見雲如見君

居處 卷一百一十七

唐岑參

別來逾十秋兵馬日紛紛青谿開戰場黑谷屯行軍  
遂令巢由輩遠逐麋鹿羣獨有南澗水潺湲如昔聞

尋張子顏隱居

唐孟浩然

白鶴青巖半幽人有隱居階庭空水石林壑罷樵漁  
歲月青松老風霜苦竹疎覩茲懷舊業迴策返吾廬

題張氏隱居

唐杜甫

春山無伴獨相求伐木丁丁山更幽澗道餘寒歷水  
雪石門斜日到林丘不貪夜識金銀氣遠害朝看麋  
鹿遊乘興杳然迷出處對君疑是泛虛舟

題王少府堯山隱處

唐劉長卿

故人滄洲吏深與世情薄解印二十年委身在丘壑  
買田楚山下妻子自耕鑿羣動心有營孤雲本無著  
因收谿上釣遂接林中酌對酒春日長山村杏花落  
尋南谿常山道人隱居 唐劉長卿

過友人隱居

唐戴叔倫

蕭灑絕塵喧清谿流遶門水聲鳴石瀨蘿影到林軒  
地靜留眠鹿庭虛下飲猿春花正夾岸何必問  
居處 卷一百一十八

題隱者居

唐賈島

雖有柴門常不關片雲孤木伴身閑猶嫌住久人知  
處見擬移家更上山

題終南山隱者居

唐姚鵠

開門絕壑旁躡蘿過花梁路入峰巒影風來芝朮香  
夜燈明雪牖春夢閉雲房盡室更何有一琴兼一觴

王逸人隱居

唐崔塗

一徑入千岑幽人許重尋不逢秦世亂未覺武陵深  
石轉生寒色雪歸帶夕陰却愁危坐久看盡暝棲禽

題鄭大有隱居

唐李商隱

結構何峰是喧閑此地分石梁高瀉月樵路細侵雲  
偃臥蛟螭室希夷鳥獸羣近知西嶺上玉管有時聞  
君居近子  
晉題鶴臺

題陶詳校書陽羨隱居

唐方干晚

芸香署裏從容步陽羨山中嘯傲情竿底紫鱗輸釣  
伴花邊白犬吠流鶯長潭五月含冰氣孤檣中宵帶  
雨聲便泛孤舟應未得鴟夷棄相始垂名

幽人居以下幽居

唐儲光義盛

幽人下山徑去去來青林滑處每苔濕暗中薜蘿深  
春朝煙雨散猶帶浮雲陰

居處卷百三十

十九隱居

終南幽居

唐儲光義盛

中歲尚微道始知將各神抗策還南山水木自相親  
深林開一道青嶂成四鄰平明去採薇日入行刈薪  
雲歸萬壑暗雪罷千岩春始知玄鳥來已見瑤華新  
寄言塞芳者無迺後時人

上築青苔裏雲蘿四垂陰虛室若無人喬木自成林  
時有清風至側聞樵採音鳳皇鳴南岡望望隔層岑  
旣言山路遠復道谿流深倂佗空中遊虬龍水間吟  
何當見輕翼爲我達達心

題東谿幽居

唐李白盛

杜陵賢人清且廉東谿上築歲將淹宅近青山同謝  
朶門垂碧柳似陶潛好鳥迎春過後院飛花送酒舞  
前簷客到但知留一醉盤中祗有水精鹽

幽居作

唐李端中

山舍千年樹江亭萬里雲迴朝迎伍相聚雨送湘君  
題李凝幽居

唐賈島中

閑居少鄰並草徑入荒園鳥宿池邊中一作樹僧敲月  
下門過橋分野色移石動雲根暫去還來此幽期不  
負言

○田家田舍并入

居處

卷百三十

二十田家

癸卯歲始春懷古田舍二首 晉陶淵明

在昔聞南畝當年竟未踐屢空既有人春興豈自免  
夙晨裝吾駕啓塗情已緬鳥弄歡新節冷風送餘善  
寒竹被荒蹊地爲罕人達是以植杖翁悠然不復返  
卽理愧通識所保詎乃淺

先師有遺訓憂道不憂貧瞻望邈難逮轉欲忘常勤  
秉耒歡時務解顏勸農人平疇交遠風良苗亦懷新  
雖未量歲功卽事多所欣耕種有時息行者無問津  
日入相與歸壺漿勞近鄰長吟掩柴門聊爲隴畝民

擬陶徵君潛田居

梁江淹



種苗在東臯苗生滿阡陌雖有荷鉏倦濁酒聊自適  
日暮巾柴車路闇光已夕歸人望煙火稚子候簷隙  
問君亦何爲百年會有役但願桑麻成蠶月得紡績  
素心正如此開逕望三益

還田舍

梁周捨

薄遊久已倦歸來多暇日未鑿武陵巖先開仲長室  
松篁日月長蓬麻歲時密心存野人趣貴使容吾膝  
况茲薄暮情高秋正蕭瑟

田家三首

唐王勃初○一作王績

阮籍生平懶嵇康意氣疎相逢一飽醉獨坐數行書

卷五

田家

小池聊養鶴閑田且牧猪草生元亮徑花暗子雲居  
倚牀看婦織登隴課兒鋤迴頭尋仙事併是一空虛

二

家住箕山下門枕潁川濱不知今有漢惟言昔避秦  
琴伴庭前月酒勸後園春自得中林士何忝上皇人

三

平生唯酒樂作性不能無朝朝訪鄉里夜夜遣人酤  
家貧留客久不暇道精粗抽簾時益炬拔簣更燃爐  
恒聞飲不足何見有殘壺

晚憇田家

唐駱賓王初

轉蓬勞遠役披薛下田家山形類九折江勢急三巴  
懸梁接斷岸澀路擁崩查霧岩淪曉魄風激漲寒沙  
心迹一朝舛關山萬里賒龍章圖表越閩俗本非華  
旅行悲泛梗離贈斷疏麻惟有寒潭菊獨似故園花

田家雜興八首

唐儲光義盛

春至鵲鷦鳴薄言向田墅不能自力作黽勉娶鄰女  
既念生子孫方思廣田圃閑時相顧笑喜悅好禾黍  
夜夜登嘯臺南望洞庭渚百草被霜露秋山響砧杵  
却美故年時中情無所取

二

唐虞

卷五

田家

衆人耻貧賤相與尚膏腴我情既浩蕩所樂在畋漁  
山澤時晦冥歸家暫閑居滿園種荳蔻繞屋樹桑榆  
禽雀知我閑翔集依我廬所願在優游州縣莫相呼  
日與南山老兀然傾一壺

三

逍遙阡陌上遠近無相識落日照秋山千巖同一色  
網罟繞深莽鷹鷂始輕翼獵馬旣如風奔獸莫敢息  
駐旗滄海上犒士吳宮側楚國有夫人性情本真直  
鮮禽徒自致終歲竟不食

四

田家趨壠畝當晝掩虛關鄰里無煙火兒童共幽閑  
枯棹懸空圃雞犬滿桑間時來農事隙採藥遊名山  
但言所採多不念路險艱人生如蜉蝣一往不可攀  
君看西王母千載芙蓉顏

五

貧士養性情不復憂樂去家行賣畚畱滯南陽郭  
秋至黍苗黃無人可刈穫孺子朝未飯把竿逐鳥雀  
忽見梁將軍乘車出宛洛意氣軼道路光輝滿墟落  
安知負薪者啞啞笑輕薄

六

居處

卷五

田家

田家

楚山有高士梁國有遺老築室既相鄰同田復同道  
糗糒常共飯兒孫每更抱忘此耕耨勞愧彼風雨好  
蟋蟀鳴空澤鷓鴣傷秋草日夕寒風來衣裳苦不早

七

梧桐陰我門薜荔網我屋超超兩夫婦朝出暮還宿  
稼穡既自種牛羊還自牧日旰懶耕鋤登高望川陸  
空山足禽獸墟落多喬木白馬誰家兒聯翩相馳逐

八

種桑百餘樹種黍三十畝衣食既有餘時時會親友  
夏來菰米飯秋至菊花酒孺人喜逢迎稚子解趨走

日暮閒園裏團團陰榆柳酩酊乘夜歸涼風吹戶牖  
清淺望河漢低昂看北斗數變猶未開明朝能飲否

田家卽事答崔二東臯作

唐儲光義

玄鳥雙雙飛杏林初發花煦妪命僮僕可以樹桑麻  
清旦理犁鋤日入未還家

有客山中至言傳故人訊蕩漾敷遠情飄飄吐清韻  
荷歟春臯上無乃成秋興

念別來須臾忽至嚶鳴時菜田燒故草初樹養新枝  
所寓非幽深夢寐相追隨

依依親壟畝寂寂無鄰里不聞雞犬音日見和風起

居處

卷五

田家

田家

賴君遺拔藻憂來散能弭

田家卽事

唐儲光義

蒲葉日已長荷花日已滋老農要看此貴不違天時  
迎晨起飯牛雙駕耕東畝蚯蚓土中出田烏隨我飛  
羣合亂啄噪嗷嗷如道飢我心多惻隱顧此兩傷悲  
撥食與田烏日暮空筐歸親戚更相誚我心終不移

張谷田舍

唐儲光義

縣官清且儉深谷有人家一徑入寒竹小橋穿野花  
碓喧春澗漫梯倚綠桑斜自說年來稔前村酒可賒

田家

唐王維

舊穀行將盡良田未可希老年方愛粥卒歲且無衣  
雀乳青苔井雞鳴白板扉柴車駕羸犢草屨牧豪稀  
多雨紅榴拆新秋綠芋肥餉田桑下棋芳金草中歸  
住處名愚谷何煩問是非

渭川田家

唐王維 盛

斜光照墟落窮巷牛羊歸野老念牧童倚杖候荆扉  
雉鳴麥苗秀蠶眠桑葉稀田夫荷鋤至相見語依依  
卽此羨閑逸悵然吟式微

丁寓田家有贈

唐王維 盛

君心尚棲隱久欲傍歸路在朝每爲言解印果成趣

居處

卷五

田家

三五

晨雞鳴鄰里羣動從所務農夫行餉田閨婦起縫素  
開軒御衣服散帙理章句時吟招隱詩或製閑居賦  
新晴望郊郭日映桑榆暮陰盡小苑城微明渭川樹  
揆予宅間井幽賞何由屢道存終不忘迹異難相遇  
此時惜離別再來芳菲度

題鄭少府田家

唐高適 盛

鄭侯應栖惶五十頭盡白昔爲南昌尉今作東郡客  
與語多達情論心知所益秋林旣清曠窮巷空浙瀝  
蝶舞園更閑雞鳴日云夕男兒未稱意其道固無適  
勸君且杜門勿歎人事隔

寄宿田家

唐高適 盛

田家老翁住東陂說道平生隱在茲鬢白未曾記日  
月山青每到識春時門前種柳深成巷野谷流泉添  
入池牛壯日耕十畝地人閑常掃一畦茨客來滿酌  
清樽酒感興平吟才子詩巖際窟中藏鼯鼠潭邊竹  
裏隱鷓鴣村墟日落行人少醉後無心怯路岐今夜  
只應還寄宿明朝拂曙與君辭

田家卽事

唐祖詠 盛

舊居東臯上左右俯荒村樵路前傍嶺田家遙對門  
歡娛始披物愜意在郊原餘霽蕩川霧新秋仍晝昏

居處

卷五

田家

三六

攀條憩林麓引水開泉源稼穡豈云倦桑麻今正繁  
方求靜者賞偶遇潛夫言雞黍何必具吾心知道尊

田舍

唐杜甫 盛

田舍清江曲柴門古道傍草沈迷市井地僻嬾衣裳  
楊柳枝枝弱枇杷樹樹香鷓鴣西日照矚翅滿漁梁  
暫往白帝復還東屯

唐杜甫 盛

復作歸田去猶殘穫稻功築場憐穴蟻拾穗許村童  
落杵光輝白除芒子粒紅加餐可扶老倉廩慰飄蓬

田家

唐楊顏 盛

小園足生事尋勝日傾壺蒔蔬利於鸞繞青聞已無

四鄰因野竹日夕採其枯田家心適時春色遍桑榆

題田父廬舍

唐丘爲

東風何處至已綠湖上山湖上春已早田家日不開  
溝塍流水處耒耜平蕪間薄暮飯牛後歸來還閉關

觀田家

唐韋應物

微雨衆卉新一雷驚蟄始田家幾日閑耕種從此起  
丁壯俱在野場圃亦就理歸來景常晏飲犢西澗水  
飢飮不自苦膏澤且爲喜倉廩無宿儲徭役猶未已  
方慙不耕者祿食出閭里

田家二首

唐柳宗元

居處

卷五

三

田家

蓐食狗所務驅牛向東阡雞鳴村巷白夜色歸暮田  
札札耒耜聲飛飛來鳥鷺竭茲筋力事持用窮歲年  
盡輪助徭役聊就空自眠子孫日以長世世還復然

二

籬落隔煙火農談四鄰夕庭際秋蟲鳴疎麻方寂歷  
蠶絲盡輪稅機杼空倚壁里胥夜經過雞黍事筵席  
各言官長峻文字多督責東鄉後租期車轂陷泥澤  
公門少推恕鞭朴恣狠籍努力慎經營肌膚真可惜  
迎新在此歲惟恐踵前跡

三

古道饒蕪黎黎繁迴古城曲蓼花被隄岸陂水寒更綠  
是時收穫竟落日多樵牧風高榆柳疎霜重梨棗熟  
行人迷去住野鳥競棲宿田翁笑相念昏黑慎原陸  
今年幸少豐無厭饘與粥

題茅茨

唐錢起

谷口逃名客歸來遂野心薄田供歲酒喬木待新禽  
谿路春雲重山厨夜火深桃源應漸好仙客許相尋

田家

唐司空曙

田家喜雨足鄰老相招携泉溢溝塍壤麥高桑柘低  
呼兒催放犢宿客待烹雞搔首蓬門下如將野冕齊

居處

卷五

三

田家

江上田家

唐包何

近海川原薄人家本自稀黍苗期臘酒霜葉是寒衣  
市井雖相識漁樵夜始歸不須騎馬問恐畏狎鷗飛

寄劉方平大谷田家

唐皇甫冉

故山聞獨往樵路憶相從水結泉聲絕霜清野翠濃  
籬邊賴陽道竹外少姨峰日夕田家務寒煙隔幾重

田家行

唐王建

男聲欣欣女顏悅家人不怨言語別五月雖熟麥風  
清簷頭索索縲車鳴野蠶作繭人不取葉間撲撲秋  
蛾生麥收上場絹在軸的知輸得官家足不望入口

復上身且免向城賣黃犢回家衣食無厚薄不見縣門身即樂

田家留客

唐王建中

人客少能留我屋客有新樂馬有粟遠行僮僕應苦饑新婦厨中炊欲熟不嫌田家破門戶蠶房新泥無風土行人但飲莫畏貧明府上來可占辛丁寧回語屋中妻有客勿令兒夜啼雙塚直西有縣路我教丁男送君去

田家

唐王建中

啾啾雀滿樹靄靄東坡雨田家夜無食水中摘禾黍

居處

卷五十五

三十九

田家

田家

唐顧況中

帶水摘禾穗夜搗具晨炊縣帖取社長嗔怪見官遲

過山農家

唐顧況中

板橋人渡泉聲茅屋日午雞鳴莫噴焙茶煙暗却喜曬穀天晴

贈田家翁

唐耿湓中

老人迎客處籬落稻畦間蠶屋朝寒閉田家晝雨閒門閭新雜草蹊徑舊諳山自道誰相及邀予試往還

田家即事

唐權德輿中

閒臥藜牀對落暉翛然便覺世情非漠漠稻花資旅

食青青荷葉製儒衣山僧相勸期中飯漁父同遊或夜歸待學向平婚嫁畢渚煙谿月共忘機

田家

原作長安秋夜

唐韋孝標晚

田家無五行水旱上蛙聲牛犢乘春放兒童候暖耕池塘煙未起桑柘雨初晴歲晚香醪熟村村自送迎

田家

唐李建勳晚

不識城中路熙熙樂有年木繁肇社酒瓦鼓送神錢霜落牛歸屋禾收雀滿田遙陂過秋水閑閣釣魚船

二

長愛田家事時時欲一過垣籬皆樹槿廳院亦堆禾

居處

卷五十五

三十九

田家

病果因風落寒蔬向日多遙聞數聲笛牛晚下前坡

宿石屏村謝叟家

唐許渾晚

晚過石屏村村長日漸曛僧歸下嶺見人語隔谿聞谷響寒耕雪山明夜燒雲家家扣銅鼓欲賽魯將軍

早秋宿田舍

唐曹鄴晚

澗草疎疎螢火光山月朗朗楓樹長南村犢子夜聲急應是欄邊新有霜

○酒家

賦得當爐

梁簡文帝

十五正團圓流光滿上蘭當爐設夜酒宿客解金鞍

迎來挾琴易送別唱歌難欲知心恨急翻今衣帶寬

當爐曲

陳岑之敬

明月二八照花新當爐十五晚留賓回眸百萬橫自陳

題酒家壁

續性簡放大業中授秘書省正字不樂在朝求為六合丞以嗜酒不在因勅遂解去常乘牛經酒肆留或數口其飲至五斗不亂人有以酒邀者無貴賤輒往

唐王績初

昨夜鉗始盡今朝甕即開夢中占夢罷還向酒家來

過酒家五首

唐王績初

洛陽無大宅長安乏主人黃金銷未盡祇為酒家貧

居處

卷百三十

王

酒家

二

此日長昏飲非關養性靈眼看人盡醉何忍獨為醒

三

竹葉連糟翠蒲萄帶麴紅相逢不令盡別後為誰空

四

對酒但知飲逢人莫強牽倚爐便得睡橫麴足堪眠

五

有客須教飲無錢可別酤來時長道貴慚愧酒家胡

新豐主人

唐儲光義盛

新豐主人新酒熟舊客還歸舊堂宿滿酌香合北砌

花盈尊色泛南軒竹雲散天高秋月明東家少女解秦箏醉來忘却巴陵道夢中疑是洛陽城

金陵酒肆留別

唐李白盛

白門柳花滿店香吳姬壓酒喚客嘗金陵子弟來相送欲行不行各盡觴請君問取東流水別意與之誰短長

酒肆行

唐韋應物中

豪家沽酒長安陌一旦起樓高百尺碧疏玲瓏含春風銀題彩幟邀上客迴瞻丹鳳闕直視樂遊苑四方稱賞名已高五陵車馬無近遠晴景悠揚三月天桃居處

卷百三十

王

酒家

花飄俎柳垂

王

合他

壚

肆

何

寂然

主人無厭且專利百斛須臾一囊費初釀後薄為太偷飲者知名不知味深門潛醞客來稀終歲醇醪味不移長安酒徒空擾擾路旁過去那得知

過長林湖西酒家

唐司空曙中

湖草青青三兩家門前桃李一般花遷人到處唯求醉聞說漁翁有酒賒

詩雋類函卷一百三十



詩雋類函卷一百三十一

東吳俞安期彙纂

宣城梅鼎祚增定

新都潘允升訂校

居處部六

莊別業別墅併入

○莊

春晚山莊

唐盧照隣初

田家無四隣獨坐一園春鶯啼非選樹魚戲不驚綸

山水彈琴盡風花酌酒頻年華已可樂高興復留人

和石侍御山莊

唐楊炯初

煙霞非俗宇岩壑只幽居水浸何曾畎荒郊不復鋤

居處

卷五十五

影濃山樹密香淺澤花疎澗塹防斜徑平堤夾小渠

蓮房若箇實竹節幾竿虛蕭然隔城市酌醴焚枯魚

陸渾山莊

唐宋之問初

歸來物外情負杖閱岩耕源水看花入幽林採藥行

野人相問姓山鳥自呼名去去獨吾樂無窮愧此生

藍田山莊

唐宋之問初

宦遊非吏隱心事好幽偏考室先依地爲農且用天

輞川朝伐木藍水暮澆田獨與秦山老相歡春酒前

奉和韋嗣立山莊侍宴應制

嗣立山莊在驪山鸛谷景龍

三年十二月十四日中宗皇帝幸之嗣立立  
獻食百嶺及木器藤盤等物上封爲逍遙公

名其原曰清虛原谷曰幽棲谷中宗留題從  
臣屬和嗣立並鐫於石張說爲序薛稷書之

唐張說初

西京上相出扶陽東郊別業好池塘自非仁智得天

賞安能日月共迴光

奉和聖製幸韋嗣立山莊應制唐劉憲初

非吏非隱晉尚書一丘一壑降乘輿天藻緣情兩曜

合山厄獻壽萬年餘

奉和聖製幸韋嗣立山莊應制唐崔湜初

竹逕桃源本出塵松軒茅棟別驚新御蹕何須林下

駐山公不是俗中人

居處

卷五十五

奉和聖製幸韋嗣立山莊應制唐李乂初

曲榭回廊繞澗幽飛泉噴水溢池流祗應感發明王

夢遂得邀迎聖主遊

奉和聖製幸韋嗣立山莊應制唐沈佺期初

東山朝日翠屏開北闕晴空綵仗來喜遇天文七曜

動少微今夜近三台

奉和聖製幸韋嗣立山莊應制唐李嶠初

萬騎千官擁帝車八龍三馬訪仙家鳳凰原上窺青

壁鸚鵡杯中弄紫霞

奉和聖製幸韋嗣立山莊應制唐蘇頌初

樹色參差隱翠微，泉流百尺向空飛。傳聞此處投竿佐，遂使茲辰扈蹕歸。

奉和聖製幸韋嗣立山莊應制 唐趙彥昭初

廊廟心存岩壑中，鑾輿矚在灞城東。逍遙自有蒙莊子，漢主徒言河上公。

奉和聖製幸韋嗣立山莊應制 唐武平一初

鳴鑾奕奕下重樓，羽蓋逍遙向一丘。漢日惟聞白衣寵，唐年更覩赤松遊。

奉和幸韋嗣立山莊侍宴應制 唐張說初

寒灰飛玉琯，湯井駐金輿。旣得方明相，還尋大隗居。

居處 卷百三十一 三 莊

懸泉珠貫下，列帳錦屏舒。騎遠林踰密，笳繁谷自虛。門旗暫復磴，殿幕裏通渠。舞鳳隨公主，雕龍起婕妤。地幽天賞洽，酒樂御筵初。非才叨侍從，連藻媿應徐。

奉和幸韋嗣立山莊侍宴應制 唐劉憲初

東山有謝安，枉道降鳴鑾。緹騎分初日，霓旌度曉寒。雲軿岩間下，虹橋澗底盤。幽棲俄以屆，聖矚宛餘歡。崖懸飛溜直，岸轉綠潭寬。桂華堯酒泛，松響舜絃彈。明主恩斯極，賢臣節更殫。不才叨侍從，詠德以濡翰。

奉和幸韋嗣立山莊侍宴應制 唐蘇頌初

縱金寒野霽，步玉曉山幽。帝幄期松子，匡廬訪葛侯。

百工徵往夢七聖，扈來遊斗柄。乘時轉台階，捧日留樹重。岩籟合泉迸，水光浮石徑。喧朝履璜谿，擁釣舟恩如。犯星夜歡擬，濟河秋不學。堯年隱空令，傲許由。

奉和幸韋嗣立山莊侍宴應制 唐沈佺期初

鼎臣休澣隙方外，結遐心別業。青霞境孤潭，碧樹林每遷。東野策遙弄，北谿琴帝幸。行時豫台園，賞歲陰移鑾。明月召張樂，白雪御席瑤。觥落仙壇竹，徑深三章懸。聖藻五等冠，朝簪自愧承。恩盛咸言獨，在今。

奉和幸韋嗣立山莊侍宴應制 唐宋之問初

樞掖調梅暇，林園藝薤初。入朝榮劔履，退食偶琴書。

居處 卷百三十一 四 莊

地隱東巖室，天迴北斗車。旌門臨窅窅，閣道屬扶疎。雲罕明丹壑，霜笳徹紫虛。水疑投石處，谿似釣璜餘。帝澤頒卮酒，人歡頌里閭。一承黃竹詠，長奉白茅居。

奉和幸韋嗣立山莊侍宴應制 唐趙彥昭初

賢族惟題里，儒門但署鄉。何如表巖洞，宸翰發輝光。地在茲山曲，家鄰邵水陽。六龍駐旌罕，四牡耀旂常。北斗臨台座，東山入廟堂。天高羽翼近，主聖股肱良。野竹池亭氣，春花澗谷香。縱然懷豹隱，空愧躡鴛行。

奉和幸韋嗣立山莊侍宴應制 唐崔湜初

丞相登前府，尚書啓舊林。式廬明主意，榮族聖嬪心。

川狹旌門抵巖高敞帳臨閑憑柳暗小徑入松深  
雲卷千峰色泉和萬籟吟蘭迎天女珮竹礙侍臣簪  
宸翰三光燭朝榮四海欽還嗟絕機叟白首漢川陰

奉和幸韋嗣立山莊侍宴

唐李義初

台階好赤松別業對青峰茅屋承三顧花源接九重  
龍旂縈秀水鳳輦拂疎筇逕狹千官擁谿長萬騎容  
水塘開禹膳山閣獻堯鐘皇鑒清居遠天文睿獎濃  
昂泉他日夢魚釣往年逢共榮丞相府偏降逸人封

奉和幸韋嗣立山莊侍宴

唐武平一初

三光迴斗極萬騎肅鉤陳地若遊汾水畋疑歷渭濱  
居處

卷百三

五

圓塘水寫鏡遙樹露成春絃奏魚聽曲機忘鳥狎人  
築巖思感夢磻石想垂綸落景搖紅壁層陰結翠筠  
素風紛可尚玄澤謁無垠薄暮清笳動天文煥紫宸

奉和幸韋嗣立山莊侍宴

唐李嶠初

南洛師臣契東巖王佐居幽情遺綬冕宸眷屬樵漁  
制下峒山蹕恩迴灞水興松門駐旌蹕薜幄引簪裾  
石磴平黃陸煙樓半紫虛雲霞僊路近琴酒俗塵踈  
喬木千齡外懸泉百尺餘崖深經練藥穴古舊藏書  
樹宿搏風鳥池潛縱壑魚寧知天子貴尚憶武侯廬

積雨輞川莊作

唐王維

積雨空林煙火遲蒸蒸炊黍餉東畝漠漠水田飛白  
鷺陰陰夏木嘯黃鸝山中習靜觀朝槿松下清齋折  
露葵野老與人爭席罷海鷗何事更相疑

題李十四莊

唐孟浩然

聞君息陰地東郭楊柳間左右瀍澗水門庭緱氏山  
抱琴來取醉垂釣坐乘閑歸客莫相待緣源殊未還  
過故人莊

唐孟浩然

故人具雞黍邀我至田家綠樹村邊合青山郭外斜  
開筵面場圃把酒話桑麻待至重陽日還來就菊花

題江潮莊

唐韋應物

居處

卷百三

六

田家喜秋熟歲晏林葉稀禾黍積場圃槿梨垂戶扉  
野閑犬時吠日暮牛自歸時復落花酒茅齋堪解衣  
荻塘西莊

唐張光朝

門在荻塘西塘高何聯聯往昔分地利遠近無閑田  
水國信汙下霖霖卽成川苗稼盡湮沒茲鄉獨豐年  
家肥待親懿人樂思管絃日晏始能起盥漱看廚煙  
醞酒寒正熟養魚長食鮮黃昏鐘未鳴偃息早已眠  
何意久城市寂寥丘中綠俛仰在顏色區區人事間  
憶昔炎漢時乃知綺季賢靜默不能仕養老終南山

歸汝墳山莊

唐祖詠

淹留歲將晏久廢南山期舊業不見棄還山從此辭  
漚麻入南澗刈楚向東畱對酒雞黍熟閉門風雪時

過宋員外之問舊莊

唐杜甫

宋公舊池館零落首陽阿枉道祇從入吟詩許更過  
淹留問耆老寂寞向山河更識將軍樹悲風日暮多

過故斛斯校書莊

唐杜甫

燕入非傍舍鷗歸祇故池斷橋無復板臥柳自生枝  
遂有山陽作多慙鮑叔知素交零落盡白首淚雙垂

和令狐尚書平泉東莊

唐張籍

平地有清泉伊南古寺邊漲池開遶屋出野徧澆田  
居處

卷五十五

七

舊隱離多日新鄰得幾年探幽皆一絕選勝又雙全  
門靜山光別園深竹影連斜分採藥徑直過釣魚船  
雞犬還應識雲霞頓覺鮮追思應不遠賞愛足難偏

漢上題韋氏莊

唐戎昱

結茅同楚客卜築漢江邊日落數歸鳥夜深聞扣舷  
水痕侵听柳山翠借厨煙調笑提筐婦春來蠶幾眠

秋遊平泉

唐白居易

秋景引閑步山遊不知疲心興遇境發身力因行知  
尋雲到起處愛泉聽滴時

和裴令公南莊一絕裴詩云野人不識中書令

喚作陶家與謝家

唐白居易

陶廬僻陋那堪比謝墅幽微不足攀何似嵩峰三十  
六長隨申甫作家山

題故將軍莊

唐李端

曾將數騎過桑乾遙對單于飲馬鞍塞北征兒諳用  
劒關西宿將許登壇田園蕪沒歸耕晚云箭開離出  
獵難唯有老身如刻畫猶期聖主解衣看

過故府中武威公文城舊莊感事

唐李商隱

信陵亭館接郊畿幽象遙通晉水祠日落高門喧燕  
居處

卷五十五

八

雀風飄大樹撼熊羆新蒲似筆思投日芳草如茵憶  
吐時山下祇今黃絹字淚痕猶隨六州兒

別業

別墅併入

過始寧墅

宋謝靈運

束髮懷耿介逐物遂推遷遲志似如昨二紀及茲年  
緇磷謝清曠疲繭慙貞堅拙疾相倚薄還得靜者便  
剖竹守滄海枉帆過舊山山行窮登頓水涉盡迴沿  
巖峭嶺稠疊洲繁渚連綿白雲抱幽石綠篠媚清漣  
葦宇臨迴江築觀基曾巔揮手告鄉曲三載期歸旋  
且爲樹粉檟無令孤願言

奉和李令公扈從溫泉宮賜遊驪山韋侍郎別

業

唐盧僊初

風后軒皇佐雲峰謝客居承恩來翠嶺締賞出丹除  
飛蓋雙谿寂清殆玉洞虛窺巖詳霧豹過水略淵魚  
鄉入無何有時還上古初伊臯羞逼袂魏丙服羸疎  
白雪緣情降青霞落卷舒多慙郎署在輕繼國風餘

題崔山人別業

唐儲光義盛

南陽隱居者築室丹谿源谿冷懼秋晏塞寒欣景暎  
山雞鳴菌閣水霧入衡門東嶺或野嘯北牕時討論  
封君渭川竹逸士漢陰園何必空同上獨爲堯所尊  
居處

卷百三十一

九

別業

輞川集

并序

唐王維盛

余別業在輞川山谷其遊止有孟城坳華子岡文  
杏館斤竹嶺鹿柴木蘭柴茭泝宮槐陌臨湖亭  
南坨歌湖柳浪藥家瀨金屑泉白石灘北坨竹里  
館辛夷塢漆園椒園等與裴迪閑暇各賦絕句云  
爾

孟城坳

唐王維盛

新家孟城口古木餘衰柳來者復爲誰空悲昔人有

孟城坳

唐裴迪盛

結廬古城下時登古城上古城非疇昔今人自來往

華子岡

唐王維盛

飛鳥去不窮連山復秋色上下華子岡惆悵情何極

華子岡

唐裴迪盛

落日松風起還家草露晞雲光侵復跡山翠拂人衣

文杏館

唐王維盛

文杏裁爲梁香茅結爲宇不知棟裏雲去作人間雨

文杏館

唐裴迪盛

迢迢文杏館躋攀日已屢南嶺與北湖前看復迴顧

斤竹嶺

唐王維盛

檀欒映空曲青翠漾漣漪暗入商山路無人不可知

居處

卷百三十一

十

別業

斤竹嶺

唐裴迪盛

明流紆且直綠篠窈復深一逕通山路行歌聲舊琴

鹿柴

朱土漣切按韻會云山居以木欄作柴或作柴

唐王維盛

空山不見人但聞人語響返景入深林復照青苔上

鹿柴

唐裴迪盛

日夕見寒山便爲獨往客不知深林事但有麝麝跡

木蘭柴

唐王維盛

秋山斂餘照飛鳥逐前侶彩翠時分明日夕嵐無處所

木蘭柴

唐裴迪盛

蒼蒼落日時鳥聲亂谿水綠谿路轉深幽興何時已

茱萸泝

唐王維 盛

結實紅且綠復如花更開山中儻留客置此芙蓉杯

茱萸泝

唐裴迪 盛

飄香亂椒桂布葉間檀欒雲日雖迴照森沈猶自寒

宮槐陌

唐王維 盛

仄徑蔭宮槐幽陰多綠苔鷹門但迎掃畏有山僧來

宮槐陌

唐裴迪 盛

門前宮槐陌是向歆湖道秋來山雨多落葉無人掃

臨湖亭

唐王維 盛

輕舸迎上客悠悠湖上來當軒對尊酒四面芙蓉開

居處

卷三百三十一

十一 別業

臨湖亭

唐裴迪 盛

當軒彌澗漾孤月正徘徊谷口猿聲發風傳入戶來

南垞

唐王維 盛

輕舟南垞去北垞森難卽隔浦望人家遙遙不相識

南垞

唐裴迪 盛

孤舟信一泊南垞湖水岸落日下崦嵫清波殊森漫

歆湖

唐王維 盛

吹簫凌極浦日暮送夫君湖上一回首青山卷白雲

歆湖

唐裴迪 盛

空闊湖水廣青熒天色同艤舟一長嘯四面來清風

柳浪

唐王維 盛

分行接綺樹倒影入清漪不學御溝上春風傷別離

柳浪

唐裴迪 盛

映池同一色逐吹散如絲結陰旣得地何謝陶家時

藥家瀨

唐王維 盛

颯颯秋雨中淺淺石溜瀉跳波自相濺白鷺驚復下

藥家瀨

唐裴迪 盛

瀨聲喧極浦沿涉向南津汎汎鳬鷗渡時時欲近人

金屑泉

唐王維 盛

日飲金屑泉少當千餘歲翠鳳翊文螭羽節朝玉帝

居處

卷三百三十一

十一 別業

金屑泉

唐裴迪 盛

縈渟澹不流金碧如可拾迎晨含素華獨往事朝汲

白石灘

唐王維 盛

清淺白石灘綠蒲向堪把家住水東流浣紗明月下

白石灘

唐裴迪 盛

跂石復臨水弄波情未極日下川上寒浮雲澹無色

北垞

唐王維 盛

北垞湖水北雜樹映朱欄逶迤南川水明滅青林端

北垞

唐裴迪 盛

南山北垞下結宇臨歆湖每欲採樵去扁舟出菰蒲



竹里館

唐王維盛

獨坐幽篁裏彈琴復長嘯深林人不知明月來相照

竹里館

唐裴迪盛

來過竹里館日與道相親出入惟山鳥幽深無世人

辛夷塢

唐王維盛

木末芙蓉花山中發紅萼澗戶寂無人紛紛開且落

辛夷塢

唐裴迪盛

緣堤春草合王孫自留翫况有辛夷花色與芙蓉亂

漆園

唐王維盛

古人非傲吏自關經世務偶寄一微官婆娑數株樹

居處

卷一百一十五

十三 別業

漆園

唐裴迪盛

好閑豈成性果此諧宿諾今日漆園遊還同莊叟樂

椒園

唐王維盛

桂尊迎帝子杜若贈佳人椒漿奠瑤席欲下雲中君

椒園

唐裴迪盛

丹刺罥人衣芳香留過客幸堪調鼎用願君垂採摘

輞川別業

唐王維盛

不到東山向一年歸來纔及種春田雨中草色綠堪

染水上桃花紅欲然優美比丘經論學僂僂丈人鄉

里賢披衣倒屣且相見相歡語笑衡門前

戲題輞川別業

唐王維盛

柳條拂地不須折松樹披雲從更長藤花欲暗藏猿

子柏葉初齊養麝香

終南別業

唐王維盛

中歲頗好道晚家南山陲興來每獨往勝事空自知

行到水窮處坐看雲起時偶然值林叟談笑無還期

酬虞部蘇員外過藍田別業不見畱之作

唐王維盛

貧居依谷口喬木帶荒村石路枉迴駕山家誰候門

漁舟膠凍浦獵火燒寒原唯有白雲外疎鐘聞夜猿

居處

卷一百一十五

十四 別業

歸輞川作

唐王維盛

谷口疎鐘動漁樵稍欲稀悠然達山暮獨向白雲歸

菱蔓弱難定楊花輕易飛東皇春草色惆悵掩柴扉

晦日遊大理韋卿城南別業四首四詩原入晦日語無文涉迥移置此

唐王維盛

與世澹無事自然江海人側聞塵外遊解驂輒朱輪

平野照暄景上天垂春雲張組竟北阜汎舟過東鄰

故鄉信高會牢醴及佳辰幸同擊壤樂心荷堯爲君

二

郊居杜陵下永日同攜手仁里藹春陽平原見峰首

圍廬鳴春鳩林薄媚新柳上卿始登席故老前爲壽  
臨當遊南陂約略執杯酒歸歟細微官惆悵心自咎

三

冬中餘雪在墟上春流駛風日暢懷抱山川好天氣  
彫胡先晨炊庖膾亦後至高情浪海岳浮生寄天地  
君子外簪纓埃塵良不啻所樂衡門中陶然忘其貴

四

高館臨澄波曠然蕩心目淡蕩動雲天玲瓏映墟曲  
鵲巢結空林雉雊響幽谷應接無閑暇徘徊以躑躅  
紆組上春堤側弁倚喬木弦望忽已晦後期州應錄

居處

卷百五

十五

別業

從岐王過楊氏別業應教

唐王維 盛

揚子談經所處一作淮王載酒過興闌啼鳥換坐久落  
花多逕轉迴銀燭林開散玉珂嚴城時未啓前路擁  
笙歌

浮舟過陳逸人別業

唐孟浩然 盛

水亭涼氣多閑棹晚來過澗影見藤竹潭香聞芰荷  
野童扶醉舞山鳥笑酣歌幽賞未云徧煙光奈夕何  
過吳張二子檀谿別業

唐孟浩然 盛

卜築依自然檀谿不更穿園林二友接水竹數家連  
直取南山對非關選地偏草堂時偃曝蘭世日周旋

外事情都遠中流性所便閑垂太公釣興發子猷船  
予亦幽棲者經過竊慕焉梅花殘臘日柳色半春天  
鳥泊隨陽鴈魚藏縮項鰯停杯問山簡何似習池邊

過汪氏別業

唐李白 盛

遊山誰可遊子明與浮丘疊嶺礙河漢連峯橫斗牛  
汪生面北阜池館清且幽我來感意氣挺然列珍羞  
掃石待歸月開池漲寒流酒酣益爽氣爲樂不知秋

蘇氏別業

唐祖詠 盛

別業居幽處到來生隱心南山當戶牖澧水映一作  
園林竹覆經冬雪庭昏未夕陰寥寥人境外閒坐聽

居處

卷百五

十六

別業

春禽

汝墳別業

唐祖詠 盛

失路農爲業移家到汝墳獨愁常廢卷多病久離羣  
鳥雀垂牕柳虹霓出澗雲山中無外事樵唱有時聞

裴尹東谿別業

唐李頎 盛

公才廊廟器官亞河南守別墅臨都門驚湍激前後  
舊交與羣從十日一攜手幅巾望寒山長嘯對高柳  
清歡信可尚散吏亦何有岸雪清城陰水光遶林首  
閑觀野人筏或飲川上酒幽雲淡徘徊白鷺飛左右  
庭竹垂卧內村煙隔南阜始知物外情簪紱同芻狗

潯陽陶氏別業

唐劉昫虛

陶家習先隱種柳長江邊朝夕潯陽郭白衣來幾年  
霽雲明孤嶺秋水澄寒天物象自清曠野情何綿聯  
蕭蕭丘中賞明宰非徒然願守黍稷稅歸耕東山田

同家兄題潯南王公別業

唐蔡希寂

好間知在家退跡何必深不出人境外蕭條江海心  
軒車自來往空名對清陰川浹將釣玉鄉亭期散金  
素暉射流瀨翠色綿森林曾爲詩書僻寧唯耕稼任  
吾兄許微尚枉道來相尋朝慶老萊服夕閑安道琴  
文章遙頌美寤寐增所欽既鬱蒼生望明時豈陸沈

居處

卷百一十

十七 別業

與羣公同遊元處士別業

唐岑參

郭南處士宅門外羅羣峰勝槩忽相引春華今正濃  
山廚竹裏爨野確藤間春對酒雲數片捲簾花萬重  
巖泉嗟到晚州縣欲歸慵草色帶朝雨灘聲兼夜鐘  
愛茲清俗慮何事老塵容况有林下約轉懷方外蹤

尋鞏縣南李處士別業

唐岑參

先生近南郭茅屋臨東川桑葉隱村戶蘆花映釣船  
有時著書暇盡日隱中眠且喜閭井近灌田同一泉

出青門往南山別業

唐薛據

舊居在南山夙駕自伊闕榛莽相蔽虧去爾漸超忽

散漫餘雪晴蒼茫冬月寒風吹長林白日原上沒  
懷抱曠莫伸相知阻胡越弱年好棲隱鍊藥在巖窟  
及此離垢紛興來亦因物末路期赤松斯言庶不伐

南谿別業

唐蔣冽

結宇依青嶂開軒對綠疇樹交花兩色谿合水同流  
竹徑春來掃蘭樽夜不收逍遙自得意鼓腹醉中遊  
過湖南羊處士別業

一作來處 唐劉長卿

杜門成白首湖上寄生涯秋草蕪一作開三徑寒塘獨  
一家鳥歸村落盡水向縣城斜自有東籬菊年年解

作花一作愛汝醒還醉東籬菊正花

居處

卷百一十

十八 別業

過鸚鵡洲王處士別業

唐劉長卿

白首此爲漁青山對結廬問人尋野笋留客饋家蔬  
古柳依沙發一作岸春苗帶雨鋤共憐芳杜色終日伴  
閑居

送鄭十二還廬山別業

唐劉長卿

潯陽數畝宅歸卧掩柴關谷口何人待一作門前秋  
草閑忘機賣藥罷無語杖藜還舊筵成寒竹空齋向  
暮山水流經舍下雲去到人間桂樹花應發因行寄  
一攀

碧澗別墅喜皇甫侍郎相訪 唐劉長卿

荒村帶返照落葉亂紛紛古路無行客寒山獨見君  
野橋經雨斷澗水向田分不為憐同病何人到白雲

太子李舍人城東別業

一作李祭酒別業  
視川林前帶雷岫

唐錢起

南山轉羣木昏曉擁山翠小澤近龍居清蒼常雨氣  
君家北原上千金賈勝事丹闕退朝迴白雲迎賞至  
新晴村落外處處煙景與片水明斷岸餘霞入古寺  
東臯指歸翼目盡有餘意

題樊川杜相公別業

唐錢起

居處

卷五十一

十九 別業

古樹生春蘚新荷卷落花聖恩加玉鉉安得卧青霞  
和人秋歸終南山別業

唐錢起

舊居三顧後晚節重幽尋野徑到門盡山牕連竹陰  
昔年鶯出谷今日鳳歸林物外凌雲操誰能繼此心

東郊別業

唐耿漳

東臯占薄田耕種過餘年護藥栽山刺澆蔬引竹泉  
晚雷期稔歲重霧報晴天若問幽人意思齊沮溺賢

題楊著作別業

唐耿漳

柳巷向陂斜回陽噪亂鷗農桑子雲業書籍蔡邕家  
暮葉初翻砌寒池轉露沙如何守儒行寂寞過年華

張舍人南谿別業

唐釋靈一

新田遶屋半春耕藜杖閑門引客行山翠自成微雨  
色谿花不隱亂泉聲漁家遣道堪留興公府懸知欲  
厭名入夜更宜明月滿雙童喚出解吹笙

題山中別業

唐李端

舊宅在山中閑門與寺通往來黃葉路交結白頭翁  
晚筭難成竹秋花不滿叢

埭橋舊業

唐白居易

別業埭城北拋來二十春改移新逕路變換舊村鄰  
有稅田疇薄無官弟姪貧田園何用問強半屬他人

居處

卷五十一

二十 別業

送夏侯校書歸華陰別墅

唐盧綸

山前白鶴村竹雪覆柴門候客定爲黍務農因燎原  
乳水懸暗井蓮石照晴軒賞酒鄰里睦曝衣場圃喧  
和太常李主簿秋中山下別墅卽事

唐盧綸

清秋未幾時宋玉已先知曠朗霞映竹澄明山滿池  
葦橋雙鷁赴收果衆猿隨韶樂方今奏雲林徒蔽虧

裴祭酒尚書見示春歸城南青松塢別墅寄王

左丞高侍郎之什命同作

唐劉禹錫

蚤宦閱人事曉懷生道機時從學省出獨望郊園歸

野豹度春水鶯花映巖扉石頭解金章林下步綠微  
青松鬱成塢脩竹盈尺圍吟風起天籟蔽日無炎威  
危徑盤羊腸連甍聳鸞飛幽谷響樵斧渾潭環釣磯  
因高見帝城冠蓋揚光輝白雪難持寄清韻投所希  
二公如長離比翼翔太微含情謝林壑酬贈駢珠璣  
顧予久卽潛愁寂對芳菲一聞丘中趣再撫黃金徽

遊韋七洞庭別業

唐孟郊中

洞庭如瀟湘疊翠蕩浮碧松桂無赤日風物饒清激  
逍遙展幽韻參差逗良覲道勝不知疲冥搜自無斂  
曠然青霞抱永矣白雲適壑峒非凡鄉蓬瀛在仙籍

居處

卷五十三

二

別業

無言從遠尚還思一作茲焉君子識波濤激古岸鏗鏘辨  
奇石靈響非外求殊音自中積一舉獨往姿再搖飛  
遁迹山深有變異意愜無驚惕采翠奪日月照耀迷  
旦夕松齋何用掃蘿院自然滌

送豆盧策歸別墅

唐孟郊中

短松鶴不巢高居雲始棲君今一作鳥瀟湘去意一作性  
與雲鶴齊力買奇險地手開清淺谿身披薜荔衣一作作  
山陟莓苔梯

酬王季友題半日村別業兼呈李明府

唐郎士元中

村映寒原日已斜煙生密竹早歸鴉長谿南路當羣  
岫半景東鄰照數家門通小徑連芳草馬飲春泉踏  
淺沙欲待主人林上月還思潘令縣中花

送田明府歸終南別業

唐韓翃中

故園此日多心賞隱下泉流竹外雲近館應逢沈道  
士比鄰自識卞田君離宮樹影登山見上苑鐘聲過  
雪聞相勸早依丹鳳闕不須常戀白鷗羣

訪姨兄渭口別業

唐鄭谷晚

枯桑河上村寥落舊田園少小曾來此悲涼不可言  
訪鄰多指塚問路半移原久歎家僅散初晴野薺繁

居處

卷五十三

二

別業

高枝霜果在幽渚暝禽喧達靄籠樵響微煙起燒痕  
哀榮孤族分感激外兄恩三宿忘歸去主峰恰對門

鏡中別業

唐方干晚

世人如不容吾自縱天慵落葉憑風掃香杭倩水春  
花朝連郭霧雪夜隔湖鐘身外能無事頭宜白此峰

許員外新陽別墅

唐方干晚

蘭汀摘島映亭臺不是經心卽手栽滿閣白雲隨雨  
去一池寒月逐潮來小松出屋和巢長新徑通村避  
笋開柳絮風前軟枕卧荷花香裏釣魚廻園中認葉  
分靈草簷下攀枝落野梅多謝郢中賢太守常時談

笑許趨陪

題鄭侍郎藍田別業

唐張喬晚

秋山清若水吟客靜於僧小徑通商嶺高懸見杜陵  
雲霞朝入境猿鳥夜窺燈一作前峰侶終來寄上層

與友人同懷江南別業

唐崔塗晚

因君話故國此夕信依依舊業臨秋水何人在釣磯  
浮名如縱得滄海亦終歸却是風塵裏如何更息機

遠歸別墅

唐李昌符晚

馬省曾行處連嘶渡晚河忽驚鄉樹出漸識路人多  
細徑穿禾黍頽垣壓薜蘿乍歸猶似客鄰叟亦相過

居處

卷五十五

三

別業

詩雋類函卷一百三十二

東吳俞安期彙纂 宣城梅鼎祚增定

星發江雲鵬訂校

居處部七

驛 旅舍 門 憲 附並附 陵 塔 墓 古冢 北邙 宿人劉並附

○驛

題大庾嶺北驛

唐宋之問初

陽月南飛鴈傳聞至此迴我行殊未已何日復歸來  
江靜潮初落林昏瘴不開明朝望鄉處應見隴頭梅

深渡驛

唐張說初

旅宿青山夜荒庭白露秋洞房懸月影高枕聽江流

居處

卷五十五

一

驛

猿聲寒巖樹螢飛古驛樓他鄉對搖落併覺起離憂

汴路水驛

唐王建中

晚泊水邊驛柳塘初起風蛙鳴蒲葉下魚入稻花中  
去舍已云遠問程猶向東近來多愁別不與少年同

善謔驛和劉夢得醉淳于先生

唐柳宗元中

水上鷁已去亭中鳥又鳴辭因使楚重名爲救齊成  
荒壠遽千古羽觴難再傾劉伶今日意異代是同聲

秋日送客至潛水驛

唐劉禹錫中

候吏立沙際田家連竹溪楓林社日鼓茅屋午時鷄



鵲噪晚禾地蝶飛秋草畦驛樓官樹近疲馬再三嘶

茅城驛

唐白居易中

汴河無景思秋月又淒淒地薄桑麻瘦村貧屋舍低  
早苗多間草澗水半和泥最是蕭條處茅城驛向西

馬嵬驛

唐溫庭筠晚

穆滿曾爲物外遊六龍經此暫淹留返魂無驗青煙滅  
埋血空生碧草愁香輦却歸長樂殿曉鐘還下景陽樓  
甘泉不復重相見誰道文成是故侯

馬嵬驛

唐于濬晚

常經馬嵬驛見說坡前客一從屠貴妃生女愁傾國  
居處

卷五十五

二

是日芙蓉花不如秋草色

題籌筆驛

唐殷潛之晚

江東矜割據鄴下奪孤嫠霸畧非匡漢宏圖欲佐誰  
奏書辭後主仗劍出全師重襲襄斜路懸開反正旗  
欲將苞有截必使舉無遺沈慮經謀際揮毫決勝時  
圍觚當分畫前箸比操持山秀扶英氣川流入妙思  
算成功在穀運去事終虧命屈天方厭人亡國自隨  
艱難推舊姓開創極初基總嘆曾過地寧探作教資  
若歸新曆數誰復顧衰危報德兼明道長留識者知

籌筆驛

唐李商隱

鯨鳥猶疑畏簡書風雲長爲護儲胥徒令上將揮神  
筆終見降王走傳車管樂有才真不忝關張無命欲  
何如他年錦里經祠廟梁父吟成恨有餘

望喜驛別嘉陵江水

唐李商隱晚

千里嘉陵江水色含煙帶月碧於藍今朝相送東流  
後猶自驅車更向南

將出關宿層峯驛却寄李諫議

唐杜牧晚

孤驛在重阻雲根掩柴扉數聲暮禽切萬壑秋意歸  
心馳碧泉間目斷青瑣闥明日武關外夢魂勞遠飛

居處

卷五十五

三

題嘉陵驛

唐張嶺晚

嘉陵路惡石和泥行到長亭日已西獨倚闌干正惆  
悵海棠花裏鷓鴣啼

○旅舍

北芒客舍詩

晉劉伶

決潁望舒隱馳驅玄夜陰寒鷄思天曙擁翅吹長音  
蚊蚋歸豐草枯葉散蕭林陳醴發悴顏色飲暢真心  
溫被終不曉斯嘆信難任何以除斯嘆付之與瑟琴  
長笛響中夕聞此消胸襟

晚憩南陽旅館

唐劉希夷初

旅館何年廢征夫此日過途窮人自哭春至鳥還歌  
行路新知少荒田古徑多池篁覆丹谷墳樹遶清波  
日照蓬陰轉風微野氣和傷心不可去回首怨如何

邯鄲客舍歌

唐岑參

客從長安來驅馬邯鄲道傷心叢臺下一旦生蔓草  
客舍門臨漳水邊垂楊下繫釣魚船邯鄲女兒夜沽  
酒對客挑燈誇數錢酪酊醉時月正午一曲狂歌爐  
上眠

楊固店

唐岑參

客舍梨葉赤隣家聞擣衣夜來嘗有夢墜淚綠思歸  
居處

卷五十五

四 旅舍

洛水行欲盡縱山看漸微長安秬千里何事信音稀  
七月三日在內學見有高道舉徵宿關西客舍

寄東山嚴許二山人

唐岑參

雲送關西雨風傳渭北秋孤燈然客夢寒杵擣鄉愁  
灘上思嚴子山中憶許由蒼生今有望飛詔下林丘

客居

唐杜甫

客居所居堂前江後山根下塹萬尋岸蒼苔鬱飛翻  
蔥青衆木梢邪豎維石痕子規晝夜啼壯士斂精魂  
峽開四千里水合數百源人虎相半居相傷終兩存  
冬夜題旅館

唐錢起

退飛憶林藪樂業美黎庶四海盡窮途一枝無宿處  
嚴冬北風急中夜哀鴻去孤燭思何深寒窗坐難曙  
勞歌待明發惆悵盈百慮

餘干旅舍

唐劉長卿

搖落暮天迴青楓霜葉稀孤城向水閉獨鳥背人飛  
渡口月初上隣家漁未歸鄉心正欲絕何處擣寒衣  
宿江店

唐張籍

野店臨西浦門前有橘花停燈待賈客賣酒與漁家  
夜靜秋江白路迴山月斜閑尋泊船處潮落見平沙  
羅江客舍

唐戎昱

居處

卷五十五

五 旅舍

山縣秋雲闇茅亭暮雨寒白傷庭葉下誰問客衣單  
有興時添酒一作開卷無聊賴整冠近來鄉國夢夜夜到  
長安

客舍喜友人相訪

唐賀蘭朋吉

荒居無四隣誰肯訪來頻古樹秋中葉他鄉病裏身  
鴈聲風送急螢影月流新獨爲成名晚多慙見友人  
客舍書情寄趙中丞

唐崔峒

東楚復西秦浮雲類此身關山勞策蹇僮僕慣投人  
孤客來千里全家託四隣生涯難自料中夜問情親  
客舍有懷因呈諸在事

唐崔峒

讀書常苦節待詔豈辭貧暮雪猶驅馬哺餐又寄人  
愁來占吉夢老去惜良辰延首平津閣家山日已春

郡中客舍

唐黃麟晚

蟲響亂啾啾更人正數籌魂歸洞庭夜霜卧洛陽秋  
微月有時隱長河到曉流起來還囑鴈鄉信有吳洲

通川客舍

唐鄭谷晚

奔走失前計淹留非本心已難消永夜况復聽秋霖  
漸解巴兒語誰憐越客吟黃花徒滿手白髮不勝簪

早秋客舍

唐杜牧晚

風吹一片葉萬物已驚秋獨夜他鄉淚年年為客愁

居處

卷百五十一  
六  
旅舍

別離何處盡搖落幾時休不及磻溪叟身閑長自由

懷州客舍

唐方干晚

誤飲單懷酒誰知滯去程朝昏太行色坐卧沁河聲  
白道穿秦甸嚴聲似戍城隣雞莫相促遊子自晨征

門

唐李嶠初

詠門

唐李嶠初

奕奕彤闈下煌煌紫禁隈阿房萬戶列閭闔九重開  
疎廣遺榮去于公待駟來詎知金馬側方朔有奇才

青門歌送東臺張判官

唐岑參盛

青門金鎖平旦開城頭日出使車回青門柳枝正堪

折路傍一口幾人別東出青門路不窮驛樓官樹灞  
陵東花撲征衣看似繡雲隨去馬色疑驄胡姬酒爐  
日未午絲繩玉缸酒如乳灞頭落花沒馬蹄昨夜微  
雨花成泥黃鸝翅濕飛屢低關東尺書醉嬾題須臾  
望君不可見楊鞭飛鞚疾於箭借問使乎何時來莫  
作東飛百勞西飛燕

賦得鼎門送盧耿赴任

唐韋應物中

名因定鼎地門對鑿龍山水北樓臺近城南車馬還  
稍開芳野靜欲掩暮鐘閑去此無嗟屈前賢尚抱關

新治北窻和何從事

齊謝朓

居處

卷百五十一  
七  
門

國小暇日多民淳紛務屏開牖期清曠開簾候風景  
泱泱日照溪團團雲去嶺岩崑蘭嶺峻駢闐石路整  
池北樹如浮竹外山猶影自來彌弦望及君臨箕頽  
清文蔚且詠微言超已領不見城壕側思君朝夕頃  
迴舟方在辰何以慰延頸

詠玉階

梁鮑子卿

玉階已夸麗復得臨紫微北戶接翠幄南路抵金扉  
重疊通日影參差藏月輝輕苔染珠履微激沸一作吹拂  
羅衣獨笑崑山曲空見青鳬飛

○陵

行經孫氏陵

梁何遜

昔在零陵厭神器若無依逐兔爭先捷倚鹿兢因機  
呼翕開伯道叱咤掩江畿豹變分奇畧虎視肅戎威  
長蛇魴巴漢驥馬絕淮淝交戰無內禦重門豈外扉  
成功舉已棄凶德愼而違水龍忽東驚青蓋乃西歸  
揭來已一作易永久年代暖微微苔石疑文字荆墳失  
是非山鶯空曙響隴月自秋暉銀海終無浪金鳬會  
不飛聞寂今如此望望沾人衣

幸秦始皇陵

唐中宗初

眷言君失德驪邑想秦餘政頌方改篆愚俗乃焚書  
居處

卷五十三

九陵

和黃門盧監望秦始皇陵

唐張九齡初

秦帝始求仙驪山何遽卜中年既無效茲地所宜復  
徒役如雷奔珍怪亦雲蓄黔首無寄命赭衣相馳逐  
人怨神亦怒身死宗遂覆土崩失天下龍關入函谷  
國爲項籍屠君同華元戮始掘既由楚終焚乃因牧  
上宰議揚賢中阿感恒速一聞過秦論載懷空杼軸  
過秦始皇陵

唐王維盛

古墓成蒼嶺幽宮象紫臺星辰七曜隔河漢九泉開  
有海人寧渡無春鴈不迴更聞松韻切疑是大夫哀

行次昭陵

昭陵唐太宗陵在醴泉縣之西天寶五載詔天下通一藝者詣京師公自

東都西歸應詔

唐杜甫盛

舊俗疲庸主羣雄問獨夫識歸龍鳳質威定虎狼都  
天屬尊堯典神功協禹謨風雲隨絕足日月繼高衢  
文物多師古朝廷半老儒直詞寧戮辱賢路不崎嶇  
往者災猶降蒼生喘未蘇指揮安率土盪滌撫洪鑪  
壯士悲陵邑幽人拜鼎湖玉衣晨自舉鐵馬汗長趨  
松柏瞻虛殿塵沙立暝途寂寥開國日流恨滿山隅  
重過昭陵

唐杜甫盛

草昧英雄起謳歌曆數歸風塵三尺劍社稷一戎衣  
居處

卷五十三

九陵

翼亮貞文德丕承戢武威聖圖天廣大宗祀日光輝  
陵寢盤空曲熊羆守翠微再窺松柏路還見五雲飛

橋陵詩

唐杜甫盛

先帝昔晏駕茲山朝百靈崇岡擁象設沃野開天庭  
卽事壯重險論功超五丁坡陀因厚地却畧羅峻屏  
雲闕虛冉冉風松肅泠泠石門霜露白玉殿莓苔青  
宮女曉知曙祠官朝見星空梁簇畫戟陰井敲銅瓶  
中使日夜繼惟王心不寧豈徒卹備享尚謂求無形  
孝理敦國政神凝推道經瑞芝產廟柱好鳥鳴巖扃  
高嶽前崔嵬洪河左滢滢金城著峻趾沙苑交廻汀

永與興區固川源分眇冥石然赤縣立臺榭爭岩壘

途經秦始皇陵

唐許渾

龍盤虎踞樹層層勢入浮雲亦是崩一種青山秋草裏路人唯拜漢文陵

始皇陵下作

唐曹鄴

千金買魚燈泉下照狐兔行人上陵過却弔扶蘇墓  
纍纍墳中物多於養生具若使山可移應將秦國去  
舜歿雖在前今猶未封樹

長陵

唐唐彥謙

長陵高闕此安劉附葬纍纍盡列侯豐上舊居無故  
居處

卷五十三

十一

里沛中原廟對荒丘耳聞英主提三尺眼見愚民盜  
一抔千載豎儒騎瘦馬渭濱斜日重迴頭

茂陵

唐李商隱

漢家天馬出蒲梢首藉榴花偏近郊內苑只知含鳳  
嘴屬車無復插雞翹玉桃偷得憐方朔金屋裝修一作  
成貯阿嬌誰料蘇卿老歸國茂陵松柏雨蕭蕭

豐陵行

唐韓愈

羽衛煌煌一百里曉出都門葬天子群臣雜沓馳後  
先官官穰穰來不已是時新秋七月初金神按節炎  
氣除清風飄飄輕雨洒偃蹇旂旒卷以舒逾梁下坂

殆故咽嶸嶸遂走玄宮間哭聲訇天百鳥噪幽坎書

閉空靈輿皇帝孝心深且遠資送禮備無贏餘設官

置衛鎖嬪妓供養朝夕象平居臣聞神道尚清淨三

代舊制存諸書墓藏廟祭不可亂欲言非職知何如

○墓

古冢北邙官人糾並附

暨陽墓詩

世說新語曰郭景純過江居于暨陽墓去水不盈百步時人以爲近水景

純曰將當爲陸今沙漲去墓數十里爲桑田其詩曰

北阜烈烈巨海混混壘壘三墳唯母與昆

諸人共遊周家墓柏下

晉陶潛

今日天氣佳清吹與鳴彈感彼柏下人安得不爲懽

居處

卷五十三

十一

清歌散新聲綠酒開芳顏未知明日事予襟良已殫

廬陵王墓下作

宋謝靈運

曉月發雲陽落日次朱方含悽泛廣川洒淚眺連岡

眷言懷君子沈痛切中腸道消結憤懣運開申悲涼

神期恒若存德音初不忘徂謝易永久松柏森已行

延州協心許楚老惜蘭芳解劍竟何及撫墳徒自傷

平生疑若人通蔽互相妨理感心情慟定非識所將

脆促良可哀天枉特兼常一隨往化滅安用空名揚

舉聲泣已漉長歎不成章

登山望雷居士精舍同沈右衛過劉先生墓下

作并序一作同贈王

齊竟陵王

沛國劉子珪學優未仕跡邇心遐履信體仁古之  
遺德潛升迅景滅賞淪輝言念芳猷式懷嗟述屬  
舍弟隨郡有示來篇彌續久要之情益深宿草之  
歎升望西山率爾爲答雖因事雷生實申悲劉子  
云爾劉子珪沛郡相人南史有傳

漢陵淹館蕪晉珍一作洙風缺五都聲論空三河文

義絕興禮邁前英談玄踰往哲明情日夜深微音歲  
時滅垣井總已平煙雲從容齋爾歎牛山悲我悼驚  
川逝

居處

卷五十五

十一

奉和竟陵王同沈右率經劉先生墓下

齊隨郡王

升堂子不謬問道予未窮如何辭白日千載隔音通  
山門一已絕長夜緬難終初松切暮鳥新楊催曉風  
榛關向蕪密泉途轉銷空

奉和竟陵王同沈右率過劉先生墓下

齊謝朓

嘉樹因枝條琢玉良可寶若人陵曲臺垂帷茂淵道  
善誘宗學原鳴鐘齊幽抱仁焉徂宛洛清徽夜何早  
歲晚結松陰平原亂秋草不有至言揚終滯西山老

奉和竟陵王經劉先生墓

齊虞炎

下帷聞昔儒窺園信且逸聚學從煙郊棲遁事環重  
戢景謝歸年稅駕空悠日庭露已沾衣松門向蕭瑟  
憫憫神念周依依惠言密

奉和竟陵王經劉先生墓下

梁沈約

表間欽逸軌軾墓禮貞覓化塗終眇默神理曖猶存  
塵經未輟輓高衡已委門日蕪子雲舍徒望董生園  
華陰無遺布楚席有靈樽玄泉倘能慰長夜且勿論  
奉和竟陵王經劉先生墓下

梁柳惲

西河寂高業北海望清塵音微誰與寄尚德在伊人

居處

卷五十五

十一

遺文重昭晰絕緒復紛綸露華白朝日蘭生無久春  
芳猷動淵思撫軾履高辰山風起寒木野雀亂秋榛  
壠草時易宿素軌邈難遵

經陳思王墓

梁庾肩吾

公子獨憂生丘壠擅餘名采樵枯樹盡犁田荒隧平  
寧追宴平樂詎想謁承明旦余來錫命兼言事結成  
飄飄河朔達颶颶風鳴鴈與雲俱陣沙將蓬共驚  
枯桑落古社寒鳥歸孤城隴水哀段曲漁陽慘鼓聲  
離家來遠客安得不傷情

聘齊經孟嘗君墓

陳陳昭



薛城觀舊跡征馬屢徘徊盛德今何在唯餘長夜臺  
蒼茫空壟路顚顛古松栽悲隨白楊起淚想雍門來  
泉戶無關吏鷄鳴誰爲開

過徐君墓

北周無名法師

延陵上國返枉道訪徐公歿生命忽異歡娛意不同  
始往卽山北聊踐平陵東徒解千金劍終恨九泉空  
日盡荒郊外煙生松柏中何言愁寂寞日暮白楊風  
春夕經行畱侯墓

隋盧思道

少小期黃石晚年遊赤松應成羽人去何忽掩高封  
疎蕪枕絕野邈迤帶斜峰墳荒隧草沒碑碎石苔濃

居處

卷百五

十四

墓

狙秦懷猛氣師漢挺柔容盛烈芳千祀深泉閉九重  
夕風吟宰樹遲光落下春遂令懷古客揮淚獨無蹤  
比干墓

唐徐彥伯

初

大位天下寶維賢國之鎮殷道微而在受辛篡頽胤  
山鳴鬼又哭地裂川亦震媒黷背佞諛度劉盡英雋  
孤臣帝叔父特進貞而順玉牀逾隔潔銅柱方欹歎  
奉國歷三朝觀竅明一瞬季代猶狂王蓄怒提白刃  
之子彌忠讜憤然更勇進撫膺誓隕感知死故不愜  
已矣竟剖心哲婦亦同殉驪龍暴雙骨太嶽摧孤仞  
周發次錡郊冤骸悲莫殞劍鋒勦遺孽報復一何迅

駐罕歌淑靈命徒封旅視自爾銜幽酷于嗟流駿問  
景一作丘墳被宿莽壇圯綠飛燐貞觀戒北征維皇念  
忠信荒墳護草木刻楠吹煨燼代遠恩更崇身頽名  
益振帝詞書樂一作石國饌羅芳潤偉哉烈士

圖奇英千古狗

弔比干墓

唐孟郊

中

日影不入地下埋冤魂有骨不爲土一作白骨應不化土  
作直木根今來過此鄉下馬弔此墳靜念君臣間有  
道誰敢論

過張平子墓

唐駱賓王

初

居處

卷百五

十五

墓

西鄂譚通理南州擅德音玉卮浮藻麗銅渾積思深  
忽懷今日昔非復昔時今日落豐碑暗風來古木吟  
唯歎窮泉下終鬱羨魚心

懷王墓

唐張說

初

咿嚶不可信以此敗懷王客歿曉關路返葬岐江陽  
啼狄抱山月飢孤獵野霜一聞懷沙事千載盡悲涼  
奉和聖製過王濬墓應制

唐張說

初

牛斗三分國龍驤一統年智高寧受制風急肯迴船  
有策擒吳皓一作無言讓范宣援孤因勢屈功重爲  
讒偏舊跡灰塵散沽墳故老傳百代逢明主何辭歟

道邊

奉和聖製過王濟墓應制

唐張九齡

漢王恩鉅鹿晉將弘農入蜀舉長算平吳成大功  
與渾雖不協歸皓實為雄孤續論千載流名感聖衷  
萬乘度荒隴一顧漂生風古節猶不棄今人爭效忠

王濟墓下作

唐李賀

人間無阿童猶唱水中龍白草侵煙死秋梨遶地紅  
古書平黑石神劍斷青銅耕勢思鱗起墳科馬鬣封  
菊花垂濕露棘逕臥乾蓬松柏心香澗南原幾夜風  
過樊妃墓鄧城西北有大古冢數十觀其封域多長楚時諸王而年代久遠不復可

居處

卷五十五

十六

識唯直西有樊妃冢因後人為植松柏故行路盡知之唐張九齡

蘋藻生南澗蕙蘭秀中林嘉名有所在芳氣無幽深  
楚子初逞志樊妃嘗獻箴能令更擇士非直罷從禽  
舊國昔湮滅先王亦莫尋唯傳賢媛麗猶結後人心  
牢落山川意蕭疎松柏陰破墻時直上荒徑或斜侵  
惠問終不絕風流獨至今千春思窈窕黃鳥復哀音

登九甲臺

是樊妃墓

唐張說

楚國所以霸樊姬有力焉不懷沈尹祿唯諸叔教賢  
萬化茫無在孤墳獨巋然北分陽臺陷南識郢城阡  
漠漠渚宮樹蒼蒼雲夢田登臺高形勝出訪古令名傳

自我來符守因君樹憲詩書將變俗締續忽彌年  
志闡三折後愁值二毛前佇立帝京路遙心寄此篇

過四皓墓

唐李白

我行至商洛幽獨訪神仙園綺復安在雲蘿尚宛然  
荒涼千古跡無沒四墳連伊昔鍊金鼎何言閉玉泉  
隴寒唯有月松古漸無煙木魅風號去山精雨嘯旋  
紫芝高詠罷青史舊名傳今日併如此哀哉信可憐

別房太尉墓

唐杜甫

他鄉復行役駐馬別孤墳近淚無乾土低空有斷雲  
對墓陪謝傳把劍覓徐君唯見林花落鸞啼送客聞

居處

卷五十五

十七

弔王將軍墓

唐常建

嫖姚北伐時深入強千里戰餘落日黃軍敗鼓聲死  
嘗聞漢飛將可奪單于壘今與山鬼隣殘兵哭遼水

昭君墓

唐常建

漢宮豈不死異域傷獨沒萬里馱黃金蛾眉為枯骨  
迴車夜出塞立馬皆不發共恨丹青人冢上哭明月

經漂母墓

唐劉長卿

昔賢懷一飯茲事已千秋古墓樵人識前朝楚水流  
渚蘋行客薦山木杜鵑愁春草茫茫綠王孫舊此遊  
漢陰弔崔員外墳

唐戎昱

遠別更有歸葉落望春暉所崩泉路人一去無還期  
荒墳遺漢陰墳樹啼子規存歿抱冤滯孤魂竟何依  
豈無骨肉親豈無深相知眼常不復問高名亦何爲  
相攜慟君罷春日空遲遲

題孝子陵

唐耿漳中

荒墳秋陌上霜露正霏霏松柏自成拱古廬長不歸  
浮埃積蓬鬢流血存麻衣何必曾參傳千年至行稀

蘇小小墓

唐李賀中

無物結同心煙花不堪翦草如茵松如蓋風爲棠水  
爲珮油壁車久相待冷翠燭勞光彩西陵下風吹雨

居處

卷五十三

十八

蘇小小墓

唐

萬木荒墳在悠然我獨尋寂寥紅粉盡冥漠黃泉深  
蔓草映寒水空郊暖夕陰風流有佳句吟眺一傷心

過京索先生墳

唐賈島中

京索先生三尺墳秋風漠漠吐寒雲從來有恨君多  
哭今日何人更哭君

過高將軍墓

唐白居易中

原上新墳委一身城中舊宅有何人妓堂賓閣無歸  
日野草山花又欲春門客空將感恩淚白楊風裏一

沾巾

過孔北海墓

唐溫庭筠

撫事如神遇臨風獨涕零墓平春草綠碑折古苔青  
珪玉埋英氣山河卒炳靈發言驚韓園搗翰動文星  
蘊策期于世持權欲反經激揚思壯志流落歎頽齡  
惡木人皆息貪泉我獨醒輪轅無匠石刀几有庖丁  
碌碌迷藏器規規守挈瓶憤客凌鼎鑊公議動朝廷  
故國將辭寵危邦竟緩刑鉅工磨白壁凡石礪青萍  
揭日昭東夏搏風滯北溟後塵遵軌轍前席詠儀形  
木秀當憂悴弦傷不底寧鸞鳳嬰雪刃狼虎犯雲屏  
蘭蕙遺荒址榛蕪蔽舊垆輾輾近沂水何事戀明庭

居處

卷五十三

十九

過陳琳墓

唐溫庭筠

曾於青史見遺文今日飄零過古墳詞客有靈應識  
我霸才無主始憐君石麟埋沒藏春草銅雀荒涼對  
暮雲莫怪臨風倍惆悵欲將書劍學從軍

經李白墓

唐項斯

夜郎歸未老醉死此江邊墓關官家禮詩殘樂府篇  
遊魂應到蜀小碣豈旌賢身沒猶何罪遺墳野火燃

途經李翰林墓

唐許渾

氣逸何人識才高舉世疑稱生狂善一作解賦陶令醉  
能詩碧水鱸魚怨青山鵬鳥悲至今孤塚在荆棘楚

江湄

經耒陽杜工部墓

唐羅隱

紫菊馨香覆楚醪  
黃君江畔雨蕭騷  
旅魂自是才相累  
閒骨何妨塚更高  
驢喪來空蹇蹶  
芝蘭衰後長蓬蒿  
屈原宋玉憐君處  
幾駕青螭緩轡陶

孟浩然墓

唐羅隱

數步荒榛接舊蹊  
寒江漠漠草萋萋  
鹿門黃土知多少  
恰到書生塚便低

姑蘇真娘墓

墓在虎丘西寺內

唐羅隱

春草荒墳墓萋萋  
向虎丘死猶嫌寂  
寞生宵不風流

居處

卷五十三

子

皎鏡山泉冷輕裾  
海霧秋還應伴西  
子香逕夜深遊

漢滕公石槨銘

以下古墓○博物志曰漢滕公侯嬰死公卿送葬至東都門外驛馬不行路地悲鳴即停馬蹄下得石槨其銘云云乃墓斯地謂之鴻冢

佳城鬱鬱三千年  
見白日吁嗟滕公居此室

古墓

原作古詩

漢無名氏

驅車上東門遙望郭北墓  
白楊何蕭蕭松柏夾廣路  
下有陳死人杳杳卽長暮  
潛寐黃泉下千載永不寤  
浩浩陰陽移年命如朝露  
人生忽如寄壽無金石固  
萬歲更相送賢聖莫能度  
服食求神仙多爲藥所誤  
不如飲美酒被服統與素

去者日以疎來者日以親  
出郭門直視但見丘與墳  
古墓犁爲田松柏摧爲薪  
白楊多悲風蕭蕭愁殺人  
思還故里閭欲歸道無因

塘邊見古塚

梁何遜

行路一孤墳路成墳  
欲毀空疑年代積不知  
陵谷徙幾逢

一作經

秋葉黃驟見春流滿  
金蠶不可織玉樹何時藥  
陌上驅馳人笑歌自侈靡  
今日非明日所念誰憐此

遊湖山悲古塚

梁虞騫

長林帶朝霧孤嶺枕江村  
疎松含白水密篠滿平原

居處

卷五十三

三

荒墳改凍葉低壠變年根  
西光長檣落促爾膝前樽

行經古墓

陳陰鏗

偃松將古墓年代理常深  
表柱應堪燭碑書欲有金  
迴墳由路毀荒隧受田侵  
霏霏野霧合昏昏隴日沈

懸劍今何在風楊空自吟

過漢南城歎古墳

唐張說

舊國多陵墓荒涼無歲年  
洶湧蔽平岡汨若波濤連  
上世千金子潛臥九重泉  
松柏翦無餘碑記滅罔傳  
塋於不毛地咸謂楚先賢  
事盡情可識使人心悵然

路傍墓

唐耿漳

石馬雙雙當古樹不知何代公侯墓墓前靡靡春草  
深唯有行人看碑路

古塚

唐曹松 晚

代遠已難問疊疊次古城民田侵不盡客路踏還平  
作穴蛇分蟄依岡鹿繞行唯應風雨夕鬼火出林明

弔萬人塚

唐張蟾 晚

兵罷淮邊客路通亂鴉來去噪寒空可憐白骨攢孤  
塚盡爲將軍覓戰功

印山

唐沈佺期 初

北印山上列墳塋萬古千秋對洛城城中日夕歌鐘

居處

卷五十五

二十一 墓

起山上唯聞松柏聲

北印山

唐王建 中

北印山頭少閒土盡是洛陽人舊墓舊墓一作洛陽人家  
歸墓多堆著黃金無買處天涯悠悠墓日促峒坂崎

嶇不停轂高張素幙繞銘旌夜唱挽歌山下宿洛陽

城北復城東魂車祖馬長相逢車轍廣若長安路蒿

草少於松柏樹澗底盤陀一作山頭澗底石漸稀盡向墳前

作草虎誰家古石一作碑文字滅後人重取書年月朝

朝車馬送墓迴還起大宅與高臺

北印行

唐張籍 中

洛陽北門北印道喪車麟麟入秋草車前齊唱薤露

歌高墳新起日我我朝朝暮暮人送葬洛陽城中人

更多千金立碑高百尺終作誰家柱下石山頭松柏

半無主地下白骨多於土寒食家家送紙錢烏鳶作

窠衙上樹人居朝市未解愁請君暫向北印遊

宮人斜

唐竇華 中

離宮路遠北原斜生死恩深不到家雲雨今歸何處  
去黃鸝飛上野棠花

宮人斜

唐陸龜蒙 晚

草樹愁煙似不春晚鷺哀怨問行人須知一種埋香

居處

卷五十五

二十三 墓

骨猶勝昭君作虜塵

宮人斜

唐來鵠 晚

幾多紅粉委黃泥野鳥如歌又似啼應有春魂爲化

燕年來飛入未央棲

○葬塔

送考功武員外學士使嵩山署舍利塔

唐沈佺期 初

懷玉泉戀仁者寂滅真心不可見空留影塔高巖下

寶王四海轉千輪企雲百粒送分身山中二月娑羅

會虛唄遙遙愁思人我念過去微塵劫與子禪門同

正法雖在神仙蘭省間常持清淨蓮花葉來亦好去  
亦好了觀車行馬不移當見菩提離煩惱

書香能和尚塔

唐張說初

太師捐世去空餘法力在遠寄無礙香心隨到南海

香積寺禮拜萬廻平等二聖僧塔

唐王昌齡盛

真無御化來借有乘化歸如彼雙塔內孰能知是非  
愚也駭蒼生聖哉爲帝師當爲時世出不由天地資  
萬廻至此方平等性無違今我一禮心億劫同不移  
肅肅松柏下諸天來有時

居處

卷五十五

五

唐王昌齡盛

素上人影塔

唐王昌齡盛

物化同枯木希夷明月珠本來生滅盡何者是虛無  
一坐看如故千齡獨向隅至人非別有方外不應殊

宿大通和尚塔敬贈如闍黎廣心長孫錡二山人

人

唐薛據盛

支公已寂滅塔影山上古更有真僧來道場救諸苦  
一承微妙法寓宿清淨土身心能自新色相了無取  
森森松映月漠漠雲近戶嶺外飛電明夜來前山雨  
燃燈見棲鶴作禮聞信鼓曉霽南軒開秋華淨天宇  
願言常出世謝爾及中甫

詩集類函卷一百三十二

詩集類函卷一百三十三

東吳俞安期彙纂宣城梅鼎祚增定

白下王元耀訂校

居處部八

寺總載金陵諸寺秦中諸寺

○寺總載

登禪岡寺望和虞記室

梁何遜

南望南郭門拱樹梢雲密北窻北溱一作道重樓霧  
中出接樹隱高蟬交枝承落日光陰不可捨懷抱何  
由悉

春日從將軍遊山寺

陳何處士

居處

卷五十五

寺總載

蘭庭厭俗賞奈苑矚年華始入香山路仍逢火宅車  
慈門數片葉道樹一林花雖悟危藤鼠終悲在篋蛇  
和崔侍中從經山寺北齊蕭慤

鈎陳夜警微河漢曉參一作橫游騎騰文馬前驅轉

翠旌野禽喧曙色山樹動秋聲雲表金輪見巖端畫

棋明塔疑從地涌蓋似積香成泉高下溜急松古上

枝平儀台多壯思麗藻蔚緣情自嗤非照乘何以繼

連城

雲居寺高頂

北周王褒

中峯雲已合絕頂日猶晴色居隨望近風煙對眼生



展敬上鳳林寺

隋薛道衡

淨土連幽谷寶塔對危峯林栖丹穴鳳地通白沙龍  
獨巖樹迢迢出複道閣相重洞開朝霧斂石濕曉雲濃  
高篠低雲蓋風枝響和鐘簷陰翻細柳澗影落長松  
珠柱浮明月蓮座吐芙蓉隱淪徒有意心迹未相從

從駕經大慈照寺

北齊時作

隋盧思道

玄風冠東戶內範軼西陵大川開寶匣福地下金繩  
繡栢高可映畫棋疊相承日馭非難假雲師本易憑  
陽室疑停燧陰軒類鑿冰迴題飛星沒長楸宿露凝  
旌門曙光轉輦道夕雲蒸山祇効靈物水若薦休徵

居處

卷重圭

二

寺總載

薄命叨恩紀微軀竊自陵優游徒可恃周賚永難勝  
登白馬山護明寺

隋孔德紹

名岳標形勝危峯遠鬱紆成象建環極大壯闢規模  
層臺聳靈鷲高殿通陽鳥暫同遊闔苑還類入仙都  
三休開碧題一作嶺萬戶洞金鋪攝心聲前禮訪道挹  
中衢遙瞻盡地軸長望極天隅白雲起梁棟丹霞映  
拱檻露花疑濯錦泉月似沈珠今日桃源客相顧失  
歸塗

遊梵宇三學寺

唐王勃

杏閣披青磴瑤臺控紫岑葉齊山路狹花積野壇深

羅幌棲禪影松門聽梵音遠欣陪妙躅延賞滌煩襟

觀佛跡寺

唐王勃

蓮座神容儼松崖聖蹟餘年長金跡淺地久石文疎  
頽華臨曲磴傾影赴前除共嗟陵谷遠俄視化城虛

石鏡寺

唐盧照隣

古墓芙蓉塔神銘松柏煙鸞深仙鏡底花沒梵輪前  
銖衣千古佛寶月兩重圓隱隱香臺夜鐘聲徹九天  
和王記室從趙王春日遊陁山寺

唐駱賓王

鳥旛陪訪道鸞嶺洽棲真四禪明靜業三空廣勝因

居處

卷重圭

三

寺總載

祥河疎疊澗惠日皎重輪葉暗龍宮密花明鹿苑春  
彫談筌奧旨妙辨漱玄津雅曲終難和徒自奏巴人  
奉和馬常侍寺中之作

唐蘇頌

怨暑時云謝愆陽澤暫偏鼎陳從祀日鑰動問刑年  
絳服龍雲寢玄冠馬使旋作霖期傳說為早聽周宣  
河嶽陰符啓星辰暗檄傳浮涼吹景氣飛動灑空煙  
颯颯將秋近沈沈與暝連分湍涇水石合潁雍州田  
德施超三五文雄賦十千及斯何以樂明主敬人天

遊韶州廣界寺

唐宋之問

影殿臨丹壑香臺隱翠霞巢飛金象鳥砌踏雨空花

寶鐸搖初霽金池映晚沙莫愁歸路遠門外有三車

謫南海過韶州廣界寺

一作遊始興廣界寺山房

唐房融

初

零落嗟殘命蕭條托勝因方燒三界火遽洗六情塵  
隔嶺天花發凌空月殿新誰憐鄉國思終此學分身  
宿清遠峽山寺

唐宋之間

初

香岫懸金刹飛泉界石門空山唯習靜中夜寂無喧  
說法初聞鳥看心欲定猿寥寥隔塵市何異武陵源

清遠江峽山寺

唐張說

初

流落經荒外逍遙此梵宮雪峯吐日月石壁淡煙虹

居處

卷五十五

四

寺總載

寶塔靈仙湧懸龕造化功天香涵竹氣虛唄引松風  
簷牖飛花入房廊激水通後鳴知谷靜魚戲辨江空  
靜默將何貴所貴心鏡同

遊化感寺

唐王維

盛

翡翠香煙合琉璃寶地平龍宮連棟宇虎穴傍簷楹  
谷靜惟松響山深無鳥聲瓊峯當戶拆金澗透林鳴  
郢路雲端迴秦川雨外晴鴈王銜果獻鹿女踏花行  
抖擻辭貧里歸依宿化城繞籬生野蕨空館發山櫻  
香飯青菰米嘉蔬綠芋羹誓陪清梵末瑞坐學無生

過香積寺

唐王維

盛

不知香積寺數里入雲峯古木無人逕深山何處鐘  
泉聲咽危石日色冷青松薄暮空潭曲安禪制毒龍

登辨覺寺

唐王維

盛

竹逕從初地蓮峯出化城窻中三楚盡林上九江平  
軟草承趺坐長松響梵聲空居法雲外觀世得無生  
和宋中丞夏日遊福賢觀天長寺卽陳左相宅

所施之作

唐王維

盛

已相殷王國空餘尚父溪釣磯開月殿築道出雲梯  
積水浮香象深山鳴白鷄虛空陳妓樂衣服製虹霓  
墨點三千界丹飛六一泥桃源勿遽返再訪恐君迷

居處

卷五十五

五

寺總載

遊景光寺

唐孟浩然

盛

龍象經行處山腰度石關屢迷青嶂合時愛綠蘿閒  
宴息花林下高譚竹嶼間寥寥隔塵事疑是入鷄山

同羣公題中山寺

唐高適

盛

平原十里外稍稍雲巖深遂及清淨所都無人世心  
名僧既禮謁高閣復登臨石壁倚松徑山田多栗林  
超遙盡巖嶽偈側仍嘯歎吾欲休世事於焉聊自任

登涼州尹臺寺

唐岑參

盛

胡地三月半梨花今始開因從老僧飯更上夫人臺  
清唱雲不去彈絃風颯來應須一倒載還似山公回

宿龍興寺

唐李好潛盛

香刹夜忘歸松清古殿扉燈明方丈室珠繫比丘衣  
白日傳心淨青蓮喻法微天花落不盡處處鳥銜飛

題石宿寺

唐宋昱盛

梵宇開金地香龕鑿鐵圍影中羣象動空裏衆禽飛  
簾牖籠朱旭房廊挹翠微瑞蓮生佛步瑤樹挂天衣  
邀福功雖在興兵伐久非誰知雲朔外更覩化胡歸

同諸公遊雲公禪寺

唐張謂盛

共許尋鷄足誰能惜馬蹄長空淨雲雨斜日半虹霓  
簷下千峯轉窻前萬木低看花尋徑遠聽鳥入林迷

居處

卷五十五

六一 寺總數

地與喧聞隔人將物我齊不知樵客意何事武陵溪

山寺

原作春山歸  
山寄孟浩然

唐李白盛

朱紱遺塵境青山謁梵筵金繩開覺路寶筏度迷川  
嶺樹攢飛棋巖花覆谷泉塔形標海日樓勢出江煙  
香氣三天下鐘聲萬壑連荷秋珠已滿松密蓋初圓  
鳥聚疑聞法龍參若護禪愧非流水韻叨入伯牙絃

山寺

唐杜甫盛

野寺殘僧少山圍細路高麝香眠石竹鸚鵡啄金桃  
亂水通人過懸崖置屋牢上方重閣晚百里見纖毫

法鏡寺

唐杜甫盛

身危適他州勉強終勞苦神傷山行深愁破崖寺古  
嬋娟碧蘚淨蕭瑟寒籟聚洄洄山根水冉冉松上雨  
洩雲蒙清晨初日翳復吐朱甍半光烟戶牖粲可數  
往策忘前期出蘿已亭午冥冥子規叫微徑不復取  
和裴迪登新津寺寄王侍郎 唐杜甫盛  
何恨倚山木吟詩秋葉黃蟬聲集古寺鳥影度寒塘  
風物悲遊子登臨憶侍郎老夫貪佛日隨意宿僧房  
奉陪蕭使君入鮑達洞尋靈山寺 唐劉長卿中

山居秋更鮮秋江相映碧獨臨滄洲路如待挂帆客  
居處 卷五十五 七一 寺總數

遂使康樂侯披榛著雙屐入雲開嶺道永日尋泉脉  
古寺隱青冥空中寒磬夕蒼苔絕行徑飛鳥無去跡  
樹杪下歸人水聲過幽石任情趣逾遠移步奇屢易  
羅木靜蒙蒙風煙深寂寂徘徊未能去畏共桃源隔  
遊休禪師雙峯寺 唐劉長卿中

雙扉碧峯際遙向夕陽開飛錫方獨往孤雲何事來  
夜宿靈臺寺寄邱士元 唐錢起中

西日橫山含碧空東方吐月滿禪宮朝瞻雙頂青冥  
上夜宿諸天色界中石潭倒獻蓮花水塔院空聞松  
栢風萬里故人能尚爾知君視聽我心同

東城初陷與薛員外王補闕投南山佛寺

唐錢起中

日晃石門裏松聲山寺寒香雲空靜影定水無驚  
洗足解塵纓忽覺天形寬清鐘揚虛谷微月深重  
憶我朝露世翻浮波與瀾行運遘憂患何終親盤桓  
庶將鏡中象盡作無生觀

宿萬固寺因寄嚴補闕

唐耿漳中

曉隨樵客到青冥因禮山僧宿化城鐘梵已休初入  
定有無皆離本難名雲開半夜千林靜月上中峯萬  
壑明爲報故人雷處士塵心終日自勞生

居處

卷五十五

八

寺總載

題山寺

唐楊衡中

千峯白露後雪壁挂殘燈曙色海邊月經聲松下僧  
意閒門不閉年去水空澄稽首如何問森羅盡一乘

送桃巖成上人歸本寺

唐嚴維中

長老歸緣起桃花憶舊巖清晨雲抱石深夜月籠杉  
道具門人捧齋糧谷鳥銜餘生願依止文字欲三緘

遊瑯琊山寺

唐韋應物中

受命恤人隱茲遊久未遑鳴騶響幽澗前旌耀崇岡  
青冥苦砌寒綠縹草木香填壑躋花界疊石構雪房  
經製隨巖轉綠繞豈定方新泉泄陰壁高羅陰綠塘

攀林一棲止飲水得清涼物累誠可遣疲忙終未忘  
還歸坐郡閣但見山蒼蒼

同元錫題瑯琊寺

唐韋應物中

適從郡邑喧又茲三伏熱山中清景多石罅寒泉漱  
花香天界事松竹人間別殿分嵐嶺明磴臨懸壑絕  
昏旭窮陟降幽顯盡披閱欽駭風雨區寒知龍蛇穴  
情虛淡泊生境寂塵妄滅經世豈非道無爲厭車轍

七泉寺上方

唐王建中

長年好名山本性今得從迴看塵跡遙稍見麋鹿蹤  
老僧雲中居石門青重重陰泉養成龜古壁飛却龍

居處

卷五十五

九

寺總載

掃石禮新經懸幡上高峯日夕猿鳥合覓食聽山鐘  
將火尋遠泉煮茶傍寒松晚隨收藥人便宿南澗中

陪杜侍御遊湘西兩寺

唐韓愈中

長沙千里平勝地猶在險況當江濶處斗起勢匪漸  
深林高玲瓏青山上琬琰路窮臺殿闢佛事煥且儼  
剖竹走泉源開廊架崖广

大雲寺二十韻

唐元稹中

地勝宜臺殿山晴離垢氛現身千佛國護法四王軍  
碧耀高樓瓦頽飛半壁文鶴林繁古道馬塔沒歸雲  
幡影中天颺鐘聲下界聞攀蘿極峯頂游目到江濱

馴鵠閒依綴調緩靜守羣虎行風捷獵龍睡氣氛  
獲稻禪衣卷燒畬却火焚新英蜂採掇荒草象耕耘  
鉢付靈童洗香教善女薰果枝低晉晉花雨澤雰雰  
示化維摩疾降魔力士勲聽經神變見說偈鳥紛紜  
上境光猶在深谿暗不分竹籠煙欲暝松帶日餘曛  
眞諦誠知別迷心尚有云多生沈五蘊宿習樂三墳  
喻鹿車雖設如蠶緒正棼且將平等義還奉聖明君

秋日與諸公文會天口寺

唐嚴維中

相訪從吾道因緣會爾時龍盤餘帝宅花界古人祠  
明月虛空色青林大小枝還將經濟學來問道安師

居處

卷五十三

十一

遊瀑泉寺

唐于鵠中

日斜尋未遍古木寺高低粉壁猶遮嶺朱樓尚隔溪  
厨窻通澗鼠殿脊立山鷄更有無人處明朝獨向西

柏林寺南望

唐郎士元中

溪上遙聞精舍鐘泊舟微徑度深松青山霽後雲猶  
在畫出東南四五峯

遊石澗寺

唐朱放中

聞道幽深石澗寺不逢流水亦難知莫道山僧無伴  
侶獼猴長在古松枝

題奉國寺

唐陸海

新秋夜何爽露下風轉淒一聲竹窗外千燈花塔西  
題邢州開元寺

唐鍾離權

山寺

唐杜牧晚

峭壁引行徑截溪開石門泉飛濺虛檻雲起漲河軒  
隔水看來路疎離見定緩未閒難久住歸去復何言

恩德寺

唐許渾晚

樓臺橫復重猶有半巖空蘿洞淺深水竹廊高下風  
晴山疎雨後秋樹斷雲中未盡平生意孤帆又向東

居處

卷五十三

十二

鬱林寺

唐許渾晚

臺殿冠峯數春來日日過水分諸院少雲近上方多  
衆竈凝絲竹繁英耀綺羅酒酣詩自逸乘月棹寒波

題絕島山寺

唐崔塗晚

絕島跨危欄登臨到此難夕陽高鳥過疎雨一鐘殘  
駭浪搖空濶靈山厭渺漫那堪更回首鄉樹隔雲端

遊上方石窟寺

唐劉滄晚

若徑繁迴景漸分條然空界靜埃氛一聲疎磬過寒  
水半壁危樓隱白雲雪下石龕僧在定日西山木鳥

成羣幾來吟嘯立朱檻風送天香處處聞

宿松門寺

唐溫庭筠晚

白石青崖世界分捲簾孤坐對氤氲林間禪室春深  
雪潭上龍堂夜半雲落月蒼涼登閣在曉鐘搖蕩隔  
江聞西山舊是經行地願救寒瓶遂領軍

雨後遊南門寺

唐劉滄晚

郭南山寺雨初晴上界尋僧竹裏行半壁樓臺秋  
過一川煙水夕陽平苔封石室雲含潤露滴松枝鶴  
有聲木葉蕭蕭動歸思西風畫角漢東城

封禪寺居

唐羅隱晚

盛禮何由覩嘉名偶寄居周南太史淚蠻徼長卿書  
居處

卷五十五

十三寺總賦

砌竹搖風直庭花泣露疎誰能賦秋興千里隔吾廬  
遊巴陵空寺以下廢寺

陳陰鏗

日宮朝絕磬月殿夕無扉網交雙樹葉輪斷七燈輝  
香盡奩猶馥幡塵畫漸微借問將何見風氣動天衣

山寺

唐杜甫盛

野寺根石壁諸龕遍崔嵬前佛不復辨自身一莓苔  
唯有古殿存世尊多塵埃如聞龍象泣足令信者哀

過慶寶寺

唐司空曙中

黃葉前朝寺無僧寒殿開池晴龜出曝松暝鶴飛回  
古井碑橫草陰廊畫雜苔禪宮亦銷歇塵世轉堪哀

池州廢林泉寺

唐杜牧晚

廢寺碧溪上頽垣倚亂峯看樓歸樹鳥猶想過山鐘  
○金陵諸寺

遊鍾山大愛敬寺

梁武帝

曰予受塵縛未得留益纏三有同永夜六道等長眠  
才性之方便智力非善權生住無停相利那即徂遷  
歎逝比悠稔交臂乃蒼年從流既難返弱喪謂不然  
二苦常追隨三毒自燒然貪癡養憂畏一作熱惱生  
焦煎道心理歸終信首故宜先駕言追善友回輿尋  
勝緣面勢周大地縈帶極長川稜層疊嶂遠迤邐墜  
居處

卷五十五

十三金陵諸寺

道懸朝日照花林光風起香山飛鳥發差池出雲去  
連綿落英紛綺色墜露散珠圓當道蘭靡靡臨階竹  
嫋嫋幽谷響嚶嚶石瀨鳴濺濺蘿短未中攬葛嫩不  
任牽攀緣傍玉澗蹇陟度金泉長途弘翠微香樓間  
紫煙慧居超七淨梵住踰八禪始得展身敬方乃遂  
心虔善提聖種子一作良福田正趣果上果歸  
依天中天一道長死生有無離二邊何待空同右豈  
美汾陽前以我初覺意貽爾後來賢

和武帝遊鍾山大愛敬寺

梁昭明太子

唐遊薄汾水周載集瑤池豈若欽明后廻鸞驚嶺岐



神心鑒無相仁化育有爲以茲慧日照復見法雨垂  
萬邦躋仁壽兆庶滌塵羈望雲雖可識日用豈能知  
鴻名冠子姒德澤邁軒義斑斑仁獸集匹匹翔鳳儀  
善遊茲勝地茲岳信靈奇嘉木互紛紜峯巒蔽虧  
丹藤繞垂輪綠竹蔭清池舒華匝長阪好鳥鳴喬枝  
霏霏慶雲動靡靡祥風吹谷虛流風管野綠映丹麾  
帷宮設屢外帳殿臨郊垂俯同南風作斯文良在斯  
伊臣限監國卽事阻陪隨顧惟實庸菲冲薄竟奚施  
至理徒興美終然煩管窺上聖良善誘下愚慚不移

明慶寺

陳江總

居處

卷百三

十四

金陵諸寺

十五詩書日六十軒冕年名山極歷覽勝地殊留連  
幽厓聳絕壁洞穴瀉飛泉金河知證果石室乃安禪  
夜梵聞三界朝香徹九天山階步皎月澗戶聽涼蟬  
市朝霑草露淮海作桑田何言望鍾嶺更復切秦川  
同吏中庶肩吾周處士弘讓遊明慶寺

陳沈炯

鷺嶺三層塔菴園一講堂馴鳥逐飯磬狎獸繞禪牀  
撻菊山無酒燃松夜有香幸得同高勝於此瑩心王

遊明慶寺悵然懷古

廣弘明集云陳姚察遇見  
蕭祭酒善明慶寺禪房詩

覽之愴然懷此寺  
仍用蕭韻

陳姚察

地靈居五淨山幽寂四禪月宮臨鏡石花讚繞峯蓮  
霞暉間旖旎雲氣合爐煙迴松高偃蓋水瀑細分泉  
含風萬籟響露露百花鮮宿昔尋真起結友亟留連  
山庭出蘿扉潤沚濯潺湲因斯事熏習便得息攀緣  
何言遂雲雨懷此悵悠然徒有南登望曾逐東流旋

明慶寺石壁

北周王褒

夏水懸臺際秋泉帶雨餘石生銘字長山久谷神虛  
遊鍾山開善寺

陳徐伯陽

聊追鄴城友躡步出蘭宮法侶殊人世天花異俗中  
鳥聲不測處松吟未覺風此時超愛網還復洗塵蒙

居處

卷百三

十五

金陵諸寺

開善寺

陳陰鏗

鷺嶺春光遍王城野望通登臨情不極蕭散趣無窮  
鶯隨入戶樹花逐下山風棟裡歸雲白窻外落暉紅  
古石何年臥枯樹幾春空淹留昔未及幽桂在芳叢  
同羣公宿開善寺贈陳十六所居

唐高適

駕車出入境避暑投僧家徘徊龍象側始見香林花  
讀書不及經飲酒不勝茶知君悟此道所未披袈裟  
談空忘外物持戒破諸邪則是無心地相看唯月華

蔣山開善寺

唐李嘉祐

山殿秋雲裏香煙出翠微客尋朝磬至僧背夕陽歸

下界千門在前朝萬事非看心兼送目霞葵自依依

鍾山寺避暑勉二三子

唐李建勳

樓臺雖少景何深滿地青苔勝布金松影晚留僧共  
坐水聲閒與客同尋清涼會擬歸蓮社沈酒終須棄  
竹林長愛寄吟經案上石窻秋霽向千岑

謁方山靈巖寺

隋煬帝

梵宮既隱隱靈岫亦沈沈平郊送晚日高峯落遠陰  
迴旛飛曙嶺疎鐘響晝林蟬鳴秋氣近泉吐石溪深  
抗迹禪枝地發念菩提心

居處

卷五十五

十六

金陵諸寺

奉和方山靈巖寺應教

隋諸葛穎

名山鎮江海梵宇駕風煙畫拱臨松蓋鑿牖對峯蓮  
雷出階基下雲歸梁棟前靈光辨晝夜輕衣數劫年  
一陪香作食長用福爲田

往虎窟山寺

虎窟寺卽樓霞寺

梁簡文帝

塵中喧慮積物外衆情捐茲地信爽增墟壘暖阡綿  
藹藹車徒邁飄飄旌旆懸細松斜遶逕峻嶺半藏天  
古樹無枝葉荒郊多野煙分花山黃鳥挂石下新泉  
蒼鬱均雙樹清虛類八禪栖神紫臺上縱意白雲邊  
徒然嗟小藥何由齊大年

奉和往虎窟山寺

梁陸罩

鷄鳴動曉駕奈苑瞻晨遊朱鑣陵九達青蓋出層樓  
歲華滿芳岫虹彩被春洲葆吹臨風遠旌羽映九旒  
喬枝隱脩逕曲澗聚輕流徘徊花草合瀏亮鳥聲遒  
金盤響清楚漏塔應鳴桴慧雲方靡靡法水正悠悠  
實歸徒荷教信解愧難酬

奉和往虎窟山寺

梁鮑至

神心瞻物序訪道絕塵囂林疎葢影出風去管聲遙  
息徒依勝境稅駕止山椒年還節已仲野綠氣方韶  
短葉生喬樹疎花發早條遠峯帶雲沒流煙雜雨飄

居處

卷五十五

十七

金陵

復茲承乏者須名厠未僚願藉連河澗庶影慧燈昭  
一知衣內寶方慚一作悲茲地遼

奉和往虎窟山寺

梁王臺卿

我王宗勝道駕言從所之輜軒轉朱轂驪馬躍青絲  
清渠影高蓋遊樹拂行旗賓徒紛雜杳景物共依遲  
飛梁通澗道架宇接山基叢花臨迴砌分流遶曲墀  
誰言非勝境雲山獨在茲塵情良易著道性故難縈  
承恩奉教義方當弘受持

奉和往虎窟山寺

梁王罔

美境多勝迹道場實茲地造化本靈奇人功兼製置

房廊相映屬堦閣並殊異高明留層賞清淨穆神思  
豫遊窮嶺歷藉此方春至野花奪人眼山鶯紛可喜  
風景共鮮華水石相輝媚法像無塵染真僧絕名利  
陪遊既伏心聞道方刻意

奉和往虎窟山寺

梁孔暕

聖情想區外脂駕出西南前驅聞鳳管後乘躍龍驂  
爰遊非逸豫幽谷有靈龕兼覲息心者宴坐臨清潭  
禪食寧須稼雲衣不待蠶蘋荇緣澗壑蘿葛蔓松楠  
鶯林響初囀春畦藥欲含感心隨教遣法味與恩覃  
庶憑八解力永滅六塵貪

居處

卷五十五

十八

金陵諸寺

同江僕射遊攝山棲霞寺

陳後主

時宰礚溪心非關狎竹林鶯嶽青松繞鷄峯白日沈  
天迴浮雲細山空明月深摧殘枯樹影零落古藤陰  
霜村一作夜鳥去風路一作露寒猿吟自悲堪出俗詎  
是欲一作抽簪

入攝山棲霞寺并序

陳江總

壬寅年十月十八日入攝山棲霞寺登岸極峭頗  
暢懷抱至德元年癸卯十月二十六日又再遊此  
寺慧布法師施菩薩戒甲辰年十月二十五日奉  
送金像還山限以時務不得恣情淹留乙巳年十

一月十六日更獲拜禮仍停山中宿永夜留連棲  
神悚聽但交臂不停新指俄謝率製此篇以記即  
目俾後來賞者知余山志

淨心抱冰雪暮齒逼桑榆太息波川迅悲哉人世拘  
歲華皆採獲冬晚共嚴枯濯流濟八水開襟入四衢  
茲山靈妙合當與天地俱石瀨乍深淺崖煙遞有無  
缺碑橫古隧盤木臥荒塗行行備履歷步步麟一作  
威紆高僧迹共遠勝地心相符樵隱各有得丹青獨  
不渝僧猶有明詮二師居士明遺風佇芳桂北德喻  
生芻寄言長往客悽然傷鄙夫

居處

卷五十五

十九

金陵諸寺

遊攝山棲霞寺并序

陳江總

禎明元年太歲丁未四月十九日癸亥入攝山展  
慧布法師憶謝靈運集還故山入石壁中尋壘隆  
道人有詩一首十一韻今此拙作仍學康樂之體  
霖霖時雨霽清和孟夏肇栖宿綠野中登頓丹霞杪  
敬仰高人德抗志塵物表三空豁已悟萬有一何小  
始從情所寄冥期諒不少荷衣步林泉麥氣涼昏曉  
乘風面冷冷候月臨皎皎煙崖憩古石雲路排征鳥  
披逕憐森沈攀條惜杳曩平生志是非朽謝豈矜矯  
五淨自此涉六塵庶無擾

題棲霞寺

唐暴母潛盛

南山勢廻合靈境依此住殿轉雲崖陰僧探石泉度  
龍蛇爭翕習神意皆密護萬壑奔道場羣峯向雙樹  
天花飛不著水月白成路今日觀身我歸心復何處

遊棲霞寺

唐張翥盛

躋險入幽深翠微含竹殿泉聲無休歇山色時隱見  
潮來雜風雨梅花成霜霰一從方外遊頻覺塵心變  
與沈十九拾遺同遊棲霞寺上方夜於亮上人

院會宿

唐權德輿中

攝山標勝絕暇日詣想矚縈紆松路深繚繞雲巖曲  
居處

卷五十五

二十

金陵諸寺

重樓迴樹杪古像作山腹入遠水木清地深蘭桂馥  
層臺聳金碧絕頂摩淨綠下界誠可悲南朝紛在目  
焚香入古殿待月出深竹稍覺天籟清自傷人世促  
宗雷此相遇偃放隨所欲清論月輪低閒吟茗花熟  
一生如土梗萬慮相桎梏永願事潛師窮年此棲宿

又

唐權德輿中

偶來人境外心賞幸隨君古殿煙霞夕深山松桂薰  
巖花點寒溜石磴掃春雲清淨諸天近喧塵下界分  
名僧康寶月上客沈休文共宿東林夜清猿徹曙聞  
○秦中諸寺

過慈恩寺

唐太宗

日宮開萬仞月殿聳千尋花蓋飛圓影幡虹曳曲陰  
霞綺逢籠帳叢珠細網林寥廓煙雲表超然物外心  
奉和過慈恩寺應制

唐許敬宗初

鳳闕鄰金地龍旂拂寶臺雲楣將葉並風牖送花來  
月宮清晚桂虹梁綯早梅梵境留宸矚揆發麗天才  
奉和聖製又同皇太子翫遊慈恩寺應制

唐沈佺期初

肅肅蓮花界熒熒貝葉宮金人來夢裏白馬出城中  
湧塔初從地焚香欲遍空天歌應春籥非是爲秋風  
居處

卷五十五

三十

秦中諸寺

奉和聖製又同皇太子翫遊慈恩寺應制

唐張說初

翼翼宸思永煌煌福地開離光昇寶殿震氣遶香臺  
上界幡花合中天伎樂來願君無量壽仙藻屢徘徊  
慈恩寺二月半寓言

唐蘇頌初

二月韶春半三空霽景初獻來應有受滅盡竟無餘  
化迹傳官寺歸誠謁梵居殿堂花覆席觀閣柳垂疏  
共命枝間鳥長生水上游問津窺彼岸迷路得真車  
行密幽關靜談精俗態祛稻麻欣所遇逢簪帽馬如  
不駐秦京陌還題蜀郡輿愛離方自此迴望獨躊躇

雪後與羣公過慈恩寺

唐岑參

乘興忽相招僧房暮與朝雪融雙樹濕紗閣一燈燒  
竹外山低塔藤間院隔橋歸家如欲嬾俗慮向來銷

同苗發慈恩寺避暑

唐李端

追涼尋寶刹畏日望璇題臥草同鴛侶臨池似虎溪  
樹閑人跡外山晚鳥行西若問無心法蓮花隔淤泥

夏日登慈恩寺

唐劉滄

金界時來一訪僧天香飄翠瑣窻凝碧池靜照寒松  
影清晝深懸古殿燈

奉和幸大薦福寺應制

寺為高宗龍潛舊邸

居處

卷百五

三

秦中諸寺

唐趙彥昭

寶地龍飛後金身佛現時千花開國界萬善累皇基

北闕承行幸西園屬住持天衣拂舊石王舍起新祠

剎鳳迎雕輦幡虹駐綵旗同霑小雨潤竊仰大風詩

奉和幸大薦福寺應制二首

唐宋之問

香刹中天起宸遊滿路輝乘龍太子去駕象法王歸

殿飾金人影牕搖玉女扉稍迷新草木遍識舊庭闈

水入禪心定雲從寶思飛欲知皇劫遠初拂六銖衣

二

梵筵光聖邸遊豫覽宏規不改靈光殿因開功德池

蓮生新步葉桂長昔攀枝湧塔庭中見飛樓海上移

聞韶三月幸觀象七星危欲識龍歸處朝來雲氣隨

是日鄭詩先成之問後進中宗命駱容上官氏差第甲一以之問二詩為冠乘龍太子去駕象法王歸尤警

何也

奉和幸大薦福寺應制

唐李乂

象設隆新宇龍潛想舊居碧樓披玉額丹仗導金輿  
代日興光近周星掩曜初空歌清沛筑梵樂美河書

帝造還三界天文賁六虛康哉孝理日崇德在真如

奉和幸大薦福寺應制

唐李嶠

鴈沼開香域鶯林降綵旒還窺圖鳳宇更坐濯龍川

居處

卷百五

三

秦中諸寺

桂輦朝羣辟蘭宮列四禪半空銀閣斷分砌寶繩連

甘雨蘇焦澤慈雲動沛篇獨斯賢作礪空喜福成田

奉和幸大薦福寺應制

唐劉憲

地靈傳景福天駕儼鈎陳佳哉藩邸舊赫矣梵宮新

香塔魚山下禪堂鴈水濱珠幡映白日鏡殿寫青春

甚歡延故吏大覺拯生人幸承歌頌末長奉屬車塵

奉和幸大薦福寺應制

唐鄭愔

舊邸三乘闕佳辰萬騎留蘭圖承葉偈芝蓋拂花樓

國會人王法宮還天后遊紫雲成寶界白水作禪流

鴈塔昌基遠鸚杯睿藻抽欣承大風曲竊預小童謳

奉和幸三會寺應制寺有蒼頡造字臺唐李乂初

睿德總無邊神臯擇勝緣二儀齊法駕三會禮香筵  
漢闕中黃近秦山太白連臺疑觀鳥日池似刻鯨年  
滿月臨真境秋風入御絃小臣叨下列持管謬窺天

奉和幸三會寺應制唐李嶠初

故臺蒼頡里新邑紫泉居歲在開金寺時來降玉輿  
龍形雖起剎鳥跡尚留書竹是蒸青外池仍點墨餘  
天文光聖草寶思合真如謬奉千齡日欣逢十地初

奉和幸三會寺應制唐鄭愔初

鳥籀遺新閣龍旂訪古臺造書臣頡往觀跡帝義來  
居處

卷五十五  
三十四  
秦中諸寺

法界山川匝宸心宇宙該梵音隨駐輦天步接乘杯  
舊苑經寒露殘池問劫灰散花將捧日俱喜聖慈開

奉和幸三會寺應制唐上官昭容初

釋子談經處軒臣刻字留故臺遺老在殘簡聖君求  
駐蹕懷千古開襟望九州四山緣塞合二水夾城流  
宸翰陪瞻仰天杯接獻酬太平詞藻盛長願紀鴻休

奉和幸三會寺應制唐宋之問初

六飛迴玉輦雙樹謁金仙瑞鳥呈書字神龍吐浴泉  
淨心遙證果睿想獨超禪香湧花地山園日月天  
梵音迎漏徹空樂倚雲懸今日登仁壽長看法鏡圓

奉和幸三會寺應制唐劉憲初

岩峩蒼史臺敞朗紺園開彤丘壺人集翻霜羽騎來  
下輦登三襲褰旒望九垓林披館陶勝水浸昆明灰  
網戶飛花綴幡竿度鳥迴豫遊仙唱動瀟灑出塵埃

題三會寺蒼頡造字臺唐岑參盛

野寺荒臺晚寒天古木悲空階有鳥跡猶似造書時  
秋晚遊普耀寺唐宋之問初

薄暮曲江頭仁祠暫可留山形無隱霽野色遍呈秋  
花覆香泉密藤綠寶樹幽平生厭塵事過此忽悠悠  
奉和同皇太子過荷恩寺應制

居處  
卷五十五  
三十五  
秦中諸寺

唐張說初

朗朗神居峻軒軒瑞象威聖君成願果太子拂天衣  
至樂三靈會深仁四皓歸還聞渦水曲更繞白雲飛

石甕寺唐儲光義盛

遙山起眞宇西向盡花林下見宮殿小上看廊廡深  
苑花落池水天語聞松音眞子又知我焚香期化心

題石甕寺唐范朝盛

勝境宜長望遲春好散愁關連四塞起河帶八川流  
複磴承香閣重巖映彩樓爲臨溫液近偏美聖君遊

題石甕寺唐馬戴晚



僧室並直宮雲門輦路同涓分雙闕北山迴五陵東  
脩綆懸林表深泉汲洞中人煙窺垤蟻駕瓦拂冥鴻  
蘚壁松生峭龕燈月照空稀逢息心侶獨禮竺乾公

遊悟真寺

唐王綰

聞道黃金地仍開白玉田  
擲山移巨石呪嶺出飛泉  
猛虎同三徑愁猿學四禪  
買香燃綠桂乞火踏紅蓮  
草色搖霞起松聲泛月邊  
山河窮日二世界接三千  
梵宇聊憑視王城遂渺然  
瀟灑纔出樹渭水欲連天  
遠縣分諸郭孤村起白煙  
望雲思聖主披霧憶羣賢  
薄宦慚尸素終身擬尚玄  
誰知草庵客曾和柏梁篇

居處

卷五十五

二十六

秦中諸寺

仙遊寺

有龍潭穴弄玉祠

唐李華

捨事入樵境雲木深谷口萬壑移晦明千峯轉前後  
巖然龍潭上石勢若奔走開拆秋天光崩騰萬雷吼  
靈溪自茲去紆直互紛糾聽聲靜復喧望色無更有  
冥冥翠微下高殿映杉柳滴洞穴中懸泉響相扣  
昔時秦王女羽化年代久日暮松風來簫聲在左右  
早窺神仙錄願結芝朮友安得美門方青囊繫吾肘

秋夜宿仙遊寺南涼堂

唐岑參

太一連太白兩山知幾重路盤石門窄匹馬行才通  
日西到山寺林下逢支公昨夜山北時星星聞此鐘

秦女去已久仙臺在中峯簫聲不可聞此地留遺踪  
石潭積滯色每歲投金龍亂流爭迅湍噴薄如雷風  
夜來聞清磬月出蒼山空空山滿清光水樹相玲瓏  
迴廊映密竹秋殿隱深松燈影落前溪夜宿水聲中  
訓苗發員外宿龍池寺見寄

唐錢起

寧知待漏客清夜此從容暫別迎車雉還隨護法龍  
香煙輕上月林嶺靜聞鐘郢曲傳甘露塵心洗幾重  
遊終南龍池寺

唐孟郊

飛鳥不到處僧房終南巔龍在水長碧雨開山更鮮  
步出白日上升依清溪邊地寒松挂短石險道路偏  
席處

卷五十五

二十七

秦中諸寺

晚磬送歸客數聲落遙天

經華嶽寺訪法華雲公

唐岑參

野寺聊解鞍偶見法華僧開門對西嶽石壁青稜層  
竹逕厚蒼苔松門盤紫藤長廊列古畫高殿懸孤燈  
五月山雨熱三峯火雲蒸側聞樵人言深谷猶積冰  
久願尋此山至今嗟未能謫官忽東走王程苦相仍  
欲去戀雙樹何由窮一乘月輪吐山郭夜色空清澄

題悟真寺

唐盧綸

萬峯交掩一峯開曉色常從天上來似到西方諸佛  
國蓮花影裏數樓臺

題雲際寺上方

唐盧綸中

松高蘿蔓輕中有石牀平下界水常急上方燈自明  
空門不易啓初地本無程迴步忽山盡萬緣從此生

遊華山雲際寺

唐張喬晚

少華中峯寺高秋衆景歸地連秦塞起河隔晉山微  
晚木蟬相應涼天鴈並飛慙慙記巖石祗恐再來稀

題雲際寺

唐李洞晚

開門風雪頂上微困飛禽猿戲青冥裏人行紫閣陰  
臘泉水下出夜磬月中尋盡欲居巖室如何不住心

翠微寺有感

唐劉禹錫中

居處

卷五十三

二十八 秦中諸寺

吾王昔遊幸離宮雲際開朱旗迎夏早涼軒避暑來  
湯餅賜都尉寒氷頒上才龍顏不可望玉座生塵埃

題翠微寺

唐溫庭筠晚

邠土初成邑虞賓竟讓王乾符初得位天弩夜收鉞  
偃息齊三代優游念四方萬靈扶正寢千嶂抱重岡  
幽石歸階陞喬柯入棟梁火雲如沃雪湯殿似含霜  
澗瀨添仙曲巖花借御香野麋陪獸舞林鳥逐鷗行  
鏡寫三秦色窗搖八水光問雲徵楚女疑粉試何郎  
蘭芷承雕輦杉蘿入畫堂受朝松露曉頒朔桂煙涼  
嵐濕金鋪外溪鳴錦幌傍倚絲憂漢祖持璧去秦皇

短景催風馭長星屬羽觴衛君猶問豎元老已登牀

鶴蓋趨平樂鷄人下建章龍髯悲滿眼螭首淚沾裳

疊鼓嚴靈仗吹笙送夕陽斷泉辭劍佩昏日伴旂常

遺廟青蓮在頽垣碧草芳無因奏韶濩流涕對幽篁

和皇甫冉夏日遊華嚴寺

唐嚴維中

初地華嚴會王家少長行到宮龍節駐禮塔鴈行成  
蓮界千峯靜梅天一雨清禪庭未可戀聖主寄蒼生

題清源寺

寺基即王右丞朝川別業

唐耿漳中

儒墨兼宗道雲泉隱舊廬孟城今寂寞輞水自紆餘  
內學銷多累西林易故居深房春竹老細雨夜鐘疎

居處

卷五十三

二十九

秦中諸寺

陳跡留金地遺文在石渠不知登座客誰學蔡邕書  
中秋與空上人同宿華嚴寺 唐冷朝陽中

掃榻相逢宿論詩舊梵宮鐘聲迎鼓盡月色過山窮  
庭簇安禪草窻飛帶火蟲一宵何惜別迴首隔秋風

登寶意寺上方舊遊

寺在武功會居此寺

唐韋應物中

翠嶺香臺出半天萬家煙樹滿晴川諸僧近住不相  
識坐聽微鐘記往年

長安寺

唐溫庭筠晚

仁祠寫露宮長安佳氣濃煙樹含葱蒨金刹映茸茸  
繡戶香焚象珠網玉盤龍寶題新翡翠天井列芙蓉

幅長廻遠吹窻虛合曉風遊騎迷青瑣歸鳥思華鐘  
雲拱承跼邈羽葆背花重所嗟蓮社客輕蕩不相從

長安寺居言懷寄渚宮禪者 唐鄭谷 晚

舊齋松老別多年香社人稀喪亂間出寺祇知趨內  
殿閉門長似在深山臥聽秦樹秋鐘斷吟想荆江夕  
鳥還唯恐興來飛錫去老郎無路更追攀

題新安國寺 唐李洞 晚

佛亦遇艱難重興疊廢壇偃松枝舊折畫竹粉新乾  
開講宮娃聽拋生禁鳥餐鐘聲入帝夢天竺化長安  
幸紅樓苑應制 唐沈佺期 初

居處 卷五十五 三 秦中諸寺

紅樓疑見白毫光寺逼宸居福盛唐支遁愛山情漫  
切曇摩泛海路空長經聲夜息聞天語爐氣晨飄接  
御香誰謂此中難可到自憐深院得徜徉

詩集類函卷一百三十三

詩集類函卷一百三十四

東吳俞安期彙纂 宣城梅鼎祚增定

白下王元耀訂校

居處部九 楚中諸寺 嵩山諸寺 龍門諸寺 附  
潤州諸寺 蜀中諸寺 廬山諸寺 吳中諸寺 附  
會稽諸寺 越州諸寺 附 武林諸寺 浮圖

○楚中諸寺

陪衡陽王遊耆闍寺 陳張正見

甘棠聽訟罷福宇試登臨免苑移飛蓋王城列玳簪  
階荒猶累玉地古尚填金龍橋丹桂偃鸞嶺白雲深  
秋窗被旅葛夏戶響山禽清風吹麥壟細雨濯梅林

居處 卷五十六 一 楚中諸寺

與張折衝遊耆闍寺 唐孟浩然 廬

釋子彌天秀將軍武庫材橫行塞北盡獨步漢南來  
貝葉傳金口山樓作賦開因君振嘉藻江楚氣雄哉

澧湖山寺 唐張說 初

空山寂歷道心生虛谷迢遙野鳥聲禪室從來塵外  
賞香臺豈是世中情雲間東嶺千尋出樹裡南湖一

片明若使巢山同此意不將蘿薜易絳纓

遊澧湖上寺 唐趙冬曦 初

江外多山水招要步馬來琴將天籟合酒共鳥歌催  
巖坐攀紅藥溪行愛綠苔所懷非此地遊望亦徘徊

祀紫蓋山經玉泉山寺

唐張九齡

枯塗躋楚望策馬傍荆岑稍稍松篁入泠泠澗谷深  
觀奇逐幽映歷險忘嶮嶮上界投佛影中天揚梵音  
焚香懺在昔禮足誓來今靈異若有對聖先其可尋  
高僧聞逝者遠俗是初心鮮駁經行處猿啼燕坐林  
歸真已寂滅留迹豈埋沈法地自茲廣何云千萬金  
復至玉泉寺

唐張九齡

冬中至玉泉山寺屬窮陰水閉崖谷無景及仲春  
行縣復往焉故有此作

靈境信幽絕芳時重暄妍再來及茲勝一遇非無緣  
居處

卷百三十五

二

楚中諸寺

萬木柔可結千花敷欲燃松間鳴好鳥林下流清泉  
石壁開精舍金光照法筵真空本自寂假有聊相宣  
復此灰心者仍追巢頂禪簡書雖有異身世亦俱捐  
陪張丞相祀紫蓋山經玉泉寺

唐孟浩然

望秩宣王命齋心待漏行青衿列胃子從事有參卿  
五馬尋歸路雙林指化城聞鐘度門近照膽玉泉清  
見蓋依松憩繙徒擁錫迎天宮近堯率沙界豁迷明  
欲就終焉志恭聞智者名人隨逝波沒山逐復川傾  
想像若在眼周流空復情謝公還欲臥誰與濟羣生

遊龍山靜勝寺

唐張說

每上襄陽樓遙望雲山樹簪芾吐岡嶺微蒙在煙霧  
下車歲已成飾馬問餘步苦霜裏野草愛日揚江煦  
雲對石上塔風吹松下露禪室宴三空神祠同六趣  
兒童共戲謔援鳥相驚顧南登桓公臺北禮先賢墓  
世上人何在時聞心不住唯傳無盡燈可使有情悟  
岳麓山道林二寺行

唐杜甫

玉泉之南麓山殊道林林壑爭盤紆寺門高開洞庭  
野殿腳插入赤沙湖五月寒風冷佛骨六時天樂朝  
香爐地靈步步雪山草僧寶人人滄海珠塔劫宮牆  
居處

卷百三十六

三

楚中諸寺

道林寺

唐韋瓘

石門迴接蒼梧野愁色陰深二妃寡廣殿崔嵬萬壑  
間長廊詰曲千巖下靜聽林飛念佛鳥細看壁畫馱  
經馬暖日斜明蟬噪梁濕煙散暮鴛鴦瓦北方部落  
檀香塑西域文書貝葉寫壞欄迸竹醉好題官路垂  
藤堪把沈裴筆力關雄壯宋杜詞源兩風雅他方

居士來施齋彼岸上人投結夏非我未離擾擾徒勸  
我休學悠悠者何時得與劉遺民同入東林遠公社

題江夏修靜寺

唐李白

我家北海宅作寺南江濱空庭無玉樹高殿坐幽人  
書帶留青草琴堂羅素塵平生種桃李寂滅不成春

度門寺

唐元稹

北祖三禪地神秀禪師造西山萬樹松門臨溪一帶橋映

竹千重翦繁基階正包藏景氣濃諸巖分院宇雙嶺

抱垣墉舍利開層塔香鑪占小峯道場居士置經藏

大師封太子知栽植神王守要衝由旬排講座丈六

居處

卷五

四

楚中諸寺

寫真容佛語迦陵說僧行猛虎從脩羅臺日拒樓至  
拔霜鋒畫井垂枯朽穿池救噉喙蕉非難敗壞檀喻

暫丰茸寶界留遺事金棺滅去蹤鉢傳烘瑪瑙石長

翠芙蓉影帳紗全落繩牀土半壅金棺已下並寺中所有荒林

迷醉象危壁亞盤龍行色憐初月歸程待曉鐘心源

雖了了塵世苦懂懂宿陰高聲懺齋糧并力春他生

再來此還願總相逢

○嵩山諸寺

龍門諸寺附

從遊天中寺應令

陳沈炯

福界新開草名僧共下筵楊枝生拱樹錫杖呪飛泉

石座應朝講山龕擬夜禪當非舍衛國賣地取金錢

秋日於天中寺尋復禮上人唐武三思

妙域三時殿香巖七淨一作寶宮金繩先界道玉柄即

談空喻筏知何極傳燈竟不窮彌天高義遠初地勝

因通理詣歸一處心行不二中有無雙感遺真俗兩

緣同摘葉疑焚翠投花若散紅網珠遙映日簷鐸近

吟風定沼寒光素禪枝暝色葱願隨方便力長冀釋

塵籠

和武三思於天中寺尋復禮上人之作

唐蘇味道

居處

卷五

五

嵩山諸寺

藩戚三雍暇禪居二室隈忽聞從桂苑移步踐花臺

敏學推多藝高談屬辨才是非寧滯著空有掠嫌猜

五行幽機暢三番妙鍵開味同甘露灑香似逆風來

砌古留方石池清辨燒灰人尋鶴洲逐月逐虎谿迴

連一作躅瞻飛蓋攀遊想渡杯願陪為善樂從此去

塵埃

幸岳寺應制

唐宋之問

暫幸珠筵地俱憐石瀨清汎流張翠幕拂迥挂紅旌

雅曲龍調管芳鐫蟻汎觥陪歡玉座晚復得聽金聲

夜從法王寺下歸嶽寺

唐白居易

雙刹夾虛空綠雲一徑通似從初利下如過劍門中  
燈火光初合笙歌曲未終可憐獅子坐昇出淨名翁

遊少林寺

唐沈佺期

長歌遊寶地徙倚對珠林鴈塔風霜古龍池歲月深  
紺園澄夕霽碧殿下秋陰歸路煙霞晚山蟬處處吟

幸少林寺應制

唐沈佺期

紺宇橫天室廻鑾指帝休曙陰迎日盡春氣抱巖流  
空樂繁行漏香煙薄綵旂玉膏從此泛仙馭接浮丘

幸香山寺應制

唐沈佺期

南山奕奕通丹禁北闕峨峨連翠雲嶺上樓臺千地  
居處

卷五十五

六

起城中鐘鼓四天聞旃檀曉閣金輿慶鸚鵡晴林綵  
眊分願以醍醐參聖酒還將祇苑當秋汾

秋夜宿龍門香山寺奉寄王方城十七丈奉國

瑩上人從弟幼成令問

唐李白

朝發汝海東暮棲龍門中水寒夕波急木落秋山空  
望極九霄迴賞幽萬壑通目皓沙上月心清松下風  
玉斗橫網戶銀河秋花宮興在趣方逸歡餘情未終  
鳳駕憶王子虎溪懷遠公桂枝坐銷歇棣華不復同  
流恨寄伊水盈盈堪可窮

重修香山寺畢題以紀之

唐白居易

四望窮沙界孤標出贍洲地圖鋪雒邑天柱倚松丘  
兩面蒼蒼岸中心瑟瑟流千花高下塔一葉往來舟  
南祖心應學西方社可投須除愛名障莫作戀家囚

遊龍門奉先寺

唐杜甫

已從招提遊更宿招提境陰壑生靈籟月林散清影  
天闕一作闕象緯逼雲臥衣裳冷欲覺聞晨鐘令人

發深省

○蜀中諸寺

武擔山寺

唐蘇頌

武擔獨蒼然墳山下玉泉龜趺時共盡龍女事同遷  
居處

卷五十五

七

松柏含哀處幡花種福田詎知留鏡石長與法輪圓  
遊修覺寺

唐杜甫

野寺江天豁山扉花竹幽詩應有神助吾得及春遊  
徑石相縈帶川雲自去留禪枝宿衆鳥漂轉暮歸愁

後遊修覺寺

唐杜甫

寺憶曾遊處橋憐再渡時江山如有待花柳更無私  
野潤煙光薄沙暄日色遲客愁全爲減捨此復何之

上兜率寺

唐杜甫

兜率知名寺真如會法堂江山有巴蜀棟宇自齊梁  
更信衰雖久何顛好不忘白牛車遠近且欲上慈航



望曉率寺

唐杜甫

樹密當山徑江深隔寺門  
霏霏雲氣重閃閃浪花翻  
不復知天大空餘見佛尊  
時應清盥罷隨喜給孤園

上牛頭寺

唐杜甫

青山意不盡袞袞上牛頭  
無復能拘礙真成浪出遊  
花濃春寺靜竹細野池幽  
何處鶯啼切移時獨未休

望牛頭寺

唐杜甫

牛頭見鶴林杳逕繞幽深  
春色浮山外天宿殿陰  
傳燈無白日布地有黃金  
休作狂歌老回看不住心

題凌雲寺

唐司空曙

居處

卷五十四

八

蜀中諸寺

春山古寺繞滄波石磴盤空鳥道過  
百丈金身開翠壁萬龕燈焰隔煙蘿  
雲生客到侵衣濕花落僧禪覆地多  
不與方袍同結社下歸塵世竟如何

○廬山諸寺

登廬山峯頂寺

唐劉昫

孤峯臨萬象秋氣何高天際南郡出林端  
西江明山門二緇叟振錫聞幽聲心照有無界  
懸前後生徒知真機靜尚與愛網并方首金門路未遑參道情

廬山東林寺夜懷

唐李白

我尋青蓮宅獨往謝城關  
霜清東林鐘水白虎溪月

天香生虛空天樂鳴不歇  
宴坐寂不動大千入毫髮  
湛然冥真心曠劫斷出沒

泊廬江聞故人在東林寺寄之

唐孟浩然

江路經廬阜松門入虎溪  
聞君尋寂樂清夜宿招提  
石鏡山精怯禪林怖鴿棲  
一燈如悟道為照客心迷

廬山寺

唐僧無可

千峯盤磴盡林寺昔年名  
步步入山影房房聞水聲  
多年人跡斷殘月石陰清

遊東林寺

唐黃滔

居處

卷五十四

九

廬山諸寺

平生愛山水下馬虎溪時  
已到終嫌晚重遊預作期  
寺寒三伏雨松偃數朝枝  
翻譯如曾見白蓮開舊池

題精舍寺

唐錢起

勝景不易遇入門神頓清  
房房占山色處處分泉聲  
詩思竹間得道心松下生

題精舍寺

唐郎士元

石林精舍虎溪中夜扣禪扉  
謁遠公月在上方諸品靜  
心持半偈萬緣空蒼苔古道行應徧  
落木寒泉聽不窮唯有雙峯最高頂  
此心期與故人同

○吳中諸寺

題虎丘寺

唐劉長卿

青林虎丘寺林際翠微路仰見山僧來遙從飛鳥處  
茲峯淪寶玉千載唯丘墓埋劍人空傳鑿山龍已去  
捫蘿披翳翳路轉夕陽遠虎嘯崖谷寒後鳴杉松暮  
徘徊北樓上江海窮一顧日映千里帆鷗歸萬家樹  
暫因慙所適果得損外慮庭暗棲閑雲香滴甘露  
久迷空寂理多爲繁華故永欲投死餘生豈能誤

同沈恭子遊虎丘寺作

前見地部

唐清遠道士

我本長殷周遭罹歷秦漢四瀆與五嶽名山盡幽竄  
及此寰區中始有近峯玩近峯何鬱鬱平湖渺瀾漫

居處

卷五十四

吳中諸寺

吟挽川之陰步上山之岸山川共澄澈光彩交凌亂  
白雪翳欲歸青松忽消半客去川島靜人來山鳥散  
谷深中見日崖幽曉非旦聞子盛遊遨風流足詞翰  
嘉茲好松石一言常累歎勿謂予鬼神欣君共幽讚

刻清遠道士詩因而繼作

唐顏真卿

不到東西寺于今五十春竭來從舊賞林壑宛相親  
吳子多藏日秦皇厭勝辰劍池穿萬仞盤石坐千人  
金氣騰爲虎琴臺化若神登壇仰生一捨宅歎瓊珎  
中嶺分雙樹迴巒絕四鄰窺臨江海接崇飾四時新  
客有神仙者于茲雅麗陳名高清遠峽文聚斗牛津

跡異心寧聞聲同質豈均悠然千載後知我揖光塵

追和太師顏魯公刻清遠道士詩

唐李德裕

茂苑有靈峯嗟予未遊觀藏山在平陸壤谷爲高岸  
岡繞數仞墻巖潛千丈榦乃知造化意迴幹資奇玩  
鏐騰昔虎踞劍沒常龍煥潭黛入海底峯岑聳霄半  
層巒未昇日哀伏寧知且綠篠夏凝陰碧林秋不換  
冥搜既窈窕迴望何蕭散川晴嵐氣收江春雜英亂  
逸人綴清藻前哲留篇翰共扣哀玉音皆舒文繡段  
難追彥回賞褚彥回曰凡人所稱常過其實見虎丘則逾其所聞徒起興公歎

居處

卷五十四

十一

吳中諸寺

一夕如再升含毫星斗爛

追和清遠道士詩兼次本韻

唐皮日休

成道自衰周避世窮炎漢荆杞雖云梗煙霞尚容竄  
茲岑信靈異吾懷愜流玩石澀古鐵銼嵐重輕埃漫  
松膏膩幽徑蘋沫著孤岸諸蘿幄幕暗衆鳥陶匏亂  
巖罅地中心海光天一半玄援行列歸白雲次第散  
蟾蜍生夕景沆瀣餘清旦風人採幽什墨客學靈翰  
嗟予慕斯文一詠復三歎顯晦雖不同茲吟粗堪讚  
追和清遠道士詩亦次本韻 唐陸龜蒙

一代先後賢聲容劇河漢況茲邁古士復歷蒼崖竄

辰經幾十萬邈與靈壽玩海嶽尚推移都鄙固無漫  
羸僧下高閣獨鳥沒遠岸嘯初風雨來吟餘鍾唄亂  
如何練精魄萬祀忽欲半寧爲斷臂憂肯作秋柏散  
吾聞鄴宮內日月自昏旦左右修文郎縱橫灑篇翰  
斯人久冥漠得不垂慨歎庶或有神交相從重興讀

題東虎丘寺六韻

唐白居易

香刹看非遠祇園入始深龍蟠松矯矯玉立竹森森  
怪石千僧坐靈池一劍沈海當亭兩面山在寺中心  
酒熟憑花勸詩成倩鳥吟寄言軒冕客此地好抽簪

陪元侍御遊支硎山寺

唐劉長卿

居處

卷首書

吳中諸寺

支公去已久寂寞龍華會古木閉空山蒼然暮相對  
林巒非一狀水石有餘態密竹藏晦明羣峯爭向背  
峯峯帶落日步步入青靄香氣空翠中猿聲暮雲外  
留連南臺客想像西方內因逐溪水還觀心兩無礙  
息舟荆溪入陽羨南山遊善卷寺呈李功曹巨

唐羊士諤

結纜蘭香渚柴車上連岡晏溫值初霽去遶山河長  
獻歲冰雪盡細泉生路傍行披煙杉入澗澗橫石梁  
層閣表精廬飛甍切雲翔冲襟得高步清眺極遠方  
潭嶂積佳氣萸萸多早芳勉君脫冠意共匿無何鄉

○潤州諸寺

宣州諸寺附

陪潤州薛司空丹徒桂明府遊招隱寺

唐駱賓王

初一

共尋招隱寺初識戴顓家還依舊泉壑應改昔雲霞  
綠竹寒天笋紅蕉臘月花金繩倘留客爲繫日光斜

同諸官遊招隱寺

唐王昌齡

盛

山館人已空青蘿換風雨自從永明世月向龍宮吐  
鑿井長幽泉白雲今如古應眞坐松柏錫杖挂窗戶  
口云七十餘能救諸有苦回指巖樹花如聞道場鼓  
金身不壞滅眞如性無主僚友同一心清光遣誰取

居處

卷首書

潤州諸寺

奉陪韋中丞使君遊鶴林寺

唐皇甫曾

中

古寺傳燈久層城閉閣閑香花同法侶旌旆入深山  
寒磬虛空裏孤雲起滅間謝公憶高臥徒御欲忘還  
奉陪韋潤州遊鶴林寺

唐李嘉祐

中

野寺江城近雙旌五馬過禪心超忍辱梵語問多羅  
松竹閒僧老雲煙晚日和寒塘歸路轉清磬隔微波

題潤州甘露寺

唐張祐

中

千重構橫險高步出塵埃日月光先見江山勢盡來  
冷雲歸水石清露滴樓臺況是東溟上平生意一開

題甘露寺

唐曹松

晚

香門接巨壑，畫角間清鐘。北固一何峭，西僧多未逢。  
天垂無際海，雲白久晴峯。日暮燃燈外，濤頭振鰲龍。

送無夢道人先歸甘露寺

唐許渾

飄飄隨晚浪，杯影入鷗羣。岸凍千船雪，巖陰一寺雲。  
夜燈江北見，寒磬浦西聞。鶴嶺煙霞在，歸期不羨君。

題潤州金山寺

前見

唐張祐

一宿金山寺，超然離世羣。一作微茫僧歸夜船月，龍  
出曉堂雲。樹色中流見，鐘聲兩岸聞。翻思在朝市，終  
日醉醺醺。

金山寺

唐韓垂

居處

卷五十四

十四 潤州諸寺

靈山一峯秀，岌然殊衆山。盤根大江底，插影浮雲間。  
雷霆常間作，風雨時往還。象外懸清景，千載長躋攀。

宿題金山寺

唐劉滄

一點青山翠色危，雲巖不掩與星期。海門煙樹潮歸  
後，江面山樓月照時。獨鶴唳空秋露下，高僧入定夜  
猿知。蕭疎水木清鐘梵，顓氣寒光動石池。

送僧歸金山寺

唐馬戴

金陵山色裏，蟬急向秋分。迴寺橫洲，歸僧渡水雲。  
夕陽依岸盡，一作落清磬隔潮聞。遙想禪林下，鐘香帶  
月焚。

寄題宣州開元寺

唐杜牧

松寺曾同一鶴棲，夜深臺殿月高低。何人爲倚東樓  
柱，正是千山雪漲溪。

送僧歸敬亭山寺

唐許渾

十年劍中路，傳盡本師經。曉月下黔峽，秋風歸敬亭。  
開門新樹綠，登閣舊山青。遙想論禪處，松陰水一瓶。

○武林諸寺

靈隱寺

宋之問賦點放還至江南遊靈隱寺夜  
月極明長廊行吟曰驚巖鐘若弄龍宮

居處

卷五十四

十五 武林諸寺

終篇云云遲明更訪之則不復見矣寺僧有知者曰此駱賓王

駱賓王初

鷺嶺鬱蒼龍，宮鎖寂寥樓。觀滄海，日門對浙江潮。  
桂子月中落，天香雲外飄。捫蘿登塔遠，劒木取泉遙。  
霜薄花更發，水輕葉互凋。夙齡尚遐異，搜對滌煩囂。  
待入天台路，看余度石橋。

早秋寄題天竺靈隱寺

唐賈島

峯前峯後寺，新秋絕頂高。窺見沃州人，在定中聞蟋  
蟀。鶴從棲處看，獼猴山鐘夜度空。江水汀月寒，生古  
石樓心。憶懸帆身未遂，謝公此地昔年遊。

與從姪杭州刺史良遊天竺寺

唐李白

桂席凌蓬丘觀濤越樟樓三山動逸興五馬同遨遊  
天竺森在眼松風颯驚秋覽雲測變化弄水窮清幽  
覺嶂隔遙海當軒寫歸流轉成傲雲月佳趣滿吳洲

送崔十二遊天竺寺

唐李白

還聞天竺寺夢想懷東越每年海樹霜桂子落秋月  
送君遊此地已屬流芳歇待我來歲行和隨浮溟渤

遊天竺寺

唐崔顥

晨登天竺山山殿朝陽曉澗泉爭噴薄江岫相縈繞

居處

卷一百一十五

十六

武林諸寺

直上孤頂高平看衆峯小南州十二月地暖冰雪少  
青翠滿寒山藤蘿覆冬沼花龕瀑布側青壁石林杪  
鳴鐘集人天施飯聚猿鳥洗意歸清淨心悟空了  
始知世上八萬物一何擾

宿天竺寺

唐陶翰

松柏亂巖口山西微徑通天開一峯見宮闕生虛空  
正殿倚霞壁千樓標石叢夜來猿鳥靜鐘梵寒雲中  
岑翠映湖月泉聲亂溪風心超諸境外了與懸解同  
明發氣候改起視長崖東湖色濃蕩漾光漸曠朦  
葛仙跡尚在許氏道猶崇獨往古來事幽懷期二公

宿天竺寺

唐鄭巢

暮過潭上寺獨宿白雲間鐘磬遙連樹星河半隔山  
石中泉暗落松外戶初關却憶終南裏前秋此夕還

題杭州孤山寺

唐張祐

樓臺聳碧岑一徑入湖心不雨山長潤無雲水自陰  
斷橋荒蘚澀空院落花深猶憶西窗月鐘聲在北林

題聖果寺

唐僧處默

路自中峯上盤迴出薜蘿到江吳地盡隔岸越山多  
古木叢青靄遙天浸白波下方城郭近鐘磬接笙歌  
○會稽諸寺 越中諸寺附

居處

卷一百一十六

十七

會稽諸寺

遊法華寺

唐宋之問

薄遊京都日遙羨稽山名分刺江海郡竭來徵素情  
松露洗心眷衆筵敷念誠薄雲界青嶂皎日鸞朱甍  
苔澗深不測竹房閒且清感真六象見垂兆二鷗鳴  
古今信靈跡中州莫與京林巖永棲業豈伊佐一生  
浮悟雖已久事試去來成觀念幸相續庶幾最後明  
遊法華寺 唐宋之問  
高岫擬蒼閣眞乘引妙車空中結樓殿意表出雲霞  
後果纏三足前因感六牙宴林蕙寶樹溜水滴金沙  
寒谷梅猶淺溫庭橘未華臺香紅藥亂影落簷簷

果漸輪王族緣超梵帝家晨行踏忍草夜誦得靈花  
江郡將何匹天都亦未加朝來沿汎所應得逐仙槎

宿法華寺

唐崔國輔

松雨時復滴寺門清且涼此心竟誰證同想支公牀  
壁畫感靈跡龕經傳異香獨遊寄象外忽忽歸南昌

宿法華寺

唐嚴維

一夕雨沈沈哀猿萬木吟天龍陰護法長老密看心  
魚梵空山靜紗燈古殿深無生久已學白髮浪相侵

奉和獨孤中丞遊法華寺

唐皇甫冉

謝君臨郡府越國舊山川訪道三千界當仁五百年

居處

卷五十五

十八

會稽諸寺

巖空騶馭響樹密旌旄連閣影凌空壁松聲助亂泉  
開門得初地伏檻接諸天向背春光滿樓臺古製全  
羣峯爭彩翠百谷會風煙香象隨僧久祥鳥報客先  
清心乘暇日稽首慕良緣法證無生偈詩成大雅篇  
蒼生望已久回駕獨依然

遊雲門寺

唐宋之間

初

維舟探靜域作禮事尊經投跡一蕭散爲心自杳冥  
龕依大禹穴樓倚少微星香嶂圍蘭若廻溪抱竹庭  
覺花塗砌白甘露洗山青鴈塔竊金地虹橋轉翠屏  
人天宵現景神鬼晝潛形理勝常虛寂緣空自感靈

入禪從鶴繞說法有龍聽劫累終期滅塵躬且未寧  
搖搖不安寐待月詠巖扃

宿雲門寺

唐宋之間

初

雲門若耶裏泛鷁路纔通寅緣綠篠岸遂得青蓮宮  
天香衆壑滿夜梵前山空漾漾潭際月飄飄杉上風  
鳳歸慨處士鹿化聞仙公樵路鄭州北舉井阿巖東  
永夜豈云寐曙華忽葱蘢谷鳥嚶尚澗源桃驚未紅  
再詠期春暮當造林端窮庶幾蹤謝客開山投剡中  
和崔司馬遊雲門寺

唐孫逖

初

居處

卷五十五

十九

會稽諸寺

覓路山童引經行谷鳥從更言窮寂滅迴策上南峯  
洲萬八賀九雲門寺歸溪中 唐孫逖  
晚從靈境出林壑曙雪飛稍覺清溪盡迴瞻畫剎微  
獨園餘興在孤棹宿心違更憶登攀處天香滿袖歸  
奉和獨孤中丞遊雲門寺作 唐嚴維

中

絕壑開花界耶溪極上源光輝三獨座登陟五雲門  
深木鳴騶馭晴山曜虎賁亂泉觀坐臥疎磬發朝昏  
蒼翠新秋色莓苔積雨痕上方看度鳥後夜聽吟猿  
異跡焚香對新詩酌茗論歸來還撫俗諸老莫攀轅  
遊光宅寺應令 梁簡文帝



陪遊入舊豐雲氣鬱青葱紫陌垂青柳輕槐拂慧風  
八泉光綺樹四柱暖臨空翠網隨煙碧丹花共日紅  
方欣大雲薄慈波流淨宮

光宅寺

梁劉氏徐悱妻

長廊欣目送廣殿悅逢迎何當曲房裏幽隱無人聲

稱心寺

唐駱賓王初

征帆恣遠尋逶迤過稱心凝滯衡匠岸沿洞植柚林  
穿敘不厭曲巖潭唯愛深爲樂凡幾許聽取舟中琴

遊稱心寺

唐宋之問初

釋事懷三隱清襟謁四禪江鳴潮未落林曉日初懸

居處

卷五十四

二十

會稽諸寺

寶葉交香雨金沙吐細泉望諸舟客趣思發海人煙  
顧檻仍留馬乘杯久棄船未憂龜負獄且識鳥耘田  
理契都無象心冥不寄筌安期庶可揖天地得齊年

和崔司馬登稱心山寺

唐孫逖初

郡府乘休日王城訪道初覺花迎步履香草藉行車  
倚閣觀無際尋山盡太虛巖空迷禹跡海靜望秦餘  
翡翠巢珠網鷗鷺間綺疏地靈資淨土水若護眞如  
寶樹誰禁折禪雲自卷舒晴分五湖勢煙合九夷居  
生滅紛無象窺臨已得魚常聞寶刀贈今日奉瓊琚

稱心寺中島

唐方干晚

水木生不極似將星漢連中州唯此地上界別無天  
雪折停援樹花藏浴鶴泉師爲終老意日日復年年

樂城白鶴寺

唐沈佺期初

碧海開龍藏青雲起鴈堂潮聲迎法鼓雨氣濕天香  
樹接前山暗溪承瀑布涼無言謫居遠清靜得空王

題思禪寺上方

唐獨孤及

溪口聞法鼓停橈登翠屏攀雲到金界合掌開禪局  
鬱律衆山抱空濛花雨零老僧指香樓云是不死庭  
眇眇於越路茫茫春草青遠峯噴百谷繚繞馳東溟  
目極想何在鏡照心亦冥驕然諸根空破結如破瓶

居處

卷五十四

二十一

會稽諸寺

下視三界狹但聞五濁腥山中有良藥吾欲隳天刑

登思禪寺上方經脩竹茂林

唐劉長卿中

上方幽且暮臺殿隱蒙龍遠磬秋山裏清援古木中  
衆溪連竹路諸嶺共松風倘許棲林下甘成白首翁

寄題天台國清寺齊梁體

唐皮日休晚

十里松門國清路飯猿臺上菩提樹怪來煙雨落晴  
天元是海風吹瀑布

奉和寄題天台國清寺

唐陸龜蒙晚

峯帶樓臺天外立明河色近采恩濕松間石上定僧  
寒半夜猶溪水聲急

○寺閣

和崔侍御日用遊開化寺閣

唐吳少微初

左憲多才雄故人尤驚鶚護贈單于使休軺太原郭  
館次厭煩歎清懷尋寂寞西緣十里餘北上開化閣  
初入雲樹間冥蒙未昭廓漸出欄梔外萬里秋景燁  
歲晏風落山天寒水歸壑覽物頌幽景三乘動玄鑰  
但敷利解言永用忘昏著

使過襄陽登鳳林寺閣

唐宋之間初

香閣臨清漢丹梯隱翠微林篁天際密人世谷中違  
苔石銜仙洞蓮舟泊釣磯山雲浮棟起江雨入庭飛  
居處

卷三十五

寺閣

信美雖南國嚴程限北歸幽尋不可再留步惜芳菲

登禪定寺閣

一作路賓王登  
總持寺浮圖詩

唐宋之間初

梵宇出三天登臨

一作

望八川開襟坐霄漢一作俯  
城闕

揮手拂雲煙

一作

山外昆明落日邊東京楊

柳陌少別已經年

奉和聖製閏九月九日登莊嚴持二寺閣

唐宋之間初

閏月再重陽仙輿歷寶坊帝歌雲稍白御酒菊猶黃  
風鐸喧行漏天花拂舞行豫遊多景福梵宇日生光

登摠持閣

唐崔湜初

宿雨清龍界晨暉滿鳳城昇輦重閣迴憑覽四郊明

井邑周秦地山河今古情紆餘二水合寥落五雲平  
處處風煙起欣欣草木榮故人不可見冠蓋滿東京

登摠持閣

唐岑參盛

高閣逼諸天登臨近日邊晴開萬井樹愁看五陵煙  
檻外低秦嶺窗中小渭川早知清淨理常願奉金仙

登摠持寺閣

唐耿漳中

今日登高閣三休忽自悲因知筋力減不及往年時  
草樹還如舊山河亦在茲龍鍾兼老病更有重來期

宿雲門寺閣

唐孫逖初

居處

卷三十五

寺閣

香閣東山下煙花象外幽懸燈千嶂夕卷幔五湖秋  
畫壁餘鴻鴈紗窗宿斗牛更疑天路近夢與白雲遊

宿香山閣

唐賀朝盛

暝上春山閣梯雲宿半空軒窗開潮海枕席拂煙虹  
朱網防棲鶴紗燈護夕蟲一聞鷄唱曉已見日瞳瞳

同羣公登漢陽聖佛寺閣

唐高適盛

落日登臨處悠然意不窮佛因初地識人覺四天空  
來鴈清霜後孤帆遠樹中徘徊傷寓目蕭索對寒風  
流夜郎至江夏陪長史叔及薛明府宴興德寺

南閣

唐李白盛

紺殿橫江上青山落鏡中岸迴沙不盡日映水成空  
天樂流香閣蓮舟颺晚風恭陪竹林宴留醉與陶公

登龍興寺閣

唐孟浩然

閣道乘空出披軒遠目開逶迤見江勢客至屢緣迴  
茲郡何填委遙山復幾哉蒼蒼皆草木處處盡樓臺  
驟雨一陽散行舟四海來鳥歸餘興遠周覽更徘徊

和太原鄭中丞登龍興寺閣

唐歐陽詹

青窻朱戶半天開極目凝神望幾迴晉國頽墉生草  
樹皇家瑞氣在樓臺千條水入黃河去萬點山從紫  
塞來獨恨侍遊韋長者不知高意是誰陪

居處

卷五

寺閣

和嚴長官秋日登太原龍興寺閣野望

唐歐陽詹

百丈化城樓君登最上頭九霄回棧路八到視并州  
烟火遺堯庶山河啓聖猷短垣齊介嶺片帛指汾流  
清鐸中天籟哀鴻下界秋境閑知道勝心遠見名浮  
豈念乘肥馬方應駕大牛自憐蓬逐吹不得與良遊

登聖善寺閣

唐褚朝陽

飛閣青雲裏先秋獨早涼天花散窻近月桂拂簷香  
華嶽三峯小黃河一帶長空聞指歸路煙處是垂楊

登聖善寺閣望龍門

唐成寧

高閣聊登望遙分禹鑿門刹連多寶塔樹滿給孤園  
香境超三界清流振陸渾報慈弘孝理道行叩眞源  
空淨祥煙霽時明愛日溫願從初地起長奉下生尊

聖善閣送裴迪入京

唐李頎

雪華滿高閣苔色上鈎欄藥草空階靜梧桐返照寒  
清吟可愈疾攜手暫同歡墜葉和金磬饑鳥鳴露盤  
伊流惜東別灞水向西看舊託含香署雲霄何足難

涪城縣香積寺官閣

唐杜甫

寺下春江深不流山腰官閣迴添愁含風翠壁孤雲  
細背日丹楓萬木稠小院迴廊春寂寂浴鳥飛鷺晚

居處

卷五

寺閣

悠悠諸天合在藤蘿外昏黑應須到上頭

晚霽登汝南大雲閣

唐賈參璋

禪宮歇雨新香閣晚登臨邑樹晴光起川苗佳氣深  
水包城下岸雲細郢中岑自歎牽卑日聊開望遠心  
○浮圖

夜望浮圖上相輪絕句

梁簡文帝

光中辨垂鳳霧裡見飛鸞定用方諸水持添承露盤

望同泰寺浮圖

梁簡文帝

遙看官佛圖帶壁復垂珠燭銀踰漢汝寶鐸邁昆吾  
日起光芒散風吟宮徵殊露落盤恒滿桐生鳳不雛

飛幡雜晚虹音絳畫鳥狎晨鳬梵世陵空下應真蔽景  
趨帝馬咸千轡天衣盡六銖意樂開長表多寶現金  
軀能令苦海渡復使慢山踰願能同四忍長當出九  
居涉天子傳天子之寶璫珠燭銀郭璞曰銀有精光如燭也

望同泰寺浮圖

梁庾肩吾

望園臨柰苑王城對鄴宮還從飛閣內遙見崑山中  
天衣疑拂石鳳翅欲凌空雲霓猶帶雨蓮井不生桐  
盤承雲表露鈴搖天上風月出琛含水一作天晴幡  
帶虹周星疑更落漢夢似今通我后懷一作情初照不  
與伊川同方應捧馬出永得離塵蒙崑山也

居處

卷百三十四

三六

望同泰寺浮圖

梁王訓

副君坐飛觀城傍屬大林王門雖八達露塔復千尋  
重檻出漢表層拱冒雲心崑山雕潤玉麗水瑩明金  
懸盤同露掌垂鳳似飛禽月落簷西暗日去柱東侵  
反流開睿屬擗輪動神襟願託牢舟返長免愛河深  
望同泰寺浮圖

梁王臺卿

朝光正見朗洞塔標千丈儀鳳異靈鳥金盤代仙掌  
積拱承雕栴高簷挂珠網寶地若池沙風鈴如樹響  
刻削生千變丹青圖萬象煙霞時出沒神仙乍來往  
晨露半層生飛旛接雲上游蜺不敢息翔鵠詎能仰

讚善資哲人流詠歸明兩願假舟航末彼岸誰云廣

望同泰寺浮圖

北周庾信

岩岩凌太清照殿比東京長影臨雙闕高層出九成  
拱積行雲礙幡搖度鳥驚鳳飛如始泊蓮合似初生  
輪重對月滿鐸韻擬鸞聲畫水流全住圖雲色半輕  
露晚盤猶滴珠朝火更明雖連博望苑還接銀沙城  
天香下桂殿仙梵入伊笙庶聞八解樂方遣六塵情  
和從駕登雲居寺塔

北周庾信

重巒千仞塔危磴九層臺石關恒逆上山梁乍斗迴  
堦下雲峯出窻前風洞開隔嶺鐘聲度中天梵響來

居處

卷百三十五

三七

平時欣侍從於此暫徘徊

四月八日題七級

唐駱賓王

化城分鳥堞香閣俯龍川複棟侵黃道重簷架紫煙  
銘書非晉代壁畫是梁年霸畧今何在王宮尚巋然  
二帝曾遊聖三卿是偶賢因茲遊勝侶超彼託良緣  
我出有爲界君登非想天悠悠清曠裏蕩蕩白雲前  
今日經行處曲音號蓋煙

登總持寺浮圖

唐孟浩然

半空躋寶塔晴望盡京華竹遶渭川遍山連上苑斜  
四門開帝宅阡陌俯人家累劫從初地爲童憶聚沙

一窺功德見彌益道心加坐覺諸天近空香送落花

奉和聖製閏九月九日幸總持寺登浮圖應制

唐李嶠初

閏節開重九眞遊下大千花寒仍薦菊座晚更披蓮  
剝鳳廻雕輦幡虹間綵旃還將西楚曲助入南薰絃

奉和九月九日登慈恩寺浮圖應制

唐上官昭容初

帝里重陽節香園萬乘來却邪更入佩獻壽菊傳盃  
塔類承天湧門疑待佛開脣詞懸日月長得仰昭回

奉和九月九日登慈恩寺浮圖應制

居處

卷百十四

三九 浮圖

唐劉憲初

飛塔雲霄半清晨羽旆遊登臨憑季月寥廓見中州  
御酒新寒退天文瑞景留辟邪將獻壽茲日奉千秋

奉和九月九日登慈恩寺浮圖應制

唐趙彥昭初

出豫乘秋節登高陟梵宮皇心滿塵界佛迹現虛空  
日月宜長壽人天得大通喜聞題寶偈受記莫由同

奉和九月九日登慈恩寺浮圖應制

唐李乂初

湧塔臨玄地高層瞰紫微鳴鑾陪帝出攀榆翊天飛

慶洽重陽壽文合列象輝小臣叨載筆欣此頌巍巍

奉和九月九日登慈恩寺浮圖應制

唐辛替否初

洪慈均動植至德俯深玄出豫從初地登高適梵天  
白雲飛御藻慧日暖皇編別有秋原藿長傾雨露緣

奉和九月九日登慈恩寺浮圖應制

唐解琬初

瑞塔臨初地金輿幸上方空邊有清淨覺處無馨香  
雨霽微塵斂風秋定水涼茲辰採仙菊薦壽慶重陽

奉和九月九日登慈恩寺浮圖應制

居處

卷百十五

三九 浮圖

唐麴瞻初

扈蹕遊玄地陪仙瞰紫微似邁銖衣却將同羽化飛  
雕戈秋日麗寶劍曉霜霏獻觴乘菊序長願奉天暉

奉和九月九日登慈恩寺浮圖應制

唐孫佺初

應節更房滿初寒菊圃新龍旗煥宸極鳳駕儼香闥  
蓮井偏宜夏梅渠更若春一欣陪鴈塔還似得天身

奉和九月九日登慈恩寺浮圖應制

唐李從遠初

九月從時豫三乘爲法開中霄日天子半座寶如來

摘果盤珠獻攀莖玉輦廻願將塵露點遙奉光明臺  
奉和九月九日登慈恩寺浮圖應制

唐馬懷素初

季月重陽啓金輿陟寶坊御旂橫日道仙塔儼雲莊  
帝蹕千官從乾詞七曜光顧漸文墨職無以頌時康  
奉和九月九日登慈恩寺浮圖應制

唐王景初

玉輦移中禁珠梯覽四禪重階清漢接飛寶紫霄懸  
綴葉披天藻吹花散御筵無因鑿蹕暇俱舞鶴林前  
奉和九月九日登慈恩寺浮圖應制

居處

卷一百一十五

三

浮圖

唐蕭至忠初

天蹕三乘啓星輿六轡行登高凌寶塔目極徧王城  
神衛空中遶仙歌雲外清重陽千萬壽率舞頌昇平  
奉和九月九日登慈恩寺浮圖應制

唐李適初

鳳輦乘朝霽鷺林對晚秋天文貝葉寫聖澤菊花浮  
塔似神功造龕疑佛影留幸陪清漢蹕欣奉淨居遊  
奉和九月九日登慈恩寺浮圖應制

唐宋之問初

鳳剎侵雲半虹旌倚日邊散花多寶塔張樂布金田

時菊芳仙醞秋蘭動脣篇香街稍欲晚清蹕扈歸天

奉和九月九日登慈恩寺浮圖應制

唐李嶠初

瑞塔千尋起仙輿九日來萸房陳寶席菊蕊散花臺  
御氣鵬霄近升高鳳野開天歌將梵樂空裏共徘徊  
同諸公登慈恩寺塔

唐儲光羲盛

金祠起真宇直上青雲垂地靜我亦閑登之秋清時  
蒼蕪宜春苑片碧昆明池誰道天漢高逍遙方在茲  
虛形賓太極攜手行翠微雷雨傍杳冥鬼神中躑躅  
靈變在倏忽莫能窮天涯冠上閭闔開履下鴻鴈飛  
宮室低遷迤羣山小參差俯仰宇宙空庶隨了義歸

居處

卷一百一十六

三

浮圖

崩崩非大厦久居亦以危

與高適薛據同登慈恩寺塔

唐岑參盛

塔勢如湧出孤高聳天宮登臨出世界磴道盤虛空  
突兀壓神州崢嶸如鬼工四角礙白日七層摩蒼穹  
下窺指高鳥俯聽聞驚風連山若波濤奔湊似朝東  
青槐夾馳道宮館何玲瓏秋色從西來蒼然滿關中  
五陵北原上萬古青濛濛淨理了可悟勝因夙所宗  
誓將挂冠去覺道資無窮

同諸公登慈恩寺浮圖

唐高適盛

香界泯羣有浮圖豈諸相登臨駭孤高披拂欣大壯



言是羽翼生迴出虛空上頓疑身世別乃覺形神王  
宮闕皆戶前山河盡簷向秋風昨夜至秦塞多清曠  
千里何蒼蒼五陵鬱相望盛時懸阮步末宦知周防  
輪效獨無因斯焉可遊放

同諸公登慈恩寺塔

唐杜甫盛

高標跨蒼穹烈風無時休自非曠士懷登茲翻百憂  
方知象教力足可追冥搜仰穿龍蛇窟始出枝撐幽  
七星在北戶河漢聲西流羲和鞭白日少昊行清秋  
秦山忽破碎涇渭不可求俯視但一氣焉能辨皇州  
迴首叫虞舜蒼梧雲正愁惜哉瑤池飲日宴崑崙丘  
居處

卷百二十四

三

浮圖

題慈恩寺塔

唐荆叔盛

漢國山河在秦陵草樹深暮雲千里色無處不傷心  
長安慈恩寺塔

唐盧宗回中

東方曉日上翔鸞西轉蒼龍拂露盤渭水冷光搖藻  
井玉峯晴色墜闌干九重宮闕參差見百二山河表  
裏觀暫輟去蓬悲不定一凭金界望長安

題慈恩寺塔

唐童八元中

七層突兀在虛空四十門開面面風却怪鳥飛平地  
上自驚人語半天中迴梯暗踏如穿洞絕頂初攀似

出龍落日鳳城佳氣入滿城春樹雨濛濛

題鴈塔即慈恩寺塔

唐解彥融盛

崢嶸徹倒景刻削俯無地勇進攀有緣卽嶮恐迷墜  
窅然喪五蘊蠢爾懷萬類實際罔他尋波羅必可致  
南山繚上苑祇樹連巖翠北斗臨帝城扶宮切太清  
馴禽演法要忍草藉經行本願從茲適方知物世輕  
和寶侍郎登涼州七級浮圖之作

唐高適盛

化塔屹中起孤高宜上躋鐵冠雄賞眺金界籠招攜  
空色在軒戶邊聲連鼓鼙天寒萬里北地豁九州西  
居處

卷百二十四

三

浮圖

登廣陵樓靈寺塔

唐高適盛

淮南富登臨茲塔信奇最直上造雲族憑虛納天籟  
迴然碧海西獨立飛鳥外始知高興盡適與賞心會  
連山黯吳門喬木吞楚塞城池滿窓下物象歸掌內  
遠思駐江帆暮情結春靄軒車疑蠢動造化資大塊  
何必了無身然後知所退

秋日登揚州西靈寺塔

唐李白盛

寶塔凌蒼蒼登攀覽四荒頂高元氣合標出海雲長  
萬象分空界三天接畫梁水搖金刹影日動火珠光

鳥拂瓊簾度霞連繡栱張玉毫如可見於此照迷方

登揚州西靈寺塔

唐劉長卿

化塔凌空虛雄觀壓川澤亭亭楚雲外千里看不隔  
遙對黃金臺浮輝亂相射盤梯接元氣半壁接夜魄  
稍登諸劫盡若騁排霄翮向是滄洲人已爲青雲客  
雨飛千栱霽日在萬家夕鳥處高却低天涯遠如迫  
江臨入空翠海嶠現微碧向暮期下來誰堪復行役  
登千佛寺楚金禪師法華院多寶塔

唐岑參

居處

卷百三十四

浮圖

多寶滅已久蓮華付吾師寶塔凌太空忽如湧出時  
數年功不成一志堅自持明主親夢見世人今始知  
千家獻黃金萬匠磨琉璃既空泰山木亦罄天府貴  
焚香如雲屯幡蓋珊瑚垂悉窅神繞護衆魔不敢窺  
作禮覩靈境焚香方證疑庶割區中緣脫身恒在茲

詩雋類函卷一百三十四

詩雋類函卷一百三十五

東吳俞安期彙纂 宣城梅鼎祚增定

星藝齋繼可訂校

居處部十

僧院 蘭若 影堂

精舍 林亭山池附

○僧院

青龍寺疊壁上人兄院集 并序 唐王維

吾兄大開陰中明徹物外以定力勝敵以惠用解  
嚴深店僧坊傍俯人里高原陸地下映芙蓉之池  
竹林果園中秀菩提之樹八極氛霧萬彙塵息太  
虛寥廓南山爲之端倪皇州蒼茫渭水貫於天地

居處

卷百三十五

僧院

經行之後跌坐而閑升堂梵筵餌客香飯不起而  
遊覽不風而清涼得世界於蓮花記文章於貝葉  
時江寧大兄持片石命維序之詩五韻坐上成  
高處敞招提虛空詎有倪坐看南陌騎下聽秦城鷄  
眇眇孤煙起芊芊遠樹齊青山萬井外落日五陵西  
眼界今無染心空安可迷

青龍寺疊壁上人院集

唐王維

林中空寂舍階下終南山高卧一牀地廻看六合間  
浮雲幾處滅飛鳥何時還問義天人接無心世界閑  
誰知大隱客兄弟自追攀

青龍寺曇壁上人院集

唐王昌齡

本來清淨所竹樹引幽陰  
簷外今山秀人間出世心  
圓通無有象聖境不能侵  
真是見法何妨友弟深  
天香自然會靈異識鐘音

青龍寺曇壁上人院集

唐裴迪

靈境信爲絕法堂出塵氛  
自然高致向下看浮雲  
迤邐峯岫列參差閭井分  
林端遠蝶見風末疎鐘聞  
吾師久禪寂在世超人羣

曇壁上人院走筆成訓黎居士浙川作

唐王維

居處

卷百五十五

二 僧院

儂家真箇去公定隨儂否  
著處是蓮花無心變楊柳  
松龕藏藥裏石唇安茶臼  
氣味當共知那能不攜手

過感化寺曇興上人山院

唐王維

暮持筇竹杖相待虎溪頭  
催客聞山響歸房逐水流  
野花叢發好谷鳥一聲幽  
夜坐空村寂松風直似秋

過感化寺曇興上人山院

唐裴迪

不遠潮陵邊安居向十年  
八門穿竹逕留客聽山泉  
鳥嘯深林裏心閑落照前  
各竟何益從此願棲禪

苑外至龍興院作

唐儲光義

朝遊天苑外忽見法筵開  
山勢當空出雲陰滿地來

疎鐘清月殿幽梵靜花臺  
日暮香林下飄飄仙步迴

題靈隱寺山頂院

唐裴母潛

招提此山頂下界不相聞  
塔影挂清漢鐘聲和白雲  
觀空靜室掩行道衆香焚  
且駐西來駕人天日未曛

題破山寺後禪院

唐常建

清晨入古寺初日照高林  
竹逕通幽處禪房花木深  
山光悅鳥性潭影空人心  
萬籟此都寂但餘鐘磬音

題法院

唐常建

勝景門閒對遠山竹深松  
老半含煙皓月殿中三度  
磬水晶宮裏一僧禪

居處

卷百五十五

三 僧院

題神力師院

唐李頎

大師神傑貌五嶽森禪房  
堅持日月珠豁見滄江長  
隨病拔諸苦致身如法王  
階庭藥草徧飯食天花香  
樹色向高閣晝陰橫半墻  
每聞第一義心淨琉璃光

覺公院施烏石臺

唐李頎

石臺置香飯齋後施諸禽  
童子亦知善衆生無懼心  
苔痕蒼曉露盤勢出香林  
錫杖或圍繞吾師一念深

集梁耿開元寺所居院

唐劉長卿

到君幽卧處爲我掃莓苔  
花雨晴天落松風終日來  
路經深竹過門向遠山開  
豈得長高枕中朝正用才

將赴嶺外留題蕭寺遠公院

寺即梁朝蕭內史創

唐劉長卿中

竹房遙閉上方幽  
蒼蒼訪昔遊  
內史舊山空  
日暮南朝古  
木向人秋天香  
月色同僧室  
月落猿啼傍  
客丹此去播遷明主意  
白雲何事欲相留

起度律師同居東齋院

唐韋應物中

釋子喜相偶  
幽林俱避喧  
安居同僧夏  
清夜諷道言  
對閣景恒晏  
步庭陰始繁  
逍遙無一事  
松風入南軒

神靜師院

唐韋應物中

青苔幽巷徧  
新林露氣微  
經聲在深竹  
高齋獨掩扉

唐處

卷百三十五

四

僧院

憩樹愛嵐嶺  
聽琴悅朝暉  
方耽靜中趣  
自與塵事違

道晏寺主院

唐韋應物中

北隣有幽竹  
潛筠穿我廬  
往來地既密  
心樂道者居  
殘花迴往節  
輕條陰夏初  
聞鐘北牕起  
嘯傲永日餘

曇智禪師院

唐韋應物中

高年不復出門徑  
衆草生時夏方新  
雨果藥發餘榮  
疎澹下林景  
流暮幽禽情  
身名兩俱遺  
獨此野寺行

澄秀上座院

唐韋應物中

繚繞西南隅  
鳥聲轉幽靜  
秀公今不在  
獨禮高僧影  
林下器未收  
何人適煮茗

行寬禪師院

唐韋應物中

北望極長廊  
斜扉映一作叢  
竹亭午一來尋院  
幽僧亦獨唯  
聞山鳥啼愛此林下宿

衡陽春日遊僧院

唐戎昱中

曾共劉諮議  
同時事道林  
與君相掩淚  
來客豈知心  
堦雪凌春積  
爐煙向暝深  
依然舊童子  
相送出花林  
早春同庾侍郎題青龍上方院

唐李端中

相見惜餘輝  
齊行登古寺  
風煙結遠恨  
山水含芳意  
車馬莫前歸  
留有巢鶴至

唐處

卷百三十五

五

僧院

題陳上人院

唐司空曙中

閉門不出自焚香  
擁褐看山歲月長  
雨後綠苔生石井  
秋來黃葉遍繩牀  
身閑何處無真性  
年老曾言隱故鄉  
更說本師同學在  
幾時攜手見衡陽

題崇福寺禪院

唐崔峒中

僧家更無事  
掃地與焚香  
清磬度山翠  
閑雲來竹房  
身心塵外遠  
歲月座中長  
向晚禪室閉  
無人空夕陽

宿禪智寺上方演太師院

唐崔峒中

石林高幾許  
金刹在中峯  
白日空山梵  
清霜後夜鐘  
竹牕迴翠壁  
苔徑入寒松  
幸接無生法  
疑心怯所從

題宇文襄山寺讀書院

唐于鵠中

讀書林下寺不出動經年  
草閣連僧院山厨共石泉  
雲庭無履跡龕壁有燈煙  
年少今頭白刪詩到幾篇

宿程上人院

唐盧綸中

竹牕聞遠水月出似溪中  
香覆經年火幡飄後夜風  
性昏知道晚學淺喜言同  
一悟歸身處何山路不通

過蘇州曉上人院

唐朱慶餘中

夏滿律當清無中景自生  
移松不避遠取石亦親行  
經案離時少繩牀著處平  
若將林下比應只少泉聲

贈律師院

唐朱慶餘中

居處

卷百五

大僧院

粉壁通蓮徑扁舟到不迷  
葦聲過枕上湖色滿牕西  
但見修行苦誰論夏臘低  
閑看種來樹已覺與身齊

題僧禪院

唐馬戴晚

虛宇焚香久禪心悟幾生  
濾泉侵月起掃徑避蟲行  
樹隔前朝在苔滋廢渚平  
我來風雨後像設一燈明

東林愿禪師院

唐崔塗晚

與世漸無緣身心獨了然  
講銷林下月臘長定中年  
聲絕朝齋後香焚古寺前  
非因送小朗不到虎谿邊

將歸塗口宿鬱林寺道玄上人院

唐許渾晚

春尋採藥翁歸路宿禪宮  
雲起客眠處月殘僧定中  
藤花深洞水榭一作葉滿山  
風清境不能住朝朝慙遠公

題岫上人院

唐許渾晚

病客與僧閑頻來不掩關  
高牕雲外樹疎磬雨中山  
離索秋蟲響登臨夕鳥還  
心知落帆處明月淞河灣

題靈山寺行堅師院

唐許渾晚

西巖一逕不通樵八十持杯未覺遙  
龍在石潭聞夜雨鴈移沙渚見秋潮  
經畝露濕文多暗香印風吹字半銷  
應笑東歸又南去越山無路水迢迢

居處

卷百五

七僧院

題澄聖塔院上方

唐方干晚

地靈直是饒雲雨杉檜老於雲雨間  
只訝牕前常見海方知砌下更多山  
遠泉勢曲猶須引野果枝低可要攀  
若把重門喻玄寂何妨善閉却無關

題擇詞律師院

唐僧貫休晚

律中麟角者高淡出塵埃芳草不曾觸  
幾生如此來壑風吹磬斷杉露滴花開  
如結林中社伊予願一陪題靈隱寺院公院

唐鄭巢晚

山寒葉滿衣孤鶴偶清羸已在雲房老  
休爲內殿期嵐昏磬聲早果熟喚猿遲  
未得終高論明朝更別離

宿開照寺光澤上人院

唐張嶺晚

靜室譚玄旨清宵獨細聽真身非有像至理本無經  
鐘定遙聞水樓高別見星不教人觸穢偏說此山靈

題宜一僧正院

唐黃滔晚

五級凌虛塔三生落髮師都僧須有託孤嶠遂無期  
井邑焚香待君侯減俸資山衣隨疊破菜骨逐年羸  
茶取寒泉試松於遠澗移

○禪居

和亡名法師秋夜草堂寺禪房月下

梁劉孝先

居處

卷百五十五

八 禪居

幽人住山北月上照山東洞戶臨松徑虛窻隱竹叢  
出林避炎影步逕逐涼風平雲斷高岫長河隔淨空  
數螢流暗草一鳥宿疎桐興逸煙霄上神閑宇宙中  
還思城闕下何異處樊籠

經始興廣果寺題愷法師山房

陳江總

息舟候香埠悵別在寒林竹近交枝亂山長絕逕深  
輕飛入定影落照有疎陰不見投雲狀空留折桂心  
攝山棲霞寺山房夜坐簡徐祭酒周尚書并同

遊羣彥

陳江總

澡身事珠戒非是學金丹月磴時橫枕雲崖宿解鞍  
梵宇調心易禪庭數息難石澗水流靜山窻葉去寒  
君思北闕駕我惜東都冠翻愁夜鐘盡同志不盤桓  
仰同令君攝山栖霞寺山房夜坐六韻

陳徐孝克

戒壇青石路靈相紫金峯影盡皈依鵲餐迎守護龍  
晨朝宣寶偈寒夜斂疎鐘鷄蘭靜含握仁智獨從容  
五禪清慮表七覺蕩心封願言於此處攜手屢相逢

靜卧栖霞寺房望徐祭酒

陳江總

絕俗俗無侶修心心自齋連崖夕氣合虛宇宿雲霾

居處

卷百五十五

九 禪居

卧藤新接戶敬石久成階樹聲非有意禽戲似忘懷  
故人市朝狎心期林壑乖唯憐對芳杜可以爲吾儕  
和江令君靜卧栖霞寺房 陳徐孝克

上宰明四空迴車八道中洞涼容麥氣巖光對月宮  
香來詎經火花散不隨風澗松無異語神柱兩分叢  
虛薄誠爲累何因偶會同暫此垂山北猶可向牆東

夏日遊暉上人房

唐陳子昂初

山水開精舍琴歌列梵筵人疑白樓賞地似竹林禪  
對戶池光亂交軒巖翠連色空今已寂乘月弄澄泉

題虬上人房

唐儲光義盛



禪宮分兩地禪子一爲心入道無來去清言見古今  
江寒池水綠山暝竹園深別有中天月遙遙散夕陰

題晤上人禪居

唐儲光義

眞王清淨子燕居復行心結宇隣居已寤言非遠尋

丹青丈室滿草樹一庭深秀色玄冬發交枝白日陰  
江流暎朱戶山鳥鳴香林獨往已寂寂安知浮與沈

登福先寺上方然公禪室

唐蔡希寂

名都標佛刹萬構臨河干舉目上方峻森森青翠攢  
步登諸劫盡忽造浮雲端當暑局闊邃却嫌絺綌寒

禪房最高頂靜者殊閑安疎雨向空城數峯簾外盤

居處

卷百五十五

十一

午鐘振衣坐招我同一餐眞味雜飴露衆香唯蔭蘭

晚來恣偃俛茶果仍留歡

和薦福寺英公新構禪堂

唐丁仙芝

上人久棄世中道自忘筌寂照出羣有了心清衆緣

所以於此地築館開青蓮果藥羅砌下煙虹垂戶前

呪中灑甘露指處流香泉神遠日無事體清宵不眠

杳聞廬山法松入漢陽禪一枕四山外虛舟長浩然

題義公禪房

唐孟浩然

義公習禪寂結宇依空林戶外一峯秀堦前衆壑深  
夕陽連雨足空翠落庭陰看取蓮花淨方知不染心

題惠上人房

唐孟浩然

帶雪梅初暖含煙柳尚青來歸童子偈得聽法王經  
會理知無我觀空厭有形迷心應覺悟客思不遑寧

同王九題就師山房

唐孟浩然

晚憩支公室故人逢右軍軒窗避炎暑翰墨動新文  
竹蔽簷前日雨隨堦下雲同遊清陰徧吟卧夕陽曛  
江靜棹歌歇溪深樵語聞歸途未忍去攜手戀清芬

宿立公房

唐孟浩然

支遁初求道深公笑買山如何石巖趣自入戶庭間  
苔澗春泉滿蘿軒夜月閑能令許玄度吟卧不知還

居處

卷百五十五

十一

題山寺僧房

唐岑參

窻影搖羣木牆陰載一峯野爐風自焚山碓水能舂

勤學翻知誤爲官好欲慵高僧暝不見月出但聞鐘

題雲際南峯上人讀經堂

唐岑參

結宇題三藏焚香老一峯雲間獨坐卧祗是對杉松

上嘉州青衣山中峯題惠淨上人幽居寄兵部

楊郎中

唐岑參

青衣之山在大江之中屹然迥絕崖壁蒼峭周廣  
七里長波四匝有惠淨上人廬于其巔唯繩牀竹  
杖而已恒持蓮華經十年不下山予自公浮舟聊

一登眺友人夏官弘農楊侯清談之士也素工爲文獨立於世與予有方外之約每多獨往之意今者幽獨勝繁歎不得與此公俱爰命小吏刮磨石壁以識其事乃詩以達楊友爾

青衣誰開鑿獨在水中央浮舟一躋攀側逕沿穹蒼絕頂訪老僧豁然登上方諸嶺一何小三江奔茫茫蘭若向西開峨眉正相當猿鳥樂鐘磬松蘿泛天香江雲入袈裟山月吐繩牀早知清淨理久乃機心忘尚以名宦拘聿來夷獠鄉吾友不可見鬱爲尚書郎早歲愛丹經留心向青囊渺渺雲智遠幽幽海懷長居處

卷百五

十三

勝賞欲與俱引領遙相望爲政愧無術分憂幸時康君子滿天朝老夫憶滄浪況值廬山遠抽簪歸法王赴嘉州過城固縣尋永女超禪師房

唐岑參

滿樹枇杷冬著花老僧相見具袈裟漢王城北雪初霽韓信臺西日欲斜門外不須催五馬林中且聽演三車豈料巴州多勝事爲君書此報京華

大雲寺贊公房四首

唐杜甫

燈影照無睡心清聞妙香夜深殿突兀風動金琅璫天黑閉春院地清棲暗芳玉繩回斷絕鐵鳳森翱翔

楚放時出寺鐘殘仍殿牀明朝在沃野苦見塵沙黃

二

明霞爛複閣霽霧塞高牖側寒被徑花飄颻委墀柳艱難世事迫隱遁佳期後晤語契深心那能總鉗口

三

心在水精域衣霑春雨時洞門盡徐步深院果幽期到扉開復閉撞鐘齋及茲醍醐長發性飲食過扶衰把臂有多日開懷無愧辭黃鸝度結構紫鴿下梁恩愚意會所適花邊行自遲湯休起我病微笑索題詩

四

居處

卷百五

十三

細軟青絲履光明白氎巾深藏供老宿取用及吾身雨濕暮簷竹風吹春井芹天陰對圖畫最覺潤龍鱗

已上人茅齋

唐杜甫

已公茅屋下可以賦新詩枕簟入林僻茶瓜留客遲江蓮搖白羽天棘蔓青絲空忝許詢輩難酬支遁詞

題玄武禪師屋壁

唐杜甫

何年顧虎頭滿壁畫滄洲赤日石林氣青天江海流錫飛常近鶴杯度不驚鷗似得廬山路真從惠遠遊

謁文公上方

唐杜甫

野寺隱喬木山僧高下居石門日色異絳氣橫扶疎

窈窕入風磴長蘿紛卷舒庭前猛虎卧遂得文公廬  
俯視萬家邑煙塵對堦除吾師雨花外不下十年餘  
長者自布金禪龕只晏如大珠脫玷翳白日當空虛  
願聞第一義迴向心地初金篦刮眼膜價重百車渠  
無生有汲引茲理倘吹嘘

宿贊公房

唐杜甫

杖錫何來此秋風已颯然雨荒深院菊霜倒半池蓮  
放逐寧違性虛空不離禪相逢成夜宿隴月向人圓

靜法師東齋

唐王昌齡

築山在人境遂得真隱情春盡草木變雨來池館清

居處

卷百三十五

十四

琴書全雅道視聽已無生閉戶脫三界白雲自虛盈

題招隱寺綯公房

唐綦毋潛

開士度人久空巖花霧深徒知燕坐處不見有爲心

蘭若門對壑田家路隔林還言澄法性歸去比黃金

無礙上人東林禪居

唐李頎

草堂每多暇時謁山僧門所對但羣木終朝無一言

我心愛流水此地臨清源含吐山上日蔽虧松外村

孤峯隔身世百衲老寒暄禪戶積朝雪花龕來暮猿

顧余守耕稼十載隱田園蘿篠慰春汲巖潭恣討論

洩盡豈知限至道莫探元且願啓關鎖於焉微尚存

宿瑩公禪房聞梵

唐李頎

花宮仙梵遠微微月隱高城鐘漏稀夜靜霜林驚落  
葉曉聞天籟發清機蕭條已入寒空靜颯沓仍隨秋  
雨飛始覺浮生無住著頓令心地欲歸依

寺居清晨

唐劉復

高枕對曉月衣巾清且涼露華朝未曦滴瀝含虛光  
隔竹聞汲井開扉見焚香幽心感衰病結念依法王  
青冥早雲飛杳靄空鳥翔此情皆有釋悠然知所忘

秋夜肅公房喜普門上人自陽羨山至

唐劉長卿

居處

卷百三十五

十五

山棲久不見林下偶同遊早晚來香積何人住沃洲

寒禽驚後夜古木帶高秋却入千峯去孤雲不可留

寄鄭二侍御歸新鄭無礙寺所居

唐皇甫冉

何事休官早歸來作鄭人雲山隨伴侶伏臘見鄉親

南畝無三徑東林寄一身誰當便靜者莫使甌生塵

和鄭少尹祭中嶽寺北訪蕭居士越上方

唐皇甫冉

肅事祠靈境尋真到隱居寅緣幽谷遠蕭散白雲餘

晚節持僧律他年著道書海邊曾狎鳥濠上正觀魚

寂靜求無相淳和觀太初謝公懷舊壑迴駕復何如

同苗員外宿薦福常師房

唐司空曙

浮生共多故聚宿喜君同人息時聞磬燈搖午有風  
霜堦疑水際夜木似山中一願持如意長來事遠公

宿誠禪師山房

唐劉禹錫

晏坐白雲端清江直上看來人望金刹講席繞香壇  
虎嘯夜林動鼯鳴秋澗寒衆音徒起滅心在淨中觀

宿慈恩寺郁公房

唐賈島

病身來寄宿自掃一牀閑反照臨江磬新秋過雨山  
竹陰移冷月荷氣帶禪關獨往天台意方從內請還

居處

卷百五十五

十六

禪室

唐柳宗元

發地結菁茅團團抱虛白山花落幽戶中有忘機客  
涉有本非取照空不待析萬籟俱緣生窅然喧中寂  
心境本洞如鳥飛無遺跡

戲題石門長老東軒

唐柳宗元

石門長老身如夢旃檀成林手所種坐來念念非昔  
人萬徧蓮花爲誰用如今七十自忘機貪愛都忘筋  
力微莫向東軒春野望花開日出雉皆飛

題僧房

唐韓翃

披衣聞客至關鎖此時開鳴磬夕陽盡捲簾秋色來

名香連竹徑清楚出花臺身在心無住他時到幾回

題薦福寺衡嶽疎師房

唐韓翃

春城乞食還高論此中閑僧臘階前樹禪心江上山  
疎簾看雪卷深戶映花關晚送門人出鐘聲香霽間

題莊上人房

唐耿漳

不語焚香坐心知道已成流年哀此世定力見他生  
暮雪餘春冷寒燈獨晝明尋常五侯至敢望下階迎

慈恩寺疎上人房招耿拾遺

唐李端

悠然對惠遠共結故山期汲井樹陰下閉門亭午時  
地閑花落厚石淺水流遲願與神仙客同來事本師

居處

卷百五十五

十七

同皇甫侍御題惟一上人房

唐李端

焚香居一室盡日見空林得道輕年暮安禪愛夜深  
東西皆是夢存沒豈關心唯美諸童子持經在竹陰  
同皇甫侍御題薦福寺一公房

唐李嘉祐

虛室獨焚香林空靜磬長閑窺數竿竹老在一繩牀  
啜茗翻眞偈燃燈繼夕陽人歸遠相送步履出迴廊

雙山逢信公所居

唐包佶

遙禮前朝塔微聞後夜鐘人間第四祖雲裏一雙峯  
積雨封苔徑多年亞石松傳心不傳法誰可繼高蹤

鄱陽大雲寺一公房

唐顧況中

盡日陪遊處斜陽竹院清定中觀有漏言外證無生  
色界聊傳法空門不用情欲知相去近鐘鼓兩聞聲

題僧明惠房

唐秦系中

簷前朝暮雨天花八十具僧飯一麻入定幾時還出  
定不知巢燕汗袈裟

題鶴林寺僧室

唐李涉中

終日昏昏醉夢間忽聞春盡強登山因過竹院逢僧  
話又一作得浮生半日閑

寄題雲門寺梵僧無側房

時人傳是寶月後身

居處

卷二百五

十八禪居

唐僧皎然中

越山千萬雲門絕西僧貌古還名月清朝掃石行道  
歸林下眠禪看松雪

題青龍寺鏡公房

唐馬戴晚

一室竟何有閑門爲我開爐香寒自滅履雪飯初迴  
牕迴孤山入燈殘片月來

宿無可上人房

唐馬戴晚

稀逢息心侶細話遠山期河漢秋深夜杉梧露滴時  
風傳林磬響月掩草堂遲坐卧禪心在浮生皆不知

一公房

唐喻鳦晚

幽深誰掩關清淨自多閑一雨收衆木孤雲生遠山  
花萎綠苔上鶴乳翠樓間嵐靄燃香夕容聽半偈還

維摩暢林居

唐李洞晚

諸方遊幾臘五夏五峯銷越講迎騎象蕃齋懺射鵬  
冷筇和雪倚朽櫟帶雲燒從此西林老瞥然三萬朝

秋宿經上人房

唐李洞晚

江房無葉落松影帶山高滿寺中秋月孤窻入夜濤

題寶林寺禪者壁

山名飛來峯

唐方干晚

邃巖喬木夏藏寒牀下雲溪枕上看臺殿漸多山更  
重却令飛去即應難

居處

卷二百五

十九禪居

題慎言法師故房

以下故居

唐儲光義盛

精廬不住子自有無生鄉過客知何道徘徊鴈子堂  
浮雲歸故嶺落月還西方日夕虛空裏時聞異香

尋白石山眞禪師舊草堂

唐劉長卿中

惆悵雲山暮閑門獨不開何時飛杖錫終日閉蒼苔  
隔嶺春猶在無人燕亦來誰堪暝投處空復一猿哀

自道林寺西入石路至麓山寺過法崇禪師故

居

唐劉長卿中

山僧候谷口石路拂莓苔深入泉源去遙從樹杪回  
香隨青靄散鐘過白雲來野雪空齋掩山嵐古殿開

桂寒知自發松老問誰裁惆悵湘江水何人更渡杯

青龍寺題故臺上人房

唐李端

遠公留故院一徑雪中微童子逢皆老門人問亦稀  
翻經徒有處攜履遂無歸空念尋巢鶴時來傍影飛  
遊西林寺題蕭二兄郎中舊堂

唐韓愈

中郎有女能傳業伯道無兒可保家偶到匡山曾住  
處幾行衰淚落煙霞

○精舍

林亭山池附後

石壁立招提精舍

宋謝靈運

居處

卷五十五

主

精舍

四城有頤蹟三世無極已浮歡昧眼前沈照貫終始  
壯齡緩前期頽年追暮齒揮霍夢幻頃飄忽風電起  
良緣迫未謝時逝不可俟敬擬靈鷲山尚想祇洹軌  
絕溜飛庭前高林映窻裏禪室栖空觀講宇析妙理

入龍丘巖精舍

陳江總

法堂猶集鴈仙竹幾成龍聊承丹桂馥遠視白雪峯  
風窻穿石竇月牖拂霜松暗谷留征鳥空林徹夜鐘  
陰崖未辨色疊樹豈知重湔此哀時命吁嗟世不容  
無山訪詹尹何去復何從

題辨覺精舍

唐儲光義

盛

朝隨秋雲陰乃至青松林花閣空中遠方池巖下深

竹風亂天語溪響成龍吟試問真君子遊山非世心

至閑居精舍呈正上人

唐儲光義

盛

太室三招提其趣皆不同不同非一趣況是天遊宮  
雙嶺前夾門閣道復橫空寶坊若花積宛轉不可窮  
流泉自成池青松信饒風秋晏景氣迴晶明丹素功  
近將隱者隣遠與西山通大師假惠照念以息微躬

藍田山石門精舍

唐王維

盛

落日山水好漾舟信歸風玩奇不覺遠因以緣源窮  
遙愛雲木秀初疑路不同安知清流轉偶與前山通

居處

卷五十五

主

精舍

捨舟理輕策果然慙所適老僧四五人逍遙陰松栢  
朝梵林未曙夜禪山更寂道心及牧童世事問樵客  
晚宿長林下焚香卧瑤席澗芳襲人衣山月映石壁  
再尋畏迷誤明發更登歷笑謝桃源人花紅復來覲

疾愈過龍泉寺精舍

唐孟浩然

盛

停午聞山鐘起行散愁疾尋林採芝去轉谷松蘿密  
傍見精舍開長廊飯僧畢石渠流雪水金子耀霜橘  
竹房思舊遊過憩終永日入洞窺石髓傍崖採峰蜜  
日暮辭達公虎谿相送出

藍嶺精舍

唐韋應物

中



石壁精舍高排雲聊直上佳遊愜始願忘險得前賞  
崖傾景方晦谷轉川如掌綠林含蕭條飛閣起弘敞  
道人上方至深夜還獨往日落羣山陰天秋百泉響  
所嗟累已成安得長偃仰

春月觀省屬城始憩東西林精舍

唐韋應物中

因時省風俗布惠追高年建隼出潯陽整駕遊山川  
白雲斂晴壑羣峯列遙天欽崎石門狀杳靄香爐煙  
榛荒屢冒星逕側殆覆顛方臻釋氏廬時物屢華妍  
曇遠昔經始於茲閑幽玄東西竹林寺灌注寒澗泉

居處

卷百五十五

主精舍

人事既云泯歲月復已綿殿宇餘丹紺磴閣峭欹懸  
佳士亦棲息善身絕塵緣今我蒙朝寄教化敷里鄣  
道妙苟爲得出處理無偏心當同所尚跡豈辭纏牽

寓居永定精舍

蘇州

唐韋應物中

政拙欣罷守閑居初理生家貧何由往夢想在京城  
野寺霜露月晨興羈旅情聊租二頃田方課子余耕  
眼暗文字廢身閑道心精即與人羣遠豈謂是非嬰

秋景詣瑯琊精舍

唐韋應物中

屢訪塵外跡未窮幽賞情高秋天景遠始見山水清  
上陟巖殿甜暮看雲壑平蒼茫寒色起迢遞晚鐘鳴

意有清夜戀身爲符守嬰悟言一作方愛緇衣子蕭灑中  
林行

遊開元精舍

唐韋應物中

夏衣始輕體遊步愛僧居果園新雨後香臺照日初  
綠陰生晝靜孤花表春餘符竹方爲累形跡一來疎  
寓居澧上精舍寄于張二舍人

唐韋應物中

萬木藂雲出香閣西連碧澗竹林園高齋猶宿遠山  
曙微霰下庭寒雀喧道心淡泊對流水生事蕭疎空  
掩門時憶故交那得見曉排闥闔奉明恩

居處

卷百五十五

主精舍

法華寺石門精室三十韻

唐柳宗元中

拘情病幽鬱曠志寄高爽願言懷名緇東峯旦夕仰  
始欣雲雨霽尤悅草木長道同有愛弟披拂恣心賞  
松谿竚窅入石棧黃綠上蘿葛綿層甍莓苔侵標榜  
密林互對聳絕壁儼雙敞塹峭出蒙龍巖嶮臨澗澆  
稍疑地脉斷悠若天梯往結構羣羣崖廻環驅萬象  
小劫不逾瞬大千若在掌體空得化元觀有遺細想  
喧煩困蟻螻跼蹐疲魍魎寸進諒何營尋直非所枉  
探奇極遙矚窮妙閱清響理會方在今神開庶殊曩  
茲遊苟不嗣浩氣竟誰養道異誠所希名賓匪余仗

超摠藉外獎俛默有內朗鑑爾揖古風終焉乃吾黨  
潛軀委韞鎖高步謝塵埃蓄志徒爲勞追蹤將焉做  
淹留值頽暮眷戀瞻遐壤映日鴈聯軒翻雲波泱泱  
殊風紛已萃鄉路悠且廣羈木畏漂浮離旌倦搖蕩  
昔人歎違志出處今已兩何用期所歸浮圖有遺像  
幽蹊不盈尺虛室有函丈微言信可傳申旦稽吾顙  
自大林與韓明府歸郭中精舍

唐釋靈一中

野客同舟楫相攜復一歸孤煙生暮景遠岫帶春暉  
不道還山是誰云向郭非禪門有通隱喧寂共忘機  
居處

卷五十五

三十四 精舍

重遊圭峯宗密禪師精廬

一作哭  
盧處士

唐溫庭筠晚

百尺青崖三尺墳行言已絕杳難聞戴顓今日稱居  
士支遁他年識領軍暫對杉松如結社偶同麋鹿自  
成羣故山弟子空迴首葱嶺唯應見宋雲

酬思玄上人林泉

唐駱賓王初

聞君招隱地髣髴武陵春緝芟知還楚披蓁似避秦  
崩查年祀積幽草歲時新一謝滄浪水安知有逸人

二

林泉恣探歷風景暫徘徊客有遷鶯處人無結駟來

聚花如薄雪沸水若輕雷今日徒招隱終知異鑿牙

三

俗遠風塵隔春還初服遲林疑中散地人似上皇時  
芳杜湘君曲幽蘭楚客詞山中有春草長以寄相思  
酬暉上人夏日林泉

唐陳子昂初

聞道白雲居窈窕青蓮宇巖泉流雜樹石室千年古  
林卧對軒窗山陰滿庭戶方釋塵勞事從君襲蘭社  
酬暉上人秋夜山亭有贈

唐陳子昂初

皎皎白林秋微微翠山靜禪居感物變獨坐開軒屏  
風泉夜聲絕月露宵光冷多謝忘懷人塵憂未能整  
居處

卷五十五

三十五 精舍

酬暉上人秋夜獨坐山亭有贈

唐陳子昂初

鐘梵經行罷香牀坐入禪巖庭交雜樹石瀨瀉鳴泉  
水月心方寂雲霞思獨玄寧知人世裏疲病苦攀緣  
京口題崇上人山亭卽京口郭內山也

唐儲光義盛

清旦歷香巖巖經紆復直花林開宿霧遊目清霄極  
分明牕戶中遠近山川色金沙童子戲香飯諸天食  
噉噉海鴻聲軒軒江燕翼寄言清淨者閭閻徒自踣

題璿公山池

唐李頎盛

遠公遁跡廬山岑開士幽居祇樹林片石孤峯窺色  
相清池白日照禪心指揮如意天花落坐卧閑房春  
草深此外俗塵都不染惟餘玄度得相尋

光上座廊下衆山五韻

唐李頎

名岳在廬廊吾師居一牀每聞楞伽經只對青翠光  
百谷聚雪色莓苔侵屋梁氣盤古壁轉勢引幽壑長  
願遊薜蘿下日見金爐香

來關黎新亭作

唐孟浩然

八解禪林秀三明給苑才地偏香界遠心淨水亭開  
傍險山查立尋幽石逕迴瑞花長自下靈藥豈須裁

居處

卷五十五

王孟浩然

碧網交紅樹清泉盡綠苔戲魚聞法聚閑鳥誦經來  
棄象玄應悟忘言理必該靜中何所得吟詠也徒哉  
題蕭郎中開元寺新構幽寂亭

唐劉長卿

康樂愛山水賞心千載同結茅依翠微伐木開蒙龍  
孤峯倚青霄一徑去不窮候客石苔上禮僧雲樹中  
曠然見滄洲自遠來清風五馬留谷口雙旌薄煙虹  
沈沈衆香積眇眇諸天空獨往應未遂蒼生思謝公

法華寺西亭

唐柳宗元

祇樹夕陽亭共傾三昧酒霧暗水連階月明花覆牖

奉應顏使君真卿與陸處士羽登妙喜寺三癸

亭

唐僧皎然

秋意西山多列岑繁左次繕亭歷三癸  
立故名顏 疏址隣釋寺元化隱靈蹤始君啓高致誅  
名陸創 榛養翹楚輓草理芳蕙俯砌披水容逼天掃峯翠境  
新耳目換物遠風煙異倚石忘世情援雲得真意嘉  
林幸勿翦禪侶欣可庇衛法大臣過佐遊羣英萃龍  
池護清澈虎節到深邃徒想嶮頂期於今沒遺記

○蘭若

襄州景空寺題融上人蘭若 唐張說

居處

卷五十五

王孟浩然

高名出漢陰禪閣跨香岑衆山皆圍繞長川復迴臨  
雲峯曉空變風木夜虛吟碧甃龍池滿蒼松虎徑深  
舊知青巖憶偏入杳冥心何由侶飛錫從此脫朝簪

過福禪師蘭若

唐王維

巖壑轉微逕雲林隱法堂羽人飛奏樂天女跪焚香  
竹外峯偏曙藤陰水更涼欲知禪坐久行路長春芳  
投道一師蘭若宿

唐王維

一公棲太白高頂出雲煙梵流諸壑遍花雨一峯偏  
迹爲無心隱名因立教傳鳥來還語法客去更安禪  
畫涉松露盡暮投蘭若邊洞房隱深竹清夜聞遙泉

向是雲霞裏今成枕席前豈唯暫留宿服事將窮年

過乘如禪師蕭居士嵩丘蘭若

唐王維盛

無著天親弟與兄嵩丘蘭若一峯晴食隨鳴磬巢鳥  
下行踏空林落葉聲迸水定侵香案濕雨花應共石  
牀平深洞長松何所有儼然天竺古先生

同薛八往符公蘭若

唐孟浩然盛

謂予獨迷方逢子亦在野結交指松柏問法尋蘭若  
小溪劣容舟怪石屢驚馬所居最幽絕所住皆靜者  
雲簇興座隅天空落階下上人亦何閑塵念俱已捨

居處

卷五

三九

四禪合真如一切是虛假願承甘露潤喜得惠風灑  
依止此山門誰能效丘也

明禪師蘭若

唐孟浩然盛

西山多奇狀秀出倚前楹亭午收彩翠夕陽照分明  
吾師住其下禪坐說無生結廬就嵌窟翳竹通逕行  
談空對樵叟授法與山精日暮方辭去田園歸冷城

題融公蘭若

唐孟浩然盛

精舍買金開流泉遶砌迴菱荷薰講席松柏映香臺  
法雨晴飛去天花晝下來談玄殊未已歸騎夕陽催  
過融上人蘭若

唐孟浩然盛

山頭禪室挂僧衣意外無人水鳥飛黃昏半在下山  
路却聽泉聲戀翠微

大覺高僧蘭若

唐杜甫盛

巫山不見廬山遠松林蘭若秋風晚一老猶鳴日暮  
鐘諸僧尚乞齋時飯香爐峯色隱晴湖裡杏仙家近  
白榆飛錫去年啼邑子獻花何日許門徒

宿北山禪寺蘭若

唐劉長卿中

上方鳴夕磬林下一僧還密行傳人少禪心對虎閑  
青松臨古路白日滿寒山舊識窻前桂經霜更待攀

送靈澈上人歸嵩陽蘭若

唐劉長卿中

居處

卷五

三九

南地隨緣久東林幾歲空暮山門獨掩春草路難通  
作梵連松韻焚香入桂叢唯將舊瓶鉢却寄白雲中

尋盛禪師蘭若

唐劉長卿中

秋草黃花覆古阡隔林何處起人煙山僧獨在山中  
老唯有寒松見少年

杪秋南山西峯題準上人蘭若

唐錢起中

向山看霽色步步豁幽性返照亂流明寒空千嶂淨  
石門有餘好霞殘月欲映上詣遠公廬孤峯懸一逕  
雲裏隔窻火松下聞山磬客到兩忘言猿心與禪定

宿遠上人蘭若

唐錢起

香花開一林眞士此看心行道白雲近燃燈翠壁深  
梵筵清水月禪坐冷山陰更說東溪好明朝乘興尋

題玉山觀禪師蘭若

唐韓翃

巫山晏坐移年月錫杖承恩詣丹闕先朝親與會龍  
華紫禁鳴鐘白日斜宮女焚香把經卷天人就席禮  
袈裟禪牀久臥虎溪水蘭若初聞鳳城裏不出翳塵  
見遠公道成何必青蓮宮朝持藥鉢千家近暮倚繩  
牀一室空掖垣揮翰君稱美遠客陪遊問眞理薄宦  
深知誤此心回心願學雷居士

居處

卷五十五

手

蘭若

題蘭若

唐崔峒

絕頂茅菴老此生寒雲孤木獨經行世人那得知幽  
逕遙向青

一作  
峯禮磬聲

題覺公新蘭若

唐李端

頭白禪師何處還獨開蘭若樹林間鬼因巫祝傳移  
社神見夫人請施山猛虎聽經金磬動獼猴獻蜜雪  
窻閑新齋結誓如相許願與雷宗永閉關

入南山全師蘭若

唐李益

木隕水歸壑寂然無念心南行有眞子被褐息山陰  
石路埽草散松門寒景深吾師亦何授自起定中吟

潼關蘭若

唐許渾

來往幾經過前軒枕大河遠帆春水濶高寺夕陽多  
蝶影下紅藥鳥聲喧綠羅故山歸未得徒詠採薇歌

宿澄泉蘭若

唐鄭谷

山半古招提空林雪月迷亂流分石上斜漢在松西  
雲集寒菴宿猿先曉磬啼此心如了了卽此是曹溪  
岫禪師南溪蘭若

唐喻鳬

錫影配瓶光孤溪照草堂水懸青石磴鐘動白雲牀  
樹色含殘雨河流帶夕陽唯應無月夜瞑目見他方

冬日題覺公牛頭蘭若

唐李洞

居處

卷五十五

手

蘭若

天寒高木靜一磬隔川聞鼎水看山汲臺香拂雪焚  
鶴歸惟認剎僧步不離雲石室開禪後輪珠謝聖君  
過故融公蘭若

唐孟浩然

池上青蓮宇林間白馬泉故人成異物過客獨潸然

既理新松塔還尋舊石筵平生竹如意猶挂草堂邊

○影堂

浴室附

齊一和尚影堂

唐劉長卿

一公住世忘世紛暫來復去誰能分身寄虛空如過  
客心將生滅是浮雲蕭散浮雲往不還凄涼遺教歿  
仍傳舊地愁看雙樹在空堂只是一燈懸一燈長照

恒河沙變樹猶落諸天花天寂寂香深殿昔蘇蒼  
蒼闕虛院昔余精念訪禪扉常接微言清道機今來  
寂寞無所得唯共門人淚滿衣

辭中禪師影堂連句

唐

名下故無虛教曹貌嚴毅洞達見空王圓融入佛地  
一言當要害忽忽醒諸醉不動須彌山多言辯無置  
坦率對萬乘偈答無所避爾如毗沙門外形如脫履  
但以理為量不語怪力事木石催貢高慈悲引貪悲  
當時之支許何人辨深致隨宜詎說三直下開不二

題印禪師壁畫影堂

唐盧綸中

居處

卷百五

三十一

影堂

雙屨參差錫杖斜衲衣交膝對天花瞻容悟問修持  
劫似指前溪無數沙

題玉象堂

唐張籍中

玉毫不著世間塵輝相分明十八身入夜無煙燈更  
好堂中唯有轉經人

同皇甫兵曹天宮寺浴室新成招友人賞會

唐寇坦盛

溫室歡初就蘭交托勝因共聽無漏法兼濯有為塵  
水滌三空性香沾四大身清心多善友頌德慰同人  
詩雋類函卷一百三十五

詩雋類函卷一百三十六

東吳俞安期彙纂

宣城梅鼎祚增定

海虞蕭繼可訂校

居處部十一

道觀

宮殿附

道館

祠廟

○道觀

宮殿附

尋道觀

唐王勃初

芝廬光分野蓬闕盛規模碧壇清桂闕丹洞肅松樞  
玉笈三山記金箱五嶽圖蒼虬不可得空望白雲衢  
觀內懷仙

唐王勃初

玉架殘書隱金壇舊迹迷牽花尋紫閣步葉下清谿

唐處

卷百六

道觀

瓊漿猶類乳石髓尚如泥自能成羽翼何必仰雲梯  
秋日仙遊觀贈道士

唐王勃初

石圖分帝宇銀牒洞靈宮迴丹紫岫室複翠上巖櫺

霧濃金竈靜雲暗玉壇空野花常捧露山葉自吟風

林泉明月在詩酒故人同待余逢石髓從爾命飛鴻

和劉侍郎入隆唐觀

唐楊炯初

福地陰陽合仙都日月開山川臨四險城樹隱三臺  
伏檻排雲出飛軒遶洞回參差陵倒影瀟瀟酒軼浮埃  
百果珠為寶羣峰錦作苔懸蘿暗疑霧瀑布聲成雷  
方士燒丹液真人泛玉杯還如問桃水更似得蓬萊



漢帝求仙日相如作賦才自然金石奏何必上天台

和輔先入吳天觀

唐楊炯初

遁甲爰皇星占太一宮天門開奕奕佳氣鬱葱葱  
碧落三乾外黃圖四海中邑居環若水城闕抵新豐  
玉檻崑崙側金樞地軸東上真朝北斗元始詠南風  
漢君祠五帝汪王禮八公道書藏竹簡靈藥灌梧桐  
草茂瓊瑤綠花繁寶樹紅石樓紛似畫地鏡森如空  
桑海年應積桃源路不窮黃軒若有問三月住崆峒

遊廢觀

唐楊炯初

青嶂倚丹田荒涼數百年猶知小山桂尚識大羅天

居處

卷重夫

藥敗金爐火苔昏玉女泉歲時無壁畫朝夕有階煙  
花柳三春節江山四望懸悠然出塵網從此狎神仙

遊靈公觀

唐駱賓王初

靈峰標勝境神府枕通川玉殿斜臨漢金堂迴架煙  
斷風疎曉竹流水切寒絃別有青門外空懷玄圃仙

春日登金華觀

唐陳子昂初

白玉仙臺古丹丘別望遙山川亂雲日樓榭入煙霄  
鶴舞千年樹虹飛百尺橋還逢赤松子天路坐相邀

遊清都觀尋沈道士得仙字

唐劉孝孫初

紛吾因暇豫行樂極留連尋真謁紫府披霧覩青天

緬懷金門外遐想玉京前飛軒俯松柏高殿接雲煙  
滔滔清夏景嘒嘒早秋蟬橫琴對危石酌醴臨寒泉  
聊祛塵俗累寧希龜鶴年無勞生羽翼自可狎神仙

遊清都觀尋沈道士得珠字

唐凌敬初

聊排靈瑣闥徐步入清都青谿冥寂士思玄狗道樞  
十芒生藥笥七炷發丹爐縹緲桐君錄朱書王母符  
宮槐散綠穗日槿落青柎矯去雲門鶴飛來葉縣覺  
凌風自可御安事迫中區方追羽化侶從此得玄珠

遊清都觀尋沈道士

得芳字

唐趙中虛初

清谿阻千仞姑射貌汾陽未若遊茲境探玄衆妙場

居處

卷重夫

三

鶴來疑羽客雲汎似霓裳寓目雖靈宇遊神乃帝鄉  
道存真理得心灰俗累忘煙霞凝抗殿松桂肅長廊  
早蟬清暮景崇蘭散晚芳即此翔寥廓非復控榆枋

奉和辛白鹿觀應制

觀在白鹿原周平王時有白鹿遊此故名

唐沈佺期初

紫鳳真人府斑龍太上家天流芝蓋下山轉桂旗斜  
聖藻垂寒露仙杯落晚霞唯應問王母桃作幾時花

奉和辛白鹿觀應制

唐劉憲初

玄遊乘落暉仙宇藹非微石梁紫澗轉珠旒掃壇飛  
芝童薦膏液松鶴舞駉駉還似瑤池上歌成周馭歸

奉和幸白鹿觀應制

唐趙彥昭初

雲駟驅半景星蹕坐中天國誕玄宗聖家尋碧落仙

玉杯薦薦壽寶算鶴知年一觀光華旦欣承道德篇

奉和幸白鹿觀應制

唐武平一初

玉府凌三曜金壇駐六龍綵旒懸倒景羽蓋偃喬松

玄圃靈芝秀華池瑞液濃謬因霄舜渥長願奉堯封

奉和幸白鹿觀應制

唐李乂初

制蹕乘驪早回輿指鳳京南山四皓謁西岳兩童迎

雲幄臨玄圃霞杯薦赤城神明近茲地何事往蓬瀛

奉和幸白鹿觀應制

唐崔湜初

居處

卷重王

四

御旗探紫籙仙仗闢丹丘捧藥芝童下焚香桂女留

鸞歌無歲月鶴語記春秋臣朔何其幸常陪漢武遊

奉和幸白鹿觀應制

唐蘇頌初

紫虛清吹下訥謠入仙宮松磴攀雲絕花源接澗空

受符邀羽使傳詠駐香童詎似閑居日徒聞有順風

奉和幸白鹿觀應制

唐李嶠初

駐蹕三天路廻旂萬仞谿真庭羣帝享洞府百靈棲

玉酒仙壇釀金方暗壁題佇看青鳥入還陟紫雲梯

奉和幸白鹿觀應制

唐徐彥伯初

鳳輿乘八景龜籙回三仙日月移平地雲霞綴小天

金童擎紫藥玉女獻青蓮花洞留宸賞還旗繞夕煙

至高陽觀觀即天

唐儲光義盛

真人上清室乃在中峰前花霧生玉井霓裳盡列仙

念茲宮故宇多此地新泉松柏有清陰薛蘿亦自妍

一聞步虛子又話逍遙篇忽若在雲漢風中意泠然

昭聖觀

唐儲光義盛

主家隱谿口微路入花源數日朝青閣彩雲猶在門

雙樓夾一殿玉女侍玄元扶搖盡蟠木步欄多畫幡

新松引天闕小柏繞山樊坐弄竹陰遠行隨谿水喧

石池辨春色林獸知人言未逐鳳凰去真宮在此原

居處

卷重王

五

述降聖觀

唐儲光義盛

一山盡天苑一峰開道宮道花飛羽衛天鳥遊雲空

玉殿俯玄水春旗搖素風夾門小松柏覆井新梧桐

自昔大仙下乃知元化功神皇作桂館此意與天通

奉和聖製登降聖觀與宰臣同望應制

唐王維盛

鳳晨朝碧落龍圖耀金鏡維岳降二臣戴天臨萬姓

山川入校滿井邑三農竟比屋皆可封誰家不相慶

林疎遠村出野曠寒山靜帝城雲裏深渭水天邊映

喜氣含風景頌聲溢歌詠端拱能任賢彌彰聖君聖

宿太平觀

唐基母潛盛

夕到玉京寢宵冥雲漢低魂交仙室蝶曙聽羽人雞  
滴瀝花上露清泠松下谿明當訪真隱揮手入無倪

宿桐柏觀

唐孟浩然盛

海汎信風帆夕宿逗雲島緬尋滄洲趣近愛赤城好  
高步陵四壁玄蹤得三老紛吾遠遊意學彼長生道

玉臺觀二首

唐杜甫盛

浩劫因王造平臺訪古遊絳雲蕭史駐文字魯恭留  
宮闕通羣帝乾坤到十洲人傳有笙鶴時過北山頭

二

居處

卷五十五

六

道觀

中天積翠玉臺遙上帝高居絳節朝遂有馮夷來擊  
鼓始知羸女善吹簫江光隱見鼉鼉窟石勢參差鳥  
鵲橋更有紅顏生羽翰便應黃髮老漁樵

遊石堂觀

唐蕭祐盛

西山高高何所如有古昔真人居欽崖巨石自成  
室其下磅礴含清虛沈生向我話佳境與我崎嶇到  
山頂甘瓜割綠出寒泉碧甌浮花酌春茗嚼瓜噉茗  
身清涼汗消絺綌如迎霜故碑石像凡幾年雲霧雨  
霏生綠煙我知遊此多靈仙縹緲月中飛下天天風  
微微夕露委松梢颺颺曉聲起鳳去空遺簫管音星

翻寥落銀河水勸君學道此時來結茅獨宿何遼哉

齋心玄默感靈衛必見鸞鶴相徘徊我愛崇山雙劍

北峰如人首拄天黑羣仙偃僕勢奔走狀若歸尊趨

有德半巖有洞頂有池出入靈怪潛蛟螭我去不得

晝夜思夢遊曾信南風吹南風吹我到林嶺故國不

見秦山迴山花名藥撲地香月色泉聲洞心冷

題觀樓

唐岑參盛

荒樓荒井閑空山關令乘雲去不還羽蓋霞旌何處  
在空留藥臼向人間

宿無爲觀

唐元結盛

居處

卷五十五

七

道觀

九疑山深幾千里峰谷崎嶇人不到山中舊有仙姥  
家十里飛泉遶丹竈如今道士三四人茹芝鍊玉學  
輕身霓裳羽蓋傍臨壑飄飄似欲來雲鶴

宿洞靈觀

唐皇甫冉中

孤煙靈洞遠積雪滿山寒松柏凌高殿薜蘿封古壇  
客來清夜久仙去白雲殘明日開金籙焚香更沐蘭

遊鍾山紫芝觀

唐耿湋中

繫舟仙宅下清磬落春風雨數芝田長雲開石路重  
古房青磴接深殿紫煙濃鶴駕何時去遊人自不逢

題醴陵玉仙觀歌

唐釋護國

王喬一去空仙觀白雲至今凝不散星垣松殿幾千秋往往笙歌下天半瀑布西行過石橋黃精採根還採苗路逢一人擎藥碗松花夜雨風吹滿又言家住東坡白犬相隨邀我過南山石上有碁局曾使樵夫爛斧柯

題仙遊觀

唐韓翃中

仙臺下見五城樓風物淒淒宿雨收山色遙連秦樹晚砧聲近報漢宮秋疎松影落空壇靜細草香聞小洞幽何用別尋方外去人間亦有丹丘

遊華山雲臺觀

唐孟郊中

居處

卷五十五

八

道觀

華嶽獨靈異草木恒新鮮山盡五色石水無一色泉仙酒不醉人仙芝皆延年夜聞明星館時韻女蘿絃敬茲不能寐焚柏吟道篇

西上經靈寶觀

觀即尹真人舊宅

唐孟郊中

道士無白髮語音一作靈泉清青松多壽色白石恒夜明放步霽霞起振衣華風生真文秘中頂寶氣浮四檻

開元觀閑居

唐元稹中

靜習狂心盡幽居道氣添神編啓黃簡秘籙捧朱籤爛熳煙霞駐優游歲序淹登壇擁旌節趨殿禮胡髯

殿有玄宗真容起形庭燭香開白玉匳結盟金劍重斬賊寶刀銘禹步星綱動焚符竈鬼詹冥搜呼直使章奏役飛廉仙籍聊憑檢洋名復爲占赤誠祈皓鶴綠髮代青練虛室常懷素玄關屢引恬貂蟬徒自寵鷗鷺不相嫌始悟身爲患惟欣祿未霑龜龍戀淮海雞犬傍閭閻松笠新偏翠山峰遠更尖簫聲吟茂竹虹影逗虛簷初日先通牖輕颺每透簾露盤朝滴滴鈞月夜纖纖已得餐霞味應嗤食蓼甜上琴閑度晝耽酒醉消炎几案隨宜設詩書逐便拈灌園多抱甕刈藿乍腰鎌野鳥終難繫鷦鷯本易厭風高雲遠近波

居處

卷五十五

九

道觀

駭鯉深潛邸第過從隔蓬壺夢寐瞻所希顏顏練誰恨突無黔

晚秋陪崔閣老張秘監苗考功同遊昊天觀

唐權德輿中

方駕遊何許仙源去似歸縈迴留勝賞瀟灑出塵機汎菊賢人至燒丹姹女飛步虛清晚籟隱几吸晨輝竹逕琅玕合芝田沆瀣稀銀鈎三洞字瑤笥六銖衣麗句翻紅藥佳期限紫微徒然一相望郢曲和應稀宿天杜觀

石室初投宿仙翁幸見容花源隨水遠洞府過山逢

泉湧階前地雪生戶外峰中宵自入定非是欲降龍  
經故賀賓客鏡湖道觀 唐朱放中

已得歸鄉里逍遙一外臣那隨流水去不待鏡湖春  
雪裏登山屐林間漉酒巾空餘道士觀誰是學仙人

尋古觀

唐朱慶餘中

仙觀曾過知不遠花藏石室香難尋泉邊白鹿聞人  
語看過天牆漸入深

宿道士觀

唐朱慶餘中

堂閉仙人影空壇月露初閑聽道家子盥漱讀靈書

謁仙觀二首

唐馬戴晚

居處

卷重主

十一 道觀

我生求羽化齋沐造仙居葛蔓沒丹井石甌盛道書  
寒松多偃側靈洞通清虛一就泉西飲雲中採藥蔬

二

山空蕙氣香乳管折雲房願值壺中客親傳肘後方

三更禮星斗寸七服丹霜默坐樹陰下仙經橫石牀

終南山白鶴觀

唐鄭谷晚

步步景通真門前眾水分樺蘿諸洞合鐘磬上清聞  
古木千尋雪寒山萬丈雲終期掃壇級來事紫陽君

龍瑞觀勝異

唐方干晚

混元融結致功難山下平湖湖上山萬頃涵虛寒歛

澗千尋聳翠秀潺湲菱荷香入棋琴處雷雨聲離棟  
牖間但有五雲依鶴嶺曾無陸路向人寰夜豁漱玉  
常堪聽仙樹垂珠可要攀

宿玉簫宮

唐儲嗣宗晚

塵飛不到空露濕翠微宮鶴影石橋月簫聲松殿風  
綠毛辭世女白髮入壺翁借問燒丹處桃花幾遍紅

過玉真公主影殿

唐盧綸中

夕照臨窗起暗塵青松繞殿不知春君看白髮誦經  
者半是宮中歌舞人

○道館

道院 道房 道居並入

居處

卷重主

十一 道觀 道館

和鮑常侍龍川館

梁元帝

珍臺接閒館迢遞山之旁多解三真術俱善四明方  
玉題書仙篆金榜燭神光桂影侵檐進藤枝遶檻長  
苔衣隨溜轉梅氣入風香

遊沈道士館

梁沈約

秦皇御宇宙漢帝恢武功歡娛人事盡情性猶未充  
銳意三山上托慕九霄中既表祈年觀復立望仙宮  
寧爲心好道直由意無窮曰余知止足是願不須豐  
遇可淹留處便欲息微躬山嶺遠重疊竹樹近蒙籠  
開襟濯寒水解帶臨清風所累非物外爲念在玄空

一作朋來握石髓賓至駕輕鴻都令人徑絕惟使雲  
路通一舉陵倒景無事適華嵩寄言賞心客歲暮爾  
來同

道館

梁庾肩吾

仙人白鹿上隱士潛谿邊試取西山藥來觀東海田  
和庾肩吾入道館

陳周弘正

石橋有舊路靈室儼衆仙菊潭涵餘水丹竈起殘煙  
桃花經作實海水屢成田逆愁歸舊里追問斧柯年  
遊始興道館

陳陰鏗

居處

卷五十五

十二

道館

紫臺高不極清谿千仞餘壇邊逢藥鈔洞裏闕仙書  
庭舞經乘鶴池游被控魚稍昏蕙葉斂欲暝槿花疎  
徒教斧柯爛會自不陵虛

和梁武陵王遙望道館

北周蕭瑒

神境流精闕仙居紫翠房今有尋真地迤邐麗通莊  
九柱含虹重三臺飾夜光金輝碧海桃玉笈紫書方  
拂筵青鳥集吹簫白鳳翔履歸堪是驚石在詎非羊  
煙霞四照遊風月五名香於茲喜臨眺願得假霓裳

入道士館

北周庾信

金華開八景玉洞上三危雲袍白鶴度風管鳳凰吹  
野衣縫蕙葉山中簪笋皮何必淮南館淹留攀桂枝

過藏衿道館

北周王褒

雲橋館

北周王褒

雲橋啟館景曜開扉明庭朝禮仙宮羽衣驚履霄去  
鳬鳥晨歸練石三轉燒丹七飛昆吾陶鑄丹陽鎚銑  
畫寫龍文圖開彤篆聲隨地氣調均天辯九宮方應  
萬靈稱善

爲趙法師別造精院過院賦詩

并序○以下道  
唐玄宗初

居處

卷五十五

十三

道館

秋九月聽政觀風存乎遊息退朝之後歷西上陽  
入清虛院則法師所居之地也法師得玄元之法  
養浩然之氣故法此仙家特建真宇紫房對聳綠  
竹羅生既親重其人每經過其地以怡神洗雪進  
德修業何必齋心累月遠在順風因而賦詩用適  
其意云耳

宗師心物外爲道運虛丹不戀巖泉賞來從宮禁遊  
探玄知幾歲習靜更宜秋煙樹辨朝色風湍聞夜流  
坐朝繁聽覽尋勝在清幽欲廣無爲化因茲庶可求  
武陵開元觀黃鍊師院二首 唐王昌齡  
松間白髮黃尊師童子燒香禹步時欲訪桃源入谿



路忽聞雞犬使人疑

二

先賢盛說桃花源塵忒何堪武陵郡聞道秦時避地人至今不與人通問

過方尊師院

唐綦毋潛

羽客北山尋草堂松徑深養神寧示法得道不知心洞戶逢雙履寥天有一琴更登玄圃上仍種杏成林

過包尊師山院

唐劉長卿

賣藥曾相識吹簫此復聞杏花誰是主桂樹獨留君漱玉臨丹井圍基訪白雲道經今為寫不慮惜鵝羣

居處

卷五十六

十四

題道靖院院在中條山故王顏中丞所置號州

刺史捨官居此今寫真

唐李商隱

紫府丹成化鶴羣青松手植變龍文壺中別有仙家

日嶺上猶多隱士雲獨坐遺芳成故事寒帷舊貌似

元君自憐築室靈山下徒望朝嵐與夕暉

張天師草堂

以下道堂

唐常建

靈谿冥清宇傍倚枯松根花藥繞方丈瀑泉飛石門

四氣閉炎熱兩崖改明昏夜深月懸皎亭午始知暾

信是天人居幽幽寂無喧萬壑應鳴磬諸峰按一村

遂登□子□因□田生禱時節開玉書看映飛天言

心化更無影目精焉累煩忽而與霄漢寥落空南軒

自紫陽觀至華陽洞宿侯尊師草堂

唐劉長卿

石門媚煙景句曲盤江甸南向佳氣濃數峰遙隱見

漸臨華陽口雲路入葱蒨七曜懸洞宮五雲抱仙殿

銀疉竟誰發金液徒堪薦千載空桃花秦人深不見

東谿喜相遇貞白如曾面青鳥來去閑紅霞朝夕變

一從換仙骨萬里乘飛電蘿月延步虛松花醉閑晏

題嵩陽焦道士石壁

唐錢起

三峰花畔碧堂懸錦里真人此得仙玉醴纔飛西蜀

居處

卷五十六

十五

雨霓裳欲向大羅天彩雲不散燒丹竈白鹿時藏種

玉田幸入桃源因去世方期丹訣一延年

題遊仙閣

唐李嘉祐

仙冠輕舉竟何之薜荔緣階竹映祠甲子不知風馭

日朝元唯見雨來時霓旌翠蓋終難遇流水青山空

所思逐客自憐雙鬢改焚香多負白雲期

太白西峰偶宿車祝二尊師石室

唐盧綸

弱齡誠昧鄙遇盛唯求止如何羈滯中得步青冥裏

青冥有桂藂冰雪兩仙翁毛節未歸海丹梯閒倚空

道遙擬上清洞府不知名  
雕龍雨當至客辭山忽明  
山明鳥聲樂日氣生晶瑩  
壑樹修修白雲如水流  
白雲消散盡寒隴儼然秋

尋王道士藥室因有題贈

唐白居易中

行行竟路緣松嶠步步尋花到杏壇  
白石先生小有洞黃芽姪女大還丹  
常悲東郭千家塚欲乞西山五色丸  
但恐長生須有籍仙臺試爲檢名看

題朱鍊師山房

以下道房

唐王昌齡盛

叩齒聞香出世塵  
齋壇鳴磬步虛人  
百花仙醞能留客  
一飯胡麻度幾春

居處

卷五十五

十六 道館

宴黃道士房

唐孟浩然盛

歸來卧青山常夢遊  
清都漆園有傲吏  
惠好在招呼  
書幌神仙籙畫屏  
山海圖酌霞復對此宛似入蓬壺

宴梅道士房

唐孟浩然盛

林卧愁春盡  
寒闌覽物華  
忽逢青鳥使  
邀入赤松家  
金竈初開火  
仙桃正發花  
童顏若可駐  
何惜醉流霞

遊精思觀題山房

唐孟浩然盛

誤入花源裏  
初憐竹迳深  
方知仙子宅  
未有世人尋  
舞鶴閑過砌  
飛猿啼入林  
漸疑云妙理  
深得坐忘心

題盧道士房

唐李頎盛

秋砧聲落木共坐茅君家  
惟見兩童子林前汲井華  
空壇靜白日神鼎飛丹砂  
塵尾拂霜草金鈴搖露霞  
上章人世隔看奕桐陰斜  
倚首問仙要黃精堪餌花

宴壽林觀張道士房

唐錢起中

滅跡人間世忘歸象外情  
竹壇秋月冷山殿夜鐘清  
仙侶披雲集霞杯連曙傾  
同歡不可再朝暮赤龍迎

題葉道士山房

唐顧況中

水邊楊柳赤欄橋洞裏神仙碧玉簫  
近得麻姑書信否潯陽江上不通潮

居處

卷五十六

十七 道館

題井陘雙谿李道士所居

以下道居

五粒松花酒雙谿道士家  
唯一一作求縮却地鄉路莫教賒

和裴延齡尚書寄題果州謝舍人仙居

唐盧綸中

飄然去謁八仙翁  
自地從天香滿空  
芝蓋迴標雙鶴上  
語音猶在五雲中  
青谿不接漁樵路  
丹井惟傳草木風  
歌此因思奉金液  
露盤長慶漢皇宮

冬日天日西峰張鍊師所居

唐僧皎然

採薪逢野泉漸見樓閣所坎坎  
山上聲幽幽林中語

仙卿何代隱鄉服言亦楚開水洗藥苗掃雪候山侶  
零葉聚敗籬幽花積寒渚冥冥孤鶴性天外思輕舉

尋李道士山居

唐白居易中

盡日行還歇遲遲獨上山攀藤老筋力照水病容顏  
陶巷招居住茅家許往還飽諳辱事無意戀人間  
宿王尊師隱居

唐于鵠中

夜愛雲林好寒天月裏行青牛眠樹影白犬吠猿聲  
一磬山院靜千燈谿路明從來此峰客幾箇得長生

過楊道士居

唐賈島中

先生修道處茅屋遠翳氛叩齒坐明月堵願望白雲  
居處

卷重王夫

十八 道館

精神含藥色衣服帶霞紋無話瀛洲路多年別少君

題女道士居

不餌芝木  
四十餘年

唐馬戴晚

不餌住雲谿休丹罷藥畦杏花虛結子石髓任成泥  
掃地青牛臥栽松白鶴栖共知仙女麗莫是阮郎妻

題勒尊師歷陽山居

并序

唐許渾晚

師即思奉之孫頃為故相國蕭公錄用相國致政  
尊師亦自邊將入道因贈此詩

三十知兵在羽林中年潛識子房心蒼鷹出塞胡塵  
滅一作白鶴還鄉楚水深春坼酒瓶浮兼一作藥氣晚

攜茶局帶松陰雞籠山上雲多處自斲黃精不可尋

寄題鏡巖周尊師所居詩

并序

唐皮日休晚

處州仙都山山之半有洞口下望之如鑑目之曰  
鏡巖下去地二百尺上者以竹梯為級中如方丈  
內有乳水滴瀝嵌鏤黃老徒周君景復居焉迨八  
十年不食乎粟日惟焚降真香一炷讀靈寶度人  
經而已東牟段公柯昔為州日聞其名梯其室以  
造之且曰君居此久矣乳水之滴晝夜可知量乎  
周君曰其嘗揣之盡晝與夜一斛加半焉公異而  
禮之後柯別十二年日休至吳處人過說周君尚  
存吟想其道無由以覩因寄題是詩云

居處

卷重王夫

十九 道館

八十餘年住鏡巖鹿皮巾下雪影影牀寒不奈雲縈  
梳經潤何妨乳滴面飲澗猿迴窺絕洞緣梯人歇倚  
危杉如何計吏窮於鳥欲望仙都舉一帆

奉和鏡巖周尊師所居

唐陸龜蒙晚

見說身輕鶴不如石房無侶共雲居清晨自削靈香  
梯獨夜空吟碧落書十洞飛精應徧吸一莖秋髮未  
曾梳知君便入懸珠會早晚東騎白鯉魚

寄題玉霄峰葉涵象尊師所居

唐皮日休晚

青冥向上玉霄峰元始先生戴紫蓉曉案瓊文光洞  
壑夜壇香氣惹杉松閒迎仙客來為鶴靜嘒靈符去

是龍子細捫心無偃骨欲隨師去肯相容

奉和寄題葉尊師所居

唐陸龜蒙

天台一萬八千丈師在浮雲端掩扉永夜祗知星斗  
大深秋猶見海山微風前幾降青毛節雪後應披白  
羽衣南望煙霞空再拜欲將飛魄問靈威

○祠廟

桂州黃潭舜祠

唐宋之間

虞世巡百越相傳葬九疑精靈遊此地祠宇日光輝  
裡祭忽羣望丹青圖二妃神來獸率舞仙去鳳還飛  
日暝山氣落江空潭靄微帝鄉三萬里乘彼白雲歸  
居處

卷五十五

題舜廟

唐張濯

古都遺廟出河汾一作萬代千秋仰聖君蒲坂城邊  
長逝水蒼梧野外不歸雲寥寥薦設魂應在寂寂虞  
篇德已聞向曉風吹庭下柏猶疑琴曲詠南薰

亂後經夏禹廟

梁庾肩吾

金簡泥初發龍門鑿始通配天不失舊爲魚微此功  
林堂上偃蹇山殿下穹窿侵雲似天闕照水類河宮  
神來導赤豹仙女擁飛鴻松龕撒暮組棗逕落寒叢  
仙舟還入鏡玉軸更乘空去國嗟行邁離居泣轉蓬  
月居吾一作吳山北星臨天漢中申胥猶有志荀息本

懷忠待見機槍滅歸來松柏桐

謁禹廟

唐宋之間

夏王乘四載茲地發金符峻命終不易報功疇敢渝  
先驅總昌會後至伏靈誅玉帛空天下衣冠照海隅  
旋聞厭黃屋便道出蒼梧林表祠轉茂山阿井詎枯  
舟遷龍負輦出變鳥耘無舊物森如在天威肅未殊  
玄夷屈瑤席玉女侍清都奕奕閨闔邃軒軒仗衛趨  
氣清連曙海雲白洗春潮猿嘯有時蒼禽言常自呼  
靈歆異蒸精至樂匪笙簧殿今文襲梅梁古製無  
運遙日崇麗業盛荅昭蘇伊昔力云盡而今功尚敷  
居處

卷五十五

揆材非美箭精享愧生芻郡職昧爲理邦空寧自誣  
下車轍已積攝事露行濡人隱冀多祐曷唯霑薄軀

禹廟

唐杜甫

禹廟空山裏秋風落日斜荒庭垂橘柚古屋畫龍蛇  
雲氣生虛壁江聲走白沙早知乘四載疏鑿控三巴

陪皇甫冉大夫謁禹廟

唐嚴維

竹使羞殷薦松龕拜夏祠爲魚歌德後舞羽降神時  
文衛瞻如在精靈信有期夕陽陪醉止塘上鳥咸遲

經漢高廟

宋范泰

嘯吒英豪萃指揮五岳分乘彼道消勢遂廓宇而氛

重瞳豈不偉奮臂騰羣雄壯力拔高山猛氣烈迅風  
恃勇終必撓道勝業自隆

漢高廟賽神

梁簡文帝

王軼朝行動閭闔巨應開白雪蒼梧去丹鳳咸陽來  
日正山無影城斜漢屢迴瞻流如地脉望嶺匹天台  
欲祛九秋恨聊舉十千杯

和簡文帝賽漢高廟

梁庾肩吾

昔作唐山曲今承紫貝壇寧知臨楚岬非復望長安  
野曠秋先動林高葉早殘塵飛遠騎沒日徙一作半  
峰寒徒然仰成誦終用試才難

居處

卷五十五

二十三

祠廟

和簡文帝賽漢高廟

梁劉孝儀

珪幣崇明祀牲樽禮貴神風驚如集廟光至似來陳  
徘徊靈駕入叫咷倡歌新將言非爲已致敬乃祈民  
多才與多事今古獨爲鄰

和簡文帝賽漢高廟

梁劉遵

分蛇淪霸迹提劍滅雄威空餘清祀處無復瑞雲飛  
仙車照丹穴霓裳影翠微投袂要漢女吹管召湘妃  
幸逢懷精日豫奉沐休歸

和簡文帝賽漢高廟

梁王臺卿

沐芳事椒醕駕言遵壽宮瑤臺斜接岫玉殿上凌空

樹出垂巖影竹引帶山風階長霧難歇臆高雲易通  
所悲樽俎撤按歌曲未終

和簡文帝賽漢高廟

陳徐陵

山宮類牛首漢寢若龍川玉盞無秋耐金燈滅夜煙  
丹帷迫靈岳紺席下羣仙堂虛沛筑響欽低威舞妍  
何殊后廟裏子建作華篇

奉和漢祖廟下之作

唐皇甫冉

古廟風煙積春城車騎過方修漢祖祀更使沛童歌  
寢帳巢禽出香煙水霧和神心降福處應在故鄉多

居處

卷五十五

二十三

祠廟

武帝清齋夜築壇自斟明水醮仙官殿前童女後帝

案雲際金人捧露盤絳節有時還入夢碧桃何處更  
驂鸞茂陵煙雨埋弓劍石馬無聲蔓草寒

謁漢世祖廟

唐劉希夷

春陵氣初發漸臺首未傳列營百萬衆持國十八年  
運開朱旗後道合赤符先宛城劒鳴匣昆陽鎬應絃  
獷獸血塗地巨人聲沸天長驅過北趙短兵出南燕  
太守迎門外王郎死道邊昇壇九城陌端拱千秋年  
朝廷方雀躍劒佩幾聯翩至德刑四海神儀翳九泉  
宗子行舊邑恭聞清廟篇君容穆而聖臣像儼猶賢

攢木承危柱疎蘿挂朽椽祠庭巢鳥啄祭器網蟲緣  
懷古江山在惟新曆數遷空餘今夜月長似舊時懸

謁先主廟

唐杜甫

慘澹風雲會乘時各有人力侔分社稷志屈偃經綸  
復漢留長策中原仗老臣維耕心未已歐血事酸辛  
伯氣西南歇維圖曆數屯錦江元過楚劒閣復通秦  
舊俗存祠廟空山泣鬼神虛簷交鳥道枯木半龍鱗  
竹送清谿月苔移玉座春閭闔兒女換歌舞歲時新  
絕域歸舟遠荒城繫馬頻如何對搖落況乃久風塵  
孰與關張並功臨耿鄧親應天才不小得士契無鄰

居處

卷重王

二十四

祠廟

遲暮堪帷幄飄零且釣緡向來憂國淚寂寞灑衣巾

謁先王廟絕句二首

唐張儼

伏願繼皇業并吞勢由已天命屈雄圖誰歌大風起

二

雄名垂竹帛荒陵壓阡陌終古更何聞悲風入松柏

諸葛廟

唐杜甫

久遊巴子國屢入武侯祠竹日斜虛寢谿風滿薄帷  
君臣當共濟賢聖亦同時翊戴歸先主并吞更出師  
蟲蛇穿畫壁巫覡醉蛛絲歛憶吟梁父躬耕起未遲

武侯廟

唐杜甫

遺廟丹青落空山草木長猶聞辭後主不復臥南陽

至老子廟應詔

北周庾信

虛無推馭辨寥廓本乘蜺三門臨苦縣九井對靈谿  
盛丹須竹節量藥用刀圭石似臨邛芋芝如封禪泥  
鼂毛新鵠小盤根古樹低野戍孤煙起春山百鳥啼  
路有三千別途經七聖迷唯一作當別關吏直出流沙西

過老子廟

唐玄宗

仙居懷聖德靈廟肅神心草合人蹤斷塵濃鳥迹深  
流沙丹竈沒關路紫煙沈獨傷千載後空餘松柏林

居處

卷重王

二十五

祠廟

奉和聖製謁玄元皇帝廟齋

唐張九齡

興運昔有感建祠北山巔雲雷初締構日月念悠然  
紫氣尚翬翬玄元如在焉迨茲事追遠輪奐復增鮮  
洞府杳林處齋壇清漢邊吾君乃尊祖夙駕此畱連  
樂動人神會鐘成律度圓笙歌下鸞鶴芝朮萃靈仙  
曾是福祿庶豈惟味虛玄廣歌徒有作微薄謝昭宣  
奉和聖製慶玄元皇帝玉像之作應制

唐王維

明君夢帝先寶命上齊天秦后徒聞樂周王耻卜年  
玉京移大像金籙會羣仙承露調天供臨空敞御筵



斗廻迎壽酒山近起爐煙願奉無為化齋心學自然

冬日洛城謁玄元皇帝廟 唐杜甫

天寶初玄元皇帝降丹鳳門之通衢告錫靈符在  
尹喜之故宅上遣使得之乃置玄元廟於天寧坊  
二年追尊大聖祖玄元皇帝仍詔天下建紫極宮  
配極玄都闕憑高禁禦長守祧嚴具禮掌節鎮非常  
碧瓦初寒外金莖一氣傍山河扶繡戶日月近雕梁  
仙李盤根大猗蘭奕葉光世家遺舊史道德付今王  
盡手看前輩吳生遠擅場森羅移地軸妙絕動宮牆  
五聖聯龍袞千官列鴈行晃旒俱秀發旌旆盡飛揚  
居處 卷百五十六 初廟

登玄元廟

唐皇甫冉 中

古廟川原迴重門禁籞連海童紛翠蓋羽客事瓊筵  
御路分疎柳離宮出苑田興新無向背望久辨山川  
物外將遺老區中誓絕緣函關若遠近紫氣獨依然

老君廟

唐溫庭筠 晚

紫氣氤氳捧半巖蓮峰仙掌共巉巖廟前晚色連寒  
水天外斜陽帶遠帆百一秦關扶玉座五千文字闕  
瑤緘自憐金骨無人識知有飛龜在石函

經河上公廟

唐玄宗

昔聞有奇叟河上獨遺榮跡與塵寰隔心將道德并  
詎以天地累寧為龍虎驚矯然邈寥廓如何屈堅貞  
玄玄妙門啓肅肅祠宇清冥漠無先後那能紀姓名  
奉和聖製經河上公廟應制 唐張九齡 初  
昔日河邊叟誰知隱與仙姓名終不識章句此空傳  
跡為坐忘晦言猶強著詮精靈竟何所祠宇獨依然  
道在紆宸眷風行動睿篇從茲化天下清淨復何先  
奉和聖製經河上公廟應制 唐張說 初  
河上無名老知非漢代人先探道德要留待聖明辰  
居處 卷百五十六 初廟

緱山廟

唐宋之間 初

王子賓仙去飄飄笙鶴飛徒聞滄海變不見白雲歸  
天路何其遠人間此會稀空歌日云暮霜月漸微微  
緱山廟 唐崔曙 盛

題緱山王子晉廟

唐鄭畋 中

遺廟肅陰陰孤峰映綠林步隨仙路遠意入道門深  
澗水流年月山雲變古今祇聞風竹裏猶有鳳笙音  
有昔靈王子吹笙遡沕寥六宮攀不住三島去相招

亡國原林古賓天歲月遙無蹊窺海曲有廟訪山椒  
石帳龍蛇拱雲籠綵翠銷露壇裝琬琰真像寫松喬  
珠館青童宴琳宮阿母朝氣輿仙女侍天馬吏兵調  
湘妓紅絲瑟秦郎白管簫西城要綽約南嶽命嬌嬈  
句曲觴金洞天台嘯石橋晚花珠弄藥春茹玉生苗  
二景神光秘三元寶籙饒露垂鵲翅髮冰束虎章腰  
鶴馭爭銜箭龍奴合獻綃衣從星渚浣丹就日宮燒  
物外花常滿人間葉自彫望臺悲漢戾闕水笑梁昭  
古殿香殘地荒堦柳長條幾曾期七日無復降重霄  
嵩嶺連天漢伊瀾入海潮何由得真訣使我佩環搖  
居處

卷五十五

二

祠廟

王子晉廟

唐白居易

子晉廟前山月明人聞往往夜吹笙鸞吟鳳唱聽無  
拍多似霓裳散序聲

祀伍員廟

梁簡文帝

去國資孝本循忠全令名舟裏多奇計蘆中復吐誠  
偃月交吳艦魚麗入楚營光功摧妙算載籍有餘聲  
洪濤猶鼓怒靈廟尚淒清行潦承椒奠按歌雜鳳笙  
無勞管后壁詎用楚臣纓密樹臨寒水疎扉望遠城  
牕寮野霧入衣帳積苔生惟有三青鳥歛翅時逢迎

祀伍員廟

梁元帝

石城寧足拒金陣詎能追楚關開六塞吳兵入九圍  
山水猶縈帶城池失是非空餘壽宮在日暮舞靈衣

過四皓廟

唐李頻

東西南北人高跡自相親天下已歸漢山中猶避秦  
龍樓曾作客鶴氅不爲臣獨有千年後青廟木春

四皓廟

唐許渾

桂香松暖廟門開獨瀉椒漿奠一杯秦法欲興鴻已  
去漢儲將廢鳳還來紫芝翳翳多青草白石蒼蒼平  
綠苔山下驛塵南竄路不知冠蓋幾人回

登二妃廟

梁吳均

居處

卷五十六

三

祠廟

朝雲亂入人當作目帝女湘川宿折菑巫山下採荇洞

庭腹故以輕薄好千里命艫舳何事非相思江上歲  
寒竹

二妃廟

唐

帝舜南巡去不還二妃幽怨水雲間當時珠淚垂多  
少直到如今竹尚斑

湘夫人祠

唐杜甫

蕭蕭湘妃廟空牆碧水春蟲書玉佩鮮燕舞翠帷塵  
晚泊汀樹微馨借渚蘋蒼梧恨不淺染淚在叢筠

湘妃廟

唐僧齊己

湘煙濛濛湘水急汀露凝紅裏蓮濕蒼梧雲疊九疑  
深二女魂飛江上立相攜泣鳳蓋龍輿追不及廟荒  
松朽啼飛猩笋鞭迸出堦基傾黃昏一片陰風起新  
月如眉生闊水

二妃廟

唐李頎盛

沅上秋草晚蒼蒼女祠無人見精魄萬古寒猿悲  
桂水身沒後椒漿神降時回雲迎赤豹驟雨颯文狸

黃陵廟

唐李羣玉晚

小孤洲北浦雲邊二女明妝共儼然野廟向江春寂  
寂古碑無字草芊芊東風日暮吹芳芷落日山深哭

居處

卷百五

三十

初廟

杜鵑猶似含顰望巡狩九疑愁黛隔湘川

行經張子房廟

宋鄭鮮之

七雄裂周紐道盡鼎亦淪長風晦崑溟潛龍動泗濱  
紫煙翼丹虬靈媼悲素鱗

祀敬亭山廟

齊謝朓

翦削兼太華崢嶸跨玄圃貝闕抵阿宮薛帷陰網戶  
參差時未來徘徊望漣浦椒糈若馨香無絕傳終古

和蕭東陽祀七里廟

梁簡文帝

萬里寶幽宗三神亦天構豈謂木石精斯乃山川守  
遠來太白旗遙徵青鳥候以茲敬弗怠方知教應富

下山楚廟

陳江總

蘋藻祈明德倚棹息岩阿忽聽晨雞曙非復楚宮歌  
閑階雜宿薺古木斷懸蘿帷堂寂易晚桴鼓自相和  
盛祀流百世英威定幾何

行經季子廟

陳張正見

延州高讓遠傳芳世祀移地絕遺金路松悲懸劒枝  
野藤侵沸井山雨濕苔碑別有觀風處樂奏無人知

從駕祀麓山廟

陳陽慎

聖德憂民暇麾旆謁山靈畫航汎北渚文馬侍東平  
春浦戈鋌照寒林鏡吹鳴依稀長安驛蕭條都尉城

居處

卷百五

三十一

初廟

井泉能共動江帆得分行牕幽細網合堦靜落花明  
欄巢始入燕軒樹已遷鶯非非蘭俎馥淡淡桂樽清  
銀塘一作日影盡玉座舞衣輕

西門豹廟

北周庾信

君子為利博達人樹德深蘋藻山斯薦樵蘇幸未侵

恭聞正臣一作

祀良識佩韋心容範雖年代微猷若

可尋菊花隨酒馥槐影向牕臨鶴飛疑逐舞魚驚似  
聽琴漳流鳴磴石銅雀影秋林

登首陽山謁夷齊廟

唐李頎盛

古人已不見喬木竟誰過寂寞首陽山白雲空復多

蒼苔歸地骨皓首採薇歌畢命無怨色成仁其若何  
我來入遺廟時候微清和落日弔山鬼天風吹女蘿  
石門正西豁引領望黃河千里一飛鳥孤光東逝波  
驅車層城路惆悵此巖阿

嚴陵廟

唐洪子輿初

漢主召子陵歸宿洛陽殿客星今安在隱迹猶可見  
水石空潏潏松篁尚葱蒨岍深翠陰合川迴白雲徧  
幽徑滋蕪沒荒祠羃羃霰垂釣想遺芳撥蘋羞野薦  
高風激終古語理忘榮賤方驗道可尊山林情不變

龍女祠

唐岑參盛

居處

卷百五

三十三祠廟

龍女何處來來時乘風雨祠堂青林下宛宛如相語  
蜀人競祈恩捧酒仍擊鼓

同諸公謁啓母祠

唐崔曙盛

宮門淡紫微芳草閑閑扉帝子復何在王孫遊不歸  
春風鳴玉佩暮雨拂靈衣豈但湘江口能令懷二妃

東皇太一祠

唐李希仲盛

吉月初齋戒靈巫穆上皇焚香布瑤席鳴珮奠椒漿  
緩舞花飛滿清歌水去長回波送神曲雲雨滿瀟湘

觀北蕃謁廟

唐王阜

肅肅層城裏巍巍祖廟清聖恩覃布濩遐域獻精誠

冠蓋分行列戎夷辨姓名禮中齊百拜心莘盡忠貞  
瑞氣千重色簫韶九奏聲仗移迎日轉旆動逐風輕  
休運威儀盛豐年俎豆盈不堪敷頌德此空簪纓

三閭廟

唐戴叔倫中

沅湘流不盡屈子怨何深日暮秋風起蕭蕭楓樹林

同蕭鍊師宿太乙廟

唐李益中

微月空山曙春祠謁少君落花壇上拂流水洞中聞  
酒引芝童奠香餘桂子焚鶴飛將羽節遙向赤城分

華山南廟

唐李益中

陰山臨古道古廟閉山碧落日春草中寒芳薦瑤席

居處

卷百五

三十三祠廟

明靈達精意髣髴如不聞嚴雨神降時回飈入松柏  
常聞坑儒後此地返秦壁

經伏波神祠

唐劉禹錫中

蒙蒙篁竹下有路上壺頭漢壘磨磨磨鬬鬬鬬霧雨愁  
懷人敬遺像闕世指東流自負伯王略安知恩澤侯  
鄉園辭石柱筋力盡炎洲一以功名累翻思馬少游

蘇武廟

唐溫庭筠晚

蘇武魂銷漢使前古祠高樹兩茫然雲邊鴈斷胡天  
月隴上羊歸塞草煙回日樓臺非甲帳去時冠劍是  
丁年茂陵不見封侯印空向秋波哭逝川

題竹谷神祠

唐溫庭筠

蒼蒼松竹晚一逕入荒祠古樹風吹馬虛廊日照旗  
煙煤朝莫處處風雨夜歸時寂寞東湖客空看蔣帝碑

題衛將軍廟

唐許渾

將軍名逃陽美人少習詩書學弓劍有武略二十  
七遊并汾間遇神堯皇帝始建義旗逃以勇藝進  
備行列泊擒竇建德逃時挾槍馬前突後翼太宗  
奇之天下既定錄其功拜右軍宿衛以母老乞歸  
侍辭旨哀激上許之及卒邑人廟宇荆谿之洞以  
平生弓甲懸東西廡下歲時祠祭頗福其土文士

居處

卷百三

三十四

祠廟

王敖置碑辭實詳備惜國史闕書因題詩于廟壁  
武牢關下護龍旗挾梁一作彎弓馬上飛漢業未興  
王霸在秦軍纔散魯連歸墳穿大澤埋金劍廟枕長  
谿挂鐵衣欲奠忠魂何處問葦花楓葉雨霏霏

竹郎廟

唐薛濤

竹郎廟前多古木夕陽沈沈山更綠何處江村有笛  
聲笛聲盡是迎郎曲

詩雋類函卷一百三十六

詩雋類函卷一百三十七

東吳俞安期彙纂

宣城梅鼎祚增定

海虞蕭繼可訂校

器用部上

(舟) (鏡臺) (附) (批) (北) (附) (車) (鼎) (漏) (鏡)

○舟

(庭) (燎) (附) (簾) (附) (燈) (燈) (花) (附) (燭) (燭) (花)

詠輕利舟應臨汝侯教

梁王筠

君侯飾輕利搖蕩邁飛雲淩波漾鷁彩汎水渙蛟文  
電流已光絕鳥逝復超羣倏忽方千里戀茲岐路分

詠舟

唐李嶠

器用

卷百三十七

一

舟

征棹三江暮連檣萬里迴相鳥風際轉畫鷁浪前開  
羽客乘霞至仙人弄月來何當同傳說特轉巨川材

鳳船歌

廣五行志曰隋煬帝江上作鳳船歌乃唐興之兆

隋煬帝

三月三日向江頭正見鯉魚波上游意欲垂鉤往  
取恐是蛟龍還復休

津渚敗船

梁江祿

可愛木蘭資可憐丹桂質逐浪徒言是乘風還自失  
草蔓艖長埋沙巨舫難出陸沈成許去無復乘流日

賦得濟川用舟楫

唐胡權

渺渺水連天歸成想幾年孤舟亂曲岸輕楫濟長川

迴指波濤雪迴瞻島嶼煙心迷滄海上目斷白雲邊  
汎濫雖無定維持且自專還如聖明代理國用英賢

賦得天際識孤舟

唐薛能晚

斜日滿紅樓天涯照背流同人在何處遠月認孤舟  
帆省當時席歌聞舊日謳人浮津濟晚棹泛沈寥秋  
晴闊欣全見歸遲怪久遊離居易無限貪此望南休

權歌行

晉陸機

龍舟浮鷁首羽旗垂藻葩乘風宣飛景逍遙戲中波  
名謳激清唱榜人縱一作從棹歌投綸沈洪川飛繳入

紫霞

器用

卷百二十七

二

權歌行

宋孔甯子

高檣抗飛帆羽蓋翳華枝伏飛激逸響媚娥吐清辭  
汧洄緬無分欣流愴有思仰瞻翳雲繳俯引沈淵絲  
委羽漫通渚鮮淦中填坻鷁鳥感江使揚波駭馮夷  
夕影雖已西口口終無期

權歌

一作南

梁蕭子範

權歌來揚女操舟驚越人圖蛟怯水伯照鷁竦江神

棹歌行

唐駱賓王初

寫月圖黃罷凌波拾翠通鏡花搖菱日衣麝入荷風  
葉露舟難蕩通疎浦易空鳳媒羞自託鴛翼恨難窮

秋帳燈光翠倡樓粉色紅相思無別曲併在棹歌中

棹歌行

唐徐堅初

棹女飾銀鉤新妝下翠樓霜絲青桂楫蘭桡紫霞舟  
水落金陵曙風起洞庭秋扣舷過曲浦飛帆越回流  
影入桃花浪香飄杜若洲長姝未返蕭散雲霞晚  
日下大江平煙生歸舫遠舫遠聞潮波爭途遊戲多  
因聲趙津女來聽采菱歌

夜遣內人還後舟

梁簡文帝

錦幔扶船列蘭橈拂浪浮去燭猶文水餘香尚滿舟

浮查

唐駱賓王初

器用

卷百二十七

三

簪負千尋質高臨九仞峰真心凌晚桂勁節掩寒松  
忽值風飈折坐爲波浪衝摧殘空有恨擁腫遂無庸  
渤海三千里泥沙幾萬重似舟飄不定如梗泛何從  
仙客終難託良工豈易逢徒懷萬乘器誰爲一先容  
凝碧池侍宴應制賦得出水槎 唐武三思初

彼木生何代爲槎復幾年欲乘銀漢曲先汎玉池邊

擁溜根橫岬沈波影倒懸無勞問蜀客此處即高天

楊氏林亭探得古槎

唐皇甫冉中

千年古貌多八月秋濤晚偶被主人留那知來遠近

賦得的的帆向浦

唐司空曙中



向浦參差去隨波遠近還初移芳草裏正在夕陽間  
隱映回孤驛微明出亂山向空看不盡歸思滿江關

賦得的帆向浦留別

唐皇甫冉

一帆何處去正在望中微浦迴搖空色汀迴落日暉  
每爭高鳥度能送遠人歸偏似南浮客悠揚無所依

詠車

唐李嶠

天子馭金根蒲輪關四門五袖趨雪至雙轂似雷奔  
丹鳳栖金轄非熊載寶軒無階忝虛左珠乘奉王言

器用

卷五十七

四 車鼎

寶鼎詩

漢班固

嶽修貢兮川效珍吐金景兮歆浮雲寶鼎見兮色紛  
緼煥其炳兮被龍文登祖廟兮享聖神昭靈德兮彌  
億年

寶鼎歌

漢書武帝紀曰元鼎四年夏六月  
景星顯見信星彪列象載昭庭日親以察參侔開闔

爰推本紀汾睢出鼎皇祐元始五音六律依章饗昭  
維變竝會雅聲遠姚空秦琴瑟結信成四興遞代八  
風生殷殷鍾石羽籥鳴河龍供饌醇犧牲百末旨酒  
布蘭生泰尊柘漿析朝醒微感心攸通修名周流常

牟思所并穰穰復正值往甯叶音馮蟠切和疏寫平  
隨及上天布施后土成穰穰豐年四時榮

○漏

聞漏

唐王岳靈

建禮含香處重城待漏臣徐聲傳鳳詔曉唱辨雞人  
銀箭聽將盡銅壺滴更新催籌當五夜移刻及三辰  
杳杳從天達冷冷出禁頻直廬殘響曙肅穆對鉤陳

冬夜集賦得寒漏

唐皇甫冉

清冬洛陽客寒漏建章臺出禁因風徹繁縵共月來  
偏將殘瀨雜乍與遠鴻哀遙夜重城警流年滴水催

器用

卷五十七

五 漏

閒齋堪坐聽況有故人杯

雪後觀象閣待漏

唐張少博

玉漏移中禁齊車入太清漸知催辨色復聽續餘聲  
乍逐微風轉將因雜珮輕青樓人罷夢紫陌騎將行  
殘覓棲初盡餘口滴更生慙非朝謁客空有振衣情

尚書郎上直聞春漏

唐周徹

建禮通華省含香直紫宸靜聞銅史漏暗識桂宮春  
滴歷疑將絕清冷發更新寒聲臨馬沼疎韻應雞人  
迴入千門徹行摧五夜頻高臺閒自聽非是駐征輪  
尚書郎上直聞春漏

唐□□□

地即尚書省人惟鴛鴦行審時傳玉漏正夜遞星郎  
歷歷聞仙署冷冷出建章自空來斷續隨月散淒鏘  
物靜知聲近寒輕覺夜長聽餘殘月落曙色滿東方  
太清宮聞滴漏 唐嚴巨川

殘雪初晴後鳴珂奉闕庭九門傳曉漏五夜候晨扇  
北斗橫斜漢東方落曙星煙氛初動色簪珮未分形  
雪重猶垂白山遙不辨青雞人更唱處偏入此時聽  
百官乘月早朝聽殘漏 唐莫宣卿

建禮儼朝冠重門耿夜闌碧空蟾魄度清禁漏聲殘  
候曉車輿合凌霜環珮寒星河猶皎皎銀箭尚珊珊  
器用 卷五十五 六 漏

查爾祥光起霏微瑞氣攢欣逢聖明代長願接鸞  
○鏡 鏡臺附

詠鏡 梁簡文帝  
四一作鐶銖恒在側誰言覽鏡稀如水不見水似扇長  
含暉全開玳瑁匣併卷織成衣脫入相如手疑言趙  
璧歸

鏡 梁簡文帝  
金精石英水輝沼清高堂懸影仁壽摘聲雲開見月  
水淨珠明 詠鏡 梁朱超道

折花須自插不用暫臨池當由可憐面偏與鏡相宜  
安釵釧獨響刷鬢袖俱移唯餘心裏恨影中恒不知

詠鏡 梁高爽  
初上鳳凰墀此鏡照蛾眉言照長相守不照長相思  
虛心會不采貞明空自欺無言故此物更復對一作

新期 詠鏡 梁王孝禮  
可憐不自識終爾因鏡中分眉一等翠對面兩邊紅

轉身先見動含笑逆相同猶嫌鏡裏促看人未好通  
鏡 北周庾信

器用 卷五十五 七 鏡  
玉匣聊開鏡輕灰暫拭塵光如一片水影照兩邊人  
月生無有桂花開不逐春試挂淮南竹堪能見四鄰  
方鏡 陳江總

此鏡以照著衣鏡背圖刻八宿仁壽殿前無以加  
斯彫麗也

玄楊命巧仲呂呈祥金鑄石漢銅鑄丹陽價珍負局  
影麗高堂圖星擬蓋寫卦隨方明齊水止照與天長  
增輝苑苑永侍龍光

鏡 古無名氏  
買得秦王鏡判不惜千金非關欲照膽特是自明心

鏡

古無名氏

鍊形神治瑩質良工如珠出匣似月停空當眉寫翠對臉傳紅綺認繡幄俱照秦宮

鏡

古無名氏

僊山竝照智水齊名花朝艷采月夜流明龍燐五瑞鸞舞雙情傳聞仁壽始驗消兵

賦得鏡

陳李巨仁

魏公本知姓秦樓識舊名鳳從臺上出龍就匣中生無波菱自動不夜月恒明非惟照佳麗復得厭山精

和陳後主詠鏡

陳孔範

器用

卷五十七

八鏡

虎賁愁興日龍鏡覽顏時懷恩未得報空歎髮如絲

題鏡

古今詩話曰陳太子舍人徐德言尚叔寶妹樂昌公主陳政衰謂妻曰國破必入權豪家倘情緣未斷尚冀相見乃破一照人分其半約他日以正月望日賣于都市及陳亡其妻果為楊越公得之德言流離辛苦僅能至京遂以正月望日訪於都市有蒼頭賣半照者大高其價人皆笑之德言直引至其居出半照以合之仍題詩云云公主得詩悲泣不食素因詰之公主以實對於是召德言至還其妻後歸江南終老云

陳徐德言

鏡與人俱去鏡歸人未歸無復姮娥影空留明月輝

詠鏡

唐駱賓王

寫月無芳桂照月有花菱不持光謝水翻將影學水

詠鏡

唐李嶠

明鑑掩塵埃含情照魏臺日中烏鵲至花裏鳳凰來玉彩疑冰澈金輝似月開方知樂彥輔自有鑒人才

詠鏡

唐張說

寶鏡如明月出自秦宮樣隱起雙盤龍銜珠儼相向常恐君不察匣中委清量積翳掩花光虛心蔽塵狀倘蒙羅袖拂光生玉臺上

鏡原作金雜詩

唐崔顥

可憐青銅鏡挂在白玉堂玉堂有美女嬌弄明月光羅袖拂金鵲綵屏點紅妝妝罷含情坐春風桃李香

器用

卷五十七

九鏡

秦鏡

唐仲子陵

萬里秦時鏡從來抱至精依臺月自吐在匣水常清爛爛金光發澄澄物象生雲天皆洞鑑表裏盡虛明但見人窺膽全勝響應聲妍媸定可識何處更逃情

秦鏡

唐張佐

樓上秦時鏡千秋獨有名菱花寒不落水質夏長清龍在形難掩人來膽易呈昇臺宜遠照開匣乍藏明皎色新磨出圓規舊鑄成愁容如可鑑當欲拂塵纓

府試古鏡

唐

舊是秦時鏡今藏古匣中龍盤初挂月鳳舞欲生風

石黛曾留殿朱光適在官應祥知道泰鑑物覺神通  
肝膽誠難隱妍媸信易窮幸居君子室長願免塵蒙  
靈臺家兄古鏡歌

唐薛逢

一尺圓潭深墨色篆文如絲人不識耕夫云佳赫連  
城赫連城下親耕得鏡上磨瑩一月餘日中漸見菱  
花舒金膏洗拭鐵澀盡黑雲吐出新蟾蜍人言此是  
千年物百鬼聞之形暗慄玉匣曾經龍照來豈宜更  
鑒農夫質有時霹靂半夜驚窓中飛電如晦明盤龍  
鱗張玉匣溢牙爪觸風時有聲耕夫不解珍靈異翻  
懼赫連神作祟十千賣與靈臺兄百丈靈湫坐中至  
器用

卷百二十七

十鏡

溢匣水色如欲傾兒童不敢窺口口寒光照人近不  
得坐愁雷電秋中生吾兄吾兄須愛惜將來慎勿虛  
拋擲興雲致雨會有時莫遣紅妝穢靈跡

古鏡篇

唐陳陶

紫皇玉鏡蟾蜍字墮地千年光不滅發匣身沈古井  
寒懸臺日照愁成水海戶山窓幾梳縮菱花開落何  
人見野老曾疑太白星神狐夜哭秋天片下國青銅  
旋磨滅口廻鸞影成枯骨會待搏風雨次寥長悲蕪  
苔蝕明月

小古鏡

唐項斯

字已無人識唯應記鑄年見來深似水攜去重於錢  
鸞翔巢空月菱花遍小天宮中照黃帝曾得化為仙  
秦鏡

唐劉長卿

寶鏡凌曙開含虛淨如水獨懸秦臺上萬象清光裏  
豈慮高鑑偏但防流塵委不知娉婷色回照今何似  
塵鏡

北周庾信

明鏡如明月恒常置匣中何須照兩鬢終是一秋蓬  
破鏡

唐李商隱

玉匣清光不復持菱花散亂月輪虧秦臺一照山雞  
後便是孤鸞罷舞時

器用

卷百二十七

十一鏡

詠照鏡

梁費昶

晨輝照杏梁飛燕起朝妝留心散廣黛輕手約花黃  
正釵時念影拂絮且憐香方嫌翠色故乍道玉無光  
城中皆半額非妾畫眉長

詠照鏡

梁何遜

朱簾旦初捲綺機晨未織玉匣開鑑影寶臺靜臨飾  
對影獨含笑看花時轉側聊為出繭眉試深天桃色  
寶釵若可間金鈿畏相逼蕩子行未歸啼妝坐沾臆

愁閨照鏡

梁簡文帝

別來憔悴久他人怪容色只有匣中鏡還持自相識

佳人照鏡

唐張文恭初

倦采薜蘿葉貪憐照膽明兩邊皆拭淚一處有啼聲

臨鏡曉妝

唐楊容華卿之女

林鳥驚眠罷房櫳曙色開鳳釵金作縷鸞鏡玉為臺

妝似臨池出人疑向月來自憐方未已欲去復徘徊

照鏡

唐李益中

衰鬢朝臨鏡將看各自疑慙君明似月照我白如絲

對鏡吟

唐長孫佐輔中

憶昔逢君新納聘青銅鑄出千年鏡意憐光彩固無

瑕義比恩情永相映每將鑒面兼鑒心鑒來不輟情

器用

卷百二十七

士二鏡

逾深君非結心空結帶結處尚新恩已背開簾覽鏡

悲難語對面相看孟門阻掩匣徒慙雙鳳飛懸臺欲

效孤鸞衰昔日照來人共許今朝照罷自生疑鏡上

有塵猶可拂君恩詎肯無迴時

賜王公千秋鏡

唐玄宗

鑄得千秋鏡光生百鍊金分將賜群后遇象見清心

臺上水華澈應中月影臨更銜長綬帶留意感人深

奉和聖製賜王公千秋鏡應制

唐張說初

寶鏡頒神節凝規寫聖情千秋題作字長壽帶為名

月向天邊下花從日裏生不承懸象意誰辨照心明

奉和敕賜公主鏡

唐席豫初

令節頒龍鏡僊輝下鳳臺含靈萬象入寫照百花開

色與皇明散光隨聖澤來妍媸冰鑑裏從此愧非才

答餉鏡

陳徐陵

信來贈寶鏡亭亭似團月鏡久自踰明入久情愈歇

取鏡挂空臺於今莫復開不見孤鸞鳥香窈何處來

贈友人古鏡

唐朱晝中

我有古時鏡初自壞陵得蛟龍猶泥蟠魑魅幸月蝕

摩久見菱葦青於藍水色贈君將照心無使心受惑

磨鏡篇

唐劉禹錫中

器用

卷百二十七

士三鏡

流塵翳明鏡歲久看如漆門前負局人為我一磨拂

萍開綠池滿暈盡金波溢白日照空心圓光走幽室

山神妖氣沮野魅真形出

代美人愁鏡

唐李白盛

明明金鵲鏡了了玉臺前拂拭皎冰月光輝何清圓

紅顏老昨日白髮多去年鉛粉坐相娛照來空淒然

代美人愁鏡

唐李白盛

美人贈此盤龍之寶鏡燭我金縷之羅衣時將紅袖

拂明月為惜普照之餘輝影中金鵲飛不滅臺下青

鸞思獨絕藥砧一別若箭弦去有日來無年狂風吹

却妾心斷玉筋并墮菱花前

感鏡

唐韋應物

鑄鏡廣陵市菱花匣中發宿昔常許人鏡成人已沒  
如氷結圓器類壁無絲髮形影終不臨清光殊不歇  
一感平生言松枝挂秋月

老婦歎鏡

唐王建

嫁時明鏡老猶在黃金縷畫雙鳳背憶昔咸陽初買  
來燈前自繡芙蓉帶十年不開一片鐵長向暗中梳  
白髮今日後牀同照看生歿終當此長別

器用

卷百二十七

十四 鏡

三愴然有作

唐劉長卿

故人留鏡無歸處今日懷君試暫窺歲久豈堪塵自  
入夜長應待月相隨空憐瓊樹曾臨匣猶見菱花獨  
映池所恨平生還不早如今始挂隴頭枝

鏡聽詞

唐王建

重重摩挲嫁時鏡夫婿遠行憑鏡聽迴身不遣別人  
知人意丁寧鏡神聖懷中收拾雙錦帶恐畏街頭見  
驚怪嗟嗟嚟嚟下堂階獨自竈前來跪拜出門願不  
聞悲哀郎在任郎迴未迴月明地上人過盡好語多  
同皆道來卷帷上牀喜不定與郎裁衣失翻正可中

三日得相見重繡鏡囊磨鏡面

鏡聽詞

唐李廓

匣中取鏡祠竈王羅衣掩盡明月光昔時常著照容  
色今夜潛將聽消息門前地黑人來稀無人錯道朝  
夕歸更深弱體冷如鐵繡帶菱花懷裏熟銅片銅片  
如有靈願得照見行人千里行

鏡臺

齊王融

鏡臺今何在寸身正相隨何當碎聯玉雲上壁已虧  
玲瓏類丹檻若亭似玄闕對鳳懸清氷垂龍挂明月

器用

卷百二十七

十五 鏡臺

照粉拂紅妝插花理雲髮玉顏徒自見常畏君情歇  
詠空鏡臺

詠空鏡臺

陳陳叔達

即今妝飾廢凋零衢路間姮娥與明月相共落關山  
○簾

詠簾

齊虞炎

青軒明月時紫殿秋風日瞳朧引光輝曉暖映容質  
清露依檐垂蛸絲當戶密塞開誰共臨掩晦獨如失  
賦得珠簾

賦得珠簾

隋盧思道

鑑帷明欲飲照檻色將晨可憐疎復密隱映當窓人  
浮清帶遠吹含光動細塵落花時屢拂會待玉階春



賦簾

唐太宗

參差垂玉闕舒卷映蘭宮珠光搖素月竹影亂清風  
彩散銀鉤上文斜桂戶中唯當雜羅綺相與媚房櫳

詠簾

唐李嶠

清風時入燕紫殿幾含秋暖暖籠靈閣纖纖上玉鉤  
窓中翡翠動戶外水精浮巧作盤龍勢長迎飛燕遊

詠簾

唐萬楚

玳瑁昔稱華玲瓏薄絳紗鉤銜門勢曲節亂水紋斜  
日弄長飛鳥風搖不卷花自當分內外非是為騎奢

詠簾

唐杜牧

器用

卷百二十七

十六

徒云逢翦削豈謂見偏裝鳳節輕離日鸞花薄飾香  
問屏何屈曲憐帳解周防下漬金階露斜分碧瓦霜  
沈沈伴春夢寂寂待華堂誰見昭陽殿具珠十二行

詠簾

唐羅隱

翡翠佳名世共稀玉堂高下巧相宜殷勤為囑纖纖  
手捲上銀鉤莫放垂

詠破簾

唐喬氏

已漏風聲罷羅幃也不禁一從經落節無復有貞心  
○帳 帳帷並附

詠帳

梁沈約

詠帳

陳後主

甲帳垂和璧蠅雲張柱宮隋珠既吐曜翠被復含風  
錦作明玳牀黼垂光粉壁帶日芙蓉照因吹芳芬拆

青氈帳

唐白居易

合聚千年龜施張百子拳骨盤邊柳健色深寒藍鮮  
北製因戎荆南移逐虜遷汰風吹不動禦雨濕彌堅  
有頂中央聳無隅四嚮圓旁通門豁爾內密氣溫然  
逴別關山外初安庭戶前影孤明月夜價重苦寒年  
輒暖圍氈毯鎗錠束管絃最宜霜後地偏稱雪中天  
側置低歌座平鋪小舞筵閑多揭簾入醉便擁袍眠

器用

卷百二十七

十七

鐵檠移燈背銀囊帶火懸深藏曉蘭焰暗貯宿香煙  
獸炭休親近狐裘可棄捐硯溫融凍墨瓶暖變春泉  
賓客於中接兒孫向後傳王家誇舊物未及此青氈

詠帳

齊王融

幸得與珠綴羣麋君之楹月映不辭卷風來輒自輕  
每聚金爐氣時駐玉琴聲但願置尊酒蘭缸當夜明

詠帷

唐李嶠

久閉先生戶高褰太守襦羅將翡翠合錦逐鳳凰舒  
明月彈琴夜清風入幌初方知決勝策黃石受兵書

○屏風

障附

詠屏風

陳後主

織成如續采瑠璃畏風擊秦宮得絕超漢座殊班敵

屏風

北齊蕭慤

秦皇臨碣石漢帝幸明庭非關重遊豫直是愛長齡  
讀記知州所觀圖見岳形曉識仙人氣夜辨少微星  
服銀有祕術蒸丹傳舊經風搖百影樹花落萬春亭  
飛流近更白叢竹達彌青逍遙保清暢因持悅性情

詠屏

唐李嶠

洞澈瑠璃蔽威紆屈膝迴錦中雲母列霞上織成開  
山水含春動神仙倒景來修身兼竭節誰識作銘才  
器用

卷五十七

屏風

詠屏風

唐袁恕已

綺閣雲霞滿芳林艸樹新鳥驚疑欲曙花笑不開春  
山對彈琴客溪流垂釣人請看車馬客行處有風塵

觀元丹丘坐巫山屏風

唐李白

昔遊三峽見巫山見畫巫山宛相似疑是天邊十二  
峰飛入君家綵屏裏寒松蕭颯如有聲陽臺微茫如  
有情錦衾瑤席何寂寂楚王神女何盈盈咫尺如千  
里翠屏丹崖粲如綺蒼蒼遠樹圍荆門歷歷行舟泛  
巴水水石潺湲萬壑分煙光草色俱氤氛溪花笑日  
何年發江客聽猿幾歲聞使人對此心緬邈疑入嵩

丘夢綵雲

屏風曲

唐李賀

蝶栖石竹銀交關水凝綠鴨瑠璃錢團迴六曲抱膏  
蘭將鬟鏡上擲金蟬沈香火煖茱萸煙酒觥縮帶新  
承歡月風吹露屏外寒城上烏啼楚女眠

畫屏

唐杜牧

屏風周攸畫纖腰歲久丹青色半銷斜倚玉牕鸞髮  
女拂塵猶自妬嬌嬈

生稞屏風歌

唐溫庭筠

玉墀暗接崑崙井井上無人金索冷畫壁陰森九子  
器用

卷五十七

屏風

堂階前細月鋪花影繡屏銀鴨香翁濛天上夢歸花  
繞叢宜男漫作後庭艸不似櫻桃千子紅

雲母屏風隔坐

唐

彩障成雲母丹墀隔上公才彰二紀盛榮播一朝同  
近玉初齊白臨花乍散紅凝姿分縹緲轉珮玲瓏  
意慙恩偏厚名新寵更崇誰知歷千古猶自仰清風

題西平王舊賜屏風

唐溫庭筠

曾向金屏玉砌來百花鮮濕隔塵埃披香殿下櫻桃  
熟結綺樓前芍藥開朱鷺已隨新鹵簿黃鸝猶識舊  
池臺世間剛有東流水一送恩波更不迴

詠繡障

唐胡令能

日暮堂前花藥嬌，爭拈小筆上牀描。  
繡成安向東園裏，引得黃鸝下柳條。

○燈

燈花附

詠籠燈

晉習鑿齒

煌煌閑夜燈，脩脩樹間亮。  
燈隨風燐燐，風與燈升降。

燈

齊謝朓

發翠斜溪裏，蒼苔石山峰。  
抽莖類仙掌，銜光似燭龍。  
飛蛾再三繞，輕花四五重。  
孤對相思夕，空照舞衣縫。

詠燈

梁吳均

器用

卷五十七

二十一

昔在鳳皇闕，七采蓮花莖。  
陸離看寶帳，爛熳照文屏。  
澹豔煙光轉，氛氲霧裏輕。  
能方三五夜，桂樹月中生。

詠燈

梁沈氏

范靜妻

綺筵日已暮，羅帷月未歸。  
開花散四照，含光出九微。  
風軒動丹焰，水宇一作水檻澹青輝。  
不吝輕蛾繞，唯恐曉蠅飛。

詠燈繁

梁王筠

百華曜九枝，鳴鶴映水池。  
朱光本內照，丹花復外垂。  
流暉悅嘉客，翻影泣生離。  
自銷良不悔，明白願君知。

詠籠燈

梁簡文帝

動焰翠帷裏，散影羅帳前。  
花心生復落，明銷君詎憐。

夜宴詠燈

唐顏真卿

桂酒牽詩興，蘭缸照客情。  
詎慚珠乘朗，不讓月輪明。  
破暗光初白，浮雲色轉清。  
帶花疑在樹，比燎欲分庭。

顧已慙微照，開簾識近汀。

詠燈

唐李商隱

何處無佳夢，誰人不隱憂。  
影隨簾柙轉，光信簾文流。  
客自勝潘岳，儂今定莫愁。  
固應留半焰，迴照下幃羞。

詠燈

唐韓偓

高在酒樓明，錦幕遠隨漁艇泊。  
煙江古來幽怨，皆銷。

器用

卷五十七

三十一

骨休向長門，背雨窓。

詠殘燈

梁紀少瑜

殘燈猶未滅，將盡更揚輝。  
唯餘一兩焰，纔得解羅衣。

對殘燈

唐韋應物

獨照碧牕久，欲隨寒燼滅。  
幽人將遽眠，解帶翻成結。

寒缸

唐劉長卿

向夕燈稍進，空堂彌寂寞。  
光寒對愁人，時復一花落。  
但恐明見累，何愁暗難托。  
戀君秋夜永，無使蘭膏薄。

正月八日燃燈詩

梁簡文帝

藕樹交無極，花雲衣數重。  
纖竹能爲象，縛荻巧成龍。

落灰然益盛垂油濕畫峰天宮倘若見燈王願可逢

宴光壁殿詠遙山燈

陳後主

照耀浮輝明飄飄落燼輕枝多含樹影煙上帶珮生  
雜桂還如月依柳更疑星園中鶴采麗池上鳬飛驚

三善殿夕望山燈

陳後主

重岫多風煙華燈此岫邊涸浦如珠露彫樹似花鈿  
依樓雜渡月帶石影開蓮既有常滿照羞與曉星連

三善殿夕望山燈

陳江總

百花疑吐夜四照似含春的連星出亭亭向月新  
采珠非合浦贈珮異江濱若在扶桑路堪言並日輪

器用

卷五十七

三

燭

寺中賦得紗燈送基母三

唐李頎

禪室吐香燼輕紗籠翠煙長繩挂青竹百尺垂紅蓮  
熠燿衆星下玲瓏雙塔前含光待明發此別豈徒然

詠燈花同侯十一

唐韓愈

今夕是何夕花燃錦帳中自能當雪暖那肯待春紅  
黃裏排金粟釵頭綴玉蟲更煩將喜事來報主人公

○燭

燭花 庭燎並附

燭

齊謝朓

杏梁賓未散桂宮明欲沈暖色輕帷裏低光照寶琴  
徘徊雲髻影的爍綺疏金恨君秋月夜遺我洞房陰

詠燭

梁武帝

堂中綺羅人席上歌舞見待我光汎灑爲君照參差

花中燭焰焰動簾風不見來人影迴光持向空

和湘東王古意詠燭

梁簡文帝

花中燭似將人意同憶啼流膝上燭焰落花中

詠蠟燭

梁王筠

執燭引佳期流影度單帷通牖別繡被依稀見蛾眉  
英明不足貴焦燼豈爲疑所恐恩情改照君尋履基

器用

卷五十七

三

燭

焰聽風來動花開不待春鎮下千行淚非是爲思人

二

九龍蟠焰動四照逐花生即此流高殿堪持代月明

詠燭

唐李嶠

兔月清光隱龍盤畫燭新三星花入夜四序玉調辰  
浮炷依羅幌吹香匝綺茵若逢燕國相持用舉賢人

蠟燭

唐鄭谷

仙漏遲遲出建章官簾不動透清光金闈露白新裁  
詔畫閣春紅正試妝淚滴杯盤何所恨燼飄蘭麝暗  
和香多情更有分明處照得歌塵下燕梁

和簾裏燭

梁劉孝威

開關簾影出參差風焰斜浮光燭綺帶凝滴汗垂花

長門燭

唐王建中

秋夜牀前燭燭微銅壺滴盡曉鐘遲殘光一作花欲滅

還吹著年少宮人未睡時

詠池中燭影

梁元帝

魚燈且滅燭鶴焰暫停輝自有銜龍燭青光入朱扉

映水疑三燭翻池類九微入林如燐影度渚若螢飛

河低扇月落霧上珠星稀章華終宴所飛蓋且相追

硯飲嘉樂殿詠曲水中燭影 梁劉孝威

器用

卷百二十七

二十四 燭

火浣花心猶未長金枝密焰已流芳芙蓉池畔浦停

影桃花水脉引行光

賦得照基燭詩刻五分成

梁劉孝綽

南皮歌吹罷終奕且留賓日下房櫳闌華燭命佳人

側光全照局迴花半隱身不辭纖手倦羞今夜向晨

因夢得題公垂所寄蠟燭因寄公垂

唐白居易中

照梁初日光相似出水新蓮艷不如却寄兩條君領

取明年雙引入中書

詠燭花

唐褚亮

蘭徑香風滿梅梁暖日斜言是東方騎來尋南陌車

曆星臨夜燭眉月隱輕紗莫言春稍晚自有鎮開花

庭燎

晉傅玄

元正始朝享萬國執珪璋枝燎若火樹庭燎繼天光

○嶠

詠司農府春幡

梁徐勉

播穀重前經人天稱往錄青珪禮東甸高旗表治粟

透遲乘旦風慈翠揚朝旭平秋庭春司和氣承玉燭

豈伊盈八政兼茲辨榮辱十千既萬取利民誰不足

詠春幡

唐溫庭筠晚

器用

卷百二十七

二十五 幡

開庭見早梅花影為誰裁碧煙隨刃落蟬鬢覺春來

戍郡嘶金勒花聲悲鏡臺玉釵風不定香步獨徘徊

詠興國寺佛殿前幡

唐太宗

拂霞疑電落騰虛狀寫虹屈伸煙霧裏低舉白雲中

紛披乍依迴掣曳或隨風念茲輕薄質無翅強搖空

○扇

詠扇

原作怨歌○班婕妤左曹越騎校尉况之  
飛燕請其况記考問之上善其劉遂求供養  
太后長信宮○詩品曰婕妤詩其源出於李  
陵屬扇短章詞旨清捷怨深文綺得  
匹婦之致休儒一節可以知其工矣

漢班婕妤

新製一作齊統素皎一作鮮潔如霜雪裁成一作合歡

扇團團一作團圓似明月出入君懷袖動搖微風發常恐

秋節至涼颼一作風奪炎熱棄捐篋笥中恩情中道絕

擬班婕妤詠扇

梁江淹

純扇如團一作團圓月出自機中素畫作秦王女乘鸞向

煙霧彩色世所重雖新不代故竊悲涼風至吹我玉

階樹君子恩未畢零落委中路

詠扇

齊丘巨源

瓊澤映水鱗清風生月輪畫作景山樹圖為河洛神

倡樓出素手歌席動丹唇宛轉含嬌意偏宜桃李人

器用

卷百二十七

三

詠扇

梁何遜

如珪信非玷學月但為輪機杼靡無妾裁縫篋笥人

搖風入素手占曲掩朱唇羅袖幸拂拭微芳聊可因

詠扇

唐李嶠初

翟羽舊傳名蒲葵價不輕花芳不滿回羅薄詎障聲

禦熱含風細臨秋帶月明同心如可贈持表合歡情

竹扇

晉許詢

良工眇芳林妙思觸物騁疑疑秋蟬翼團取望舒景

團扇歌

晉桃葉

團扇復團扇持許自障面憔悴無復理羞與郎相見

團扇郎

晉桃葉

手中白團扇淨如秋團月清風任動生嬌聲任意發

團扇歌二首

古今樂錄曰團扇歌者晉中書令王珣捉白團扇與嫂婢謝芳姿有

愛情好甚篤嫂婢捶撻過苦王東亭聞而止之芳姿素善歌嫂令歌一曲當赦之應聲歌云云珣聞更問之汝歌

何遺芳姿改曰云云

晉謝芳姿

白團扇辛苦五流連是郎眼所見

白團扇顚顚非昔容羞與郎相見

團扇

梁庾肩吾

武王玄覽造扇于前班生瞻博白綺仍傳裁筠比霧

裂素輕蟬片月內掩重規外圓炎隆火正石鑠沙煎

器用

卷百二十七

三

清逾蘋末瑩等寒泉

詠斑竹掩團扇

陳周弘正

齊統將楚竹從來本相遠將申湘女悲宜並班姬怨

團扇歌

唐劉禹錫中

團扇復團扇奉君清暑殿秋風入庭樹從此不相見

上有乘鸞女蒼蒼網蟲遍明年入懷袖別是機中練

詠七寶畫團扇

齊丘巨源

妙編貴東夏巧媛出吳闔裁如一作狀白玉璧縫似明

月輪表裏鏤七寶中街駭難珍畫作景山樹圖為河

洛神來延揮握玩人與鏤釧親生風長袖際睎華紅



粉澤拂盼迎驕意隱映含歌人時移務忘故節改競  
存新恣情隨象簾舒心謝錦茵厭歇何足道敬哉先  
後晨

詠畫扇

梁鮑子卿

細絲本自輕弱綵何足眄直為發紅顏謬成握中扇  
乍奉長門泣時承柏梁宴思妝開已掩歌容隱而見  
但畫雙黃鵠莫作孤飛燕

賦得白羽扇

梁簡文帝

可憐白羽扇却暑復來氛終無顧庶子誰為一揮軍  
詠羽扇

北周庾信

器用

卷五十七

主人

扇

搖風碎朝翻拂汗落毛衣定似回溪路將軍垂翅歸

白羽扇

唐白居易

素是自然色圓因裁製功  
威如松起籟飄似鶴翻空  
盛夏不銷雪終年無盡風  
引秋生手裏藏月入懷中  
麈尾班非匹蒲葵陋不同

賦得轉歌扇

梁庾肩吾

團紗映似月蟬翼望如空  
迴持掩曲態轉作送聲風

破扇

陳許悅

蔽日無全影搖一風有半涼  
不堪鄣巧笑猶足動衣香

古扇

唐項斯

昨日裁成奪夏威忽逢秋節便相違  
寒塵妬盡秦王女涼殿恩隨漢主妃  
似月舊臨紅粉面有風休動麝香衣  
千年蕭瑟關人事莫語當時掩淚歸

搖扇聯句

梁何遜

紈扇已新製蕩婦復新妝  
欲掩羞中笑還飄袖裏香  
在握時搖動當歌掩抑揚  
誰云減羅秋影日聊自障綺

悲紈扇

唐韋應物

非關秋節至詎是恩情改  
掩頓人已無委篋涼空在器用

卷五十七

元

扇

何言永不發暗使銷光彩

○香爐

香爐

原作

古辭

四坐且莫誼願聽歌一言請說銅爐器  
崔嵬象南山上枝似松柏下根據銅盤  
雕文各異類離婁自相聯誰能為此器  
公輸與魯班朱火然其中青煙颺其間  
從風入君懷四坐莫不歡香風難久居  
空令蕙艸殘

香爐

梁孝元帝

蘇合氤氳非煙若雲時穠更薄乍聚還分  
火微難盡風長易聞孰云道力慈悲所熏

詠博山香爐

齊劉繪

參差鬱佳麗合香紛可憐  
蔽虧千種樹出沒萬重山  
上鏤秦王子駕鶴乘紫煙  
下刻蟠龍勢矯首半銜蓮  
旁爲伊水麗芝蓋出巖間  
復有漢游女拾翠弄餘妍  
榮色何難採縹緲更相鮮  
廣廈或騰倚林薄杳芊蕝  
掩華終不發含薰未肯然  
風生玉階樹露湛曲池蓮  
寒蟲悲夜室秋雲沒曉天

和劉雍州繪博山香爐

梁沈約

範金誠可則摛思必良工  
凝芳自朱燎先鑄首山銅  
瓊姿信岳嶧奇態實玲瓏  
峰嶺互相拒巖岫杳無窮

卷百二十七

香爐

赤松遊其上斂足御輕鴻  
蛟螭盤其下驤首眎層穹  
嶺側多奇樹或孤或複叢  
巖間有佚女垂袂似含風  
翬飛若未已虎視鬱餘雄  
登山起重障左右引絲桐  
百和清夜吐蘭煙四面充  
如彼崇朝氣觸石繞華嵩

博山香爐

唐溫庭筠

博山香重欲成雲錦段機絲  
妬鄂君粉蝶團飛花轉  
影彩鴛雙泳水生紋青樓  
二月春將半碧瓦千家日  
未曛見說楊朱無限淚豈  
能空爲路岐分

○火籠

火籠

齊謝朓

庭雪亂如花井冰繁成玉  
因炎入貂袖懷溫奉芳褥  
體密用宜通文邪性并曲  
本自江南墟嫵媚脩且綠  
暫承君玉指請謝陽春旭

竹火籠

無名氏

結根終南下防露復披雲  
雖爲九華扇聊可滌炎氛  
安能偶孤白鶴卵織成文  
覆持鴛鴦被百和吐氛氲  
忽爲纖手用歲暮待一作羅裙

竹火籠

南史曰正德奔魏初去之  
始爲詩一經內火籠中曰  
梁臨賀王

楨幹屈曲盡蘭麝氛氲消  
欲知懷炭日正是履霜朝

詠五彩竹火籠

梁沈氏

器用

卷百三十七

三

火籠

可憐潤霜質纖剖復毫分  
纖作迴風芭一作迴風製  
爲縈綺文含芳出珠被  
耀彩接綳裙徒嗟今麗飾  
豈念昔凌雲詩話補遺作剖出楚山筠織成湘水紋  
出入隨細裙寒錦九微火香傳百和薰氣氲氣氲擁翠被  
昔凌雲與此小異故併錄之

詩傳頌曰

詩雋類函卷一百三十八

東吳俞安期彙纂 宣城梅鼎祚增定

海虞蕭繼可訂校

器用部下

附 巨 帆 石 尺 經 帶 風 箏 雜 器

○牀

附 牀 附

牀詩

梁宣帝

衡山白玉鏤漢殿珊瑚支踞膝申久坐屢好為頻移

牀

唐李嶠

傳聞有象牀疇昔獻君王玳瑁千金起珊瑚七寶裝

器用

卷五十八

桂筵含柏馥蘭席拂沈香願奉羅帷夜長承秋月光

文柏牀

唐白居易

陵上有老柏柯葉寒蒼蒼朝為風煙樹暮為晏寢牀

以其多奇文宜升君子堂剖削露節目拂拭生輝光

玄斑狀貌首素質如截肪雖充悅日玩終乏周身防

華彩誠可愛生理苦已傷方知自殘者為有好文章

詠胡牀應教

梁庾肩吾

傳名乃外域入用信中京足歌形已正文斜體自平

臨堂對遠客命旅誓初征何如消館下淹留奉盛明

○席

賦席

吳張純

席為冬設簾為夏施揖讓而坐君子攸宜

席

齊謝朓

本生潮汐池落景照參差汀洲蔽杜若幽渚奪江離

遇君時採擷玉座奉金卮但願羅衣拂無使素塵彌

席

梁柳惲

照日汀洲際搖風淥潭側雖無獨蠶輕幸有青袍色

羅袖少輕塵象牀多麗飾願君蘭夜飲佳人時晏息

詠席

唐李嶠

避坐承宣父重筵揖戴公桂香浮半月蘭氣襲回風

器用

卷五十八

舞拂丹霞上歌清白雪中佇將文綺色舒卷帝王宮

○簾

竹簾

唐元稹

竹簾襯重茵未忍都令卷憶昨初來日看君自施展

斑竹筒簾

唐杜牧

血染斑斑成錦紋昔年遺恨至今存分明知是湘妃

泣何忍將身卧淚痕

白角簾

唐羅鄴

疊下駢珪巧思長露華煙魄讓清光休搖雉尾當三

伏似展龍鱗在一牀高價不唯標越絕冷紋疑是卧

蕭湘杜陵他日重歸去偏稱醉眠松桂堂

鄭羣贈簞

唐韓愈中

新州箇竹天下知鄭君所寶尤環奇攜來當晝不得  
卧一府傳看黃琉璃體堅色淨又藏節盡眼凝滑無  
瑕疵法曹貧賤衆所易腰腹空大何能爲自從五月  
困暑濕如坐深甕遭蒸炊手磨袖拂心語口慢膚多  
汗真相宜日暮歸來獨惆悵有賣直欲傾家資誰謂  
故人知我意卷送入尺含風漪呼奴掃地鋪未了光  
彩照耀驚童兒青蠅側翅垂絲避蕭蕭疑有清風吹  
倒身甘寢百疾愈却願天日恒炎曦明珠青玉不足  
器用

卷五十五

三

報贈子相好無時衰

寄新州簞與元九

唐白居易中

箇竹出新春霜刀劈翠筠織成雙文簞寄與獨眠人  
卷作箇中信舒爲席上珍滑如鋪薤葉冷似卧龍鱗  
清潤宜乘露鮮華不受塵通州炎障地此物最關身

酬樂天寄新州簞

唐元稹中

新簞未經春君先拭翠筠知爲熱時物預與瘴中人  
碾玉連心潤編牙小片珍霜凝青汗簡水透碧游鱗  
水鳬輕涵黛琉璃薄帶塵夢成傷冷滑驚卧老龍身

酬李學士寄簞

唐魚玄機女冠

珍簞新鋪翡翠樓泓澄玉水記方流唯應筠扇情相  
似同向銀牀恨早秋

○枕

詠柑瘤枕

宋許瑤

端木生河側因病遂成妍朝將雲髻別夜與蛾眉連

白石枕

并序

唐錢起中

起與監察御史畢公耀交之厚矣頃於藍水得片  
石皎然霜明如其德也許爲枕贈之及琢磨將成  
炎暑已謝俗曰猶班女之扇可退也君子曰不然  
此真畢公之佳賞也故珍而賦之

器用

卷五十六

四

琢珉勝水碧所貴素且貞曾無白珪玷不作浮磬鳴  
捧來太陽前一片新水清沈沈風憲地待爾秋已至  
璞堅難爲功誰怨晚成器比德無磷緇論交亦如此  
詠蜀客石琴枕

唐呂溫中

可憐他山石幾度負貞堅推遷強爲用雕斲傷自然  
文含巴江浪色起青城煙更聞餘玉聲時入朱絲絃

水精枕

唐崔珣晚

十年積雪萬年水掌上初擎力不勝南國舊知何處  
得北方寒氣此中凝黃昏轉燭螢飛沼白日寒簾水  
在簾新簞蜀琴相對好裁詩乞與滌煩襟

○几案

烏皮隱几

齊謝朓

蟠木生附枝刻削豈無施取則龍文鼎三趾獻光儀  
勿言素韋潔白沙尚推移曲躬奉微用聊承終宴疲

詠案

陳後主

已羅七俎滿兼逢百品易張陳峇贈言梁室齊眉席

○杖

餉任新安斑竹杖

梁到溉

叩竹藉舊聞靈壽資前職復有冒霜筠寄生桂潭側  
文彩既斑爛質性甚綢直所以天天真爲有乘危力

器用

卷五

五

未嘗以過投屢經芸苗植

峇到建安餉杖

梁任昉

故人有所贈稱以冒霜筠定是湘妃淚潛灑遂憐彬  
扶危復防咽事歸薄暮人勞君尚齒意矜此杖鄉辰

復資後坐

一作

彦候余方欠伸獻君千里笑紆我百

憂頻坐適雖有器卧遊苦無津何由乘此竹直見平  
生親

桃竹杖引

唐杜甫

江心蟠石生桃竹蒼波噴浸尺度足斬根削皮如紫  
玉江妃水仙惜不得梓潼使君開一束滿堂賓客皆

歎息憐我老病贈兩莖出入爪甲鏗有聲老夫復欲

東南征乘桴鼓枻白帝城路幽必爲鬼神奪杖劍或

與蛟龍爭重爲告曰杖兮杖兮爾之生也甚正直慎

勿見水踴躍學變化爲龍使我不爾之扶持滅跡

於君山湖上之青峰噫風塵澗洞兮豺虎咬人忽失

雙杖今吾將曷從

紅藤杖

南蠻

唐白居易

南沼紅藤杖西江白首人時時攜步月處處把尋春

勁徒孤莖直疎圓六節勻火山生處遠瀘水洗來新

麤細纒盈手高低僅過身天邊望鄉客何日挂歸秦

裴侍御見贈斑竹杖

卷五

六

裴侍御見贈斑竹杖

唐李嘉祐

騷人誇竹杖贈我意何深萬點湘妃淚三年賈誼心

願持終白首誰道貴黃金他日歸愚谷偏宜綠綺琴

和虞部盧四酬翰林錢七赤藤杖歌

唐韓愈

赤藤爲杖世未窺臺郎始攜自滇池滇王掃宮避使

者跪進再拜語嗔咍繩橋挂過免傾墮性命造次蒙

扶持途經百國皆莫識君臣聚觀逐旌麾共傳滇神

出水獻赤龍拔鬚血淋漓又云義和操火鞭照到西

極睡所遺幾重包裹自題署不以珍怪誇荒夷歸來

捧贈同舍子浮光照手欲把疑空堂晝眠倚牖戶飛  
雷著壁搜蛟螭南宮清深禁闥密唱和有類吹填篪  
妍辭麗句不可繼見寄聊且慰分司

和徐法曹贈崔洛陽斑竹杖以詩見答

唐盧綸中

玉幹一尋餘苔花錦不如勁堪和醉倚輕好向空書  
採拂稽山曲因依釋氏居芳辰將獨步豈與此君踈

贈梁浦秀才斑竹拄杖

唐賈島中

揀得林中最細枝結根石上長身遲莫嫌滴瀝紅斑  
少却似一作湘妃淚盡時

器用

卷重天

七 杖

贈張駙馬斑竹拄杖

唐釋護國

此君與我在雲谿勁節奇文勝杖藜爲有歲寒堪贈  
達玉階行處願提携

贈宗魯叩竹杖

唐李商隱晚

大夏資輕策全谿贈所思靜憐穿樹遠滑想過苔遲  
鶴怨朝還望僧閑暮有期風流真底事常欲傍清羸

○塵尾

拂子附

詠塵尾

梁宣帝

匣上生光影豪際起風流本持談妙理寧是用椎牛

塵尾

陳徐陵

靡靡絲垂綿綿細入貢宜吳出先陪楚壁懸石拜  
帳中玉舉既落天花亦通神語用動捨默出處隨時  
揚斯雅論釋此繁疑拂靜塵暑引飾妙詞誰云質賤  
左右宜之

樓拂子

唐杜甫盛

樓拂且薄陋豈知身效能不堪代白羽有足除蒼蠅  
熒熒金錯刀擢擢朱絲繩非獨顏色好亦用顧盼稱  
吾老抱疾病家貧臥炎蒸啞膚倦撲滅賴爾甘服膺  
物微世競棄義在誰肯徵三歲清秋至未敢關絨滕

樓欄蠅拂歌

唐元稹中

器用

卷重天

八

塵尾 拂子

樓欄爲拂登君席青蠅撩亂飛四壁文如輕羅散如  
髮馬尾羗牛不能潔柄出湘江之竹碧玉寒上有纖  
羅縈縷尋未絕左揮右灑繁暑清孤松一枝風有聲  
麗人紈素可憐色安能點白還爲黑

和趙給事白蠅拂歌

唐盧綸中

華堂多衆珍白拂稱殊異柄裁沈節香襲人上結爲  
文下垂穗霜縷雪微瑩且柔虎鬚乍細龍鬚稠皎然  
素色不因染浙爾涼風非爲秋羣蠅青蒼恣遊息廣  
庖萬品無顏色金屏成點玉成瑕晝眠宛轉空咨嗟  
此時滿筵看一舉荻花忽旋楊花舞善如寒隼驚暮



禽颯若繁埃得輕雨王人說是故人留每誠如新比  
白頭若將揮玩閑臨水願接波中一白鷗

○樽

詠山樽

唐李白盛

擁腫寒山木嵌空成酒樽愧無江海量偃蹇在君門

詠山樽

唐李白盛

蟠木不凋飾且將斤斧踈樽成山嶽勢材是棟梁餘  
外與金甕並中涵玉醴虛慙君垂拂拭遂忝玳筵居

衣樽詩

唐元結盛

巉巖小山石數峰對衣亭衣石堪爲樽狀類不可名

器用

卷五十八

九

巡迴數尺間如見小蓬瀛樽中酒初漲始有島嶼生  
豈無日觀峰直下臨滄溟愛之不覺醉醉卧還自醒  
醒醉在樽畔始爲吾性情若以形勝論坐隅臨郡城  
平湖近階砌遠山復青青異木幾十株枝條冒簷楹  
盤根滿石上皆作龍蛇形酒堂貯釀器戶牖皆罌餅  
此樽可常滿誰是陶淵明

與禪師攜瘿樽歸杏園聯句

唐李益中

千畦抱甕園一酌瘿樽酒唯有沃州僧時過杏谿叟  
追歡君適性獨飲我空口儒釋事雖殊文章意多偶

對芳樽

唐韋應物中

對芳樽醉來百事何足論遙見青山始一醒欲著接  
離還復昏

○卮

杯蓋並附

賦得玉卮無當

韻取卮字

唐元稹中

共惜連城寶翻成無當卮詎慚君子貴深訝巧工  
泛蟻功全少如虹色不移可憐殊礫石何計辨糟醕  
江海誠難滿盤筵莫忘施縱垂斟酌意猶得對光儀

賦得玉卮無當

唐蔣防中

美玉常爲器茲焉變漏卮酒漿悲莫挹樽俎念空施  
符彩功難補盈虛數已虧豈唯孤玩好抑亦類瑕疵

器用

卷五十八

十

清越音雖在操持意漸隳賦形期大匠良璞勿同斯

瑪瑙杯歌

唐錢起中

瑤谿碧岬生奇寶剖質披心出文藻良工雕飾明且  
鮮得成珍器入芳筵含華炳麗金樽側翠竿瓊觴忽  
無色繁絃急管催獻酬倏若飛空生羽翼湛湛蘭英  
照豹斑滿堂詞客盡朱顏花光來去傳香袖霞影高  
低傍玉山王孫彩筆題新詠碎錦連珠復輝映世情  
貴耳不貴奇謾說海底珊瑚枝寧及琢磨當妙用燕  
歌楚舞長相隨

棲巖寺隋文帝瑪瑙蓋歌

唐盧綸中

天宮寶器隋朝物鎖在金甌比金甌開面捧之光乃  
發阿修羅王掌中月五雲如拳輕復濃昔曾嘆酒今  
藏龍規形環影相透徹亂雪繁花千萬重可憐貞質  
無今古可歎隋陵一抔土宮中豔女滿宮春得親此  
寶能幾人一留寒殿殿將壞唯有幽光通隙塵山中  
老僧眉似雪忍死相傳保扁鐻

○瓢

詠瓢

唐張說初

美酒酌懸瓢真淳好相映蝸房卷墮首鶴頸抽長柄  
雅色素而黃虚心輕且勁豈無雕刻者貴此成天性

器用

卷五十八

十一 瓢

酒席賦得匏瓢

唐鄭審盛

華閣與賢開仙瓢自遠來幽林常伴許陋巷亦隨回  
挂影憐紅壁傾心向綠杯何曾斟酌處不使玉山頽

答釋子良史送酒瓢

唐韋應物中

此瓢今已到山瓢知已空且飲寒塘水遙將回也同

○砧

月下聽砧

唐劉長卿中

夜靜掩寒城清砧發何處聲聲擣秋月腸斷盧龍戍  
未得一作寄征人愁霜復愁露

聞砧

唐孟郊中

杜鵑聲不哀斷猿啼不切月下誰家砧一聲腸一絕  
杵聲不爲客客聞髮自白杵聲不爲衣欲令遊子歸

聞夜砧

唐白居易中

誰家思婦秋擣帛月苦風凄砧杵悲八月九月正長  
夜千聲萬聲無了時應到天明頭盡白一聲添得一  
莖絲

石首縣聽砧

唐盧延遜晚

因携一家住贏得半年吟深閨乍冷鑑開篋玉筯微  
微濕紅頰一陣霜風殺柳條濃煙半夜成黃葉垂垂  
白練明如雪獨下閒堦轉淒切祗知抱杵擣秋砧不

器用

卷五十八

十二 砧

覺高天已無月時聞寒鴈聲相喚紗牕只有燈相伴  
幾度金刀試剪裁離腸恐逐金刀斷細想儀形執牙  
尺回刀剪破澄江色愁捻銀針信手縫惆悵無人試  
寬窄時時舉淚拭紅牋紅牋謾有千千字書中不盡  
心中事一半殷勤寄邊使

○尺

奉和中和節詔賜公卿尺

唐陸復禮中

春仲令初吉歡娛樂大中皇恩貞百度寶尺賜羣公  
欲使方隅法還令規矩同捧觀珍質麗拜受聖恩崇  
如荷丘山重難酬分寸功從茲度天地與國慶無窮

奉和中和節詔賜公卿尺

唐李觀中

淑景韶光媚皇明寵錫崇具寮頒玉尺成器幸良工  
豈止尋常用將傳度量同人何不取則物亦賴其功  
紫翰宣殊造丹誠屬匪躬奉之無失墜恩澤自天中

奉和中和節詔賜公卿尺

唐裴度中

陽和行慶賜尺度爲臣工荷寵乘佳節傾心立大中  
短長思合製遠近貴攸同初仰裁成德將酬分寸功  
作程施有用垂範播無窮願續延洪壽千春奉聖躬

賦得秤送孟孺卿

唐包何中

願以金秤錙因君贈別離鈎懸新月吐衡直衆星隨

器用

卷百天

十三尺

掌握須平執銖鎰必盡知由來披分審莫放弄權移

○風箏

風箏

唐司空曙中

高風吹玉柱萬籟忽齊飄颯樹遲難度縈空細漸銷  
松泉鹿門夜猿鶴浴濱明坐與真僧聽支頤向寂寥

風箏

唐鮑溶中

何響與天通瑤箏挂望中彩絃非觸指綿調忽聞風  
鴈柱虛連勢鸞歌且墜空夜和霜擊磬晴引鳳歸桐  
幽咽誰生怨清冷自隄躬秦姬收寶匣搔首不成功

風琴引

唐僧貫休

按吳絲雕楚竹高託天風拂爲曲一一宮商在素空

鸞鳴鳳語翹梧桐夜深天碧松風多孤窻寒夢驚流  
波愁魂俯枕不肯去翻疑住處隣湘娥金風聲盡薰  
風發冷泠虛堂韻難歇常恐聽多耳漸繁清音不絕  
知音絕

題風箏寄意

唐高駢晚

夜靜絃聲響碧空宮商信任往來風依稀似曲才堪  
聽又被移將別調中

○雜器

盤 唾壺 桔槔 瓶 竹筒 蕭團

詠竹檳榔盤

梁沈約

器用

卷百天

十四雜器

梢風有勁質柔用道非一平織方以文穹成圓且密  
薦羞雖百品所貴浮天實幸承歡醕餘寧辭嘉宴畢

詠唾壺

陳後主

蘊仙此還異掌滿翻非役侍臣乃執捧良賓乃投擲  
題田洗馬遊巖桔槔

表其才召赴京師及汝辭疾又入箕山自造  
桔槔治農居許由祠旁號東鄰類召不出高  
宗幸嵩山親至其門自書

望遠長爲客商山遂不歸誰憐北陵客未息漢陰機

銅瓶

唐杜甫

亂後碧井廢時清瑤殿深銅瓶未失水百丈有哀音

側想美人意應悲寒斃沈蛟龍半缺落猶得折黃金  
裴侍郎湘川迴以青竹筒相遺因而贈之

唐錢起中

楚竹青玉潤從來湘水陰絨書取直節君子知虚心  
入用隨憲簡積文不受金體將丹鳳直色映秋霜深  
寧肯假伶倫謬爲龍鳳吟唯將翰苑客昔秘瑤華音  
長跪捧嘉貺歲寒慚所欽

同暢當詠蒲團

唐盧綸中

團團錦花結乃是前谿蒲擁坐稱儒褐倚眠宜病夫  
唯當學禪寂終老與之俱

服飾

卷五十六

十五

冠巾帽

服飾部

冠

巾

帽

步

履

鞋

襪

襪

鞋

並附

器具

被

固

履

履

履

履

履

履

○冠

山友贈薛花冠

唐項斯晚

塵汗出華髮慙君青薛冠此身閑未得終日戴應難  
好就松陰挂宜當枕石看會須尋道士簪去繞霜壇  
○巾

翻著葛巾呈趙尹

唐張說初

昔日接離倒今我葛巾翻宿酒何時醒形骸不復存  
忽聞有嘉客躡步出閑門桃花春徑滿誤識武陵源

和張燕公翻著葛巾

唐趙冬曦初

美酒值芳春醒餘氣益直降歡時倒屣乘興偶翻巾  
徐榻思方建左車理自均傲然歌一曲一醉濯纓人

訓賀四贈葛巾之作

唐王維盛

野中傳惠好茲貺重兼金嘉此幽棲物能齊隱吏心  
早朝方暫挂晚沐更來簪坐覺翳塵遠思君共入林  
友人遺華陽巾

唐

剪霧裁煙勝角冠來從玉洞五雲端醉宜薤葉欹斜  
影穩稱菱花仔細看野客愛留籠鶴髮谿翁爭乞配  
魚竿真僊首飾勞相寄塵土翻慙戴去難

服飾

卷五十六

十六

巾

以紗巾寄魯望因而有作

唐皮日休晚

周家新樣替三梁裏髮偏宜白面郎掩欽乍疑栽黑  
霧輕明渾似戴玄霜今朝定見看花側明日應聞漉  
酒香更有一般君未識虎文巾在絳霄房

○帽

荅友人贈烏紗帽

唐李白盛

領得烏紗帽全勝白接離山人不照鏡稚子道相宜  
詠白油帽送客

唐錢起中

薄質慚加首愁陰幸庇身卷舒無定日行止必依人  
已沐脂膏惠寧辭雨露頻雖同客衣色不染洛陽塵

○釵

正釵聯句

梁何遜

竹臺歸欲礙花林出未通度簪先分影轉珥忽瞻風  
雙橋耀寶鈿闌闌密復叢羞令挂纓關整插補餘  
空綺

賦得照流看落釵

梁簡文帝

相隨照綠水意是重涼風流搖妝影壞釵落髻花空  
佳期在何許徒傷心不同

賦得漂井得金釵

梁湯僧濟

昔者倡家女摘花露井邊摘花還自插照井還自憐  
服飾 卷重入 十七 釵

窺窺終不罷笑笑自成妍寶釵于此落從來非一年  
翠羽成泥去金色尚如鮮此人今何在此物今空傳

開池得古釵

唐王建 中

美人開池北堂下拾得寶釵金未化鳳凰半在雙股  
齊鈿花落處生黃泥當時隋地竟不得暗想牕中還  
夜啼可知將來對夫壻鏡前學梳古時髻莫言至死  
亦不遺還似前如初得時

古釵歎

唐張籍 中

古釵墜井無顏色百尺泥中今復得鳳凰宛轉有古  
儀欲為首飾不稱時女伴傳看不知主羅袖拂拭生

光輝蘭膏已盡股半折雕文刻樣無年月雖離井底  
入匣中不用還與墜時同

失釵怨

唐王建 中

貧女銅釵惜於玉失却來口一日哭嫁時女伴與作  
妝頭戴此釵如鳳凰雙杯行酒六親喜我家新婦宜  
拜堂鏡中乍無失髻樣初起猶疑在牀上高樓翠鈿  
飄舞塵明日從頭一遍新

○步搖

詠步搖花

梁沈氏 范靜 妻

珠華榮翡翠寶葉間金瓊翦荷不似製為一作花如  
服飾 卷重入 十八 章服

自生低枝拂繡領微步動瑤瑛但令雲髻插蛾眉本  
易成一作諒非桃李 節爾今蜂蝶驚

○簪

荅陳拾遺竹簪

唐張九齡 初

與君嘗此志因物復知心遺我龍鍾節非無玳瑁簪  
幽素宜相重雕華豈所任為君安首飾懷此代兼金

○章服

同諸公表郎中宴筵喜加章服

唐劉長卿 中

手詔來筵上腰金向粉闌勳名傳舊閣幽舞者新衣

白社同遊在滄洲此會稀寒笳發後殿秋草送西歸  
世難常摧敵時閒已息機魯連功可讓千載一相輝

和蔣學士新授章服

唐王建中

五色箱中絳服春笏花成就白魚新看宣賜處驚迴  
眼著謝恩時便稱身瑞草唯承天上露紅鸞不受世  
間塵

初除官蒙裴常侍贈鵲銜瑞草緋袍魚袋因謝

惠貺兼抒離情

唐白居易中

新授銅符未著緋因君裝束始光輝惠深范叔綈袍  
贈榮過蘇秦佩印歸魚綴白金隨步躍鵲銜紅綬遶

服飾

卷重天

十九衣

身飛明朝戀別朱門淚不敢多垂恐汗衣

初著緋戲贈元九

唐白居易中

晚遇緣才拙先衰被病牽那知垂白日始是著緋年  
身外名徒爾人間事偶然我朱君紫綬猶未得差肩

聞行簡恩賜章服喜成長句寄之

唐白居易中

吾年五十加朝散爾亦今年賜服章齒髮恰同知命  
歲官銜俱是客曹郎榮傳錦帳花聯萼綵動綾袍鴈  
趨行大抵著緋宜老大莫嫌秋髮數經霜

○衣

衫裘初複並附

賦得香出衣

梁劉孝威

香出衣步近氣逾飛博山登高用鄴錦含情動麝比  
洛妃香縷麝帶縫金縷瓊花玉勝綴珠微蘇合故年  
微恨歇都梁路遠恐非新信賢漢君芳千里尚笑荀  
令止三旬

秦王卷衣

梁吳均

咸陽春草芳秦帝卷衣裳玉檢茱萸匣金泥蘇合香  
初芳薰複帳餘輝耀玉牀當須晏朝罷持此贈華陽  
龍陽

擣衣

晉曹毗

服飾

卷重天

二十衣

寒興御紈素佳人理衣衾一作治衣衾冬夜清且永皓月

照堂陰纖手疊輕素朗杵叩鳴砧清風流繁節迴颺  
灑微吟嗟此嘉運速悼彼幽滯心二物感余懷豈但  
聲與音

擣衣

宋謝惠連

衡紀無淹度晷運倏如催白露滋園菊秋風落庭槐  
肅肅莎雞羽烈烈寒蟬啼夕陰結空幕宵月皓中閨  
美人戒裳服端飾相招攜簪玉出北房鳴金步南階  
欄高砧響發楹長杵聲哀微芳起兩袖輕汗染雙題  
紈素既已成君子行未歸裁用笥中刀縫為萬里衣



盈篋自余手幽絳侯君開腰帶准疇昔不知今是非

舊衣

梁武帝

駕言易水北送別河之陽沈思慘行鑣結夢在空牀  
既寤丹綠謬始知純素傷中州木葉下邊城應早霜  
陰蟲日慘烈庭草復芸黃金風徂清夜明月懸洞房  
嫋嫋同宮女助我理衣裳參差夕杵引哀怨秋砧揚  
輕羅飛玉腕弱袖低紅妝朱顏日已興盼睇色增光  
擣以一匪石文成雙鴛鴦制握斷金刀薰用如蘭芳  
佳期久不歸持此寄寒鄉妾身誰與容思君苦入腸

詠舊衣

梁王僧孺

服飾

卷五十八

三

足傷金管遽多愴緹光促露團池上紫風飄庭裏綠  
下機驚西眺鳴砧遽東旭芳汗似蘭湯彫金辟龍燭  
散度廣陵音慘寫漁陽曲別鶴悲不已離鸞斷還作  
更續尺素在魚腸寸心憑鴈足

詠獨杵舊衣

梁釋正惠偁

非是無人助意欲自鳴砧照月歛孤影乘風送迴音  
言擣雙絲練似奏一絃琴令君聞獨杵知妾有專心

舊衣詩五首

梁柳惲

孤衾引一作思緒獨枕愴憂端深庭秋草綠高  
門白露寒思君起清夜促柱奏幽蘭不怨飛蓬苦徒

傷舊草殘

二

行役滯風波遊人淹不歸亭臯木葉下隴首秋雲飛  
寒園夕鳥集思牖草蟲悲嗟矣當春服安見禦冬衣  
南史曰惲以貴公子早有令名少工篇什爲詩  
云亭臯木葉下隴首秋雲飛王融兄而嗟賞

三

鶴鳴勞永歎採菰傷時暮念君方遠遊賤妾理紈素  
秋風吹綠潭明月懸高樹佳人飾淨容招攜從所務

四

步欄查不極離堂肅已局軒高夕杵散氣爽夜砧鳴  
瑤華隨步響幽蘭逐袂生踟躕理金翠容與納宵清

服飾

卷五十八

三

水

五

泛豔迴煙綵淵旋龜鶴文妻妾合歡袖冉冉蘭麝芬  
不怨杵軸苦所悲千里分垂泣送行李傾首遲歸雲

城外舊衣

梁費昶

閨闔下重關丹墀吐明月秋氣城中冷砧砧城外發  
浮聲繞雀臺飄響度龍闕宛轉何藏摧當從上路來  
藏摧意未已定自乘軒裏乘軒盡世家佳麗似朝霞  
圓瑤耳上照方繡領間斜衣薰百和屑鬢插九枝花  
昨暮庭槐落今朝羅綺薄拂席捲鴛鴦開綬舒龜鶴

金波正容與玉步依砧杵紅袖往還縈素腕參差舉  
徒聞不得見獨夜空愁佇獨夜何窮極懷之在心惻  
階垂玉衡露庭舞相風翼瀝滴流星輝燦爛長河色  
三冬誠足用五日無糧食揚雲已寂寥今君復弦直

擣衣

北魏溫子昇

長安城中秋夜長佳人錦石擣流黃香杵紋砧知近  
遠傳聲遞響何淒涼七夕長河爛中秋明月光蠨蟪  
塞邊絕候鴈鴛鴦樓上望天狼

擣衣

北周庾信

秋夜擣衣聲飛度長門城今夜長門月應如晝日明

服飾

卷五十八

二十三

衣

小鬟宜粟瑱圓腰運織成秋砧調急節亂杵變新聲  
石燥砧逾響桐虛杵絕鳴鳴石出華陰虛桐採鳳林  
北堂細腰杵南市女郎砧擊節無勞鼓調聲不用琴  
並結連枝縷雙穿長命針倡樓驚別怨征客動愁心  
同心竹葉棹雙去雙來滿裙裾不奈長衫袖偏宜短  
龍文鏤翦刀鳳翼纏管風流響和韻哀怨聲悽斷  
新聲繞夜風嬌轉滿空中應聞長樂殿判微昭陽宮  
花鬟醉眼纈龍子細文紅濕摺通夕露吹衣一夜風  
玉階風轉急長城雪應聞新綬始欲縫細錦行須繁  
聲煩廣陵散杵急漁陽參新月動金波秋雲泛濫過

誰憐征戍客今夜在交河柳陽一作離別賦臨江愁  
思歌復今悲此曲紅顏餘幾多

賦得錦石擣流黃二首

隋煬帝

漢使出燕然秋闌夜不眠易製殘燈下鳴砧秋月前

二

今夜長城下雲昏月應暗誰見倡樓前心悲不成摻

擣衣篇

唐劉希夷

秋天瑟瑟夜漫漫月白風清玉露團燕山遊子衣裳  
薄秦地佳人閨閣寒欲向樓中縈楚練還來機上裂  
齊紈攬紅袖今愁徙倚盼青砧今悵盤桓盤桓徙倚

服飾

卷五十八

二十四

衣

夜已久螢火雙飛入簾牖西北風來吹細腰東南月  
上浮纖手此時秋月可憐明此時秋風別有情君看  
月下參差影爲聽莎間斷續聲絳河轉分青雲曉飛  
鳥鳴今行人少攢眉緝縷思紛紛對影穿針覓悄悄  
聞道還家未有期誰憐登隴不勝悲夢見形容亦舊  
日爲許裁縫改昔時絨書達寄交河曲須及明年春  
草綠莫嫌衣上有斑斑只爲思君淚相續

擣衣

唐吳大江

沙塞秋應晚金閨恨已空那堪裂紈素時許出房櫳  
杵影弄寒月砧聲調夜風裁縫雙淚盡萬里寄雲中

擣衣

唐杜甫

亦知戍不返秋至拭清砧已近苦寒月况經長別心  
寧辭擣衣倦一寄塞垣深用盡閨中力君聽空外音

擣衣篇

唐李白

閨裏佳人年十餘嘯蛾對影恨離居忽逢江上春歸  
燕銜得雲中尺素書玉手開緘長歎息征夫猶戍交  
河北萬里交河水北流願爲雙鳥汎中洲君邊雲擁  
青絲騎妾處苔生紅粉樓樓上春風日將歇誰能攬  
鏡看秋髮曉吹負管隨落花夜擣戎衣向明月明月  
高高刻漏長真珠簾箔掩蘭堂橫垂寶幄同心結半  
服飾

卷百十八

三五

拂瓊筵蘇合香瓊筵寶幄連枝錦燈燭熒熒照孤寢  
有使憑將金剪刀爲君留下相思枕摘盡庭蘭不見  
君紅巾拭淚坐氤氲明年更若征邊塞願作陽臺一  
段雲

擣衣曲

唐劉禹錫

爽砧應秋律繁杵含淒風一一遠相續家家音不同  
戶庭凝露清伴侶明月中長裾委襞積輕佩垂璁龍  
汗餘衫更複鈿移麝半空報寒驚邊鴈促思聞候蟲  
大狼正芒角虎落定相攻盈篋寄何處征人如轉蓬

端午日賜衣

唐杜甫

宮衣亦有名端午被恩榮細葛含風軟香羅疊雪輕

自天題處濕當暑著來清意內稱長短終身荷聖情

荅張相公寄羅衣

唐李白

張相公出鎮荊州尋除太子詹事余時流夜郎行

至江夏與張相公去千里公因太府丞王昔使車

寄羅衣一事及五月五日贈余詩余荅以此詩

張衡殊不樂應有四愁詩慙君錦繡段贈我慰相思

鴻鵠復矯翼鳳凰憶故池榮樂一如此商山老紫芝

寄盧僊員外秋衣詞

唐于鵠

寄遠空以心心誠亦難知篋中有秋帛裁作遠客衣

服飾

卷百十八

三五

縫製雖女功尺度手自持容貌常目中長短不復疑  
針縫密且堅遊客多塵縐意欲都無言澣濯耐歲時  
殷勤託行人傳語慎勿遺別來已年老亦聞鬢成絲  
縱然更相逢握手唯是悲所寄莫復棄願見長相思  
元九以綠絲布白輕裾見寄製成衣服以詩報

之

唐白居易

綠絲文布素輕裾珍重京華手自封貧友遠勞君寄  
附病妻親爲我裁縫袴花白似秋雲薄衫色青於春  
草濃欲著却休知不稱折腰無復舊形容

訓樂天得稭所寄綠絲布白輕裾製成衣服以

詩報之

唐元稹

湓城萬里隔巴庸紵薄綈輕共一封腰帶定知今瘦  
小衣衫難作遠裁縫唯愁書到炎涼變忽見詩來意  
緒濃春草綠茸雲色白想君騎馬好儀容

寄衣曲

唐張籍

織素縫衣獨苦辛遠因回使寄征人官家亦自寄衣  
去貴從妾手著君身高堂姑老無侍子不得自到邊  
城裏殷勤為看初著時征夫身上宜不宜

更衣曲

唐劉禹錫

博山炯炯吐香霧紅燭引至更衣處夜如何其夜漫  
服飾

卷五十八

二十七

漫鄰雞未鳴寒鴈度庭前雪壓松桂叢廊下點點懸  
紗籠滿堂醉客爭笑語嘈嘈琵琶青幕中

和定襄侯楚越衫

梁江伯璠

裁縫在篋笥薰鬢帶餘香開著不忍看一見落千行  
訓啟明佐見贈五雲裘歌

唐李白

我吟謝朓詩上語朔風颯颯吹飛雨謝朓已沒青山  
空後來繼之有殷公粉圖珍裘五雲色暉如晴天散  
綵虹文章彪炳光陸離應是素娥玉女之所為輕如  
松花落金粉濃似苔錦含碧滋遠山積翠橫海島淺  
霞霏丹映江草凝毫採掇花露容幾年功成奪天造

故人贈我我不違著令山水含清暉頓驚謝康樂詩  
興生我衣襟前林壑歛暝色袖上煙霞收夕霏羣仙  
長歎驚此物千崖萬壑相縈鬱身騎白鹿行飄飄手  
翳紫芝笑披拂相如不足誇鸛鶴王恭鶴擎安可方  
瑤臺雪花數千點片片吹落春風香為君持此凌蒼  
蒼上朝三十六玉皇下窺天子不可及矯首相思空  
斷腸

焚裘

唐□□□□

金主臨前殿懲奢焚異裘忽看陽焰發始觀吉光流  
麗彩辭宸展餘香在御樓火隨餘燼滅氣逐遠煙浮  
服飾

卷五十八

二十八

素朴同風變周華逐志休大垂恭儉德千古揖皇猷  
詠柏複

陳蕭驎

的的一作金紗淨離離寶撮縫一作分纖腰非學楚寬  
帶為思君

履

襪鞋並附

詠履

梁宣帝

雙兒待聲宣並飛時表異處卑彌更妍常安豈悲墜  
詠履

陳後主

賢舍觀穴踵瓜田覩躡迹矩步今有儀用此前嘉客  
脚下履

梁沈約

丹墀上颯香玉殿下趨鏘逆轉珠珮響先表繡鞋香  
裾開臨舞席袖拂繞歌堂所歎忘懷妾見委入羅牀

詠韞

唐李商隱

管聞宓妃韞渡水欲生塵好借嫦娥著清秋踏月輪

詠韞

唐杜牧

鈿尺裁量減四分纖纖玉筍裏輕雲五陵年少欺他  
醉笑把花前出畫裙

贈太常王建藤杖筍鞋

唐張籍

蠻藤翦爲杖楚筍結成鞋稱與詩人用堪隨禮寺齋  
華花入幽徑步日下寒堦以此持相贈君應懷素懷

服飾

卷五十八

三十九

○卧具

破 茵 褥並附

和徐錄事見內人作卧具

梁簡文帝

密房寒日晚落照度窻邊紅簾遙不隔輕帷半捲懸  
方知纖手製詎減縫裳妍龍刀橫膝上畫尺隋衣前  
熨斗金塗色簪管白牙躔衣裁合歡襦文作鴛鴦連  
針用雙縫縷絮用八蠶綿香和麗丘蜜麝吐中臺煙  
已入琉璃帳兼雜太華氍毹且共雕爐暖非同團扇捐  
更恐從軍別空牀徒自憐

詠破

唐李嶠

桂友尋東閣蘭交聚北堂象筵分錦繡羅薦合鴛鴦

光逸偷眠穩王章泣恨長孔懷欣共寢棣萼幾含芳  
太子張舍人遺織成褥段

唐杜甫

客從西北來遺我翠織成開絨風濤湧中有掉尾鯨  
逶迤羅水族瑣細不足名客云充君褥承君終宴樂  
空堂魍魎走高枕形神清今我一賤老短褐更無營  
煌煌珠宮物寢處禍所嬰錦鯨卷還客始覺心和平  
振我麤席塵愧客如藜羹

齋中有獸皮茵偶成詠

唐羊士諤

逸才豈凡獸服猛愚人得山澤生異姿象直蔚佳色  
青氍毹持與藉重錦裁爲飾卧閣幸相宜溫然承晏息

服飾

卷五十八

三十

○袋

題結綫袋子

北周庾信

交綫結龍鳳鏤彩織雲霞一寸同心縷千年長命花

詩集類函卷一百三十八

詩集類函卷一百三十九

東吳俞安期彙纂 宣城梅鼎祚增定

星發蕭繼可訂校

珍寶部

金

珊瑚附

玉

水精

琉璃附

珍珠

○珠

珊瑚附

詠珠

唐李嶠初

燦爛金輿側玲瓏玉殿隈昆池明月滿合浦夜光迴  
彩逐靈蛇轉形隨鳳來甘泉宮起罷花媚望風臺

珠

古風

摘出

唐李白盛

越客採明珠提攜出南隅清輝照海月美價傾皇都

珍寶

卷五无

珠

獻君君按劍懷寶空長吁魚目復相嘲寸心增煩紆

珠玉

原作

古意

北齊顏之推

寶珠出東國美玉產南荆隋侯曜我色卞氏飛吾聲

已加明稱物復飾夜光名驪龍旦夕駭白虹朝暮生

華彩燭兼秉價仙詎連城常悲黃雀起每畏靈蛟迎

千刃安可拾一段難復營昔為時所重今為時所輕

願與濁泥會思將垢石并歸真川岳下抱潤潛其榮

奉試明堂火珠

唐崔曙盛

正位開重屋凌空出火珠夜來雙月滿曙後一星孤

天淨光難滅雲生望欲無遙知太平代國寶在名都

猶登進士時奉試此詩讀帖曰夜來雙月滿曙後一星孤當時傳誦以為警句及來年臨幸惟一女名星其白識也

省試驪珠詩

唐耿漳中

是日重泉下言探徑寸珠龍鱗今不逆魚目也應殊  
堂上星初滿盤中月正孤酬恩光莫及照乘色難踰

欲問投人否先論按劍無償憐希代價敢對此冰壺

賦得沈珠於淵

唐獨孤綬中

至道歸淳朴明珠被棄捐失真來照乘成性却沈泉

不足靈蛇吐猶疑合浦旋岸傍隨日落波底共星懸

致遠終無脛懷貪遂比肩欲知恭儉德所寶在唯賢

珍寶

卷五无

珠

賦得珠還合浦

唐鄧陟

至寶含冲粹清虛映浦灣素輝明蕩漾圓彩色紛編

背逐諸侯去今隨太守還影搖波裏月光動水中山

魚目徒相比驪龍乍可攀願將車飾用長得耀君顏

賦得罔象得玄珠

唐張籍中

赤水今何處遺珠已渺然離婁徒肆目罔象乃通玄

皎潔因成性圓明不在泉暗中看夜色塵外照晴田

無脛真難掬懷疑寶易遷今朝搜擇得應免媚清川

賦得濁水求珠

唐

至寶誠難得潛光在濁流深沈當處晦皎潔庶來求



綴履將還用寒裳必更收蚌胎應自別魚目豈能儔  
日逢高鑒星光詎暗投不因今日取泥滓出無由

賦得濁水求珠

唐王損之晚

積水非澄澈明珠不易求依稀沈極浦想像在中流  
睜目思清淺褰裳恨暗投徒看川色媚空愛夜光浮  
月入疑龍吐星歸似蚌游終希識珍者採掇冀真搜

賦得濁水求珠

唐項斯晚

靈魄自沈浮從來任濁流願從深處得不向暗中投  
圓月時堪惜滄波路可求沙尋龍窟遠泥訪蚌津幽  
是寶終知貴唯恩且用酬如能在公掌的不負明眸

珍寶

卷五九

三

賦得暗投明珠

唐崔藩

至寶看懷袖明珠出復收向人光不定離掌勢難留  
皎澈虛臨夜孤圓冷瑩秋徐來驚月落疾轉怕星流  
有類甘瑕棄無媒自暗投今朝感恩處將欲報隋侯

賦得水懷珠

唐莫宣卿

長川含媚水波底孕靈珠素魄生蘋末圓規照水隅  
淪漣水彩動蕩漾瑞光鋪夜迴星同貫秋清岸不枯  
江妃思在掌海客亦忘軀合浦當還日恩威信已敷

謝賜珍珠

外傳云太真入侍寵奪遷上陽東宮  
上在花萼樓封珍珠一斛密賜妃妃

不受進

唐江妃盛

桂葉雙眉久不描殘妝和淚污紅綃長門盡日無梳  
洗何必珍珠慰寂寥

採珠行

唐元稹中

海波無底珠沈海採珠之人判死採萬人判死一得  
珠斛量寶婢人何在年年採珠珠避人今年採珠由  
海神海神採珠珠盡死死盡明珠空海水珠爲海物  
海屬神神今自採何況人

詠珊瑚

唐韋應物中

絳樹無花葉非石亦非瓊世人何處得蓬萊石上生

○玉

卷五九

四

詠玉

唐李嶠初

映石先過魏連城欲向秦洛陽陪勝友燕趙類佳人  
方水晴虹媚常山瑞馬新徒爲下和識不遇楚王珍

片玉篇

唐錢起中

至寶未爲代所奇韞靈示璞荆山睡獨使虹光天子  
識不將清韻世人知世人所貴唯燕石美玉對之成  
瓦礫空山埋照凡幾年古色蒼痕宛自然重谿羃羃  
暗雲樹一片熒熒光石泉美人之鑒明且澈玉指提  
攜歎奇絕試勞香袖拂莓苔不覺清心皎冰雪連城  
美價幸逢時命代良工豈見遺試作珪璋禮天地何

如璫瑤在堦墀

賦得琢玉成器

唐葉季良中

片玉寄幽石紛綸當代名荆人獻始遇良匠琢初成  
冰映寒光動虹開晚色明雅容看澈餘響扣彌清  
自與瓊瑤比方隨掌握榮因知君有用高價佇連城

賦得玉聲如樂

唐潘存實中

表質自堅貞因人一叩鳴靜將金並響妙與樂同聲  
杳杳疑風送冷冷似曲成韻含湘瑟切音帶舜絃清  
不獨藏虹氣猶能暢物情后夔如爲聽從此振鐸鐸

賦得沽美玉

唐南巨川

珍寶

卷五五

五

抱玉將何適良工正在斯有瑕寧自掩匪石幸君知  
雕琢嗟成器緇磷志不移飾樽光宴賞入珮奉威儀  
象德曾韻譽如虹竊可奇終希逢善價還得桂林枝

賦得沽美玉

唐羅立言

誰憐被褐士懷玉正求沽成器終期達逢時豈見誣  
寶同珠照乘價重劍論都浮彩朝虹滿懸光月影孤  
幾年淪瓦礫今日出泥塗采斲資良匠無令瑕掩瑜

賦得瑕瑜不相掩

唐陳中師

出石溫然玉瑕瑜素在中妍媸因異彩音韻信殊風  
讓美心方並求疵意本同光華開續密清潤仰磨礪

秀質非懷善貞姿肯廢忠今來儻成器分別在良工

賦得瑕瑜不相掩

唐武翊黃

抱璞應難辨妍媸每自融貞姿偏特達微玷遇磨礪  
涇渭流終異瑕瑜自不同半曾光透石未掩氣如虹  
縝密誠爲智包藏豈爲忠佇看分美惡令得值良工

賦得西戎獻白玉環

唐張維儉

當時無外守物四受通列土金河北朝天玉塞東  
自將荆璞比不與鄭環同正朔雖傳漢衣冠尚帶戎  
幸承提佩寵多魏琢磨功絕域知文教爭趨上國風

賦得亞父碎玉斗

唐裴次元中

珍寶

卷五五

六

雄謀竟不決寶玉將何愛倏爾霜刃揮颯然春水碎  
飛光動旗幟散響驚環珮霜濃繡帳前星流錦筵內  
圖王業已失爲虜言空悔獨有青史中英風冠千載

賦得亞夫碎玉斗

唐何儒亮中

羸女昔解網楚王有遺躅破關既定秦碎首聞獻玉  
貞姿應刃散清響因風續匪循切泥功將明懷璧辱  
莫量漢祖德空受項君最事去見前心千秋渭水綠

見寶玉器者并序

宋鮑照

見寶玉器者或人欲買疑其是珉不肯成市聊作  
此詩以戲買者

涇渭不可雜珉玉當早分子實舊楚客蒙俗謬前聞  
安知理孚采豈識質明溫我方歷上國從洛入函轅  
場光十貴室馳譽四豪門奇聲振朝邑高價服鄉村  
寧能與爾曹瑜瑕稍辨論

觀玉篇

并序

唐陳子昂初

丙戌歲余從左補闕喬公北征夏四月軍幕次於  
張掖河河洲草木無他異者惟有仙人杖往往叢  
生幽朔地寒與中國稍異余家世好服食昔嘗餌  
之及此役也而息意滋味成人有薦嘉蔬者此物  
存焉輟爾而笑曰始者與此君別不圖至是而見

珍寶

卷五

七

之豈非神明嘉惠欲將扶吾壽也因爲喬公昌言  
其能時東萊王仲烈亦同旅聞之大喜甘心食之  
已旬有五日矣適有行人自謂能知藥者謂喬公  
曰此白棘也公何謬哉仲烈愕然而疑亦曰吾怪  
其味甜今果如此喬公信是言乃譏余作採玉篇  
謂宋人不識玉而寶珉石也余心知必是猶以獨  
見之故被奪於衆人乃喟然歎曰嗟乎人之大明  
者目也心之至信者口也夫目照五色口分五味  
玄黃甘苦亦何斷而不惑也而路傍一議二子增  
疑况君臣之際朋友之間自是而觀則萬物之情

可見也感采玉詠作觀玉篇以荅之并示仲烈譏  
其失真也

采玉行

唐韋應物中

官府徵白丁言采藍谿玉絕嶺夜無家深榛雨中宿  
獨婦餉糧還哀哀舍南哭

一作田荒舍南哭

水精

琉璃附

詠水精

唐韋應物中

映物隨顏色含空無表裏持來向明月的皦愁成水  
珍寶

卷五

八

水精

唐王建中

映水色不別向月光還度傾在荷葉中有時看是露

水精環

唐羅維

王室符長慶環中得水精任圓循不極見素質仍貞  
信是天然瑞非因撲斫成無瑕勝玉美至潔過水清  
未肯齊琅價寧同雜珉聲能銜任黃雀亦欲應時明

詠琉璃

唐元稹中

有色同寒水無物隔纖塵象筵看不見堪將對玉人

金

銀錢並附

詠金

唐李嶠初

南楚標前貢西秦識舊城祭天封漢嶺擲地警孫聲  
向日披沙淨含風振鐸鳴方同楊伯起獨有四知名

賦得金在鎔

唐白行簡中

巨橐方鎔物洪爐欲範金紫光看漸發赤氣望逾深  
燄熱晴雲變煙浮晝景陰堅剛由我性鼓鑄任君心  
蹭躍徒標異沈潛自可欽何當得成器待叩向知音

詠銀

唐李嶠初

思婦屏輝掩遊人燭影長王壺初下箭桐井共安林  
色帶長河色光浮滿月光靈山有珍龕仙闕薦君王

詠錢

唐李嶠初

珍寶

卷五无

九金

漢日五銖建姬年九府流天龍帶泉寶地馬列金溝  
趙壹囊初乏何曾箸欲收金門應入論玉井冀來求

布帛部

錦 綉 繡 並 附 羅 綾 附 布 素

詠錦

唐李嶠初

漢使巾車遠河陽步障陳雲浮仙石日霞滿蜀江春  
機迴迴紋巧紳兼束髮新若逢楚王貴不作夜行人

賦得臨風舒錦

唐蕭昕盛

麗錦匹云終襜褕展向風花開翻覆翠色亂動搖紅  
縷散悠颺裏文迴照灼中低垂疑步障吹起作晴虹

既與丘遲夢深知卓氏功

織錦詞

唐温庭筠晚

丁東細漏侵瓊瑟影轉高梧月初出簇簾金梭萬縷  
紅鴛鴦豔錦初成匹錦中百結皆同心藥亂雲盤相  
間深此意欲傳傳不得玫瑰作柱朱絃琴爲君裁破  
合歡被星斗迢迢一作參參共千里象尺熏爐未覺秋碧  
池已有新蓮子

綺詩

古詩

無名氏

客從遠方來遺我一端綺相去萬餘里故人心尚爾  
文彩雙鴛鴦裁爲合歡被著反掌以長相思緣以結

布帛

卷五无

十

不解以膠投漆中誰能別離此

庾順之以紫霞綺遠贈以詩荅之

唐白居易中

千里故人心鄭重一端杏綺紫氛氲開絨日映晚霞  
色滿幅風生秋水文爲褥欲裁憐葉破製裘將翦惜  
花分不如裁作合歡被寤寐相思如對君

領邊繡

梁沈約

織手製新奇刺作可憐儀繁絲飛鳳子結縷坐花兒  
不聲如動吹無風自裏枝麗色儻未歇聊承雲鬢垂

○羅

綾附

詠羅

唐李嶠初

妙舞隨裙動行歌入扇清蓮花依帳發秋月鑒惟明  
雲薄衣初捲蟬飛翼轉輕若珍三代服同擅綺紈名

詠綾

唐李嶠初

金縷通秦國爲裘指魏君落花遙寫霧飛鶴近圖雲  
馬眼水凌影竹根雪霰文何當畫秦女煙際坐氤氲

○布

素附

詠布

唐李嶠初

御績創義皇緇冠表素王瀑飛臨碧海火浣擅炎方  
孫被登三相劉衣闡四方佇因春斗粟來曉棣華芳

布帛

卷五

十一 布 絲

詠素

唐李嶠初

□□□女纖腰洛浦妃□□遠方望鴈足上林飛  
妙奪鮫綃色光騰月扇輝非若下路去誰賞故人機

○絲

白絲行

唐杜甫盛

縑絲須長不須白越羅蜀錦金粟尺象牀玉手亂股  
紅萬草千花動凝碧已悲素質隨時染裂下鳴機色  
相射美人細意慰帖平裁縫滅盡鍼線跡春天衣著  
爲君舞蛟蝶飛來黃鸝語落絮游絲亦有情隨風照  
日宜輕舉香汗清塵汚顏色開新合故置何許君不

見才士汲引難恐懼棄捐忍羈旅

○色

四色詠

齊王融

赤如城霞起青如松霧澈黑如幽都雲白如瑤臺雪

四色詩四首

梁范雲

折柳青門外握蘭翠疏中綠蘋騁春日碧渚澹時風

二

差池朱鷺去續翻赤鴈歸滄潯丹魚聚聯翩血鳥飛

三

素鱗颺北渚白水杜南宛獻環潤玉塞歸珠照瓊轅

布帛

卷五

十二 色

四

烏林葉將寶墨池水就乾玄豹藏暮雨黑後凌夜寒

奉試詠青

唐荆冬倩盛

路關天光遠春還月道臨草濃河畔色槐結路邊陰  
未映君王史先標胄子襟經明如可拾自有致雲心

四色四首

唐雍裕之中

壺中冰始結盤上露初圓何意瑤池雪欲奪鶴毛鮮

右白

道士牛已至仙家鳥亦來骨爲神不朽眼向故人開

右青

勞飭運渚內汗馬火旂間平生血誠盡不獨左輪股

右赤

已見池盡黑誰言笑不黔漆身恩未報貂裘敝豈嫌

右黑

飲食部上酒

○酒

詠酒

唐李嶠初

孔坐洽良儔陳筵幾獻酬臨風竹葉滿湛月桂香浮  
每接高陽宴長陪河朔遊會從玄石飲雲雨出圓丘

消腸酒

原作閨里歌○拾遺記曰張華爲九醞  
酒以三微清麴藥出北胡胡

飲食

卷重光

三

中有指星麥四月火星出麥熟而穫之藥用  
水漬麥三夕而萌芽平旦雞鳴而用之俗人  
呼爲雞鳴麥以之釀酒醉美久含令人齒動  
若大醉不吐笑搖蕩令人肝腸消爛人謂爲  
消腸酒或云醉酒可爲長宵之樂爾說同而事異也閨里歌曰

寧得醇酒消腸不與日月爭光

白墮

原作游俠語○伽藍記曰河東有劉白墮  
善釀飲之香美而醉經月不醒永熙中商

青州刺史毛鷁賞酒之番路逢賊  
益飲之即醉皆彼酒復游俠語曰

不畏張弓挾刀唯畏白墮春醪

醪醖

原作賜魏證詩○證善治酒有名曰  
醪醖曰率濟世所未有因而賜詩

唐太宗

醪醖勝蘭生

漢武帝曰翠濤過玉薤酒名千日醉

不醒十年味不敗

詠家醪

唐白居易中

獨醒從古笑驢均長醉如今敬伯倫舊法依稀傳自  
杜新方要妙得於陳井泉王相資重九麴藥精靈用  
上寅釀糯豈宜炊范黍撤斂何假漉陶中

春酒

唐駱賓王初

朔空曾紀曆帶地舊疏泉色汎臨邛瑞香流赴蜀仙  
欸交欣散玉怡友悅沈錢無復中山賞空吟吳會篇

春酒歌

同河南李少尹畢員外唐高適  
宅夜飲時洛陽告捷

故人美酒勝濁醪故人清詞合風騷長歌滿酌惟吾

飲食

卷重光

十四

曹高談正可揮塵毛半醉忽然持蟹螯洛陽告捷傾  
前後武侯腰間印如斗郎官無事時飲酒杯中綠蟻  
吹轉來甕上飛花拂還有前年持節將楚兵去年留  
司在東京今年復拜二千石盛夏五月西南行彭門  
劍門蜀山里乍聞軍人劫奪我到家但見妻與子賴  
得飲君春酒數十杯不然令我愁欲死

酒德歌二首

秦王堅與羣臣飲以晉趙整  
極醉爲限整作歌

地列酒泉天垂酒池杜康妙識儀狄先知紂喪殷邦

桀傾夏國由此言之前危後則

獲黍西秦採麥東齊春封夏發鼻納心迷



看釀酒

玉璫棄官還鄉里有田十六頃在河洛間又婢數人種黍春秋釀酒養免鴈鴨藥草自供聞太樂署史焦革家善釀酒乃求爲吏部以非流不許請因請曰有深意竟除之革死妻送酒不絕歲餘又死續曰天不使我釀美酒耶棄官去乃述革酒法爲經又采杜康儀狄以來善釀者爲譜李淳風曰君酒家陶董也所居東角有盤石立杜康祠經之尊爲師以革爲年譜

唐王績初

六月調神麴正朝汲美酒從來作春酒未省不經年

酒熟

唐白居易中

酒熟無來客因成獨酌謠人間老黃綺地上散松喬忽忽醒還醉悠悠暮復朝殘年多少在盡付此中銷

荅皇甫郎中秋深酒熟見憶唐白居易中

飲食

卷五元

五酒

煙景冷蒼茫秋深夜夜霜爲思池上酌先覺壘頭香未暇傾巾漉還應染指嘗醅醕慙氣味琥珀讓晶光若許陪歌席須容散道場月終齋戒畢猶及菊花黃

飲致用神麴酒

唐元稹中

七月調神麴三春釀綠醕滿尊凝止水祝地落繁星翻咽瓊漿濁唯聞石髓馨冰壺通角簾金鏡徹雲屏畫麗蟬將飲宵揮鶴誤聆琉璃驚太白鍾乳訝微青何憚說千日甘從過百齡但令長汎蟻無復恨漂萍騰壯還增氣機忘反自冥甕眠思早卓糟藉憶劉伶髮髯口中聖希夷求大庭眼前須底物座右任他銘

刮骨都無痛如泥未擬停殘觴猶漠漠華燭已熒熒  
酩酊焉知極羈離忽暫寧

暮秋野興賦得傾壺酒

北周庾信

劉伶正捉酒中散欲彈琴但使逢秋菊何須就竹林  
蒲州刺史中山公許乞酒一車未送

北周庾信

細柳望蒲臺長河始一迴秋桑幾過落春蟻未曾開  
瑩角非難馭槌輪稍可催只言十日飲舊逐中山來

就蒲州使君乞酒

北周庾信

蕭瑟風聲慘蒼茫雪貌愁鳥寒栖不定池凝聚未流

飲食

卷五元

十本酒

蒲城桑葉落灞岸菊花秋願持河朔飲分勸東陵侯  
友人許惠酒以詩徵之

唐皮日休

野老蕭然訪我家霜殘白菊兩三花子山病起無餘  
事只望蒲臺酒一車

皮子山有蒲州刺史許乞酒一車未送之作起云細柳望蒲臺

正用此事

奉和皮襲美徵酒

唐鄭壁

乘興閒來小謝家便裁詩句乞留花邠原雖不無端  
醉也要臨風從後車

奉和皮襲美徵酒

唐陸龜蒙

凍醪初漉嫩如春輕蟻漂漂雜藥麴得伴方平同一

醉明朝應作蔡經身

蒙賜酒

北周庾信

金膏下帝臺玉曆在蓬萊仙人一遇飲分得兩三杯  
忽聞桑葉落正值菊花開阮籍披衣進王戎含笑來  
從今覓仙藥不假向瑤臺

奉報通王惠酒

北周庾信

梁王脩竹園冠蓋風塵喧行人忽枉道直進桃花源  
稚子還羞出驚妻倒閉門始聞傳上命定是賜中樽  
野蘊燃樹葉山杯捧竹根風池還更煖寒谷遂長暄  
未知稻梁鴈何時能報恩

飲食

卷五元

十七酒

奉答賜酒

北周庾信

仙童下赤城仙酒餉王平野人相就飲山鳥一羣驚  
細雪翻沙下寒風戰鼓鳴此時逢一醉應枯反更榮

正旦蒙趙王賚酒

北周庾信

正旦辟惡酒新年長命杯柏葉隨銘至椒花逐頌來  
流星向婉落浮蟻對春開成都已收火蜀使何時迴

衛王贈桑落酒奉答

北周庾信

愁人坐狹斜喜得送流霞踈臆催酒熟停盃待菊花  
霜風亂飄葉寒水細澄沙高陽今日晚應有接離針

答王司空餉酒

北周庾信

今日小園中桃花數樹紅開君一壺酒細酌對春風  
未能扶畢卓猶足舞王戎仙人一捧露判不及盆中

奉蕭中令酒

唐張說初

樂奏天恩滿盃來秋興高更蒙蕭相國對席飲醇醪

奉宇文黃門酒

唐張說初

聖德垂甘露天章下大風又承黃閣賞願作黑頭公

奉裴中書酒

唐張說初

西掖思華降南宮命席闌詎知雞樹後更接鳳池歡

謝嚴中丞送青城道士乳酒

唐杜甫盛

山瓶乳酒下青雲氣味濃香幸見分鳴鞭走送憐源

飲食

卷五元

十八酒

父洗觥開管對馬軍

東谿杜野人致酒

唐錢起中

萬重雲樹下數畝子平居野院羅泉石荆扉背里閭

早冬耕鑿暇弋鴈復烹魚靜掃寒花徑唯邀傲吏車

晚來留客好小雪下山初

答泉州薛播使君重陽日贈酒

唐秦系中

欲強登高無力也離邊黃菊爲誰開共知不是潯陽

郡那得王弘送酒來

寄李袁州桑落酒

唐郎士元中

色比瓊漿猶嫩香同甘露仍春十千提攜一斗遠送

瀟湘故人

蒼實二曹長留酒還檻

唐李益中

檻小非由檻星耶似酒星解醒元有數不用嚇劉伶

劉伶禁酒祝辭曰天生劉伶以酒爲名一飲解五斗解醒

醉中寄魯望一壺并一絕

唐皮日休

門巷寥寥空紫苔先生應渴解醒杯醉中不得親相倚故遣青州從事來

走筆次韻奉酬

唐陸龜蒙

酒痕衣上雜莓苔猶憶紅螺一兩杯正被繞籬荒菊

笑日殘還有白衣來

飲食

卷五

九

酒中十詠

并序

唐皮日休

鹿門子性介而行獨於道無所全於才無所全於進無所全於退無所全豈天民之瘳者耶然進之與退天行未覺於余也則有窮有厄有病有殆果安而受耶未若全於酒也夫聖人之誠酒禍也大矣在書爲沈湎在詩爲童叟在禮爲參豢在史爲狂藥余飲至酣徒以爲融肌柔神消沮迷喪頽然無思以天地大順爲隄封傲然不持以洪荒至化爲爵賞抑無懷氏之民乎葛天氏之民乎苟沈而亂狂而禍而族真重重之爲也若余者於物無

所斥於性有所適真全於酒者也噫天之不全余

也多矣獨以麴蘖全之抑天猶幸於遺民焉太玄

曰君子在玄則正在福則冲在禍則反小人在玄

則邪在福則驕在禍則窮余之於酒得其樂人之

於酒得其禍亦若是而已矣於是徵其具悉爲之

詠用繼東臯子酒譜之後夫酒之始名天有星地

有泉人有鄉今總而詠之者亦古人初終必全之

義也天隨子深於酒道寄而請之和

酒星

誰遣酒旗耀天文列其位彩微嘗似酣芒弱偏如醉

飲食

卷五

二十

唯憂犯帝座只恐騎天駟若遇卷舌星讒君應墮地

酒泉

羲皇有玄酒滋味何太薄玉液是滄海金沙乃糟粕

春從野鳥沽書任閒援酌我願葬茲泉醉竟似覺躍

酒筍

翠篴初織來或如古魚器新從山下買靜向甌中試

輕可網金醅疎能容玉蟻自此好成功無貽我蠱恥

酒牀

糟牀帶松節酒膩肥於斤滴滴連有聲空疑杜康語

開眉既壓後染指偷嘗處自此得公田不過渾殢裘

酒壚

紅壚高幾尺頗稱幽人意火作縹醪香灰爲冬醴氣  
有鎗盡龍頭有主皆憤鼻儻得作杜根傭保何足愧

酒樓

鉤楯跨通衢喧鬧當九市金鼎歛醴後玉尊紛綸起  
舞蝶傍應酣啼鶯聞亦醉野客莫登臨相離多失意

酒旗

青幟濶數尺懸於往來道多爲風所颺時見酒名號  
拂拂野橋幽翻翻江市好雙眸復何事終竟望君老

酒樽

飲食

卷五

三

酒

鐵樽一何古我抱期幽客少恐消醪醺滿疑烘琥珀  
後窺曾模瀉鳥踏經畝及度度醒來看皆如死生隔

酒城

萬仞峻爲城沈酣浸其俗香侵井幹過味染深波綠  
朝傾踰百榼暮壓幾千斛吾得隸此中但爲闔者足

酒鄉

何人置此鄉杳在天皇外有事忘哀樂有時忘顯晦  
如非固象歸似與希夷會從此共君遊無煩用冠帶

奉和皮襲美酒中十詠

唐陸龜蒙

酒星

萬古醇酎氣結而成晶煖降爲稽阮徒動與樽罍并  
不獨祭天廟亦應邀客星何當八月槎載我遊青冥

酒泉

初懸碧崖口漸注青谿腹味既敵中山飲寧拘一斛  
春疑浸花骨暮若酣雲族此地得封侯終身持美祿

酒筍

山齋醞方熟野童編近成持來歡伯內坐使賢人清  
不待益中滿旋供花下傾汪汪日可挹未羨黃金籬

酒林

六尺樣何奇谿邊濯來潔槽深貯方半石重流還咽  
飲食

卷五

三

酒

酒壚

間移秋病可偶聽寒夢缺往往枕眠時自疑陶靖節  
錦里多佳人當壚自沽酒高低過反玷大小隨圓甌

酒樓

數錢紅燭下滌器春江口若得奉君歡十千求一斗  
百尺江上起東風吹酒香行人落帆上遠樹涵殘陽

酒旗

凝睇復凝睇一觴還一觴須知凭欄客不醉難爲腸  
搖搖倚青岬遠蕩遊人思風歌翠竹紅雨澹香醪字  
纔來隔煙見已覺臨江遲大旆非不榮其如有王事

酒樽

黃金卽爲後白石又太拙斷得奇樹根中如老蛟穴  
時招山下叟共酌林間月盡醉兩忘言誰能作天舌

酒城

何代驅生靈築之爲釀地殊無甲兵守但有糟漿氣  
雉堞屹如狂女墻低似醉必若據而爭先登儀狄氏

酒鄉

誰知此中路暗出虛無際廣莫是鄰封華胥爲附麗  
三杯聞古樂伯雅逢遺裔自爾等榮枯何勞問玄弟

對酒

梁張率

飲食

卷五九

三三酒

對酒誠可樂此酒復芳一作能醇如華良可貴似乳更  
非珍何當留上客爲寄掌中人金樽清復滿玉腕亟  
來親誰能共進暮對酒惜芳晨君歌尚未罷却坐避  
梁塵

對酒

陳張正見

當歌對玉酒匡坐酌金壘竹葉三清泛蒲葦百味開  
風移蘭氣入月逐桂香來獨有劉將阮忘情寄羽杯

對酒

陳岑之敬

色映臨池竹香浮滿砌蘭舒文泛玉盃漾蟻溢金盤  
簫曲隨鷺易笳聲出塞難唯有將軍酒川上可除寒

對酒歌

北周庾信

春水望桃花春洲藉芳杜琴從一作隨綠珠借酒就文  
君取牽馬一作向渭橋日曝一作落山頭脯山簡接籬

倒王戎如意舞箏鳴金谷圍笛韻平陽塢人生一百  
年歡笑唯三五何處覓錢刀求爲洛陽賈

湖中對酒作

唐張謂

夜坐不厭湖上月晝行不厭湖上山眼前一樽又長  
滿心中萬事如等閒主人有黍萬餘石濁醪數斗應  
不惜卽今相對不盡歡別後相思復何益茱萸灣頭  
歸路賒願君且宿黃公家風光若此人不醉參差辜

飲食

卷五九

三西酒

負東園花

將進酒

梁昭明太子

洛陽輕薄子長安遊俠兒宜城溢渠盆中山浮羽巵

將進酒

唐李白

君不見黃河之水天上來奔流到海不復回君不見  
高堂明鏡悲白髮朝如青絲暮如雪人生得意須盡  
歡莫使金樽空對月天生我才必有用千金散盡還  
復來烹羊宰牛且爲樂會須一飲三百杯岑夫子丹  
丘生與君歌一曲請君爲我聽鐘鼓饌玉不足貴但  
願長醉不願醒古來聖賢皆寂寞惟有飲者留其名

陳王昔時宴平樂斗酒十千恣歡譁主人何爲言少  
錢且須沽酒對君酌五花馬千金裘呼兒將出換美  
酒與爾同銷萬古愁

將進酒

唐李賀中

琉璃鍾琥珀濃小槽酒滴真珠紅烹龍炮鳳玉脂泣  
羅屏繡幕圍香風吹龍笛擊鼉鼓皓齒歌細腰舞况  
是青春日將暮桃花亂落如紅雨勸君終日酩酊醉  
酒不到劉伶墳上土

飲酒樂

晉陸機

葡萄四時芳醇琉璃千鍾舊質夜飲舞遲銷燭朝醒  
飲食

卷五

王五

弦促催人春風秋月恒好驪醉日月言新

飲酒

并序

晉陶淵明

余閑居寡歡兼比夜已長偶有名酒無夕不飲顧  
影獨盡忽焉復醉既醉之後輒題數句自娛紙筆  
遂多辭無詮次聊命故人書之以爲歡笑爾  
衰榮無定在彼此更共之亦生瓜田中寧似東陵時  
寒暑有代謝人道每如茲達人解其會一作趣誓將不  
復疑忽與一觴酒日夕歡相持

結廬在人境而無車馬喧問君何能爾心遠地自偏  
採菊東籬下悠然見南山山氣日夕佳飛鳥相與還

此中有真意欲辨已忘言

秋菊有佳色裛露掇其英汎此忘憂物遠我遺世情  
一觴雖獨進杯盡壺自傾日入羣動息歸鳥趨林鳴  
嘯傲東軒下聊復得此生

清晨聞叩門倒裳往自開問子爲誰歟田父有好懷  
壺漿遠見候疑我與時乖繼縷茅簷下未足爲高栖  
一世皆尚同願君汨其泥深感父老言稟氣寡所諧  
紆轡誠可學違已詎非迷且共歡此飲吾駕不可回

有客常同止趣捨邈異境一士長獨醉一夫終年醒  
醒醉還相笑發言各不領規規一何愚兀傲差若頽

飲食

卷五

王

寄言酣中客日沒燭當炳

一作秉

故人賞我趣挈壺相與至班荆坐松下數斟已復醉  
父老雜亂言觴酌失行次不覺知有我安知物爲貴  
悠悠迷所留酒中有深味

子雲性嗜酒家貧無由得時賴好事人載醪怯所惑  
觴來爲之盡是語無不塞有時不肯言豈不在伐國  
仁者用其心何嘗失顯默

田飲引

梁朱异

卜田宇今京之陽面清洛今背脩印屬風林之蕭瑟  
值寒野之蒼茫鵬紛紛而聚散鴻冥冥而遠翔酒沈



今俱發雲沸今波揚豈味薄於東魯鄙蜜甜於南湘  
於是客有不速朋自遠來臨清池而滌器闌山崩而  
飛觴促膝今道故久要今不忘間談希夷之理或賦  
連翩之章

賦得置酒高殿上

陳江總

三清傳旨酒柏梁奉歡宴霜雲動玉葉凍水踈金箭  
羽籥響鍾石流泉灌金殿盛時不再得光景馳如電

春日極飲

北周庾信

檻前聞鳥轉園裏對花開就中言不醉紅袖捧金杯  
聘齊秋晚館中飲酒

飲食

卷五十九

三三酒

欣茲河朔飲對此洛陽才殘秋欲屏扇餘菊尚浮杯  
漳流鳴二水日色下三臺無因侍清夜同此月徘徊

嘗春酒

唐王績初

野觴浮鄭酌山酒漉陶巾但令千日醉何惜兩三春  
飲中八仙歌按唐史李白自知不為親近所容  
益驕放不修與賀知章李適之汝  
陽王璵崔宗之蘇晉張  
旭焦遂為酒中八仙

唐杜甫

唐杜甫

知章騎馬似乘船眼花落井水底眠汝陽三斗始朝  
天道逢麴車口流涎恨不移封向酒泉左相日典費  
萬錢飲如長鯨吸百川銜盃樂聖稱世賢宗之滿瀝  
美少年舉觴白眼望青天皎如玉樹臨風前蘇晉長

齊繡佛前醉中往往愛逃禪李白一斗詩百篇長安  
市上酒家眠天子呼來不上船自稱臣是酒中仙張  
旭三杯草聖傳脫帽露頂王公前揮毫落紙如雲煙  
焦遂五斗方卓然高談雄辯驚四筵

河南府試鄉飲酒

唐呂溫中

酌言雖舊典刈楚始登堂百拜賓儀盡三終樂奏長  
想同羈出谷看似鴈成行禮罷知何適隨雲入帝鄉

飲酒

唐柳宗元中

今旦少愉樂起坐開清樽舉觴酌先酒遣我驅憂煩  
須臾心自殊頓覺天地暄連山變幽晦淥水涵晏溫

飲食

卷五十九

三六酒

藹藹南郭門樹木一何繁清陰可自庇竟夕聞佳言  
盡醉無復辭偃卧有芳蔭彼哉晉楚富此道未必存

與諸客空腹飲

唐白居易中

隔宿書招客平明飲暖寒麴神寅日合酒聖卯時歡  
促膝纔飛白駝顏已渥丹碧籌攢采椀紅袖拂殷盤  
醉後歌尤異狂來舞可難拋盃語同坐莫作老人看

獨酌謠一首

陳後主

獨酌謠獨酌且獨謠一酌豈陶暑二酌斷風飈三酌  
意不暢四酌情無聊五酌孟易覆六酌歡欲調七酌  
累心去八酌高志超九酌忘物我十酌忽凌霄凌霄

異羽翼任致得飄飄寧學世人醉揚波去我遙爾非  
浮丘伯安見王子喬

獨酌謠獨酌起中宵中宵照春月初花發春明春花  
春月正徘徊一罇一蕊當夜開聊奏孫登曲仍斟畢  
卓杯羅綺徒紛亂金翠轉遲迴中心本如水凝志更  
同灰逍遙自可樂世語世情哉

獨酌謠

陳陸瑜

獨酌謠芳氣饒一傾蕩神慮再酌動神懸忽逢鳳樓  
下非待鸞歌招牕明影乘入人來香逆飄杯隨轉態  
盡劍逐盡杯搖桂宮非蜀郡當壚也至宵

飲食

卷五九

二十九

獨酌謠

陳沈炯

獨酌謠獨酌獨長謠智者不我顧愚夫余未要不愚  
復不智誰當余見招所以成獨酌一酌傾一瓢生涯  
本漫漫神理暫超超再酌驚許史三酌傲松喬頻頻  
四五酌不覺凌丹霄倏爾厭五鼎俄然賤九韶彭殤  
無異葬夷陌可同朝龍蟄非不屈鵬鷄但逍遙寄語  
號呶侶無乃太塵囂

獨酌

唐李白

春草如有意羅生玉堂陰東風吹愁來白髮坐相侵  
獨酌勸孤影閒歌面芳林長松爾何知蕭瑟爲誰吟

手舞石上月膝橫花間琴過此一壺外悠悠非我心

月下獨酌三首

唐李白

花間一壺酒獨酌無相親舉杯邀明月對影成三人  
月既不解飲影徒隨我身暫伴月將影行樂須及春  
我歌月徘徊我舞影凌亂醒時同交歡醉後各分散  
永結無情遊相期邈雲漢

二

天若不愛酒酒星不在天地若不愛酒地應無酒泉  
天地既愛酒愛酒不愧天已聞清比聖復道濁如賢  
賢聖既已飲何必求神仙三杯通大道一斗合自然  
但得醉中趣勿爲醒者傳

飲食

卷五九

三十

三

窮愁千萬端美酒三百杯愁多酒雖少酒輕愁不來  
所以知酒聖酒酣心自開辭粟卧首陽屢空饑顏回  
當代不樂飲虛名安用哉蟹螯卽金液糟丘是蓬萊  
且須飲美酒乘月醉高臺

山中與幽人對酌

唐李白

兩人對酌山花開一杯一杯復一杯我醉欲眠卿且  
去明朝有意抱琴來

勸酒

唐孟郊

白日無定影清江無定波人無百年壽百年復如何  
堂上陳美酒堂下列清歌勸君金屈卮勿謂朱顏酡  
松柏歲歲茂丘陵日日多君看終南山千古青峩我

勸酒

唐李敬方中

不向花前醉花應解笑人只憂連夜雨又過一年春  
日日無窮事區區有限身若非盃酒裏何以寄天真

勸酒

唐白居易中

勸君一杯君莫辭勸君兩杯君莫疑勸君三杯君始  
知面上今日老昨日心中醉時勝醒時天地迢迢自  
長久白兔赤烏相趁走身後堆金在北斗不如生前

飲食

卷五

三

酒

一杯酒

勸酒

唐武瓘晚

勸君金屈卮滿酌不須辭花發多風雨人生足別離

待酒不至

唐李白盛

玉壺繫青絲沽酒來何遲山花向我笑正好銜盃時  
晚酌東牕下流鶯復在茲春風與醉客今日且相宜

何處難忘酒

唐白居易中

何處難忘酒朱門美少年春分花發後寒食月明前  
小院迴羅綺深房理管絃此時無一盞爭過豔陽天

暖酒

唐李白盛

熟暖將來宿鐵文暫時不動聚白雲撥却白雲見青  
天撥頭裏許便乘仙

春夕酒醒

唐皮日休晚

四絃纔罷醉蠻奴醺餘香在翠爐夜半醒來紅蠟  
短一枝寒淚作珊瑚

奉和襲美春夕酒醒

唐陸龜蒙晚

幾年無事傍江湖醉倒黃公舊酒壚覺後不知新月  
上滿身花影倩人扶

止酒

晉陶淵明

居止次城邑逍遙自閑止坐止高蔭下步止草門裏

飲食

卷五

三

酒

好味止園葵大歡止稚子平生不止酒止酒情無喜  
暮止不安寢晨止不能起日日欲止之營衛止不理  
徒知止不樂未知止利已始覺止爲善今朝真止矣  
從此一止去將止扶桑淡清顏止宿容奚止千萬祀

斷酒

唐黃滔晚

未老先爲百病仍醉盃無計接賓朋免遭搜盜郎君  
謔還被簪花錄事憎絲管合時思索馬池塘晴後獨  
留僧何因澆得離腸爛南浦東門恨不勝

詩集類函卷一百三十九

詩集類函卷一百四十

東吳俞安期彙纂 宣城梅鼎祚增定

白下許延祖訂校

飲食部下

飯 麴附 粥 羹 飴 茶

○飯

以青飴飯分送襲美魯望因成一絕

唐張賁 晚

誰屑瓊瑤事青飴舊傳名品出華陽應宜仙子胡麻拌因送劉郎與阮郎

潤卿遺青飴飯兼之一絕聊用荅謝

飲食

卷一百四十

唐皮日休 晚

傳得三元飴飯名大宛聞說有仙卿分泉過屋春青稻拂霧影衣折紫莖蒸處不教雙鶴見服來唯怕五雲生草堂空坐無饑色時把金津漱一聲

奉和青飴飯

唐陸龜蒙 晚

舊聞香積金仙食今見青精玉斧餐自笑鏡中無骨綠可能飛上紫霞端

槐葉冷澗

唐杜甫 盛

青青高槐葉采掇付中廚新麪來近市汁滓宛相俱入鼎資過熟加餐愁欲無碧鮮俱照飴香飯兼苞蘆

經齒冷於雪勸人投比珠願隨金駟裏走置錦屏蘇路遠思恐泥興深終不渝獻芹則小小薦藻明區區萬里露寒殿開冰清玉壺君王納涼晚此味亦時須

○粥

喫茗粥作

唐儲光義 盛

當晝暑氣盛鳥雀靜不飛念君高梧陰復解山中衣數片遠雲度曾不蔽炎暉淹留膳茶粥共我飯蔬薇敝廬既不遠日暮徐徐歸

評事翁寄賜飴粥走筆爲荅 唐李商隱 晚

粥香飴白杏花天省對流鶯坐綺筵今日寄來春已

老鳳樓迢遞憶鞦韆

○餚

閔鄉姜七少府設餚戲贈長歌 又音民

唐杜甫 盛

姜侯設餚當嚴冬昨日今日皆天風河東未漁不易得鑿冰恐侵河伯宮饗人受魚校人手洗魚磨刀魚眼紅無聲細下飛碎雪有骨已剝背春蔥偏勸腹腴愧年少軟炊香飯緣老翁落碁何曾白紙濕放飴木覺金盤空新歡便飽姜侯德清觴異味情屢極東歸貪路自覺難欲別上馬身無力可憐爲人好心事於

我見子真顏色不恨我衰子貴時悵望且爲今相憶

對餽

唐項斯

行到鱸魚鄉裏時餽盤如雪怕風吹猶憐醉裏江南路馬上垂鞭學釣時

○餽

長林令衛象餽絲結歌

唐司空曙

主人瑀盤盤素絲寒女眷眷墨子悲乃言假使餽爲之八珍重沓失顏色手援玉筋不敢持始狀芙蓉新出水仰坼重衣傾萬藥又如合歡交亂枝紅茸向暮花參差吳蠶絡繹抽尚絕細縷纖毫看欲滅雪髮羞飲食

卷百四十

三

茶

垂委隋鬟繡囊長並茱萸結

○茶

荅族姪僧中孚贈玉泉仙人掌茶

并序

唐李白

盛

余聞荊州玉泉寺近清谿諸山山洞往往有乳窟窟中多玉泉交流中有白蝙蝠大如鷗按仙經蝙蝠一名仙鼠千歲之後體白如雪棲則倒懸蓋飲乳水而長生也其水邊處處有茗草羅生枝葉如碧玉唯玉泉真公常采而飲之年八十餘歲顏色如桃花而此茗清香滑熟異於他者所以能還童

振枯扶人壽也余遊金陵見宗僧中孚示余茶數

十片拳然重疊其狀如手號爲仙人掌茶蓋新出平玉泉之山曠古未覲因持之見遺兼贈詩要余荅之遂有此作後之高僧大隱知仙人掌茶發乎中孚禪子及青蓮居士李白也

常聞玉泉山山洞多乳窟仙鼠如白鷗倒懸深谿月茗生此中石玉泉流不歇根柯灑芳津採服潤肌膚叢老卷綠葉枝枝相接連曝成仙人掌似拍洪崖肩舉世未見之其名定誰傳宗英乃禪伯投贈有佳篇清鏡燭無鹽顧慙西子妍朝坐有餘興長吟播諸天飲食

卷百四十

四

茶

吳上人以竹間自採新茶見贈酬之以詩

唐柳宗元

中

芳叢鬱湘竹零露凝清華復此雪山客晨朝掇靈芽蒸煙俯石瀨咫尺凌丹崖圓方麗奇色圭璧無纖瑕呼兒爨金鼎餘馥延幽遐滌慮發真照還源涉昏邪猶同甘露飯佛事熏毘耶咄此蓬瀛侶無乃貴流霞走筆謝孟諫議寄新茶

唐盧仝

中

日高丈五睡正濃軍將扣門驚周公口云諫議送書信白絹斜封三道印開緘宛見諫議面手闔月團三百片聞道新年入山裏蟄蟲驚動春風起天子未嘗

陽羨茶百草不敢先開花仁風暗結珠璣先春抽  
出黃金芽摘鮮焙芳旋封裏至精至好且不奢至尊  
之餘合王公何事便到山人家柴門反關無俗客紗  
帽籠頭自煎喫碧雲引風吹不斷白花浮光凝碗面  
一碗喉吻潤兩碗破孤悶三碗搜枯腸惟有文字五  
千卷四碗發輕汗平生不平事盡向毛孔散五碗肌  
骨清六碗通仙靈七碗喫不得也唯覺兩腋習習清  
風生蓬萊山在何處玉川子乘此清風欲歸去山上  
羣仙司下土地位清高隔風雨安得知百萬億蒼生  
命隨在巔崖受苦便爲諫議問蒼生到頭還得蘇  
飲食 卷百四 五 茶

息否

蕭員外寄新蜀茶

唐白居易中

蜀茶寄到但驚新渭水煎來始覺珍滿甌似乳堪持  
翫況是春深酒渴人

故人寄茶

唐曹鄴晚

劍外九華英絨題下玉京開時微月上碾處亂泉聲  
半夜招僧至孤吟對月烹碧沈霞脚碎香泛乳花輕

從弟舍人惠茶

唐劉兼晚

曾求芳茗貢華詞果沐頒霑味甚奇龜背起紋輕炙  
處雲頭翻液乍烹時老丞倦悶偏宜矣舊客過從別

有之珍重宗親相寄惠水亭山閣自攜持

謝僧寄茶

唐李咸用晚

空門少年初□堅摘芳爲藥除睡眠匡山茗樹朝陽  
偏暖萌如爪拏飛爲枝枝膏露凝滴圓參差失向兜  
羅綿傾筐短甌蒸新鮮白紵眼細勻於研甌排古砌  
春苔乾殷殷動寄我清明前金槽無聲飛碧煙赤獸呵  
水急鐵喧林風久和真珠泉半匙青粉攪潏潏綠雲  
輕綰湘娥鬢管來縱使重支枕胡蝶寂寥空掩關

喜園中茶生

唐韋應物中

潔性不可汙爲飲滌塵煩此物信靈味本自出山原  
飲食 卷百四 六 茶

聊因理郡餘率爾植荒園喜隨衆草長得與幽人言

送陸鴻漸棲霞寺採茶

唐皇甫冉中

採茶非採葉遠達上層崖布葉春風暖盈筐白日斜  
舊知山寺路時宿野人家借問王孫草何如泛碗花

送陸鴻漸採茶相過

唐皇甫冉中

千峰待逋客香茗復叢生採摘知深處煙霞羨獨行  
幽期山寺遠野飯石泉清寂寂然燈夜相思一聲聲

西嶺道士茶歌

唐溫庭筠晚

乳燕濺濺通石脉綠塵愁草春江色澗花入井水味  
香山月當人松影直仙翁白扇霜烏翎拂壇夜讀黃



庭經疎香皓齒有餘味更覺鶴心通杳冥

月夜啜茶聯句

唐顏真卿

泛花邀坐客代飲引清言陸士醒酒宜華席留僧想

獨園薦不須攀月桂何假樹庭萱御史秋風勁尚

書北斗尊惟流華淨肌骨疏淪滌心源不似春醪

醉何辭綠菽繁素逢傳靜夜芳氣滿閑軒修

過長孫宅與郎上人茶會

唐錢起

偶與息心侶忘歸才子家玄談兼滌思綠茗代榴花

岸幘看雲卷含毫任景斜松喬若逢此不復醉流霞

西山蘭若試茶歌

唐劉禹錫

飲食

卷四十一

七

山僧後檐茶數叢春來映竹抽新茸宛然為客振衣

起自傍芳叢摘露滴須炒成滿室香便酌砌下金

沙水驟山松聲入鼎來雲滿盆花徘徊悠揚噴鼻

宿醒散清峭徹骨煩襟開陽崖陰嶺各殊氣未若竹

下莓苔地炎帝噤膏未解煎桐君有錄那知味新芽

連奉半未舒自摘至煎微頃餘木蘭露露香微似瑤

草臨波色不如僧言靈味宜幽寂采來翹英為嘉客

不辭緘封寄郡齋馳井銅爐損標格何況蒙山顧渚

春白泥赤印走風塵可知花葉清冷味須是眠雲岐

飲茶歌送鄭容

唐僧皎然

丹丘羽人輕玉食採茶飲之生羽翼天台記云丹丘羽人各服之羽

化名藏仙府世空知骨化雲宮人不識雪山童子調

金鑄楚人茶經虛得名霸天半夜芳草折爛熳細華

吸久生賞君茶口祛我疾使人胃中蕩憂懷日上香

爐情未畢亂踴虎谿雲高歌送君出

茶頌

唐韋處厚

顧渚吳商絕蒙山蜀信稀千叢因此始含露紫茸肥

茶山

唐裴高

我來顧渚源得與茶事親昨輟耕農事採採實苦辛

飲食

卷四十一

八

一夫但當役盡室皆同臻捫葛上歇壁蓬頭入荒榛

終朝不盈掬手足皆鱗皴悲嗟遍空山草木為不春

陰嶺芽未吐使者牒已頻選納無晝夜擣聲昏繼晨

眾工何枯槁俯視彌傷神未知供御餘誰分此珍

題茶山

唐杜牧

山實東吳秀茶稱瑞草魁剖符雖俗吏修貢亦仙才

谿盡停蠻棹旗張卓翠苔柳村穿窈窕松澗渡喧豨

等級雲峰峻峻平洞府開拂天聞笑語特地見樓臺

泉嫩黃金湧山有金沙泉修牙香紫壁裁拜章期沃

日輕騎疾奔雷舞袖嵐侵澗歌聲谷谷迴磬音藏葉

鳥雪豔照潭梅好是全家到兼爲奉詔來樹陰香作  
帳花徑落成堆

茶中雜詠 并序

唐皮日休

按周禮酒正之職辨四飲之物乃其三曰漿又漿  
人之職共王之六飲水漿醴涼醫醕入於酒府鄭  
司農云以水和酒也蓋當時人率以酒醴爲飲謂  
乎六漿酒之醕者也何得姬公製爾雅云檇苦茶  
卽不槩而飲之豈聖人純於用乎抑草木之齊人  
取捨有時也自周已降及於國朝茶事竟陵子陸  
季疵言之詳矣然季疵以前稱茗飲者必渾以烹

飲食

卷百四

九

茶

之與夫淪疏而啜者無異也季疵之始爲經三卷  
出是分其源制其具教其造設其器命其煮俾飲  
之者除稍而去病雖疾醫之不若也其爲利也於  
人豈小哉余始得季疵書以爲備矣後又獲其顧  
渚山記二篇其中多茶事後又太原溫從雲武威  
段礪之各種茶事十數節並存於方冊茶之事由  
周至於今竟無纖遺矣昔晉杜育有筵賦季疵有  
茶歌余缺然於懷者謂有其具而不形於詩亦季  
疵之餘恨也遂爲十詠寄天隨子

茶塢

開尋堯氏山遂入深深塢種薜已成園栽葭寧記畝  
石窪泉似掬巖罅雲如縷好是夏初時白花滿煙雨

茶人

生於顧渚山老在漫石塢語氣爲茶薜衣香是煙霧  
庭從櫨子遮果任孺師虜日晚相笑歸腰間佩輕篋

茶笋

裒然三五寸生必依巖洞寒恐結紅鉛暖疑銷紫汞  
圓如玉軸光脆似瓊英東每爲遇之疎南山挂幽夢

茶籬

篋筲曉攜去暮箇山桑塢開時送紫茗負處沾清露

飲食

卷百四

十

茶

茶舍

歇把傍雲泉歸將挂煙樹滿此是生涯黃金何足數  
陽崖枕白屋幾口嬉嬉活棚上汲紅泉焙前蒸紫蕨  
乃翁研茗後中婦拍茶歇相向掩柴扉清香滿山月

茶竈

南山茶事動竈起巖根傍水煮石髮氣新燃杉脂香  
青瓊蒸後凝綠隨吹來光如何重辛苦一一輸膏粱

茶焙

鑿彼碧巖下却應深二尺泥易帶雲根燒難碍石脉  
初能燥金餅漸見乾瓊液九里共杉林相望在山側

茶鼎

龍舒有良匠鑄此佳樣成立作菌蠢勢煎爲潺湲聲  
草堂暮雲陰松牕殘雪明此時勺複茗野語知逾清

茶甌

邢客與越人皆能造磁器圓似月魂甌輕如雲魄起  
棗花勢旋眼蘋沫香沾齒松下時一看支公亦如此

煮茶

香泉一合乳煎作連珠沸時看蟹目濺乍見魚鱗起  
聲疑帶松雨餽恐生煙翠儻把瀝中山必無千日醉

奉和皮襲美茶具十詠

陸龜蒙 晚

飲食

卷百四十一

十一 茶

茶場

茗地曲隈回野行多繚繞向陽就中密昔澗差還少  
逢盤雲影慢亂簇香篝小何處好幽期滿巖春露曉

茶人

天賦識靈草自然鍾野姿閑來北山下似與東風期  
雨後探芳去雲間幽路危唯應報春鳥得共斯人知

茶筴

所孕和氣深時抽玉茗短輕煙漸結華嫩葉初成管  
尋來青靄曙欲去紅雲暖秀色自難逢傾筐不曾滿

茶籬

茶舍

金刀劈翠筠織似波文斜製作自野老攜持伴山娃  
昨日鬪煙粒今朝貯綠華爭歌調笑曲日暮方還家

茶竈

旋取山上材架爲山下屋門因水勢斜壁任巖隈曲  
朝隨鳥俱散暮與雲同宿不憚採掇勞祇憂官未足

茶焙

無突抱輕嵐有煙應初旭盈鍋玉泉沸滿甌雲牙熟  
奇香籠春桂嫩色凌秋菊煬者若吾徒年年看不足

飲食

卷百四十一

十二 茶

左右擣凝膏朝昏布煙縷方圓隨樣拍次第依層取  
山謠縱高下火候還文武見說焙前人時時炙花脯

茶鼎

新泉氣味良古鐵形狀醜那堪風雪夜更值煙霞友  
曾過顏石下又住清谿口且共薦臯盧何勞傾斗酒

茶甌

昔人謝塢堦徒爲妍詞飾豈如珪璧姿又有煙嵐色  
光參筠席上韻雅金甌側直使于園君從來未嘗識

煮茶

閑來松間坐看煮松上雪時於浪花裏併下藍英未  
傾餘精爽健忽似氛埃滅不合別觀書但宜窺玉札

五穀部

禾稼 穀米 黍稷 麥

○禾稼

禾

魏陳思王

猗猗嘉禾惟穀之精其洪盈箱協穗殊莖昔生周朝  
今植魏庭獻之朝堂以昭祖靈

太和戊申歲大有年詔賜百寮出城觀秋稼謹

書故事以俟采詩者

唐劉禹錫中

長安銅雀鳴秋稼與雲平玉燭調寒暑金風振順成

川原呈上瑞恩澤賜閑行欲及重城掩猶聞歌舞聲

太和戊申歲大有年詔賜百寮出城觀秋稼謹書

五穀

卷五

十三

盛事以俟采詩者

唐白居易中

清晨承詔命豐歲闋田閭膏雨抽苗足涼風吐穗初

早禾黃錯落晚稻綠扶疎好入詩家詠宜令史館書

敗爲萬姓食堆作九年儲莫道如雲稼今秋雲不如

秋稼如雲

唐蔣防中

昨日如雲處三田大有秋蔥龍初滿豐散漫正盈囀

稍混從龍勢寧同觸石幽紫芒紛幕暮青野澹油油

始愜含箱望終無滅裂憂西成知不遠雨露復何酬

嘉禾合穎

唐孟簡中

玉燭將成歲封人亦自歌八方霑聖澤異畝登嘉禾

共秀芳何遠連華瑞且多穎低甘露滴影亂惠風過  
表稔由神化爲祥識氣和因知興嗣歲王道舊無煩

嘉禾合穎

唐□□□

天祚皇王德神呈瑞穀嘉感時由特一作秀證道葉

方華氣轉騰佳色雲披映早霞惠風浮合穎湛露淨

祥花六穗垂兼創孤莖嫺復斜影疑同唐叔獻稱慶

比周家

○穀米

黍附

穀

魏陳思王

於穆聖皇仁暢惠渥辭獻減膳以服鰥獨和氣致祥

五穀

卷五

十四

時雨灑沃野草萌芽變化嘉穀

佐遷山後寄

唐杜甫

白露黃粱熟分張素有期已應春得細頗覺寄來遲

味豈同金菊香宜配綠葵老人他日愛正想滑流匙

華黍

晉束皙

華黍時和歲豐宜黍稷也

黜黜然重雲習習一作和風黍華陵嶺麥秀丘中

靡田不播九穀斯豐奕奕玄霄濛濛甘雷黍稷稠華

禾一作挺其秀靡田不殖九穀斯茂無高不播無下

不植芒芒其稼參參其穡稽我王委充我民食玉燭

陽明顯猷翼

○麥

麥穗兩岐

唐鄭畋

聖慮憂年畝嘉苗薦兩岐如雲方表盛成穗忽標奇

瑞露縱橫滴祥風左右吹謳謠連上苑花實遍平陂

史冊書堪重丹青畫更宜願依連理樹俱作萬年枝

餘瑞麥

唐張聿

瑞麥生堯日芄芃雨露偏兩岐分更合異畝穎仍連

冀獲明王慶寧惟太守賢仁風吹靡靡甘雨長芊芊

聖德應多稔皇家配有年已聞天下泰誰為濟西田

五穀

卷五

十五

藥部

藥總載 雜藥

○藥總載

採藥詩

拾遺記曰關河之北有紫桂成林其實如棗羣仙餌焉韓終採藥四言詩曰

關河之桂實大如棗得而食之後天而老

採藥九疑山

晉庾闡

採藥靈山嶼結駕登九嶷懸巖溜石髓芳谷挺丹芝

泠泠雲珠落漣漣石蜜滋鮮景染水顏妙氣翼冥期

霞光煥蘿靡虹景照參差椿壽自有極槿花何用疑

採藥大布山

梁吳均

我本北山北緣澗採山麻九莖日反間一作照三葉長

生花可用蠲愛疾聊持駐景斜景斜不可駐年來果

如驢安得崑崙山偃蹇三珠樹三珠始結蓂絳葉凌

朱臺玉壺白鳳肺金鼎青龍胎韓眾及王子何世無

仙才安期儻欲顧相見在蓬萊

憇郊園和約法師採藥

梁沈約

郭外三千畝欲以賀朝餽繁蔬既綺布密果亦星懸

賦得採藥遊名山

郭璞遊仙詩云採藥遊名山將以救年頹

陳劉剛

名山本鬱盤道士貴黃冠獨馭千年鶴來尋五色九

石牀新溜乳金龜欲成丹定知無二價非復在長安

藥部

卷五

十六

採藥

唐王績初

野情食藥餌郊居倦蓬華青龍護道符白犬遊仙術

要鑪戊巳月負鉅庚辛日時時斷嶂遮往往孤峰出

行披葛仙經坐驗農皇帙龜蛇採二苓赤白尋雙木

地凍根難盡藁枯苗易失從容玉作名薯蕷膏成質

家豐松葉酒器貯參花蜜且復歸去來刀圭輔衰疾

藍谿則前道士採藥不至

唐盧綸中

春風生百藥幾處木苗香人遠花空落谿深日復長

病多知藥性老近憶仙方青節何由見三山桂自芳

合藥詩洞仙傳云公採藥者學道於東萊山

人立仙日月之神並  
在宮中合藥時頌曰

唐公孫卿

玉女斷分酬蟾蜍主和擣一九煉人形二九顏色好

月下洗藥

唐錢起

汲井向新月分流入眾芳濕花低桂影翻葉靜泉光  
露下添餘潤蜂驚引暗香寄言養生客來此共提筐

鋤藥冰

唐錢起

時藥穿林復在巖濃香秀色深能淺雲氣垂來裏露  
偏松陰占處知春晚拂曙殘鶯百轉催繁景帶石幾  
花開不隨飛鳥綠枝去如笑幽人出谷來對之不覺  
忘疎懶廢卷荷鋤嫌日短豈無萱草樹堪堪惜爾幽

藥部

卷百四

十七

藥部

芳世所遺但使芝蘭出蕭艾不辭手足皆胼胝寧學  
陶潛空嗜酒頽齡拾此事東窗

種藥

唐韋應物

好讀神農書多識藥草名持鎌購山客移時羅衆英  
不改幽澗色宛如此地生汲井既蒙澤揮援亦扶傾  
陰賴夕房歛陽條夏花明悅翫從茲始日夕繞庭行  
州民自寡訟養閑非政成

重玄寺元達年逾八十好種名藥凡所植者多

至自天台四明包山句曲叢萃紛採各可指

名余奇而訪之因題二章 唐皮日休

晚

雨滌煙鋤僂僂資紺牙紅甲兩三畦藥名却笑桐君

少年紀翻嫌竹祖低白石靜敲蒸木火清泉間洗種

花泥怪來昨日休持鉢一尺彫胡似掌齊

香蔓蒙龍覆青邪檜煙杉露濕袈裟石盆換水撈松

葉竹徑遷牀避笋芽藜杖移時挑細藥銅餅盡日灌

幽花支公謾道憐神駿不及今朝種一麻

買藥歌送楊山人

唐釋皎然

華陰少年何所希飲餌丹砂化骨飛江南藥少淮南

有暫別胥門出京口京口斜通江水流徘徊應上青

山頭夕驚潮波鷗鷺堰朝看日出芙蓉樓蕩漾春風

藥部

卷百四

十八

藥部

亂帆影片雲無數是揚州揚州喧喧賣藥市浮俗無  
由識仙子河間姪女直千金紫陽夫人服不死吾於

此道復何如昨朝新得蓬萊書

藥名聯句

唐陸龜蒙

為待防風餅須添薏苡以杯張香燃柏子後罇泛菊花

來壯石耳泉能洗垣衣雨為裁藥從容犀角靜斷續

玉琴哀 白芷寒猶採青柏醉尚開馬銜暮草臥

鳥啄靈根迴藥雨過蘭芳好霜多桂末摧 朱兒應

作粉雲母詎成灰和藥可屠龍膽家曾近鷲胎 藥牆

高牽薜荔墮軟撼玫瑰 鷗鼠啼書戶蝸牛上硯臺



和誰能將藁本封與玉泉才藥

和紀參軍服散得益

齊謝朓

金液稱九轉西山歌五色鍊質乃排雲濯景終不測  
雲英亦可餌且駐義和力能令長卿臥軒故遇真識

房君珊瑚散

唐李商隱

不見姮娥影清秋守月輪月中閑杵臼桂子擣成塵

○雜藥

合歡 黃精 百合 菖蒲 續斷 紫參 黃連 益智 山茱萸 木香 丁香 車前子 松英 木 仙靈 地黃 詞梨勒 人參

台歡

晉楊方

南郊有奇樹承春挺素華豐翹被長條綠葉蔽朱柯

藥部

卷百四

十九

雜藥

因風吐微音芳氣入紫霞我心羨此木願徙著余家  
夕得遊其下朝得弄其葩爾根深且固余宅淺且淦  
棲植良無期歎息將如何

遇銅山掘黃精

宋鮑照

土肪闕中經水芝韜內策一作寶餌緩童年命藥駐

衰曆矧蓄終古情重拾煙霧迹羊角樓斷雲嵒口流

監石銅谿晝森沈乳竇夜涓滴既類鳳門磴復像天

井壁蹠蹠寒葉離濃濃秋水積松色隨野深月露依

草白空守江海思豈愧梁鄭客得仁古無怨順道今

何惜

餌黃精

唐韋應物中

靈藥出西川服食採其根九蒸換凡骨經著上世言  
候火起中夜馨香滿南軒齋居感眾靈藥術啓妙門  
自懷物外心豈與俗士論終期脫印綬永與天壤存

百合

梁宣帝

接葉有多種開花無異色含露或低垂從風時偃抑

菖蒲

原作古詩

古無名氏

石上生菖蒲一寸八九節仙人勸我餐令人好顏色

採石上菖蒲

梁江淹

瑤琴久蕪沒金鏡廢不看不見空閨裏縱橫愁思端

藥部

卷百四

二十

雜藥

緩步遵汀渚揚柁泛春瀾電至煙流綺水綠桂酒丹  
憑酒竟一作未悅半景方自歎每為憂見及杜若詎  
能寬冀採石上草得以駐餘一作顏赤鯉儻可乘雲  
霧不復還

石上菖蒲

梁江淹

藥實靈品爰乃輔性却疴衛福蠲邪養正縹色外妍  
金光內映草經所珍仙圖是詠

嵩山採菖蒲者

唐李白

神人多古貌雙耳下垂肩嵩嶽逢漢武疑是九嶷仙  
我來採菖蒲服食可延年言終忽不見滅影入雲煙

喻帝竟莫悟終歸茂陵田

詠有人乞牛舌乳不付因餉檳榔詩

梁劉孝綽

陳乳何能貴爛舌不成珍空持渝皓齒非但汗丹唇  
別有無枝實曾要湛上人羞比朱櫻熟詎易紫梨津  
莫言帶中久當看心裏新微芳雖不足含咀願相親  
忽見檳榔

北周庾信

綠房千子熟紫穗百花開莫言行萬里曾經相識來

黃連

梁江淹

黃連上草丹砂之次禦孽辟妖長靈久視驂龍行天

藥部

卷百十

三

雜藥

馴鳳匝地鴻飛以儀順道則利

詠益智

梁劉孝綽

挺芳銅額上擢穎石門端連叢去木葉維和委雕盤  
寧推不逃草詎減聰明九儻逢公子宴方厭永夜歡

山茱萸

唐王維

朱實山下開清香寒更發幸與叢桂花牕前向秋月

臨洮龍興寺玄上人院同詠青木香叢

唐岑參

移根自遠方種得在僧房六月花新吐三春葉已長  
抽莖高錫杖引影到繩牀只爲能除疾傾心向藥王

丁香

唐杜甫

丁香體柔弱亂結枝猶瑩細葉帶浮毛疎花披素豔  
深栽小齋後庶近幽人占晚墮蘭麝中休懷粉身念  
賦得池上雙丁香樹

唐錢起

得地移根遠交柯遶指柔露香濃結桂池影闌蟠虬  
黛葉輕筠綠金花笑菊秋何如南海外雨露隔炎洲  
紫參歌

并序

唐錢起

紫參幽芳也五葩連萼狀飛禽羽舉俗名之五鳥  
花起故山道人蘭若尤豐此藥校書劉公詠歌之  
俾予繼組

藥部

卷百十

三

雜藥

達公林下滿青苔春藥偏宜間石開往往幽人尋水  
見時時仙蝶隔雲來陰陽雕刻花如鳥對鳳連雞一  
何小春風宛轉虎谿傍紫翼紅翹翻霽光貝葉經前  
無住色蓮花會裏暫留香蓬山才子憐幽性白雪陽  
春動新詠應知仙丹老煙霞莫賞天桃滿蹊徑

紫閣東林居士叔絨賜松英丸捧對欣喜蓋非

塵侶之所當服獻詩代啓

唐韋應物

碧澗蒼松五粒稀侵雲采去露霑衣夜啓羣仙合靈  
藥朝思俗侶寄將歸道場齋戒今初服人事常壇已  
覺非一望嵐峰拜還使腰間銅印與心違

種木

唐柳宗元

守閒事服餌採木東山阿東山幽且阻疲爾煩經過  
戒徒斫靈根封植闕天和違爾澗底石徹我庭中莎  
土膏滋玄液松露墜繁柯南東自成畝繚繞紛相羅  
晨步佳色媚夜眠幽氣多離憂苟可怡孰能知其佗  
爨竹茹芳葉寧慮瘵與瘥留連樹蕙辭婉婉采薇歌  
悟拙甘自足激清愧同波單豹且理內高門復如何

種仙靈毗

唐柳宗元

窮巷闕自養癘氣劇竄煩隆冬乏霜霰日夕南風溫  
杖藜下庭際曳踵不及門門有野田吏慰我飄零

藥部

卷一百一

三十三

雜藥

及言有靈藥近在湘西原服之不盈旬蹙躡皆騰蹻  
笑扑前即吏爲我擢其根蔚蔚遂充庭英翹忽已繁  
晨起自採曝杵臼通夜喧靈和理內藏攻疾貴自源  
擁覆逃積霧伸舒委餘暄奇功苟可徵寧復資蘭蓀  
我聞畸人術一氣中夜存能令深深息呼吸還歸跟  
疎放固難効且以藥餌論痿者不忘起窮者寧復言  
神哉輔吾走幸及兒女奔

採地黃

唐白居易

麥死春不雨禾損秋早霜歲晏無口食  
採地黃  
采之將何用持以易糗糧凌晨荷鋤去薄暮不盈筐

攜來朱門家賣與白面郎與君啖肥馬可使照地光  
願易馬殘粟救此苦饑腸

答開州韋使君寄車前子

唐張籍

開州午日車前子作藥人皆道有神慙愧使君憐病  
眼三千餘里寄閒人

抱病謝李吏部贈訶梨勒葉

唐包佶

一葉生西徼齋來海上查歲時經水府根本別天涯  
方士真難見商胡輒自誇比香同異域看色勝仙家  
茗飲暫調氣梧丸喜伐邪幸蒙祛老疾深願駐韶華

以人參遺成式

唐周繇

藥部

卷一百一

三十四

雜藥

人形上品傳方志我得真英自紫團慙非叔子空持  
藥更請伯言審細看

求人參

唐段成式

少傅令才猶強作衆賢多失不能呼九莖仙草真難  
得五葉靈根許惠無

友人以人參見惠因以詩謝

唐皮日休

神草延年出道家是誰披露記三桮開時的定酒雲  
液斲後還應帶石花名士寄來消酒渴野人煎處撒  
泉華從今湯劑如相續不用金山焙上茶

奉和皮襲美謝友人惠人參

唐陸龜蒙

五葉初成椶樹陰紫團峰外卽雞林名參鬼蓋須難  
見材似人形不可尋品第已聞升碧簡攜持應合重  
黃金殷動潤取相如肺封禪書成動帝心

蔬菜部 瓜 雜菜 梁園附

○瓜

詠瓜

唐李嶠

欲識東陵味青門五色瓜龍蹄達珠履女臂動金花  
六子方呈瑞三仙實可嘉終朝奉締綵謁帝佇非賒

東陵瓜

原作

魏阮籍

昔聞東陵瓜近在青門外連畛距阡陌子母相鈞帶

蔬菜

卷一百一

三五

五色曜朝日嘉賓四面會

黃臺瓜

武后生四子長曰孝敬皇帝弘爲太  
乃殺孝敬立雍王賢爲太子賢曰懷憂惕知  
法不保全無由敗言乃作黃臺瓜辭命樂工  
歌之與武后所逐死於黔中

唐章懷太子

種瓜黃臺下瓜熟子離離一摘使瓜好再摘令瓜稀  
三摘猶自可摘絕抱蔓歸

與老圃期種瓜

唐孟浩然

樵牧南山近林閭北郭賒先人留素業老圃作鄰家  
不種千株橘惟資五色瓜邵平能就我開逕翦蓬麻

園人送瓜

唐杜甫

江間雖炎瘴瓜熟亦不早相公鎮夔國滯務茲一掃  
食新先戰士共少及谿老傾筐蒲鵠青滿眼顏色好  
竹竿接板實引注來鳥道沈浮亂水玉愛惜如芝草  
落刀嚼水霜開懷慰枯槁許以秋帶除仍看小童抱  
東陵跡蕪絕楚漢休征討園人非故侯種此何草草

家園瓜熟是故蕭相公所遺瓜種凄然感舊因

賦此詩

唐劉長卿

事去人亡跡自留黃花綠蒂不勝愁誰能更向青門

外秋草茫茫覓故侯

○雜菜

蕭 蔬 蒼耳 石芥 梁園附

蔬菜

卷一百一

三六

詠蔬菜

唐高力士

時謫承州山多薺不食因感之作詩寄意  
兩京作斤賣五谿無人採夷夏雖有殊氣味都不改

秋日阮隱君致薺三十束

唐杜甫

隱者柴門內畦蔬繞舍秋盈筐承露薺不待致書求  
東比青芻色圓齊玉筍頭衰年關鬢冷味煖併無憂

驅豎子摘蒼耳

唐杜甫

江上秋已分林中瘴猶劇畦丁告勞苦無以供日夕  
蓬莠猶不樵野蔬暗泉石卷耳況療風童兒且時摘

侵星驅之去爛熳任逶迤放筐亭午際洗剝相蒙羣

登牀半生熟下筋還小益加點瓜薤間依稀橘奴跡  
亂世誅求急黎民糠粃窄飽食復何心荒哉膏粱客  
富家厨肉臭戰地骸骨白寄語惡少年黃金且休擲

藍上採石芥寄前李明府

唐錢起中

淵明遺愛處山芥綠芳初斫此春陰色猶滋夜雨餘  
隔谿煙葉小覆石雪花舒采采還相贈瑤華信不如

同羣公題張處士菜園

唐高適盛

畊地桑柘間地肥菜常熟爲問葵藿實何如廟堂肉

廢畦

唐杜甫盛

秋蔬擁霜露豈敢惜凋殘暮景數枝葉天風吹汝寒

蔬菜

卷百四

三七

綠沾泥滓盡香與歲時闌生意春如昨悲君白玉盤

詩雋類函卷一百四十一

東吳俞安期彙纂

宣城梅鼎祚增定

白下許延祖訂校

果部

果總 荔枝 桃 李 杏 棗 櫻桃  
石榴 荔枝 棗 橘 橙 梨 蘋果

○果總載

詠安仁得果

語林曰安仁至美每行於道羣姬以果擲之常盈車

梁李孝勝

潘岳河邊返情知擲果多閉薨聽不見無奈識車何

詠安仁得果

梁談士雲

月上河陽縣來看洛陽花擲果人相閱非是故停車

果部

卷百五

謝賜合歡果

隋遺錄曰殿脚女自至廣陵悉用備月觀行宮由是絳仙不得親侍

以一雙騎馳賜合歡水果一器帝命小黃門

因附紅綾小簡上進云云帝省章不悅顧黃

門曰絳仙如何來辭何怨之深也黃門言其

政帝曰絳仙不獨貌可觀詩意深切何謝左貴嬪手

隋吳絳仙

驛騎傳雙果君王寵念深寧知辭帝里無復合歡心

詣徐卿覓果子栽

唐杜甫盛

草堂少花今欲栽不問綠李與黃梅石笋街中却歸

去果園坊裏爲求來

豎子至

唐杜甫盛

山風猶滿把野露及新嘗  
歌桃江湖客提攜日月長

園果

唐王建中

雨中梨果病每樹無數箇  
小兒出入看一半鳥啄破

○梅

詠梅

梁元帝

梅含今春樹還臨先日池  
人懷前歲憶花發故年枝

詠梅花

梁鮑泉

可憐階下梅飄蕩逐風迴  
度簾拂羅幌繁蕊落杭臺  
乍隨纖手去還因插鬢來  
客心屢看此愁眉欽詎開

詠梅花

梁吳均

果部

卷二 上

二 梅

梅性本輕蕩世人相陵賤  
故作負霜雪一作花欲使綺  
羅見但願深相知早摧非所戀

詠梅花

北周庾信

常年臘月半已覺梅花闌  
不信今春晚俱來雪裏看  
樹動懸冰落枝高出手寒  
早知覓不見真悔著衣單

詠梅

唐李嶠初

大庾欽寒光南枝獨早芳  
雪含朝暝一作色風引去  
來一作香妝面迴青鏡歌塵起  
畫梁若能遙止渴何

假汎瓊漿

梅

唐杜牧晚

輕盈照谿水掩斂下瑤臺  
如雪聊相比欺春不逐來

梅

唐溫庭皓晚

一樹寒林外何人此地栽  
春光先自暖陽艷暗相催  
曉覺添霜白寒疑借月開  
餘香低惹袖墮藥逐流杯  
零落移新援飄揚上故臺  
雪繁鶯不識風裊蝶空迴  
羌吹應愁起征徒異渴來  
莫貪題詠興商鼎待鹽梅

詠早梅

梁何遜

免園標物序驚時最是梅  
銜霜當路發映雪擬寒開  
枝橫卻月觀花繞凌風臺  
朝洒長門泣夕駐臨邛杯  
應知早飄落故逐上春來

果部

卷二 上

三 梅

詠早梅

陳謝燮

迎春故早發獨自不疑寒  
畏落衆花後無人別意看

詠早梅

唐孟浩然盛

園中有早梅年例犯寒開  
少婦曾攀折將歸挿鏡臺  
猶言看不足更欲翦刀裁

早梅

唐戎昱中

一樹寒梅白玉條迴臨村路  
傍谿橋應緣近水花先  
發疑是經春雪未銷

早梅

唐釋齊己

萬木凍欲折孤根暖獨回  
前村深雪裏昨夜一枝開



風送幽香出禽窺素豔來明年如應律先發映春臺

寒舍早梅

唐張謂

堦下雙梅樹春來盡不成晚時花易落陰處葉難生  
摘子防人到攀枝畏鳥驚風光先占得桃李莫相輕

華林園早梅

唐鄭述誠

曉日東樓路林端見早梅獨凌寒氣發不逐眾花開  
素彩風前豔韶光雪後催藥香霑一作紫陌枝亞拂  
青苔止渴曾爲用和羹舊有才含情欲攀折瞻望幾  
徘徊

十月梅花書贈

唐盧僊

果部

卷一百一十五

四一

君不見巴鄉冬候與華別年年十月梅花發上苑今  
應雪作花寧知此地花爲雪自從遷播落黔巴三見  
江上開新花故園風光虛洛汭窮峽凝雲度歲華花  
情縱似河陽好客心倍傷邊候早春候颯驚樓上梅  
霜威未落江潭草江水侵天去不還樓花覆簾空坐  
攀一向花前看白髮幾回夢裏憶紅顏紅顏白髮雲  
泥改何異桑田移碧海却想年華故國時唯有一片  
空心在空心弔影向誰陳雲臺仙閣舊遊人倘知已  
樹連冬發應憐南國氣長春

和孔中丞雪裏梅花

梁王筠

水泉猶未動樹色已先知翻光同雪舞落素混一作  
水池今春競時發猶是昔年枝唯有長顙頊對鏡不  
能窺

和孔中丞雪裏梅花

陳陰鏗

春近寒雖轉梅舒雪尚飄從風還共落照日不俱銷  
葉開隨足影花多助重條今來漸異昨向晚判勝朝

詠江濱梅

唐王適

忽見寒梅樹開花漢水濱不知春色早疑是弄珠人

庭梅詠

唐張九齡

芳意何能早孤榮亦自危更憐花蒂弱不受歲寒移

果部

卷一百一十五

五一

朝雪那相妒陰風已屢吹馨香雖尚爾飄蕩復誰知  
和常州崔使君詠後庭梅二首 唐孫逖  
聞唱梅花落江南春意深更傳千里外來入越人吟  
弱幹紅妝倚繁香翠羽尋庭中自公日歌舞向芳陰

二

梅院重門掩遙遙歌吹邊庭深人不見春至曲能傳  
花落彈碁處香來薦枕前使君停五馬行樂此中偏

江梅

唐杜甫

梅蕊臘前破梅花年後多絕知春意早最奈客愁何  
雪樹元同色江風亦自波故園不可見巫岫鬱嵯峨

詠落梅

齊謝朓

新葉初冉冉，初莖新非非。逢君後園燕，相隨巧笑歸。  
親勞君玉指，摘以贈南威。用持挿雲鬢，翡翠比光輝。  
日暮長零落，君恩不可追。

梅花落

宋鮑照

中庭雜樹多，偏爲梅咨嗟。問君何獨然，念其霜中能  
作花，露中能作實。搖蕩春風媚，春日念爾零落逐寒  
風。徒有霜華無霜質。

梅花落

梁吳均

終冬十二月寒風西北吹，獨有梅花落，飄蕩不依枝。

果部

卷一百一十五

六一 梅

流連逐霜彩，散漫下水澌。何當與春日，共映芙蓉池。

梅花落

陳後主

春砌落芳梅，飄零上鳳臺。拂妝疑粉散，逐溜似萍開。  
映日花光動，迎風香氣來。佳人早插髻，試立且徘徊。

梅花落

陳江總

胡地少春來，三年驚落梅。偏疑粉蝶散，乍似雪花開。  
可憐香氣歇，可惜風相摧。金鏡且莫韻，玉笛幸徘徊。

梅花落

陳江總

臘月正月早驚春，衆花未發梅花新。可憐芬芳臨玉  
臺，朝攀晚折還復開。長安少年多輕薄，兩兩共唱梅

花落滿酌金卮催，玉柱落梅樹下宜。歌舞金谷萬株  
連，綺甍梅花密處藏。嬌鶯桃李佳人欲相照，摘藥牽  
花來並笑。楊柳條青樓上輕，梅花色白雪中明。橫笛  
短簫淒復切，誰知柏梁聲不絕。

梅花落

陳蘇子卿

中庭一樹梅，寒冬葉未開。祗言花是雪，不悟有香來。

梅花落

陳張正見

芳樹映雪，一作野發。早覺寒侵落，遠香風急飛。多花  
逕深周人歎，初標魏帝指。前林邊城少，灌木折此自  
悲吟。

果部

卷一百一十五

七一 梅

梅花落

陳徐陵

對戶一株梅，新花落故栽。鶯拾還蓮井，風吹上鏡臺。

梅花落

唐盧照鄰

梅嶺花初發，天山雪未開。雪處疑花滿，花邊似雪迴。  
因風入舞袖，雜粉向妝臺。匈奴幾萬里，春至不知來。

寄梅花

寄梅花 荆州記曰：陸凱與范曄友善，自江南寄梅花一枝詣長安與曄兼贈詩曰：

宋陸凱

折花逢驛使，寄與隴頭人。江南無所有，  
別信聊贈一枝春。

雪裏覓梅花

梁簡文帝

絕訝梅花晚爭來雪裏窺下枝低可見高處遠難知  
俱羞惜腕露相讓到腰羸定須還翦絲學作兩三枝

春日看梅花

梁簡文帝

昨日看梅樹新花已自生今日聞春鳥何啻兩三聲  
凍解池開淥雲穿天半晴遊心不應動爲此欲逢迎

春日看梅花二首

隋侯夫人

砌雪無消日捲簾時自舉庭梅對我有憐意先露枝  
頭一點春

香清寒艷好誰惜是天真玉梅謝後陽和至散與羣  
芳自在春

果部

卷百四

八梅

同蕭左丞詠摘梅花

梁庾肩吾

應梅朝始發庭雪晚初消折花牽短樹攀叢入細條  
垂水溜玉手含刺胃春腰遠道終難寄馨香徒自饒

和王司馬折梅寄京邑昆弟

唐張九齡初

離別念同爐方榮欲共持獨攀南國樹遙寄北風時  
林惜迎春早花愁去日遲還聞折梅處更有棣華詩

裴迪登蜀州東亭送客逢早梅相憶見寄

唐杜甫盛

東閣觀梅動詩興還如何遜在揚州此時對雪遙相  
憶送客逢春可自由幸不折來傷歲暮若爲看去亂

鄉愁江邊一樹垂垂發朝夕催人自白頭

○桃

詠桃

梁沈約

風來吹葉動風去畏花傷紅英已照灼况復含日光  
歌童暗理曲遊女夜縫裳詎減當春淚能斷思人腸

詠桃一作詠

隋孔紹安

結葉還臨影飛香欲徧空不意餘花落翻沈露井中

詠桃

唐太宗思恭一作董

禁苑春暉麗花蹊綺樹妝綴條深淺色點露參差光  
向日分千笑迎風共一香如何仙嶺側獨秀隱遙芳

果部

卷百四

九桃

詠桃

唐李嶠初

獨有成蹊處穠華發井旁山風凝笑臉朝露泣啼妝  
隱士顏應改仙人路漸長還欣上林苑千歲奉君王

桃花曲

梁簡文帝

但使新花艷得間美人簪何須論後實怨結子欺心

桃花曲

唐顧況中

魏帝宮人舞鳳樓隋家天子汎龍舟君王夜醉春眠  
晏不覺桃花逐水流

題百葉桃花

唐韓愈中

百葉雙桃晚更紅窺牕映竹見玲瓏應知侍史歸天

上故伴仙郎宿禁中

初桃

梁簡文帝

初桃麗新采照地吐其芳枝間留紫燕葉裏發輕香  
飛花入露井交榦拂華堂若映牕前柳懸疑紅粉妝

晚桃

唐劉長卿

四月深澗底桃花方欲然寧知地勢下遂使春風偏  
此意頗堪惜無言誰為傳過時君未賞空媚幽林前

山桃

梁江淹

惟園有實惟山有叢丹鷗擊露紫榮繞風引霧如電  
映煙成虹伊春之秀乃華之宗

果部

卷百四十一

十一

詠池邊桃

梁任昉

已謝西王苑復揖綏山枝綏山謠云得綏山一地聊  
雖不得仙亦足以豪

逢賞者愛栖趾傍蓮池開紅春灼灼結實夏離離

奉和詠龍門桃花

北齊蕭慤

舊聞開露井今見植龍門樹少知非塞花高異少源  
論時應未發故欲影歸軒祗言經摘罷猶勝逐風翻

侍宴桃花園詠桃花應制

唐李嶠

歲去無言忽顚顚時來含笑吐氛氲不能擁棹迷仙  
客故欲開蹊待聖君

侍宴桃花園詠桃花應制

唐蘇頌

桃夭灼灼有光輝無數成蹊點更飛為見芳林含笑  
待遂同溫樹不言歸

侍宴桃花園詠桃花應制

應趙彦伯

紅萼競然春苑曉手茸新吐御筵開長年願奉西王  
宴近侍慚無東朔才

侍宴桃花園詠桃花應制

唐李義

綺萼成蹊遍籞芳紅英撲地滿筵香莫將秋宴傳王  
母來比春華壽聖皇

侍宴桃花園詠桃花應制

唐□□□

源水叢花無數開丹跗紅萼間青梅從今結子三千

果部

卷百四十一

十一

歲預喜仙遊復摘來

庭前桃

唐韋莊

曾向桃源開爛熳也同漁父汎仙舟皆言洞裏千株  
好未勝庭前一樹幽帶露似垂湘女淚無言如伴息

嬌愁五陵公子饒春恨莫引香風上酒樓

桃花園馬上應制

唐張說

林間艷色嬌天馬花裏穠妝伴麗人願逐南風飛帝  
席年年含笑舞青春

桃塢

唐韋處厚

噴日舒紅景通蹊茂綠陰終期王母摘不羨武陵深

桃花讀面辭

虞世南史畧曰北齊盧士深妻崔林義之女有才學春日以桃花讀

兒面

北齊崔氏

取紅花取白雪與兒洗面作光悅取白雪取紅花與兒洗面作妍華取花紅取雪白與兒洗面作光澤取雪白取花紅與兒洗面作華容

蕭八明府寔處覓桃栽

唐杜甫

奉乞栽桃一百根春前爲送浣花村河陽縣裏雖無數濯錦江邊未滿園

解中見桃花南枝已開北枝未發因寄杜副端

唐劉長卿

果部

卷百四十一

十三 桃

何意同根本開花每後時應緣去日遠獨自發春遲  
結實恩一作難忘一作望無言恨豈知年光不可待空羨向南枝

元和十一年自朗州承召至京戲贈看花諸君

子

唐劉禹錫

紫陌紅塵拂面來無人不道看花回玄都觀裏桃千樹盡是劉郎去後栽

再遊玄都觀

唐劉禹錫

余貞元二十一年爲屯田員外郎時此觀未有花是歲出牧連州尋貶朗州司馬居十年召至京師

人人皆言有道士手植仙桃滿觀如紅霞遂有前

篇以志一時之事旋又出牧今十有四年復爲主

客郎中重遊玄都觀蕩然無復一樹唯兔葵燕麥

動搖於春風耳因再題二十八字以俟後遊時大

和二年三月某日

百畝庭中半是苦桃花淨盡菜花開種桃道士歸何處前度劉郎今又來

望人家桃李花

唐賀知章

山源夜雨度仙家朝發東園桃李花桃花紅今李花白照灼城隅復南陌南陌青樓十二重春風桃李爲

果部

卷百四十一

十三 桃

誰容棄置千金輕不顧踟躕五馬謝相逢徒言南國容華晚遂歎西家飄落遠的皪長奉明光殿氛氲半入披香苑苑中珍木元自奇黃金作葉白銀枝千年萬歲不凋落還將桃李更相宜桃李從來露井傍成蹊結影矜豔陽莫道春花不可樹會持仙實薦君王

賦得桃李無言

唐李商隱

天桃花正發纓李藥方繁應候非爭艷成蹊不在言靜中霞暗吐香處雪潛翻得意搖風態含情泣露痕芬芳光上苑寂默委中園赤白徒自許幽芳誰與論

○李

郁李附

詠李

陳江總

嘉樹春風早春風花落新但見成蹊處幾得正冠人

當知露井側復與天桃鄰古歌辭曰桃生露井上李樹代桃僵樹木身相代兄弟不相忘

賦得李

唐太宗

玉衡流桂圃成蹊正可尋鶯啼密葉外蝶戲脆花心

麗景光朝彩輕霞散夕陰暫顧暉一作章側遠眺靈

山林

探得李

唐太宗

盤根直盈渚交幹橫倚天舒華光四海卷葉陰三川

果部

卷一百一

十四李

詠李

唐李嶠

潘岳閑居日王戎戲陌辰蝶遊芳徑馥鶯嚙弱枝新

葉暗青房晚花明玉井春方知有靈榦一作特用表

真人

麥李

梁沈約

青玉冠西海碧石彌外區化為中園實其下成路衢

在先良足貴因小逸難逾色潤房陵縹味奪寒水朱

摘持欲以獻尚食且踟躕

李花

唐李商隱

李逕獨來數愁情相與懸自明無月夜強笑欲風天

減粉與園籜分香沾渚蓮徐妃久已嫁猶自玉爲鉤

子直晉昌李花

唐李商隱

吳館何時尉秦臺幾夜薰綃輕誰解卷香異自先聞

月裏誰無姊雲中亦有君罇前見飄蕩愁極客襟分

荅元金紫餉朱李

梁王筠

穠華春發彩結實下成蹊潘生詠金谷魏后沈寒谿

逢君重妖麗移翫入崇閨慙無瓊玖報徒用萃幽棲

道州城北樓觀李花

唐呂溫

夜疑關山月曉似沙場雪曾使西域來幽情望超越

將念浩無際欲言忘所說豈是花感人自憐抱孤節

果部

卷一百一

十五李

過蕭尚書故居見李花感而成詠

唐劉長卿

手植已芳菲心傷故徑微往年啼鳥至今日主人非

滿地誰當掃隨風起復歸空憐舊陰在門客共沾衣

惜栢李花

花細而繁色艷而點亦花中之有思者速哀易落故惜之耳

唐白居易

樹小花鮮妍香繁條軟弱高低二三尺重疊千萬夢

朝艷靄霏霏夕周紛漠漠辭枝朱粉細覆地紅綃薄

由來好顏色常苦易銷鑠不見蕤蕤花狂風吹不落

杏



謝長孫繹藍谿寄杏

唐錢起

愛君藍水上種杏近成田拂徑清陰合臨流綵實懸  
清香和宿雨佳色出晴煙懿此傾筐贈相知懷橘年  
芳馨來滿袖瓊玖願謝篇把玩情何極雲林若眼前  
州民有獻杏者瑰麗溢目因感花未幾聊以成

詠

唐羊士諤

南郭東風賞杏壇幾株芳樹昨畱歡却憶落花飄綺  
席忽驚諸實滿雕盤蛾眉半斂千金薄鸚鵡初鳴百  
草閒志士古來悲節換美人啼鳥亦長歎

杏花

北周庾信

果部

卷一百一十一

十六

春色方盈野枝枝綻翠英依稀映村塢爛熳開山城  
好折待賓客一作金盤觀紅瓊

杏花

唐溫憲

團雪止晴梢江明映碧寥店香風起夜村白雨休朝  
靜落頻沾蒂繁開正蔽條澹然閒賞翫無以破妖韶

杏花

唐韓愈

居憐北郭古寺空杏花兩株能白紅曲江滿園不可  
到看此寧避雨與風二年流竄出嶺外所見草木多  
異同冬寒不嚴地恒泄陽氣發亂無全功浮花浪蘂  
鎮長有纔開還落瘴霧中山榴躑躅少意思照耀黃

紫徒爲叢鷓鴣鈎輶猿呌啾杳杳深谷攢清楓豈如

此樹一來翫若在京國情何窮今且何爲忽惆悵萬

片飄泊隨西東明年更發應更好道人莫忘鄰家翁

杏花

唐元稹

常年出入右銀臺每怪春光例早迴慙愧杏園行在  
景同州園裏也先開

杏花

唐李商隱

上國昔相值亭亭如欲言異鄉今暫賞脉脉豈無恩  
援少風多力牆高月有痕爲含無限意遂對不勝繁  
仙子玉京路主人金谷園幾時醉碧落誰伴過黃昏

果部

卷一百一十一

十七

鏡拂鉛華膩爐藏桂燼溫終應催竹葉先擬詠桃根  
莫學啼成血從教夢寄魂吳王採香逕失路入煙村

杏花

唐鄭谷

不學梅欺雪輕紅照碧池小桃新謝後雙鶯却來時  
香屬登龍客煙籠宿蝶枝臨軒須貌取風雨易離披

杏園花落時招錢員外同醉

唐白居易

花園欲去去應遲正是風吹狼籍時近西數樹猶堪  
醉半落春風半在枝

○奈

詠奈

晉張載

江南邵蔗釀液豐沛三巴黃甘瓜州素奈凡此數品殊美絕快渴者所思銘之常帶

詠奈

梁緒遷

成都貴素質酒泉稱白麗紅紫奪夏藻芬芳掩春蕙映日照新芳叢林抽晚蒂誰謂重三珠終焉競八桂不讓園丘中粲潔華庭際

和蕭國子詠奈花

梁謝頊

俱榮上節初獨秀高秋晚吐綠變衰園舒紅搖落苑不逐奇幻生寧從吹律暄幸同瑤華折爲君聊贈遠

○梨

果部

卷百四十一

十八

奈梨

詠梨

梁宣帝

大谷常流稱南荒本足珍綠葉已承露紫實復含津

詠梨應詔

梁沈約

大谷來既重岷山道又難摧折非所恡但令入玉盤

詠梨

唐李嶠初

擅美玄光側傳芳瀚海中鳳文疎象郡花影麗新豐色對瑤池紫甘依大谷紅若令逢漢主還冀識張公

於座應令詠梨花

梁劉孝綽

玉壘稱津潤金谷詠芳菲詎匹龍樓下素藥映華一作朱扉雜雨疑霰落因風似蝶飛豈不憐飄墜願入九

重開

梨花

唐錢起中

艷靜如籠月香寒未逐風桃花徒照地終被笑妖紅

詠池上梨花

齊王融

翻堦沒細草集水間疎萍芳春照流雪深夕映繁星

和池上梨花

齊劉繪

露庭晚翻積風闌夜入多縈襲似亂蝶拂燭狀聯蛾

西地梨

梁沈約

列茂河陽苑蓄紫濫觴隈翻黃秋沃若落素春徘徊

左掖梨花

唐王維盛

果部

卷百四十一

十九

梨

左掖梨花

唐丘爲盛

閒灑堦邊草輕隨箔外風黃鸝弄不足銜入未央宮

冷艷全欺雪餘香乍入衣春風且莫定吹向玉階飛

左掖梨花

唐皇甫冉中

巧解迎人笑偏能亂蝶飛春風時入戶幾片落朝衣

江畔梨

唐白居易中

梨花有意綠和葉一樹江頭惱殺君最似嬌閨少年

婦白妝素袖碧紗裙

奉梨

北周庾信

接枝秋轉脆含情一作落更香擎置仙人掌應添瑞

露漿

梨花下贈劉師命

唐韓愈中

洛陽城外清明節百花落梨花發今日相逢瘴海頭共驚爛熳開正月

和李相國

唐許渾晚

蒙賓客李相國見示和宣武盧僕射以吏部高尚書自江南赴闕寄大梨白鵲因贈五言六韻攀和巨實珍吳果馴雛重越禽摘來漁浦上攜在兔園陰霜合凝丹頰風披歛素襟刀分瓊液散籠蔽雪華深虎帳齋中設龍樓浴下吟含消兼受彩應貴家卿心

果部

卷一百四十一

櫻桃

朱櫻

宋王僧達

初櫻動時艷擅藻灼輝芳細葉未開盡一作紅葩已發光

賦得櫻桃春字韻

唐太宗

華林滿芳景洛陽遍陽春朱顏含遠日翠色影長津喬柯嚙嬌鳥低枝映美人昔作園中實今爲一作席

櫻桃

唐白居易中

有木名櫻桃得地早滋茂葉密獨承日花繁偏受露

迎風暗搖動引鳥潛來去鳥啄子難成風來枝莫住低軟易攀玩佳人屢迴顧色求桃李饒心向松筠妬好是映牆花本非當軒樹所以姓蕭人曾爲伐櫻樹

和詠解署有櫻桃

唐孫逖初

上林天禁裏芳樹有紅櫻江國今來見君門春意生香從花綬轉色繞佩珠明海鳥銜初實吳姬掃落英竊將稀取貴羞與衆同榮爲此堪攀折芳蹊處處成

奉荅南平王康賚朱櫻

梁簡文帝

倒流映碧叢點露擎朱實花茂蝶爭飛枝濃鳥相失已麗金釵瓜仍美玉盤橘寧與梅似凡不美萍如日

果部

卷一百四十一

永植平臺垂長與雲桂密一作徒然奉推甘終以愧

勅賜百官櫻桃

唐王維盛

芙蓉闕下會千官紫禁朱櫻出上蘭總是寢園春薦後非關御苑鳥銜殘歸鞍競帶青絲籠中使頻傾赤玉盤飽食不須愁內熱大官還有蔗漿寒

勅賜百官櫻桃

唐崔興宗盛

未央朝謁正逶迤天上櫻桃錫此時朱實初傳九華殿繁花舊雜萬年枝未勝晏子江南橘莫比潘家大谷梨聞道令人好顏色神農本草自應知

朝日勅賜百官櫻桃

唐張籍中

仙果人間都未有今朝忽見下天門捧盤小吏初宣  
勅當殿羣官共拜恩日色遙分廊下座露香纔出禁  
中園每年從此偏先熟願得千春奉至尊

和張員外勅賜百官櫻桃

唐韓愈中

漢家舊種明光殿炎帝還書本草經豈似滿朝承雨  
露共看傳賜出青冥香隨翠籠擎初到色映銀盤寫  
未停食罷自知無所報空然慙汗仰皇局

與沈楊二舍人閣老同食勅賜櫻桃翫物感恩

因成十二韻

唐白居易中

果部

卷一百一十五

三

櫻桃

清曉趨丹禁紅櫻降紫宸  
禽養得熟和葉摘來新  
圓轉盤傾玉鮮明籠透銀  
內圍題兩字西掖賜三臣  
榮感鼎華赤醢醢氣味真  
肉嫌盧橘厚皮笑荔枝皺  
瓊液酸甜足金丸大小勻  
偷須防曼倩惜莫擲安仁  
手擘纔離核匙抄半是津  
甘爲舌上露煖作腹中春  
已懼長尸祿仍驚數食珍  
最慙恩未報飽餒不才身

野人送櫻桃

唐杜甫盛

西蜀櫻桃也自紅野人相贈滿筠籠  
數回細寫愁仍破萬顆勻圓訝許同  
憶昨賜露門下省退朝擎出大明宮  
金盤玉筋無消息此日嘗新任轉蓬

訓裴傑秀才新櫻

唐權德輿中

新果真瓊液來應宴紫蘭圓疑竊龍頰色已奪雞冠  
遠火微微辨殘星隱隱看茂先知味易曼倩恨偷難  
忍用烹騂駱從將翫玉盤流年如可駐何必九華丹

百果嘲櫻桃

唐李商隱晚

珠實雖先熟瓊華縱早開流鶯猶故在爭得諱含來

櫻桃答百果

唐李商隱晚

衆果莫相諂天生名品高何因古樂府唯有鄭櫻桃

嘲櫻桃

唐李商隱晚

朱實鳥銜盡青樓人未歸南園無限樹獨自葉如幃

果部

卷一百一十五

三

櫻桃

石榴

深樹見一顆櫻桃尚在  
唐李商隱晚  
高桃留晚實羣得小庭南  
倭墮綠雲髻歌危紅玉簪  
惜堪充鳳食痛已被鷲含  
越鳥誇香荔齊名亦未甘  
白櫻桃  
唐韋莊晚  
王母堦前種幾株水精簾外看如無  
只因漢武金盤上瀉得珊珊白露珠

石榴

賦得石榴

梁元帝

塗林未應發春暮轉相催然燈疑夜火連珠勝早梅  
西域移根至南方釀酒來葉翠如新翦花紅似故裁

還憶河陽縣映水珊瑚開

詠石榴

隋魏澹

分根金谷裏移植廣庭中新枝含淺綠晚萼散輕紅  
影入環階水香隨度隙風路遠無由寄徒念春闈空

侍宴詠石榴

唐孔紹安

可惜庭中樹移根逐漢臣只爲來時晚開花不及春  
唐詩紀事曰紹安大業末爲監察御史高祖爲隋計  
賊河東紹安監其軍深見接遇高祖受禪紹安自洛  
陽間行來奔拜內史舍人時夏侯端亦嘗爲御史先  
來歸授秘書監紹安因侍宴詠石榴有爲來時晚  
開花不及春之句

海榴

唐溫庭筠

果部

卷一百四

二十四

石榴

海榴開似火先解報春風葉亂裁淺綠花宜插鬢紅  
蠟珠攢作蒂細絲剪成叢鄭驛多歸思相期一笑同

石榴

唐李商隱

榴枝婀娜榴實繁榴膜輕明榴子鮮可羨瑤池碧桃  
樹碧桃紅頰一千年

山中石榴

梁江淹

美木艷樹誰望誰待縹華翠萼紅華絳采炤列泉石  
芬披山海奇麗不移霜雪不改

詠樓前海石榴

唐孫逖

客自新亭郡朝來數物華傳君妓樓好初落海榴花

露色珠簾映香風粉壁遮更宜林下雨日晚逐行車

詠鄰女東窓海石榴

唐李白

魯女東窓下海榴世所稀珊瑚映綠水未足比光輝  
清香隨風發落日好鳥歸願爲東西枝低舉拂羅衣  
無由共攀折引領望金扉

詠興寧寺經藏院海石榴花

唐皇甫冉

嫩葉生初茂殘花少更鮮結根龍藏側故欲競青蓮

弱植不盈尺達意駐蓬瀛月寒空堦曙幽夢綵雲生

糞壤擢珠樹莓苔插瓊英芳根閱顏色徂歲爲誰榮

果部

卷一百四

二十五

摘安石榴贈劉孝威

梁王筠

中庭有奇樹當戶發華滋素莖表朱實綠葉厠紅粧  
旣標太冲賦復見安仁詩宗生仁壽殿族代疑作河

陽湄有美清淮北如玉又如龜退書寫蟲篆進對一  
封多好辭我家新置側可求不難識相望阻盈盈相

思滿胸臆高枝爲君採請寄西飛翼

詠郡齋海榴

唐宋之間

澤國韶氣早開簾延霽天野禽宵未嘯山蜚畫仍眠  
目茲海榴發列映巖檻前熠燿御風靜葳蕤含景鮮  
清晨綠堪佩亭午丹欲燃昔忝金閨籍嘗見玉池蓮

未若宗族地更逢榮耀全南金雖自貴賞詎能還  
撫躬萬里絕豈染一朝妍徒緣滯遐郡常是惜流年  
越俗鄙章甫捫心空自憐

感石榴

唐元稹中

何年安石國萬里貢榴花迢遞河源道因依漢使槎  
酸辛犯葱嶺憔悴涉龍沙初到標珍木多來比亂麻  
深拋故國裏少種貴人家唯我荊州見憐君胡地賒  
從教富路長兼恣入簷斜綠葉栽煙翠紅英動日華  
新簾裙透影疎牖燭籠紗委作金爐焰飄成玉砌瑕  
乍驚珠綴密終誤繡幃奢風翻一樹火電轉五雲車

果部

卷三

三六

病中庭際海石榴花盛發而有寄

唐皮日休

晚

一夜春工綻絳囊碧油枝上晝煌煌風勻低似調紅  
露日暖唯憂化赤霜火齊滿枝燒夜月金津含露滴  
朝陽不知桂樹知情否無限同遊阻陸郎

奉和海石榴花發次韻

唐陸龜蒙

晚

紫府真人餉露囊倚蘭燈燭未熒煌丹華乞曙先凌  
日金焰欺寒却照霜誰與佳名從海曲祗應芳裔出

河陽那堪謝氏庭前見一段清香染卻郎

荔枝

詠荔枝

梁劉霽

叔師貴其珍武仲稱斯美良由自達致含滋不留齒

荔枝三首

唐韓偓

晚

遐方不許貢珍奇密詔唯教進荔枝漢武碧桃爭比  
得枉令方朔號偷兒  
封開玉籠雞冠澀葉視金盤鶴頂鮮想得佳人微露  
齒翠釵先取一枝懸

果部

卷三

三七

荔枝

露結成冰入茜羅囊

題郡中荔枝詩十八韻兼寄萬州楊八使君

唐白居易

奇果標南土芳林對北堂素華春漠漠丹實夏煌煌  
葉捧低垂戶枝擎重壓牆始因風弄色漸與日爭光  
夕訝條懸火朝驚樹點妝深於紅躑躅大校白檳榔  
星綴連心朶珠排耀眼房紫羅裁視教白玉裏填  
早歲曾聞說今朝始摘嘗嚼疑天上味嗅異世間香  
潤勝蓮生水鮮逾橘得霜臙脂掌中顙甘露舌頭漿  
物少尤珍重天高苦渺茫已教生暑月又使阻遐方



粹液靈難駐妍姿嫩易傷近南光景熱向北道塗長  
不得充王賦無由寄帝鄉唯君堪擲贈面白似潘郎

○棗

大棗詩

北方荒中有棗林實長六七寸氣味潤澤殊常棗赤松子詩云

北方大棗味有殊既可益氣又安軀

棗詩

晉趙整

北園有一樹布葉垂重陰外雖多棘刺內實有赤心

賦棗

梁簡文帝

浮華齊水麗垂彩鄭都奇白英紛靡靡紫實標離離  
風搖羊角樹日映雞心枝穀城踰石蜜蓬岳表仙儀

果部

卷三百五

二八

東

已聞安邑美永茂玉門垂

棗下何纂纂

古咄咄歌曰棗下何橫橫榮華各適今日陽誰有時東初欲亦時人從四邊來棗

梁簡文帝

垂花臨碧澗結翠依丹巘非直入遊宮兼期植靈苑

落日芳春暮遊人歌吹晚弱刺引羅衣朱實凌還憶

且歡洛浦詞無羨安期達

○橘

柑併入 橙附

詠橘

梁簡文帝

歲稔映庭樹枝葉凌秋芳故條雜新實金翠共含霜  
攀枝折縹緗甘旨若瓊漿無假存雕飾玉盤余自嘗

奉和簡文帝詠橘

梁徐摛

麗樹標江浦結翠似芳蘭焜煌玉衡散照曜金衣丹  
愧以無雕飾徒然登玉盤

橘詩

梁虞羲

衝飈發隴首朔雪度炎洲摧折江南桂離披漠北楸  
獨有凌霜橘榮麗在中州從來自有節歲暮將何憂

詠柑

陳徐陵

朱實挺江南苞品擅珍淑上林雜嘉樹江潭間脩竹  
萬室擬封侯千株挺荆國綠葉萋以布素榮芬且郁  
得陳終宴歡良垂雲雨育

果部

卷三百五

二九

橘

詠橘樹

隋李孝貞

嘉樹出巫陰分根徙上林白華如散雪朱實似懸金  
布影臨丹地飛香度玉岑自有凌冬質能守歲寒心

詠橘

唐李嶠

萬里盤根植千株布葉繁既榮潘子賦方重陸生言

玉藟含霜動金衣逐吹翻願辭湘水曲長茂上林園

橘柚

原作古詩

無名氏

橘柚垂華實乃在深山側聞君好我甘竊獨自彫飾  
委身玉盤中歷年冀見食芳菲不相投青黃忽改色  
人儻欲我知因君爲羽翼

甘樹一作樹間

唐杜甫盛

岑寂雙甘樹婆娑一院香交柯低几杖垂實礙衣裳  
滿歲如松碧同時待菊黃幾迴霜葉露乘月上胡牀

園橘

梁沈約

綠葉迎露滋朱苞待霜潤但令入玉梓金衣非所恡

園橘

梁范雲

芳條結寒翠圓一作實變霜朱徙根楚州上來復廣

庭隅

庭橘

唐孟浩然盛

明發覽羣物萬木何陰森凝霜漸口水庭橘似懸金

果部

卷百五十一

三十一 橘

女伴爭攀摘口窺礙葉深並生憐共蒂相示感同心

骨刺紅羅被香拈翠羽簪擎來玉盤裏全勝在幽林

柑園

唐杜甫盛

春日清江畔千柑二頃園青雲著葉密白雪避花繁

結子隨邊使開筒近至尊後於桃李熟終得獻金門

南中榮橘柚

唐柳宗元中

橘柚懷貞質受命此炎方密林耀朱綠晚歲有餘芳

殊風限清漢飛雪滯故鄉攀條何所歎北望熊與湘

病橘

唐杜甫盛

伊一作橘少生意雖多亦奚爲惜哉結實小酸澀如

棠梨剖之盡蠹蝕采掇爽所宜紛然不適口豈止存

其皮蕭蕭半死葉未忍別故枝玄冬霜雪積况乃迴

風吹管聞蓬萊殿羅列瀟湘姿此物歲不稔玉食失

光輝冠盜尚憑陵當君戒膳時汝病是天意吾意罪

有司憶昔南海使奔騰獻荔枝百馬死山谷到今者

舊悲

柳州城西北隅種甘樹

唐柳宗元中

手種黃甘二百株春來新葉徧城隅方同楚客憐皇

樹不學荊州利木奴幾歲開花聞噴雪何人摘實見

垂珠若教坐待成林日滋味還堪養老夫

果部

卷百五十一

三十一 橘

揀貢橘書情

唐白居易中

洞庭貢橘揀宜精太守勤王請自行珠顆形容隨日

長瓊漿氣味得霜成登山敢惜駑駘力望闕難伸螻

蟻情疎賤無由親跪獻願憑朱實表丹誠

奉和揀貢橘

唐張彤中

凌霜遠涉太湖深雙卷朱旗望橘林樹樹籠煙疑帶

火山山照日似懸金行看採掇方盈手暗覺馨香已

滿襟揀選封題皆盡力無人不感近臣心

荅鄭騎曹青橘絕句

一作故人重九日求橘書中茂卿

唐韋應物中

憐君卧病思新橘試摘猶酸亦未黃書後欲題三百  
顆洞庭須待滿林霜

早春以橘子寄魯望

唐皮日休

箇箇和枝葉捧鮮彩疑猶帶洞庭煙不爲韓嫣金丸  
重直是周王玉果圓剖似日魂初破後弄如星髓未  
銷前知君多病仍中聖盡送寒苞向枕邊

襲美以春橘見惠兼之雅篇次韻酬謝

唐陸龜蒙

到春猶作九秋鮮應是親封白帝煙良玉有漿須讓  
味明珠無類亦羞圓堪居漢苑霜梨上合在仙家火

果部

卷三百四十一

三十一 橘

棗前珍重更過三十子不堪分付野人邊

以獻梁元帝

照公院雙橙

唐李頎

種橙夾階生得地細葉隔簾見雙翠抽條向長未及  
肩泉水遶根日三四青青何必楚人家帶雨凝煙新  
著花永願香爐灑甘露夕陽時映東枝斜南庭黃竹  
幽不敵借問何時堪挂錫

雜果

楊梅 柿 栗 胡桃 葡萄 枇杷

楊梅

梁江淹

寶跨荔枝芳軼木蘭懷蕊挺實涵英粦丹鏡日繡壑

昭霞綺繡爲我羽翼委君玉盤

詠柿

梁庾仲容

發葉臨層檻翻英粦花藥風生樹影移露重新枝弱  
苑朱正葱翠梁烏未銷鑠

賦得雜言詠栗

陳陸玠

貨見珍於有漢不取貴於隆周英肇萌於朱夏實方  
落於素秋委玉盤雜椒糝將象席粦珍羞

胡桃

唐李白

紅羅袖內分明見白玉盤中看却無疑是老僧休念  
誦腕前推下水晶珠

果部

卷三百四十一

三十一 雜果

詠張十一旅舍葡萄

唐韓愈

新莖未徧半猶枯高架支離倒復扶若欲滿盤堆馬  
乳莫辭添竹引龍鬚

葡萄歌

唐劉禹錫

分岐浩繁縹緲蔓蟠詰曲揚翹向庭柯意思如有屬  
繁葩組綬結懸寶珠璣感馬乳帶輕霜龍鱗曜初旭  
有客汾陰至臨堂瞻雙日自言我晉人種此如種玉  
釀之成美酒令人飲不足爲君持一斗往取涼州牧

題枇杷樹

唐羊士諤

珍樹寒始花氛氲九秋月佳期若有待芳意常無絕

衛明府寄枇杷葉以詩荅之

傾筐呈綠葉重疊色何鮮詎是秋風裏猶如曉露傳  
仙方當見重消疾本應便全勝甘蕉葉空投謝氏篇

東吳俞安期彙纂  
宣城梅鼎祚增定

白下許延禪訂校

木部上

樹木總載  
槐 檉 葉 松 檜 杉 櫟 栢 桐 桂

○樹木總載

木詩

魏劉楨

咎君錯畦時東土有素木條柯不盈尋一尺再三曲  
隱生冥翳林倥偬自迫束得託芳蘭苑列植高山足  
詠樹  
北周庾信

詠樹

北周庾信

交柯乍百頃擢本或千尋  
楓子留爲式桐孫待作琴

卷一百四十一

樹木總載

殘核移桃種空花植棗林幽居對蒙密蹊徑轉深沈

奇樹

摘古詩中

無名氏  
王臺作  
枚乘

庭中有奇樹綠葉發華滋攀條折其榮將以遺所思  
馨香盈懷袖路遠莫致之此物何足貴但感別經時

賦得庭中有奇樹

陳賀循

三春節物始芳菲  
游絲細艸動春暉  
香風飄舞花間度  
好鳥和鳴枝上飛  
臨池聞竹偏增綠  
依階映雪紛如玉  
溫室庭前竟不言  
鼓吹樓中能作曲  
曾聞遠別舊難思  
攀折曾取贈佳期  
長條本自堪爲帶  
密葉由來好作帷  
星稀漢轉月輪明  
徘徊夜鵲屢相驚  
欲識

幽人蘭杜逕山窻芳桂復叢生

芳樹

齊謝朓

早翫華池陰復影

一作鼓

滄洲柅椅杙芳若斯歲蕤紛

可結霜下桂枝銷怨與飛蓬折不厠玉盤滋誰憐終委絕

芳樹

梁武帝

綠樹始搖芳芳生非一葉一葉度春風芳華自相接  
雜色亂參差衆花紛重疊重疊不可思思此誰能恆

芳樹

梁元帝

芬芳君子樹交柯御宿園桂影含秋月桃花淥春源

木部

卷一百四十一

二

樹木總載

落英逐風聚輕香帶葢翻叢枝臨北閣灌木隱南軒  
交讓良宜重成蹊何用言

芳樹

梁沈約

發萼九華隈開附寒路側氤氲非一香參差多異色  
宿昔寒飈舉摧殘不可識霜雪交橫至對之長歎息

芳樹

梁丘遲

芳葉已漠漠嘉實復離離發景旁雪屋凝暉覆華池  
輕蜂掇浮穎弱鳥隱深枝一朝容色茂千春長不移

芳樹

陳江總

朝霞映日殊未妍珊瑚照水定非鮮千葉芙蓉詎相

似百枝燈花復羞然暫欲寄根對滄海大願移華側  
綺錢井上桃蟲誰可雜庭中桂蠹豈見憐

芳樹

陳顧野王

上林通建章雜樹遍林芳日影桃蹊色風吹梅徑香  
幽山桂葉落馳道柳條長折榮疑路達用表莫相忘

芳樹

陳李爽

芳樹千株發搖蕩三陽時氣軟來風易枝繁度鳥遲  
春至花如錦夏近葉成帷欲寄邊城客路遠詎能持

芳樹

陳張正見

奇樹舒春苑流芳入綺錢合歡分四照同心影

木部

卷一百四十一

三

樹木總載

萬年香浮佳氣裏葉映彩雲前欲識揚雄賦金玉滿  
甘泉

芳樹

唐盧照隣

芳樹本多奇年華復在斯結翠成新幄開紅滿故枝  
風歸花歷亂日度影參差容色朝朝落思君君不知

芳樹

唐宋之問

何地早芳非宛在長門殿天桃色若綬穠李光如練  
啼鳥弄花疎游蜂飲香遍歎息春風起飄零君不見

枯樹歌

無名氏

建章三月火黃河千里槎若非金谷滿園樹即是河

楊一縣花

河邊枯樹

梁劉臻

奇樹臨芳渚半歛若龍門疾風摧勁葉沙岬毀盤根  
將軍猶未坐匠石不曾論無復凌雲勢空餘激浪痕  
可嗟摧折盡詎得上河源

庭前枯樹

隋孫萬壽

當時金谷裏昔日平陵東布葉俱承露開花共待風  
搖落一如此容華遂不同庭前生意盡井上蠹心空  
匠者無勞顧擁腫難爲功

詠河邊枯樹

唐長孫佐輔

木部

卷一百五

四

樹木總載

野火燒枝水洗根數圍孤樹半心存應是無機承雨  
露却將春色寄苔痕

枯樹

唐韓愈

老樹無枝葉風霜不復侵腹穿人可過皮剥蟻還尋  
寄託惟朝菌依投絕暮禽猶堪持改火未肯但空心

古樹

唐張籍

古樹枝柯少枯來復幾春露根堪繫馬空腹定藏人  
蠹節莓苔老燒痕霹靂新若當江浦上行客祭爲神

神樹詞

唐王建

我家家西老棠樹須晴即晴雨即雨四時八節上杯

盤願神莫離神處所男不著丁女在舍事官上下無  
言語老身長健樹婆娑萬歲千年作神主

府試木向榮

唐鄭谷

園林青氣動衆木散寒聲敗葉墻陰在滋條雪後榮  
欣欣春令早藹藹日華輕庾嶺梅先覺隋堤柳暗驚  
山川應物候臯壤起農情祇待開花日連栖出谷鶯

賦得古木卧平沙

唐王泠然

古木卧平沙摧殘歲月賒有根橫水石無葉拂煙霞  
春至苔爲葉冬來雪作花不逢星漢使誰辨是靈槎

賦得海邊樹

唐皇甫冉

木部

卷一百五

五

樹木總載

歷歷綠荒岬冥冥入遠天每同沙草發長共水雲聯  
搖落潮風早離披海雨偏故傷遊子意多在客舟前

長信宮中樹

唐喬知之

婀娜當軒樹丰茸倚蘭殿色豔九春時風搖五湖扇  
餘香鳥哢盡新葉蟲蠹遍零落心自知芳菲君不見

暑日題道傍樹

唐王穀

火輪迸焰燒長空浮埃撲面愁朦朧羸童走馬喘不  
進忽逢碧樹含清風清風留我移時住滿地濃陰懶  
前去却歎人無及物功不似團團道傍樹

路傍樹

唐馬戴



古樹何人種清陰減昔時莓苔根半露風雨一作雪節  
偏危蟲蠹心將穴蠅催葉回衰樵童不須剪聊起邵  
公思

山上樹

唐于鄴晚

日煖山上路鳥啼知己春忽逢幽隱處如見獨醒人  
石冷開常晚風多落亦頻樵夫應不識歲久伐爲薪

移樹

北周庾信

酒泉移赤柰河陽徙石榴雖言有千樹何處似封侯

種樹

唐于鵠中

一樹新栽蓋四隣野夫如到舊山春樹成多是人先

木部

卷百四十五

六一 樹木總載

老垂白看他攀折人

永樂縣所居一艸一木無非自栽今春悉已芳

茂因書即事

唐李商隱晚

手種悲陳事心期玩物華柳飛彭澤雪桃散武陵霞  
枳嫩栖鸞葉桐香待鳳花綬藤繁弱蔓袍艸展新芽  
學植功雖倍成蹊跡尚賒芳年誰共玩終老邵平瓜

截樹

唐白居易中

種樹當前軒樹高柯葉繁惜哉遠山色隱此朦朧間  
一朝持斧斤手自截其端萬葉落頭上千峰來面前  
忽似決雲霧豁達觀青天又如所念人久別一欸顏

始有清風至稍見飛鳥還開懷東南望目遠心遼然  
人各有偏好物莫能兩全豈不愛柔條不如見青山

早秋望華清宮中樹

唐盧綸中

可憐雲木聚滿禁碧濛濛色潤靈泉近陰清輦路通  
玉壇標八桂金井識雙桐交映凝寒露相和起夜風  
數枝盤石上幾葉落雲中燕拂宜秋露蟬鳴覺晝空  
翠屏更隱見珠綴共玲瓏雷雨生成早樵蘇禁令雄  
野藤高助綠仙果迴呈紅惆悵綵垣暮茲山聞暗蛩

對芳樹

唐韋應物中

迢迢芳園樹列映清池曲對此傷人心還如故時綠

木部

卷百四十五

七

樹木總載

風條灑餘靄露葉承新旭佳人不再攀下有往來躅

翫松竹

唐白居易中

坐愛前簷前卧愛北窗北窗竹多好風簷松有嘉色  
幽懷一以合俗念隨緣息在爾雖無情於予即有得  
乃知性相近不必動與植

望宅中樹有所思

唐盧照隣初

我家有庭樹秋葉正離離上舞雙棲鳥中秀合歡枝  
勞思復勞望相見不相知何當共攀折歌笑此堂垂

賦得山樹鬱蒼蒼送劉散

唐許敬宗初

喬木託危岫積翠繞連岡葉疎猶漏影花少未流芳

風來聞蕭蕭霧罷見蒼蒼此中錢行邁不異上河梁

賦得雲中辨江樹送竇校書 唐張九齡

初

江水連天色無涯淨野氛微明所傍樹凌亂清前雲  
舉棹形隨轉登艦意漸分渺茫從此去空復惜離群

○葉

落葉

隋孔紹安

早秋驚落葉飄零似客心翻飛未肯下猶言惜故林

悲落葉

北魏蕭綜

悲落葉聯翩下重疊重疊落且飛從橫去不歸長枝  
交蔭昔何密黃鳥關關動相失夕葢雜凝露朝花翻

木部

卷五十五

八

葉

亂日亂春日起春風春風春日此時同一霜兩霜猶  
可當五晨六旦已颯黃乍逐驚風舉高下任飄颻悲  
落葉落葉何時還風昔共根本無復一相關各隨灰  
土去高枝難重攀一云悲落葉連翩下重疊落且飛  
生時如此零落不可持悲落葉落悲人  
葉何時還風昔共根本無復一相關

紅葉

唐羅隱

曉

不奈荒城畔那堪晚照中野晴霜裊綠山冷雨催紅  
遊子灞陵道美人長信宮等閒居歲暮搖落意無窮

看黃葉

唐張說

初

白首看黃葉徂顏復幾何空慚棠樹下不見政成歌

題洛苑梧葉二首

唐明皇宮人

初

一入深宮裏年年不見春聊題一片葉寄與有情人

二

舊寵悲秋扇新恩寄早春聊題一片葉將寄接流人

題紅葉

唐宣宗宮人

晚

水流何太急深宮盡日閒殷勤謝紅葉好去到人間

和宮女題紅葉

唐顧況

中

愁見鶯啼柳絮飛上陽宮女斷腸時君恩不禁東流  
水葉上題詩寄與誰

○松

木部

卷五十五

九

松

擬嵇中散詠松

晉謝道韞

遙望山上松隆冬不能凋願想下遊翹瞻彼萬仞條  
騰躍未能升頓足俟王喬時哉不我與大運所飄飄

松詩

晉袁宏

森森千丈松磊砢非一節雖無橫櫨麗較為梁棟桀

松詩

晉傅玄

飛蓬隨飄起芳艸摧山澤世有千年松人生詎能百

松

飲酒中  
摘出

晉陶淵明

青松在東園衆艸沒奇一作姿凝霜殄異類卓然見

高枝連林人不覺獨樹衆乃奇提壺挂一作寒柯遠

望時復爲吾生夢幻間何事繼塵羈

詠松樹

隋李德林

結根生上苑擢秀適華池歲寒無改色年長有倒枝  
露自金盤洒風從玉樹吹寄言謝霜雪貞心自不移

詠松

唐李嶠

鬱鬱高巖表森森幽澗陲鶴栖君子樹風拂大夫枝  
百尺條陰合千年蓋影披歲寒終不改勁節幸君知

松

原作  
古意

唐王績

松生北巖下由來人徑絕布葉捎雲煙插根擁巖穴  
自言生得地獨負凌雲潔何時長斤斧幾度經霜雪

木部

卷一百五

十

松

詠松

唐韓愈

倚空高檻冷無塵往事閑徵夢欲分翠色本疑霜後  
見寒聲偏向月中聞啼猿想帶蒼山雨歸鶴遙應一作

詠寒松

梁范雲

脩條拂層漢密葉障天濤凌風知勁節負雪見貞心

寒松

梁沈約

梢聳振寒聲青葱標暮色疎葉望嶺齊喬幹臨雲直

逢同蔡起居偃松篇

唐張說

清都衆木總榮紛傳道孤最出群名接天庭長光

景一作氣連官闕借氛氲懸池滴滴停華露似益重  
重拂瑞雲不惜流膏助仙鼎願將楨幹奉明君莫比  
冥靈楚南樹朽老江邊代不聞

偃松詩

有序

唐劉禹錫

侍中後閣前有小松不特立而偃丞相晉公爲賦  
詩美其猶龍虵然植于高檐喬木間上斂旁軋盤  
蹙傾亞自不得天和者公以遂物性爲意乃加憐  
焉命蕃土以壯其趾使無斂索綯以牽其餘使不  
什盥漱之飲以潤之顧盼之輝以照之發於人心  
感召和氣無復天閼坐能敷舒鄉之跼蹙化爲奇

木部

卷一百五

十一

松

古故雖豪丈而有偃號焉予嘗詣閣白事公爲道  
所以且示以詩竊感嘉木之逢時斐然成詠  
勢軋枝偏根已危高情一見與扶持忽從憔悴有生  
意卻爲離披無俗姿影入巖廊行樂處韻含天籟宿  
齋時謝公莫道東山去取待成陰滿鳳池

孤松篇

唐劉希夷

蠶月桑葉青鶯時柳花白澹豔煙雨姿敷芳陽春陌  
如何秋風起零落從此始獨有南澗松不歎東流水  
玄陰天地冥皓雪朝夜零豈不罹寒暑爲君留青青  
青青好顏色落落任孤直群樹遙相望衆艸不敢逼

靈龜卜真隱仙鳥宜棲息耻受秦帝封願言唐侯食  
寒山夜月明山冷氣清淒淒今歸鳳集吹之作琴聲  
松子臥仙岑寂聽疑野心清冷有真曲樵采無知音  
美人何時來幽徑委綠苔吁嗟深澗底棄捐廣厦材  
孤松吟訓渾贊善  
唐盧綸中

深山荒松枝雪壓半離披朱門青松樹萬葉乘清露  
露重色逾鮮吟風似遠泉天寒香自發日麗影長圓  
陰郊一夜雪榆柳皆枯折迴首望君家翠蓋滿瓊花  
捧君青松曲自顧同衰木曲罷不相親深山頭白人

四松

唐杜甫盛

木部

卷三百五十一

十三松

四松初移時大抵三尺強別來忽三載離立如人長  
會看根不拔莫計枝凋傷幽色幸秀發疎柯亦昂藏  
清風爲我起洒面若微霜足以送老姿聊待偃蓋張  
我生無根蒂配爾亦茫茫有情且賦詩事迹兩可忘  
勿矜千載後慘澹蟠穹蒼

中書相公任兵部侍郎日後閣植四松逾數年  
幹忝此官因獻拙什  
唐鄭幹中

丞相當時植幽襟對此開人知舟楫器天假棟梁材  
錯落龍鱗出離從鶴翅迴重陰羅武庫細響靜山臺  
得地公堂裏移根澗水隈吳臣夢寐遠秦岳歲年摧

轉覺飛縷繆何因繼組來幾尋珠履迹願比角弓培  
松悅猶依社星高久照台後凋應共操無復問良媒  
奉和四松  
唐唐扶中

幽抱應無語貞松遂自栽寄懷丞相業因擢大夫材  
日射蒼鱗動塵迎翠箒迴嫩茸含細粉初葉汎新杯  
偶聖爲舟去逢時與鶴來寒聲連曉竹靜氣結陰苔  
赫奕鳴騶至熒煌洞戶開良辰一臨眺憩樹幾徘徊  
恨發風期阻詩從綺思裁還聞舊凋弊凡在一作此  
中培

奉和四松

唐劉禹錫中

木部

卷三百五十一

十三松

右相歷中台移松武庫栽紫茸抽組綬青實長玫瑰  
便有干霄勢看成構厦材數分天柱半影逐日輪迴  
舊賞台階去新知谷口來息陰長仰望翫意幾徘徊  
翠粒晴懸露蒼鱗雨起苔凝音助瑤瑟飄蓋汎金壘  
月桂花逢燭星榆葉對開終須似雞樹榮茂近昭回  
奉和四松  
唐陶雍晚

右相歷兵署四松皆手栽斲時驚鶴去移處帶雲來  
根倍雙桐植花分八桂開生成造化力長作棟梁材  
豈羨蘭依省猶嫌柏占臺出樓終百尺入夢已三台  
幽韻和宮漏餘香度酒杯拂冠枝上雪染履影中苔

高位相承地新詩寡和才何由比蘿蔓攀附在條枚

松生隴坂上

原作擬古

晉張華

松生隴坂上百尺下無枝東南望河尾西北隱崑崖  
剛風振山籟朋鳥夜驚離悲涼貫年節葱翠恒若斯  
安得艸木心不怨寒暑移

南山松

原作歌行

古辭

南山石嵬嵬松柏何離離上枝拂青雲中心十數圍  
洛陽發中梁松樹竊自悲斧鋸截是松松樹東西摧  
持作四輪車載至洛陽宮觀者莫不歎問是何山材  
誰能刻鏤此公輸與魯班被之用丹漆薰用蘇合香

木部

卷一百一

古

松

本是南山松今爲宮殿梁

詠慈姥磯石上松

梁吳均

根爲石所蟠枝爲風所碎賴我有貞心終凌細艸輩

題張老松樹

唐宋之問

歲晚東嶸下周顧何悽惻日落西山陰衆草起寒色  
中有喬松樹使我長歎息百尺無寸枝一生自孤直

新秦郡松樹歌

唐王維

青青山上松數里不見今更逢不見君心相憶此心  
向君君應識爲君顏色高且閑亭亭迴出浮雲間

南軒松

唐李白

盛

南軒有孤松柯葉自綿綿清風無間時瀟灑終日夕

陰生古苔綠色染秋煙碧何當凌雲霄直上數千尺

石子松

唐儲光羲

盤石青巖下松生盤石中冬春無異色朝暮有清風  
五鬣何人采西山舊兩童

與楊十二巨源盧十九經濟同遊大安亭各賦

二物合爲五韻探得石松

唐元稹

片石與孤松曾經物外逢月臨栖鶴影雲抱老人峰  
蜀客君當問秦官我舊封積膏當琥珀新劫長芙蓉  
待補蒼蒼去樛柯早變龍

木部

卷一百一

十五

松

題遺愛寺前溪松

唐白居易

偃亞長松樹侵臨小石溪靜將流水對高共達峰齊  
翠蓋煙籠密花幢雪壓低與僧清影坐借鶴穩枝栖  
筆寫形難似琴偷韻易迷暑天風撼撼晴夜露淒淒  
獨憩依爲舍閒行繞作蹊棟梁若莫采留著伴幽栖

鄭轍補闕山松

唐張蠙

心將積雪欺根與白雲離遠寄僧猶憶高看鶴未知  
影交新長葉皺匪舊生枝多少同時種深山不得移

禁中春松

唐陸贄

陰陰清禁裏蒼翠滿春松雨露恩偏近陽和色更濃

高枝分曉日靈韻一作雜宵鐘嵐香助爐煙透形  
疑蓋影重願符千載壽不羨五株封倘得迴天眷全  
勝老碧峰

禁中春松

唐周存

幾歲含貞節青青禁中日華畱偃蓋雉尾轉春風  
不爲繁霜改那將衆木同千條攢翠色百尺澹晴空  
影密金莖近花明鳳沼通安知幽澗側獨與散樗叢

禁中春松

唐員南溟

鬱鬱貞松樹陰陰在紫宸葱龍偏近日青翠更宜春  
雅韻風來起輕煙霽後新葉深栖語鶴枝亞拂朝臣

木部

卷一百五十一

七

禁中春松

唐常沂

映殿松偏好森森列禁中攢柯沾聖澤疎蓋引皇風  
晚色連秦苑春香滿漢官操將貞石固材與直臣同  
翠影宜青瑣蒼枝秀碧空還知沐天眷千載更蔥龍

嚴鄭公堦下新松

唐甫

弱質豈自負移根方爾瞻細聲聞玉帳疎翠近珠簾  
未見紫煙集虛蒙清露霑何當一百丈歛蓋擁高簷

貢院樓北新栽小松

唐李正封

青蒼初得地華省植來新尚帶山中色猶含洞裏春

近樓依北戶隱砌淨游塵鶴壽應成蓋龍形未有鱗  
爲梁資大厦封爵耻羸秦幸此觀光日清風屢得親

貢院樓北新栽小松

唐白行簡

華省春霜曙樓陰植小松移根依厚地委質別危峰  
北戶知猶遠東堂幸見容心堅終待鶴枝嫩未成龍  
夜影看仍薄朝嵐色漸濃山苗不可陰孤直俟秦封

北鄉古松樹

隋煬帝

古松惟一樹森竦詎成林獨留塵尾影猶橫偃蓋陰  
雲來聚雲色風度雜風音孤生小庭裏尚表歲寒心

木部

卷一百五十一

七

文宣王廟古松

唐李胃

列植成均裏分陰古廟前陰森非一日蒼翠自何年  
寒影煙霜暗晨光枝葉妍近簷陰更靜臨砌色相鮮  
每愧聞鐘磬多慚接豆籩更宜教胄子于此學貞堅

松聲

唐白居易

月好好獨坐雙松在前軒西南微風來潛入枝葉間  
蕭寥發爲聲半夜明月前寒山颯颯雨秋琴泠泠弦  
一聞滌炎暑再聽破昏煩竟夕遂不寐心體俱翛然  
南陌車馬動西鄰歌吹繁誰知茲簷下滿耳不爲喧

聽松聲

唐劉得仁

庭際微風動高松韻自生聽時無物亂盡日得神清



強與幽泉並翻嫌細雨并拂空增鶴唳過牖合琴聲  
況復當秋暮偏宜在月明不知幽澗底蕭瑟有誰聽

○檜

謝寺雙檜

唐劉禹錫

雙檜蒼然古貌奇含煙吐霧鬱參差晚依禪客當金  
殿初耐將軍映畫旗龍象界中成寶蓋鴛鴦瓦上出  
高枝長明燈是前朝焰曾照青青年少時

法雲雙檜

唐溫庭筠

晉朝名輩此離群想對濃陰去住分題處尚尋王內  
史畫時應是顧將軍長廊夜靜聲疑雨古殿秋深影

木部

卷百五

十八

檜

勝雲一下南臺到人世晚泉清籟更難聞

○柏

連理柏詩

謝敬瑜妻王氏霸陵王整之姊適敬瑜年十六而夫亡父母舅姑咸欲嫁之不許乃截耳置盤中為誓乃止雍州刺史蕭藻嘉其美節表其門南史曰貞女云塔種樹百株墓前柏樹忽成連理女乃為詩曰

梁王氏謝敬瑜妻

墓前一株柏連根復並枝妾心能感木顏城何足奇

庭柏

北齊魏收

古松圖偃蓋新柏寫鑪峰凌寒翠不奪迎暄綠更濃  
如葉輕沈體咀質化衰容將使中臺麟違山能見從

古柏行

唐杜甫

孔明廟前有老柏柯如青銅根如石霜皮溜雨四十  
圍黛色參天二千尺君臣已與時際會樹木猶為人  
愛惜雲來氣接巫峽長月出寒通雪山白憶昨路連  
錦亭東先主武侯同閔宮崔嵬枝幹郊原古窈窕丹  
青戶牖空落落盤踞雖得地冥冥孤高多烈風扶持  
自是神明力正直元因造化功大厦如傾要梁棟萬  
牛回首丘山重不露文章士已驚未辭翦伐誰能送  
苦心豈免容螻蟻香葉終經宿鸞鳳志士幽人莫怨  
嗟古來材大難為用

武侯廟古柏

唐李商隱

木部

卷百五

九

柏

蜀相階前柏龍蛇捧閭宮陰成外江畔老向惠陵東  
大樹思馮異甘棠憶召公葉凋湘燕雨枝折海鵬風  
王壘經綸遠金刀歷數終誰將出師表一為問昭融

題小柏

唐李商隱

憐君孤秀植庭中細葉輕陰滿座風桃李盛時雖寂  
寞雪霜多後始青葱一作榮枯事百尺方

病柏

唐杜甫

有柏生崇岡童童狀車蓋偃蹇龍虎姿主當風雲會  
神明依正直故老多再拜豈知千年根中路顏色壞

出非不得地蟠據亦高大歲寒忽無憑日夜柯葉改  
丹鳳領九雛哀鳴翔其外鷗鴟志意滿養子穿穴內  
客從何鄉來竚立久吁怪靜求元精理浩蕩難倚賴  
使院中新栽柏樹子呈李十五栖筠

唐岑參

愛爾青青色移根此地來不曾臺上種留向磧中栽  
脆葉欺門柳狂花笑院梅不須愁歲晚霜露豈能摧  
○桐

詠椅桐

宋伏系之

亭亭椅桐鬱茲庭圃翠條疎風綠柯蔭宇

木部

卷百五十一

二十

遊東堂詠桐

齊謝朓

孤桐北牕外高枝百尺餘葉生既婀娜葉落更扶疎  
無華復無實何以贈離居裁爲珪與瑞足可命參墟

詠桐

齊王融

鸞鳳影層枝輕虹鏡展綠豈數龍門幽直慕瑤池曲

詠桐

梁沈約

秋還遽已落春曉猶未凋微葉雖可賤一翦或成珪

詠桐

隋魏澹

本求裁作瑟何用削成珪願寄華庭裏枝橫待鳳栖

詠桐

隋陸季覽

搖落依空井生處尚餘心不辭先入爨惟恨少知音

詠桐

唐李嶠

孤秀嶧陽岑萋萋出衆林春光雜鳳影秋月弄圭陰  
高映龍門迴雙依玉井深不因將入爨誰爲作鳴琴

蜀桐

唐李商隱

玉壘高桐拂玉繩上含非霧下含氷枉教紫鳳無栖  
處斷作秋琴彈廣陵

山行見孤桐

宋鮑照

桐生藁石裏根孤地寒陰上倚崩岸勢下帶洞阿深  
奔泉冬激射霧雨夏霖淫未霜葉已肅不風條自吟

木部

卷百五十一

二十一

昏明積苦思晝夜叫哀禽棄妾望掩淚逐臣對撫心  
雖以慰單危悲涼不可任幸願見雕斲爲君堂上琴

詠孤桐

梁沈約

龍門百尺時一作峙排雲少孤立分根蔭玉池欲待高

鸞集

段有聽孤桐

唐王昌齡

鳳凰所宿處月映孤桐寒槁葉零落盡空柯蒼翠殘  
虛心誰能見直影非無端響發調尚苦清商勞一彈

孤桐

唐雍陶

疎桐餘一幹風雨日蕭條歲晚琴材老天寒圭葉凋

已悲根半死復恐尾全焦幸在龍門下知音宵寂寥

雙桐生空井

魏明帝獵虎行  
曰雙桐生空井

梁簡文帝

季月雙桐井新枝雜舊株晚葉藏栖鳳朝花拂曙烏  
一作照銀牀繫轡轡

題僧房雙桐

唐李頎

青桐雙拂日傍帶凌霄花綠葉傳僧磬清陰潤井華  
誰能事音律焦尾蔡邕家

共賦韻詠庭中桐

梁吳均

龍門有奇價自言梧桐枝華暉實掩映細葉能披離  
不降周王子空待歲時移嚴風忽交勁遂使無人知

木部

卷一百四十五

三

奉酬從兄臨川桐樹

梁王筠

伊昔擅羽儀待價龍門垂優游清露點微徽一作穆惠  
風吹月上陰陽餘雲覆死生枝公子存高尚聊用影

華池栖鸞既不重舞鶴復何施方同散木爨清響竟  
誰知

悲落桐

梁沈約

悲落桐落桐早霜露燕至葉未凋鴻來枝已素本出  
龍門山長枝仰刺天上峯百丈絕下此萬尋懸幽根  
未蠟結孤枝復危絕初不照光景終年負霜雪自顧  
無羽儀不願生曲池芬芳本自乏華實無所施公子

特畱貯王孫少見知分取孤生枿徙置北堂陲宿莖

抽晚幹新葉生故枝故枝雖遼遠新葉頗離離春風

一朝至榮華坐如斯自惟良非薄君恩徒照灼顧已

非嘉樹空用憑阿閣願作清廟琴為君舞玄鶴薜荔

可為裳文杏堪作梁勿言草木賤徒照君末光末光

不徒照為君含噉咷一作陽柯淥水絃陰枝苦寒調

厚德非所任敢不虛其心若逢陽春至吐綠照清潯

零落桐

隋虞世基

零落三秋幹摧殘百尺柯空餘半心在生意漸無多

桐花

唐白居易

木部

卷一百四十五

三

春令有常候清明桐始發何此巴峽中桐花開十月  
豈伊物理變信是土宜別地氣反寒暄天時倒生殺  
草木堅強物所稟固難奪風候一參差榮枯遂乖刺  
况我北人性不耐南方熱強羸壽夭間安得依時節

桐竹

唐李伯魚

北竹青桐北南桐

一作綠竹南竹林君早愛桐樹我

初貪鳳栖桐不愧鳳食竹何慚栖食更如此餘非鳳

所堪

答李伯魚桐竹

唐張說

結廬桐竹下室邇人相深接坦分竹徑隔戶共桐陰

落花朝滿岼明月夜披林竹有龍鳴管桐留鳳舞琴  
奇聲與高節非君誰賞心

○桂

詠桂

梁庾肩吾

新叢入望苑舊幹別層城倩視今移處何如月裏生

詠桂樹

梁范雲

南中有八樹繁華無四時不識風霜苦安知零落期

詠桂樹

北周王褒

歲餘彫晚葉年至長新圍月輪三五映鳥生八九飛

詠桂

唐李嶠

木部

卷一百一

三

未植銀宮裏寧移玉殿幽枝生無限月花滿自然秋

俠客條爲馬仙人葉作舟願君期道術攀折可淹留

桂樹原作古意

唐王績

桂樹何蒼蒼秋來花更芳自言歲寒性不知露與霜

幽人重其德徙植臨前堂連拳八九樹偃蹇二三行

枝枝自相糾葉葉還相當去來雙鴻鵠栖息兩鴛鴦

榮蔭誠不厚斤斧亦勿傷赤心許君時此意那可忘

小桂

唐吳

一子落天上生此青壁枝歛從山之幽斷斷雲根移

勁挺隱珪質盤珊緹油姿葉彩碧隨融花口白毫裝

稜層立翠節偃蹇樛青螭影澹雪霽後香汎風和時

題殿前桂葉

唐盧僎

桂葉生南海芳香隔遠山今朝天上見疑是月中攀

廬山桂

唐白居易

偃蹇月中桂結根依青天風繞月起吹子下人間

飄零委何處乃落匡廬山生爲石上桂葉如剪碧鮮

枝幹日長大根荻日牢堅不歸天上月空老山中年

無人爲移植得入上林園不及紅花樹長栽溫室間

月中桂樹

唐顧封人

芬馥天邊桂扶疎在月中能齊大椿長不與小山同

木部

卷一百一

三

皎皎舒華色亭亭麗碧空虧盈寧委露搖落不關風

月中桂樹

唐張喬

與月轉鴻蒙扶疎萬古同根非生下土葉不墮秋風

每以圓時足還隨缺處空影高羣木外香滿一輪中

○桑

帝女桑

晉郭璞

爰有洪桑生濱淪潭厥圍五丈枝相交參圍客是采

帝女所蠶

桑詩

宋謝靈運

詩人陳條柯亦有美攘剔前修爲誰故後事資紡績

常佩知方誠愧微富教益浮陽鶯嘉月藝桑追開隙  
疎欄發近郭長行達廣場曠流始忘泉洄塗猶跼跡  
俾此將長成慰我海外役

陌上桑二首

梁蕭子顯

日出秦樓明條垂露尚盈蠶飢心自急開奩妝不成

二

今月開和景處處動春心挂筐須葉滿息倦重枝陰

陌上桑

梁王筠

人傳陌上桑未曉已含光重重相蔭映軟弱一作自

芬芳秋胡始倚馬羅敷未滿筐春蠶朝已老安得父

木部

卷一百四十二

三六

桑

陌上桑

唐常建

賢翳陌上桑南枝交北堂美人金梯出素手自提筐

非但畏蠶飢盈盈嬌路傍

萬山見采桑人

梁劉邈

倡妾不勝愁結束下青樓逐伴西城一作路相攜南

陌頭棄盡時移樹枝高乍易鉤絲繩挂且脫金籠寫

復收蠶飢日已暮詎爲使君留

至烏林村見采桑者因有贈 梁王樞

遙見提筐下翩妍實端妙將去復迴身欲語先爲笑

閨中初別離不許覓新知空結茱萸帶敢報木蘭枝

採桑

梁沈君攸

南陌落花移蠶妾畏桑萎逐便牽低葉爭多避小枝  
摘駛籠行滿攀高腕欲疲看金祛舉意求心自可知

採桑

英華題云和  
沈馬古意

梁吳均

賤妾思不堪採桑渭城南帶減連枝繡髮亂鳳凰簪  
花舞依長薄蛾一作飛愛綠潭無由報春信流涕向

春蠶

採桑

陳後主

春樓髻梳罷南陌競相隨去後花叢散風來香處移

木部

卷一百四十三

三七

桑

廣袖承朝日長鬟礙聚枝柯新攀易斷葉嫩摘前萎  
採繁鉤手弱微汗維妝重不應歸獨早堪爲使君知

採桑

陳張正見

春樓曙鳥驚蠶妾候初晴迎風金珥落向日玉釵明

徙顧移籠影攀鉤動釧聲葉高知手弱枝軟覺身輕

人多羞借問年少怯迎逢恐疑夫婿遠聊復答專城

採桑

陳賀徹

蠶妾出房櫳結伴類花叢度水春衫綠映日晚妝紅

釧聲時動樹衣香自入風鉤長嫩枝曲葉盡細條空

競採須盈手爭歸欲滿籠自憐公府步誰與少年同

採桑

陳傳綽

羅敷試採桑出入城南傍綺裾映珠珥絲繩提玉筐  
度身攀葉聚聳腕及枝長空勞使君問自有侍中郎

採桑

唐劉希夷

楊柳送人行青青西入秦誰家採桑女樓上不勝春  
盈盈灞水曲步步春芳綠紅臉耀明珠絳唇含白玉  
回首渭橋東遙憐春色同青絲嬌落一細綺弄春風  
攜籠長歎息遙遙戀春色看花若有情倚樹疑無力  
薄暮思悠悠使君南陌頭相逢不相識歸去夢青樓

採桑

唐鄭谷

木部

卷百四十五

三八

曉陌攜籠去桑村路隔淮何如鬪百草賄取鳳凰釵

桑婦

唐劉駕

墻下桑葉盡春蠶半未老城南路迢迢今日起更早  
一春常在樹自覺身如鳥歸來見小姑新妝弄百草

○槐

槐樹詩

魏繁欽

嘉樹吐翠葉列在雙闕涯旖旎隨風動柔色紛陸離

魏文昌殿中崇賢門外俱有美槐文帝及陳思王上蔡諸人並賦之故魏都賦曰槐以陰金

詠槐

唐李嶠

暮律移寒火春官長舊栽葉生馳道側花落鳳庭隈

烈士懷忠觸鴻儒訪業來何當赤墀下疎幹擬三台

槐花

唐羅鄴

行宮門外陌銅駝兩畔分栽此最多欲到清秋近時  
節爭開金蕊向關河層樓寄恨飄珠箔駿馬憐香撼

玉珂

○槐

槐詩

梁簡文帝

凌寒競貞節負雪固難虧無慚雲母桂詎減珊瑚枝

槐

梁江淹

木貴冬榮槐實寒色停黛峰頂插翠石側碧葉卷韻

木部

卷百四十五

三八

頽柯翕絕方陋筠櫟還笑荆棘

槐有木中

唐白居易

有木名水槐遠望青童童根株非勁挺柯葉多蒙籠  
彩翠色如柏鱗皴皮似松為同松柏類得列嘉樹中

枝弱不勝雪勢高常懼風雪壓低還舉風吹西復東  
柔芳甚楊柳早落先梧桐唯有一堪賞中心無蠹蟲

魏倉曹東堂槐樹

唐李頎

愛君雙槐一樹奇千葉齊生萬葉垂長頭拂石帶煙

雨獨立空山人莫知攢青蓄翠陰滿屋紫穗紅英曾

斷目洛陽墨客遊雲間若到麻源第三谷



○楠

高楠

唐杜甫 盛

楠樹色冥冥江邊一蓋青近根開藥圃接葉製茅亭  
落景陰猶合微風韻可聽尋常絕醉困卧此片時醒

題巴州光福寺楠木

唐嚴武 盛

楚江長流對楚寺楠木幽生赤岷背臨溪插石盤老  
根苔色青蒼山雨痕高枝開葉鳥不度半掩白雲朝  
與暮香殿蕭條轉密陰花龕滴瀝垂清露聞道偏多  
越水頭煙生霽斂使人愁月明忽憶湘川夜援叫還  
思鄂渚秋看君幽靄幾千丈寂寞窮山今遇賞亦知

木部

卷一百四十一

三十

楠

鐘梵報黃昏猶卧禪林戀奇響

題巴州光福寺楠木

唐史俊 盛

近郭城南山寺深亭亭奇樹出禪林結根幽壑不知  
歲聳榦摩天凡幾尋翠色晚將嵐氣合月光時有夜  
猿吟經行綠葉望成蓋宴坐黃花長滿襟此本嘗聞  
生豫章今朝獨秀在巴鄉凌霜不肯讓松柏作宇由  
來稱棟梁會待良工時一盼應歸法水作慈航

枯楠

唐杜甫 盛

梗楠枯岬嶮鄉黨皆莫記不知幾百歲慘慘無生意  
上枝摩皇天下根蟠厚地巨圍雷霆折萬孔蟲蟻萃

東雨落流膠衝風奪佳氣白鵠遂不來天鷄為愁思  
猶含棟梁具無復霄漢志良工苦昔少識者出涕淚  
種榆水中央長成何容易截承金露盤裊裊不自畏

楠樹為風雨所拔歎

唐杜甫 盛

倚江楠樹艸堂前故老相傳二百年誅茅卜居總為  
此五月髮髯聞寒泉一作東南飄風動地至江翻石  
走流雲氣餘排雷雨猶力爭根斷泉源豈天意滄波  
老樹性所愛浦上童童一青蓋野老頻留懼雪霜行  
人不過聽竿籟虎倒龍顛委榛棘淚痕血點垂胸臆  
我有新詩何處吟草堂自此無顏色

木部

卷一百四十一

三十一

楠

○杉

詠古杉

唐皮日休 晚

虎丘寺殿前有古杉一本形狀醜怪圖之不盡况  
百卉競媚若妬若媚唯此杉死抱奇節儼然闐然  
不知雨露之可生也風霜之可萃也乃造化者方  
外之材乎賦以見志

種日應逢晉枯來必是隋鰐狂將立處螭闢未開時  
卓犖擲槍餘必刃東戟枝初驚蟻篆活復訝猶狂癡  
勁質如堯瘦貞容學舜微勢能擒土伯醜可駭山祇  
虎爪擎巖穩虬身脫浪歛根應藏鬼血柯欲漏龍漿

杓似神茶怒呀如楔偷飢巧灘難可吃枯廔不堪治  
一炷玄霞拔三尋黑稍奇任苦為疥癬從蠹作瘡痍  
品格齊遜鶴年齡等寶龜將懷縮地力欲負拔山姿  
未倒防風骨初僵負貳尸堅應敵駿骨文定寫麒麟  
寡色諸芳笑無聲衆籟疑

郡齋移杉

唐韋應物

擢幹方數尺幽姿已蒼然結根西山寺來植郡齋前  
新含野露氣稍靜高懸眠雖為賞心遇豈有崑中緣

栽杉

唐白居易

勁葉森利劍孤莖挺端標纔高四五尺勢若干青霄  
木部 卷百四十一 三十一 杉

移栽東牕前愛爾寒不凋昨為山中樹今為簷下條  
雖然遇賞玩無乃近塵囂猶勝澗谷底埋沒隨衆樵  
不見鬱鬱松委質山上苗

○櫻欄

併欄

梁江淹

異木之生疑竹疑艸攢叢石徑森徒山道煙岫相珍  
雲壑共寶不華不緝可避工巧

枯櫟

唐杜甫

蜀門多櫻欄高者十八九其皮剝剝甚雖衆亦易朽  
徒布如雲葉青青歲寒後交橫集斧斤凋喪先蒲柳

傷時苦軍乏一物官盡取嗟爾江漢人生成復何有  
有同枯櫟木使我長歎久歎者即已休生者何自守  
啾啾黃雀嗥側見寒蓬走念爾形影乾摧殘沒藜莠

詩集類函卷一百四十二

木部

卷一百四十一

三十一 櫻欄

詩雋類函卷一百四十三

東吳俞安期彙纂 宣城梅鼎祚增定

白下許延禪訂校

木部下

楊柳 楊花附 雜樹

○柳 柳花附

詠柳

梁簡文帝

垂陰滿上路結葉早知春花絮時隨鳥風枝屢拂塵  
欲散依依采時要歌吹人

詠柳

梁吳均

細柳生堂北長風發鴈門秋霜常振葉春露詎濡根

木部

卷百四十三

楊柳

朝作離蟬字暮成宿鳥園不為君所愛摧折當何言

詠柳

陳祖孫登

馳道藏烏日鬱鬱正翻風抽翠爭連影飛綿亂上空

高葉臨胡塞長枝拂漢宮欲驗傷攀折三春橫笛中

敬和衛尉于卿詠柳

隋杜之松

漢將本屯營遼河有成城大夫曾取姓先生曾得名

高枝拂遠鴈疎影度遙星不辭攀折苦為入管絃聲

詠柳

唐李嶠

楊柳鬱氤氲金堤總翠氛庭前花類雪樓際葉如雲  
列宿分龍影芳池寫鳳文短簫何以奏攀折為思君

詠柳 一作折

唐許景先

春色東來渡渭橋青門垂柳百千條長楊西連建章  
路漢家林苑紛無數繁花始遍合歡宮游絲半胃相  
思樹春樓初日照南隅柔條垂綠掃金鋪寶釵新梳  
倭鬢髻錦帶交垂連理襦自憐柳塞淹戎幕銀燭長  
啼愁夢著芳樹朝催玉管新春風夜染羅衣薄城頭  
楊柳已如絲今年花落去年時折芳遠寄相思曲為  
惜容華難再持

詠柳

唐賀知章

碧玉妝成一樹高萬條垂下綠絲絛不知細葉誰裁

木部

卷百四十三

柳

出二月春風似剪刀

詠柳

唐滕邁

三條陌上拂金羈萬里橋西映酒旗此日令人腸欲

斷不堪將入笛中吹

題柳

唐韓琬

折柳歌中得翠條遠移金殿種青霄上陽宮女吞聲

送不忿先歸學舞腰

楊柳歌

北周庾信

河邊楊柳百丈枝別有長條宛地垂河水衝激根株  
危候忽河中風浪吹可憐巢裏鳳凰兒無故當年生

別離流槎一去上天池織女支機當一作見隨誰言

從來陰數國直用東南一小枝昔日公子出南皮何

處相尋玄武武陂駿馬翩翩西北馳左右彎弧仰月支

連錢障泥渡水騎白玉手扳落盤螭君言丈夫無意

氣試問燕山那得碑鳳凰新管蕭史吹朱鳥春牕玉

女窺銜雲酒盃赤瑪瑙照日食螺紫琉璃百年霜露

奄離披一旦功名不可爲定是懷王作計誤無事翻

復用張儀不如飲酒高陽池日暮歸時側接離武昌

城下誰見移官渡營前那可一作知獨憶飛絮鵝毛

下非復青絲馬尾垂欲與梅花留一曲共將長笛管

木部 卷三百三十一 柳

中吹

柳有木中 唐白居易中

有木名弱柳結根近清池風煙借顏色雨露助華滋

栽我白雪花嫋嫋青絲枝漸密陰自庇轉高梢四垂

截枝扶爲杖軟弱不自持折條用樊圃柔脆非其宜

爲樹信可玩論才何所施可惜金堤地栽之徒爾爲

柳 唐李紳中

千條垂柳拂金絲日暖牽風葉學眉愁見花狂飛不

定還同輕薄五陵兒

柳 唐李商隱晚

江南江北雪初消漠漠輕黃惹嫩條灞岸已攀行客

手楚宮先騁舞姬腰清明帶雨臨官道晚日含風拂

野橋如線如絲正牽恨王孫歸路一何遙

柳 唐溫庭筠晚

楊柳千條拂面絲綠煙金穗不勝吹香隨靜婉歌塵

起影伴嬌嬈舞袖垂羌管一聲何處曲流鶯百轉最

高枝千門九陌花如雪飛過宮牆兩不知

柳 唐釋慕幽晚

今古憑君一贈行幾回折盡復重生五株斜傍淵明

宅千樹低垂太尉營臨水帶煙藏翡翠倚風兼雨宿

木部 卷三百三十一 柳

流鶯隋皇堤上依依在曾惹當時歌吹聲

柳 唐杜牧晚

數樹新開翠影齊倚風情態被春迷依依故國樊川

恨半掩村橋半拂谿

柳 唐李山甫晚

只爲遮樓又拂橋被人摧折好枝條假饒張緒如今

在須把風流暗裏銷

從來只是愛花人楊柳何曾占得春多向客亭門外

立與他迎送往來塵

綠柳 梁元帝

長條垂拂地輕花上逐風露凝染綠葉小未鄣空

新柳

唐司空曙中

全欺芳蕙晚似妬寒梅疾撩亂發青條春風來幾日

新柳

唐顧雲晚

帶露含煙處處垂綻黃搖綠嫩參差長堤未見風飄絮廣陌初憐日映絲斜傍畫筵偷舞態低臨妝閣學愁眉

御溝新柳

唐賈稜中

御苑陽和早章溝柳色新託根偏近日布葉乍迎春秀質方含翠清陰欲庇人輕雲度斜景多露滴行塵

木部

卷三十三

五

柳

裊裊堪離贈依依獨望頻王孫如可賞攀折在芳辰

御溝新柳

唐陳羽中

宛宛如絲柳含黃一望新未成溝上暗且向日邊春婀娜方遮水低迷欲醉人託空方鬱鬱逐溜影鱗鱗美色滋宵露垂枝染夕塵夾堤連太液還似映天津

御溝新柳

唐李觀中

御溝迢廣陌芳柳對行人翠色枝枝滿年光樹樹新畏逢攀折客愁見別離辰近映章臺騎遙分禁苑春嫩陰初覆水高影漸離塵莫入胡兒笛還令淚濕巾

御溝新柳

唐杜荀鶴晚

律到九重春溝連柳色新細籠穿禁水輕拂入朝人

日近韶光早天低聖澤勻谷鶯樓未穩宮女畫難真楚國空搖浪隋堤暗惹塵何如帝城裏先得覆龍津

搖柳

唐孟郊中

弱弱本易驚看看勢難定因風似醉舞盡日不能正時邀詠花女笑輟春妝鏡

垂柳

唐李商隱晚

娉婷小苑中婀娜曲池東朝珮皆垂地仙衣盡帶風腸斷靈和殿先皇玉座空

楊柳枝詞五首

唐白居易中

木部

卷三十三

六

柳

陶令門前四五樹亞夫營裏百千條何似東都正二月黃金枝映洛陽橋

紅板江橋青酒旗館娃宮暖日斜時可憐雨歇東風定萬樹千條各自垂

蘇州楊柳任君誇更有錢塘勝館娃若解多情尋小綠楊深處是蘇家

蘇家小女舊知名楊柳風前別有情剝條盤作銀環樣卷葉吹爲玉笛聲

人言柳葉似愁眉更有愁腸似柳絲柳絲挽斷腸牽斷彼此應無續得期

楊柳枝詞五首

唐劉禹錫

鳳闕輕遮翡翠闌，龍池遙望麴塵絲。  
御溝春水相輝映，狂殺長安年少兒。

花萼樓前初動時，美人樓上鬬腰肢。  
如今拋擲長街裏，露葉如啼欲恨誰。

煬帝行宮汴水濱，數枝楊柳不勝春。  
晚來風起花如雪，飛入宮牆不見人。

御陌青門拂地垂，千條金縷萬條絲。  
如今綰作同心結，將贈行人知不知。

輕盈嫋娜占年華，舞榭妝樓處處遮。  
春盡絮飛留不住，本

得隨風好去落誰家。

詠陽雲樓簷柳

梁元帝

楊柳非花樹，依樓自覺春。  
枝邊通粉色，葉裏映紅巾。  
帶日交簾影，因吹掃席塵。  
拂簷應有意，偏宜桃李人。

賦得垂柳映斜谿

陳張正見

千仞清谿險，三陽弱柳垂。  
葉細臨湍合，根空帶石危。  
風翻夾浦絮，雨濯倚流枝。  
不分梅花落，還同橫笛作。

笛吹

賦得臨池柳

唐太宗

岸曲絲陰聚，波搖帶影疎。  
還將眉裏翠，來就鏡中舒。

春池柳

唐太宗

年柳變池臺，隋堤曲直迴。  
逐浪絲陰去，迎風帶影來。  
疎黃一鳥啖，半翠幾眉開。  
繁雪臨春峴，參差問早梅。

題平陽郡汾橋邊柳樹

唐岑參

此地曾居住，今來宛似歸。  
可憐汾上柳，相見也依依。

題河邊枯柳

唐王泠然

隋家天子憶揚州，厭坐深宮傍海遊。  
穿地鑿山開御路，鳴笳疊鼓汎春流。  
流從鞏北河汾口，直到淮南種

官柳。功成力盡人旋亡，運謝年移樹空有。  
當時彩女侍君王，帳殿旌門對柳行。  
青葉交垂連幔色，白花飛

木部

卷四十五

八

散染衣香。今日摧殘何用道，數里曾無一株好。  
驛騎江帆損更多，山精野魅藏應老。  
涼秋九月露為霜，日夜孤舟入帝鄉。  
河畔時時聞落木，客中無箇不沾裳。

崔十四宅各賦一物得簷柳 唐皇甫冉

官渡老風煙，潯陽媚雲日。  
漢將營前見，胡笳曲中出。  
復在此簷端，垂陰仲長室。

隄上柳

唐戴叔倫

垂柳萬條絲，春來織別離。  
行人攀折處，闌妾斷腸時。

庭柳 唐姚係

裊裊楊柳枝，當軒雜佩垂。  
交陰總共密，分條各自宜。



因依似永久攬結自傷離愛此陽春色秋風莫遽吹

野狐泉柳林

唐元稹中

去日野狐泉上柳紫芽初綻拂眉低秋來寥落驚風雨葉滿空林踏作泥

永豐坊園中垂柳二首

唐白居易中

一樹春風千萬枝嫩如金色軟於絲永豐西角荒園裏盡日無人屬阿誰

一樹衰殘委泥土雙枝榮耀植天庭定知玄象今春後柳宿光中添兩星

青門柳

唐白居易中

木部

卷百四十三

九

柳

青青一樹傷心色曾入幾人離恨中爲近都門多送別長條折盡減春風

原隰夷綠柳

唐溫庭筠晚

迴野韶光早晴川柳滿堤拂塵生嫩綠披雪見柔黃碧玉牙猶短黃金縷未齊腰支弄寒吹眉意入春閨預恐狂夫折迎牽逸客迷新鷺將出谷應借一枝棲

巴江柳

唐李商隱晚

巴江可惜柳柳色綠侵江好向金鑾殿移陰入綺牕

隋堤柳

唐李山甫晚

曾傷龍舟拂翠華至今凝恨倚天涯但經春色還秋

色不覺楊家是李家背日古陰從北朽逐波疎影向南斜年年只有晴風便遙爲雷塘送雪花

柳邊

唐杜甫盛

只道梅花發那知柳亦新枝枝總到地葉葉自開春紫燕時翻翼黃鸝不露身漢南應老盡霸上遠愁人

西澗種柳

唐韋應物中

宰邑乖所願黽俛愧昔人聊將休暇日種柳西澗濱置鍾息微倦臨流睇歸雲封壤自人力生條在陽春成陰豈自取爲茂屬他辰延詠留佳賞山水變夕曛

謝韋大夫栽柳

唐皇甫冉中

木部

卷百四十三

十

柳

本在胡笳曲今從漢將營濃陰方待庇弱植豈無情比雪花應吐藏鳥葉未成五株蒙遠賜應使號元生

種柳二詠

唐白居易中

從君種楊柳夾水意如何准擬三年後青絲拂綠波仍教小樓上對唱柳枝歌

更想五年後千千條麴塵路傍深映月樓上暗藏春愁殺閒遊客聞歌不見人

詔取永豐坊柳植禁苑

唐盧貞

一樹依依在永豐兩枝飛去杳無蹤玉皇欲取人間物應逐歌聲入九重

詠庭柳

梁沈約

輕陰拂建章夾道連未央因風結復解露柔且長  
楚妃思欲絕班女淚成行遊人未應去爲此還故鄉

小苑春望宮池柳色

唐張昔中

小苑春初至皇衢日更清遙分萬條柳迴出九重城  
隱映龍池潤參差鳳闕明影宜宮雪曙色帶禁煙晴  
深淺殘陽變高低曉吹輕年光正堪折欲寄一枝榮

小苑春望宮池柳色

唐黎逢中

上宮新柳變小苑暮天晴始見和煙密遙憐拂水輕  
色乘陽氣重陰助御樓清不厭隨風嫋仍宜向月明

木部

卷四十五

十一柳

客中愁美景池上仰光榮一作垂絲通閣漸到依依  
處思聞出谷鶯

小苑春望宮池柳色

唐丁位中

小苑宜春望宮池柳色輕低昂含曉景繁轉帶新晴  
似葢芳初合如絲蔭漸成依依連水暗嫋嫋出牆明  
雖以陽和發能令旅思生他時花滿路從此接遷鶯

小苑春望宮池柳色

唐元友直中

柳色新池遍春光御苑晴葉依青閣密條向碧流傾  
路暗陰初重波搖影轉清風從垂處度煙就望中生  
斷續遊蜂聚飄飄戲蝶輕怡然變芳節願及一枝榮

小苑春望宮池柳色

唐楊凌中

上苑閒遊早東風柳色輕儲胥遙掩映池水隔微明  
春至條偏弱寒餘葉未成和煙變濃澹轉日異陰晴  
不獨芳非好還因雨露榮行人望攀折遠翠暮愁生

小苑春望宮池柳色

唐崔績中

帝京春氣早御柳已先榮嫩葉隨風散浮光向日明  
悠揚生別意斷續引芳聲積翠連馳道飄花出禁城  
柔條依水弱遠色帶煙輕南望龍池畔斜光照晚晴

小苑春望宮池柳色

唐張季略中

韶光歸漢苑柳色發秦城半見離宮出纔分遠水明

木部

卷四十五

十二柳

青葱當淑景隱映媚新晴積翠煙初合微黃葉未生  
迎春看尚嫩照日見先榮倘得辭幽谷高枝寄一鳴

折楊柳二首

陳後主

楊柳動春情倡園妾屢驚入樓含粉色依風雜管聲  
武昌識新種官渡有殘生還將出塞曲仍共一作胡  
笳鳴

長條黃復綠垂絲密且繁花落幽人徑步隱將軍屯

谷暗宵鉦響風高夜笛喧聊持暫攀折空是憶中園

折楊柳

陳王瑤

塞外無春色上林柳已黃枝影侵雲管一作暗葉彩亂

星光陌頭藏戲鳥樓上掩新妝攀折思爲贈心期別路長

折楊柳

陳江總

萬里音塵絕千條楊柳結不悟倡園花遙同羌一作天嶺雪春心自浩蕩春樹聊攀折共此依依情無奈年年別

折楊柳

陳張正見

楊柳半垂空裊裊上春中枝疎董澤箭葉碎楚臣弓色映長河水花飛高樹風莫言限宮掖不閉長楊宮

折楊柳

陳徐陵

木部

卷一百三

十三

嫋嫋河堤樹依依魏主營江陵有舊曲洛下作新聲

妾對長楊苑君登高柳城春還應共見蕩子太無情

折楊柳

陳岑之敬

將軍始見知細柳繞營垂懸絲拂城轉飛絮上宮吹塞門交度葉谷口暗橫枝曲成攀折處唯言怨別離

折楊柳

唐盧照鄰

倡樓啓曙扉楊柳正依依鶯啼知歲隔條變識春歸露葉凝愁黛風花落舞衣攀折將安寄軍中音信稀

折楊柳

唐劉憲

沙塞三河道金閨二月春碧煙楊柳色紅粉綺羅人

露葉憐啼臉風花思舞巾攀持君不見爲聽曲中新

折楊柳

唐喬知之

可憐濯濯春楊柳攀折將來就纖手妾容與此同盛衰何必君恩能獨久

折楊柳

唐韋承慶

萬里邊城地三春楊柳節葉似鏡中眉花如關外雪征人遠鄉思倡婦高樓別不忍擲年華含情寄攀折

折楊柳

唐歐陽瑾

垂柳拂妝臺歲蕤葉半開年華枝上見邊思曲中來嫩色宜新雨輕花伴落梅朝朝倦攀折征戍幾時回

木部

卷一百三

十四

折楊柳

唐余延壽

大道連國門東西種楊柳歲蕤君不見嫋娜垂來久綠枝栖暝禽雄去雌獨吟餘花怨春盡微月起秋陰

坐望牕中蝶起攀枝上葉好風吹長條婀娜何如妾

妾見柳園新高樓四五春莫吹胡塞曲愁殺隴頭人

折楊柳

唐李白

垂楊拂綠水搖豔東風年花明玉關雪葉暖金牕煙美人結長想對此心悽然攀條折春柳遠寄龍庭前

折楊柳

唐孟郊

樓上春風過風前楊柳歌枝疎綠別苦曲怨爲年多

花驚燕地雪葉映楚池波誰堪別離此征戎在交河

問柳

唐皇甫冉

接影武昌城分行漢南道何事閒門外空對青山老

贈柳

唐李商隱

章臺從掩映郢路更參差見說風流極來當婀娜時  
橋廻行欲斷堤遠相隨忍放花如雪青樓撲酒旗

詠柳

唐李商隱

已帶黃金縷仍飛白玉花長時須拂馬密處少藏鴉  
眉細從他斂腰輕莫自斜玳梁誰道好偏擬映盧家

官渡柳歌送李員外承恩往揚州觀省

木部

卷三

十五

唐獨孤及

君不見官渡河兩畔三月楊柳枝千條萬條色色色  
勝綠綠花作鉛粉絮葉成翠羽帳此時送達人悵望  
春水上遠客折楊柳依依兩含情夾郎木蘭舟送郎  
千里行郎把紫泥書東征覲庭闈脫却舊襜褕著  
五絲衣雙鳳并兩翅將雛東南飛五兩得便風幾日  
到揚州莫食揚州好客行刺淹留郎到官渡頭春闌  
已應久殷勤道遠別爲謝大堤柳攀條倘相憶五里  
一迴首明年柳枝黃問郎還家否

賦得路傍一株柳送邢校書赴延州使府

唐李益

路傍一株柳此路向延州延州在何處此路起悠悠

詠柳花

以下柳花

唐薛能

浮生失意頻起絮又飄淪發自誰家樹飛來獨院春  
朝容繁斷砌晴影過諸鄰亂掩空中蝶還衝陌上人  
隨波應到海霑雨或依塵會同慈恩日輕輕對此身

柳花詞

唐劉禹錫

輕飛不假風輕落不委地繚亂舞晴空發人無限思

二

晴天閨閣雪來送青春暮無意似多情千家萬家去

木部

卷三

十六

柳絮

唐楊凝

河畔多楊柳追遊盡狹斜春風一回送亂入莫愁家

柳絮

唐張氏

雷驚芳春朝雪絮起青條或值花同舞不因風自飄  
過罇浮綠醕拂幌綴紅綃那用持盃翫春懷不自聊

楊白花

唐柳宗元

楊白花風吹渡江水坐令宮樹無顏色搖蕩春光千  
萬里茫茫曉日下長秋哀歌未斷城頭起

楊花落

唐楊巨源

北斗南迴春物老紅英落盡綠尚早韶風澹蕩無所

依偏惜垂楊作春好此時可憐楊柳花榮盈艸滿  
人家人家女兒出羅幙靜掃玉庭待花落寶璫纖手  
捧更飛翠羽輕裾承不著歷歷瑤琴舞金陳非紅拂  
黛憐玉人東園桃李芳已歇獨有楊花嬌暮春

歎楊花

唐韋應物中

空蒙不自定况值暄風度舊賞逐流年新愁忽盈素  
纔縈下苑曲稍滿東城路人意有悲歡時芳獨如故

柳花歌送客往桂陽

唐戴叔倫中

滄浪渡頭柳花發斷續因風飛不絕搖煙拂水積翠  
間綴雪含霜誰忍攀夾岍紛紛送君去鳴棹孤尋到

竹部

卷一百三

十七 雜樹

何處移家深入桂水源種柳新成花更繁定知別後  
消散盡却憶今朝傷旅魂

○雜樹

楓 相思 豫章 椰子 海棕  
檜 秋 靈壽 梔子 冬青

詠疏楓

梁簡文帝

菱綠映葭青疏紅分浪白花葉灑行舟仍持送遠客  
相思

梁江淹

疎枝碧澗臥根石林日月斷色霧雨恒陰綠秀八炤  
丹實四臨公子不至山客徒尋

豫章

梁江淹

伊南有材匪桂匪椒下貫金壤上籠赤霄盤薄廣結

稍瑟曾喬七年乃識非曰終朝

題椰子樹

唐沈佺期 初二

日南椰子樹杳裊出風塵叢生調木首圓實傾椰身  
玉房九霄露碧葉四時春不及塗林果移根隨漢臣

海棕行

唐杜甫 盛

左綿公館清江濱海棕一株高如雲龍鱗犀甲相錯  
落蒼稜白皮十抱文自是衆木亂紛紛海棕焉知身  
出羣移栽北辰不可得時有西域胡僧識

憑何少府邕查檀木數百栽

唐杜甫 盛

草堂塹西無樹林非子誰復見幽心飽聞檀木三年

木部

卷一百三

十八 雜樹

大與致谿邊十畝陰

楸樹三首

唐韓愈 中

青幢紫蓋立童童細雨浮煙作綵籠不得畫師來貌  
取定知難見一生中

幾歲生成爲大樹一朝纏繞困長藤誰人與脫青羅  
帔看吐高花萬萬層

幸自枝條能樹立可煩羅蔓作文加傍人不解尋根  
本却道新花勝舊花

植靈壽木

唐柳宗元 中

白華鑒寒水怡我適野情前趨問長老重復欣嘉名

寒連易衰朽方剛謝經營敢期齒杖賜聊且移孤莖  
叢萼中競秀分房外舒英柔條乍反植勁節常對生  
循翫足忘疲稍覺步武輕安能事翦伐持用資徒行  
同李郎中淨律院院子樹 唐包何中

洞靈觀冬青

唐許渾晚

雪霰不凋色兩株交石壇未秋紅實淺經一作夏綠  
陰寒露重蟬鳴急風多鳥宿難何如西禁柳暗舞玉  
闌干

木部

卷五十五

十九

雜木竹

竹部

竹 隱竹 (斑竹) (筍並附)

慈竹 斑竹 筍並附

○竹

詠竹

齊謝朓

牕前一叢竹青翠獨言奇南條交北葉新筍雜故枝  
月光疎已密風來起復垂青扈飛不礙黃口得相窺  
但恨從風籜根株長別離

賦得竹

梁元帝

嶰谷管新抽淇園節復脩作龍還葛水爲馬向并州  
柯亭臨絕澗桃枝夾細流冠學芙蓉勢一作花堪威  
鳳遊邛王若有獻張騫應拜侯

詠竹

梁劉孝先

竹生荒野外捎雲聳百尋無人賞高節徒自抱貞心  
耻染湘妃淚羞入上宮琴誰能制長笛當爲吐龍吟

詠竹

唐李嶠初

懷風枝轉弱防露影逾濃既來丹穴鳳還作葛陂龍

竹部

卷五十五

二十

竹

高節人相重貞心世所知鳳凰佳可食一去一來儀

嚴鄭公宅同詠竹

唐杜甫

綠竹半含籜新梢纔出牆色侵書帙晚陰過酒樽涼  
雨洗娟娟淨風吹細細香但令無翦伐會見拂雲長

竹

原作  
古意

唐王績初

竹生大夏谿蒼蒼富奇質綠葉吟風勁翠莖犯霄密  
霜霰封其柯鴛鴦食其實寧知軒轅後更有伶倫出  
刀斧俄見尋根株坐相失裁爲十二管吹作雄雌律  
有用雖自傷無心復招疾不如山上草離離保終吉

綠竹

梁吳均



嬋娟鄣綺殿繞弱拂春漪何當逢採拾爲君筆與篋

綠竹引

唐宋之間初

青谿綠潭潭水側脩竹嬋娟同一色徒生仙實鳳不  
遊老死空山人詎識妙年秉願逃俗紛歸臥松丘弄  
白雲含情傲睨慰心目何可一日無此君

與東方左史虬脩竹篇

并書

唐陳子昂初

東方公足下文章道弊五百年矣漢魏風骨晉宋  
莫傳然而文獻有可徵者僕嘗暇時觀齊梁間詩  
彩麗競繁而興寄都絕每以永歎思古人常恐逶  
迤頹靡風雅不作以耿耿也一昨於解三處見明

竹部

卷百五

三

竹

公詠孤桐篇骨氣端翔音情頓挫光英朗練有金  
石聲遂用洗心飾視發揮幽鬱不圖正始之音復  
覩於茲可使建安作者相視而笑解君云張茂先  
何敬祖東方生與其比肩僕亦以爲知言也故感  
歎雅製作脩竹詩一篇當有知音者以傳示之

龍種生南嶽孤翠鬱亭亭峰嶺上崇翠煙雨下微冥  
夜聞鼯鼠叫晝聒泉壑聲春風正淡蕩白露已清冷  
哀響激金奏密色滋玉英歲寒霜雪苦含彩獨青青  
豈不厭凝冽羞比春木榮春木有榮歇此節無凋零  
始願與金石終古保堅貞不意伶倫子吹之學鳳鳴

遂偶雲和瑟張樂奏天庭妙曲方千變蕭韶亦九成

信蒙雕斲美常願事仙靈驅馳翠虬駕伊鬱紫鸞笙

結交羸臺女吟弄升天行攜手登白日遠遊戲赤城

低昂玄鶴舞斷續綵雲生永隨衆仙去三山遊玉京

竹

唐李賀中

入水文光動抽空綠影春露華生筍逕苔色拂霜根  
織可承香汗裁堪釣錦鱗三梁曾入用一節奉王孫

竹

唐陳陶晚

不厭東谿綠玉君天壇雙鳳有時聞一峰曉似朝仙  
處青節森森倚絳雲

竹部

卷百五

三

竹

竹

唐羅鄴晚

翠葉纔分細細枝清陰猶未上堦墀蕙蘭雖許相依  
日桃李還應笑後時抱節不爲霜雪改成林終與鳳  
凰期渭濱若更徵賢相好作漁竿繫釣絲

沈十四拾遺新竹生讀經處同諸公之作

唐王維盛

閒居日清淨脩竹自檀樂嫩節留餘籜新叢出舊欄  
細枝風響亂疎影月光寒樂府裁龍笛漁家伐釣竿  
何如道門裏青翠拂仙壇

新竹

唐韓愈中

筍添南堦竹日日成清閨縹節已儲霜黃苞猶揜翠  
高標凌秋嚴貞色奪春媚稀生巧補林併出疑爭地  
縱橫乍依行爛熳忽無次風枝未飄吹露粉先涵淚

新竹

唐元稹中

新篁纔解籜寒色已青葱冉冉偏凝粉蕭蕭漸引風  
扶疎多透日寥落未成叢唯有團團節堅貞大小同

寺院新竹

唐元稹中

寶地琉璃垢紫苞琅玕踴亭亭巧於削一一大如拱  
水碧林外寒峰巒眼前聳槎枒矛戟合屹屹龍蛇動  
煙汎翠光流歲餘霜彩重風朝竿籜過雨夜鬼神恐

竹部

卷五十五

三三

佳色有鮮妍脩莖無擁腫節高迷玉簇籜綴疑花捧  
詎必泰山根本自仙壇種居然霄漢姿坐受藩籬壅

新竹

唐張蠙晚

新鞭暗入庭初長兩三莖不是他山少無如此地生  
垂梢叢上出柔葉籜間成何用高唐峽風枝掃月明

新竹

唐李建勳晚

裊裊薰風軟媚媚湛露光參差仙子仗迤邐羽林槍  
迴去侵花地斜來破蘚牆籜乾猶抱翠粉膩若塗妝  
逕曲莖難數陰疎葉未長嫩嫌吟客倚甘畏夏蟲傷  
映水如爭立當軒自著行北亭樽酒興還爲此君狂

秋竹曲

齊謝朓

嫋嫋綺牕北結根未參差從風旣裊裊映日頗離離  
欲求裏下吹別有江南枝但能凌白雪貞心陰曲池

枯葉竹

梁劉孝威

枯楊猶更綠卧柳尚還生多嫌鳳不至終當待聖明

范公叢竹歌

并序

唐岑參盛

職方郎中兼侍御史范公乃於陝西使院內種竹  
新製叢竹詩以見示美范公之清致雅操遂爲歌  
以和之

竹部

卷五十五

三十四

世人見竹不解愛知君種竹府庭內此君託根幸得  
地種來幾時聞已大盛暑脩脩叢色寒閒宵檄檄葉  
聲乾能清案牘簾下見宜對琴書牕外看爲君成陰  
將蔽日迸筍穿堦踏還出守節偏凌御史霜虛心願  
比郎官筆君莫愛南山松樹枝竹色四時也不移寒  
天草木黃落盡猶自青青君始知

題友生叢竹

唐李咸用晚

菊華寒露濃蘭愁曉霜重指佞不長生蒲筵今無種  
安如植叢篁他年待棲鳳大則化龍騎小可釣璫用  
留煙伴獨醒迴陰冷閒夢何妨積雪凌但爲清風動  
乃知子猷心不與常人共

賦得階前嫩竹

陳張正見

翠竹梢雲自結叢輕花嫩筍欲凌空砌曲橫枝屢解  
籜階前疎葉強來風欲知抱節成龍處當於山路蒼  
陂中

賦得山中翠竹

陳張正見

脩竹映簷垂來風異夾池複澗藏高節重林隱勁枝  
雲生龍未上花落鳳將移莫言棲嶰谷伶倫不復吹

賦得風生翠竹裏應教

陳張正見

金風起燕觀翠竹夾梁池翻花疑鳳下颺水似龍移  
帶露依深葉飄寒入勁枝聊因萬籟託待伶倫吹

竹部

卷三

三五

賦得夾池竹

陳陰鏗

夾池一叢竹垂一作翠不驚寒葉醞宜城酒皮裁一作  
薛縣冠湘川染別淚衡嶺拂仙壇欲見葳蕤色當  
來菟苑看一作欲見處冬  
質當為雪中看

賦得夾池脩竹

陳賀循

綠竹影參差葳蕤帶曲池逢秋葉不落經寒色詎移  
來風韻晚逕集鳳動春枝所欣高蹈客未待伶倫吹

賦得臨池竹

唐太宗

貞條障曲砌翠葉貫一作寒霜拂牖分龍影臨池待  
鳳翔

賦得臨池竹應制

唐虞世南初

蔥翠梢雲質垂彩映清池波泛含風影流搖防露枝  
龍鱗漾嶰谷鳳翅拂連漪欲識凌冬性惟有歲寒知

賦得臨池竹

唐盧照鄰初

封霜連錦砌防露拂瑤階聊將儀鳳質暫與俗人諧

賦得震為蒼良竹

唐朱慶餘中

為擢東方秀蕭然異眾筠青蔥纔映粉蒙密正含春  
嫩籜霑微雨幽根絕細塵乍憐分徑小偏覺帶煙新  
結實皆留鳳垂陰似庇人願為竿在手深水釣蘋鱗

賦得竹箭有筠

唐張仲方中

竹部

卷三

二六

東南生綠竹獨美有筠箭枝葉詎曾凋風霜孰云變  
偏宜林表秀多向歲寒見碧色乍蔥龍青光常舊練  
皮開鳳彩出節勁龍文現愛此守堅貞含歌屬時彥

簷前竹

梁沈約

前開籜已垂結葉始成枝繁陰上鬱鬱一作促節下  
離離風動露滴瀝月照影參差得生君戶牖不願夾  
華池

和新浦侯齋前竹

梁江洪

本生出高嶺移賞入庭蹊檀欒拂桂檉蒼葱傍朱闥  
夜條風析析曉葉露淒淒紫春鸞思筠綠寒蛩啼

不惜凌雲茂遂聽羣雀棲願抽一莖實試看翔鳳來

見江邊竹

梁虞羲

挺此貞堅性來樹朝夕池秋波漱下趾冬雪封上枝  
歲寒防曉露葱蒨集羈雌含風自颯颯負雪亦猗猗  
金明無異狀玉洞良在斯但恨非嶰谷伶倫未見知  
和徐侍郎中書叢篠韻

唐蔣渙

中禁夕沈沈幽篁別作林色連雞樹近影落鳳池深  
爲重凌霜節能虛應物心年年承雨露長對紫庭陰

庭竹

唐劉禹錫

露滌鉛粉節風搖青玉枝依依似君子無地不相宜

竹部

卷百三

三七

同郭參謀詠崔僕射淮南節度使廳前竹

唐劉長卿

昔種梁王苑今移漢將壇

一作不學媚清澗能依上將龍低冕

過青翠卷簾看得地移根遠經霜抱節難開花成鳳

實嫩筍長魚竿藹藹軍容靜蕭蕭郡宇寬細音和角

暮疎影上門寒湘浦何年變山陽幾處殘

一作阮巷何人在梁

東樓竹

唐白居易

瀟灑城東樓遶樓多脩竹森然一萬竿白粉封青玉  
影轉色入樓牀席生浮綠

題盧秘書夏日新栽竹

唐白居易

湘竹初封植盧生此考槃久持霜節苦新託露根難  
未夜青嵐入先秋白露團拂肩搖翡翠慰手弄琅玕  
韻透窻風起陰鋪砌月殘炎天聞覺冷窄地見宜寬  
稍動勝搖扇枝低好挂冠愛從抽馬策惜不截魚竿  
杜中丞書院新移小竹

唐王建

此地本無竹遠從山寺移經年求養法隔日記澆時  
嫩綠卷新葉殘黃收故枝色驚寒不動聲與靜相宜  
愛護出常數稀稠看自知貧家緣未有客散獨行遲  
鄰人自金仙觀移竹

唐李遠

竹部

卷百四

三八

移居新竹已堪看斷破莓苔得幾竿圓節不教傷粉  
籜低枝猶擬拂霜壇牆頭枝出如煙綠枕上風來送  
夜寒第一莫交漁父見且從蕭颯滿朱闌

高司馬移竹

唐馬戴

叢居堂下幸君移翠掩燈牕露葉垂莫羨孤生在山  
者無人看著拂雲枝

從韋二明府覓錦竹三數叢

唐杜甫

華軒藹藹他年到錦竹亭亭出縣高江上舍前無此  
物幸分蒼翠拂波濤

翫友人庭竹

唐施肩吾

去玄洲看種玉那似君家滿庭竹客來不用呼  
風此處挂冠涼自足

訓人雨後翫竹

唐薛壽

南天春雨時那鑒雪霜姿眾類亦云茂虚心寧自持  
多留賢醉伴舜妃悲歲後君能賞蒼蒼勁節奇

秋日眾哲館對竹

唐

蕭蕭凌雪霜濃翠異三湘疎影月移壁寒聲風滿堂

望解前水竹荅崔錄事

梁何遜

蕭蕭翠竹映澹澹平湖淨葉倒漣漪文水漾輕綠影  
相思不會面相望空延頸遠天去浮雲長墟斜落景

竹部

卷三

五

幽衲與歲積賞心隨事屏鄉念一迴迴白髮生俄頃

和東川李相公慈竹

唐元稹

慈竹不外長密比青瑤華茅攢有森束玉立無蹉跎  
纖粉妍膩質細瓊交翠柯煙含臙臙影月汎鮮鮮波  
幽姿媚庭實顯氣爽天涯峻節高轉露貞筠寒更佳  
託身仙壇上靈物神所呵

斑竹

唐劉長卿

蒼梧千載後斑竹對湘沅欲識湘妃怨枝枝滿淚痕

苦竹

唐杜甫

青冥亦自守軟弱強扶持味苦夏蟲避叢卑春鳥疑

軒墀曾不重翦伐欲無辭幸近幽人屋霜根結在茲

詠筍

唐韓愈

竹亭人不到新筍滿前軒乍出真堪賞初多未覺煩  
成行齊婢僕環立比兒孫滯雨膏腴溼驕陽氣候溫  
得時方張王聲挾勢欲騰鸞見角牛羊沒看皮虎豹  
存攢生猶有隙散布忽無垠詎可持籌筭誰能以理  
言縱橫公占地羅列暗連根狂刺時穿壁羣強幾觸  
藩深潛如避逐遠去若追奔已復侵危砌非徒出短  
垣短長終不較先後竟誰論外恨苞藏密中仍節目  
繁暫須迴步履要取助盤飧穰穰疑翻地森森競塞

竹部

卷三

三十

門戈矛頭戢戢虺虺首掀掀

食筍

唐白居易

紫籜拆故錦素肌擘新玉每日遂加餐輕時不思肉  
久爲京洛客此味常不足且食勿踟躕南風吹作竹  
雙筍歌送李回兼呈劉四 唐李頎  
並抽新筍色漸綠迴出空林雙碧玉春風解籜雨潤  
根一枝半葉青露痕爲君當面拂雲日孤生四達何  
足論再三抱此悵爲別嵩洛故人與之說

聞開元寺開筍園寄章上人

唐皮日休

園鎖開聲駭鹿羣滿林鮮籜水犀文森森競法林梢

雨巉巉爭穿石上雲並出亦如鵝管合各生還似犬  
牙分折煙束露如相遺何胤明朝不如葷

詩雋類函卷一百四十三

竹部

卷一百四十三

三十一

第

詩雋類函卷一百四十四

東吳俞安期彙纂 宣城梅鼎祚增定

花部上

花總載 剪綠花附 牡丹 芍藥 蘭  
並附 芙蓉 芙蓉 蓮花 入 菱

○花總載

剪綠花附

詠園花

北周庾信

暫往春園傍聊過看果行枝繁類金谷花雜映河陽  
白紅無假染真白不須妝燕送歸菱井峰衙上蜜房  
非是金鑪氣何關柏殿香裏衣偏定好應持奉魏王

花部

卷一百四十四

花總載

詠雜花

梁何遜

片上發新花誰言不經染已如薄紫拂復似濃紅點  
狀錦無裁縫依霞有舒斂

半開花

唐白居易中

勿訝春來晚無嫌花發遲人憐全盛日我愛半開時  
紫蠟黏為蒂紅酥點作粧淺深妝駁落高下火參差  
蝶戲爭香朶鶯啼選穩枝明朝應爛熳後夜更離披  
林下遙相憶樽前暗有期

夏花明

唐韋應物中

夏條綠已密朱萼綴明鮮炎日正午灼灼火俱然



翻風適自亂照水復成妍歸視窓間字熒煌滿眼前

浮游花

隋辛德源

窓中斜日照池上落花浮若畏春風晚當思秉燭遊

落花

梁蕭子範

綠葉生半長繁英早自香因風亂蝴蝶未落隱鸝黃  
飛來入斗帳吹去上牙牀非是迎冬質寧可植秋霜

落花

唐李商隱

晴暖感餘芳紅苞雜絳房落時猶自舞掃後更聞香  
夢罷收羅薦仙歸敕玉箱迴腸九迴後猶有刺迴腸

落花

唐李建勳

花部

卷首四

二 花總載

愁見清明後紛紛蓋地紅惜看難過日自落不因風  
蝶散餘香在鶯啼樹半空堪悲一罇酒從此似西東

落花

唐李建勳

惜花無計又花殘獨遶芳叢不忍看暖豔動隨鶯翅  
落冷香愁雜燕泥乾綠珠倚檻窺初散巫峽歸雲夢

又闌忍把一罇重命樂送春招客亦何歡

落花

唐韋莊

一夜霏微露溼煙曉來和淚喪嬋娟不隨殘雪埋芳  
艸盡逐春風上舞筵西子去時遺笑靨謝娥行處落

金鈿飄紅墮白堪惆悵少別穠華又隔年

殘花

唐羅隱

已歎良時晚仍悲別酒催暖芳隨日薄輕片逐風吹  
黛斂愁歌扇妝殘泣鏡臺繁陰莫矜銜終是共塵埃

詠中書省花樹

唐張文琮

華萼映芳叢參差間早紅因風時落砌雜雨乍浮空  
影照鳳池水香飄鷄樹風豈不愛攀折希君懷裏中

韋員外家花樹歌

唐岑參

今年花似去年好去年人到今年老始知人老不如  
花可惜落花君不掃君家兄弟不可當列卿御史尚

書郎朝回花底恒會客花撲玉缸春酒香

花部

卷首四

二 花總載

同岑郎中韋員外家花樹歌 唐獨孤及  
東風動地吹花發渭城桃李千樹雪芳菲可愛不可  
畱武陵歸客心欲絕金華省郎惜佳辰祇恃揀萼照

青春君家自是成蹊處况有庭花作主人

題韋員外東齋花樹

唐盧綸

綠砌紅花樹狂風獨未吹光中疑有燄密處似無枝  
鳥動香輕發人愁影屢移今朝數片落為報漢郎知

僧院花

唐白居易

欲悟色空為佛事故栽芳樹在僧家細看便是華嚴  
偈方便風開智慧花

賦得岸花臨水發

何遜贈諸遊舊詩岸花臨水發江燕遠橋飛

陳張正見

奇樹滿春洲落盡映江浮影間蓮花石光渥濯錦流  
漾色隨桃水飄香入桂舟別有仙潭菊含芳獨向秋

賦得岸花臨水發

唐包融

笑笑傍溪花叢叢逐岸斜朝開川上日夜發浦中霞  
照灼如臨鏡丰茸勝浣紗春來武陵道幾樹落仙家

賦得花發上林

唐獨孤綬

中一作授

上苑韶容早芳菲正吐花無言向春日閒笑任年華  
潤色籠輕靄晴光豔晚霞影連千戶竹香散萬人家

花部

卷百四

四

花總載

幸遶樓臺近仍還雨露賒願君垂採摘不使落風沙

賦得花發上林

唐王表

中

上苑春何早繁華已滿林笑迎明主仗香拂美人簪  
地接樓臺近天垂雨露深晴光來戲蝶夕影動栖禽

欲托凌雲勢先開捧日心當知桃李樹從此必成陰

賦得雨後花

唐元稹

中

紅芳憐靜色深與雨相宜餘滴下纖莖殘珠墜細枝  
浣花江上思啼粉鏡中窺念此低徊久風光幸一吹

賦得春晚餘花落

唐李益

中

留春春竟去春去花如此蝶舞遶應稀鳥驚飛詎已

衰紅亂故萼繁綠扶凋盡自委不勝愁庭風那更起

花底

唐杜甫

盛

紫萼扶千蓋黃鸝照萬花忽疑行暮雨何事入朝霞  
恐是潘安縣堪留衛玠車深知好顏色莫作委泥沙

種花

唐朱慶餘

中

憶昔兩京官道上可憐桃李畫陰垂不知誰作巡花  
使空記玄宗遣種時

和王褒詠摘花

北周明帝

玉腕承花落花落花中芳酒浮花不沒花含酒更香  
折花聯句

梁何遜

花部

卷百四

五

花總載

笑出春園裏望花聯蹕欲以間珠鈿非為相思折  
逐日照爛成綺風來聚疑雪試採一枝歸願持因遠

別

千闌採花

千闌古千闌園居  
葱嶺北二百餘里

古無名氏

山川雖異所艸木尚同春亦如溱洧池自有採花人

望隔牆花

梁劉孝威

隔牆花半隱猶見動花枝當由美人摘詎止春風吹

曲江亭望慈恩寺杏園花發

唐李君何

中

春晴凭水軒仙杏發南園開盡風初曉浮香景欲暄  
光華臨御陌色相對空門野雪遙添淨山煙近借繁

地間分奈苑景勝類桃源况值新晴日芳枝度彩駕

曲江亭望慈恩寺杏園花發 唐陳翥 中

曲池晴望好近接梵王家十畝開金地千林發杏花  
映雲猶謾雪照日欲成霞紫陌傳香遠紅泉落影斜

園中春尚早亭上路非賒芳景堪遊處其如惜物華

看花 唐羊士諤 中

一到花間一忘歸玉杯瑤瑟減光輝歌筵更覆青油  
幕忽似朝雲瑞雪飛

看花 唐羅鄴 晚

花開只恐看來遲及到愁如未看時家在楚鄉身在

花部 卷百四 六 花總載

蜀一年春色負歸期

江畔獨步尋花 唐杜甫 盛

黃四娘家花滿蹊千朵萬朵壓枝低留連戲蝶時時  
舞自在嬌鶯恰恰啼

山路見花 唐崔櫓 晚

曉紅初拆露香新獨立空山冷笑人春意自知無主  
惜恣風吹逐馬蹄塵

買花謠 唐劉言史 中

杜陵村人不田穡入谷經谿復緣壁每至南山草木  
春即向侯家取金碧幽豔疑花春景曙採夫移得將

何處蝶惜芳叢送下山尋斷孤香始回去豪少居連  
鳩鵲東千金使買一株紅院多花少栽未得零落綠  
娥纖指中咸陽親戚長安里無限將金買花子澆紅  
溼綠千萬家青絲玉轡聲啞啞

宿杜曲花下 唐白居易 中

覓得花千樹攜來酒一壺懶歸兼擬宿未醉豈勞扶  
但惜春將晚寧愁日漸晡籃輿爲卧舍漆盤是行厨

惜花 唐張籍 中

山中春已晚處處見花稀明日來應盡林間宿不歸

惜花 唐施肩吾 中

花部 卷百四 七 花總載

落盡萬株紅無人解繫風今朝芳徑裏惆悵錦機空

惜花 唐呂溫 中

去歲無花看今年未看花更聞飄落盡走馬向誰家

惜花 唐李山甫 晚

未會春風意開君又落君一年今爛熳幾日便續紛  
別艷那堪賞餘香不忍聞罇前恨無語應得作朝雲

歎花 唐杜牧 晚

自恨尋芳到已遲往年曾見未開時如今風擺花狼  
藉綠葉成陰子滿枝

答史館張學士段庶子柳學士集賢院看花見

寄兼呈柳學士

唐韋應物

班揚秉文史對院自爲鄰餘香掩閣去遲日看花頻  
似雪飄聞闔從風點近臣南宮有芳樹不並禁垣春

詠翦綵花

梁劉孝威

葉舒非漸大花發是初開無論人訝似蜂見也爭來

詠翦綵花

梁鮑泉

花生翦刀裏從來訝逼真風動雖難落蜂飛欲向人  
不知今日後誰能逆作春

詠翦綵花

梁朱超

淺深依樹色舒卷聽人裁假令春已度終住手中開

花部

卷五十四

詠翦綵花

唐裴延初

花寒未聚蝶豔色已驚人懸知陌上柳應妬手中春

詠翦綵花

唐雍裕之中

敢競桃李色自呈刀尺功蝶猶迷翦翠人豈辨裁紅

○牡丹

牡丹

唐李商隱晚

壓徑復緣溝當窓又映樓終銷一國破不啻萬金求  
鸞鳳戲三島神仙居十洲應憐萱艸澹却得號忘憂

牡丹

唐李商隱晚

錦幃初卷衛夫人繡被猶堆楚鄂君垂手亂翻雕玉

珮招腰爭舞鑾金裙石家蠟燭何曾剪有今香鑪可  
待熏我是夢中傳彩筆欲書葉上寄朝雲

牡丹

唐羅鄴晚

落盡殘紅始著花花時比屋事豪奢買栽池館恐無  
地看到子孫能幾家門倚長衢攢繡轂帷籠輕日護  
香霞歌鐘滿座爭歡賞肯信流年覺有華

牡丹

唐羅隱晚

似共東風別有情絳羅高卷不勝春若教解語應傾  
國任是無情亦動人芍藥與君爲近侍芙蓉何處避  
芳塵可憐韓令功成後辜負穠華過此身

花部

卷五十四

牡丹

唐方干晚

借問庭前早晚栽座中疑是畫屏開花分淺淺胭脂  
臉葉墮殷殷膩粉腮紅砌不須誇芍藥白蘋何用逞  
重臺殷勤爲報看花客學游蜂日日來

牡丹

唐韓琬晚

桃時杏日不爭濃葉帳陰成始放紅曉豔遠分金掌  
露暮香深惹玉堂風名遺蘭杜千年後貴擅聲歌百  
醉中如夢如仙忽零落暮霞何處綠屏空

紅牡丹

唐王維盛

綠豔閒且淨紅衣淺復深花心愁欲斷春色豈知心



次第開含煙洗露照蒼苔  
麗眉倚仗禪僧起輕翅紫  
枝舞蝶來獨坐南臺時共  
美閒行古刹情何已花間  
一曲秦陽春應爲芬芬此  
君子

永壽寺看牡丹

唐元稹中

曉入白蓮宮琉璃花界淨  
開敷多喻草凌亂被幽徑  
壓砌錦地鋪當霞日輪映  
蝶舞香暫飄蜂牽蕊難正  
籠處彩雲合露湛紅珠瑩

僧院牡丹

唐李商隱晚

葉薄風才倚枝輕霧不勝  
開先如避客色淺爲依僧  
粉壁正蕩水細幃初卷燈  
傾城惟待笑要裂幾多繒

花部

卷百四

十三

牡丹

芍藥花

芍藥花

晉辛氏傳

細蕊攢挺素華菲敷光譬  
朝日色艷芙蓉媛人是採  
以厠金翠發彼妖容增此  
婉媚惟昔風人抗茲榮華  
聊用興思染翰作歌

蘇侍郎紫微庭各賦一物得芍藥

唐張九齡初

仙禁生紅藥微芳不自持  
幸因清切地還過艷陽時  
名見桐君錄香聞鄭國詩  
孤根若可用非直愛華滋

戲題階前芍藥

唐柳宗元中

凡卉與時謝妍華麗茲晨  
歆紅醉濃露窈窕留餘春  
孤賞白日暮暄風動搖頻  
夜燭諳芳氣幽卧如相親  
願致溱洧贈悠悠南國人

紅芍藥

唐元稹中

芍藥綻紅綃已籬纖青瑣  
繁絲壓金蕊高焰當鑪火  
剪刻彤雲片開張赤霜裏  
煙輕瑠璃葉風亞珊瑚朵  
受露色低迷向人嬌婀娜  
酡顏醉後竝小女妝成坐  
艷艷錦不如天天桃未可  
晴霞畏欲散晚日愁將墮  
結植本爲誰賞心期在我  
採之諒多思幽贈何由果  
草詞畢遇芍藥初開因詠  
小詩紅藥當堦翻詩

花部

卷百四

十三

芍藥

以爲一句未盡其狀偶成十六韻

唐白居易中

罷草紫泥詔起吟紅藥詩  
詞頭封送後花口拆開時  
坐對鉤簾久行觀步履遲  
兩三叢爛熳十二葉參差  
背日房微斂當堦朵旋欹  
欹亭抽碧股粉蕊撲黃絲  
動蕩情無限低斜力不支  
周廻看未足比論語難爲  
勾漏丹沙裏焦僥火焰旗  
彤雲賸根蒂絳幘欠纓綏  
況有晴風度仍兼宿露垂  
凝香薰菴畫似淚著臙脂  
有意留連我無言怨思誰  
應愁明日落如恨隔年期  
茵茵泥連萼玫瑰刺繞枝  
等量無勝者唯眼與心知



故王維右丞堂前芍藥花開悽然感懷

唐錢起

芍藥花開出舊欄春衫掩淚再來看  
主人不在花長在更勝青松守歲寒

○蘭 蕙附

蘭

梁宣帝

折莖聊可佩入室自成芳  
開花不競節含秀委微霜

詠蘭

唐太宗

春暉開禁苑淑景媚蘭場  
映庭含淺色凝露滋浮光  
日麗參差影風傳輕重香  
會須君子折佩裏作芬芳

花部 卷一百四十四

古

詠蘭

唐李嶠

虛室重招尋忘言契斷金  
英浮漢家酒雪洒楚王琴  
廣殿輕香發高臺遠吹吟  
河汾應擢秀誰肯訪山陰

蘭

唐僧無可

蘭色結春光氛氲掩衆芳  
過門暗露葉尋澤逕連香  
晚靜風吹亂亭秋雨引長  
靈均曾采擷紉佩挂荷裳

蘭草

原作古

古無名氏

蘭草自然香生於大道  
傍腰鎌八九月俱在束  
新中

猗蘭

隋辛德源

奏事傳青閣拂除乃陶嘉  
散條凝露彩合芳映日華

已知香若麝無怨直如麻  
不學芙蓉草空作眼中花

幽蘭

唐崔塗

幽植衆寧知芬芳只暗持  
自無君子佩未是國香衰  
白露沾常早春風到每遲  
不如當路草芬馥欲何爲

紫蘭始萌

梁武帝

種蘭玉臺下氣煖蘭始萌  
芬芳與時發婉轉迎節生  
獨使金翠嬌偏動紅綺情  
二遊何足懷一顧非傾城  
羞將苓芝侶豈畏鷓鴣鳴

秋蘭

原作

漢張衡

猗猗秋蘭植彼中阿有馥其芳  
有黃其葩雖曰幽深

花部

卷一百四十四

五

蘭

厥美彌嘉之子之一作  
遠我勞如何

悲秋蘭二首

并序

唐張九齡

園中時蔬盡皆鋤理唯秋蘭數本  
委而不顧彼雖一物有足悲者  
遂賦二章

場藿已成歲園葵亦向陽  
蘭時獨不偶露節漸無芳  
首異菁爲蓄甘非蔗有漿  
人多利一飽誰復惜馨香

二

幸得不鋤去孤苗守舊根  
無心羨旨蓄豈欲近名園  
遇賞寧充佩爲生莫礙門  
幽林芳意在非是爲人論

賦得蘭澤多芳草

梁元帝

春蘭本無艷春澤最萎蕤燕姬得夢罷尚書奏事歸  
臨池影入浪從風香拂衣當門已芬馥入室更芳菲  
蘭生不擇徑十步豈難稀英華辨證曰春蘭本無艷初學記作無絕按楚詞春蘭兮秋菊長無絕分終古則無絕字亦只是

賦新題得蘭生野徑

陳張正見

披襟出蘭畹命酌動幽心鋤罷還開路歌喧自動琴  
華燈共影落芳杜雜花深莫言開徑裏遂不斷黃金

種蘭

南史曰袁淑從母兄劉湛欲淑附已而淑不為改意由是大相乖失淑乃賦詩尋以

免病

宋袁淑

種蘭忌當門懷璧莫向楚楚少別玉人門非植蘭所

花部

卷一百四

十六

蕙詠

魏繁欽

蕙草生山北托身失所依植根陰崖側夙夜懼危顛

寒泉浸我根淒風常徘徊三光照入極獨不蒙餘暉

葩葉永彫悴凝露不暇晷百草一作皆含榮已獨失

時姿比我英芳發鵙鵙鳴已哀

木蘭

木蘭

唐李商隱晚

二月二十二木蘭開拆初初當新病酒復自久離居  
愁絕更傾國驚新聞遠書紫絲何日障油壁幾時車  
弄粉知傷重調紅或有餘波痕空映襪煙態不勝裾

桂嶺含芳遠蓮塘屬意疎瑤姬與神女長短定何如

題靈祐上人法華院木蘭花

其樹嶺南移植此地

唐劉長卿中

庭種南中樹年華幾度新已依初地長獨發舊園春  
映日成華蓋搖風散錦茵色空榮落處香醉往來人  
苗舊千燈遍芳菲一雨均高柯倘為楫渡海有良因

戲題木蘭花

唐白居易中

紫房日照臙脂折素艷風吹臙粉開怪得獨饒脂粉  
態木蘭曾作女郎來

題令狐家木蘭花

唐白居易中

花部

卷一百四

十七

木蘭

膩如玉指塗金粉光似金刀翦紫霞從此時時春夢

裏應添一樹女郎花

菊

菊

晉郭璞

菊名曰精布華玄月仙客薄採何憂華髮

菊

晉袁山松

靈菊植幽崖擢穎陵寒飈春露不洌色秋霜不改條

詠菊

唐陳叔達初

霜間開紫蒂露下發金英但令逢採摘寧辭獨晚榮

詠菊

唐李嶠初

玉律三秋暮金精九日開榮舒洛媛浦香汎野人杯  
霍靡寒潭側丰茸曉岼隈黃花今日晚無復白衣來

九日陪令公登白樓詠菊

唐盧綸

瓊鐘猶有菊可以獻留侯願比三花秀非同百卉秋  
金英分藥細玉露結房稠黃雀知恩在銜飛亦上樓

九日菊花詠應詔

唐僧廣宣

可訝東籬菊能知節候芳細枝青玉潤繁蕊碎金香  
爽氣浮朝露濃滋帶夜霜汎杯傳壽酒應共樂時康

菊

唐駱賓王

擢秀三秋晚開芳十步中分黃俱笑日含翠共搖風

花部

卷一百四

十八

碎影涵流動浮香隔岼通金翅徒可汎玉竿竟誰同

菊

唐僧無可

東籬搖落後密艷被寒催夾雨驚新拆經霜忽盡開  
野香盈客袖禁蕊汎天杯不共春蘭並悠揚遠蝶來

菊

唐羅隱

籬落歲云暮數枝聊自芳雪裁纖蕊密金拆小苞香  
千載白衣酒一生青女霜春叢莫輕薄彼此有行藏

席上賦白菊

唐白居易

滿園花菊鬱金黃中有孤叢色似霜還似今朝歌酒  
席白頭翁入少年場

和馬郎中白菊

唐李商隱

陶詩只採黃金實郢曲新傳白雪英素色不同籬下  
發繁花疑自月中生浮杯小摘開雲母帶露金移綠  
水精偏稱含香五字客從茲得地始芳榮

十日菊

唐鄭谷

節去蜂愁蝶不知曉庭還繞折殘枝自緣今日人心  
別未必秋香一夜衰

賦得殘菊

唐太宗

階蘭凝曙霜岼菊照晨光露濃晞曉笑風勁淺殘香  
細葉彫輕翠圓花飛碎黃還將新歲色復結後年芳

花部

卷一百四

十九

即席賦露中菊

唐劉灣

衆芳春競發寒菊露偏滋受氣何曾異開花獨自遲  
晚成猶有分欲採未過時勿棄東籬下看隨秋草衰

霜菊

唐席夔

時令忽已變行看被霜菊可憐後時秀當此凜風肅  
淅瀝翠枝翻淒清金蕊覆疑姿節堪重澄艷景非淑  
寧祛青女威願盈君子掬持來汎樽酒永以照幽獨

霜菊

唐

秋盡北風去律移寒氣肅淅瀝降繁霜離披委殘菊  
華滋尚照灼幽氣含紛郁的的冒空園萋萋被幽谷

騷人有遺詠陶令曾盈掬倘使懷袖中猶堪襲餘馥

野菊

唐李商隱

苦竹園南椒塢邊微香冉冉淚涓涓已悲節物同寒  
鴈忍委芳心與暮蟬細路獨來當此夕清樽相伴省  
他年紫雲新苑移花處不取霜裁近御筵

將赴湖州留題亭菊

唐杜牧

陶菊手自種楚蘭心有期遙知渡江日正是擷芳時

採菊篇

梁簡文帝

日精麗草散秋株洛陽少婦絕妍姝相呼提筐採菊  
珠朝起露濕露羅襦東方千騎從驪駒更一作不下

花部

卷五十四

二十

山逢故夫

摘園菊贈謝僕射舉

梁王筠

靈茅挺三春神芝曜九明菊花偏可喜碧葉媚金英  
重九惟嘉節抱一應元貞泛酌宜長久聊薦野人誠

和錢員外早冬翫禁中新菊

唐白居易

禁署寒氣遲孟冬菊初折新黃間繁綠爛若金照碧  
仙郎小隱日心似陶彭澤秋憐潭上看日慣籬邊摘  
賜酒色偏宜握蘭香不敵

南海使院對菊懷丁卯別墅

唐口口口

何處曾移菊溪橋鶴嶺東籬疎遠有艷園小亦無叢

日晚秋煙裏星繁曉露中影搖金澗水香染玉潭風

罷酒慙陶令題詩答謝公朝來數花發身在尉佗宮

和張尹憶東籬菊

唐李端

傳書報劉尹何事憶陶家若爲籬邊菊山中有此花  
軍事院霜菊盛開因書一絕寄上諫議

唐皮日休

金華千點曉霜凝獨對壺觴又不能已過重陽三十

日至今猶自待王弘

○荷

芙蓉 蓮併入 葉 藕  
石蓮並附

芙渠

晉傅玄

花部

卷五十四

二十一

煌煌芙渠從風芬葩照以皎日灌以清波陰結其實

陽發其華金房綠葉素株翠柯

芙蕖

晉陸雲

綠房含青實金條懸白瑱俯仰隨風傾煒燁照清流

蓮歌

晉傅玄

渡江南採蓮花芙蓉增敷曄若星羅綠葉映長波迴

風容與動纖柯

詠荷

梁江洪

澤陂有微草能花復能實碧葉喜翻風紅英宜照日  
移居玉池上託根庶非失如何霜露交應與飛蓬匹

詠芙蓉

梁簡文帝

圓花一蒂卷交葉半心開影前光照耀香裡蝶徘徊  
欣隨玉露點不逐秋風催

詠芙蓉

梁沈約

微風搖紫葉輕露拂朱房中池所以綠待我汎紅光  
賦得荷

秋衣行欲製風益漸應欲若有千年蔡須巢但見隨

詠荷

唐李嶠

新溜滿澄陂圓荷影若規風來香氣遠日落蓋陰移  
魚戲排細葉龜浮見綠池魏朝難接採楚服但同披

花部

卷一百四十四

五十一

芙蓉花

隋辛德源

洛神挺凝素文君拂豔紅麗質徒相比鮮彩兩難同  
光臨照波日香隨出岸風涉江良自遠託意在無窮

蓮花

唐郭震

臉膩香薰似有情世間何物比輕盈湘妃雨後來池  
看碧玉盤中弄水晶

荷花

唐韓偓

逸調無人唱秋塘每夜空何由見周昉移入畫屏中  
都無色可並不奈此香何瑤席乘涼設金羈落晚過

唐李商隱

迴衾燈照綺渡襪水沾羅預想前秋別離居夢穠歌

芙蓉

唐陸龜蒙

閒吟鮑昭賦更起屈平愁莫引西風動紅衣不奈秋

荷

原作學劉公幹體

宋鮑照

荷生淥泉中碧葉齊如規迴風蕩流霧珠水逐條垂  
彪炳此金塘藻耀君王池不愁世賞絕但畏盛明移

詠新荷

梁沈約

勿言草卉賤幸宅天池中微根纔出浪短幹未搖風  
寧知寸心裏蓄紫復含紅

花部

卷一百四十四

五十二

芙蓉

唐李頎

微風和衆草大葉長圓陰晴露珠共合夕陽花映溪  
從來不著水清淨本因心

高荷

唐

種藕百餘根高荷纔四葉颭閃碧雲扇團圓青玉疊

詠同心蓮

梁昭明太子

江南采蓮處照灼本足觀况等連枝樹俱耀紫莖端  
同踰並根草雙異獨鳴鸞以茲代萱草必使愁人懽

詠同心芙蓉

梁朱超

雲雨畱輕潤草木隱嘉祥徒歌涉江曲誰見緝爲裳

詠同心芙蓉

隋杜公瞻

灼灼荷花瑞亭亭出水中一莖孤引綠雙影共分紅  
色奪歌人臉香亂舞衣風名蓮自可念況復兩心同

合懽蓮花

唐韋莊晚

虞舜南巡去不歸二妃相誓歿江湄空留萬古香  
在結作雙葩合一枝

南池嘉蓮

唐姚合中

芙蓉池上葉田田一本雙花照碧泉濃麗共研香  
散東西分艷蒂相連自知政術無他異縱似禎祥亦

花部

卷一百四

二十四 荷

偶然四野人聞皆盡喜爭來入郭看嘉蓮

宮池產瑞蓮

唐王貞白晚

雨露及萬物嘉祥有瑞蓮香飄雞樹近榮占鳳池先  
聖日臨雙麗恩波照竝妍願同指佞草生向帝堯前

碧荷

原作

唐李白盛

碧荷生幽泉朝日艷且鮮秋花冒綠水密葉羅青烟  
秀色空絕世馨香誰爲傳坐看飛霜滿凋此紅芳年

結根未得所願托華池邊

六年秋重題白蓮

唐白居易中

素房含露玉冠鮮紺葉搖風細扇圓本是吳州供進

藕今爲伊水寄生蓮

詠城塹中荷

陳祖孫登

白水麗金扉青荷承日暉葉似環城蓋香亂上橋衣  
听高知水落影合見菱稀猶疑涉江去空望采蓮歸

曲池荷

唐盧照鄰初

浮香繞曲听圓影覆華池常恐秋風早飄零君不知  
玉井蓮

原作

唐韓愈中

太華峰頭玉井蓮開花十丈藕如船冷比雪霜甘比  
蜜一片入口沈痼痊我欲求之不憚遠青壁無路難  
寅緣安得長梯上摘實下種七澤根株連

花部

卷一百四

五

闕下芙蓉

唐包何中

一人理國政昇平萬里呈祥助聖明天上河從闕下  
過江南花向殿前生慶雲垂蔭開難落湛露爲珠滿  
不傾更對樂懸張翼簾歌工欲奏採蓮聲

慈恩寺南池秋荷詠

唐韋應物中

對殿含涼氣裁規覆清沼衰紅受露多餘馥依人少  
蕭蕭遠塵跡颯颯凌秋曉節謝客來稀迴塘方獨遶

賦得蓮舟買荷度

梁簡文帝

採蓮前听隈舟子屢徘徊荷披衣可識風疎香不來  
欲知船度處當看荷葉開



賦得秋池一株蓮

隋弘執恭一作郭恭

秋至皆空一作虛落凌波獨吐紅託根方得所未肯即從風

賦得芙蓉出水

唐陳至

菡萏迎秋吐天搖映水瀕劍芒開寶匣峰影瀉浦津下照參差荇高辭再弱蘋自當巢翠甲非止戲蘋蓣莫以時先後而言色故新芳香正堪翫誰報涉江人

賦得芙蓉出水

唐賈謨

的礫舒芳艷紅姿映綠蘋搖風開細浪出沼媚清潯翻影初迎日流香暗襲人獨披千葉淺不競百花春

花部

卷百四

三

魚戲參差動龜游次第新涉江如可採從此免迷津

賦得江南可採蓮

古詞云江南可採蓮蓮葉何田田

梁劉緩

春初北岸涸夏月南湖通卷荷舒欲倚芙蓉生即紅機小宜回逕船輕好入叢釵光逐影亂衣香隨逆風江南少許地年年情不窮

賦得涉江採芙蓉

古詩涉江採芙蓉蘭澤多芳草

陳祖孫登

浮照滿川漲芙蓉承落光人來問花影衣渡得荷香桂舟輕不定菱歌引更長採採嗟離別無暇緝爲裳

賦得涉江採芙蓉

隋孔德紹

蓮舟泛錦積極目眺江干沿流渡楫易逆浪取花難有霧疑川廣無風見水寬朝來採摘倦詎得久盤桓遙見美人採荷

梁劉孝綽

採芙蓉

唐太宗

菱莖時繞釧棹水或沾妝不辭紅袖濕唯憐綠葉香結伴戲方塘攜手上雕航船移分細浪風散動浮香游鷺無定曲驚鳧有亂行蓮稀釧聲斷水廣棹歌長栖鳥還密桓沘流歸建章

張靜婉採蓮歌

有序

唐溫庭筠

花部

卷百四

三

靜婉全倖妓也其容絕世偶自爲採蓮二曲今樂府所存失其故意因歌以俟採詩者事具載梁史

蘭膏墜髮紅玉春燕釵梳頭拋盤雲城邊楊柳向嬌晚門前溝水波粼粼麒麟公子朝天客珂珮馬璫

璫渡春陌掌中無力舞衣輕翦斷絞綃破春碧抱月飄煙一尺腰麝臍龍髓憐嬌繞秋羅拂水碎光連露

重花多香不銷鵝鵝交交一作膠塘水滿綠芒如粟蓮莖短一夜西風送雨來粉痕零落愁紅淺船頭折藕

絲暗牽藕根蓮子相留連郎心似月月未缺十五十六清光圓

採蓮曲二首

梁簡文帝

晚日照空機採蓮承晚暉風起湖難度蓮多摘未稀  
棹動芙蓉落船移白鷺飛荷絲傍繞腕菱角遠牽衣

二

管聞葉可愛採擷欲爲裙葉滑不留經心忙無假薰  
千春誰與樂唯有妾隨君

採蓮曲

梁簡文帝

桂楫蘭橈浮碧水江花玉面兩相似蓮疎藕折香風  
起

採蓮曲

梁元帝

花部

卷五十四

三八

碧玉小家女來嫁汝南王蓮花亂臉色荷葉雜衣香  
因特薦君子願襲芙蓉裳

採蓮曲

梁吳均

江風當夏

一作夜

清桂楫

一作棹

逐流縈初疑京兆劍復

似漢冠名荷香帶風遠蓮影向根生葉卷珠難溜花  
舒紅易傾日暮舫舟滿歸來度錦城

採蓮曲

梁劉孝威

金漿木蘭船戲採江南蓮蓮香隔浦渡荷葉滿江鮮  
房垂易入手柄曲自臨盤露花時濕釧風草乍拂鉤

採蓮曲

梁朱超

豔色前後發緩楫去來遲看收礙荷影洗手畏菱滋  
摘除蓮上葉拖出藕中絲湖裏人無限何日滿船時

採蓮曲

梁沈君攸

平川映晚霞蓮舟汎浪華衣香隨岸遠荷影向流斜  
度手牽長柄轉楫避疎花還船不畏滿歸路詎嫌餘

採蓮曲

隋殷英童

棹移浮荷亂船進倚荷來藕絲牽作縷蓮葉捧成杯

採蓮曲

唐王勃

採蓮歸綠水芙蓉衣秋風起浪颺飛桂棹蘭橈下  
長浦羅裙玉腕輕搖櫓葉嶼花潭極望平江謳越吹

花部

卷五十四

三五

相思苦相思苦佳期不可駐寒外征夫猶未還江南  
採蓮今已暮採蓮花渠今那必盡娼家官道城南把

桑葉何如江上採蓮花蓮花復蓮花花葉何稠疊葉  
翠本羞眉花紅強似頰佳人不在茲悵望別離時牽

花憐共帶折藕愛連絲故情無處所新物徒華滋不  
惜西津交珮解還羞北海鴈書遲采蓮歌有節采蓮

夜未歇正逢浩蕩江上風又值徘徊江上月徘徊蓮  
浦夜相逢吳姬越女何丰茸共問寒江千里外征客

關山路幾重

採蓮曲

唐徐彥伯

妾家越水邊搖艇入江煙既見同心侶復采同心蓮  
折藕絲能脆開花葉正圓春歌弄明月歸棹落花前

採蓮

唐崔國輔

玉溱花爭發金塘水亂流相逢畏相失並著採蓮舟

採蓮曲二首

唐王昌齡

吳姬越艷楚王妃爭弄蓮花水濕衣來時浦口花迎  
入採罷江頭月送歸

荷葉羅裙一色裁芙蓉向臉兩邊開亂入池中看不  
見聞歌始覺有人來

採蓮曲

唐張籍

花部

卷五十四

三十一

秋江岸邊蓮子多採蓮女兒凭船歌青房圓實齊戰  
戰爭前競折漾微波試索綠莖不尋藕斷處絲多刺  
傷手白練束腰袖半卷不插玉釵妝梳淺船中未滿  
度前洲借問阿誰家住遠歸時共待暮潮上自弄芙  
蓉還蕩槳

採蓮曲

唐白居易

菱葉紫波荷颭風荷花深處小船通逢郎欲語低頭  
笑碧玉搔頭落水中

蓮葉

唐鄭谷

移舟水濺羞羞綠倚檻風搖柄柄香多謝浣溪人不

折雨中留得蓋鴛鴦

秋日吳中觀貢藕

唐趙嘏

野艇幾西東清吟映碧空寒衣來水上春玉出泥中  
葉亂田田綠蓮餘片片紅激波纔入選就日已生風  
御潔玲瓏膳人懷拔擢功梯山謾多品不與世流同

詠石蓮

梁劉孝威

蓮名堪百萬石姓重千金不解無情物那得似人心  
石蓮花

唐司空曙

今逢石上生本自波中有紅豔秋風裏誰憐眾芳後

○菱

花部

卷五十四

三十二

詠菱

唐李嶠

鉅野韶光暮東平春溜通影搖江浦月香引棹歌風  
日色翻池上潭花發鏡中五湖多賞樂千里望難窮

詠小兒採菱

梁劉孝綽

採菱非採葦日暮且盈舸踟躕未敢進畏欲比殘桃

採菱歌二首

宋鮑照

驚舠馳桂浦息棹偃椒潭蕭弄澄湘北菱歌清漢南

二

河榜牽蕙葉停唱紉薰若含傷拾泉花繁念採雲萼  
和巴陵王採菱曲

梁江洪

風生綠葉聚波動紫莖開含花復含實正待佳人來

採菱曲

梁江淹

秋月心容與涉水望碧蓮紫菱亦可採試以緩愁年  
參差萬葉下汎漾百流前高彩隘通壑香氣麗廣川  
歌出權一作女曲儻入江南絃乘龍一作逐俗駕鯉乃  
懷仙衆美信如此無恨在一作清泉

採菱曲

梁費昶

妾家五湖口采菱五湖側玉面不關妝雙眉本翠色  
日斜天欲暮風生浪未息宛在水中中央空作兩相憶

採菱曲

梁陸罩

花部

卷一百四

三十一

參差雜荇枝田田競荷密轉葉任香風舒花影流日  
戲鳥波中蕩游魚菱下出不與文王嗜羞將比萍實

採菱行

唐劉禹錫

武陵俗事採菱歲秋矣有女郎盛遊於馬湖溥言  
採之歸以御客古有采菱曲傳其詞故賦之以俟

採詩者

白馬湖平秋日光紫菱如錦彩鴛翔蕩舟游女滿中  
央採菱不顧馬上郎爭多逐勝紛相向時轉蘭橈破  
輕浪長鬟弱袂披參差釵影釧文浮蕩漾笑語吐咬  
顧晚暉蓼花綠岸扣船歸歸來共到市橋步野蔓繁

船萍滿衣家家竹樓臨廣陌下有連橋多估客攜觴

薦菱夜經過醉踏大隄相應歌屈平祠下沅江水月

照寒波白煙起一曲南音此地聞長安北望三千里

看採菱

唐白居易

菱池如錦淨無波白點花稀青角多時唱一聲新水  
調謾人道是採菱歌

花部

卷一百四

三十一

菱

詩雋類函卷一百四十五

東吳俞安期彙纂 宣城梅鼎祚增定

新都鄭澤訂校

花部下

葵 紫薇 薔薇 梔子 海棠 玉蕊  
夜合 木槿 木芙蓉 杜鵑 竹花  
雜花

○葵

園葵詩王倫纂位遷帝于金牖城後諸王共誅倫復帝位齊王問諸幾為趙王倫作

禪文類成都王救之免死故晉陸機

種葵此園中葵生鬱萋萋朝榮東北傾夕穎西南稀  
零露垂鮮澤朗月耀其輝時近柔風戢歲暮商森飛

花部

卷一百四十五

一葵

曾雲無溫液嚴霜有凝威幸蒙高墉德玄景蔭素蕤

豐條並春盛落葉後秋衰慶彼晚彫福忘此孤悲生

翩翻晚彫葵孤生寄北蕃被蒙覆露惠微軀後時殘

庇足周一智生理各萬端不若聞道易但傷知命難

蜀葵

宋顏延之

井維降精嶠絡升靈物微氣麗夫草之英淪艷衆葩  
冠冕羣英類麻能直方葵不傾

蜀葵花歌

唐岑參

昨日一花開今日一花開今日花正好昨日花已老  
人生不得恒少年莫惜牀頭沽酒錢請君有錢向酒

家君不見蜀葵花

流夜郎題葵葉

唐李白

慙君能衛足歎我遠移根白日如分照還歸守故園  
遊南國偶見在陰牆下葵因以成詠

唐劉長卿

此地當無日青青獨在陰太陽偏不及非是未傾心

歎葵花

唐戴叔倫

今日見花落明日見花開花開能向日花落委青苔  
自不同凡卉看時幾日迴

○紫薇

花部

卷一百四十五

二紫薇

紫薇并序

唐楊於陵

郡齋有紫薇雙本自朱明接於徂暑其花芳馥數  
旬猶茂庭宇之內迴無其倫予嘉其美而能久因

詩紀述

內齋有嘉樹雙植分庭閭綠葉下成幄紫花紛若鋪

摘霞晚舒豔凝露朝垂珠炎沴盡方鏤幽姿閒且都

天桃固難匹芍藥寧為徒懿此時節久詎同光景驅

陶甄試一致品彙乃散殊擢箕飛受采無心那得朱

粵予負歸繫留賞益踟躕通夕靡云倦西南山月孤

紫薇花

唐白居易

絲綸閣下文書靜鐘鼓樓中刻漏長獨坐黃昏誰是伴紫薇花對紫薇郎

○薔薇

詠薔薇

齊謝朓

低枝詎勝葉輕香幸自通發萼初攢紫餘采尚霏紅  
新花對白日故蕊逐行風參差不俱曜誰肯吟薇叢

賦得薔薇二首

梁簡文帝

石榴珊瑚藥木槿懸星葩豈如茲草麗逢春始發花  
迴風舒紫萼照日吐新芽

燕來枝益軟風飄花轉光氤氳不肯去還來階上香

花部

卷五

三

薔薇

詠薔薇

梁鮑泉

經植宜春館羅靡上蘭宮片舒猶帶紫半卷未全紅  
葉疎難蔽日花密易傷風佳麗新妝罷含笑折芳叢

詠薔薇

梁柳惲

當戶種薔薇枝葉太葳蕤不搖香已亂無風花自飛  
春闌不能靜開匣理明妃曲池浮采采斜岬列依依  
或聞好音度時見銜泥歸且對清醅湛其餘任是非

薔薇

唐儲光義

裊裊長數尋青青不作林一莖獨秀當庭心數枝分  
作滿庭陰春日遲遲欲將半庭影離離正堪玩枝上

嬌鶯不畏人葉底飛蛾自相亂秦家女兒愛芳菲畫  
眉相伴采葳蕤高處紅鬚欲就手低邊綠刺已牽衣  
葡萄架上朝光滿楊柳園中暝鳥飛連袂踏歌從此  
去風吹香氣逐人歸

題薔薇花

唐朱餘慶

四面重條密浮陰入夏清綠攢傷手刺紅隋斷腸英  
粉著蜂鬚膩光凝蝶翅明雨中看亦好况復值初晴

和薔薇花歌

唐孟郊

仙機機機織鳳凰花開七十有二行天霞落地攢紅  
光風枝嫋嫋時一颺飛散葩馥遠空王

花部

卷五

四

薔薇

新色又似宮娃逞妝飾終當一使移花根還比葡萄  
天上植

重題薔薇

唐皮日休

濃似猩猩初染素輕於燕燕欲凌空可憐細麗難勝  
日照得深紅作淺紅

看美人摘薔薇

梁元帝

倡女倦春闌迎風戲玉除近叢看影密隔樹望釵疎  
橫枝斜綰袖嫩葉下牽裾牆高舉不及花新摘未舒  
莫疑插鬢少分人猶有餘

和元帝看美人摘薔薇

梁劉綬



新花歸曲池佳麗復相隨鮮紅同映水輕香共逐吹  
繞架尋多處窺叢見好枝矜新猶恨少將故復嫌萎  
欵邊爛熳插無處不相宜

題薔薇架

唐白居易中

托質依高架攢華對小堂晚開春去後獨秀院中央  
剪碧排千萼研朱染萬房煙條空石綠粉蕊撲雄黃  
根動彤雲湧枝搖赤羽翔九微燈炫轉七寶帳熒煌  
淑氣熏行徑清陰接步廊照梁迷藻梲耀壁變雕牆  
爛若叢燃火殷於葉得霜合羅排勘擷醉暈淺深妝  
乍見疑迴面遙看誤斷腸畫屏風自展繡繖蓋誰張

花部

卷五

五

薔薇 梔子

翠錦挑成字丹砂印著行猩猩凝血點瑟瑟感金匡  
散亂菱紅片尖纖嫩紫芒觸僧飄毳褐留妓日羅裳

○梔子

梔子

宋顏淵

濯雨時摘素當廳獨含芬豐榮殊未紀銷落竟誰聞

詠牆北梔子樹

齊謝朓

有美當階樹霜露未能移金黃發朱采映日以離離  
幸賴夕陽下餘景及西枝還思照綠水君情無曲池  
餘榮未能已晚實猶見奇復留傾筐德君恩信未貲

詠梔子花

梁簡文帝

素華偏可憐的半臨池疑爲霜裏葉復類雪封枝  
日斜光隱見風還影合離

摘同心梔子贈謝娘因附此詩

梁劉氏徐悱妻

兩葉雖爲贈交情永未因同心何處恨梔子最關人

海棠

唐李紳中

海邊佳樹生奇彩知是仙山取得栽瓊葉籍中聞聞  
苑紫芝圖上見蓬萊淺深芳萼通宵換委積紅英報  
晚開寄語春園百花道莫爭顏色泥金杯

海棠花

唐劉兼晚

花部

卷五

六

海棠

淡淡微紅色不深依依偏得似春心煙輕號國聲歌  
黛露重長門歛淚矜低傍繡簾人易折密藏香藥蝶  
難尋良宵更有多情處月下芬芳伴醉吟

海棠

唐鄭谷晚

春風用意勻顏色銷得攜觴與賦詩艷麗最宜新著  
雨嬌嬈全在欲開時莫愁粉黛融腮頰梁廣丹青點  
筆遲朝醉暮吟看不足羨他胡蝶宿深枝

○玉藥花

唐昌觀玉藥花

唐王建中

一樹龍蔥玉刻成飄廊點地色輕輕女冠夜覓香來

處唯見階前碎月明

玉藥

唐鄭谷晚

唐昌樹已荒天意眷文昌曉入微風起春時雪滿牆  
揚州唐昌觀玉藥花拆有仙人遊悵然成二絕

唐嚴休復中

終日齋心禱玉宸竟銷目斷未逢真不如滿樹瓊瑤  
藥笑對藏花洞裏人

羽車潛下玉龜山塵世何由覩薜蘿唯有無情枝上  
雪好風吹綴綠雲鬟

同嚴給事聞唐昌觀玉藥近有仙過作二首

花部

卷一百五

七

唐張籍中

千枝花裏玉塵飛阿母宮中見亦稀應共諸仙鬪百  
草獨來偷折一枝歸

九色雲中紫鳳車尋仙來到洞仙家飛輪迴處無踪  
跡唯有斑斑滿地花

惜玉藥花有懷集賢王校書 唐白居易中

芳意將闌風又吹白雲離葉雪辭枝集賢離校無閒  
日落盡瑤花君不知

○夜合

夜合

唐元稹中

綺樹滿朝陽融融有露光雨多疑濯錦風散似分妝  
葉密煙蒙火枝低繡拂牆更憐當暑見留詠日偏長

感小株夜合

唐元稹中

纖幹未盈把高條纔過眉不禁風苦動偏受露先萎  
不分秋同盡深嗟小使衰傷心落殘葉猶識合昏期

對晚開夜合花贈皇甫郎中 唐白居易中

移晚校一月花遲過半年紅開杪秋日翠合欲昏天  
白露滴未死涼風吹更鮮後時誰肯顧唯我與君憐

○木槿

詠槿

唐李白盛

花部

卷一百五

八

夜合 木槿

園花笑芳年池草豔春色猶不如槿花媚娟玉階側  
芬榮何天促零落在瞬息豈若瓊樹枝終歲長翕絕

二

世人種桃李皆在金張門攀折爭捷徑及此春風暄  
一朝大霜下榮耀難久存安知南山桂綠葉垂芳根  
清陰亦可託何惜樹君園

槿花二首

唐李商隱晚

鸞體傷風力難香積露衣殷鮮一相雜啼笑兩難分  
月裏寧無涕雲中亦有君三清與仙島何事亦離羣

二

珠館薰蕙久玉房梳掃餘燒蘭才作燭裝錦不成書  
本以亭亭遠翻嫌脉脉疎迴頭問殘照殘照更空虛

槿花

唐李商隱

風露淒淒秋景繁可憐榮落在朝昏未央官裏三千  
女但保紅顏莫保恩

秋槿

唐白居易

風露颯已冷天色亦黃昏中庭有槿花榮落同一晨  
秋開已寂寞夕殞何紛紛正憐少顏色後歎不逡巡

赤槿

宋顏延之

日御北至夏德南宣玉蒸榮心氣動上玄華縹間物

花部

卷五

九

木槿

受色朱夫是謂珍樹含艷丹間

朱槿花

唐李商隱

道後紅何患梅花白莫誇纔飛建章火又落赤城霞  
不卷錦步障未登油碧車日西相對罷休澣向天涯

南越木槿歌

陳江總

啼妝梁冀婦紅妝蕩子家一作長城若持花並笑宜  
笑不宜一作勝花趙女垂金珥燕姬插寶珰誰知紅槿

艷無因寄狹斜徒令萬里道攀折自咨嗟

詠木槿樹題武進文明府廳

唐劉庭琦

物情良可見人事不勝悲莫恃朝榮好君看暮落時

玩槿花

唐羊士諤

何乃詩人興妍詞屬華風流感異代窈窕比同車  
凝艷垂清露驚秋隔絳紗蟬鳴復蟲思惆悵竹陰斜

木芙蓉

木芙蓉

唐韓愈

新開寒露叢遠比水間紅艷色寧相妬名偶自同  
採江官渡晚攀木古祠空願得動來者無令便逐風

木芙蓉二首

唐黃滔

卻假青腰女翦成綠羅囊綻綵霞呈誰憐不及黃花  
菊只遇陶潛便得名

花部

卷五

十一

木芙蓉

須到露寒方有態為經霜裏稍無香移根若在秦宮  
裏多少佳人泣曉妝

秋朝木芙蓉

唐李嘉祐

水面芙蓉秋色衰繁條倒是著花時平明露滴垂紅  
臉似有朝愁暮落悲

杜鵑

山鵲即杜鵑併入

宣城見杜鵑花

唐李白

蜀國曾聞子規鳥宣城還見杜鵑花一叫一回腸一  
斷三春三月憶三巴

寒食日題杜鵑花

唐曹松

一朶又一朶併開寒食時誰家不禁火總在此花枝

詠石榴

梁沈約

靈園同佳稱幽山有奇質停采久彌鮮含華豈期實  
長願微名隱無使孤株出

山石榴花十二韻

唐白居易

曄曄復煌煌花中無比方艷天宜小院條短稱低廊  
本是山頭物今爲砌下芳千叢相向背萬朶互低昂  
照灼連朱檻玲瓏應粉牆風來添意態日出助晶光  
漸綻臙脂萼猶含琴軫房離披亂翦綠斑駁未勻妝  
絳焰燈千炷紅裙妓一行此時逢國色何處覓天香

花部

卷五十五

十一 杜鵑

恐合栽金闕思將獻玉皇好差青鳥使封作百花王

山石榴

唐杜牧

似火山榴映小山繁中能薄艷中間一朶佳人玉釵  
上祗疑燒却翠雲鬟

喜山石榴花開

唐白居易

忠州州裏今日花廬山山頭去年樹已憐根損斬新  
栽還喜花開依舊數赤玉何人少琴軫紅纈誰家合  
羅襖但知爛熳恣情開莫怕南賓桃李妬

戲問山石榴

唐白居易

小樹山橋近砌栽半含紅萼帶花來爭知司馬夫人

妬移到庭前便不開

山石榴寄元九

唐白居易

山石榴一名山躑躅一名杜鵑花杜鵑啼時花撲撲  
九江三月杜鵑來一聲催得一枝開江城上佐閒無  
事山下斲得廳前栽爛熳一欄十八樹根株有數花  
無數千房萬葉一時新嫩紫殷紅鮮麴塵淚痕裊損  
臙脂臉翦刀裁破紅綃巾謫仙初隨愁在世姪女新  
嫁嬌泥<sup>去聲</sup>春日射血珠將滴地風翻火燄欲燒人閒  
折兩枝持在手細看不似人間有花中此物似西施  
芙蓉芍藥皆媿母奇芳絕艷別者誰通州遷客元拾  
遺拾遺初貶江陵去去時正值青春暮西山秦嶺愁  
殺人山石榴花紅夾路題詩報我何所云苦云色似  
石榴裙當時叢畔唯思我今日欄前只憶君憶君不  
見坐銷落日西風起花紛紛

花部

卷五十五

十二 杜鵑

題孤山寺山石榴花示僧衆

唐白居易

山榴花似結紅巾容艷新妍占斷春色相故關行道  
地香塵擬觸坐禪人瞿曇弟子君知否恐是天魔女  
化身

○石竹花

魏倉曹宅賦一物得石竹花

唐李頎

羅生殊衆色獨爲表華滋雖雜蘭蕙處無爭桃李時  
同人趨府暇落日後庭期密葉散紅點靈條驚紫莢  
芳菲看不厭採摘願來茲

荅李滁州題庭前石竹花

見

唐獨孤及

殷疑曙霞染巧類匣刀裁不怕南風熱能迎小暑開  
遊蜂憐色好思婦感年催覽贈添離恨愁腸日幾迴

雲陽寺石竹花

唐司空曙

一自幽山別相逢此寺中高低俱出葉深淺不分叢  
野蝶難爭白庭榴暗讓紅誰憐芳最久春露到秋風

○雜花

優鉢羅 山薑 山枇杷

冬瑰 月 雞冠

花部

卷五

十三 石竹花

優鉢羅花歌

并序

唐岑參

參嘗讀佛經聞有優鉢羅花目所未見天寶庚申  
歲參忝大理評事攝監察御史領伊西北庭度支  
副使自公多暇乃於府庭內栽樹種藥爲山鑿池  
婆娑乎其間足以寄傲交河小吏有獻此花者云  
得之於天山之南其狀異於衆草勢龍挺如冠弁  
巖然上聳生不傍引攢花中折駢葉外包異香騰  
風秀色媚景因賞而歎曰爾不生於中土僻在遐  
裔使牡丹價重芙蓉譽高惜哉夫天地無私陰陽  
無偏各遂其生自物厥性豈以偏地而不生乎豈

以無人而不芳乎適此花不遭小吏終委諸山谷  
亦何異懷才之士未會明主擯於林藪耶因感而  
爲歌歌曰

白山南赤山北其間有花人不識綠莖碧葉好顏色  
葉六瓣花九房夜掩朝開多異香何不生彼中國今  
生西方移根在庭媚我公堂恥與衆草之爲伍何亭  
亭而獨芳何不爲人之所賞今深山窮谷委嚴霜吾  
竊悲陽關道路長曾不得獻於君王

題合歡花

唐李頎

開花復卷葉艷眼又驚心蝶遶西枝露風披東榦陰

花部

卷五

十四 雜花

黃衫漂細藥時拂女郎砧

和李員外與舍人詠冬瑰花寄徐侍郎

唐司空曙

僊吏紫微郎奇花共翫芳攢星排綠蒂照眼發紅光  
暗妬翻堦藥遙連直署香遊枝蜂繞易礙刺鳥銜妨  
露濕凝衣粉風吹散藥黃蒙龍珠樹合煥爛錦屏張  
留客勝看竹思人比愛棠如傳採蘋詠遠思滿瀟湘  
和李舍人昆季詠冬瑰花寄贈徐侍郎

唐盧綸

獨鶴寄煙霜雙鸞思晚芳舊陰依謝宅新艷出蕭牆

蝶散搖輕露鶯銜入夕陽雨朝勝濯錦風夜劇焚香  
斷日千層艷孤霞一作萬片光密來驚葉少動處覺  
枝長布影期高賞畱春爲遠方當聞贈瓊玖叨和愧  
升堂

唐元稹中

凌風颺颺花透影。朧朧月巫峽。隔波雲。姑峰漏霞雪。  
鏡勻嬌面粉。燈泛高籠顯。夜久清露多。啼珠墜還結。  
崔元受少府自貶所還遺山薑花以詩荅之

唐劉禹錫中

故人博羅尉遺我山薑花採從碧海上來自謫仙家

唐元稹中

山枇杷花似牡丹殷潑血往年乘傳過青山正值山  
花好時節壓枝凝艷已全開映葉香苞纔半裂緊摺  
紅袖欲支頤慢解絳囊初破結金線叢飄繁藥亂珊  
瑚朶重纖莖折因風旋落裙片飛帶日斜看目精熟  
亞水依巖半傾側籠雲隱霧多愁絕綠珠語盡身欲  
投漢武眼穿神漸滅穠姿秀色人皆愛怨媚羞容我  
偏別

唐皮日休

臘前千朵亞芳叢細膩偏勝素柰功螭首不言披曉  
雪麝臍無主任春風一枝拂地成瑤圃數樹參庭是  
葉宮應爲當時天女服至今猶未放全紅

唐羅鄴晚

一枝濃艷對秋光  
露滴風搖倚砌傍  
曉景年看何處似  
謝家新染紫羅裳

葛 芭蕉 蓬 茅 蒲 萍 苔 雜草

○草總載

香草原作古詩

漢無名氏

新樹蘭蕙葩雜用杜蘅草終朝采其華日暮不盈抱

采之欲遺誰所思在遠道馨香易銷歇繁華曾枯槁  
嘿嘿何所言臨風送懷抱

陳劉刪

雨淋三春葉風傳十步香映袍憐色重臨書喜帶長  
細草

依堦疑綠蘚傍渚若青苔漫生雖欲遍人迹會應開

唐釋可朋

綿綿芳草綠何處動深思金谷人亡後沙場日暖時  
龍鱗藏有瑞風雨灑無私欲採蘭兼蕙清香可贈誰

唐羅業



廢苑牆南殘雨中似袍顏色正蒙茸微香暗惹遊人步遠綠纔分鬪雉蹤三楚渡頭長恨見五侯門外却難逢年年縱有春風便馬跡車輪一萬重

芳草

唐黃滔晚

澤國多芳草年年長自春應從屈平後更苦不歸人

春草謠

唐顧況中

春草不解行隨人上東城正月二日色綿綿千里萬里傷人情

陵中草

原作古詩

古無名氏

青青陵中草傾葉晞朝日陽春被惠澤枝葉可攬結

草部

卷一百四十五

十七

草部

玉堦春草

梁丘遲

發溜始參差扶堦方沃若雜葉半藏蟻叢花未隱雀

詠長信宮中草

梁庾肩吾

委翠似知節含芳如有情全由履迹少併欲上階生

長信草

唐崔國輔盛

長信宮中草年年愁處生時侵珠履跡不使玉階行

樹中草

梁簡文帝

幸有青袍色聊因翠幄凋雖開珊瑚帶非是合歡條

樹中草

唐李白盛

鳥銜野田草誤入枯桑裏客土植危根逢春猶不死草木雖無情因依尚可生如何同枝葉各自有枯榮

曲江春草

唐鄭谷晚

花落江堤簇晚煙雨餘草色遠招連香輪莫輾青青破留與遊人一醉眠

路傍草

唐于鄴晚

春至始青青香車碾已平不知山下處來遶路傍生每歲有人在何時無馬行應隨塵與土吹滿洛陽城

愍衰草

梁沈約

愍衰草衰草無容色憔悴荒逕中寒荻不可識昔時

草部

卷一百四十五

十八

草部

今春日昔日今春風銜花今佩實垂綠今散紅氛氣鳩鵲右照曜望仙東送歸顧慕泣淇水嘉客沆蘭懷上宮巖陬今海岍冰多今霞積爛熳今客一作根攢

幽今

一作隙

布綿密於寒臯吐纖疎於危石既惆悵於君子倍傷心於行役露縮枝於初旦霜紅天於始夕彫芳卉之九衢實靈草之三春風急峭道難秋

至客衣單既傷簷下菊復悲池上蘭飄落逐風盡方知歲早寒流螢暗明燭鴈聲斷

知歲早寒流螢暗明燭鴈聲斷

知歲早寒流螢暗明燭鴈聲斷

知歲早寒流螢暗明燭鴈聲斷

知歲早寒流螢暗明燭鴈聲斷

知歲早寒流螢暗明燭鴈聲斷

長舊岩園一作草長 園庭漸燕沒霜露日霑衣願逐

晨征鳥薄暮共西歸

賦得御園芳草

唐陸贄中

陰陰御園裏瑤草日光長  
羅靡含煙霧依稀帶夕陽  
雨餘萸更密風暖蕙初香  
擁妓綠馳道乘輿入建章  
濕煙搖不散細影亂無行  
恒恐韶光晚何人辨早芳

賦得龍池春草

唐陳翊中

青春光鳳苑細草遍龍池  
曲渚交蘋葉迴塘惹柳枝  
因風初冉冉覆岼欲離離  
色帶金堤靜陰連玉樹移  
日光浮羅靡波影動參差  
豈比生幽遠芳馨衆不知

草部

卷五

十九

賦得龍池春草

唐宋迪中

鳳闕韶光遍龍池草色勻  
煙波全讓綠堤柳不爭新  
翻葉迎紅日飄香借白蘋  
幽姿偏占暮芳意欲留春  
已勝生金埒長思藉玉輪  
翠華如見幸正好及茲辰

賦得龍池春草

唐萬侯造中

暖積龍池綠晴連御苑春  
迎風莖未偃裊露色猶新  
葍分堦砌離離雜荇蘋  
細叢依遠渚疎影落輕淪  
遲引繁花蝶偏宜拾翠人  
那憐獻賦者惆悵惜茲辰

禮闈試階前春草生

唐□□□

河畔雖同色南宮淑景先  
微開曳履處常對講經前

得地風塵隔依林雨露偏  
已逢霜候改初寄日華妍  
影與叢蘭雜榮將衆卉連  
哲人如不殖生意在芳年

省試春草碧色

唐殷文珣晚

細草含愁碧芊綿南浦濱  
萋萋如恨別冉冉共傷春  
疎雨煙華潤斜陽細彩勻  
花黏繁鬬錦人藉軟勝茵  
淺映宮池水輕遮輦路塵  
杜回如可結誓作報恩身

省試春草碧色

唐王叔晚

習習東風扇萋萋章色新  
淺深千里碧高下一時春  
嫩葉舒煙際微香動水濱  
金塘明夕照輦路惹芳塵  
造化功何廣陽和力自均  
今當發生日瀝懇祝良辰

草部

卷五

二十

省試春草碧色

唐鄭谷晚

萋弘血染新含露滿江濱  
想得尋花徑應迷拾翠人  
窻紗迎擁砌簪玉妬成茵  
天借新晴色雲饒落日春  
嵐光垂處合眉黛看時頻  
願與仙桃比無令惹路塵

賦得池塘生春草

唐陳陶晚

謝公遺詠處池水夾通津  
古往人何在年來草自春  
色宜波際綠香異雨中新  
今日青書意空悲行路人

賦得生芻一束

唐鄭谷草

孫弘期射策長倩贈生芻  
至潔心將比忘憂道不孤  
芝蘭方入室蕭艾莫同途  
馥馥香猶在青青色更殊

芳寧九春歇薰旱年無葑非如堪采山苗自可逾

賦得生芻一束

唐于結

比玉人應重為芻物自輕向風傾弱葉裊露示纖莖  
蒨練宜春景芊綿對雨情每慙蘋藻用多謝蒨蘭榮  
孺子才雖遠公孫策未行諮詢一作謝如不棄終冀及  
微生

賦得古原草送別

唐白居易中

離離原上草一歲一枯榮野火燒不盡春風吹又生  
遠芳侵古道晴翠接荒城又送王孫去萋萋滿別情

江草歌送盧判官

唐皇甫冉中

草部

卷百五

三十一 草部

江臯兮春早江上兮芳草雜蘼蕪兮杜蘅作叢秀兮  
欲羅生彼隱遙隰兮經長衍雨中深兮煙中淺目渺  
渺兮增愁步遲遲兮堪零澧之浦湘之濱思夫君兮  
送美人吳洲曲兮楚鄉路遠孤城兮依獨戍新月能  
分裊露時夕陽照見連天處問君行邁將何之淹泊  
沿洄風日遲處處汀洲有芳草王孫詎肯念歸期

○芝

靈芝歌

漢班固

因露寢兮產靈芝象三德兮瑞應圖延壽命兮光此  
都配上帝兮象太微參日月兮揚光輝

芝房歌

漢書武帝紀曰元封二年夏六月甘泉宮內中產芝九莖連葉作芝房之歌

漢古辭

齊房產草九莖連葉齊讀官童効異披圖案謀玄氣  
之精回復此都蔓蔓日茂芝成靈華

紫芝歌

漢四皓

莫莫高山一作莫深谷逶迤暉暉紫芝可以療饑唐  
虞世遠吾將何安一作歸駟馬高蓋其憂甚大富貴之  
畏人兮不若貧賤之肆志一作富貴而畏人

芝草

梁庾肩吾

踟躕玩芝草淹留攀桂叢桂叢方偃寒芝葉正玲瓏

草部

卷百五

三十一 草部

如龍復如馬成闕復成宮黃金九華發紫蓋一作六  
英通隱士蒼山北神仙海穴東隨丹聊變水獨搖不  
須風

宣政殿芝草

唐李義府初

明王敦孝感寶殿秀靈芝色帶朝陽淨光潤雨露滋  
且標僊德重更引國恩施聖祚今無限微臣樂未移

○萱

宜男 鹿葱併入

芳萱

原作塘

宋謝惠連

芳萱秀陵阿菲質不足營幸有忘憂用移根託君庭  
垂穎臨清池擢彩仰華甍霑渥雲雨潤歲華吐芳馨

顧君眷傾葉留景惠餘明

宜男草

梁元帝

可愛宜男草垂采映倡家何時如此葉結實復含花

詠鹿葱

梁沈約

野馬不任騎兔絲不任織既非中野花無堪腐腐食

詠萱草

北齊楊休之

開跗幽澗底散彩曲堂垂優柔清露濕微穆惠風吹

朝朝含麗景夜夜對華池

詠階前萱草

隋魏澹

綠草正含芳霍靡映前堂帶心花欲發依籠葉已長

草部

卷一百五

三

度時無影風來乍有香橫得忘憂號余憂遂不忘

詠萱

唐李嶠

徒步尋芳日忘憂自結叢黃英開養性綠葉正依籠

色湛仙人露香傳少女風還依北堂下曹植動文雄

對萱草

唐韋應物

何人樹萱草對此郡齋幽本是忘憂物今夕一重

生憂取疎露始滴芳餘蝶尚留還思杜陵園離披風

雨秋

○女蘿

原絲附

女蘿

魏劉楨

青青女蘿草上依高松枝幸蒙庇養恩分惠不可貲  
風雨雖急疾根株不傾移

詠女蘿

齊王融

幕歷女蘿草蔓衍旁松枝含煙黃且綠因風卷復垂

賦得松上輕蘿

陳劉綱

葉繞千年蓋條依百尺枝屬與松風動時將薜影垂

學帶非難結為衣或易披山阿若近遠獨有楚人知

兔絲

原作古絕句

菟絲從長風根莖無斷絕無情尚不離有情安可別

二草

原作古意

唐李白

草部

卷一百五

三

若為女蘿草妾作兔絲花輕條不自引為逐春風斜

百丈託遠松纏綿成一家誰言會面易各在青山崖

女蘿發露香兔絲斷人腸枝枝相糾結葉葉竟飄揚

生子不知根因誰其芬芳中巢雙翡翠上宿紫鴛鴦

若識二草心海潮亦可量

詠兔絲

齊謝朓

輕絲既難理細縷竟無纖爛熳已萬條連綿復一色

安根不可知縈心終不測所貴能卷舒伊用蓬生直

兔絲

唐元稹

人生莫依倚倚事不成君看兔絲蔓依倚榛與荆

荆榛易蒙密百鳥撩亂鳴下有狐兔穴奔走亦縱橫  
樵童破將去柔蔓與之并翳薈生可耻束縛死無名  
桂樹月中出珊瑚石上生俊鶻度海食應龍升天行  
靈物本特達不復相纏縈縈竟何者荆棘與飛莖  
○藤

詠藤

梁簡文帝

纖條寄喬木弱影掣風斜標春拍曉翠山霧挂懸花

詠藤

唐李嶠

吐葉依松磴舒苗長石臺神農嘗藥罷質子寄書來

色映葡萄架花分竹葉杯金堤不見識玉潤幾重開

草部

卷五十五

三十五

紫藤樹

唐李白

紫藤挂雲木花蔓宜陽春密葉隱歌鳥香風留美人

紫藤

唐白居易

藤花紫蒙茸藤葉青扶疎下如蛇屈盤上若繩縈紆

可憐中間樹束縛成枯株柔蔓不自勝嫋嫋挂空虛

豈知纏樹木千夫力不如

愛敬寺古藤歌

唐李頎

占藤池水盤樹根左攬右擎龍虎蹲橫空直上相凌

突丰茸離纏若無骨風雷霹靂連黑枝人言其下藏

妖魍空庭落葉乍開合十月苦寒常倒垂憶昨花飛

滿空殿密葉吹香飯僧遍南階雙桐一百尺相與年  
年老霜霞

石上藤

唐岑參

石上生孤藤弱蔓依石長不逢高枝引未得凌空上

何處堪託身為君長萬丈

架簷藤

唐儲光義

得從軒墀下如勝松柏林生枝逐架遠吐葉向門深

何許蒼君子簷間朝暝陰

挂樹藤

唐費冠卿

本為獨立難寄彼高樹枝蔓衍數條遠溟濛千朵垂

草部

卷五十五

三十六

藤

向日助成陰當風藉持危誰言柔可屈坐見蟠蛟螭

和題藤架

唐獨孤及

尊尊葉成幄璀璨花落架花前離心苦愁至無日夜

人去藤花千里強藤花無主為誰芳相思歷亂何由

盡春日迢迢如線長

○葛

采葛婦歌

吳越春秋曰越王自吳還國勞身苦

之被體使國中男女出入嘗之知吳王如服

諸侯之服越王乃增越之封賜羽毛之飾以

葛不連一作蔓茶台台我君心苦命更之臂臆不苦

其如始令我采葛以作絲女工織今不敢遲弱於羅  
今輕霏霏號絺素今將獻之越王悅今忘罪除叶魚  
吳王歡今飛尺書叶商之反增封益地賜羽奇机杖茵蔕  
諸侯儀羣臣拜舞天顏舒叶同書我王何憂能不移

黃葛篇

唐李白

黃葛生洛谿黃花白綿羃青煙蔓長條絲統幾百尺  
閨人費素手採緝作絺綌縫為絕國衣遠寄日南客  
蒼梧大火落暑服莫輕擲此物雖過時是妾手中跡

和李尹種葛

唐戎昱

弱質人皆棄唯君手自栽羃含霜後竹香惹臘前梅  
草部 卷五 三七 葛 芭蕉

擬托凌雲勢須憑接引材綠陰如可惜黃鳥定飛來

芭蕉

甘蕉 紅蕉並附

芭蕉

宋謝靈運

生分本多端芭蕉知不一含萼不結核敷華何由實  
主人善取譬無辜誰能律莫昵緣合時當視分散日

芭蕉

唐杜牧

芭蕉為雨移故向窗前種憐渠點滴聲留得歸鄉夢  
夢遠莫歸鄉覺來一翻動

芭蕉

唐路德延

一種靈苗具天然體性虛葉如斜界紙心似倒抽書

甘蕉

梁沈約

抽葉固盈丈擢本信兼圍流甘揜柳實弱縷冠絺衣  
紅蕉 唐柳宗元

晚英值窮節綠潤含朱光以茲正陽色窈窕凌清霜  
遠物世所重旅人心所傷迴暉眺林際戚戚無遺芳  
○蓬

轉蓬篇

原作吁嗟○魏志曰植子欲求別見獨  
待潘國峻迫植十一年 魏陳思王

吁嗟此轉蓬居世何獨然長上本根逝宿夜無休閒  
東西經七陌南北越九阡卒遇回風起吹我入雲間

草部

卷五

五

自謂終天路忽然下沈淵驚飈接我出故歸彼中田  
當南而更北謂東而反西宕宕常何依忽亡而復存  
飄飄周八澤連翩歷五山流轉無恒處誰知吾苦艱  
願為中林草秋隨野火燔糜滅豈不痛願與根荄連

秋蓬

原作

晉司馬彪

百草應節生含氣有深淺秋蓬獨何辜飄飄隨風轉  
長飈一飛薄吹我之四遠搔首望故株邈然無由返  
建德破後入長安詠秋蓬示辛學士

唐王績

遇坎聊知止逢風忽未歸孤根何處斷輕葉強能飛



荅王績詠秋蓬見示

唐辛學士

託根雖異所飄葉早相依因風若有便更共入雲飛

○香茅

香茅

梁簡文帝

銅律與鳴琴俱稱類君子豈若江淮間發葉超衆美  
珍同自牧歸茅因景征起豈獨遺秦衡方知獲沅芷

香茅

北齊蕭祗

鷓鴣芳不歇霜繁綠更滋擢本同三春流芳有四時  
粗根縮酒易結解舞鸞遲終當入楚貢豈羨詠陳詩

詠茅

唐李嶠

草部

卷四十五

三九

香茅 蒲

楚甸供王日衡陽入貢年麋包青野外鷓鴣綺楹前  
堯帝成茨罷殷湯祭雨旋方期大君錫不懼小巫捐

○蒲

詠蒲

齊謝朓

離離水上蒲結水散爲珠間厠秋菡萏山入春鳬雛  
初萌實雕俎暮葢雜椒塗所悲塘上曲遂鑠黃金軀

賦得蒲生我池中

梁元帝

池中種蒲葉影蔭池濱未好中宮薦行堪隱士輪  
爲書聊可截匹柳復宜春瑞葉生荷苑鏤碧獻周人

拔蒲 二曲

古辭

青蒲銜紫茸長葉復從風與君同舟去拔蒲五湖中

二

朝發桂蘭渚晝息桑榆下與君同拔蒲竟日不成把

魯東門觀刈蒲

唐李白

魯國寒事早初霜刈渚蒲揮鎌若轉月拂水生連珠  
此草最可珍何必貴龍鬚織作玉牀席欣承清夜娛  
羅衣能再拂不畏素塵無

○萍

浮萍篇

魏文帝

汎汎綠池中有浮萍寄身流波隨風靡傾芙蓉含芳

草部

卷四十五

三

蒲 萍

南蔕垂榮朝采其實夕佩其英采之遺誰所思在庭  
雙魚比目鴛鴦交頸

萍詩

魏何晏

轉蓬去其根流飄從風移芒芒四海涂悠悠焉可彌  
願爲浮萍草託身寄清池且以樂今日其後非所知

詠萍

齊劉綰

可憐池內萍益蓋一作氣紫復青巧隨浪開合能逐水  
低平微根無所綴細葉詎須華漂泊終難測留連如  
有情

賦得池萍

梁庾肩吾

風翻乍青紫浪起時疎密本欲歎無根還驚能有實

浮萍

北史曰元興世寒因元又之勢其交迫相為引用又既賜死興亦被廢乃為浮萍

詩以自喻

北魏馮元興

有草生碧池無根綠水上脆弱惡風波危微苦驚浪

詠萍

唐李嶠

二月虹初見三春蟻正浮青蘋含吹轉紫帶帶波流

屢逐明神薦常隨旅客遊既能甜似蜜還遶楚王舟

家語曰楚昭王渡江江中有物大如斗圓而赤直觸舟舟人取之王怪之使使聘於魯問於孔子孔子曰此萍實也可剖而食之吉祥也唯霸者為能獲焉

使者遂王遂食之大美使來以告魯大夫大夫因子

問遂王遂食之大美使來以告魯大夫大夫因子

草部 卷一百四十五

三

之甜如蜜此楚王之應也是以知之

浮萍

唐陸龜蒙

晚來風約半池明重疊侵沙綠扇成不用臨池重相

笑最無根帶是浮名

浮萍

唐皮日休

嫩似金脂颺似煙多情渾欲擁紅蓮明朝擬附南風

信寄與湘妃作翠鈿

○苔

詠青苔

梁沈約

緣堦已漠漠汎水復緜緜微根如欲斷輕絲似更聯

長風隱細草深堂沒綺錢繁鬱無人贈歲製徒可憐

新苔

梁庾肩吾

隨潮染岬石逐沫聚浮楂徒令阿谷罷停筐不汰沙

對秋苔成詠

唐包何中

每看苔蘚色如向簿書閒幽思纏芳樹高情寄遠山

雨痕連地綠日映出林斑却笑興公賦臨危滑石間

賦應門照綠苔

唐李益

宮上何年月應門何歲苔清光一似照白露共徘徊

珠履久行絕玉房重未開妾心正如此昭陽歌吹來

○雜草

杜若 著 慎火 麻 菰 荻 蒹 藁 恒春 紅豆 白頭翁 瓦松 黃 蒹 藁

草部 卷一百四十五

三

垣衣 靈光香

詠杜若

梁沈約

生在窮絕地豈與世相親不顧逢采擷本欲芳幽人

詠苔

梁范筠

數竒不可偶性直誰能紆禎蔡伏靈異祥雲降溫腴

詠慎火

南越志曰廣州有樹可以禦火山北謂之慎火或謂之戒火多種屋上

詠慎火

梁范筠

茲卉信叢叢微榮未足竒何期繇香草遂得連花池

忘憂雖無用止醖或有施早得建章立幸與柏梁垂

城上麻

梁吳均

麻生滿城頭麻葉落城溝麻莖左右披溝水東西流  
少年感恩命奉劍事西周但令直心盡何用返封侯

詠菰

梁沈約

結根布洲渚垂葉滿臯澤匹彼露葵美可以留上客

賦得春荻

梁元帝

翠焚玉池前遙映江南蓮非秋無有耗未燒不生煙

吳興送梁補闕歸朝賦得荻

唐朱長文

柳家河州孟冬月雲寒水清荻花發一枝持贈朝天子  
人願比蓬萊殿前雪

蒹葭

唐杜甫

草部

卷五十五

三十三 雜草

摧折不自守秋風吹若何暫時花帶雪幾處葉沈波  
體弱春苗早叢長夜露多江湖後搖落亦恐歲蹉跎

方士進恒春草

唐梁鎰

東吳有靈草生彼剡谿傍既亂莓苔色仍連茵蔯香  
掇之稱遠士持以奉明王北闕顏彌駐南山壽更長  
金膏徒騁妙石髓莫矜良儻使沾涓滴還遊不死方

詠紅荳

唐王維

紅荳生南國秋來發幾枝贈君多採擷此物最相思

見野草中有曰白頭翁者

唐李白

醉入田家去行歌荒野中如何青草裏亦有白頭翁

折取對明鏡宛將衰鬢同微芳似相肖爾恨向東風

尚書都堂瓦松

唐李華

華省秘仙口高堂露瓦松葉因春後長花爲雨來濃  
影混鴛鴦色光含翡翠容天然斯所寄地勢太無從  
接棟臨雙闕連薨近九重寧知深澗底霜雪歲兼封

賦得數莢

唐元稹

將課司天曆先觀近砌莢一旬開應月五日數從星  
桂滿叢初合蟾虧影漸零辨時長有素數閏或餘青  
墜葉推前事新芽察未形堯年始今歲方欲瑞千齡

移莎

唐唐彥謙

草部

卷五十五

三十四 雜草

移從杜城曲置在小齋東正是高秋裏仍兼細雨中  
結根妨迸竹疎蔭說高桐再再齊芳草飄飄笑斷蓬  
片時留靜者一夜響鳴蛩野露通宵滴谿煙盡日蒙  
試才卑庾薤求味笑周松只此霜栽好他時贈伯翁

賦得垣衣

唐李得

漠漠復霏霏爲君垣上衣昭陽輦下草應笑此生非  
掩藹青春去蒼茫白露稀猶勝萍逐水流浪不相依

寄南岳客乞靈光香

唐陸龜蒙

聞說融峰下靈香似反覓春來正堪采試爲劬雲根  
詩雋類函卷一百四十五

詩集類函卷一百四十六

東吳俞安期彙纂 宣城梅鼎祚增定

新都鄭澤訂校

鳥部一 禽鳥總載 鳳 鸞 附 鵠 孔雀 鳳

○禽鳥總載

歸鳥四章

晉陶淵明

翼翼歸鳥晨去于林遠之八表近憩雲岑和風不洽  
翻翻求心顧儔相鳴景庭清陰

翼翼歸鳥載翔載飛雖不懷遊見林情依遇雲頡頏  
相鳴而歸遐路誠悠性愛無遺

鳥部

卷一百四十六

禽鳥總載

翼翼歸鳥馴林徘徊豈思天路欣反舊棲雖無昔侶  
衆聲每諧日夕氣清悠然其懷

翼翼歸鳥戢羽寒條遊不曠林宿則森標晨風清興  
好音時交矰繳奚施卷已安勞

詠獨棲鳥

梁朱超

河水聞寒已成凍塞草愁霜縣自衰可念無端失林  
鳥此夜逆風何處歸列網遮山不聽度縣水繞樹滑  
難依細石似燕能隨雨片木作鷺猶解機但令積風  
多少便何患有翼不能飛寄語故林無數鳥會入羣  
裏比毛衣

越鳥

唐鄭谷

背霜南雁不到處倚棹北人初聽時梅雨滿江春草  
歇一聲聲在荔枝枝

山禽

唐張籍

山禽毛如白練帶棲我庭前栗樹枝獼猴半夜來取  
栗一雙中林向月飛

北禽

唐李商隱

為戀巴江暖無辭瘴霧蒸縱能朝杜宇可得值蒼鷹  
石小虛填海蘆鋸未破繒知來有乾鵲何不向雕陵

鳥散餘花落

唐趙存約

鳥部

卷一百四十六

禽鳥總載

春曉遊禽集幽庭幾樹花坐來驚艷色飛去墮晴霞  
翅拂繁枝落風添舞影斜彩雲飄玉砌絳雪下仙家  
分散音初靜凋零蕊帶葩空堦瞻玩久應共惜年華

賦得好鳥鳴南枝

唐鄭袞

養翮非無待遷喬信自卑影高遲日度聲遠好風隨  
雲拂千尋直花催百轉奇驚人時向晚求友聽應知  
委質經三歲先鳴在一枝上林如可託弱羽願差池

賦得好鳥鳴南枝

送劉員外

唐劉斌

春林已自好時鳥復和鳴枝交難奮翼谷靜易沈聲  
間關纔得性繒繳遽相驚安知肯飛遠拂霧獨晨征

賦得白鳥翔翠微

唐朱灣中

不知鷗與鶴天畔弄晴暉背日分明見臨川相映微

澤中雲一點迴處雪孤飛正好高枝立翩翩何處歸

一作所依

小鳥篇上裴尹

唐劉長卿中

藩籬小鳥何甚微翩翩日夕空此飛只緣六翮不自

致長似孤雲無所依西城黯黯斜暉落眾鳥紛紛皆

有託獨立雖輕燕雀羣孤飛還懼鷹鷂搏自憐天上

青雲路弔影徘徊獨愁暮街花縱有報恩時擇木誰

容托身處處月蹉跎飛不進羽毛顛顛何人問遶樹

鳥部

卷百四十六

三

空隨鳥鵲驚巢林只有鷓鴣分主人庭中蔭喬木愛

此清陰欲棲宿少年挾彈遙相猜遂使驚飛往復迴

不辭奮翼向君去唯怕金丸隨後來

蠅蝶雜麝鸞鳳等成篇

唐李商隱晚

韓蝶翻羅幕曹蠅拂綺牕關雎迴玉勒融麝暖金釭

玳瑁明書閣瑠璃水酒釭畫樓多有主鸞鳳各雙雙

○鳳 驚附

鳳詩

魏劉楨

鳳凰集南岳徘徊孤竹根於心有不厭奮翅凌紫氛

豈不常勤苦羞與黃雀羣何時當來儀要須聖明君

鳳詩

晉束縠

有鳳適南中終日無歡娛自怨梧桐遂行飛棲桑榆

奮迅振長翼俛仰向天衢蕭韶逝無聞朝陽不可須

鳳凰

原作鴻鴈生塞北行

晉傅玄

鳳凰達生海西及時崑山岡五德存羽儀和鳴定宮

商百鳥竝侍左右鼓翼騰華光上熙遊雲日間千歲

時來翔

詠鳳

唐李嶠初

有鳥居丹穴其名曰鳳凰九苞應靈瑞五色成文章

屢向秦樓側頻過洛水陽鳴岐今日見阿閣佇來翔

鳥部

卷百四十六

四

鳳凰曲

唐李白威

羸女吹玉簫吟弄天上春青鸞不獨去更有攜手人

影滅彩雲斷遺聲落西秦

鳳

唐李商隱晚

萬里峰巒歸路迷未判容彩借山雞新春定有將雛

樂阿閣華池兩處棲

儀鳳歌

一作神鳳操○一日鳳凰來儀古今樂錄曰周成王時鳳凰翔舞成王作此歌

鳳凰翔兮於玉海紫庭予何德兮以感靈賴先人

兮恩澤臻于胥樂兮民以寧初學記引此宋符瑞記亦載此錄字作麟

儀鳳

唐楊嗣復中

八方該帝澤威鳳忽來賓向日朱光動迎風翠羽新  
低昂多異趣飲啄迴無鄰郊數今翔集河圖意等倫  
聞韶知鼓舞偶聖願逡巡比屋初同俗垂恩擊壤人

彩鳳原作古意

唐王績初

彩鳳欲將歸提羅出郊訪羅張大澤已鳳入重雲颺  
朝棲崑閬木夕飲蓬壺張問鳳那達飛賢君坐相望  
鳳言荷深德微禽安足尚但使雛卵全無令繒繳放  
皇臣力牧舉帝樂簫韶暢自有來巢時明年阿閣上

朱鳳行

唐杜甫

君不見瀟湘之山衡山高山巔朱鳳聲嗷嗷側身長

鳥部

卷百四十六

五

顧求其羣翅垂口噤心甚勞下愁百鳥在羅網黃雀  
最小猶難逃願分竹食及螻蟻盡使鳴梟相怒號

賦得威鳳棲梧桐

陳張正見

丹山下威鳳來集帝梧中欲舞春花落將飛秋葉空  
影照龍門水聲入洞庭風別有將雛曲翻更合絲桐

鸞鳳

唐李商隱

舊鏡鸞何處衰桐鳳不棲金錢饒孔雀錦段落山雞  
王子調清管天人降紫泥豈無雲路分相望不應迷

鸞鳥原作言詩七

漢崔駰

鸞鳥高翔時來儀應洽歸德合望規喙食竹實飲華

池

雙鸞原作贈秀才

魏嵇康

雙鸞匿景曜戢翼太山崖抗首嗽朝露晞陽振羽儀  
長鳴戲雲裏時下息蘭池

鸞詩原作雜詩

魏王粲

聯翻飛鸞鳥獨遊無所因毛羽照野草哀鳴入層雲  
我尚假羽翼飛覩爾形身願及陽春會交頸邁殷勤

鸞鳥并序

宋范泰

昔尉賈王結竄峻卯之山獲一鸞鳥王甚愛之欲  
其鳴而不致也乃飾以金樊饗以珍羞對之愈戚

鳥部

卷百四十六

六

三年不鳴其夫人曰竚聞鳥見其類而後鳴何不  
縣鏡以映之王從其意鸞覩形悲鳴哀響冲霄一  
奮而絕嗟乎茲禽何情之深昔鍾子破琴於伯牙  
匠石韜斤於郢人蓋悲妙賞之不存慨神質於當  
年耳矧乃一舉而殞其身者哉悲夫乃為詩曰

神鸞棲高梧爰翔霄漢際軒翼颺輕風清響中天厲  
外患難預謀高羅掩逸勢明鏡縣高堂顧影悲同契

一激九霄音響流形已斃

○鶴

鶴鶴名異實同併入

鶴詩

魏陳思王



雙鶴俱遶遊相失東海傍雄飛竄北朔雌驚赴南湘  
棄我交頸歡離別各異方不惜萬里道但恐天網張

鶴詩名士傳曰是時曹爽輔政議者慮有危機晏有重名與魏明帝內雖懷憂而無復退

也者五言詩以言志曰

魏何晏

雙鶴世說作比翼遊羣飛戲太清常恐失世說作網羅

憂禍一旦并豈若集五湖順流暖浮萍逍遙放志意

世說作永寧中懷何為怵惕驚

詠鶴

梁江洪

閑園有孤鶴摧藏信可憐寧望春臯下刷羽翫花鈿

何時秋海上照影弄長川曉鳴動遙怨夕唳感嬌眠

鳥部

卷百四十六

七

哀咽芳林右憫默華池邊猶冀凌雲志萬里共翩翩

詠鶴

陳陰鏗

依池屢獨舞對影或孤鳴乍動軒墀步時轉入琴聲

鶴

北周庾信

九臯遙集三山迴歸華亭別唳洛浦仙飛不防離繳

先遭合圍籠摧月羽弋碎霜衣寒傳餘號關承舊名

南遊湘水東入遼城雲飛欲舞露落先鳴六翮摧折

九關嚴閉相顧哀鳴肝心斷絕松上長悲琴中永別

詠鶴

唐李嶠初

黃鶴遠聯翩從鸞下紫煙翺翔一萬里來去幾千年

已憇青田側時遊丹禁前莫言空警露猶與一聞大

鶴

唐儲嗣宗

千里雲間丁令威殷勤仙骨莫□飛若逢茅氏傳消

息貞白先生不久歸

鴻鵠歌

漢書曰高帝欲立戚夫人子趙王如意因而廢太子後不果戚夫人涕泣帝曰為我楚舞吾為若楚歌其言言太子得四皓為輔羽翼成就不可易也

漢高帝

鴻鵠高飛一舉千里羽翼已就橫絕四海橫絕四海

又可奈何雖有繒繳將向一作安所施

鴻鵠詩

原作

魏阮籍

鳥部

卷百四十六

八

鴻鵠相隨去飛飛適荒裔雙翮凌長風須臾萬里逝

朝餐琅玕實夕宿丹山際抗身青雲中網羅孰能制

黃鵠歌

西京雜記曰始元元年黃鵠下太液池帝為此歌漢昭帝

黃鵠飛今下建章羽蕭蕭分行踰賸金為衣今菊為

裳唼喋荷荇

唼所角反出入葉葭叶作藏子虛賦其早濕則生藏其葭

自顧菲薄愧爾嘉祥

飛鵠行

一作鸞歌何嘗行

古辭

飛來雙白鵠乃從西北方十五五羅列成行妻牽

被病行不能相隨五里一返顧六里一徘徊吾欲銜

汝去口噤不能開吾欲負汝去毛羽何摧頽

賦得舞鶴

梁簡文帝

來自芝田遠飛度武谿深振迅依吳市差池逐晉琴  
奇聲傳迴澗動翅拂花林欲知情外物伊洛有清潯

羣鶴詠

南史曰齊高帝鎮淮陰爲宋明帝所知被徵爲黃門郎深懷憂慮見平澤有羣

鶴命筆

齊高帝

八風舞遙翮九野弄清音一摧雲間志爲君苑中禽

賦得華亭鶴

隋孔德紹

華亭失侶鶴乘軒籠遂終三山凌苦霧千里激悲風  
心危白露下聲斷絃絃中何言斯物變翻復似遼東

僊鶴篇

唐武三思初

鳥部

卷百四十六

九

白鶴乘空何處飛青田紫蓋本相依緱山七月雖長

去遼水千年會憶歸一作更緱山杳杳翔寥廓遼水

壘壘歎城郭經隨羽客步丹丘曾逐僊人遊碧落迢

迢碧落斷氛埃霞堂雲閣幾重開欲尋東海黃金竈

仍向西山白玉臺九臯獨唳方清切五里驚羣俄斷

絕月下分行似度雲風前颺影疑迴雪風前月下路

漫漫水宿雲翔去幾般宛轉能傾吳國市徘徊巧拂

漢皇壇琴中作曲從來易鼓裏傳聲有甚難夜夜恒

飛銀漢曲朝常飲玉池瀾別有聞蕭山紫煙還如

化履上青天霜毛忽控三神下玉羽俄看二客旋燕

雀終迷橫海志蜉蝣豈識在陰年莫言一舉須千里  
爲與三山送九僊

黃鶴

唐沈佺期初

黃鶴佐丹鳳不能羣白鵬拂雲遊四海弄影到三山  
遙憶君軒上來下天池間明珠世不重知有報恩環

賦得飛來雙白鶴

宋吳邁遠

可憐雙白鶴雙雙絕塵氛連翮弄光景交頸遊青雲  
逢羅復逢繖雌雄一旦分哀聲流海曲孤叫出一作

江濱豈不慕前侶爲爾不及羣

賦得飛來雙白鶴

梁元帝

鳥部

卷百四十六

十

紫蓋學仙成能令吳市傾逐舞隨疎節聞琴應別聲

集田遙赴影隔霧近相鳴時從洛浦渡飛向遼東城

賦得飛來雙白鶴

陳後主

朔吹已蕭瑟愁雲屢合開玄冬辛苦地白鶴從風催

音響已清切毛羽復殘摧飛來進□□但爲失雙回

儻逢噲參德當共銜珠來

飛來雙白鶴

唐虞世南初

飛來雙白鶴奮翼遠凌煙雙棲集紫蓋一舉背青田  
颺影過伊洛流聲入管絃鳴羣倒景外刷羽闔風前

映海疑浮雪拂澗瀉飛泉燕雀寧知去蜉蝣不識還

何言別儔侶從此間山川顧步已相失徘徊各自憐  
危心猶警露哀響詎聞天無因振六翮輕舉復隨仙

賦得獨鶴凌雲去

陳劉刪

孤鳴思滄海矯翮避虞機悲別悽琴曲凌風散舞衣  
五里雖迴顧千年會欲歸寄語雷門鼓無復一雙飛

賦得黃鵠一逵別

蘇武詩云黃鵠一逵別

陳阮卓

霜風秋月映樓明寡鶴偏栖中夜驚月下徘徊顧別  
影風前悽斷送離聲離聲一去斷還續別響時來疎  
復促聊看遠客贈綾紋彌怨閑宵雅琴曲恒思昔日  
稻梁恩理翮整翰上君軒獨舞輕飛回吳市孤鳴清

鳥部

卷一百四十六

十二

鶴

唳出雷門王子吹笙忽相值自覺飄飄雲裏駛一舉  
千里未能歸惟有田饒解深意

鶴警露

唐陳季中

南國商飈動風臯野鶴鳴谿松寒暫宿露草滴還驚  
欲有高飛意空聞召侶情風間傳藻質月下引清聲  
未假搏扶勢焉知羽翼輕吾君開太液願得應皇明

鶴鳴九臯

唐□□□

胎化呈僊質長鳴在九臯排空散清唳映日委霜毛  
萬里思寥廓千山望鬱陶香凝光不見風積韻彌高  
鳳侶攀何及雞羣思忽勞昇天如有應飛舞出蓬蒿

齊使開籠飛去所獻楚王鵠 唐崔櫓

受命籠齊鵠交歡獻楚王惠心先巧辯戢羽見廻翔  
意適清風遠憂除白日長度雲遙舊影過樹閱新芳  
直取名翻重寧唯好不傷誰言滑稽理千載戒禽荒

別鶴

宋鮑照

雙鶴俱起時徘徊滄海間長弄若天漢輕軀似雲懸  
幽客時結侶提攜遊三山青繳凌瑤臺丹羅籠紫煙  
海上悲風急三山多雲霧散亂一相失驚孤不得住  
緬然日月馳遠矣絕音儀有願而不遂無怨以生離  
鹿鳴在深草蟬鳴隱高枝心自有所存一作懷旁人那

鳥部

卷一百四十六

十二

鶴

得知

別鶴

梁簡文帝

接翮同發燕孤飛獨向楚值雪已迷羣驚風復失侶

別鶴

梁吳均

別鶴尋故侶聯翮遼海間單棲孟津水驚唳隴頭山

別鶴

唐張籍

雙鶴出雲谿分飛各自迷空巢在松樹折羽落江泥  
尋水終不飲逢林亦未棲別離應易老萬里草凄凄

別鶴曲

唐王建

主人一去池水絕池鶴散飛不相別青天漫漫碧海

重知向何山風雪中萬里雖然音影在兩心終是死  
生同池邊巢破松樹死樹頭年年鳥生子

賦得失羣鶴

唐呂溫中

杳杳冲天鶴風排勢暫違有心長自負無伴可相依  
萬里寧辭遠三山詎憶歸但令毛羽在何處不翻飛

獨鶴吟

唐李咸用曉

碧玉喙長丹頂圓亭亭危立風松間啄萍吞鱗意已  
闌舉頭咫尺輕重天黑翎白體排雲煙離羣脫侶孤  
如仙披霜唳月驚蟬娟逍遙忘却還青田萬寒鴉晚  
空相喧時時側耳清冷泉

鳥部

卷一百六

十三

病鶴篇

唐錢起中

獨鶴聲哀羽摧折沙頭一點留殘雪三山侶伴能遠  
翔五里徘徊忍爲別驚羣各畏野人機誰肯相將霞  
水飛不及川鳬長比翼隨波雙泛復雙歸碧海滄江  
深且廣目盡天倪安得往雲山隔路不隔心宛頸和  
鳴長在想何時白霧捲青天接影追飛太液前

病鶴

唐項斯晚

青雲有意力猶微豈料低回得所依幸念翅因風雨  
困豈教身陷稻梁肥曾遊碧落寧無侶見有清池不  
忍飛縱使他年引仙駕主人恩在亦應歸

登板橋詠洲間獨鶴

梁簡文帝

遠霧旦氛氲單飛纔可分孤驚宿一作思嶼浦羣唳下  
江濱意惑東西水心迷四面雲誰知獨辛苦江上念  
離羣

主人池前鶴

梁吳均

本自乘軒者爲君階下禽摧藏多好貌清唳有奇音  
稻梁惠既重華池遇亦深懷恩未忍去非無江海心

池邊鶴

唐儲光義咸

舞鶴傍池邊水清毛羽鮮立如依岸雪飛似向池泉  
江海雖言曠無如君子前

鳥部

卷一百六

十四

候山鶴

唐張仲素中

羽客騁僊鶴將飛駐碧山映松殘雪在度嶺片雲還  
清唳因風遠高姿對水閒笙歌憶天上城郭歎人間  
幾變霜毛潔方殊藻質斑蓬瀛如可到逸翮詎能攀  
一作過還煙路  
逸翮翻詎能攀

崔卿池上鶴

唐賈島中

月中時叫葉紛紛不異洞庭霜夜聞翎羽如今從放  
長猶能飛起向孤雲

松鶴

唐戴叔倫中

山濕松風涼風落松花細獨鶴愛清幽飛來不飛去

田鶴

唐司空曙

散下渚田中隱見振浦裏哀鳴自相應欲作凌風起

聞夜鶴

梁沈約

聞夜鶴夜鶴叫南池對此孤明月臨風振羽儀伊吾人之非薄無賦命之天爵抱跼促之短懷隨冬春而哀樂愍海上之驚鳬傷雲間之離鶴離鶴昔未離迴發天北垂忽遇疾風起暫下昆明池復畏冬水合水宿非所宜欲棲不可住欲去飛已疲勢逐疾風舉求溫向衡楚復值南飛鴻參差共成侶海上多雲霧蒼茫失洲嶼自此別故羣獨向瀟湘渚故羣不離散相

鳥部

卷高六

五

依江海岸夜止羽相切晝飛影相亂刷羽共浮沈湛澹泛清濤既不經離別安知慕侶心九冬有霜雪六翮飛不任且養凌雲翅俛仰弄清音所望浮丘子旦夕來相尋

見羣鶴東飛

并序

唐張九齡

初

郡府中每晨輒見羣鶴東飛至暮又行列而返呀唳雲路甚和樂焉予愧獨處江城常目送此鳥意有所表遂賦以詩

雲間有數鶴撫翼意無違曉日東田去宵煙北渚歸謹呼良自適羅列好相依遠集長江靜高翔衆鳥稀

豈煩僊子馭何畏野人機却念乘軒者拘留不得飛

遇旅鶴

唐孫昌胤

靈鶴產絕境昂昂無與儔羣飛滄溟曙一叫雲山秋野性方自得人寰何所求時因戲祥風偶爾來中州中州帝王宅園沼深且幽希君惠稻粱欲拜離丹丘不然奮飛去將適汗漫遊肯作池上鷺年年空沈浮

鄭侍御廳玩鶴

唐許渾

碧天飛舞下晴沙金閣瑤池絕網羅昂響數聲風滿樹岸移孤影雪凌波緱山去遠雲霄迴遼海歸遲歲月多雙翅亦開千萬里祗應棲隱戀喬柯

鳥部

卷高六

十六

荅裴相公乞鶴

唐白居易

警露聲音好冲天相貌殊終宜向遼廓不稱在泥塗白首勞爲伴朱門幸見呼不知疎野性解愛鳳池無

送鶴與裴相臨別贈詩

唐白居易

司空愛爾爾須知不信聽吟送鶴詩羽翮勢高寧惜別稻粱恩重莫愁饑夜棲少共雞爭樹曉浴先饒鳳占池穩上青雲勿迴顧的應勝在白家時

失鶴

唐李遠

秋風吹却九臯禽一片閒雲萬里心碧海一作落有情一作來時無路可追尋初來一作來時白雪翎猶

短欲去一作去日丹砂頂漸深華表柱頭留語後更無消息到如今

憶鶴

唐劉待仁晚

自爾歸僊後經秋又過春白雪尋不得紫府去無因此地空明月何山伴羽人終期華表上重見令威身

華亭鶴聞之舊矣及來吳中以錢半千得一隻養之殆經歲不幸為飲啄所誤經久而卒悵

之不已遂繼以詩南陽潤卿博士浙東德師

侍御毘陵魏不琢處士東吳陸魯望秀才及

厚于予者悉寄之請垂見和唐皮日休晚

鳥部

卷百四十六

十七鶴

池上低摧病不行誰教仙魄反層城陰苔尚有前朝

跡皎月新無昨夜聲菰米正殘三日料筠籠休礙九

霄程不知此恨何時盡遇著雲泉即愴情

鄴都香稻字重思遙想飛翬去未饑爭奈野鴉無數

健黃昏來占舊枝棲

奉和襲美悼鶴二首

唐李穀晚

才子襟期本上清陸雲家鶴伴閒情猶憐反顧五六

里何意忽歸十二城露滴誰聞高葉墜月沈休藉半

堦明人間華表堪留語刺向秋風寄一聲

道林曾放雪翎飛應悔庭除閑羽衣料得王恭披鶴

整倚吟猶待月中歸

奉和襲美悼鶴二首

唐張賁晚

池塘蕭索掩雲籠玉樹同嗟一土中莎徑罷鳴唯泣

露松軒休舞但悲風丹臺舊壑難重緝紫府新書豈

更通雲滅霧消無處問只留華髮與衰翁

渥頂鮮毛品格馴莎庭閒暇重難羣無端日暮東風

起飄散春空一片雲

奉和襲美悼鶴二首

唐陸龜蒙晚

一夜圓吭絕不鳴八公虛道得千齡方添上客雲眠

思忽伴中仙劍解形但掩重毛穿古堞永留寒影在

鳥部

卷百四十六

十八鶴

空屏君才幸得清如水更向芝田為刻銘

莫怪朝來淚滿衣墮毛猶傍水花飛遼東舊事今千

古却向人間葬令威

代鶴

唐白居易中

我本海上鶴偶逢江南客感君一顧恩同來洛陽陌

洛陽寡族類皎皎唯兩翼貌似天與高色非日浴白

主人誠可戀其奈軒庭窄飲啄雜雞羣年深損標格

故鄉渺何處雲水重重隔誰念深籠中七換摩天翮

寄興國池鶴上劉相公

唐張衆甫中

馴狎經時久離徙短翮存不隨淮海變空媿稻梁恩



獨立秋天浮單樓夕露繁欲飛還歛翼誰敢望乘軒

賦得鶴送王明府上京參選 唐駱賓王初

振衣遊紫府飛蓋背青田虛心恒警露孤影上凌煙  
離歌悽妙曲別引繞繁絃在陰如可和清響會聞天

雙黃鵠歌送別

唐王維盛

天路來今雙黃鵠雲上飛今水上宿撫翼和鳴整羽  
族不得已忽分飛家在玉京朝紫微主人臨水送將  
歸悲笳嘹唳垂舞衣賓欲散今復相依幾往返今極  
浦尚徘徊今落暉塞上火今相迎將夜入今邊城鞍  
馬歸今佳人散悵離憂今獨含情

鳥部

卷一百四十六

十九 鶴 孔雀

鶴屏

唐皮日休晚

三幅吹空穀孰寫仙禽狀髀耳側似聽相鶴經云能  
遠赤精曠如望則視遠引吭看雲勢翹足臨池樣  
頗似近蓐席還如入方丈盡日空不鳴窮年但相向  
未許子晉乘難教道林放貌既合羽儀骨亦符法相  
願升君子堂不必思崑閬

鶴屏

唐陸龜蒙晚

時人重花屏獨卽胎化狀叢毛練分綵疎節節相望  
八公相鶴經云大毛落叢毛生其曾如重耗態頗得  
色如雪又云高脚疎節則多破也  
連軒像勢擬搶高尋身猶在函丈如憂雞鶩關似憶

煙霞向塵世任縱橫霜襟自閑放空資明遠思不待  
浮丘相何由振玉衣一舉棲瀛閬

○孔雀

奉和武相公鎮蜀時詠使宅韋太尉所養孔雀

唐韓愈中

穆穆鸞鳳友何年來止茲飄零失故態隔絕抱長思  
翠角高獨聳金華煥相差坐蒙恩顧重畢命守堦墀  
和孫朴韋蟾孔雀詠 唐李商隱晚

此去三梁遠今來萬里攜西施因網得秦客被花迷  
可在青鸞鵲非關碧野雞約眉憐翠羽刮膜想金篦

鳥部

卷一百四十六

二十 孔雀

瘴氣籠飛遠蠻花向坐低輕於趙皇后貴極楚懸黎  
都護衿羅幕佳人炫繡袿屏風臨燭鉤捍撥倚香臍  
地錦排蒼鴈簾鉸鏤白犀曙霞星斗外涼月露盤西  
妬好休誇舞經寒且少啼紅樓三十級穩穩上丹梯  
病中孔雀 唐陸龜蒙晚

懶移金翠傍簷楹斜倚芳叢舊態生唯奈瘴煙籠飲  
啄可堪春雨滯飛鳴驚驚水畔迴頭美荳蔻圖前舉  
眼驚爭得鷓鴣來伴著不妨還校有心情

和武相公感韋令舊池孔雀 唐白居易中

索寞少顏色池邊無主禽難收帶泥翅易結著人心

頂毳落殘碧尾花銷蘭金放歸飛不得雲海故巢深

傷韋令孔雀詞

唐王建

可憐孔雀初得時美人爲爾別開池池邊鳳凰作伴  
侶羌聲鸚鵡無言語一作尋雕籠玉架嫌不栖夜夜  
思歸向南舞一作南如今憔悴人見惡萬里更求新  
孔雀熱眠雨水饑拾蟲翠尾盤泥金彩落多時人養  
不解飛海山風黑何處歸

和武門下傷韋令孔雀

唐王建

孤號秋閣陰韋令在時禽覓伴海山黑思鄉橋柚深  
舉頭聞舊曲顧尾惜殘金顛悴不飛去重君池上心

鳥部

卷百四十六

三

○鴈

鴻併入

鴈詩

原作侍五官中郎  
將建章臺集詩

魏應瑒

朝鴈鳴雲中音響一何哀問子遊何鄉戢翼正徘徊  
言我塞門來將就衡陽棲往春翔朔土今冬客南淮  
遠行蒙霜露毛羽日摧頽常恐傷肌骨身隕沈黃泥

於長安詠鴈

陳周弘正

一作使信

南思洞庭水北想鴈門關稻梁俱可戀飛去復飛還

詠鴈

北周王褒

同潮聞曙響如龍有春聲豈若雲中鴈秋時塞外歸  
河長猶可涉海濶故難飛霜多聲轉急風疎行屢稀

園池若可至不復怯虞機

詠鴈

唐駱賓王

暖藻滄江遠銜蘆紫塞長霧深迷晚景風急斷秋行  
陣照通宵月書封幾夜霜無復能鳴分空知愧稻梁

詠鴈

唐李嶠

春輝滿朔方候鴈發衡陽望月驚弦影排雲結陣行  
往還倦南北朝夕苦風霜寄語能鳴侶相隨入故鄉

南中詠鴈

唐韋承慶

萬里人南去三春鴈北飛不知何歲月得與爾同歸

鳥部

卷百四十六

三

早晚辭沙漠南來處處飛關山多雨雪風水損毛衣  
碧海魂應斷紅樓信自稀不知矰繳外留得幾行歸

鳴鴈行

宋鮑照

邕邕鳴鴈鳴始旦齊行命侶入雲漢中夜相失羣離  
亂留連徘徊不忍散憔悴容儀君不知辛苦風霜亦  
何爲

鳴鴈行

唐李白

胡鴈鳴辭燕山昨發委羽朝度關一一銜蘆枝南飛  
散落天地間連行接羽往復還客居煙波寄湘吳凌  
霜觸雪毛體枯畏逢繒繳驚相呼聞弦虛墜良可吁

君爭彈射何爲乎

鳴鴈

唐韓愈

嗷嗷鳴鴈鳴且飛窮秋南去春北歸去寒就暖識所  
依天長地濶棲息稀風霜酸苦稻粱微毛羽摧落身  
不肥徘徊反顧羣侶違哀鳴欲下洲渚飛江南水闊  
朝雲多草長沙軟無網羅閑飛靜集鳴相和違憂懷  
惠性匪他凌風一舉君謂何

鴈

唐黃滔

楚岍花晴塞柳衰年年南北去來期江城日暮見飛  
處旅館月明聞過時萬里風霜休更恨滿川煙草且

鳥部

卷一百六

三

須疑洞庭雲水瀟湘雨好把寒更一一知

赤鴈歌

漢書禮樂志曰大始三年行幸東海獲赤鴈作

象載瑜白集西食甘露飲榮泉赤鴈集六紛員音殊  
翁雜五色文神所見施祉福登蓬萊結無極

白鴈

唐李建勳

東谿一白鴈毛羽何皎潔薄暮浴清波斜陽共明滅  
差池失羣久幽獨依人口旅食賴孤蒲單栖怯霜雪  
邊風昨夜起顧影空哀咽不及牆上烏相將繞雙闕

同臨津紀明府孤鴈

唐盧照鄰

三秋違北鴈萬里向南翔河洲花稍白關塞葉初黃

避繳風霜勁懷書道路長水流疑箭動月照似弓傷  
橫天無有陣渡海不成行會制能鳴羽還赴上林鄉

失羣鴈

唐盧照鄰

溫縣明府以鴈詩垂示余以爲古之郎官出宰百  
里今之墨綬入應千官事止鴈行未宜傷歎至如  
羸卧空巖者乃可爲失羣慟耳聊因伏枕多暇以  
斯文應之

三秋北地雪皚皚萬里南翔渡海來欲隨石燕沈湘  
水試逐銅鳥繞帝臺帝臺銀闕距金塘中間鷓鴣已  
成行先過上苑傳書信暫下中州戲稻梁虞人負繳

鳥部

卷一百六

三

來相及齊客虛弓忽見傷毛翎顛飛無力羽翮摧  
頽君不識唯有莊周解愛鳴復道郊歌重奇色惆悵  
驚思悲未已徘徊自憐中罔極傳聞有鳥集朝陽詎  
勝仙鳥適帝鄉雲間海上應鳴舞遠得鳴絃猶獨撫  
金龜全寫中牟印玉鵠當變萊蕪金願君弄影鳳凰  
池時憶籠中摧折羽

孤鴈

唐杜甫

孤鴈不飲啄飛鳴聲念羣誰憐一片影相失萬重雲  
望盡似猶見哀多如更聞野鴟無意緒鳴噪自紛紛

孤鴈

唐崔塗

幾行歸去盡片影獨何之暮雨相呼失寒塘獨下遲  
渚雲低暗度關月冷遙隨未必逢繒繳孤飛自可疑

孤鴻篇

唐戴叔倫

江上雙飛鴻飲啄行相隨翔風一何厲中道傷其雌  
顧影明月下哀鳴聲正悲已無繒繳患豈乏稻粱資  
嗷嗷慕儔匹遠集清江湄中有孤文鵠翩翩好容儀  
共欣相知遇畢志同棲遲野田鷗鵠鳥相妬復相疑  
鴻志不汝較奮志起高飛焉隨腐鼠欲負此雲霄期

孤鴈

唐李建勳

欲食不敢食台栖猶未栖聞風亦驚過避繳恨飛低

鳥部

卷一百六

五

水闊綠湘困雲寒過磧迷悲鳴感人意不見夜鳥啼

早鴈

唐杜牧

金河秋半虜絃開雲外驚飛四散哀仙掌月明孤影  
過長門燈暗數聲來須知胡騎紛紛在豈逐春風一  
一迴莫厭瀟湘少人處水多菰米岸莓苔

秋鴈

唐駱賓王

聯翩辭海曲搖曳指江干陣去金河冷書歸玉塞寒  
帶月凌空易迷煙逗浦難何當同顧影刷羽泛清瀾

秋鴈

唐褚亮

日暮霜風急羽翮轉難任爲有傳書意翮翮入上林

歸鴈

宋顏延之

昧旦濡和風霑露踐朝暉萬有皆同春鴻鴈獨辭歸  
相鳴去澗汜長引發江畿瞰潔登雲侶連綿千里飛  
長懷河朔路緬與湘漢違

歸鴈

唐杜甫

春來萬里客亂定幾年歸腸斷江城鴈高高向北飛

歸鴈三首

唐杜甫

萬里衡陽鴈今年又北歸雙雙瞻客上一一背人飛  
雲裏相呼疾沙邊自宿稀寄書無浪語愁寂故山薇

鳥部

卷一百六

三

欲雪遼胡地先花別楚雲却過清渭影高起洞庭羣  
塞北春陰暮江南日色曛傷弓流落羽行斷不堪聞

三

聞道今春鴈南歸自廣州見花鮮漲海避雪到羅浮  
是物關兵氣何時免客愁年年霜露隔不過五湖秋

歸鴈

唐錢起

瀟湘何事等閒回水碧沙明兩岸苔二十五絃彈夜  
月不勝清怨却飛來

泊鴈

唐戴叔倫

泊鴈鳴深渚收霞落晚川拆隨風歛陣樓映月低弦

漠漠沙帆轉幽幽岸火燃  
登危通細路溝曲繞平田

賦得隴坻鴈初飛

梁簡文帝

高翔憚闊海下去怯虞機  
霧暗早相失沙明還共飛  
隴狹朝聲聚風急暮行稀  
雖弭輪臺援未解龍城圍  
相思不得返且寄別書歸

賦得始歸鴈

梁劉孝綽

洞庭春水綠衡陽旅鴈歸  
差池高復下欲向龍門飛

詠湖中鴈

梁沈約

白水滿春塘旅鴈每迴翔  
唼流牽弱藻歛翮帶餘霜  
羣浮動輕浪單汎逐孤光  
懸飛竟不下亂起未成行

鳥部

卷百四十六

三十七

刷羽回搖漾一舉還故鄉

賦得集池鴈

北周庾信

逢風時迴度逐侶乍爭飛  
猶憶方塘水今秋已復歸

賦得早鴈出雲鳴

唐太宗

初秋玉露清早鴈出空鳴  
隔雲時亂影因風乍合聲

賦得沙上鴈

唐耿漳

衡陽多道里弱羽復哀音  
還塞知何日驚弦亂此心  
夜陰前侶遠秋冷後湖深  
獨立汀洲意寧知霜露侵

賦得聽邊鴻

唐白居易

驚風吹起塞鴻羣半拂平沙半入雲  
爲問昭君月下

聽何如蘇武雪中聞

飛鴻響遠音

唐李體仁

漠漠微霜夕翩翩出渚鴻  
清聲流迥野高韻入寥空  
舊質經寒殘音響遠風縈  
雪猶類網避月尚疑弓  
弱羽雖能振丹霄竟未通  
欲知多怨思聽取暮煙中

晨征聽曉鴻

梁沈約

曉曉鴻曉鴻度將旦跨弱水之微瀾  
發成山之遠岸  
怵春歸之未幾傷此歲之云半出海  
漲之蒼茫入雲  
途之瀾漫無東西之可辨孰通遐之能算  
微昔見於  
洲渚赴秋期於江漢集勁風於弱軀負重雪於輕輪

鳥部

卷百四十六

三十八

寒谿可以飲荒皇可以竄谿水徒自清微容豈足翫  
秋蓬飛兮未極塞草寒兮無色吳山高兮高難度越  
水深兮深不測美明月之馳光顧征禽之駛翼伊余  
馬之屢懷知君一作吾行之未極一作息夜綿綿而難曉  
愁參差而盈臆望山川悉無似唯星河猶可識孤鴈

夜南飛客淚夜沾衣春鴻旦暮返客子方未歸歲去

歡娛盡年來容貌衰一作非攬衽形雖是撫臆事多違

青綱一作蒲雖長復易解白雲誠遠詎難依

夜聽鴈

梁蕭子範

天月廣庭輝遊鴈犯霜飛連翩辭朔氣嘹唳獨南歸

夜長寒復靜燈光暖欲微悽悽不可聽何況觸愁機

同綦毋學士月夜聞鴈

唐張九齡

棲宿豈無意飛飛更遠尋長途未及伴中夜有遺音  
月思關山路風號流水琴空聲兩相應幽感一何深  
避繳歸南浦離羣叫北林聯翩俱不定憐爾越鄉心

聞鴈

唐韋應物

故園眇何處歸思方悠哉淮南秋雨夜高齋聞鴈來

秋夕聞鴈

唐于鵠

星漢欲沈盡誰家砧未休忽聞涼鴈至如報杜陵秋  
千樹又黃葉幾人新白頭洞庭今夜客一半却登舟

鳥部

卷一百四十六

三

鴈

夜望單飛鴈

梁簡文帝

天霜河白夜星稀一鴈聲嘶何處歸早知半路應相  
失不如從來本獨飛

秋夜望單飛鴈

北周庾信

失羣寒鴈聲可憐夜半單飛在月邊無奈人心復有  
憶今暝將渠俱不眠

二弟宰邑南海見羣鴈南飛因成詠以寄

唐張九齡

鴻鴈自北來嗷嗷度煙景嘗懷稻梁惠豈憚江山永  
大小每相從羽毛當自整雙鳬侶晨泛獨鶴參宵警

爲我更南飛因書至梅嶺

送征鴈

唐錢起

秋空萬里淨吟喚獨南征風急翻霜冷雲開見月驚  
塞長怯去翼影滅有餘聲悵望遙天外鄉愁滿日生  
賦得鴈送周員外戍嶺表 隋王胄

旅鴈別衡陽天寒關路長行斷山驚箭聲嘶爲犯霜  
催繳無人憫能鳴反自傷何如侶汎汎刷羽戲方塘

見上林春鴈翔青雲寄楊起居李員外

唐錢起

上林春更好賓鴈不知歸顧影憐青蘂傳聲入紫微

鳥部

卷一百四十六

三

鴈

夜陪池鷺宿朝出苑花飛寧憶寒鄉侶鸞鳳一見稀

○鴈

詠鴈

隋煬帝

遷朔欲之衡忽投尉羅裏旣以羈華絆仍持獻君子  
青骹固絕儔素羽誠難擬深目表茲稱闊臆斯爲美  
驚獸不及奔猜禽無暇起雖蒙韉上榮無復凌雲志

王兵馬使二角鴈

唐杜甫

悲臺蕭瑟石龍從哀壑杈枒浩呼洶中有萬里之長  
江迴風陷日孤光動角鴈翻倒壯士臂將軍玉帳軒  
勇氣二鷹猛腦條徐墜目如愁胡視天地杉雞竹兔



不自惜孩虎野羊俱辟易  
鋒稜十二翮將軍勇  
銳與之敵將軍樹勛起  
安西崑崙崙虞淵入馬蹄  
白羽曾肉三狡猥敢決豈  
不與之齊荆南芮公得將軍  
亦如角鷹下翔雲惡鳥飛飛  
啄金屋安得爾輩開其羣  
驅出六合梟鸞分

白黑二鷹

唐杜甫

見王監兵馬使說近山有白黑二鷹羅者久取竟  
未能得王以爲毛骨有異他鷹恐臘後春生鸞飛  
避暖勁翮思秋之甚眇不可見請予爲賦二詩

雲飛玉立盡清秋不惜奇毛恣遠遊在野只教心力  
鳥部

卷百四十六

三十一鷹

破千人何事網羅求一生自獵知無敵百中爭能取  
下韞鵬礙九天須却避免經三窟莫深憂

黑鷹不省人間有渡海疑從北極來正翮搏風超紫  
塞玄冬幾夜宿陽臺虞羅自覺虛施巧春鷹同歸必  
見猜萬里寒空祗一日金眸玉爪不凡材

詠架上鷹

唐崔鉉

天邊心膽架頭身欲擬飛騰未有因萬里碧霄終一  
去不知誰是解條人

饑鷹詞

唐章孝標

遙想平原兔正肥千迴礪吻振毛衣縱令啄解絲條

結未得人呼不敢飛

養鷹詞

唐劉禹錫

途逢少年志在逐獸方呼鷹隼以襲飛走因縱觀  
之卒無所獲行人有常從事于斯者曰夫鷹禽饑  
則爲用今哺之過篤故也予感之作養鷹詞

養鷹非玩形所資擊鮮力少年昧其理日月哺不息  
探雛網黃口且暮有餘食寧知下韞時翅重飛不得  
稭穗上林表使免自南北飲啄既已盈安能勞羽翼

籠鷹詞

唐柳宗元

凄風淅瀝飛嚴霜蒼鷹上擊翮曙光雲披霧裂虹蜺  
鳥部

卷百四十六

三十一鷹

斷霹靂掣電捎平岡蒼然勁翮剪荆棘下攫孤兔騰  
蒼茫爪毛吻血白鳥逝獨立四顧時激昂炎風溽暑  
忽然至羽毛脫落自摧藏草中狸鼠足爲患一夕十  
顧驚且傷但願清商復爲假拔去萬累雲間翔

失白鷹

唐鄭絛

白錦文章亂丹霄羽翮齊雲中呼斬下雪裏放還迷  
梁苑驚池鷺陳倉拂野雞不知寥廓外何處獨依棲

觀放白鷹

唐李白

八月邊風高胡鷹白錦毛孤飛一片雪萬里見秋毫  
觀放白鷹

唐李白

寒冬十二月蒼鷹八九毛寄言燕雀莫相啁自有雲霄萬里高

放鷹

唐白居易中

十月鷹出籠草枯雉兔肥下韝隨指顧百擲無一遺鷹翅疾如風鷹爪利如錐本爲鳥所設今爲人所資

進秋隼

唐耿湋中

豈悟因羅者迎霜獻紫微夕陽分素臆秋色上花衣舉翅雲天近回眸燕雀稀應隨明主意百中有光輝

霜隼下晴臯

唐□□□

九臯霜氣勁翔隼下初晴風動閑雲卷星馳白草平

鳥部

卷一百四十六

三十五

稜稜方厲疾肅肅自縱橫掠地秋毫迴投身逸翮輕高墉全失影逐雀乍飛聲薄暮寒郊外悠悠萬里情

○鶻

義鶻行

唐杜甫盛

陰崖有蒼鷹養子黑柏顛白虵登其巢吞噬恣朝餐雄飛遠求食雌者鳴辛酸力強不可制黃口無半存其父從西歸翻身入長煙斯須領健鶻痛憤寄所宜斗上捩孤影噉啄來九天脩鱗脫遠枝巨穎折老拳高空得蹭蹬短草辭蜿蜒折尾能一掉飽腸已皆穿生雖滅衆雛死亦垂千年物情有報復快意貴目前

茲實鷲鳥最急難心惘然功成失所往用捨何其賢近經滴水涓此事樵夫傳飄蕭覺素髮凜欲衝儒冠人生許與分亦在顧盼間聊爲義鶻行永激壯士肝

呀鶻行

唐杜甫盛

病鶻卑飛俗眼醜每夜江邊宿衰柳清秋落日已側身過鴈歸鴉錯迴首緊腦雄姿逝所向疎翮稀毛不可狀強神迷復皁鵬前俊材早在蒼鷹上風濤颯颯寒山陰熊羆欲蟄龍蛇深念爾此時有一擲失聲蹙血非其心

病鶻吟

唐賈島中

鳥部

卷一百四十六

三十六

俊鳥還投高處栖騰身戛戛下雲梯有時透霧凌空去無事隨風入草迷迅疾月邊捎玉兔遲迴日裏拂金雞不緣毛羽遭零落焉肯雄心向爾低

出籠鶻

唐濮陽雍中

玉鏃分花袖金鈴出彩籠搖心長捧日逸翰鎮生風一點青霄裏千聲碧落中星眸隨狡兔霜爪落飛鴻每念提携力常懷搏擊功以君能惠好不敢沒遙空

詩集類函卷一百四十六

詩集類函卷一百四十七

東吳俞安期彙纂 宣城梅鼎祚增定

新都鄭澤訂校

鳥部二  
杜鵑 鸛 鸚鵡 鷓鴣 鷓鴣 鷓鴣  
百舌 燕 鷓鴣

○鳥

詠烏代陳師道  
唐太宗

凌晨麗城去薄暮上林棲辭枝枝暫起停樹樹還低  
向日終難託迎風詎肯迷只待纖纖手曲裏作宵啼

詠烏義府年八歲李大亮劉洎之以神童薦至京師太宗時在上林苑便對有得烏者令

唐李義府初

鳥部

卷一百四十七

日裏颺朝彩  
琴中伴夜啼  
上林多少樹  
不借一枝棲

帝曰與卿全  
樹何止一枝

詠鳥

唐李嶠初

日路朝飛急。霜臺夕影寒。聯翩依月樹。迢遞遶風竿。  
白首何年改青琴。此夜彈靈臺。如可託千里。向長安。

應詔詠巢烏

桂樹春暉滿巢鳥刷羽儀朝飛麗城上夜宿碧林陞  
背風藏密葉向日逐疎枝仰德還能哺依仁遂可窺  
驚鳴雕輦側王吉自相知漢明帝起居注曰帝東巡泰山有鳥飛鳴乘輿上虎  
賁中郎王吉射中之作辭曰烏鳥啞啞引弓射洞左  
腋陛下壽萬歲臣爲二千石帝賜錢二百萬令亭壁

烏皆畫

羣鴉詠

唐儲光義

新宮驪山陰龍衮時出豫朝陽照羽儀清吹肅逵路  
羣鴉隨天車夜滿新豐樹所思在腐餘不復憂霜露  
河低宮閣深燈隱鼓鐘曙繽紛集寒枝矯翼時相顧  
冢一作家宰收琳琅侍臣進鴛鴦高舉摩太清永絕繒  
繳懼茲禽亦翺翔不以微小故

唐柳宗元中

城上日出羣鳥飛鷗鷺爭赴朝陽枝刷毛伸翼和且  
樂爾獨落魄今何爲無乃慕高近白日三足妬爾令

鳥部

卷五十七

二

鳥

爾疾無乃饑啼走路傍貪鮮攫肉人所傷翹肖獨足  
下叢薄口銜低枝始能躍還顧泥塗備嚙蟻仰看棟  
梁防燕雀左右六翩利如刀踊身失勢不得高支離  
無趾猶自免努力低飛逃後患

詠死鳥

暮空長罷噪箭急不知驚賴餘琴裏曲猶有夜啼聲

鳥生  
古辭

鳥生八九子端坐秦氏桂樹間  
啗我秦氏家有遊遨  
蕩子工用睢陽彊音強  
子也蘇合彈左手持彊彈兩丸出  
入鳥東西啗我一丸卽發中鳥身  
鳥死魂魄飛揚上

天阿母生鳥子時乃在南山巖石間惜我人民安知  
鳥子處蹊徑窈窕安從通

鳥生八九子篇

梁劉孝威

城上鳥一年生九雛枝輕巢本狹風多葉早枯託毛  
不自暖張翼強相呼金柝嚴兮翠樓肅層壁光兮椒  
泥馥虞機衡網不得施猜鷹鷂羣無由逐永願共棲  
曾氏冠同瑞周王屋莫啼城上寒猶賢野中宿羽成  
翮備各西東丁年賦命有窮通不見高飛帝輦側遠  
託日輪中尚逢王吉箭猶嬰后羿弓豈如變彩救燕  
質入夢祚昭公流聲表師退集幕示營空靈臺已鑄  
鳥部 卷百四十七 三 鳥

像流蘇時候風

鳥引雛

唐韋應物 中

日出照東城春鳥鳴雛雛和鳴雛和鳴羽猶短巢在  
深林春正寒引飛欲集東城暖羣雛離雛睥睨高舉  
翅不及墜蓬蒿雄雌來去飛又引音聲上下懼鷹隼  
引鳥雛爾心急急將何如何得比日搜索雀卵噉爾  
雛

城上鳥

梁吳均

鳴鳴城上鳥翩翩尾畢通凡生八九子夜夜啼相呼  
質微知慮少體賤毛衣麤陛下三萬歲臣至執金吾

城上鳥

梁朱超

朝飛集帝城猶帶一作夜啼聲近日毛雖暖聞弦心  
尚驚

晚棲鳥

梁元帝

日暮連翩翼俱向上林棲風多前鳥駛雲暗後羣逃  
路遠聲難徹飛斜行未齊應從故鄉返幾過入蘭闥  
借問倡樓妾何如蕩子妻

晚飛鳥

隋虞世基

向日晚飛低飛飛未得栖當爲歸林遠恒長侵夜啼

鳥夜啼二首

北周庾信

鳥部

卷百四十七

四 鳥

促柱繁絃非子夜歌聲舞態異前谿御史府中何處  
宿洛陽城頭那得棲彈琴蜀郡卓家女織錦秦川寶  
氏妻詎不自驚長淚落到頭啼鳥恒夜啼

桂樹懸知遠風竿詎肯低獨憐明月夜孤飛猶未棲  
虎賁誰見惜御史詎相携雖言入絃管終是曲中啼

鳥夜啼

唐李白 威

黃雲城邊鳥欲棲歸飛啞啞枝上啼機中織錦秦川  
女碧紗如煙隔牕語停梭悵然憶遠人獨宿孤房淚  
如雨

賦得鳥夜啼

唐白居易 中

城上歸時晚庭前宿處危月明無葉樹霜滑有風枝  
啼澀饑喉咽飛低凍翅垂盡堂鸚鵡鳥冷暖不相知

慈烏夜啼

唐白居易中

慈烏失其母啞啞吐哀音晝夜不飛去經年守故林  
夜夜夜半啼聞者為沾襟聲中如告訴未盡反哺心  
百鳥豈無母爾獨哀怨深應是母慈重使爾悲不任  
肯有吳起者母歿喪不臨嗟哉斯徒輩其心不如禽  
慈烏復慈烏鳥中之曾參

烏夜啼

唐王建中

庭樹烏爾何不向別處棲夜夜半當戶啼家人把

鳥部

卷一百七

五

燭出洞戶驚棲失羣飛落樹一飛直欲飛上天迴迴  
不離舊棲樹未明重繞主人屋欲下空中黑相觸風  
飄雨濕亦不移君家樹頭多好枝

烏夜啼

唐聶夷中晚

眾鳥各歸枝烏鳥爾不棲還應知妾恨故向綠牕啼

烏啼引

唐張籍中

秦烏啼啞啞夜啼長安吏人家吏人得罪囚在獄傾  
家賣產將自贖少婦起聽夜啼烏知是官家有赦書  
下牀心喜不重寐未明上堂賀舅姑少婦語啼烏汝  
啼慎勿去借汝庭樹作高巢年年不令傷爾雛

鳥栖曲

唐李白盛

姑蘇臺上烏棲時吳王宮裏醉西施吳歌楚舞歡未  
畢青山欲銜半邊日銀箭金壺漏水多起看秋月墜  
江波東方漸高奈樂何賀知章見此曲歎賞  
曰可以泣鬼神矣

烏棲曲

唐李端中

白馬逐朱車黃昏入狹斜狹斜柳樹烏爭宿爭枝未  
得飛上屋東房少婦婿從軍每聽烏啼知夜分

望棲鳥

梁劉孝威

夕鳥一作鳥飛參差單雄雜寡雌聯翩歸葉裏出沒噪  
林垂爭棲時易樹驚飛忽度枝雖無繫書重亦有含

鳥部

卷一百七

六

縷疲以茲憔悴力重逢輕薄兒珠丸蘇合彈金繳青  
絲縻豈意翩翾羽遂免更羸危入懷欣得地依林竊  
願知

夜聞獨鳥啼

唐韋應物中

失侶度山竟投林舍北啼今將獨夜意偏知對影栖

荅元郎中楊員外喜鳥見寄

唐白居易中

南宮鴛鴦地何忽鳥來止故人錦帳郎聞鳥笑相視  
疑鳥報消息望我歸鄉里我歸應待鳥頭白慙愧元  
郎誤歡喜

聽庾及之彈烏夜啼引

唐元稹中

君彈烏夜啼我傳樂府解去聲古題良人在獄妻在閨  
官家欲赦烏報妻烏前再拜淚如雨烏作哀聲妻暗  
語後人寫出烏啼引吳調哀絃聲楚楚四五年前作  
拾遺諫書不密丞相知謫官詔下吏驅遣身作囚居  
妻在遠歸來相見淚如珠唯說間宵長拜烏君來到  
舍是烏力妝點烏盤邀女巫今君為我千萬彈烏啼  
啄啄淚瀾瀾感君此曲有深意昨日烏啼桐葉墜當  
時為我賽烏人必葬咸陽原上地

○鵲

鵲

魏陳思王

鳥部

卷一百四十七

七 鳥部

鵲之疆疆詩人取喻今存聖世呈質見素飢食若華  
渴飲清露異於儔匹衆鳥是慕

詠鵲

梁武陵王

欲避新枝滑還向故巢飛今朝聽聲喜家信必應歸

詠鵲

唐李嶠

不分荆山抵甘從石印飛危巢畏風急繞樹覺星稀  
喜逐行人至愁隨織女歸儻遊明鑑裏朝夕動光輝

詠禮部尚書廳後鵲

唐蘇頲

懷印喜將歸窺巢戀且依自知棲不定還欲向南飛

夜飛鵲

唐蔣冽

北林夜方久南月影頻移何啻飛三匝猶言未得枝  
看柳上鵲

北齊魏收

背歲心能識登春巢自成立枯隨雨霽依枝須月明  
疑是雕籠出當由抵玉驚間關拂條軟迴復振毛輕  
何獨離婁意傍人但未聽魏武帝短歌行日月明星  
稀烏鵲南飛繞樹三匝何  
依枝可

和恭聽時籠中山鵲

唐呂溫

掩抑中天意悽愴觸籠音驚曉一聞處傷春千里心

壬申閏秋題贈烏鵲

唐李商隱

繞樹無依月正高鄴城新淚濺雲袍幾年始得逢秋

鳥部

卷一百四十七

八 鳥部

閨兩度填河莫告勞

園樹有鵲巢戲以詠之

隋魏澹

畏玉心常駭填河力已窮夜飛還繞樹朝鳴且向風  
知來寧自伐識歲不論功早晚時應至輕舉一排空

山行見鵲巢

唐蔣冽

鵲巢性本高更在西山木朝下清泉戲夜近明月宿  
非直避網羅兼能免傾覆一作  
五陵子挾彈來

相逐

○鳩

鳩

魏陳思王



斑斑者鳩爰素其質昔翔殷邦今爲魏出朱目丹趾  
靈姿詭類載飛載鳴彰我皇懿

鳩原作  
雜詩

魏王粲

鷺鳥化爲鳩遠竄江海邊遭遇風雲會託身鷺鳳間  
天姿既否戾受性又不閑邂逅見逼迫俛仰不能言

白浮鳩

梁吳均

瑯琊白浮鳩紫翳飄陌頭食飲東莞野棲宿越王樓

白鳩拂舞詞

唐李白

鏗鳴鐘考朗鼓歌白鳩引拂舞白鳩之白誰與鄰霜  
衣雪襟誠可珍含哺子能平均食不噓性安馴首農

鳥部

卷百四十七

九

政鳴陽春天子刻玉杖鏤形賜耆人白鷺亦白非純  
真外潔其色心匪仁闕五德無司農胡爲啄我葭下  
之紫鱗鷹鷂鷗鷗食而好殺鳳凰雖大聖不願以爲  
臣

○鷓鴣

山鷓鴣

唐白居易

山鷓鴣朝朝暮暮啼復啼時露白風淒淒黃茅岡  
頭秋日晚苦竹嶺下寒月低畬田有粟饑不啄石楠  
有枝何不棲迢迢不緩復不急樓上舟中聲聞入夢  
鄉遷客展轉卧抱兒寡婦彷徨立山鷓鴣爾本此鄉

鳥生不辭巢不別羣何苦聲聲啼到曉啼到曉唯能  
愁北人南人慣聞如不聞

鷓鴣

唐韋莊

南禽無侶似相依錦翅雙雙傍馬飛孤竹廟前啼暮  
雨汨羅祠畔弔殘暉秦人只解歌爲曲越女空能畫  
作衣懊惱澤家非有恨年年長憶鳳城歸

鷓鴣

唐鄭谷

暖戲煙蕪錦翼齊品流應得近山雞雨昏青草湖邊  
過花落黃鸝廟裏啼遊子乍聞征袖濕佳人纔唱翠  
眉低相呼相喚湘江闊苦竹叢深春日西

鳥部

卷百四十七

十

侯家鷓鴣

唐鄭谷

江天梅雨濕江蘼此處煙香是此時苦竹嶺無歸去  
日海棠花落舊樓枝春宵思極蘭燈暗曉月啼多錦  
幕垂唯有佳人憶南國殷勤爲爾唱愁辭

放鷓鴣詞

唐柳宗元

楚越有鳥甘且腴嘲嘲自名爲鷓鴣狗謀得食不復  
慮機械潛發僅宜羣羽毛摧折觸籠籠煙火煽赫驚  
庖厨鼎前芍藥調五味膳夫饗腕左右視齊王不忍  
敲隸牛簡子亦放邯鄲鳩二子得意猶念此况我萬  
里爲孤囚破籠展翅當遠去同類相呼莫相顧

放鸚鵡

唐羅邕

好倚青山與碧谿，刺桐毛竹待雙栖。  
花時遷客傷離別，莫向相思樹上啼。

放鸚鵡

唐崔塗

秋入池塘風露微，曉開籠檻看初飛。  
滿身金翠盡不，得無限煙波何處歸。

○鸚鵡

詠鸚鵡

唐李義府

牽弋辭重海，觸網去層巒。  
戢翼雕籠際，延思彩霞端。  
慕侶朝聲切，離羣夜影寒。  
能言殊可貴，相助憶長安。

鳥部

卷一百四十七

十一 鸚鵡

同蔡字起居詠鸚鵡

唐胡皓

鸚鵡殊姿致，鸞鳳得比肩。  
常循金殿裏，每詒玉階前。  
賈誼才方達，揚雄老未遷。  
能言既有地，何惜爲聞天。

鸚鵡

唐杜甫

鸚鵡含愁思，聰明憶別離。  
翠衿渾短盡，紅背設多知。  
未有開籠日，空殘宿舊枝。  
世人憐復損，何用羽毛奇。

鸚鵡

唐張祐

棲棲南越鳥，色麗思沈淫。  
暮隔碧雲海，春依紅樹林。  
雕籠悲歛翅，畫閣豈關心。  
無事能言語，人聞怨恨深。

再吟鸚鵡

唐張祐

萬里去心違，奇毛覺自非。  
美人憐解語，比鳥畏多機。  
未勝無丹雘，何勞事綠衣。  
雕籠終不戀，會向故山歸。

鸚鵡

唐白居易

竟日語還默，中宵栖復驚。  
身囚緣綵翠，心苦爲分明。  
暮起歸巢思，春多憶侶聲。  
誰能折籠破，縱放快飛鳴。

鸚鵡詞

唐蘇郁

莫把金籠閉鸚鵡，箇箇分明解人語。  
忽然更向君前語，三十六宮愁幾許。

紅鸚鵡

唐白居易

安南遠進紅鸚鵡，色似桃花語似人。  
文章辨慧皆如鳥部

卷一百四十七

十一 鸚鵡

此籠檻何年出得身

初出金門尋玉侍，御不遇詠壁上鸚鵡

唐李白

落羽辭金殿，孤鳴託一作繡衣能言終見棄，還向隴西飛

鸚鵡貓兒篇

唐閻朝隱

鸚鵡慧鳥也，貓不仁獸也。飛翔其背，焉嚙啄其頤。  
焉攀之援之蹈之履之弄之籍之蹒跚然此爲自得，彼亦以爲自得。畏者無所起，其畏忍者無所行。  
其忍抑血屬舊故之不若臣叨踐太子舍人朝暮

侍從預見其事聖上方以禮樂文章爲功業朝野  
歡娛強梁克斥之輩願爲臣妾稽顙闕下者日萬  
計尋而天下一統實以爲惠可以伏不惠仁可以  
伏不仁亦太平非常之明證事恐久遠風雅所缺  
再拜稽首爲之篇

霹靂引豐隆鳴猛獸噫氣蛇吼聲鸚鵡鳥同資造化  
今殊粹精鸚鵡毛翡翠翼鸚鵡延頸鸚鵡弄色鸚鵡  
鳥同稟陰陽今異埏埴彼何爲今隱隱振振此何爲  
今綠衣翠襟彼何爲今窘窘蠢蠢此何爲今好貌好  
音彷彿今佯佯似妖姬躑躅步今動羅裳趨趨今踟躕

鳥部

卷一百七

十三

鸚鵡

若處子迴眸今登玉堂爰有獸也安其忍背其脇距  
其胸與之放曠浪浪今從從容容鈎爪踞牙也宵行  
晝伏無以當遇之今忘味搏擊騰擲也朝飛暮噪無  
以拒逢之今屏氣由是言之貪殘薄則知慧作貪殘  
臨之今不復躑躅由是言之知慧周則貪殘囚智慧犯  
之今不復憂非形陋質雖賤微皇王顧遇長光輝離  
宮別館臨朝市妙舞繁絃雜宮徵嘉嘉堂前景福內  
和一作歡殿上明光裏雲母屏風文彩合流蘇斗帳  
香煙起承恩宴盼接宴喜高視七頭金駱駝平懷五  
尺銅獅子國有君今國有臣君爲主今臣爲賓朝有

賢今朝有德賢爲君今德爲飾千年萬歲今心轉憶  
○鶯

詠鶯

唐李嶠初

芳樹雜花紅羣鶯亂曉空聲分折楊吹嬌韻落梅風  
寫轉清絃裏遷喬暗木中友生若可冀幽谷響還通

詠黃鶯

唐孫處初

現睨度花紅間關亂曉空乍離幽谷日先嚀上林風  
翔集春臺側低昂錦帳中聲詩辯博黍比興思無窮

詠黃鶯

唐鄭愔初

欲嚀聲猶澀將飛羽未調高風不借便何處得遷喬

鳥部

卷一百七

十四

鶯

黃鶯

唐鄭谷晚

春雲薄薄日輝輝宮樹煙深隔水飛應爲能歌繫仙  
籍麻姑乞與女真衣

鶯

唐劉莊物晚

幸因辭舊谷從此及芳晨欲語如調舌初飛似畏人  
風調歸影便日暖吐聲頻翔集知無阻聯綿貴有因  
喜遷喬木近寧厭對花新堪念微禽意關關也愛春

鶯出谷

唐錢可畏晚

玉律陽和變時禽羽翻新載飛初出谷一嚀已驚人  
拂柳宜煙暖衝花覺路春搏風翻翰疾向日弄吭頻

求友心何切遷喬幸有因華林高玉樹棲託及芳晨

鶯聲

唐羅隱晚

井上梧桐暗花間露露稀一枝晴復暖百囀是兼非  
金屋夢初覺玉關人未歸不堪間日聽因爾又沾衣

居延海樹聞鶯同作

唐陳子昂初

邊地無芳樹鶯聲忽聽新間關如有意愁絕若懷人  
明妃失漢寵蔡女沒胡塵坐聞應落淚況憶故園春

聽宮鶯

唐王維盛

春樹遶宮牆春鶯囀曙光忽驚啼暫斷移處弄還長  
隱葉棲承露攀花出未央遊人未應返爲此思故鄉

鳥部

卷二百四十七

十五 鶯

白田馬上聞鶯

唐李白威

黃鸝啄紫椹五月鳴桑枝我行不記日誤作陽春時  
鸞老客未歸白田已搔絲驅馬又前去捫心空自悲

柳陌聽早鶯

唐陶翰盛

忽來枝上囀還似谷中聲乍使香閨靜偏傷遠客情

間關難辨處斷續若頻驚玉勒留將久青樓夢不成  
千門候曉發萬井報春生徒有知音賞慚非皇鶴鳴

聽鶯曲

唐韋應物中

東方欲曙花冥冥啼鶯相喚亦可聽乍去乍來時近  
遠纔聞南陌又東城忽似上林翻下苑綿綿蠻蠻如

有情欲囀不囀意自嬌羌兒弄笛曲未調前聲後聲

不相及秦女學箏指猶澀須臾風暖朝日暝清音變  
作百鳥喧誰家懶婦驚殘夢何處愁人憶故園伯勞

飛過聲跼促戴勝下時桑田綠不及流鶯日日啼花  
間能使萬家春意間有時斷續聽不了飛去花枝猶

裊裊還栖碧樹鏤千門春漏方殘一聲曉

和門下武相公春曉聞鶯

唐王建中

侵黑行飛一兩聲春寒囀小未分明若教更解諸餘  
語應向宮花不惜情

和武相公早春聞鶯

唐韓愈中

鳥部

卷二百四十七

十六 鶯

早晚飛來入錦城誰人教解百般鳴春風紅樹驚眠  
處似妬歌童作艷聲

早春雪中聞鶯

唐韓愈中

朝鶯雪裏新雪樹眼前春帶澀先迎氣侵寒已報人  
共矜初聽早誰貴後聞頻暫轉那成曲孤鳴豈及辰

風霜徒自保桃李詎相親寄謝幽棲友辛勤不爲身

聞早鶯

唐白居易中

日出眠未起屋頭聞早鶯忽如上林曉萬年枝上鳴  
憶爲近臣時秉筆直承明春深視草暇日暮聞此聲  
今聞在何處寂寞澤陽城鳥聲信如一分別在人情

不作天涯意豈殊禁中聽

聞黃鸝

唐柳宗元

倦聞子規朝暮聲不意忽有黃鸝鳴一聲夢斷楚江  
曲滿眼故園春意生目極千里無山河麥芒際天搖  
青波王畿優本少賦役務閒酒熟饒經過此時晴煙  
最深處舍南巷北遙相語翻日迴度昆明飛凌風邪  
看細柳翦我今誤落千萬山身同僦人不思還鄉禽  
何事亦來此令我心憶桑梓閒閉聲迴翅歸務速西  
林紫樾行當熟

禁林聞曉鶯

唐陸扈

鳥部

卷一百四十七

十七

曙色分層漢鸞聲繞上林報花開瑞錦催柳綻黃金  
斷續隨風遠間關送月沈語當溫樹近飛覺禁林深  
繡戶驚殘夢瑤池轉好音願將棲息意從此沃天心  
侍從宜春苑奉詔賦龍池柳色初青聽新鸞百

轉歌

唐李白

東風已綠瀛洲草紫殿紅樓覺春好池南柳色半青  
青縈煙嫋娜拂綺城垂絲百尺挂雕楹上有好鳥相  
和鳴間關早得春風情春風卷入碧雲去千門萬戶  
皆春聲是時君王在鎬京五雲垂輝耀紫清仗出金  
宮隨日轉天回玉輦繞花行始向蓬萊看鶴舞還過

蒨石聽新鶯新鶯飛繞上林苑願入簫韶雜鳳笙

殘鶯百轉歌同王員外耿拾遺吉中孚李端遊

慈恩各賦一物

唐司空曙

殘鶯一何怨百轉相尋續始辨下將高稍分長復促  
綿蠻巧狀語機節終如曲野客賞應遲幽僧聞詎足  
禪齋深樹夏陰清零落空餘三兩聲金谷箏中傳不  
似山陽笛裏寫難成憶昨亂啼無遠近晴宮曉色偏  
相引送暖初隨柳色來辭芳暗逐花枝盡歌殘鶯歌  
殘鶯悠然萬感生謝朓羈懷方一聽何郎閒吟本多  
情乃知衆鳥非儔比暮噪晨鳴倦入耳共愛奇音那  
鳥部 卷一百四十七 十八

催髮白

○杜鵑 華陽口杜鵑 江介日子規

詠子規

唐蔡京

千年冤魄化為禽永逐悲風叫遠林愁血滴花春艷  
死月明飄浪冷光沈凝成紫塞風前淚驚破紅樓夢  
裏心腸斷楚詞歸不得劍門迢遞蜀江深

杜鵑

唐杜甫

西川有杜鵑東川無杜鵑涪南一作無杜鵑雲南有  
杜鵑我昔遊錦城結廬錦水邊有竹一頃餘喬木上

參天杜鵑暮春至哀哀叫其間我見常再拜重是古  
帝魂生子百鳥巢百鳥不敢嗔仍爲餒其子禮若奉  
至尊鴻鴈及羔羊有禮太古前行飛與跪乳識序又  
知恩聖賢吾法則付之後世傳君看禽鳥情猶解事  
杜鵑今忽暮春間值我病經年身病不能拜淚下如  
迸泉

杜鵑

唐杜甫

古時杜宇稱望帝魂作杜鵑何微細跳枝窺葉樹木  
中搶伴瞥捩雌隨雄毛衣慘黑貌憔悴衆鳥安肯相  
尊崇隱形不敢栖華屋短翮唯願巢深叢穿皮啄朽

鳥部

卷一百一十七

十九 杜鵑

背欲禿苦饑始得食一蟲誰言養雛不自哺此語亦  
足爲愚蒙聲音咽咽如有謂號啼略與嬰兒同口乾  
垂血轉迫促似欲上訴于蒼穹蜀人聞之皆起立至  
今敦學傳遺風迺知變化不可窮豈思昔日居深宮  
嬪嬙左右如花紅

杜鵑行

唐杜甫

君不見昔日蜀天子化爲杜鵑似老鳥寄巢生子不  
自啄羣鳥至今與哺雛雖同君臣有舊禮骨肉滿眼  
身羈孤業工甯伏深樹裏四月五月偏號呼其聲哀  
痛口流血所訴何事常區區爾豈摧殘始於憤羞帶

羽翮傷形思蒼天變化誰料得萬事反覆何所無豈  
憶當殿羣臣趨

子規

唐賈島

遊魂自相叫寧復記前身飛過鄰家月聲連野路春  
夢邊催曉急愁處送風頻自有霑花血相和雨滴新

杜鵑

唐杜牧

杜宇竟何冤年年叫蜀門至今銜積恨終古弔殘魂  
芳草迷腸結紅花染血痕山川盡春色嗚咽復誰論

子規啼

唐韋應物

高林滴露夏夜清南山子規啼一聲鄰家嬌婦抱兒

鳥部

卷一百一十七

二十一 杜鵑

泣我獨展轉何時明

一作何爲情

和周贊善聞子規

唐張籍

秦城啼楚鳥遠思更紛紛况是街西夜偏當雨裏聞  
應投最高樹似隔數重雲此處誰能聽遙知獨有君

聽子規

唐顧況

棲霞山中子規鳥口中血出啼不了山僧後夜初入  
定聞似不聞山月曉

山中聽子規

唐顧況

幽人自愛山中宿又近葛洪丹井西牕中有箇長松  
樹半夜子規來上啼



聞子規

唐李山甫

冤禽名杜宇此事更難知昔帝一時恨後人千古悲  
斷腸思故國啼血澹芳枝況是天涯客那堪口口眉

聞子規

唐羅鄴

蜀魄千年尚怨誰聲聲啼血向花枝滿山明月東風  
夜正是愁人不寐時

○鸛鵒

鸛鵒

漢書五行志曰左氏傳魯文成之世童  
敗出奔齊居外野文成侯八年死於外  
歸葬魯昭公名稠公子宋立是為定公

鸛鵒之公出辱之鸛鵒之羽公在外野叶往饋之

鳥部

卷百四十七

三十一

馬

鸛鵒

音疎

公在乾侯徵寒與鸛鵒之巢

遠哉遙遙禍父喪勞宋父以驕鸛鵒鸛鵒往歌來哭

疎跳行貌寒勞也需在外短衣也禍父昭公死外  
故喪勞宋父定公代立故以驕性歌來哭謂昭公生

出歌死  
還哭也

山鸛鵒歌

唐劉長卿

山鸛鵒長在此山吟古木嘲嘶相呼響空谷哀鳴萬

變如成曲江南逐臣悲放逐倚樹聽之心斷續已人

峽裏自聞猿燕客水頭空擊筑山鸛鵒一生不及雙

黃鵠朝去秋田啄殘粟暮入寒林嘯羣族鳴相逐啄

殘粟食不足青雲杳杳無力飛白露蒼蒼抱枝宿不

知何事守空山萬壑千峰自愁獨

寶觀主白鸛鵒歌

唐韋應物

鸛鵒鸛鵒衆皆如漆爾獨如玉鸛之鵒之衆皆蓬蒿  
下爾自三山來叶三山處子下人間綽約不妝冰雪

顏仙鳥隨飛來掌上來掌上時拂拭人心鳥意自無  
猜玉指霜毛之同色有時一去凌蒼蒼朝遊汗漫暮

玉堂巫峽雨中飛暫濕杏花林裏過來香日夕依仁  
全羽翼立欲銜環非報德豈不及阿母之家青鳥兒

漢宮來往傳消息

○百舌

鳥部

卷百四十七

三十一

詠百舌

梁劉孝綽

山人惜春暮旭旦坐花林復值懷春鳥枝間弄好音

遷喬聲迴出赴谷響幽深下聽長而短時聞絕復尋

孤鳴若無對百轉似羣吟昔聞屢歡昔今聽忽悲今

聽聞非殊異遲暮獨傷心

侍宴詠百舌

梁沈約

假容不足觀遺音猶可薦幸蒙喬樹恩得以聞高殿

百舌

唐杜甫

百舌來何處重重抵報春知音兼眾語整翮豈多身

花密藏難見枝高聽轉新過時如發口君側有讒人

百舌吟

唐劉禹錫

曉星寥落春雲低初聞百舌間關啼花樹滿空迷處  
所搖動繁英墜紅雨笙簧百轉音韻多黃鸝吞聲燕  
無語東方朝日遲遲升迎風弄影如自矜數聲不盡  
又飛去何許相逢綠楊路綿蠻宛轉似娛人一心百  
舌何紛紛酡顏俠少停歌聽墜珥妖姬和睡聞可憐  
光景何時盡誰能低回避鷹隼廷尉張羅自不關潘  
郎挾彈無情損天生羽族爾何微古端萬變乘春暉  
南方朱鳥一朝見索漠無言蒿下飛

反舌無聲

唐張籍

鳥部

卷一百一十七

三

百舌

夏木多好鳥偏知反舌名林幽仍共宿時過即分聲  
竹外天空曉谿頭雨自晴居人宜寂寞深院益凄清  
入霧暗相失當風閒易驚來年上林苑知爾最先鳴

聽百舌

梁劉氏

庭樹旦新晴臨鏡出雕楹風吹桃李氣過傳一作傳春  
鳥聲淨寫山陽笛全作洛濱笙注意歡留聽誤令妝  
不成

長安聽百舌

藝文曰陳聘使長安聽百舌

萬里風煙異一鳥忽相驚那能對遠客還作故鄉聲  
聽百舌鳥

隋李孝貞

作唐李元操非

煙銷上路靜漏盡禁門通好鳥從西苑流響入南宮

間關既多緒變轉復無窮調驚時斷絕音繁有異同  
飲啄歸承露飛鳴上別風未避王孫彈寧畏虎賁弓  
石渠皆學府麟閣悉文雄不悵青泥印時尋白社中

聽百舌鳥

唐王維

上蘭門外草萋萋未央宮中花裏棲亦有相隨過御  
苑不知若箇向金堤入春解作千般語拂曙能先百  
鳥啼萬戶千門應覺曉建章何必聽鳴雞

汝墳秋同仙州王長史翰聞百舌鳥

唐祖詠

鳥部

卷一百一十七

三

百舌

秋天聞好鳥驚起出簾帷却念殊方月能鳴已後時  
遷喬誠可早出谷此何遲顧影慙無對懷羣空所思  
淒涼歲欲晚蕭索路將辭留聽未終曲彌令心獨悲  
高飛憑力致巧轉任天姿反覆和而靜間關斷若遺  
花繁上林路霜落汝川湄且長凌風翮乘春自有期

燕

詠燕原作贈杜客成

梁吳均

一燕海上來一燕高堂息一朝相逢遇依然舊相識  
問余來何遲山川幾紆直蒼言海路長風駛飛無力

詠燕

唐李嶠

天女伺辰至玄衣澹碧空差池沐時雨頡頏舞春風  
相賀雕欄側雙飛翠幕中忽驚留爪去猶冀識吳宮  
吳宮燕吳宮人  
留爪以記更來

詠燕

唐張鷟初

變石身猶重銜泥力尚微從來赴甲第兩起一雙飛

詠燕貽李林甫

九齡在相位有謗謂匪躬之誠  
林甫時方同列陰欲中之將加  
朔方節度使牛仙客實封九齡稱其不可甚  
不協帝命他日林甫請見屢陳九齡頗懷諱  
謗于時方秋帝命高力士持白羽扇以賜將  
寄意焉九齡惶恐因作賦以獻之又為燕詩  
以貽林甫林甫知  
其必退悲怒少解

唐張九齡初

海燕何微眇逢春亦暫來豈知泥滓賤只見玉堂開

鳥部

卷一百四十七

二五

繡戶時雙入華軒日幾回無心與物競鷹隼莫相猜

燕

唐李山甫晚

每歲同辛苦看人似有情亂飛春得意幽語夜聞聲

整羽莊姜恨迴身漢后輕豪家足金彈不用汚雕楹

燕

唐羅隱晚

不必嫌漂露何捐養羽毛漢妃金屋遠盧女杏梁高

野迴雙飛急煙晴對語勞猶勝黃雀在棲息是蓬蒿

詠雙燕二首

宋鮑照

一作始差池出入南園裏經過北  
堂睡意欲巢君幕層楹不可窺沈吟芳歲晚徘徊韶

景後悲歌辭舊愛銜淚覓新知

可憐雲中燕旦去暮來歸自知羽翅弱不與鵠爭飛

寄聲謝飛鵠往事子毛衣瑣心誠貧薄巨吝節榮衰

陰山饒苦霧危節多勁威豈但避霜雪當一作傲野

人機

賦得雙燕

梁簡文帝

雙燕有雄雌照日兩差池銜花落北戶逐蝶上南枝

桂棟本曾宿虹梁早自窺願得長如此無令雙燕離

賦得雙燕

梁沈君攸

雙燕雙飛雙情相思容色已改故心不衰雙入幕雙

鳥部

卷一百四十七

二六

出帷秋風去春風歸幕上危雙燕離銜羽一別涕泗

垂夜夜孤飛誰相知左回右顧還相慕翩翩桂水不

忍渡懸目挂心思越路繁鬱摧折意不泄願作鏡鸞

相對絕一作孤鸞  
鏡中絕

和晉安王詠雙燕

簡文有

梁庾肩吾

可憐幕上燕差池弄羽衣夜夜同巢宿朝朝相對飛

銜泥瞻樂善相賀奉英徽秋蟬行寂寞戀此未辭歸

詠銜泥雙燕

陳肅詮

銜泥金屋外表瑞玉筐中學飛疑漢妾巢幕憚吳宮  
爪截還猶短巢成新尚空詎竝零陵石飛舞逐春風

雙燕

唐杜甫

旅食驚雙燕銜泥入此堂應同避燥濕且復過炎涼  
養子風塵際來時道路長今秋天地在吾亦離殊方

雙燕離

唐李白

雙燕復雙燕雙飛令人羨玉樓朱閣不獨棲金牕繡  
戶常相見柏梁失火去因入吳王宮吳宮又焚蕩離  
盡巢亦空憔悴一身在孀雌憶故雄雙飛難再得傷  
我寸心中

孤燕

南史曰貞女所居戶有燕巢常雙飛來  
去後忽孤飛貞女感其偏棲乃以雙繫  
脚為誌後歲此燕更來  
猶帶前歲女役為詩曰

梁王氏

鳥部

卷百四十七

三十一

昔年無偶去今春猶獨歸故人恩義重不忍復雙飛

春燕

原作短  
歌行

魏明帝

翩翩春燕端集余堂陰匿陽顯節運自常厥貌淑美  
玄衣素裳歸仁服德雌雄頡頏執志精專潔行馴良  
銜土繕巢有式宮房不規自圓無矩而方

新燕

梁簡文帝

新禽應節歸俱向吹樓飛入簾驚釧響來牕礙舞衣

春燕

唐徐壁

雙燕今朝至何時發海濱窺人向簷語一作窺簷如  
向人語  
道故鄉春

春燕詞

唐王建

新燕新燕何不定東家綠池西家井飛鳴當戶影悠  
揚一遶簷頭一遶梁黃姑說向新婦女去年隋子汗  
衣箱已能辭山復過海幸我堂前故巢在求食慎勿  
愛高飛空中饑為爾害辛勤作窠在盡梁願得年  
年主人富

歸燕

唐杜甫

不獨避霜雪其如儔侶稀四時無失序八月自知歸  
春色豈相訪眾羅還識機故巢儻未毀會傍主人飛

歸燕詞

唐李建勳

鳥部

卷百四十七

三十一

羽翼勢雖微雪膏亦可期飛翻自有路鴻鵠莫相嗤  
待侶臨書幌尋泥傍藻池衝人穿柳徑捕蝶遶花枝  
廣廈來應遍深宮去不疑雕梁聲上下煙浦影參差  
舊地人潛換新巢雀謾窺雙雙暮歸處疎雨滿江湄

詠燕燕于飛應詔

陳江總

二月春暉暉雙燕理毛衣銜花弄蘿靡拂葉隱芳菲  
或在堂間戲多從幕上飛若作仙人履終向日南歸

賦得戲燕俱宿

隋虞世基

大厦初構與雲齊歸燕飛入正銜泥欲繞歌梁向舞  
閣偶為仙履往蘭闥千里爭飛會難並聊向吳宮北

翼栖

詠簷燕

梁庚肩吾

雙燕集蘭閣雙飛高復低向戶疑新箔登巢識故泥  
依欄本相賀近幕願同栖

賦得簷燕

唐皇甫冉

拂水競何忙傍簷如有意翻風去每遶帶雨歸偏駛  
今君裁杏梁更欲年年去

洞房燕

唐張祐

清曉洞房開佳人喜燕來乍疑釵上動輕似掌中迴  
暗語臨牕戶深窺傍鏡臺妝成正含思莫拂畫

鳥部

卷二百四十七

三十九

燕

梁埃

燕銜泥

唐韋應物

銜泥燕聲嘒嘒尾涎涎秋去何所歸春來復相見豈  
不解決絕高飛碧雲裏何為地上銜泥滓銜泥雖賤  
意有營否柔朝日巢欲成不見百鳥畏人林野宿翻  
遭網羅俎其肉未若銜泥入華屋燕銜泥百鳥之智  
莫與齊

燕巢軍幕

唐宋之間

非關憐翠幕不是厭朱樓故來呈燕領報道欲封侯

越燕二首

唐李商隱

上國社方見此鄉秋不歸為矜皇后舞猶著羽人衣  
拂水斜文亂銜花片影微盧家文杏好試近莫愁飛

二

將泥紅蓼岸得草綠楊村命侶添新意安巢復舊痕  
去應逢阿母來莫害皇孫記取丹山鳳今為百鳥尊  
漢成帝時諡曰燕燕尾涎涎飛燕來啄皇孫皇孫死燕啄矢喻趙飛燕害皇子也

隋宮燕

唐李益

燕語如傷舊國春宮花一落旋成塵自從一閉風光  
後幾度飛來不見人

村舍燕

唐杜牧

鳥部

卷二百四十七

三十一

燕

漢宮一百四十五冬下珠簾閉瑣牕何處管巢夏將  
半茅簷煙裏語雙雙

燕子來舟中作

唐杜甫

湖南為客動經春燕子銜泥兩度新舊入故園賞識  
主如今社日遠看人可憐處處巢居室何異飄飄託  
此身暫語船檣還起去穿花落水益霑巾

同獄者歎獄中無燕

唐沈佺期

何許乘春燕多知辨夏臺三時欲併盡雙影未嘗來  
食藥嫌叢棘銜泥怯死灰不如黃雀語能雪冶長猜

賦得巢燕送客

唐錢起

能棲杏梁際不與黃雀羣夜影寄紅燭朝飛高碧雲  
含情別故侶花月一作絕似惜春分

賦得早燕送別

唐李益中

碧草縵如綫去來雙飛燕長門未有春先入班姬殿  
梁空繞復息簷寒窺欲遍今至隨紅萼昔還悲素扇  
一別無秋鴻差池詎相見

歸燕詞辭工部侍郎

唐章孝標

舊壘空巢泥已落今年固向社前歸連雲大厦無棲  
處更繞誰家門戶飛

鳥部

卷一百四十七

三

中付一白  
燕左目傷

昔填夏家冢舊泥欲充今寄黃氏居非意傷我目

詩雉類函卷一百四十八

東吳俞安期彙纂 宣城梅鼎祚增定

鳥部三

鳴雀 鸛 啄木 雉 鷺 鷓鴣 鴛鴦 鴛鴦

○雀

詠雀

梁沈約

肌薄少滋腴色淺非丹翠不懼越王羞寧懷秦后珥  
傍簷聳寒草循場啄餘穗且欣大厦成焉須鴻鵠志

詠雀

隋李孝貞

鳥部

卷一百四十八

一

聽琴旋蔡子張羅避翟公夕宿寒林上朝飛空井中  
既竝玄雲曲復變海魚風一報黃花惠還遊萬歲宮

詠雀

唐李嶠

大厦初成日嘉賓集杏梁銜書表周瑞入幕應王祥  
暮宿空城裏朝遊連水傍願齊鴻鵠志希逐鳳凰翔

青雀

魏劉楨

翩翩野青雀栖宿茨棘藩朝食平田粒夕飲曲池泉  
猥出蔚叢中乃至丹山巔

青雀歌

唐王維

青雀翅羽短未能遠食玉山禾猶勝黃雀爭上下唧  
唧空倉復若何



青雀歌

唐盧象昇

啾啾青雀兒飛來飛去仰天池逍遙飲啄安涯分何  
假扶搖九萬爲

青雀歌

唐王綰

林間青雀兒來往翩翩繞一枝莫言不解銜環報但  
問君恩今若爲

青雀歌

唐崔興宗

青尾繞青林翩翩晒體一微禽不應長在藩籬下他  
日凌雲誰見心

青雀歌

唐裴迪

鳥部

卷一百八

唐王維

動息自適性不曾安與燕雀羣幸忝驚鸞早相識何  
時提携致青雲

黃雀癡

唐王維

黃雀癡黃雀癡謂言青鵲是我兒一一口銜食養得  
成毛衣到大啁啾解游颺各自東西南北飛薄暮空  
巢上羈雌獨自歸鳳凰九雛亦如此慎莫愁思顯賴  
損容輝

黃雀吟

唐孟郊

黃雀舞承塵倚恃主人仁主人忽不仁買彈彈爾身  
何不遠飛去蓬蒿正繁新蒿粒無人爭食之足爲珍

莫觀翻車粟覲翻罪有因黃雀不知言贈之徒殷勤

義雀行和朱評事

唐賈島

玄鳥雄雌俱春雷驚蟄餘口銜黃河泥空卽翔天隅  
一夕皆莫歸曉曉遺衆雛雙雀抱仁義哺食忘勞劬  
雛既遷迤飛雲間聲相呼燕雀雖微類感愧誠不殊  
禽賢難自彰幸得主人書

野田黃雀行

魏陳思王

高樹多悲風海水揚其波利劍不在掌結友何須多  
不見離間雀見鷄自投羅羅家得雀喜少年見雀悲  
拔劍捎羅網黃雀得飛飛飛摩蒼天來下謝少年

野田黃雀行

北齊蕭戰

弱軀嫗一作彩飾輕毛非錦文不知鴻鵠志非是鳳  
凰羣作風隨濯雨入曲應玄雲空城舊侶絕滄海故  
交分寧死明珠彈且避鷹將軍

野田黃雀行

唐儲光義

嘖嘖野田雀不知軀體微閑穿深叢裏爭食復爭飛  
窮老一類舍棗多桑葉稀無棗猶可食無桑何以衣  
蕭條空倉暮相引時來歸斜路豈不捷渚田豈不肥  
水長路且壤惻惻與心違

野田黃雀行

唐李白

遊莫逐炎州翠樓莫近吳宮燕吳宮火起焚巢窠炎  
州逐翠遭網羅蕭條兩翅蓬蒿下縱有鷹鷂奈若何

空城雀

宋鮑照

雀乳四轂空城之阿朝食一作野粟夕飲水河高飛  
畏鴟鵂下飛畏網羅辛傷伊何言休迫良已多誠不  
及青鳥達食玉山禾猶勝吳宮燕無罪得焚窠賦命  
有厚薄長歎欲如何

空城雀

唐李白賦

嗷嗷空城雀身計何戚促本與鷦鷯羣不隨鳳凰族  
提攜四黃口飲乳未嘗足食君糠粃餘常恐鳥鷯逐  
鳥部

卷百四十八

四

恥陟太行險羞營覆車粟天命有定端守分絕所欲

空城雀

唐李咸用晚

啾啾空城雀一啄數跳躍寧尋覆轍餘豈比巢危幕

滄海雀

梁張率

大雀與黃口來自滄海區清晨啄原粒日夕依野株  
雖憂鷽鳥擊長懷沸鼎虞况復隨時起翻飛不可拘  
寄言挾彈子莫賤隋侯珠

雀乳空井中

傅玄詩曰鵲巢丘城側雀乳空井中梁劉孝威

遠去條支國心知漢德休一作聊栖丞相府過令黃  
霸羞挾子須閑地空井共尋求轆轤絲綆絕枯桿冬

薛周將憐羽翼張誰辭各背遊

○鳬

詠鳬

唐李嶠初

颯香睢陽涖浮游漢水隈錢飛出井見鶴引入琴哀  
李陵賦一作降詩罷王喬曳舄來何當歸太液翔集  
動成雷

詠單鳬

梁簡文帝

銜苔入淺水刷羽向沙洲孤飛本欲去得影更淹留

詠寒鳬

梁簡文帝

迴水浮輕浪沙場弄羽衣眇眇隨山沒離離傍海飛  
鳥部

卷百四十八

五

白鳬行

唐杜甫賦

君不見黃鵠高千五尺童化為白鳬似老翁故畦遺  
穗已蕩盡天寒歲暮波濤中鱗介腥膻素不食終日  
忍饑西復東魯門鷦鷯亦蹭蹬聞道如今猶避風

賦得汎汎水中鳬

陳江總

歸鳬沸卉同亂下芳塘中出沒時銜藻飛鳴忽颺風  
浮深或不息戲廣若乘空春鸚徒有賦還笑在金籠

阿子歌

梁王金珠

可憐雙飛鳬飛集野田頭飢食野田草渴飲清河流  
○啄木

啄木

晉傅玄

啄木高翔鳴啾啾飄搖林薄著桑槐  
綠樹間啄如錐嚶嚶嚶聲正悲專為萬物作  
倡俳當此之時樂不可廻

啄木

左貴嬪名茂思之妹少好學善綴文武帝聞而納之泰始八年拜脩儀後為貴嬪安  
陋無寵以才德見禮每有方物異寶必詔為賦頌以是屢獲恩賜焉

晉左貴嬪

南山有鳥自名啄木飢則啄樹暮則巢宿無干於人  
唯志所欲性清者榮性濁者辱

啄木謠

唐陳標

鳥部

卷一百八

六

啄木

丁丁向晚急還稀啄徧庭槐未肯歸終日與君除蠹  
害莫嫌無事不頻飛

○雉

詠雉

唐李嶠

白雉振朝聲飛來表太平楚郊疑鳳出陳寶若雞鳴  
童子懷仁至中郎作賦成冀君看飲啄耿介獨含情

白雉詩

漢班固

啓靈篇兮披瑞圖獲白雉今效素鳥嘉祥阜今集皇  
都發皓羽兮奮翹英容潔朗今於純精彰皇德今侔  
周成永延長今膺天慶

澤雉

古無名氏

擅場延繡頸朝飛弄綺翼飲啄常自在驚雄恒不息

山雉

唐白居易

五步一啄草十步一飲水適性遂其生時哉山梁雉

梁上無罾繳梁下無鷹鷂雌雄與羣雛皆得終天年

嗟嗟籠下雞及彼池中鴈既有稻梁恩必有犧牲患

雉朝飛

雉朝飛也齊處士張宣年五十無妻出薪於野見雉雌雄相隨而飛意動心悲乃作雉朝飛之操以自傷焉其聲中絕揚雄琴清英曰衛女傳母之所作也

雉朝飛今鳴相和雌雄羣遊於山阿我獨何命今未

鳥部

卷一百八

七

雉

有家時將莫今可奈何嗟嗟莫今可奈何

雉朝飛

宋鮑照

雉朝飛振羽翼專場挾雌一作兩恃彊力媒已驚翳又

逼蒿間潛穀盧矢直勿繡頸碎錦臆絕命君前無怨色

雉朝飛

梁簡文帝

晨光照麥畿平野度春暈避鷹時聳角妬鵲或斜飛

雉朝飛

梁吳均

二月雉朝飛橫行傍壘歸斜看水外隄側聽嶺南暈  
蹊蹊恒欲戰耿耿恃彊威當令君見賞何辭碎錦衣

雉朝飛

唐李白

麥隴青青三月時  
白雉朝飛挾兩雌  
錦衣綺翼何離離  
穠穠牧採新感之悲  
春天和白日暖啄食  
飲泉勇氣滿爭雄鬪  
死繡頸斷

雉子斑二首

陳後主

四野秋原暗十步啄  
方前雉聲風處達翅  
影雲間連箭射妖姬  
笑裘值盛明然已足  
南皮賞復會北宮篇  
二

麥隴新秋來澤雉屢  
徘徊依花似協妬拂  
草乍驚媒三春桃照  
李二月柳爭梅暫住  
如臯路當令巧笑開

鳥部

卷一百八

八

雉子斑

陳毛處約

春物始芳菲春雉正  
相追澗響連朝雉花  
光帶錦衣竄跡時移  
影驚媒或亂飛能使  
如臯路相逢巧笑歸

雉子斑

陳張正見

陳倉雉未飛斂翮依  
芳甸朱冠色尚淺錦  
臆毛初變雉麥且專  
場排花聊勇戰唯當  
渡弱水不怯如臯箭

雉將雛

唐王建

雉呼嗶嗶雛出谷毛  
斑斑背啄啄學飛未  
得一尺高還逐母行  
旋母脚麥隴淺淺難  
蔽身遠去戀雛低怕  
人時時土中鼓兩翅  
引雛拾蟲不相離

射雉

陳蕭有

二月春暈動曹王挾  
如媒插翳依花合其  
場回野開隔田聞雉  
近橫谿見影來弦明  
青靨碎箭落錦衣摧  
今日如臯路能將巧  
笑迴

射雉詞

唐儲光義

曝暄理新翳迎春射  
鳴雉原田遙一色臯  
陸曠千里遙聞嗶嗶  
聲時見雙飛起暮塵  
跡蒿下毳毳深叢裏  
顧敵已忘生爭雄方  
決死仁心貴勇義豈  
能復傷此超遙下故  
墟迢遞回高時大夫  
昔何苦取笑歡妻子  
射雉

鳥部

卷一百八

九

走馬上東岡朝日照  
野田野田雙雉起翻  
射斗迴鞭雖無百發  
中聊取一笑妍羽分  
繡臆碎頭一作拖錦  
鞘懸方將悅羈旅非  
關學少年殺弓一長  
嘯憶在灞城阡

雉帶箭

唐韓愈

原頭火燒靜兀兀野  
雉畏鷹出復沒將軍  
欲以巧伏人盤馬彎  
弓惜不發地形漸窄  
觀者多雉驚弓滿勁  
箭加衝人決起百餘  
尺紅翎白鏃相傾斜  
將軍仰笑軍吏賀五  
色離披馬前墮

越裳獻白雉

唐王若虛

素翟冠彩遙遙自越裳水晴朝映日玉羽夜含霜  
歲月三年遠山川九譯長來從碧海路入見白雲鄉  
作瑞興周后登歌美漢皇朝天資孝理惠化且無疆

越裳獻白雉一作孫昌胤詩

唐丁仙芝盛

聖哲符休運伊臯列上台覃恩丹微遠入貢素疊來  
北闕欣初見南枝顧未迴歛衣殘雪淨嬌翼片雲開  
馴擾將無懼翻飛幸莫猜甘從上苑裏飲啄自徘徊

雉場歌

唐溫庭筠晚

芟葉萋萋接煙曙雞鳴埭上梨花露彩仗鏘鏘已合  
團繡翎白頸遙相妬雕尾扇張金縷高碎鈴素拂塵  
鳥部 卷一百八十一 十 雉

駒豪綠場紅跡來相接箭發銅牙傷彩毛來隴桑陰  
小山晚六虬歸去疑笳遠城頭却望幾含情青畝春  
燕連石苑

○鷺

鷺鷥

唐李白盛

白鷺下秋水孤飛如墮霜心閑且未去獨立沙洲傍

鷺鷥

唐張祐中

深窺思不窮揭趾淺沙中一點山光淨孤飛潭影空  
暗棲松葉露雙一作輕下蓼花風好是滄波侶垂絲趣

亦同

鷺鷥

唐羅隱晚

斜陽澹澹柳陰陰風暴寒絲映水深不要向人誇潔  
白也知常有羨魚心

白鷺

唐劉長卿中

亭亭常獨立川上時延頸秋水寒白毛夕陽弔孤影  
幽姿閑自媚逸翮思一騁如有長風吹青雲在俄頃

白鷺

唐李嘉祐中

江南綠水多顧影逗輕波終日尋雲裏山高奈若何

白鷺詠

唐李端中

迴起來應近高飛去自遙映林同落雪拂水狀翻潮

鳥部

卷一百八十一

十 鷺

猶有幽人與相逢到碧霄

詠雙白鷺

唐陶雍晚

雙鷺應憐水滿池風飄不動頂絲垂立當青草人先  
見行傍白蓮魚未知一足獨拳寒雨裏數聲相叫早  
秋時林塘得爾須增價況是詩家物色宜

白鷺兒

唐劉禹錫中

白鷺兒最高格毛衣新成雪不敵衆禽喧呼獨凝寂  
孤眠芊芊草久立潏潏石前山正無雲飛去入遙碧

朱鷺

梁王僧孺

因風弄玉水映日上金堤猶持畏羅繳未得異鳥驚

聞君愛白雉兼因重碧雞未能聲似鳳聊變色如珪  
願識昆明路乘流飲復棲

朱鷺

梁裴憲伯

秋來懼寒勁歲去畏水堅羣飛回葭下奮羽欲南遷  
暫戲龍池側時往鳳樓前所歎恩光歇不得久聯翩

朱鷺

陳張正見

金堤有朱鷺刷羽望滄瀛周詩振雅曲漢鼓發奇聲  
時將赤鴈並乍逐彩鷺行別有翻潮處異色不相驚

朱鷺

陳蘇子卿

玉山一朱鷺萬里一作容與入王畿欲向天池飲還遶上

鳥部

卷一百八

十一

林飛金堤矚羽翻丹水浴毛衣非貪葭下食懷思自  
遶歸

朱鷺曲

唐張籍中

翩翩今朱鷺來泛春塘栖綠樹毛如翦色如染遠飛  
欲下雙翅斂避人引子入深塹動處水紋開灩灩誰  
知豪家網爾驅不如飲啄江海隅

振振鷺

唐李頻中

有鳥生江浦霜華作羽翰君臣將北漈朝野用爲歡  
月影林梢下水光水際殘飛翻時共樂飲啄道皆安  
迴翅宜高詠羣棲入靜看由來鷺鷥侶濟濟列千官

沙上鷺

唐張文姬女郎

沙頭一水禽鼓翼揚清音只待高風便非無雲漢心

賦得白鷺鷥送朱少府入三峽

唐李白

白鷺拳一足月明秋水寒人驚遠飛去直向使君灘

○鷓鴣鷓鴣附

詠鷓鴣

齊謝朓

蕙草含初芳瑤池暖晚色得廁鴻鸞影晞光弄羽翼

詠飛來鷓鴣

梁簡文帝

飛從何處來似出上林隈口銜長生葉翅染昆明苔

鷓鴣

唐杜甫

鳥部

卷一百八

十三

故使籠篋纖須知動損毛看雪莫悵望失水任呼號  
六翮曾經翦孤飛只未高且無鷹隼慮留滯莫辭勞

鷓鴣

唐許渾

池寒柳復凋獨宿夜迢迢雨頂冠應冷風毛劍欲飄  
故巢迷碧水舊侶越丹霄不是無歸處心高多寂寥

奉和雙鷓鴣

唐張賁

翠羽紅襟鏤彩雲雙飛常笑白鷗羣誰憐化作雕金  
質從情沈檀十里聞

玩金鷓鴣戲贈葉美

唐陸龜蒙

曾向谿邊泊暮雲至今猶憶浪花羣不知鏤羽凝香



霧堪與鴛鴦覺後聞

奉和陸魯望玩金鸚鵡戲贈 唐皮日休

鏤羽雕毛迴出羣溫馨飄出麝膺薰夜來曾吐紅茵  
畔猶似谿邊睡不聞

鵲鵲 唐杜牧

芝莖抽紺趾清喉擲金梭日翅閑張錦風池去曾羅  
靜眠依翠荇暖戲折高荷山陰豈無爾爾字換羣鵲

○鴛鴦

鴛鴦詩 原作酒 魏嵇康

婉彼鴛鴦戢翼而遊俯喙綠藻託身洪流朝翔素瀨

鳥部 卷一百四十八 十四 鴛鴦

夕棲靈洲搖蕩清波與之沈浮

鴛鴦篇 唐陳子昂

飛飛鴛鴦鳥舉翼相蔽虧俱來淥潭裏共向白雲涯  
音容相眷戀羽翮兩逶迤蘋萍戲春渚霜霰遶寒池

浦沙連岸淨汀樹拂潭垂年年此遊說歲歲來追隨

鳳凰起丹穴獨向梧桐枝鴻鴈來紫塞空憶稻梁肥

鳥啼倦依託一作永夕鶴鳴傷別離豈若此雙禽飛翻不

異林刷羽青江浦交頸紫山岑文章有奇色和鳴多

好音聞有鴛鴦綺復有鴛鴦衾持爲美人贈勗此故

交心

和友人鴛鴦三首 唐崔珣

翠鬣紅毛舞落暉水禽情似此禽稀暫分煙島猶迴  
首祇過寒塘亦並飛映霧乍迷金殿瓦逐校齊上玉  
人機採蓮無限蘭橈女笑指中流羨爾歸

寂寂春塘煙晚時兩心如影共依依谿頭日暖眠沙  
穩渡口風寒浴浪稀翡翠莫誇饒彩飾鸚鵡須美好  
毛衣蘭深正密無人見相逐相呼何處歸

舞鶴翔鸞俱別離可憐生死兩相隨紅絲毳落眠沙  
處白雪花成感浪時琴上只聞交頸語牕前空展共  
飛詩如何相見長相對肯羨人間多所思

鳥部 卷一百四十八 十五 鴛鴦

古歌辭

入門時左顧但見雙鴛鴦鴛鴦七十二羅列自成行  
音聲何啻囀囀鸛鳴東西廂

古絕句

南山一樹桂上有雙鴛鴦千年長交頸歡慶不相忘

○鷗 白鷗附

鷗 唐杜甫

江浦寒鷗戲無他亦自饒却思翻玉羽隨意點春由  
雪暗還須落風生一任飄幾羣滄海上清影日蕭蕭

弄白鷗歌 唐劉長卿

泛泛江上鷗毛衣皓如雪朝飛瀟湘水夜宿洞庭月  
歸客正夷猶愛此滄江閑白鷗

詠白鷗兼嘲別者

梁何遜

可憐雙白鷗朝夕水上遊一作何言異棲息雖住雄  
不畱孤飛出淑浦獨宿下滄洲東西從此別影響絕  
無由

賦得白鷗歌送李伯康歸使

唐盧綸

積水深源白鷺翻翻倒影光素于潭之間銜魚魚落  
亂驚鳴爭撲蓮葉蓮葉傾爾不見波中鷗鳥閑無營  
何必汲汲勞其生柳花冥濛大堤口悠揚相和乍無  
鳥部

卷一百一十八

十六

放白鷗篇

唐宋之問

故人贈我綠綺琴兼致白鷗鳥琴是嶧山桐鳥出吳  
谿中我心松石清霞裏弄此幽弦不能已我心河海  
白雲垂憐此珍禽空自知著書晚下麒麟閣幼稚驕  
癡候門樂乃言物性不可違白鷗愁慕刷毛衣玉樹  
閉匣畱爲念六翮開籠任爾飛

贈黃山胡公求白鷗

并序

唐李白

聞黃山胡公有雙白鷗蓋自家雞所伏自小馴狎  
了無驚猜以其名呼之皆就掌取食然此鳥耿介  
尤難畜之余平生酷好竟莫能致而胡公輒贈于  
我惟求一詩聞之欣然適會宿意因援筆三叫文  
不加點以贈之

請以雙白璧買君雙白鷗白鷗如白綿白雪恥容顏  
照影玉潭裏刷毛琪樹間夜棲寒月靜朝步落花閑  
我願得此鳥玩之坐碧山胡公能輒贈籠寄野人還  
○精衛

精衛

唐岑參

鳥部

卷一百一十八

十七

負劍出北門乘桴適東溟一鳥海上飛云是帝女靈  
玉顏溺水死精衛空爲名怨積徒有志力微竟不成  
西山木石盡巨壑何時平

精衛詞

唐王建

精衛誰教爾填海海邊石子青磊磊但得海水作枯  
池海中魚龍何所爲口穿豈爲空銜石山中草木無  
全枝朝在樹頭暮海裏飛多羽折時墮水高山未盡  
海未平願我身死子還生

學諸進士作精衛銜石填海

唐韓愈

鳥有償冤者終年抱寸誠口銜山石細心望海波平

渺渺功難見區區命已輕人皆議造次我獨賞專精  
豈計休無日惟應盡此生何慙刺客傳不著報讐名

○雞

山雞附

詠雞

唐杜甫

紀德名標五初鳴度必三殊方聽有異失欠曉無慙  
問俗人情似充庖爾輩堪氣交亭育際巫峽漏司南

正旦春雞

梁劉孝威

寶雞陳倉祠光表神雄飛帝漢雌鳴霸秦排鷹激怒  
磚翅張瞋電鞭失焰雷車折輪助標魏教擅場齊珍  
名流晉戟歌傳漢臣竊脂善盜搏穀難馴綠鸚智淺

鳥部

卷一百四十八

十八 雞

蒼鷹害深兼姿五德歸于翰音

晨雞

唐劉兼

朱冠金距絳毛身昧爽高聲已報晨作瑞莫慚先貢  
楚擅場須信獨推秦淮南也伴升仙犬面谷曾容借  
曉人此日卑棲隨飲啄宰君驅我亦相馴

晚雞

唐崔護

黯黯嚴城罷鼓鼙數聲相續出寒棲不嫌驚破紗牕  
夢却恐爲奴半夜啼

鬪雞篇

魏陳思王

游目極妙伎清聽厭宮商主人寂無爲衆賓進樂方

長筵坐戲客鬪雞閒觀一作房羣雄正翕赫雙翅自  
飛揚揮羽激一作清風搏一作目發朱光落輕毛  
散嚴距往往傷長鳴入青雲扇翼獨翱翔願蒙狸膏  
助常得擅此場

鬪雞

魏應瑒

戚戚懷不樂無以釋勞動兄弟游戲場命駕迎衆賓  
二部分曹伍羣雞煥以陳雙距解長綵飛踊超敵倫  
芥羽張金距連戰何續紛從朝至日夕勝負尚未分  
專場驅衆敵剛捷逸等羣四坐同休贊賓主懷悅欣  
博奕非不樂此戲世所珍

鳥部

卷一百四十八

十九 雞

鬪雞

魏劉楨

丹雞被華采雙距如鋒芒願一場炎威會戰此中唐  
利爪探玉除瞋目含火光長翹驚風起勁翮正敷張  
輕舉奮勾喙電擊復還翔

鬪雞

梁簡文帝

歡樂良無已東郊春可遊百花非一色新田多異流  
龍尾橫津漢車箱起戍樓玉冠初警敵芥羽忽猜儔  
十日驕旣滿九勝勢恒遁脫使田饒見堪能說魯侯

鬪雞篇

梁劉孝威

丹雞翠翼張妬敵復專場翅中含芥粉距外耀金芒

氣踰上黨烈名貴下韓良祭橋愁魏后食路忌齊王  
願賜淮南藥一使雲間翔

鬪雞

陳徐陵

季子聊為戲陳王欲騁才花冠已衝力金爪復驚媒  
鬪鳳羞衣錦雙鸞耽鏡臺陳倉君有信為覓寶雞來

鬪雞

北周庾信

開軒望平子驟馬看陳王狸膏燠鬪敵芥粉盞春場  
解翅蓮花動猜羣錦臆張

賦得鬪雞東郊道

曹子建名都篇曰鬪雞東郊道走馬長楸間

陳褚玠

鳥部

卷百十八

二十一 雞

春郊鬪雞侶捧敵兩逢迎妬一作羣排袖出帶勇向  
場驚錦毛侵距散芥羽雜塵生還同戰勝罷耿介寄  
前鳴

詠寒食鬪雞應秦王教

唐杜淹初

寒食東郊上揚鞬競出籠花冠初照日芥羽正生風  
顧敵知心勇先鳴覺氣雄長翹頻掃陣利爪屢通中  
飛毛遍綠野麗血清芳叢雖然百戰勝會自不論功

杜淹唐初為掾史嘗業詩文皇歲定內難詠鬪雞詩寄意文皇覽之嘉歎數四竟擢用之

詠老敗鬪雞

陳周弘正

少壯摧雄敵眇視夕信忌一隨年月衰摧頽落毛駛

閑觀春光滿東郊草色異無復先鳴力空餘擅場意  
看鬪雞

北周王褒

蹀躞始橫行意氣欲相傾妬敵金芒起猜羣芥粉生  
入場疑挑戰逐退似追兵誰知百谷下人去獨開城

雞鳴歌

樂府廣題曰漢有雞鳴衛士上雞鳴宮外舊儀宮中與臺並不得畜雞晝漏盡夜漏起中黃門持五夜甲夜畢傳乙乙夜畢傳丙丙夜畢傳丁丁夜畢傳戊戊夜是為五更未明三刻雞鳴衛士起唱漢書曰高帝圍項羽垓下羽是夜聞漢軍四面皆楚歌應劭曰楚歌者雞鳴歌也晉太康地記曰後漢國始鬪陽公安細陽四縣衛士習此曲於關下歌之今雞鳴歌也然則此歌蓋漢歌也按周禮雞人掌大祭祀夜辨旦以器百官則所起亦達矣

雞鳴歌

雞鳴歌

雞鳴歌

雞鳴歌

亦達

古無名氏

鳥部

卷百十八

二十一 雞

東方欲鳴星爛爛汝南晨雞登壇喚曲終漏盡嚴具  
陳月沒星稀天下口千門萬戶遞魚鑰宮中城上飛

烏鵲

雞鳴篇

梁簡文帝

時雞識將曙長鳴高樹顛啄葉疑障羽排花強欲前  
意氣多驚舉颺飄獨無侶陳思助鬪協狸膏郗昭妬  
敵安金距丹山可愛有鳳凰金門飛舞有鴛鴦何如  
五德美豈勝千里翔

賦得晨雞高樹鳴

陳張正見

晨雞振羽鳴出迴擅奇聲蜀郡隨金馬天津應玉衡

摧冠驗遠石繫火出連營用江事爭樓斜揭暮解翼橫  
飛度試飲淮南藥翻上仙都樹枝低且候潮葉淺還  
承露承露觸嚴霜葉淺伺朝陽猜羣怯寶劍勇戰出  
花場嘗損黃金距誰論白玉瑞長鳴逢晉帝恃氣遇  
周王流名說魯國分影入陳倉不復愁符明猶能感  
孟嘗

雞鳴篇

隋岑德潤

鐘響應繁霜晨雞錦臆張簾迴猶侵露枝高已映光  
排空下朝揭奮翼上花場雨晦思君子關開脫孟嘗  
既得依雲外安用集陳倉

鳥部

卷一百八

三

雞

雞鳴曲

唐李郭中

星稀月沒入五更膠角角雞初鳴征夫牽馬出門  
立辭妾欲向安西行再鳴引頸簷頭下月中角聲催  
上馬纔分地色第二鳴旌旆紅塵已出城婦人上城  
亂招手夫壻不聞遙哭聲長恨雞鳴別時苦不遺雞  
栖近牕戶

聞雞贈主人

唐李益中

嚶嚶司晨鳴報爾東方旭無事戀君軒令君重鳥鳴  
縛雞行

唐杜甫盛

小奴縛雞向市賣雞被縛急相喧爭家中厭雞食蟲

蟻不知雞賣還遭烹蟲雞于人何厚薄吾叱奴人解  
其縛雞蟲得失無了時注目寒江倚山閣

詠山雞

唐溫庭筠晚

萬壑動晴景山禽凌翠微繡翎翻草去紅背啄花歸  
巢暖碧雲色影孤清鏡輝不知春樹畔何處又分飛  
賦得山雞舞石鏡

唐崔護中

廬峰開石鏡入說舞山雞物象纖無隱禽情目自迷  
景當煙霧歇心喜錦翎齊宛轉鳥呈彩婆娑鳳欲栖  
何言資羽族在地得天倪應笑翰名者終朝飲敗醯

○鵝

鵝附

鳥部

卷一百八

三

雞

詠鵝

唐駱賓王初

鵝鵝鵝曲項向天歌白毛浮綠水紅掌撥清波

題鵝

唐李商隱晚

眠沙卧水自成羣曲岸殘陽極浦雲那解一作將心  
憐孔翠羈雌長共故雄分

得房公池鵝

唐杜甫盛

房相西亭鵝一羣眠沙泛浦白於雲鳳凰池上應迴  
首為報能隨王右軍

舟前小鵝兒

唐杜甫

鵝兒黃似酒對酒愛新鵝引頸噴船遙無行亂眼多

翅開遭宿雨力小困滄波客散層城暮狐狸奈若何

花鴨

唐杜甫

花鴨無泥滓堦前每緩行羽毛知獨立黑白太分明  
不覺羣心妬休牽眾眼驚稻梁霜汝在作意莫先鳴

○雜禽

翠鳥

漢蔡邕

庭阪一作前

有若榴綠葉含丹榮翠鳥時來集振翼修  
形容回顧生碧色動搖揚縹青幸脫虞人機得親君  
子庭馴心託君素雌雄保百齡

嗽金鳥

酉陽雜俎曰嗽金鳥出昆明國形如雀色黃常翔翔于海上魏明帝時其國來

鳥部

卷二百四十八

王西

禽類

獻此鳥以真珠及龜腦常吐金屑如粟鑄之乃為器服官人爭以鳥所吐金為釵珥謂之辟寒金以鳥不畏寒也官人相嘲弄曰

不服辟寒金那得帝王心不服辟寒金那得帝王憐

浴浪鳥

唐盧照鄰

獨舞依盤石羣飛動輕浪奮迅碧沙前長懷白雲上

時樂鳥篇

并序

唐張說

初

伏見天恩以靈異鸚鵡及能延京所述篇出示朝  
列臣按南海異物志有時樂鳥鳴云太平天下有道  
則見驗其圖丹首紅臆朱冠綠翼鸞領文背綠以  
五色今此鳥本南海貢來與鸚鵡狀同而毛尾

金異其心聰性辨護主報恩固非凡禽實瑞經所

謂時樂鳥延京雖叙其事未正其名望編國史以

彰聖瑞臣竊同延京獻詩一首

舊傳南海出靈禽時樂名聞不可尋形貌乍同鸚鵡  
類精神別稟鳳凰心千年待聖方輕舉萬里呈才無  
伴侶紅茸綵繡好毛衣清泠謳啞好言語內人試取  
御衣牽啄手眠聲不許前心願陽鳥恒保日志嫌陰  
鶴欲凌天天情詵訝良無已察圖果見祥經裏本持  
符瑞驗明王還用文章比君子自憐弱羽詎堪珍喜  
共華篇來示人人見嚶嚶報恩鳥多慙碌碌具官臣

鳥部

卷二百四十八

王五

雜禽

飛鵲操

唐劉禹錫

驚飛杳杳青雲裏驚鳴蕭蕭風四起旗尾飄揚勢漸  
高箭頭書劃聲相似長空悠悠霽日懸六翮不動凝  
風煙游鷗翔鴈出其下慶雲清景相迴旋忽聞饑鳥  
一噪聚瞥下雲中爭腐鼠騰音礪吻相喧呼仰天大  
嚇疑鸛雛畏人避犬投高處俛吻無聲猶屢顧青鳥  
自愛玉山禾仙禽徒貴華山露撲棘危巢向暮時  
鵲飽暖蹲枯枝遊童挾彈一麾附臆碎羽分人不悲  
天生眾禽各有類威鳳文章在仁義鷹隼儀形螻蟻  
心雖能啖天何足貴



鳶奪巢

唐韋應物

野鵲野鵲巢林梢鵲恃力奪鵲巢吞鵲之肝啄鵲腦竊食偷居還自保鳳凰五色百鳥尊知為害何不言霜鷗野鷗得殘肉同啄羶腥不肯逐可憐百鳥紛縱橫雖有深林何處宿

戴勝詞

唐王建

戴勝誰與爾為名木中作窠牆上鳴聲聲催我急種穀人皆向田不歸宿紫冠綵絲一作褐羽斑銜得蜻蜒飛過屋可憐白鷺滿綠池不如戴勝知天時

題戴勝

唐賈島

鳥部

卷一百四十八

二十六

雜禽

星點花冠道士衣紫陽宮女化身飛能傳上界春消息若到蓬山莫放歸

織鳥

唐張何

季春三月裏戴勝下桑來映日華冠動迎風繡羽開候驚蠶事晚織向女工裁旅宿依花定輕飛遶樹迴欲過高閣柳更拂小庭梅所寄一枝分寧憂弋者猜

詩雉類函卷一百四十八終

詩雉類函卷一百四十九

東吳俞安期彙纂

宣城梅鼎祚增定

吳門金星訂校

獸部

麟 虎 豹 附 馬 牛 鹿 麕 附 兔

○麟

詠麟

唐李嶠

漢祀應祥開魯郊西狩迴奇音中鍾呂成角喻英才畫像臨仙閣藏書入帝臺若驚能吐哺為觀鳳皇來

獲麟歌

孔叢子曰叔孫氏之車子鉏商樵於野父之衢冉有告曰麟身而肉角豈天之妖乎夫子往觀焉泣曰麟也麟出而死吾道窮矣

獸部

卷一百四十九

乃歌

周孔子

唐虞世今麟鳳遊今非其時來何求麟今麟今我心憂

白麟歌

漢書武帝紀曰元狩元年冬十月行幸雍獲白麟作白麟之歌

朝隴首覽西垠雷電祭獲白麟爰五止顯黃德圖凶虐熏鬻極關流離抑不詳賓百僚山河饗掩回

轅鬚長馳騰雨師灑路陂流星隕感惟風簫歸

雲撫懷心

麒麟頌

吳薛綜

懿哉麒麟惟獸之伯政平觀景否則戢足德以衛身

不布牙肉屏營唐日帝堯保祿

麒麟頌

西涼武昭王

一肉圓蹄行中規矩遊必擇地翔而後處不入陷穽  
不罹網罟德無不王為之折服

麟贊

晉郭璞

麟惟靈獸與麋同體智在隱蹤仁表不抵孰為來哉  
宣尼揮涕

○虎

猛虎詞

唐儲光義

寒亦不憂雪飢亦不食人人肉豈不甘所惡傷神明

獸部

卷百四十九

二 虎

太室為我宅孟門為我鄰百獸為我膳五龍為我賓  
蒙馬一何威浮江亦以仁彩章耀朝日爪牙雄武臣  
高雲逐氣浮厚地隨聲震君能賈餘勇日夕長相親

猛虎行

唐李賀

長戈莫春長弩莫抨乳孫哺子教得生獍舉頭為城  
掉尾為旌東海黃公愁見夜行道逢騶虞牛哀不平  
何用尺刀壁上雷鳴泰山之下婦人哭聲官家有程  
吏不敢聽

猛虎行

唐韓愈

猛虎雖云惡亦皆有匹儕羣行深谷間百獸望風低

身食黃熊黃熊一作熊熊下熊字同父子食赤豹麋擇肉於熊豹

肯視免與狸正晝當谷眠眼有百步威自矜無當對

氣性縱以乖朝怒殺其子暮還食其妃匹儕四散走

猛虎還孤栖狐鳴門兩旁烏鵲從噪之出逐猴入居

虎不知所歸誰云猛虎惡中路正悲啼豹來銜其尾

熊來攫其顙猛虎歎不辭但慙前所為虎坐無助歔

九如汝細微故當結以信親當結以私親故且不保

人誰信汝為

猛虎行

唐張籍

南山北山樹冥冥猛虎白日繞林行向晚一身當道

獸部

卷百四十九

二 虎

食山中麋鹿盡無聲年年養子在深谷雌雄上山不  
相逐谷中近窟有山林長向村家取黃犢五陵年少  
不敢射空來林下看行迹

詠豹

唐李嶠

車法肇宗周黷文闡大猷還將君子變來蘊太公籌  
委質超牟韓飛名列虎侯若令逢雨霧長隱南山幽  
臘日觀咸寧王部曲娑勒擒豹歌 唐盧綸  
山頭暈暈日將出山下獵圍照初日前林有獸未識  
名將軍促騎無人聲潛形跪伏草不動雙鵬轉旋羣  
鴉鳴陰方質子才三十譯語受詞蕃語掛捨鞍解甲

疾如風人忽虎蹲獸人立歛然扼額批其順爪牙委  
地涎淋漓既蘇復吼拘於絞仍怒果叶英謀生致之  
拖自深叢目如電萬夫失容千馬戰傳呼賀拜聲相  
連殺氣騰凌陰滿川始知縛虎如縛鼠敗虜降羌生  
眼前祝爾嘉詞爾無苦獻爾將隨犀象舞苑中流水  
禁中山期爾攫搏開天顏非熊之兆慶無極願紀雄  
名傳百蠻

○馬

馬詩

晉劉恢

東皇有一駿名曰千金駒絳首傳駿尾養以甘露芻

獸部

卷百四十九

四

賦得馬

陳劉刪

獨飲臨寒窟離群思北風陳王欲觀舞御史自隨騶  
邊聲隕客淚果下益桃紅恒持沛艾影解向平陵東  
晉潘岳藉田賦云  
龍驤騰驤而沛艾

詠馬

唐李嶠初

天馬本來東嘶驚御史驟蒼龍遙逐日紫燕迴追風  
明月來鞍上浮雲落蓋中得隨穆天子何假唐成公

詠馬

唐楊師道初

寶馬權奇出未央雕鞍照耀紫金妝春草初生馳上  
苑秋風欲動戲長楊鳴珂屢度章臺側細蹠輕向渚

龍傍徒今漢將年年去死城今已獻名王

馬詩八首

唐李賀中

龍脊貼連錢銀蹄白踏煙無人織錦韉誰為鑄金鞭

臘月草根甜天街雪似鹽未知口硬軟先擬疾黎銜

忽憶周天子驅車上玉山鳴騶辭鳳苑赤驥最承恩

香襍赭羅新盤龍蹙錦鱗迴看南陌上誰道不逢春

獸部

卷一百五十九

五

不從桓公獵何能伏虎威一朝溝隴出看取拂雲飛

唐劍斬隋公拳毛屬太宗莫嫌金甲重且去捉飄風

蕭寺馱經馬元從竺國來空知有善相不解走章臺

汗血到皇家隨鸞撼玉珂少君騎海上人見是青驪

詠馬

唐韓琬晚

曾經伯樂識長鳴不似龍行不敢行金埒未登嘶若  
是鹽車猶駕瘦何驚難逢王濟知音癖欲就燕昭買

駿名早晚飛黃引同阜碧雲天上作鸞鳴

天馬歌

漢書武帝紀曰元鼎四年秋馬生渚澤水中山作天馬之歌大初四年春武帝將軍李廣利斬大宛王首獲汗血馬來作西極天馬之歌

太一況

一作

天馬下露赤汗沫流赭志倣儻精權奇

籀浮雲瞻上馳

籀音

體容與進萬里進與今安匹龍

為友

天馬徠從西極涉流沙九夷服天馬徠出泉水虎脊

兩化若鬼天馬徠歷無早經千里循東道天馬徠執

徐時將控舉誰與期天馬徠開達門竦予身逝昆侖

天馬徠龍之媒游閭闔觀玉臺

獸部

卷百四九

六馬

蒲梢天馬歌

史記曰武帝伐大宛得千里馬名蒲梢作歌

漢武帝

天馬徠今從西極經萬里今歸有德承靈威今障外

國涉流沙今四夷服

天馬引

一作走馬引

梁張率

良馬龍為友玉珂金作羈馳驚宛與洛半驟復半馳

倏忽而千里光景不及移九方惜未見薛公寧所知

敝轡且歸去吾畏路傍兒

風俗通曰殺君馬者路傍兒言長吏馬肥觀者快之

乘者喜其言驅馳不已至千效

天馬引

陳傅綽

驄色表連錢出冀復來燕取用偏開地為歌乃號天

權奇意欲遠蹀躞勢難前本珍白玉鐙因飾黃金鞭  
願酬芻秣籠千里得千年

天馬歌

唐李白

天馬來出月氏窟背為虎文龍翼骨嘶青雲振綠髮

蘭筋權奇走滅沒騰崑崙歷西極四足無一蹶鷄鳴

刷燕哺秣越神行電邁躡恍惚天馬呼飛龍趨目明

長庚臆雙鳧尾如流星首渴鳥口噴紅光汗溝珠曾

陪時龍躡天衢羈金絡月照皇都逸氣稜稜凌九區

白壁如山誰敢沾回頭笑紫燕但覺爾輩愚天馬奔

總君軒駉躡驚矯浮雲翻萬里足躑躅遙瞻閭闔門

獸部

卷百四九

七馬

不逢寒風子誰采逸景孫白雲在青天丘陵達崔嵬

鹽車上峻坂倒行逆施畏日晚伯樂剪拂中道遺少

盡其力老棄之願逢田子方惻然為我悲雖有玉山

禾不能療苦飢嚴霜五月凋桂枝伏櫪銜冤摧兩眉

請君贖獻穆天子猶堪弄影舞瑤池

天馬詩二首

唐張仲素

天馬初從渥水來郊歌曾唱得龍媒不知玉塞沙中

路首宿殘花幾處開

蹀躞宛駒齒未齊縱金噴玉向風嘶來時行盡流沙

道獵獵輕風在碧蹄

李鄠縣丈人胡馬行

唐杜甫

丈人駿馬名胡驕前年避兵過金牛迴鞭却走見天子朝飲漢水暮靈州自矜胡驕奇絕代乘出千人萬人愛一聞說盡急難材轉益愁向駑駘輩頭上銳耳披秋竹脚下高蹄削寒玉始知神龍別有種不比俗馬空多肉洛陽大道時再清累日喜得俱東行鳳臆龍鬣未易識側身注目長風生

房兵曹胡馬

唐杜甫

胡馬大宛名鋒稜瘦骨成竹批雙耳峻風入四蹄輕所向無空闊真堪託歟生驍騰有如此萬里可橫行

獸部

卷三萬九

馬

鮑氏駟

述異記曰故司隸鮑子都辟公府至司隸子永孫昱俱爲司隸皆復乘總馬故京師歌之曰

鮑氏駟三入司隸再入公馬雖瘦行步工

驄馬

梁車敕

驄馬鏤金鞍拓彈落金丸意欲驂驄一作走先作野遊盤平明發下蔡日中過上蘭路遠行須疾非是畏人看

驄馬驅

梁劉孝威

翩翩驄馬驅橫行復斜趨先救遼城危後拂燕山霧風傷易水涓日入隴西樹未得報君恩聯翩終不住

驄馬驅

陳江總

長城兵氣寒飲馬詎爲難暫解青絲轡行欲鏤衢鞍白登圍轉急黃河凍不乾禹里朝飛電論功易走丸

驄馬

隋庾抱

櫪上浮雲驄本出吳門中發跡來東道長鳴起北風迴鞍拂柱白赭汗類塵紅滅沒徒留影無因圖漢官

驄馬

隋王由禮

善馬金羈飾躡影復凌空影入長城水聲隨胡地風整斂青門外珂喧紫陌中行行苦不倦唯當御史驄

驄馬

唐楊炯

獸部

卷三百九

九

馬

驄馬鐵連錢長安俠少年帝畿平若水官路直如弦夜玉妝車軸秋金鑄馬鞭風霜但自保窮達任皇天

驄馬

唐沈佺期

西北五花驄來時道向東四蹄碧玉片雙眼赤金瞳鞍上留明月嘶間動朔風借君馳沛艾一戰取雲中

驄馬

唐萬楚

金絡青驄白玉鞍長鞭紫陌野遊盤朝驅東道塵恒滅暮到河源日未闌汗血每隨邊地苦蹄傷不憚隴陰寒君能一飲長城窟爲報天山行路難

高都護驄馬行

唐杜甫

安西都護胡青驄聲價欻然來向東此馬臨陣久無敵與君一心成大功功成惠養隨所致飄飄遠自流沙至雄姿未受伏櫪恩猛氣猶思戰場利旋促蹄高如踣鐵交河已蹴層冰裂五花散作雲滿身萬里方看汗流血長安壯兒不敢騎走風掣電傾城知青絲絡頭爲君老何由却出橫門道

驄馬行

唐杜甫

鄧公馬癖人共知初得花驄大宛種夙昔傳聞思一見牽來左右神皆竦雄姿逸態何曾萃顧影矯嘶自矜寵隅目青炎夾鏡懸肉駿礪礪連錢動朝來少試

獸部

卷二百四十九

十

華軒下未覺千金滿高價亦汗微生白雪毛銀鞍却覆香羅帕卿家舊物公能取天厩眞龍此其亞晝洗須騰涇渭深夕趨可刷幽并夜吾聞良驥老始成此馬數年人更驚豈有四蹄疾於鳥不與八駿俱先鳴時俗造次那得致雲霧晦冥方降精近聞下詔喧都邑肯使麒麟地上行

驄馬

唐紀唐夫

連錢出塞踏沙蓬豈比當時御史驄逐北自諳深磧路連嘶誰念靜邊功登山每與青雲合弄影應知碧草同今日虜平將換妾不如羅袖舞春風

白馬

唐賈至

白馬紫連乾嘶鳴丹闕前聞珂自蹀躞不要下金鞭

唐翁綬

渥洼龍種雪霜同毛骨天生膽氣雄金埒乍調光照地玉關初別遠嘶風花朝錦襜垂楊下露濕朱纓細草中一夜羽書催轉戰紫髯騎出佩辟弓

紫駟馬

梁簡文帝

賤妾朝下機正值良人歸青絲懸玉鐙朱汗浹香衣驟急珂彌響踴多塵亂飛彫菰幸可薦故心君莫違

紫駟馬

梁元帝

獸部

卷二百四十九

十一

長安美少年金絡鐵連錢宛轉青絲鞵照耀珊瑚鞭依槐復依柳蹀躞復隨前方逐幽并去西北共聯翩

紫駟馬二首

陳後主

嫖姚紫塞歸蹀躞紅塵飛玉珂鳴廣路金絡耀晨輝蓋轉時移影香動屢驚衣禁門猶未閉連騎恣相追

一作莫相違

蹀躞紫駟馬照耀白銀鞍直去黃龍外斜趨玄菟端垂韉還細柳揚塵歸上蘭紅臉桃花色客別重羞看

紫駟馬

陳徐陵

玉鐙繡纏金鞍錦覆幪風驚塵未起草淺埒猶空



角弓連一作穿兩免珠彈落雙鴻日斜馳逐罷連翩還

上東

紫騮馬英華作蘇子卿

陳祖孫登

候騎指樓蘭長城迥路難嘶從風處斷骨住水中寒  
飛塵暗金勒落淚灑銀鞍抽鞭上關路誰念客衣單

紫騮馬

陳江總

春草正萋萋蕩婦出空閨識是東方騎猶帶北風嘶  
揚鞭向柳市細蹠上金堤願君憐纖素殘妝尚有啼

紫騮馬

陳陳暄

天馬汗如紅鳴鞭度九嶂飲傷城下凍嘶依北地風  
獸部 卷一百四十九

士一馬

笳寒芳樹歇笛怨柳枝空橫行意未已羞往轂車中

紫騮馬

陳李燮

紫燕忽踟躕紅塵起路隅人移首宿騎士逐塵無  
三邊追黠虜一鼓定疆胡安用珂爲玉自有汗成珠

紫騮馬

陳獨孤嗣宗

倡樓望早春寶馬度城闌照耀桃花逕蹠蹠採桑津  
金羈麗初景玉勒涖輕塵遠聽珂驚急知是畫眉人

紫騮馬

陳張正見

將軍入大宛善馬出從戎影絕乾河上聲流水窟中  
似鹿猶依草如龍欲向空須還十萬里試爲一追風

紫騮馬

唐盧照隣初

騮馬照金鞍轉戰入臯蘭塞門風稍急長城水正寒  
雪暗鳴珂重山長歎玉難不辭橫絕漠流血幾時乾  
穆天子傳曰天子東遊于黃澤使宮樂謠云黃之池其馬歎沙皇人威儀黃之澤其馬歎王皇人受教

紫騮馬

唐楊炯初

俠客重周遊金鞭控紫騮蛇弓白羽箭鶴鸞赤茸鞦  
發跡來南海長鳴向北州匈奴今未滅畫地取封侯

紫騮馬

唐沈佺期初

青玉紫騮鞍騎多影屢盤荷君能剪拂蹠蹠噴桑乾  
蹠足追奔易長鳴遇賞難從金一萬里霜露不辭寒

獸部

卷一百四十九

主一馬

紫騮馬

唐李白盛

紫騮行且嘶雙翻碧玉蹄臨流不肯渡似惜錦障泥  
白雪關山遠黃雲海戍迷揮鞭萬里去安得念春闈

衛節度赤驃馬歌

唐岑參盛

君家赤驃畫不得一團旋風桃花色紅纓紫韁珊瑚  
鞭玉鞍錦鞵黃金勒請君鞍出看君騎尾長罕地如  
紅絲自矜諸馬皆不及却憶百金新買時香街紫陌  
鳳城內滿城見者誰不愛揚鞭驟急白汗流弄影行  
騎碧蹄碎紫髯胡雛金剪刀平明剪出三駿高櫪上  
看時獨意氣眾中牽出偏雄豪騎將獵向南山口城

南狐兔不復有草頭一點疾如飛却使蒼鷹翻向後  
惜昨看君朝未央鳴珂擁蓋滿路香始知邊將真富  
貴可憐人馬相輝光男兒稱意得如此駿馬長鳴北  
風起待君東去掃胡塵為君一日行千里

君馬黃二首

陳張正見

幽并重騎射征馬正盤桓風去嘶聲一作嘶聲遠水堅度  
足寒出關聊變色上坂屢停鞍即今隨御史非復在  
樓蘭

五色乘黃馬追風時滅沒血汗涖龍花胡鞍抱秋月  
唯騰渥洼水不飲長城窟詎待燕昭王千金市駿骨

獸部

卷一百九

古

君馬黃

陳蔡君知

君馬經西極臣馬出東方策舉浮雲影珂連明月光  
水凍恒傷骨蹄寒為踐霜躊躇嗟伏櫪空想欲從良

詠老馬

陳沈炯

昔日從戎陣流汗幾東西一日馳千里三丈拔深泥  
渡水頻傷骨翻霜屢損蹄勿言年齒暮尋途尚不迷

羸駿篇

唐喬知之

噴玉長鳴西北來自言當代是龍媒萬里鐵關行入  
貢九重金闕為君開蹀躞朝馳過上苑趨趨暝走發  
章臺玉勒金鞍荷裝飾路傍觀者無窮極小山桂樹

比權奇上林桃花兒顏色忽聞天將出龍沙漠主持  
將駕鼓車去去山川勞日夜遙遙關塞斷煙霞山川  
關塞十年征汗血流離赴月營肌膚銷遠道臂力盡  
長城長城日夕苦風霜中有連年百戰場摧殘嚙勒  
金羈盡爭鋒足頓鐵菱傷垂耳罷輕齋棄置在寒溪

大宛蒲海北滇壑舊崖西沙平留緩步路遠聞頻嘶  
從來力盡君須棄何必尋途我已迷歲歲年年奔遠  
道朝朝暮暮催疲老扣水晨飲黃河源拂雪夜食天  
山草楚水潭溪戰征事吳塞烏江辛苦地持來報主  
不辭勞宿昔立功非重利丹心素節本無求長鳴向

獸部

卷一百九

五

君君不畱祇應潭漫歸田里萬里低昂任生歟君王  
倘若不見遺白骨黃金猶可市

瘦馬行

唐杜甫

東郊瘦馬使我傷骨節硤兀如堵牆絆之欲動轉欹  
側此豈有意仍騰驤細看六印帶官字衆道三軍遺  
路傍皮乾剝落雜泥滓毛暗蕭條連雪霜去歲奔波  
逐餘寇驂駟不慣不得將士卒多騎內廐馬惆悵恐  
是病乘黃當時歷塊誤一蹶委棄非汝能周防見人  
慘澹若哀訴失主錯莫無晶光天寒遠放鴈為伴日  
暮不收烏啄瘡誰家且養願終惠更試明年春草長

疲馬

唐劉長卿

玄黃一疲馬筋力盡胡塵驤首北風夕徘徊鳴向人  
誰憐棄置久却與駑駘親猶戀長城外青青塞草春

病馬

唐杜甫

乘爾亦已久天寒關塞深塵中老盡力歲晚病傷心  
毛骨豈殊衆馴良猶至今物微意不淺感動一沈吟

病馬呈鄭校書三首

唐曹唐

騷騷何年別渥洼病來顏色半塵沙四蹄不鑿金砧  
裂雙眼慵開玉筍斜墮月兔毫乾殼疎失雲龍骨瘦

查牙

一作牙

平原好牧無人放嘶向秋風首菊花

獸部

卷一百四十九

十六

馬

隴上沙葱葉正齊騰黃猶自踟躕蹄尾蟠夜雨紅絲  
脆頭掉秋風白練低力憊未思金絡腦影寒空望錦  
障泥堦前莫怪雙垂淚不遇孫陽不敢嘶

不翦焦毛鬣半翻何人識是古龍孫風吹

一作雪後病骨

無驕氣土蝕驄花見臥痕未噴斷雲歸漢苑曾飛輕  
練過吳門一朝千里心猶在爭官潛忘秣飼恩

羽林騎

唐韓翃

駿馬牽來御柳中鳴鞭欲向渭橋東紅蹄亂踏春城  
雪花領驕嘶上苑風

賦得登山馬

梁元帝

登山馬

一本疊逕  
小二字

逕小馬纔通汗赭疑沾勒衣香不

逐風何殊隴頭望遙識不連東

賦得登山馬

梁簡文帝

登山馬一本疊間  
樹二字間樹識金裝草合宜羈短影轉見  
鞭長何殊八公岫暫上淮南王

賦得邊馬有歸心

王瓚詩云朔風動  
秋草邊馬有歸心陳沈炯

窮秋邊馬肥向塞甚思歸連鑣渡蒲海束舌下金微  
已却魚鰲陣將灌鶴翼圍彌憶長楸道金鞭

落暉

天驥成才

唐徐仁嗣

獸部

卷一百四十九

十七

馬

至德符天道龍媒應聖明追風奇質異噴玉彩毛輕  
蹀躞形難狀連拳勢乍呈効才矜逸態絕影表殊名  
岐路寧辭遠關山豈憚行鹽車雖不駕今日亦長鳴

天驥成才

唐盧征

異產應堯年龍媒順制牽權奇初得地蹀躞欲行天  
詎假調金埒寧須動玉鞭嘶風深有戀逐日定無前

周滿誇常馭燕昭恨不傳應知流赭汗來自海西偏

天驥成才

唐鄭黃

毛骨合天經牽奇步蹀躞曾邀千闥駕新出貳師城  
噴勒金鈴響追風汗血生騎一作亭流去跡吳坂認

嘶聲力可通衢試材堪聖代呈王良如顧盼垂耳聽  
長鳴

騏驎長鳴

唐陳去疾晚

騏驎欣知已嘶鳴忽異常積悲攄怨抑一舉徹穹蒼  
迹類三年鳥心馳五達莊何言從蹇躓今日逐騰驤  
牛阜休維繫天衢恣陸梁向非逢伯樂誰足見其長

騏驎長鳴

唐章孝標晚

有馬骨堪驚無人眼斲明力窮吳坂峻嘶苦朔風生  
逐逐懷良御蕭蕭顧樂鳴瑤池期弄影天路擬飛聲  
皎月誰知種浮雲莫問程鹽車今願脫千里爲君行

獸部

卷一百九

十八

歸馬華山

唐白行簡中

牧野功成後周王戰馬閑驅馳休伏阜飲斂任依山  
逐日朝仍去隨風暮自還水生疑隴坂葉落似榆關  
蹊蹠仙峰下騰驤渭水灣幸逢時偃武不復鼓鼙間

勅賜三相馬

唐張隨

上苑驊騮出中官詔命傳九天班錫禮三相代勞年  
顧主聲猶發追風力正全鳴珂龍闕下噴玉鳳池前  
四足疑雲滅雙瞳比鏡懸爲因能致遠今日表求賢

西戎獻馬

唐周存中

天馬從東道皇威被遠戎來參八駿列不假貳師功

影別流沙路嘶流上苑風望雲時蹠足向月每爭雄  
稟異才難狀標奇志豈同驅馳如見許千里一朝通

飲馬長城窟

陳張正見

秋草朔風驚飲馬出長城群驚還怯飲地險更宜行  
傷水斂凍足畏冷急寒聲無因度吳坂方復入羌城  
飲馬長城窟

北周尚法師

長城征馬度橫行且勞群入水穿凍水飲浪聚流文  
澄鞍如清月照影若流雲別有長松氣自解逐將軍  
詠飲馬

唐太宗

駿骨飲長湮奔流洒絡繹細文連噴聚亂行達蹄紫

獸部

卷一百九

十九

水光鞍上側馬影溜中橫翻似天池裏騰波龍種生

詠飲馬應詔

唐楊師道初

清晨控龍馬弄景出花林蹊蹠依春澗聯翩度碧潯  
苔流淙絲絡水潔寫雕簪一御瑤池駕詎憶長城陰

西齋行馬

梁簡文帝

晨風白金絡桃花紫玉珂影斜鞭照曜塵起足蹉跎  
任俠稱六輔輕薄出三河風吹鳳凰袖日映織成靴  
達江艫舳少遙山煙霧多雲開瑪瑙葉水淨琉璃波

廣路拂青柳迴塘遶碧莎不效孫吳術寧須趙李過

繫馬

梁簡文帝

青驪沈赭汗綠地懸花蹄未垂青鞵尾猶挂紫障泥  
蹀足絆中憤挫頭樞上嘶紫關如未息直去取榆溪

後園看騎馬

梁元帝

良馬出蘭池連翩驅桂枝鳴珂隨蹕輕塵逐影移  
香來知驟近汗斂覺風吹遙望黃金絡懸識幽并兒

舞馬篇

唐薛曜初

星精龍種競騰驤雙眼黃金紫豔光一朝逢遇昇平  
代伏阜街圖事帝王我皇盛德苞六羽俗泰時和虞  
石拊昔聞九代有餘名今日百獸先來舞鉤陳周衛  
儼旌旄鐘鐃陶匏聲殷地承雲嘈囋駭日靈調露鏤

獸部

卷一百四十九

千

馬

鉉動天駟奔塵飛箭若麟躡躡景追風忽見知咀銜  
拉鐵並權奇被服雕章何陸離紫玉鳴珂臨寶鏡青  
絲絲絡帶金羈隨歌鼓而電驚逐九劍而颺馳態聚  
踴還急驕凝驟不移光獻白日下氣擁綠煙垂婉轉  
盤跚殊未已懸空步驟紅塵起驚覺翔鸞不堪儔矯  
鳳迴鸞那足擬衡垂桂裊香氛氤長鳴汗血盡浮雲  
不辭辛苦來東道祇爲簫韶朝夕聞閭闔間玉臺側  
承恩照今生光色鸞鏘鏘車翼翼備國容今爲戎飾  
充雲翹今天子庭荷日月情無極吉良乘兮一千  
歲神是得今天地期大易占云南山壽趨趨共樂聖

明時

舞馬詞六首

唐張說初

萬玉朝宗鳳展千金率舞龍媒盼我凝驕蹀躞聽歌  
弄影徘徊

天鹿遙徵衛叔日龍上借義和將共兩驂爭舞來隨  
八駿齊歌

綵旄八佾成行時龍五色因方屈膝銜杯赴節傾心  
獻壽無疆

帝早龍駒沛艾星蘭驥子權奇騰倚驤洋應節繁駘  
接近不移

獸部

卷一百四十九

生

馬

二帝光天合德羣靈率土可封擊石驂驪紫燕擬金  
顧步蒼龍  
聖君出震應錄神馬浮河獻圖足踏天庭鼓舞心將  
帝樂踟躕

舞馬千秋萬歲樂府詞三首 唐張說初

金天誕聖千秋節玉醴還分萬壽觴試聽紫駟歌樂  
府何如綠驥舞華場連騫勢出魚龍變蹀躞生鳥  
獸行歲歲相傳指樹日翩翩來伴慶雲翔

聖皇至德與天齊天馬來儀自海西腕足徐行拜兩  
膝繁驕不進路千蹄髮鬣奮鬣時躡踏鼓怒驤身忽

上躋更有銜杯終宴曲垂頭掉尾醉如泥

遠聽明君愛逸才玉鞭金翅引龍媒不因茲白人間  
有定是飛黃天上來影弄日華相照耀噴含雲色且  
徘徊莫言闕下桃花舞別有河中蘭葉開

看調馬

唐韓翃中

鴛鴦赭白齒新齊晚日花中散碧蹄玉勒斗回初噴  
沫金鞭欲下不成嘶

浴馬

唐喻巖晚

解控復收鞍長津動細漣空蹄沈綠玉澗臆沒連錢  
沫漩橋聲下嘶盤柳影邊常聞稟龍性固與白波便

獸部

卷一百九

三十一馬

和人以妾換馬

梁簡文帝

功名幸多種何事苦生離誰言似白玉定是媿青驪  
必取匣中劍迴作飾金羈真成恨不已願得路傍兒

和王竟陵愛妾換馬

梁劉孝威

驪馬出樓蘭一步九盤桓小史贖金終良工送玉鞍  
龍駒來甚易烏孫去實難麟膠妾猶有請為急絃彈

以妾換馬

梁庾肩吾

渥水出騰駒湘川實應圖來從西北道去逐東南隅  
琴聲悲玉匣山路泣蘼蕪似鹿將含笑千金會不俱

賦得愛妾換馬

隋僧法宣

朱鬣飾金鑲紅妝束素腰似雲來蹀躞如雪去飄飄  
桃花含淺汗柳葉帶餘嬌驕先將獨立雙絕不難俱標

公垂尚書以白馬見寄光潔穩善以詩謝之

唐白居易中

翩翩白馬稱金羈領綴銀花尾曳絲毛色鮮明人盡  
愛性靈馴善主偏知免將妾換暫來處試使奴牽欲  
上時不蹶不驚行步穩最宜山簡醉中騎

謝裴司空寄馬

唐張籍中

駉駉新駒駿得名司空遠自寄書生乍離華廐移蹄  
獸部

卷一百九

三十一馬

涇初到貧家舉眼驚每被閑人來借問多尋古寺獨  
騎行長思歲旦沙堤上得從鳴珂傍火城

賀張十八秘書得裴司空馬

唐韓愈中

司空遠寄養初成毛色桃花眼鏡明落日已曾交轡  
語春風還擬並鞍行

崔少監見示墜馬長句因而和之

唐劉禹錫中

麟臺少諫舊仙郎洛水橋邊墜馬傷塵汚腰間青綬  
綬風飄掌上紫遊韁上車著作應來問折臂三公定  
送方猶賴德全如醉者不妨吟詠入篇章



奉和劉祭酒傷白馬

唐嚴維

沛艾如龍馬來從上苑中棣華恩見賜伯舅禮仍崇  
鏡點黃金眼花開白雪懸性柔君子德足逸大王風  
色照鳴珂淨聲連噴玉雄食場恩未盡過隙命旋終  
練影依雲沒銀鞍向月空仍聞樂府唱猶念代勞功

傷白馬

唐白居易

有小白馬乘馭多時奉使東行至稠桑驛溘然而  
斃足可驚傷不能忘情題二十韻

能驟復能馳翩翩白馬兒毛寒一團雪鬃薄萬條絲  
阜葢春行日驪駒曉促時雙旌前獨步五馬內偏騎

卷一百九

馬

芳草承蹄葉垂楊拂頂枝跨將迎好客惜不換妖姬  
慢輕遊蕭寺閑驅醉習池睡來乘作夢興發倚成詩  
鞭爲馴難下鞍緣穩不離北歸還共到東使亦相隨  
楮白何曾變玄黃豈得知嘶風聲覺急蹋雪恠行遲  
昨夜猶芻秣今朝尚繫維卧槽應不起顧主遂長辭  
塵滅駸駸跡霜留皎皎姿度關形未改過隙影難追  
念倍燕求駿情深項別驪銀收鈎臆帶金卸絡頭羈  
何處埋奇骨誰家覓敝帷稠桑驛門外吟罷涕雙垂  
送劉評事充朔方判官賦得征馬嘶

唐高適

征馬向邊州蕭蕭嘶不休思深應帶別聲斷爲兼秋

峽路風將遠關山月共愁贈君從此去何日大刀頭

沙苑行

唐杜甫

君不見左輔白沙白如水綠以周墻百餘里龍媒昔  
是渥洼生汗血今稱獻於此苑中駉乳三千匹豐草  
青青寒不死食之豪健西域無每歲攻駒冠邊鄙王  
有虎臣司苑門入門天厩皆雲屯驪驪一骨獨當御  
春秋二時歸至尊至尊內外馬盈億伏櫪在堦空大  
存逸群絕足信殊傑個儻權奇難具論疊疊地阜藏  
奔突往往坡陀縱超越角壯翻同麋鹿遊浮深籐蕩

獸部

卷一百九

馬

○牛

詠牛

唐本嶠

齊歌初入相燕陣早橫功欲向桃林下先過梓樹中  
在吳頻喘月奔夢屢驚風不用五丁士如何九折通

辟厭青牛

梁劉孝威

泰山怒特吳渚神牛氣噓風噴精迴電流詎牽和鞅  
不入裴轍校力難京肆怒橫行朗陵瑩角介葛瞻聲  
遁仙託稱妖寇馮名名震八區威陵五都蓄勇槽側

息憤場隅仇覽獻豆勝嬰進芻雄兒楷式悍士規模  
曹興拂采徐邈成圖

詠歎牛

隋柳詒

一朝辭絳幘千里別黃河對衣徒下泣扣角詎聞歌  
○鹿 鹿附

詠鹿

唐李嶠 初

涿鹿開中冀秦原闢帝畿奈花開舊苑萍葉藹前詩  
道士乘仙日先生折角時方懷丈夫志抗首別心期

虞獲子鹿

并序

唐韋應物 中

虞獲子鹿憫園鹿也遭虞之機張見畜於人不得  
獸部 卷一百四元 三六 牛鹿

遂其性焉

虞獲子鹿畜之城圉園有美草池有清流但見蹶蹶  
亦聞呦呦誰知其思巖谷之游

述園鹿

唐韋應物 中

野性本難畜翫習亦逾年麕斑始力直麕肉已蒼然  
仰首嚙園柳俯身飲清泉見人若閒暇蹶起忽低養  
茲獸有高貌凡類寧比肩不得遊山澤踟促誠可憐

鹽池院觀鹿

唐賈島 中

條峰五老勢相連此鹿來從若箇邊別有野麋人不  
見一生長飲白雲泉

省試內出白鹿宣示百官

唐黃滔 晚

上瑞何曾乏毛群表色難推於五靈少宣示百寮觀  
形奪場駒潔光交月兔寒已馴瑤草別孤立雪花團  
戴豸慙端士抽毫曜史官貴臣歌詠日皆作白麟看

詠鹿

唐杜甫 盛

永與清溪別蒙將玉饌俱無才遂仙隱不敢恨庖厨  
亂世輕全物微聲及禍樞衣冠兼盜賊饕餮用斯須  
○免

詠免

唐李嶠 初

上蔡應初擊平岡遠不稀目隨槐葉長形逐桂條飛  
獸部 卷一百四元 三七 鹿免

漢月澄秋色梁閣映雪輝唯當感純孝郭郭引兵威

詠懸兔

唐蘇頌 初

免子舛蘭彈持來佳竹竿試將明鏡照何異月中看  
紀事云環初未知題有客請環候於客次題擁簪旋  
無開客與其詠崑崙奴詩請加禮收舉環稍親之有  
人獻免懸於廊廡召今  
詠之云云噴覽詩異之

御前連中雙兔

唐□□□

宸遊經上苑羽獵向開田狡兔初迷窟纖羅詎著鞭  
三驅仍百步一發遂雙連影謝含霜草魂消何月弦  
謹聲動寒木喜氣滿晴天那似陳王意空隨樂府篇  
○猿

詠猿

唐杜甫 盛

鼻息啼虛壁蕭蕭掛冷枝艱難人不免隱見爾如知  
慣習元從眾全生或用奇前林騰母及父子莫相離

詠猿

唐周朴 晚

生在巫山更向西不知何事到巴溪中宵為憶秋雲  
伴遙隔朱門向月啼

賦得夜猿啼

陳蕭詮

桂月影才通猿啼迴入風隔巖還嘯侶臨潭自響空  
挂藤疑欲飲吟枝似避弓別有三聲淚沾裳竟不窮

獸部

卷一百四十九

壬子 猿

賦得郢路悲猿

唐皇甫冉 中

悲猿何處發郢路第三聲遠客知秋暮空山益夜清  
啾啾聲衆木噉噉入孤城坐覺盈心耳慘然適楚情

嶺猿

唐常建 盛

杳杳鼻鼻清且切鷓鴣飛處又斜陽相思嶺上相思  
淚不到三聲合斷腸

巴江夜猿

唐馬戴 晚

日飲巴江水還啼巴岫邊秋聲巫峽斷夜影楚雲連  
露滴青楓樹山空明月天誰知泊船者聽此不能眠

石塘瀨聽猿

梁沈約

噉噉夜猿鳴溶溶晨霧合不知聲遠近惟見山重沓  
既歡東嶺唱復佇西巖峇

入黃溪聞猿

唐柳宗元 中

溪路千里曲哀猿何處鳴孤臣淚已盡虛作斷腸聲

黃藤山下聞猿

唐韋莊 晚

黃藤山下駐歸程一夜號猿弔旅情入耳便能生百  
恨斷腸何必待三聲穿雲宿處人難見望月啼時免

正明好笑五陵年少客壯心無事也沾纓

秋夜僧舍聞猿

唐崔塗 晚

哀猿聽未休禪景夜方幽暫得同僧靜那能免客愁

獸部

卷一百五十九

无 猿

影搖雲外樹聲裊月中秋曾向巴江宿當時淚亦流

雪後聽猿吟

唐顧偉

寒巖飛暮雪絕壁夜猿吟歷歷和羣鴈寥寥思客心  
繞枝猶避箭過嶺却投林風冷聲偏苦山寒響更深

和脩睦上人聽猿

唐李咸用 晚

禪客聞猶苦是聲應是啼自然無穩夢何必到巴溪  
疎雨洒不歇迴風吹暫低此宵秋欲半山在二林西

聞猿

唐蘇拯 晚

秋風颯颯猿聲起客恨猿哀一相似漫向孤危驚客

心何曾解入笙歌耳

放猿

唐許渾晚

殷勤解金鎖一作別

夜雨淒淒山淺憶巫峽水寒思

建溪遠尋紅樹宿深向白雲啼好覓來時路煙蘿莫

自迷

失猿

唐李商隱晚

祝融南去萬重雲清嘯無因更一聞莫遣碧江通箭

道不教腸斷憶同羣

和壽中丞傷猿

唐李洞晚

遺挂朱欄鎖半尋清聲難買恨黃金懸崖接果口何

獸部

卷百四十九

三

猿

在淺井窺星影已沈歸宅葉鋪曾睡石入朝燈照舊

啼林小山罷遶隨湘客高樹休升對岳禽

送客賦得巴江夜猿

唐李端中

巴水天邊路啼猿傷客情遲遲雲外盡杳杳樹中生

殘月暗將落空霜寒欲驚楚人皆掩淚聞到第三聲

啼猿送客

唐僧皎然中

萬里巴江水三聲月峽深何年有此路幾客共沾襟

斷壁分垂影流泉入苦吟淒涼離別後聞此更傷心

○雜獸

賦犬

吳張儼

守則有威出則有獲韓獹宋鵬書名竹帛

白狼

晉郭璞

矯矯白狼有道則遊應符變質乃銜靈鈎惟德是適

出敗見周

九尾狐

晉郭璞

青丘奇獸九尾之狐有首翔見出則銜書作瑞周文

以標靈符

呂氏春秋曰禹年三十未娶行塗山白狐九尾造禹塗山歌曰綏綏白狐九尾麗

成子室家乃都

詠象

唐李嶠初

鬱林開郡畢維揚作貢初萬推方演楚惠子正焚書

獸部

卷百四十九

三

雜獸

執燧奔吳戰量舟入魏墟六牙行致遠千葉奉高居

詠熊

唐李嶠初

導洛宜陽右乘春別館前昭儀忠漢日太傅翊周年

列射三侯滿興師七步旋莫言舒紫褥猶異飲清泉

詠羊

唐李嶠初

絕飲懲澆浴行驅夢逸材仙人擁石去童子馭車來

夜玉含星動晨輶映雪開莫言鴻漸力長牧上林隈

詩傳類函卷一百四十九

詩雋類函卷一百五十

東吳俞安期彙纂 宣城梅鼎祚增定

吳門金 星訂校

鱗介部

龍 魚 龜 蟹 蚌 蛤

○龍

詠龍

唐李嶠

銜燭輝幽都含章擬鳳雛西秦飲渭水東洛薦河圖  
帶火移星陸騰雲出鼎湖希逢聖人步庭闕正晨趨

飛龍引

北齊蕭慤

河曲銜圖出江上負舟歸欲因作雨去還逐景雲飛

鱗介

卷五十五

引商吹細管下微泛長徽持此淒清引春夜舞羅衣

應龍篇

陳張正見

應龍未起時乃在淵底藏非雲足不踏舉則冲天翔

譬彼野蘭草幽居常獨香清風播四達萬里望芬芳

隱居可願志自見焉得彰

驪龍

唐□□□

有美為鱗族潛蟠得所從標奇初韞寶表智即稱龍

大壑長千里深泉固九重奮翬雲乍起矯首浪還衝

荀氏傳高譽莊生冀絕蹤仍知流淚在何幸此相逢

○魚

詠魚

隋岑德潤

劍影侵波合珠光帶水新蓮東自可戲安用上龍津

詠躍魚應詔

梁張率

戢鱗隱繁藻頌首承淥漪何用游溟解且躍天淵池

詠石鯨應詔

陳周弘正

石鯨何壯麗獨在天池陰騫鰭類橫海半出似浮深

吞航本無日吐浪亦難尋聖帝遊靈沼能懷躍藻心

枯魚過河泣

古辭

枯魚過河泣何時悔復及作書與魴魚相教慎出入

枯魚過河泣

唐李白

鱗介

卷百五

白龍改常服偶被豫且制誰使爾為魚徒勞訴天帝

作書報鯨鯢勿恃風濤勢濤歸落沙泥翻遭螻蟻噬

萬乘慎出入相人以爲識

賦得蓮下游魚

陳阮卓

春色映澄波涵泳且相隨未上龍門路聊戲芙蓉池

觸浪蓮香動乘流葉影披相忘自有樂莊惠豈能知

賦得魚躍水花生

陳張正見

漾色桃花水相望濯錦流躍浦疑珠出依池似鏡浮

淩波銜落蕊觸餌避沈鈎方游蓮葉外詎入武王舟

賦得巨魚縱大壑

唐錢起

巨魚縱大怒遂性似乘時奮躍風生鬣騰凌浪鼓鰭  
龍攄回地軸鯢化想天池方快吞舟意元殊在藻嬉  
傾危嗟幕燕隱晦請泥龜喻士逢明主才猷得所施

賦得巨魚縱大怒

唐姚康中

水府乘閑望圓波息躍魚從來曝汜久今日脫淵初  
得志寧相忌無心任宛如龍門應可渡蛟室豈常居  
掉尾方窮樂游鱗每自舒乘流千里去風力藉吹嘘

賦得魚登龍門

唐元稹中

魚貫終何益龍門在苦登有成當作雨無用耻爲鵬  
激浪誠難泝雄心亦自憑風雷潛會合鬚鬣忽騰陵

鱗介

卷一百五十五

泥滓辭河濁煙霄見海澄迴瞻順流並誰敢望同升

魚上水

唐王季則中

北陸收寒盡東風解凍初冰消通淺溜氣變躍潛魚  
應節似知化揚鬣任所如浮沈非樂藻沿汭異傳書  
結網時空久臨川意有餘爲龍將可望今日愧才虛

魚上水

唐王公亮中

春生寒氣滅稍動伏泉魚乍喜東風至來觀曲浦初  
近水朱鬣見望日錦鱗舒漸覺流澌退還欣掉尾餘  
噲喁情自樂沿泳意寧疎倘得隨鷗化終聽戾太虛

魚上水

唐吳兢中

春水潛鱗發寒潭舊藻疎揚鬣順氣縱振鬣上水初  
戲廣憐空潔淨清媚景虛戒貪常避餌思達每懷書  
濕映流澌薄狂游觸浪餘終希泮渙澤爲化北溟魚

放魚

唐竇鞏中

金錢贖得免刀痕聞道禽魚亦感恩好去長江千萬  
里不須辛苦上龍門

觀打魚歌

唐杜甫盛

綿州江水之東津魴魚潑潑色勝銀漁人漾舟沈大  
網截江一擁數百鱗衆魚常才盡棄却赤鯉騰出如  
有神潛龍無聲老蛟怒迴風颯颯吹沙塵矍子左右

鱗介

卷一百五十五

揮霜刀鱗飛金盤白雪高徐州禿尾不足憶漢陰槎  
頭遶遁逃魴魚肥美知第一既飽歡娛亦蕭瑟君不  
見朝來割素鬚咫尺波濤永相失

叉魚

唐韓愈中

叉魚春畝濶此興在中宵大炬然如晝長船縛似橋  
深窺沙可數靜榜水無搖舁下那能脫波間或自跳  
中鱗憐錦碎當日訝珠銷迷火逃翻近驚人去暫遙  
交頭疑奏餌駢首類同條濡沫情雖密登門事已遼  
盈車欺故事飼犬驗今朝血浪凝猶沸腥風遠更飄

訓中都小吏攜斗酒雙魚干逆旅見贈



唐李白

魯酒若琥珀汶水紫錦鱗山東豪吏有俊氣手攜此  
物贈達人意氣相傾兩相顧斗酒雙魚表情素雙鯉  
呀呷鬚鬢張蹊刺銀盤欲飛去呼兒拂拭霜弄揮紅  
肥花落白雪霏為君下筵一餐飽醉著金鞭上馬蹄  
蓮花影裏暫相離纔出浮萍值罍師上得龍門還失  
浪九江何處是歸期

○龜

詠龜詩

北齊趙儒宗

鱗介

卷五

五

有靈堪託夢無心解自謀不能著下伏強從蓮上遊  
貧圖非所冀支牀空見留倘蒙一曳尾當為屢回頭

寶龜

唐王績初

寶龜尺二寸由來宅深水浮遊五湖內宛轉三江裏  
何不深復深輕然至溱洧溱洧源流狹春秋不濡軌  
漁人遞往還網罟相縈蕭一朝失運會割腸血流以  
豐骨輪廟堂鮮腴藉邊簋棄置誰怨尤自我招此否  
餘靈寄明上復來欽所履

龜負圖

唐丁澤

天意將垂象神龜出負圖五方行有配八卦義寧孤

作瑞旌君德披文叶帝謨乘流喜得路途聖幸存軀  
蓮葉池通泛桃花水自浮還尋九江去安肯曳泥途

○蟹

病中有人惠海蟹轉寄魯望 唐皮日休

糾甲青筐涿落衣島夷初寄北人時離居定有石帆  
覺失伴唯應海月知族類分明連璅珞形容好箇似  
蟛蜞病中無用雙螯處寄與夫君左手持

酬襲美見寄海蟹

唐陸龜蒙

藥杯應阻蟹螯香却乞江邊採捕郎自是揚雄知郭  
索且非河胤噉餵錐骨清猶似含春露沫白還疑帶

鱗介

卷五

六

蟹

海霜強作南朝風雅客夜來偷醉早梅傍

○蚌蛤

蚌

晉郭璞

萬物變蛻其理無方雀雉之化含珠懷璫與月虧盈  
協氣晦望

詠螺蚌

宋謝惠連

輕羽不高翔自用弦網羅纖鱗惑芳餌故為釣所加  
螺蚌非有心沈迹在泥沙文無雕飾川味非鼎俎和

蛤像連二首

唐張繼

雖因雀變化不遂月虧盈縱有天中匠神工詎可成

二

相好全如梵端倪祇爲隋寧同蚌頑惡但與鷓相持

蟲牙部

蝶蜂附 蛭 螢 蠶 雜蟲

○蝶 蜂附

詠蛭蝶

梁簡文帝

空園暮煙起逍遙獨未歸翠鬣藏高柳紅蓮拂水衣  
復此從風蝶雙雙花上飛寄與相知者同心終莫違

詠素蝶

梁劉孝綽

隨蜂遶綠蕙避雀隱青微映日忽爭起因風乍共歸  
出沒花中見參差葉際飛芳華幸勿謝嘉樹欲相依

蟲牙

卷一百五

七

蝶

詠蝶

唐李商隱晚

初來小苑中稍與瓊闌通遠恐芳塵斷輕憂艷雪融  
迴首雙飛燕乘時入綺櫳

趙林郎中席上賦蝴蝶

唐鄭谷晚

尋豔復尋香似閑還似忙暖煙沈蕙徑微雨宿花房  
書幌輕隨夢歌樓誤採妝王孫深屬意繡入舞衣裳

蛭蝶行

梁李鏡遠

青年已布澤微蟲應節歡朝出南園裏暮依華葉端  
菱舟追或易風池渡更難群飛終不遠還向玉階蘭

蛭蝶行

唐盧頻

東園宮草綠上下飛相逐君恩不禁春昨夜花中宿

蝶

唐李商隱晚

飛來繡戶陰穿過畫樓深重傳秦臺粉輕塗漢殿金  
相兼唯柳絮所得是花心可要凌孤客邀爲子夜吟

蝶

唐李建勳晚

粉蝶翩翩若有期南園長是到春歸閑依柳帶參差  
起因傍桃花獨自飛潛被燕驚還散亂偶因人逐入  
簾幃晚來欲雨東風急迴看池塘影漸稀

詠花蝶

北魏溫子昇

素蝶向林飛紅花逐風散花蝶俱不息紅素還相亂

蟲牙

卷一百五

八

蝶

芬芬共襲手歲蕤從可玩不慰行客心遽動離居歎

賦得蝶依草應令

梁徐昉

秋園花落盡芳菊數來歸那知不夢作眠覺也恒飛

詠蜂

梁簡文帝

逐風從泛漾照日乍依微知君不留眄街花空自飛

蜂

唐李商隱晚

沙苑華池爛漫通後門前檻思無窮宓如腰細纔勝  
露趙后身輕欲倚風紅壁寂寥寥嵯窵盡碧簾迢遞霧  
巢空青陵粉蝶休離恨長定相逢二月中

賦得寒蜂採菊蓋

唐耿漳中

游颺下晴空羣芳到菊叢帶聲來蓋上連影在香中  
去住霑餘霧高低順過風終慙異蝴蝶不與夢魂通

○蟬

賦得蟬

梁緒湮

避雀芳

一作

枝裏飛空華殿曲天寒響屢嘶日暮聲

愈促繁吟如欲盡長韻還相續飲露非表清輕身易  
知足

詠蟬

陳江總

白露涼風吹朱明落照移鳴條噪林柳流響遍臺池  
付聲如易得尋忽却難知

蟲豸

卷百五

九

詠蟬

陳劉刪

聲流上林苑影入守臣冠得飲玄天露何辭高柳寒

詠蟬

唐李百藥

清心自飲露哀響乍吟風未上華冠側先驚繁葉中

蟬

唐虞世南

垂綏飲清露流響出疎桐居高聲自遠非是藉秋風

在獄詠蟬

并序

唐駱賓王

予禁所禁垣西是法曹廳事也有古槐數株雖生  
意可知同殷仲文之古樹聽訟斯在即周召伯之  
甘棠每至夕照低陰秋蟬疎引發聲幽息有切嘗

聞豈人心異於曩時將蟲響悲於前聽嗟乎聲以

動容德以象賢故潔其身也稟君子達人之高行

蛻其皮也有仙都羽化之靈姿候時而來順陰陽

之數應節為變審藏用之機有目斯開不以道昏

而昧其視有翼自薄不以俗厚而易其真吟喬樹

之微風韻資天縱飲高秋之墜露清畏人知僕失

路艱虞遭時微纒不哀傷而自怨未搖落而先衰

聞螀蜩之有聲誤平反之已奏見蟪蛄之抱影怯

危機之未安感而綴詩貽諸知己庶情沿物應哀

弱羽之飄零道寄人知憫餘聲之寂寞非謂文墨

蟲豸

卷二百

十

取代幽憂云爾

西陸蟬聲唱南冠客思侵那堪玄鬢影來對白頭吟

露重飛難進風多響易沈無人信高潔誰為表予心

詠早蟬

梁范雲

生隨春水薄質與秋塵輕端綏挹霄液飛音承露清

早蟬

梁簡文帝

草歇鷓鴣鳴初蟬思花落後乍飲三危露時陰五宮柳

莊書晒鵬翼衛賦宜螭首桂樹可淹留勿謂山中久

同陸廷尉驚早蟬

梁沈約

日暮野風生林蟬候節鳴望枝疑數處尋空定一聲

地幽吟不斷葉動噪群驚獨有河陽令徧嫌秋翅輕

新蟬

唐司空曙

今朝蟬忽鳴遷客若為情便覺一年老能令萬感生  
微風方滿樹落日稍沈城為問同懷者淒涼聽幾聲

早蟬

唐李咸用

門柳不連野乍聞鳴早蟬遊人無定處入耳更應先  
暫默斜楊雨重吟達岫煙前年湘竹裏風激遶離筵

新蟬

唐劉兼

齊女幌幃失舊容侍中冠冕有芳蹤翻翻晚鬢尋香  
露聲引秋絲逐遠風旅館聽時髭欲白戍樓聞處葉

蟲豸

卷二百五

十一

多紅只知送恨添愁事誰見凌霄羽蛻功

秋蟬

唐駱賓王

九秋行已暮一枝聊暫安隱榆非諫楚噪柳異悲潘  
分形妝薄鬢鏤影飾危冠自憐疎影斷荒林夕吹寒

畫蟬

唐戴叔倫

飲露身何潔吟風韻更長斜楊千萬樹無處避螳螂

賦得秋蟬咽柳應衡陽王教

一作唱

陳張正見

秋鴈寫一作遙天圍柳集驚蟬競噪長枝裏爭飛落  
木前風高知響急樹近覺聲連長楊流唱盡詎識蔡

絃

賦新題得寒樹晚蟬疎

陳張正見

寒蟬噪楊柳朔吹犯梧桐葉迴飛難住枝殘影共空  
聲疎飲露後唱絕斷絃中還因搖落處寂寞聽秋風

賦得高柳鳴蟬

隋王白禮

園柳吟涼久嘶蟬應序驚雲下綏恒濕風高翅轉輕  
葉疎風更迴秋深響自清何言枝裏翳遂入蔡琴聲

賦得弱柳鳴秋蟬

唐太宗

散影玉階柳含翠隱鳴蟬微形藏葉裏亂響出風前  
賦得含風蟬

唐盧照隣

蟲豸

卷二百五

十一

高情臨爽月急響送秋風獨有危冠意還憐衰鬢同

寒蟬樹

唐沈鵬

一葉初飛日寒蟬益易驚入林慙質細依樹媿身輕  
大幹時容息喬枝或借鳴心由餘露淨響為逐風清

忝有翩翾分

一作翼

應憐嗟嘆聲不知微薄影早晚掛

綏纓

後堂聽蟬

梁蕭子範

試逐微風逴聊隨夏葉繁輕飛避楚雀飲露入吳園  
流音繞叢藿餘響切高軒借問邊城客傷情寧可言

聽蟬鳴應詔

梁沈約

輕生宅園籟復得栖嘉樹豈敢擅洪枝輕條遭所遇  
葉密形易揚風迴響難住

和楊納言聽鳴蟬篇

北齊顏之推

聽秋蟬秋蟬非一處細柳高飛夕長楊明月曙歷亂  
起秋聲參差攪人慮單吟如轉簫羣噪學調笙風飄  
流曼響多含斷絕聲垂陰自有樂飲露獨爲清短綏  
何足貴薄羽不羞輕蟬蝦蟇下偏難見翡翠竿頭絕  
易驚容止由來桂林苑無事淹留南斗城中帝皇  
里金張及許史權勢熱如湯意氣誼城市劍影奔星  
落馬色浮雲起鼎俎陳龍鳳金石諧宮徵關中滿季

蟲豸

卷一百五十五

主

蟬

心關西饒孔子詎用虞公立國臣誰愛韓王游說士  
紅顏宿昔同春花素餐俄頃變秋草中腸自有極  
那堪教作轉輪車

此篇見初學記紅顏  
以下脫誤俟再考

聽鳴蟬篇

此史本傳曰周武帝平齊授思道儀  
同三司追封長安與同輩陽休之等  
數人作聽鳴蟬篇思道所爲詞意清切爲時  
人所重新野庾信偏覽諸同作者而歎美之

隋盧思道

聽鳴蟬此聽悲無極羣嘶玉樹裏迴噪金門一作側  
長風送晚聲清露供朝食晚風朝露實多宜秋日高  
鳴獨見知輕身蔽數葉哀鳴抱一枝流亂罷還續酸  
傷合更離慙聽別人心即斷纔聞客子淚先垂故鄉

已超忽空庭正蕪沒一夕復一朝坐見涼秋月河流  
帶地從來嶮峭路干天不可越紅塵早敝陸生衣明  
鏡空悲潘掾髮長安城裏帝王州鳴鐘列鼎自相求  
西望漸臺臨太液東瞻甲觀距龍樓說客恒持小冠  
出越使常懷寶劍遊學仙未成便尚主尋源不見已  
封侯富貴功名本多豫繁華輕薄盡無憂詎念嫖姚  
嗟木梗誰憶田單一作蘭皋倦土牛歸去來青山下秋菊  
離離日堪把獨焚枯魚宴林野終成獨校子雲書何  
如還驅少游馬

和崔黃門寓直夜聽蟬

唐張九齡

蟲豸

卷一百五十五

主

蟬

蟬嘶玉樹枝向夕惠風吹幸入連宵聽應綠飲露知  
思深秋欲近聲靜夜相宜不是黃金飾清音徒爾悲

溪館聽蟬

唐耿漳

高樹多涼吹疎蟬足斷聲已催居客感更使別人驚  
晚夏猶知急新秋別有情危湍和不似細管學難成  
當敦附金重無貪曜火明青林四面落白髮一重生  
向夕音彌厲迎風翼更輕單嘶出迴樹餘響思空城  
嘒嘒松間坐蕭寥竹裏行如何長飲露高潔未能名

聽早蟬歌

唐耿漳

蟬鳴今夕曛聲和今夏雲白日今將短秋意今已滿

乍悲鳴兮欲長猶嘶澀今多斷風蕭蕭今轉清韻  
嗟今初成依婆娑之古樹思遼落之荒城閒院支願  
深林倚策猶惆悵而無語鬢星星而已白

聞蟬

唐妓薛濤

露滌清音達風吹故葉齊聲聲似相接各在一枝栖

郊園聞蟬寄諸弟

唐韋應物

去歲郊園別聞蟬在蘭省今歲卧南譙蟬鳴歸路永  
夕響依山郭餘悲散秋景一作餘聲緘書報此時作  
遠此心方耿耿

開成二年夏聞新蟬贈夢得

唐白居易

蟲豸

卷二百五十一

十五

十年與君別常感新蟬鳴今年共君聽同在洛陽城  
噪處知林靜聞時覺景清涼風忽嫋嫋秋思先秋生  
聽新蟬寄張晝

唐方干

細聲頻斷續審聽亦難分髮髯應移處從容却不聞  
蘭栖朝咽露樹隱暝吟雲莫遣鄉愁起吾懷祗似君

○螢

詠螢

梁簡文帝

本將秋草并今與夕風輕騰空類星霄拂樹若花生  
屏疑神火照簾似夜珠明逢君拾光彩不悵此身傾

詠螢火

梁元帝

著人疑不熱焦草訝無煙到來燈下暗翻往雨中然

詠螢火

梁沈旋

火中變腐草明滅靡恒調雨墜弗虧光陽昇反奪照  
泊樹類奔星集草疑餘燄望之如可灼攬之徒有耀

詠螢

唐虞世南

的歷流光小飄飄弱翅輕恐畏人無識獨自暗中明

詠螢

唐于季子

卉艸誠幽賤枯朽絕因依忽逢借羽翼不覺生光輝  
直念恩華重長嗟報効微方思助日月為許願曾飛

詠螢

唐李嘉祐

蟲豸

卷二百五十一

十六

映水光難定凌虛體自輕夜風吹不滅秋露洗還明  
向燭仍藏焰投書更有情猶將流亂影來此傍簷楹

詠螢

唐羅鄴

空庭夜未央點滴度西墻抱影何微細乘時忽發揚  
不思因腐草便擬倚孤光

詠螢

唐唐彥謙

日下蕪城蒼莽中濕螢撩亂起花叢寒煙隱隱后長門  
閉夜雨隋家舊苑空星散欲陵前檻月影低如試北  
窓風翫人此夕方愁緒心似寒灰首似蓬

螢火

唐杜甫



幸因腐草出敢近太陽飛未足臨書卷時能點客衣  
隨風隔幔小帶雨飭林微十月清霜重飄零何處歸

螢

唐羅鄴晚

水殿清風玉戶開飛光千點去還來無風無月長門  
夜偏到堦前點綠苔

秋螢

唐駱賓王初

玉虬分靜夜金光照晚涼含輝疑泛月帶火怯凌霜  
散彩縈虛牖飄花繞洞房下帷如不倦當解借餘光

秋螢引

唐劉禹錫中

漢陵秦苑遙蒼蒼陳根腐葉秋螢光夜空寂寥金氣  
蟲豸

卷百五十一

七

淨千門九陌飛悠揚紛紛暉映互明滅金爐星噴汀  
花發露華洗濯涼風吹低昂不定招搖垂高麗翠  
照珠網斜歷璇題舞羅幌曝衣樓上拂香帟承露臺  
前轉仙掌槐市諸生夜讀書北牕分明辨魯魚行人  
東山起征思郎中騎省悲秋氣銅雀人歸自入簾長  
門帳開來照淚誰言向晦常自明兒童走步嬌女爭  
天生有光非自衛遠近低昂暗中見

月中飛螢

梁紀少瑜

遠度時依幕斜來如畏鵲向月光還盡臨池影更雙

賦得照帙秋螢

陳陽綰

秋燈餘照盡入暗早螢來忽聚還同色恒然詎落灰  
飛影黃金散依帷縹帙開含明終一作自不息夜月空  
徘徊

見螢火

唐杜甫盛

巫山秋夜螢火飛簾疎巧入坐人衣忽驚屋裏琴書  
冷復亂簷前星宿稀却繞井欄添箇箇偶經花蕊弄  
輝輝滄江白髮愁看汝來歲如今歸未歸

翫螢火

唐韋應物中

時節變衰草物色近新秋度月影纔斂繞竹光復流  
放螢怨

唐劉言史中

蟲豸

卷百五十一

七

放螢去不須留聚時年少今白頭架中科斗萬餘卷  
一字重回重照見青雲香眇不可親開囊欲放增餘  
怨且逍遙還醅酌仲舒漫不窺園井那將寂寞老病  
身更就微螢借光影

詠螢火示情人

唐李百藥初

懸裏憐燈暗堦前畏月明不辭逢露濕祇爲重宵行

○蠶

野蠶

唐于濟晚

野蠶食青桑吐絲亦成蠶無功及生人何異偷飽煖  
我願均爾絲化爲寒者衣

簇蠶辭

唐王建中

蠶欲老箔頭作繭絲皓皓場寬地高風日多不向中  
庭嚙蒿草神蠶急作莫悠揚年來為爾祭神桑但得  
青天不下雨上無蒼蠅下無鼠新婦拜簇願爾稠女  
灑桃漿男打鼓三日開箔雪團團先將新繭送縣官  
已聞鄉里催織作去一作與誰人身上著

○雜蟲

秋蟲 促織 蛙 科斗 壁魚 蠅 蚊

秋蟲

唐白居易中

切切闇窓下嚶嚶深草裏秋天思婦心雨夜愁人耳

促織

唐杜甫盛

蟲豸

卷一百五

一十九 雜蟲

促織甚微細哀音何動人草根吟不穩牀下夜相親  
久客得無淚故妻難及晨悲絲與急管感激異天真

詠蛙

唐楊收

免邊分玉樹龍底耀銅儀會當同鼓吹不復問官私

南池宴餞辛子賦得科斗子

唐岑參盛

臨池見科斗羨爾樂有餘不憂網與釣幸得免為魚  
且願充文字登君尺素書

詠壁魚

唐李遠晚

鱗細粉光鮮開書亂眼前透窓疑漏網落硯似流泉  
潛穴河圖內吞鈎乙字邊莫言鬚鬣小食盡白蘋篇

蠅蛾

唐孟郊中

燈前飛舞蛾厭生何太切想爾飛來心惡明不惡滅  
天若百尺高應去掩明月

聚蚊謠

唐劉禹錫中

沈沈夏夜蘭堂開飛蚊俟暗聲如雷嘈然歛起初駭  
聽殷殷若自南山來喧騰鼓舞喜昏黑昧者不分聽  
者惑露花滴瀝月上天利齧迎人著不得微軀七尺  
爾如芒我孤爾眾能我傷天生有時不可遏為爾設  
幄潛匡牀清商一來秋日曉羞爾微形飼丹鳥

蚊

唐孟郊中

蟲豸

卷一百五

二十一 雜蟲

五月中夜息飢蚊尚營營但將膏血求豈覺性命輕  
顧已寧自愧飲人以偷生願為天下除一使夜景清

江上蚊

唐韋楚老

越女如花住江曲嫦娥夜夜疑雙祿為君捺亂錦牕  
中十幅輕綃圍夜玉

詩雋類函一百五十卷

內府藏本

明俞安期撰是書取皇古以迄唐代之詩彙爲一編自盛唐以前刪去者少中晚以後則多所刊削凡分三十六部七百七十餘類其凡例言以材具爲主以掇拾爲用故但分門摭錄間附以詩話小說又稱焦竑之語以爲藝文類聚初學記諸書所採不載全文因於長篇大什皆加刪削蓋類書之體非總集之例也